

प्रकाशिका—श्री हर्षपुष्पासृत जैन ग्रन्थमाला
लाखावावल शांतिपुरी (सौराष्ट्र) गुजरात



वीर सं० २५०१]

विक्रम सं० २०३१

[सन् १९५५

आ आगमना अधिकारी योगवाही गुरुकुलवासी
सुविहित माधु महाराजो छे.

मूल्य रु. ६०—००

मुद्रक—
ज्ञानोदय प्रिन्टिंग प्रेस
पिण्डवाडा (राजस्थान)
(वाया-सिरोहीरोड)

गौतम आर्ट प्रिन्टर्स
व्यावर (राजस्थान)

સંપાદકીય નિવેદન

નિષ્કારણવંધુ વિશ્વવત્સલ ચરમશાસનપતિ શ્રમણભગવાન મહાવીર દેવે ભવ્યજીવોના હિતને માટે સ્થાપેલ શાસન આજે વિદ્યમાન છે. અને વિષમકાલમાં પણ ભવ્ય જીવોને માટે સર્વજ્ઞ પરમાત્માનું એ શાસન પરમઆલંબન રૂપ છે. તીર્થંકરદેવોની અવિદ્યમાનતામાં તેઓશ્રીની વાણી શાસનના પ્રાણ સ્વરૂપ હોય છે. શ્રી તીર્થંકરદેવોએ અર્થથી પ્રરૂપેલ અને ગણધરોદેવોએ સૂત્રથી ગૂંથેલ એ જિનવાણી હિતકાંક્ષી પુન્યાત્માઓ માટે અમૃત તુલ્ય છે.

વિદ્યમાન આગમ શ્રુતજ્ઞાનમાં મુખ્યત્વે ૪૫ આગમ ગણાય છે. તે ઉપરાંત પણ ૮૪ આગમની ગણતરીને હિસાવે વીજુ પળ કેટલુંક આગમ રૂપી શ્રુતજ્ઞાન વિદ્યમાન છે. આગમ સૂત્રો ઉપર નિયુક્તિઓ, ભાષ્યો, ચૂર્ણિઓ અને ટીકાઓ રચાઈ છે. અને એથી સૂત્ર સહિત આગમની એ પંચાંગી જૈન શાસનમાં માન્ય છે. તેના આધારે વર્તમાન જ્ઞાનાચાર, દર્શનાચાર, ચારિત્રાચાર, તપાચાર અને વીર્યાચાર રૂપ વ્યવહાર પ્રવર્તે છે. સમ્યગ્દર્શન સમ્યગ્જ્ઞાન અને સમ્યગ્ચારિત્ર રૂપ મુક્તિ-માર્ગ પ્રવર્તમાન છે.

પંચાંગીનો વાચના, પૃચ્છના, પરાવર્તના, અનુપ્રેક્ષા અને ધર્મકથા રૂપ પંચલક્ષણ સ્વાધ્યાય જેટલો જોરદાર તેટલી શ્રી સંઘમાં સમ્યગ્ જ્ઞાનની શુદ્ધિ જોરદાર, તેનાથી જ્ઞાનાચાર ઉજ્વલ, ઉજ્વલ જ્ઞાનાચારથી દર્શનાચાર ઉજ્વલ, ઉજ્વલ દર્શનાચારથી ચારિત્રાચાર ઉજ્વલ, ઉજ્વલ ચારિત્રાચારથી તપાચાર ઉજ્વલ, અને એ ચારે ઉજ્વલ આચારથી વીર્યાચાર ઉજ્વલ. વીર્યાચારની ઉજ્વલતાથી જૈનશાસન ઉજ્વલ. એ ઉજ્વલ જૈન શાસન સદા જયવંત વર્તે છે.

આમ શાસનનો આધાર કહો કે પાયો કહો, મૂલ કહો કે પ્રાણ કહો, એ શ્રી જિનવાણી છે. અને તે જિનવાણી ૪૫ મૂલ આગમ સહિત પંચાંગી સ્વરૂપ છે. પંચાંગીને અનુસરતા પ્રકરણ ગ્રંથો યાવત્ સ્તવન સજ્ઞાય કે નાના નિવંધ કે વાક્ય સ્વરૂપ છે. ઉપશમ વિવેક સંવર—એ ત્રિપદી સ્વરૂપ જિનવાણીથી ઘોર પાપી ચિલાતીપુત્ર પણ પતનના સાર્ગથી નીકળી પ્રગતિમાર્ગના મુસાફર બની ગયા હતા.

૪૫ મૂલ આગમના અધિકારી યોગવાહી ગુરુકુલવાસી સુવિહિત મુનિવરો છે. સાધ્વીજી મહારાજો શ્રીઆવશ્યક સૂત્ર આદિ મૂલ સૂત્રોના તેમજ શ્રીઆચારાંગ સૂત્રના યોગવહન કરવા પૂર્વક અધિકારી છે. શ્રાવક શ્રાવિકાઓ ઉપધાન વહન કરવા પૂર્વક શ્રી આવશ્યક સૂત્ર ઉપરાંત દશવૈકાલિકસૂત્રના પઙ્જાવ-નિકાય-નામના ચોથા અધ્યયન પર્યંતના શ્રુતના અધિકારી છે. આમ આગમશ્રુતના અધિકારી મુનિવરો યોગવહન કરવા પૂર્વક યોગ્યતા મુજબ અધ્યયન આદિ કરીને પોતાના જ્ઞાન દર્શન ચારિત્રને નિર્મલ બનાવે છે, અને યોગ્યતા મુજબ ધર્મકથા દ્વારા જિણવાળીનું પાન કરાવી સાધુ સાધ્વી શ્રાવક શ્રાવિકા રૂપ ચારે પ્રકારના સંઘને તેમજ માર્ગાભિમુખ જીવોને મુક્તિમાર્ગ પ્રદાન કરે છે.

૪૫ આગમસૂત્રો ૬ વિભાગોમાં વહેંચાયેલ છે. (૧) અંગસૂત્રો-૧૧ (૨) ઉપાંગસૂત્રો-૧૨ (૩) પયન્નાસૂત્રો-૧૦ (૪) છેદસૂત્રો-૬ (૫) મૂલસૂત્રો-૪ (૬) ચૂલિકાસૂત્રો-૨. આ સૂત્રોનું સ્વાધ્યાય આદિ અધ્યયન વધે તે માટે ઉપયોગી બને તે રીતે ૪૫ મૂલ સૂત્રો શ્વેતાંબર મૂર્તિપૂજક શ્રીસંઘમાં સઠંગ મુદ્રિત નથી અને જેથી આગમ સૂત્રોના સ્વાધ્યાય આદિની અનુકૂલતા થાય તે માટે શક્ય પ્રયત્ને સંશોધન કરીને પ્રગટ કરવાની યોજના વિચારવામાં આવી છે, તે યોજના મુજબ ૪૫ આગમસૂત્રો ૧૪ વિભાગમાં સંપાદન થશે. તેના પ્રથમ વિભાગમાં શ્રીઆચારાંગસૂત્ર, શ્રીસૂત્રકૃતાંગસૂત્ર, શ્રીસ્થાનાંગસૂત્ર, શ્રીસમવાયાંગસૂત્ર એ ચાર સૂત્રનો સમાવેશ કરવામાં આવ્યો છે. આ સૂત્રોમાં જુદી જુદી પ્રતો મેળવવા સાથે ટીકામાં રહેલા પાઠાન્તરો મેલર્વાને મૂલસૂત્રો સાથે કૌંશમાં આપેલા છે. પૂ. આગમોદ્ધારક આચાર્યદેવશ્રી સાગરાનંદશ્વરીશ્વરજી મહારાજ દ્વારા સંશોધિત શ્રી આગમમંજૂષા, વાવુશ્રી ઘનપતસિંહજી દ્વારા પ્રકાશિત સટીક સૂત્રો, આગમોદય સમિતિ દ્વારા પ્રકાશિત સટીક સૂત્રો, શ્રી હર્ષપુષ્પામૃત જૈન ગ્રંથમાલા દ્વારા, તથા સ્થા. સમાજ દ્વારા પ્રકાશિત શ્રી આચારાંગ સૂત્રના પુસ્તકો, શ્રી ગોડીજી જૈન પાર્શ્વનાથ પેઢી દ્વારા પ્રકાશિત શ્રીસૂત્રકૃતાંગસૂત્રસટીક, શ્રીવિજયદાનસૂરજ્ઞાનમંદિરની હસ્તપ્રતો વિગેરેનો આધાર આ સૂત્રો માટે સંશોધનમાં લેવામાં આવ્યો છે.

શ્રી શ્રમણ સંઘમાં આગમો કંઠસ્થ કરવામાં સ્વાધ્યાય કરવામાં વિસ્તૃત ટીકાઓના વાંચન પછી મૂલસૂત્રોનું પુનરાવતન કરવામાં આ મૂલ સૂત્રોના સંયુક્ત સંપાદનથી ઘણી અનુકૂલતા રહેશે. અને એથી હોંશે હોંશે ઉત્સાહી મુનિ ભગવંતો સૂત્રો કંઠસ્થ કરીને આગમ શ્રુતને ધારણ કરવા માટે પણ સમર્થ બની શકશે. ૨, ૫, કે ૧૦, ૨૦ સૂત્ર કંઠસ્થ કરનારા અને પુરતો પ્રયત્ન થાય તો એક લાખ શ્લોક પ્રમાણ મૂલ સૂત્રો કંઠસ્થ કરી ધારી રાખનારા અનેક ગણો મુનિવરોમાં થઈ શકશે. 'જ્ઞાનધનાઃ સાધવઃ' 'શાસ્ત્રચરુપઃ સાધવઃ' એ વિધાન મુજબ શ્રમણ સંઘના પ્રાણ સમાન આ આગમ સૂત્રોનું શ્રી શ્રમણ ભગવંતો દ્વારા વિશેષ પરિશીલન

થતાં શ્રીસંઘને માટે શ્રી શામન ને માટે ઘણી ઉજ્જલતા ફેલાશે. અને એ આશયથી સ્વપરના શ્રેયકારી આગમ સૂત્રોનાં સંશોધન સંપાદનમાં અવિરત ઉત્સાહ પ્રવર્તમાન છે.

પ્રકાશનની સગવડતા માટે શ્રી પિંડવાડા જૈન સંઘના આગેવાન અને શ્રી ભારતીય-પ્રાચ્ય-તત્ત્વ-પ્રકાશન સમિતિના કાર્યકર્તાઓ શ્રાદ્ધવર્યશ્રી સમરથમલજી ભાઈ શ્રાદ્ધવર્યશ્રી લાલચંદજી ભાઈ વિગેરે તેમજ શ્રી જ્ઞાનોદય પ્રિન્ટિંગ પ્રેસ (પિંડવાડા) ના મેનેજર શ્રી ફતેહચંદભાઈ તેમજ શ્રી ગૌતમ આર્ટ પ્રિન્ટર્સ (વ્યાવર) ના વ્યવસ્થાપક શ્રી છગનલાલભાઈ એ જે સ્વંત અને ઉત્સાહ વતાવ્યા છે તેને કારણે આ પ્રકાશનો સમયસર પ્રકાશિત થઈ રહ્યાં છે.

ચરમ તીર્થપતિ શ્રમણ ભગવાન મહાવીર દેવે પ્રકાશેલ જિનવાણીનો પ્રભાવ પાંચમા આરાના છેડા સુધી રહેશે. એ જ્વલંત જિનવાણીનો પ્રકાશ આપણા આત્માને અજવાળનારો બને તે માટે યોગ્યતા અને અધિકાર મુજબ જિનવાણીની ઉપાસના ભક્તિમાં ભાવોલ્લાસ પૂર્વક રસ લઈ રહ્યો છું તે ટકી રહે અને સૌ શ્રુત આરાધનામાં ઉજમાલ બનીએ એજ મારા અંતરની શુભ ભાવના છે.

વીર સં. ૨૫૦૧ વિ સં ૨૦૩૧
જેઠ સુદ ૧૧ ગુરુવાર
શેઠ મોતી શા લાલવાગ જૈન ઉપાશ્રય
ભુલેશ્વર મુંબઈ-૪

હાલાર દેશોદ્ધારક કવિરત્ન પૂજ્ય આચાર્યદેવ શ્રીમદ્વિજય-
અમૃતસૂરીશ્વરજી મહારાજાનો ચરણ સેવક-
પં. સિનેન્દ્રવિજય ગણી



● પ્રકાશકીય નિવેદન ●



અમારી ગ્રન્થમાલા તરફથી આ શ્રીમદાગમસુધાસિન્ધુ પ્રથમ વિભાગ મૂલ પ્રગટ કરતા આનંદ અનુભવીએ છીએ । હાલમાં ૪૬ આગમ મૂલ અને કેટલાક આગમ ટીકા સહિત પ્રગટ કરવાનું કામ શરૂ કરતાં આ ગ્રન્થ નાગરી લિપિમાં મોટા ટાઇપમાં પ્રગટ કરેલ છે ।

આ ગ્રન્થનું સંશોધન સંપાદન હાલારદેશોદ્ધારકે કવિરત્ન સ્વ. પૂ. આચાર્યદેવ શ્રીમદ્-વિજયઅમૃતસૂરીશ્વરજી મહારાજના શિષ્યરત્ન પૂ. પંન્યાસ શ્રી જિનેન્દ્રવિજયજી ગણિવરે ઘણી સંત થી કરેલ છે ।

કાગળ છપાઈ આદિના ભાવ વધવાને કારણે સર્વ ધાર્યા કરતાં વધુ આવે છે । મોટા ટાઇપમાં મુદ્રિત કરાતાં પેજ વધારે થાય છે । પરંતુ ટકવાની અને અભ્યાસની દૃષ્ટિએ અનુકૂળતા રહેશે ।

આગમ સૂત્રોના અધિકારી યોગવાહી ગુરુકુલવાસી સુવિહિત મુનિઓ છે । એ શાસ્ત્રવિધિ મુજબ પૂજ્ય શ્રમણમંથમાં આગમ વાંચનાદિમાં અનુકૂળતા થાય તે રૂપ ધ્યા શ્રુતભક્તિ કરતાં અમે આનંદ અનુભવીએ છીએ ।

શ્રી આચારાંગ સૂત્રાદિ ૪ મૂલ સૂત્રો આ પ્રથમ વિભાગમાં પ્રગટ થઈ રહ્યાં છે । ૪૫ મૂલ આગમ ૧૪ વિભાગમાં પ્રગટ થશે । સટીક આગમોમાં શ્રીમદન્તકૃદશા, શ્રીમદન્તરોપપાતિકૃદશા અને શ્રીમદુપાસકૃદશા સૂત્ર તૈયાર થઈ ગયાં છે । મુદ્રણ માટે શ્રી જ્ઞાનોદય પ્રિન્ટિંગ પ્રેસ, પિંડવાડા અને શ્રી ગૌતમ આર્ટ પ્રિન્ટર્સના વ્યવસ્થાપકો એ સારી સંત રાખી છે તે માટે તેમનો આભાર માનીએ છીએ.

ગ્રીર સંવત્ ૨૪૦૧
ચિં સં ૨૦૩૧
ચિંપટ સુદ ૧૦ ચુધવાર
તા ૧૫-૬-૭૫

લિ.-

નેમચદ વાઘજી ગુહકા
નવીનચદ્ર ધાવુલાલ ગાહ

* अनुक्रमः *

॥१॥ श्रीमदाचाराङ्गसूत्रम्

(पृष्ठ १ थी १४०)

॥१॥ प्रथमो ब्रह्मचर्यश्रुतस्कन्धः			क्रम	अध्ययन नाम	पृष्ठ कः
क्रम	अध्ययन नाम	पृष्ठांकः			
१	शस्त्रपरिज्ञा (उद्देशा-७)	१	५ (१४)	वस्त्रैषणा (उद्देशा-२)	१९
२	लोकविजय (उद्देशा-६)	९	६ (१५)	पात्रैषणा (उद्देशा-२)	१०५
३	शीतोष्णीय (उद्देशा-४)	१६	७ (१६)	अवग्रह-प्रतिमा (उद्देशा-२)	१०८
४	सम्यक्त्व (उद्देशा-४)	१९	द्वितीया चूलिका		
५	लोकसार (उद्देशा-६)	२३	१ (१७)	स्थान	११३
६	घृत (उद्देशा-५)	२८	२ (१८)	निपीधिका	११४
७	महापरिज्ञा (व्युच्छिन्नम्)	---	३ (१९)	उच्चार प्रश्रवणा	११४
८	विमोक्ष (उद्देशा-८)	३३	४ (२०)	शब्द	११८
९	उपधानश्रुत (उद्देशा-४)	४१	५ (२१)	रूप	१२०
॥२॥ द्वितीयोऽग्र-श्रुतस्कन्धः प्रथमाचूलिका			६ (२२)	परक्रिया	१२१
			७ (२३)	अन्योन्यक्रिया	१२४
१ (१०)	पिण्डेसणा (उद्देशा-११)	४७	तृतीया चूलिका		
२ (११)	शय्यैषणा (उद्देशा-३)	७१	१ (२४)	भावना	१२४
३ (१२)	ईर्या (उद्देशा-३)	८३	चतुर्थी चूलिका		
४ (१३)	भाषाजात (उद्देशा-२)	९३	१ (२५)	विमुक्ति	१३९

॥२॥ श्रीमत्सूत्रकृताङ्गसूत्रम्

(पृष्ठ १४१ था २५४)

प्रथमः श्रुतस्कन्धः			क्रम	अध्ययन नाम	पृष्ठांक
क्रमः	अध्ययन नाम	पृष्ठांक			
१	समय (उद्देशा ४)	१४१	५	नरकविभक्ति (उद्देशा-२)	१६१
२	वैतालीय (उद्देशा-३)	१४६	६	वीरस्तुति	१६५
३	उपसर्गपरिज्ञा (उद्देशा-४)	१५२	७	कुशीलपरिभाषा	१६७
४	स्त्रीपरिज्ञा (उद्देशा-२)	१५२	८	वीर्य	१६९
			९	धर्म	१७१

क्रम	अध्ययन नाम	पृष्ठांकः	द्वितीयः श्रुतस्कन्धः	क्रमः	अध्ययन नाम	पृष्ठांक
१०	समाधि	१७३	१	पौण्डरीक	१८६	
११	मार्ग	१७५	२	क्रियास्थान	२०२	
१२	समवसरण	१७८	३	आहारपरिज्ञा	२२२	
१३	याथातथ्य	१७९	४	प्रत्याख्यान	२३२	
१४	ग्रन्थ	१८१	५	आचारश्रुत	२३६	
१५	आदानीय	१८३	६	आर्द्रकीय	२३८	
१६	गाथा	१८५	७	नालन्दीय	२४२	

॥३॥ श्रीमत्स्थानाङ्गसूत्रम् ॥

(पृष्ठ २५५ थी ४५८)

क्रम	अध्ययन नाम	पृष्ठांक	क्रम	अध्ययन नाम	पृष्ठांक
१	एकस्थान	२५५	६	षट्स्थान	३८६
२	द्विस्थान (उद्देशा-४)	२५६	७	सप्तस्थान	३७८
३	त्रिस्थान (उद्देशा-४)	२८५	८	अष्टस्थान	४१३
४	चतुःस्थान (उद्देशा-४)	३१५	९	नवस्थान	४२७
५	पञ्चस्थान (उद्देशा-३)	३६७	१०	दशस्थान	४३९

॥४॥ श्रीमत्समवायाङ्गसूत्रम् ॥

(पृष्ठ ४५९ थी ५५८)



સમર્પણ

પરમ પૂજ્ય પ્રશાંતમૂર્તિ પ્રકૃષ્ટવદતા કવિરત્ન પ્રવચન પ્રભાવક હાલાર-
દેશોદ્ધારક પરમ ઉપકારી ગુરુદેવ સ્વર્ગસ્થ પૂજ્યપાદ આચાર્યદેવ
શ્રીમદ્ વિજયચમૃતસૂરીશ્વરજી મહારાજ

જેઓશ્રીએ

પ્રભુ મહાવીર દેવના કલ્યાણકારી શાસનજો ભવ્ય જીવોના હિત માટે
પ્રચાર પ્રસાર કરતાં અનેક આત્માઓને મોક્ષ માર્ગના યાત્રિક બનાવ્યા
છે. તે સાથે મને પણ અજ્ઞાન અને મિથ્યાત્વના ઘેરા વમલમાંથી
ઁચેંચી, સંસાર પારાવાર પાર કરવા યાનપાત્ર સમ સંયમ ધર્મમાં
સ્થાપન કર્યો અને મારી સંયમ માધનાની સફલતા માટે
જેઓશ્રીએ સતત હિતચિંતા સેવી હતી. તેઓશ્રીના મહ-
દુપકારની સ્મૃતિમાં યત્નિકચિત્ કૃતજ્ઞતા રૂપે

તેઓશ્રીને

શ્રી ત્રાગમ સુધા સિન્ધુ

પ્રથમ વિભાગ

સાર સમર્પણ કરી કૃતકૃત્યતા અનુભવું છું.

ગુરુદેવ-કૃપાકાંક્ષી
જિનેન્દ્રવિજય

॥ शुद्धिपत्रकम् ॥

पृष्ठ	पंक्तिः	अशुद्ध	शुद्धं	पृष्ठ	पंक्तिः	अशुद्धं	शुद्धम्
३	११	समारभंतो	समारंभते	१५४	१८	वल	वलया
५	१३	कट्टनिस्सिया	कट्टनिस्सिया	१५९	१३	अन्नपागाय	(अन्नपागाय)
१२	८	ददे	ददे	१७४	५	(आरंभसत्तो)	(आरंभसत्तो)
१६	१४	करुसयं	करुसयं	१७६	१	इत्ताव एव	(इत्ताव एव)
२०	१	गद्वे	सुद्वे	१७७	१२	अइमाणं च	अइमाणं च मायं च
२४	१०	चेयं	एय	१७७	१७	बुद्वे	(बुद्वे)
३०	१५	आयणं	आयाणं	१८०	१६	मेव०	सेव०
३४	१८	सवस्मिणोमि	समुष्मिणोमि	१९१	२	कडुएति	कडुएति
३५	२४	विणयन्ने	विणयन्ने	१९६	१३	रत्त	रत्त
४०	१७	जिवीए	जीविए	२०५	१३	चितासोगर०	चितासोगसागर०
४३	५	अप्पि	अप्पं	२०६	१	मणो	माणी
४६	६	पुण्णकम्मासं	पुराणकुम्मासं	२०७	१	नियट्टइ	ण नियट्टइ
५६	२	पयलमाले	पयलमाणे	२१०	४	एगइओ	एगइओ
६३	२४	पुक्खलं	पुक्खलं वा	२१२	२०	अयं पुरिसे,	अयं पुरिसे
६८	१७	अजाण्या	अजाणया				देवजीवणिज्जे
७४	१०	निरुवरुवे	विरुवरुवे				खलु अयं पुरिसे
७५	१२	वियट्ठित्तए	वियट्ठित्तए	२१४	७	सत्त्वओ कय-	वे वार छे ते
७६	२	निकखत्तपुब्बा	निकिखत्तपुब्बा			विक्कय -	एक वार गणवुं
७६	१५	अलिहणेज्ज	अभिहणेज्ज			.. जावज्जीवाए,	
८४	१०	वणिमागा	वणिमगा	२१७	१	सुद्धहियया	" "
८६	५	विकखूवा	मिक्खू वा			खग्गिविसाणं व	
८९	२	अणालाइए	अणासादए	२३४	२१	वणवकम्मे	वपावकम्मे
१०२	१४	हुदेसएण	वहुदेसिएण	२४२	११	पुरिसे	से पुरिसे
१२७	१४	अवमाहिज्जति	एवमाहिज्जति	२५५	५	एवमक्खाये	एवमक्खाय
१३७	३	पणीयरसभोयणभाइ	पणीयरसभोयणमोई	२५५	१२	एग मणे	एगे मणे
१३७	३	अइमत्तप णभोयण	अइमत्तपाणमो.यणमोई	२५५	२३	वोरियपुकारं०	वोरियपुरिसकार०
		मोयणमाइ		२६४	१८	पन्नत्त	पन्नत्ते
१३८	५	भस्सिज्जा	भंसिज्जा	२६५	१४	डुवि	डुविहे
१३६	१८	मेहुणो	मेहुणे	२६५	२०	अछिगिज्झ	अभिगिज्झ
१४१	१०	चे	चेव	२८३	१८	पुप्फदत्ते	पुप्फदत्ते
१४३	८	तुमं दे	तु मदे	२८५	१	त्रिकस्थानकाध्ययनम्	त्रिस्थानकाध्ययनम्
१४५	१२	वसवत्ता	वसवत्ती	२९०	१०	धम्मायरिस्स	धम्मायरियस्स
१४८	१८	सोउण	(सोउण	२९०	११	उच्चट्ठित्ता	उवट्ठित्ता
				२९३	९	अरहतवसे	अरहतवसे

पृष्ठं पंक्तिः	अशुद्धं	शुद्धम्
२९३ ११	० उस्सप्पिणीए	० उस्सप्पिणीए
२९६ १६-२१	पूरिस-	पूरिस-
२९७ ६	अलभित्ता	अलंभित्ता
२९८ १२	अविभतिमा	अविभातिम*
३०७ १३	१६	१७
३११ १	केसंमंसु०	केसमंसु०
३१५ २१	णं णा	ण णो
३१६ १११	दिट्ठा	दिट्ठी
३३१ ९	(उज्जूमणे)	(उज्जूमणे)
३३४ १३	पन्नत्ते	पन्नत्ता
३४४ ११	तजह-	तंजहा-
३४९ १७	कलुसमावन्ने	कलुससमावन्ने
३५६ १३-	० कवट्ठे	० कट्ठे
१४-१५		
३६० १४	पगरेंति	पगरेंति
३६३ ३	जीहाऽविऽय कडुयभासिणो	जीहाऽवि य महुरभासिणी
३६४ २२	जिबभमयातो	जिबभामयातो
३६७ १०	मणुस्स-	मणुस्स०
३७१ ८	सम्मणणुप्प- वात्तिता	सम्ममणुप्प- वात्तिता
३७४ १७	२, २	५, २
३८५ २२	भास-	भासा
३९१ २३	अत्तवता	अत्तवतो
३९४ ६	ओसलवइत्ता	ओसक्कवइत्ता
४०३ १७	पंजम	पचम
४१४ १४	उवयवाए	उववाए
४१८ ३	अवादणे	अवादाने
४२६ ४	केवली०	केवलि०
४२७ १०	कुल०	कुल०
४३५ २२	सागरमत्तोमे	सागरमत्तोमे
४४१ २	चालेज्जा	चलेज्जा
४४१ २२	आदिन्नादान	अदिन्नादान-
४४४ १	कुड्डा	कुड्डा
४४८ २१	सिद्धिगइं	सिद्धिगइ

पृष्ठं पंक्तिः	अशुद्धं	शुद्धम्
४५१ १३	सेच्छती	लेच्छती
४५२ ११	ववती	ववत्ती
४६४ ७	आयण०	आयाण०
४६८ ३	अरुरासं	अरुणाभ
४७६ १	पुरोहियत्तणे	पुरोहिबयरणे
४७८ २	तेसी णं	तेसि णं
४७८ ४	परिनिच्चाइसति	परिनिच्चाइस्संति
४८१ २४	पन्नत्त,	पन्नत्ता
४८५ १६	डुंगुछा	डुगु छा
४८६ १२	उवट्ठिय	उवट्ठियं
४९७ ७	०परियाइं	परियायं
४९७ १२	आतबे	आतये
४९८ १५	उवभगंतगाए	उवभोगंतराए
५०३ १६	सत्तीतसं सत्तत्तीस	सत्तत्तीसं सत्तत्तीसं
५०४ ७	मदरा	मंदरा
५०६ २	इसिभासिय	इसिभासिय
	उसवणा	उज्जयणा
५०८ ६	उत्तग०	उत्तर०
५२० १६	जोयणसहससइ	जोयणसहस्साइं
५२१ ११	उच्चत्तेणं	उड्ढं उच्चत्तेणं
४०६ ८	वित्थेरेणं	वित्थेरेणं
५३३ १२	इड्ढिविसेसा	इड्ढिविसेसा
५३४ ११	अबुह० विवोहण०	अबुह० विवोहण०
५३५ २१	जरमणजोणि-	जरमरणजोणि-
५३६ ११	दुगालसंगं	दुवालसग
५४० १४	णिरयावाआ	निरयावासा
५४१ २०	जतमुसलसडि०	जंतमुसलमुसंडि०
५४३ १२/१३	उक्कोसेण	उक्कोसेणं
५४४ ३	एगिदिय०	एगिदिय०
५४७ २३	त	त जहा-
५४९ १३	सव्वोउग-माए	सव्वोउगमुमाए
५५० १३	सले	साले
५५१ २०	वदभत्तो	वभदत्तो

(सूचना-शुद्धिपत्रकनो उपयोग करी अध्ययन करवुं जरूरी छे.)

४५ आगम (मूल) श्रेणी योजना

* श्रीआगमसुधासिन्धु: *

संपादक: पू. पं. श्री जिनेन्द्रविजयजी गणिवर

अग्यार अंग सूत्रो:—

प्रथमो विभाग:

नं.	नाम	श्लोक
१	श्री आचारांग सूत्र	२७४४
२	„ सूत्रकृताङ्ग „	२१००
३	„ ठाणाग „	२७२०
४	„ समवायांग „	१६६०
		१००१८

द्वितीय-तृतीय-विभाग:

५	„ भगवती सूत्र	१५७५२
---	---------------	-------

चतुर्थो विभाग:

६	„ ज्ञाता सूत्र	५४५४
७	„ उपासक दशा „	८१२
८	„ अतकृदशा „	७९०
९	„ अनुत्तरोपपातिक „	१६२
१०	„ प्रश्नव्याकरण „	१२५०
११	„ विपाक „	१०१६
		३५४६०

चार उपांग सूत्रो:—

पञ्चमो विभाग:

नं.	नाम	श्लोक
१	श्री उववाङ्ग सूत्र	११६७
२	„ राजप्रज्ञीय „	२१२०
३	„ जीवाभिगम „	४७००
षष्ठो विभाग:		
४	„ पन्तदणा सूत्र	७७८७

सप्तमो विभाग:

५	„ जंबूद्वीप प्रज्ञप्ति सूत्र	४४५४
६	„ चद्र प्रज्ञप्ति „	२२००
७	„ सूर्य प्रज्ञप्ति „	२२९६
८	„ कलिका सूत्र	
९	„ कल्पावतंसिका „	
१०	„ पुष्पिका „	
११	„ पुष्प वृत्तिका „	११०९
१२	वह्निदशा	२५७३४

१० पयन्ना सूत्रो:—

अष्टमो विभाग:

नं.	नाम	श्लोक
१	श्री चउशरण सूत्र	८०
२	„ आउरपच्चक्खण „	१००
३	„ महापच्चक्खण „	१७६
४	„ मयत्त परिज्ञा „	२१५
५	„ तदुर्व्वयालीय „	१३८
६	„ सस्तारक „	१५५
७	„ गच्छाचार „	१७५
८	„ गणिविज्ञा „	१०५
९	„ देवेन्द्र स्तव „	३७५
१०	„ मरणसमाधि „	८७५
१	„ चद्र वेद्यक „	१७४
२	„ वीरस्तव „	४३
		२६११

—: ६ छेद सूत्रो :—

नवमो विभागः

नं.	नाम	श्लोक
१.	श्री निशीथ सूत्र	८-१
२.	„ बृहत्कल्प „	४३१
	„ पंचकल्पभाष्य „	३१३५
३.	„ व्यवहार „	३७३
४.	„ दशाश्रुत „	२१०६
५.	„ जीतकल्प „	१०५

दशमो विभागः

६.	„ महा निशीथ सूत्र	४५४८
----	-------------------	------

एकादशमो विभागः

श्री कल्पसूत्र	सूत्र	१०१५
		१०७४१

४ मूल सूत्रो:-

द्वादशमो विभागः

१ श्री आचक्षपक सूत्र	२५००
२ „ ओषनिर्घुक्ति „	१३५५

त्रयोदशमो विभागः

३ „ दशवैकालिक „	७२०
„ पिडनिर्घुक्ति „	८३५
४ „ उत्तराध्ययन „	२०००
	७३९०

२ चूलिका सूत्रो

चतुर्दशमो विभागः

१ श्री नंदी सूत्र	७००
२ श्री अनुयोगद्वार सूत्र	१८९६
	२५९९

सटीक आग गो आदि

नं	नाम	मूल श्लोक	टीकाकार	टीका श्लोक
१	श्री आचारांग सूत्र	२५५४	श्री शोलांकाचार्य	१२०००
२	श्री उपासकदशांग „	८१२	श्री अभयदेवसूरिजी	८००
३	श्री अतकृद्दशांग „	८९९	„	४००
४	श्री अनुत्तरोपपातिक „	१८२	„	१००
५	नवस्मरणानि गौतमस्वामिरासश्च			



૪૫ આગમ શ્રેણી પુસ્તક યોજના શ્રંગે

● નિવેદન ●

જળાવતાં આનંદ થાય છે કે પરમ કરુણાનિધિ ચરમ તીર્થપતિ શ્રમણ ભગવાન મહાવીરદેવે મધ્ય જીવોના શ્રેયના હેતુ રૂપ તીર્થની સ્થાપના કરી અને ગણધર દેવોને ત્રિપદોનું પ્રદાન કર્યું લઘિધનિધાન શ્રી ગણધર દેવોએ દ્વાદશાંગીની રચના કરી જેમની પાટ પરપરા વિદ્યમાન છે તે શ્રીમત્સુધર્મસ્વામીજીની દ્વાદશાંગી પ્રવર્તમાન રહી અને વર્તમાનમાં અગ્યાર અંગ આદિ અંગ પ્રવિષ્ટ અને બાર ઉપાંગ, દશ પયગ્ના, છ છેદ, ૪ મૂલ અને ૨ વૂલિકા સૂત્રો શ્રેમ અંગ વાહ્ય શ્રુતજ્ઞાન આદિ વિદ્યમાન છે તે સૂત્રો ઉપર પૂર્વાચાર્ય મહાપુરુષો વિરચિત, નિર્યુક્ત, ભાષ્ય, ચૂર્ણ, ટીકા, અવજૂરિ વિગેરે આગમાનુસારી શ્રુત વિદ્યમાન છે.

આ કલ્યાણકારી શ્રુતના આધારે શ્રી મહાવીર પરમાત્માનું શાસન પ્રવર્તમાન છે, પૂજ્ય આચાર્ય મગદતો આદિ મુનિરાજો આદિ યોગવહન, ગુરુકુલવાસ, ગુરુઆજ્ઞા આદિ યોગ્યતા મુજબ એ શ્રુતના અધિકારી છે, અને એથી એ શાસ્ત્રીય મર્યાદામાં રહેતા પૂજ્યોને આ શ્રુતજ્ઞાનના સ્વાધ્યાય આદિની અનુકુલતા રહે તે હેતુથી શ્રુત ભક્તિરૂપે ૪૫ આગમો મૂલ તેમજ કેટલાક સૂત્રોની ટીકા આદિ મુદ્રિત કરવાનું નક્કી કર્યું છે. તેનું સંશોધન અને સંપાદન હાલાર-દેશોદ્ધારક પૂજ્ય આચાર્યદેવ શ્રીમદ્ વિજય અમૃતસૂરીશ્વરજી મહારાજના શિષ્ય પૂજ્ય પન્ન્યાસ શ્રી જિનેન્દ્રવિજયજી ગણિવર અથાગ પરિશ્રમ પૂર્વક કરી રહ્યા છે.

આ સૂત્રો શ્રી સંઘના મંડારોમાં, પૂજ્ય ગુરુદેવોને અર્પણ કરવા પ્રસારિત કરવાનો અમે નિર્ણય કર્યો છે તેની મર્યાદિત નકલો પ્રકાશિત થાય છે અને જે શ્રી સઘો કે શ્રુતમક્તિ રૂપે શ્રાવકોએ આ પ્રતિઓ મેલ્લવશી હોય તેમણે પોતાની પ્રતો ની યાદી લખાવી દેવા વિનંતિ છે.

સૂત્રોની પ્રતો મર્યાદિત પ્રકાશિત થાય છે વહી વકસેલરોને તે વેંચવા આપવાની નથી એટલે પાછલથી પ્રતિઓ પ્રાપ્ત થવી મુશ્કેલ પડશે. જેથી મંડારોને સુવ્યવસ્થિત અને સમૃદ્ધ બનાવવા શ્રી સઘોએ પોતાના સેટ તરતમા લખાવી દેવા, પૂજ્ય ગુરુદેવો કે સઘોને અર્પણ કરવા યા શ્રી શાસનની મિલકત રૂપે સુરક્ષિત રાખી, પૂજ્ય ગુરુદેવોને સ્વાધ્યાય આદિ માટે અર્પણ કરવા સુશ્રાવકો પળ આ સેટ खરીદી શકશે તેઓ આ સેટ વાંચી કે વેંચી શકશે નહીં.

૪૫ આગમો અને ૪/૫ સૂત્રોની ટીકાઓ આદિ જે કાર્ય હાથ ઉપર ધરાયું છે તેનું મૂલ્ય અંદાજ રૂ. ૬૦૦ થી ૭૦૦ થશે દર વરસે ૮ થી ૧૦ સૂત્રો તૈયાર થશે. જેમણે સેટ લખાવવા હોય તેમણે રૂ. ૨૦૦) એક સેટ લીધે મોકલવા અને એટલા સૂત્રો તેમને પ્રાપ્ત થયા પછી તેમને જળાવવાથી આગલના સૂત્રો માટે રકમ મોકલવાની રહેશે.

ચૌદ વિનાગમાં ૪૫ આગમ પ્રગટ થશે તેમાં ૧ લો વિનાગ તૈયાર છે ૮ મો વિનાગ પણ પૂર્ણ થવા આવ્યો છે. વાદ ૧૨ મો તેરમો ચૌદમો તૈયાર થશે તથા શ્રી ઉપાસકવંશ સટીક શ્રી અંતકૃદવંશ સટીક, શ્રી અનુત્તરોપપાતિક વંશ સટીક ૫૦ તૈયાર છે, શ્રી આચારાંગ સૂત્ર સટીક હવે છપાશે.

पहोंचाडवानी सगवडता रहे ते माटे ८ थो १० सूत्रो तेंपार थयेथी रवाना कराशे. जेथी सेट मंगा-
बनारे पोताने मोकलवानुं रेल्वे के ट्रान्सपोर्ट द्वारा प्राप्त थाय तेवुं सरनामुं जणावबुं.

आ भागम श्रेणी अंगे नाम नोंधाववा तथा रकम मोकलवाना सरनामा:-

- | | |
|---|--|
| (१) महेता मगनलाल चत्रभुज
शाक मारकेट सामे निशाल कली,
जामनगर, (सौराष्ट्र) | (४) शा. वेलजी हीरजी गुढका
५२ बी. एम. आझाद रोड, रंगवाला चाल,
मुंबई-४०००११ |
| (२) शा. मनसुखलाल जीवराज भाडलावाला
शराफ बजार, राजकोट (सौराष्ट्र) | (५) शा. रीखनचंद कुलचंद
सी पी. टेन्क १ लो पारसीवाडो
खलीफ मेन्सन, बी. पी. रोड, मुंबई-४ |
| (३) शा. वालजी गणशी
C/o हीरा एम्पोरीयम, आनंदरोड,
मलाड (वेस्ट) मुंबई-४०००६४ | |

आ भागम श्रेणी उपरांत अप्रगट तथा अप्राप्य ग्रन्थोनुं विशाल पाया उपर प्रकाशन करवानी
पण अमारी धारणा छे

श्रुतज्ञाननी आ भक्तिना कार्यमां सोनो साथ मळशे तो अमे वहेलासर सफल यशुं. भेथी आ
अंगे योग्य सहकारनी अपेक्षा राखी श्रुतज्ञान भक्तिना कार्यमां साथ आपवा नम्र विनंति छे.



॥ गुरु स्तुतिः ॥

पन्न्यासो गणिवर्यबुद्धिविजयस्यागीतपस्वी महान् तच्छिष्यो गणभृत् सहाऽखिलगुणैः पन्न्यासधर्यः सुधीः ।
आनन्दो विजयान्तनामसहितः शिष्यस्तदीयो गुणो जातः सर्वगुणाकरश्च हर्षविजयस्तेभ्यो नमः सन्ततम् ॥१॥
श्रीमानुग्रतप प्रभावमहितः सर्वार्थसिद्धिप्रदः पञ्चाचारपवित्रबोधिविदितः कर्पूरसूरीश्वरः ।
जातो येन कृतं स्वशासनमहो सर्वोत्तमं भूतले तत्पादौ कलिकल्पवृक्षसदृशौ भक्त्या नुमः सन्ततम् ॥२॥
त्यक्त्वा सर्वरसाञ्च संयमपरः सिद्धान्तनिष्ठः प्रभुः ग्राम्यांससम्यजनान् सदा ह्युपदिशत् सद्धर्मकर्मादिकम् ।
सूरिः श्रीविजयामृतः कबिवरो हालारदेशोद्भूतिं कृत्वाऽऽश्चर्यमयञ्च कार्यमखिलं प्राप्तो जगत्पूज्यताम् ॥३॥



॥ श्री हर्षपुष्पासृतं जैन ग्रन्थमाला ॥

लाखावावल-शान्तिपुरी (हालार) सौराष्ट्र

ग्रंथांक	ग्रन्थनुं नाम	मूल्य रु० पैसा	ग्रंथांक	ग्रन्थनुं नाम	मूल्य रु० पैसा
(१)	दीक्षानु सुंदर स्वरूप	१-५०	(३६)	अक्षय तृतीया [सचित्र]	०-३५
(२)	विधियुक्त पौषविविध	१-३५	(३७)	कार्तिक पूर्णिमा महिमा	०-२५
(३)	स्वाध्याय सुधारस (नूतन सज्जायो)	०-५०	(३८)	छन्वोमृतरसः	०-३०
(४)	स्तवनामृत संग्रह	१-५०	(३९)	समेतशिखर तीर्थवंदना	०-१६
(४)	जिनेन्द्र भक्ति भावना (त्रीजी आवृत्ति)	१-००	(४०)	नारकी चित्रावली [त्रीजी आवृत्ति]	८-००
(६)	चतुर्विंशति जिन चैत्यवन्दनादि	०-५०	(४१)	शत्रु क्षय-तीर्थवंदना (बीजी आवृत्ति)	०-२०
(७)	नवस्मरणादि स्तोत्र संग्रह	१-००	(४२)	भक्तामर सौरभ (महिमा कथाओ)	१-२५
(८)	जयविजय कथानकम्		(४३)	नारकी चित्रावली (हीन्दी)	६-००
(९)	श्री लेखामृत संग्रह भा. १		(४४)	मनोहर स्वाध्याय सौरभ (उत्तरा- ध्ययन मूल)	१-७५
(१०)	सद्गुरुवदन चैत्यवदन		(४५)	महामंत्र प्रभाव	०-८०
(११)	चौद नियम धारवानी द्रुक	०-२०	(४६)	श्री नमस्कार पद स्तवना	०-२०
(१२)	लेखामृत संग्रह भा. २	१-००	(४७)	वार्ता विहार	१-००
(१३)	जिनेन्द्र भक्तिसुवा (आवृत्ति त्रीजी)	१-७५	(४८)	सत्कर्म चित्रावली (बीजी आवृत्ति)	प्रेसमां
(१४)	सोम भीम कथा तथा तपोमूर्ति पू. आ श्री विजय कर्पूरसूरिजी म. नु जीवन चरित्र	०-५०	(४९)	कल्पसूत्र पूजा व्याख्यान (सचित्र)	३-५०
(१५)	सक्षिप्त आद्वधर्म प्रथम भाग	२-५०	(५०)	पू वापजी न० नो खुलासो	०-२०
(१६)	स्नानपूजा स्तवनादि	०-२५	(५१)	कुलभूषण (सचित्र कथा)	२-००
(१८)	श्री लेखामृत संग्रह भा. ३	०-५०	(५२)	लक्ष्मी सरस्वती सवाद	०-५०
(१९)	होलिका व्याख्यान	०-२०	(५३)	श्री आचारांग मूल (मोटा टाइप)	१०-००
(२०)	मंगल फलश कथा	०-३०	(५४)	सुनदा रुपसेन	०-५०
(२१)	प्रभु महावीर देव	०-२५	(५५)	पारसमणि-(वार्तासंग्रह)	१-२५
(२२)	नित्यनोष	०-२०	(५६)	जन्म पत्रिका रजिस्टर (३०० कुंडली माटे)	४-००
(२३)	वे प्रतिक्रमण सूत्रो	०-५५	(५७)	घनंजय नाममाला	१-७५
(२४)	श्री विविध पूजामृत संग्रह	३-००	(५८)	जिनेन्द्र संगीतमाला	३-५०
(२५)	महात्मा मत्तोदर	०-३०	(५९)	अनेकार्थ संग्रह सटीक भाग १ लो	१०-००
(२६)	श्री लेखामृत संग्रह भा ४	०-७५	(६०)	जयशेखरनाथ	१-००
(२७)	" भा. ५	०-७५	(६१)	चैत्री पूर्णिमानो महामहिमा	०-६०
(२८)	" भा. ६	०-७५	(६२)	श्रीमदन्तकृदशांग श्रीमदनुत्तरोपपा- तिदशाङ्ग सटीक	४-००
(२९)	श्री अमृत गह्वली संग्रह	०-७५	(६३)	नवस्मरणानि गौतमस्वामिरासश्च	२-००
(३०)	श्री जिनेन्द्र पूजा पोथूय	१-००	(६४)	श्रीमत्सूत्रकृताङ्ग मूलम्	१०-००
(३१)	श्री जिनेन्द्र पूजा पोथूय	०-५०	(६५)	श्रीमदुपासकदशाङ्ग सटीकम्	५-००
(३२)	नियिधर्चामा स्पष्टीकरण	०-५०	(६६)	श्रीमत्स्थानाङ्ग सूत्रं मूलम्	३०-००
(३३)	सामायिक चैत्यवंदनादि सूत्रो	०-२०	(६७)	श्रीमत्समवायांग सूत्रम्	१२-००
(३४)	महासती सुलभा	०-०	(६८)	श्रीआगमसुधासिन्धुः प्रथमविभाग	६०-००
(३५)	शास्त्रदर्पण [पर्व आराधना अगे प्रमाणो]	०-४०			

॥ अहम् ॥

॥ श्री आचाराङ्ग-सूत्रम् ॥

॥१॥ अथ प्रथमः श्रुतस्कंधः ॥

॥१ः शस्त्रपरिज्ञा-अध्ययनं प्रथमोद्देशकः ॥

सुयं मे आउसं ! तेषां (आमुसंतेषां, आवसंतेषां) भगवया एवम-
क्खायं-इहमेगेसिं णो सराणा भवइ ॥सू० १॥ तं जहा-पुरत्थिमात्रो वा
दिसात्रो आगत्रो अहमंसि, दाहिणात्रो वा दिसात्रो आगत्रो अहमंसि,
पच्चत्थिमात्रो वा दिसात्रो आगत्रो अहमंसि, उत्तरात्रो वा दिसात्रो
आगत्रो अहमंसि, उट्ठात्रो वा दिसात्रो आगत्रो अहमंसि, अहोदिसाए
वा आगत्रो अहमंसि, अरण्यरीत्रो वा दिसात्रो अणुदिसात्रो वा आगत्रो
अहमंसि, एवमेगेसिं णो णायं भवति ॥सू० २॥ अत्थि मे आया उववाइए,
नत्थि मे आया उववाइए, के अहं आसी ? के वा इत्रो चुए इह पेच्चा
भविस्सामि ? ॥सू० ३॥ से जं पुण जाणेज्जा सह संमइयाए परवागरणेणं
अरणेसिं अंतिए वा सोच्चा तं जहा-पुरत्थिमात्रो वा दिसात्रो आगत्रो
अहमंसि जाव अरण्यरीत्रो दिसात्रो अणुदिसात्रो वा आगत्रो अहमंसि
एवमेगेसिं जं णायं भवति-अत्थि मे आया उववाइए, जो इमात्रो
दिसात्रो अणुदिसात्रो वा अणुसंचरइ (अणुसंसरइ), सव्वात्रो दिसात्रो
अणुदिसात्रो, सोऽहं ॥सू० ४॥ से आयावादी लोयावादी कम्मावादी किरिया-
वादी ॥सू० ५॥ अकरिस्सं चऽहं कारवेसुं चऽहं, करत्रो आवि समणुन्ने
भविस्सामि ॥सू० ६॥ एयावंति सव्वावंति लोगंसि कम्मसमारंभा परिजाणि-
यव्वा भवंति ॥सू० ७॥ अपरिराणायकम्मा(म्मे) खलु अयं पुरिसे जो इमात्रो
दिसात्रो अणुदिसात्रो अणुसंचरइ, सव्वात्रो दिसात्रो सव्वात्रो

अणुदिसात्रो साहेति ॥सू० ८॥ अणोगरूवात्रो जोणीत्रो संघेइ (संधावइ),
 विरूवरूवे फासे पडिसंवेदेइ ॥सू० ९॥ तत्थ खलु भगवता परिगणा पवेइया
 ॥सू० १०॥ इमस्स चेव जीवियस्स परिवंदणमाणाणूपयणाए जाइमरणमोय-
 णाए दुक्खपडिघायहेउं ॥सू० ११॥ एयावंति सव्वावंति लोगंसि कम्मसमा-
 रंभा परिजाणियव्वा भवंति ॥सू० १२॥ जस्सेते लोगंसि कम्मसमारंभा
 परिगणाया भवंति, से हु मुणी परिगणायकम्मे त्ति वेमि ॥सू० १३॥

॥ इति प्रथमोद्देशकः ॥ १-१ ॥

॥ अध्ययनं-१ उद्देशकः २ ॥

अट्टे लोए परिजुराणे दुस्संबोहे अविजाणाए, अस्सि लोए पव्वहिए
 तत्थ तत्थ पुढो पास आलुरा परित्तवेंति ॥सू० १४॥ संति पाणा पुढो
 सिया लज्जमाणा पुढो पास; अणगारा मोत्ति एगे पवयमाणा, जमिणां
 विरूवरूवेहि सत्थेहिं पुढवीकम्मसमारंभेणं पुढवीसत्थं समारंभेमाणा
 अणोगरूवे पाणे विहिंसइ । तत्थ खलु भगवया परिगणा पवेइया, इमस्स चेव
 जीवियस्स परिवंदणमाणाणूपयणाए जाइमरणमोयणाए दुक्खपडिघायहेउं स
 सयमेव पुढोसत्थं समारंभइ, अणोहिं वा पुढविसत्थं समारंभावेइ, अणो
 वा पुढविसत्थं समारंभंते समणुजाणइ ॥सू० १५॥ तं से अहियाए तं से
 अत्रोहीए से तं संबुज्जमाणे आयाणीयं समुट्ठाय सोच्चा खलु भगवत्रो अण-
 गाराणं वा अंतिए इहमेगेसिं ज्ञातं भवति-एस खलु गंथे, एस खलु मोहे,
 एस खलु मारे, एस खलु गारए, इच्चत्थं गड्डिए लोए जमिणां विरूवरूवेहिं
 सत्थेहिं पुढविकम्मसमारंभेण पुढविसत्थं समारंभमाणे अणो अणोगरूवे पाणे
 विहिंसइ, से वेमि, अप्पेगे अंधमब्भे अप्पेगे अंधमच्छे अप्पेगे पायमब्भे अप्पेगे
 पायमच्छे अप्पेगे गुप्फमब्भे अप्पेगे गुप्फमच्छे अप्पेगे जंघमब्भे (२) अप्पेगे
 जाणुमब्भे (२) अप्पेगे ऊरुमब्भे (२) अप्पेगे कडिमब्भे (२) अप्पेगे गाभिमब्भे
 (२) अप्पेगे उदरमब्भे (२) अप्पेगे पासमब्भे (२) अप्पेगे पिट्ठिमब्भे (२) अप्पेगे

श्री आचाराङ्ग-सूत्रम् :: श्रुतस्कन्धः १ अध्ययनं १]

उरमन्मे (२) अप्पेगे हिययमन्मे (२) अप्पेगे थण्णमन्मे (२) अप्पेगे खंधमन्मे
(२) अप्पेगे बाहुमन्मे (२) अप्पेगे हत्थमन्मे (२) अप्पेगे अंगुलिमन्मे (२)
अप्पेगे ण्हमन्मे (२) अप्पेगे गीवमन्मे (२) अप्पेगे हण्णमन्मे (२) अप्पेगे
होट्टमन्मे (२) अप्पेगे दंतमन्मे (२) अप्पेगे जीवमन्मे (२) अप्पेगे तालुमन्मे
(२) अप्पेगे गलमन्मे (२) अप्पेगे गंडमन्मे (२) अप्पेगे कण्णमन्मे (२) अप्पेगे
णासमन्मे (२) अप्पेगे अच्छिमन्मे (२) अप्पेगे भमुहमन्मे (२) अप्पेगे
णिडालमन्मे (२) अप्पेगे सीमण्णमन्मे (२) अप्पेगे संपमारए अप्पेगे उद्दवए,
इत्थं सत्थं समारंभमाणस्स इच्चेते आरंभा अपरिणणाता भवन्ति ॥सू० १६॥
एत्थं सत्थं असमारभमाणस्स इच्चेते आरंभा परिणणाता भवन्ति, तं परिणणाय
मेहादी नेव सयं पुट्ठीसत्थं समारंभेज्जा, गोवराणोहिं पुट्ठिसत्थं समारंभवेज्जा,
गोवराणो पुट्ठिसत्थं समारंभतो समण्णजोज्जा, जस्सेते पुट्ठिकम्मसमारंभा
परिणणाता भवन्ति, से हु मुणी परिणणातकम्मे त्ति वेमि ॥सू० १७॥

॥ इति द्वितीय उद्देशकः ॥१-२॥

अध्ययनं-१ उद्देशकः ३

से वेमि जहा अण्णारे उज्जुकडे नियायपडिवराणो (निकायपडिवन्ने)
अमायं कुब्बमाणो वियाहिए ॥सू० १८॥ जाए सद्धाए निक्खंतो तमेव
अण्णपालिज्जा, वियहिता विसोत्तियं (विजहिता पुब्बसंजोयं) ॥सू० १९॥
पणया वीरा महावीहिं ॥सू० २०॥ लोगं च आण्णए अभिसमेच्चा अकुओ-
भयं ॥सू० २१॥ से वेमि, गोव सयं लोगं अवभाइक्खिज्जा, गोव अत्ताणं
अवभाइक्खिज्जा, जे लोयं अवभाइक्खइ, से अत्ताणं अवभाइक्खइ, जे अत्ताणं
अवभाइक्खइसे लोयं अवभाइक्खइ ॥सू० २२॥ लज्जमाणा पुट्ठो पास;
अण्णारा मो त्ति एगे पवयमाणा जमिणं विरुवरूवेहिं सत्थेहिं उदयकम्म-
समारंभेणं उदयसत्थं समारंभमाणो अराणो अणोगरूवे पाणो विहिंसइ । तत्थ
खलु भगवता परिणणा पवेदिता । इमस्स चेव जीवियस्स परिवंदणमाणणा-

पूयणाए जाइमरणमोयणाए दुक्खपडिवायहेउं से सयमेव उदयमत्थं समारंभति,
 अराणोहिं वा उदयसत्थं समारंभावेति, अराणो उदयमत्थं समारंभते ममणुजा-
 णाति । तं से अहियाए, तं से अओहीए, से तं मंजुज्झमाणे आयाणीयं
 समुट्ठाय सोच्चा भगवओ अणगाराणं अंतिए इहमेगेसिं णायं भवति—एस खलु
 गंथे, एस खलु मोहे, एस खलु मारे, एस खलु णारए, इच्चत्थं गट्टिए लोए
 जमिणं विरुवरूवेहिं सत्थेहिं उदयकम्मसमारंभेणं उदयसत्थं समारंभमाणे
 अराणो अणोगरूवे पाणे विहिंसइ । से बेमि संति पाणा उदयनिस्सिया जीवा
 अणोगे ॥सू० २३॥ इहं च खलु भो ! अणगाराणं उदयजीवा विआहिया
 ॥सू० २४॥ सत्थं चेत्थ अणवीइ पासा, पुढो सत्थं (पासं) पवेइयं
 ॥सू० २५॥ अदुवा अदिन्नादाणं ॥सू० २६॥ कप्पइ णो कप्पइ णो पाउं,
 अदुवा विभूसाए ॥सू० २७॥ पुढो सत्थेहिं विउट्टन्ति ॥सू० २८॥ एत्थजवि
 तेसिं नो निकरणाए ॥सू० २९॥ एत्थ सत्थं समारंभमाणस्स इच्चेए आरंभा
 अपरिणायया भवंति, एत्थ सत्थं असमारंभमाणस्स इच्चेते आरंभा परिणायया
 भवंति, तं परिणाय मेहावी णोव सयं उदयसत्थं समारंभेज्जा, नेवराणोहिं
 उदयसत्थं समारंभावेज्जा, उदयसत्थं समारंभंतेज्जि अराणो ण ममणुजारोज्जा,
 जस्सेते उदयसत्थसमारंभा परिणायया भवंति से हु मुणी परिणायतकम्मे ति
 बेमि ॥सू० ३०॥

॥ इति तृतीयोद्देशकः ॥ १-३॥

॥ अध्ययनं-१ उद्देशकः ४ ॥

से बेमि णोव सयं लोगं अब्भाइक्खेज्जा णोव अत्ताणं अब्भाइक्खेज्जा, जे
 लोयं अब्भाइक्खइ से अत्ताणं अब्भाइक्खइ जे अत्ताणं अब्भाइक्खइ से लोयं
 अब्भाइक्खइ ॥सू० ३१॥ जे दीहलोगसत्थस्स खेयराणो से असत्थस्स खेयराणो,
 जे असत्थस्स खेयराणो से दीहलोगसत्थस्स खेयराणो ॥सू० ३२॥ वीरेहिं एयं
 अभिभूय दिट्ठं, संजएहिं सया जत्तेहिं सया अप्पमत्तेहिं ॥सू० ३३॥ जे पमत्ते

गुणद्वीए से हु दंडेत्ति पवुच्चइ ॥सू० ३४॥ तं परिगणाय मेहावी इयाणि
 णो जमहं पुव्वमकासी पमाएणं ॥सू० ३५॥ लज्जमाणा पुढो पास, अणगारा
 मोत्ति एगे पवदमाणा जमिणं विरुवरूवेहिं सत्थेहिं अगणिकम्मसमारम्भेणं
 अगणिसत्थं समारंभमाणो अराणो अणोगरूवे पाणो विहिंसंति । तत्थ खलु
 भगवता परिगणा पवेदिता, इमस्म चेव जीवियस्स परिवंदणमाणाणपूयणाए
 जाइमरणानोयणाए दुक्खपडिघायहेउं से सयमेव अगणिसत्थं समारंभइ,
 अराणोहिं वा अगणिसत्थं समारंभावेइ अराणो वा अगणिसत्थं समारंभमाणो
 समणुजाणइ, तं से अहियाए, तं से अबोहियाए, से तं संबुज्जमाणो, आया-
 णीयं समुट्ठाय सोच्चा भगवथो अणगाराणं इहमेगेसि णायं भवति-एस
 खलु गंथे, एस खलु मोहे, एस खलु मारे, एस खलु णारए, इच्चत्थं गड्डिए
 लोए जमिणं विरुवरूवेहिं सत्थेहिं अगणिकम्मसमारंभमाणो अराणो अणोगरूवे
 पाणो विहिंसइ ॥सू० ३६॥ से वेमि-संति पाणा पुढ्वीनिस्सिया, तणणि-
 स्सिया, पत्तणिस्सिया, कट्टुनिस्सिया, गोमयणिस्सिया, कयवरणिस्सिया, संति
 संपातिमा पाणा, आहच्च संपयंति, अगणिं च खलु पुट्ठा एगे संघायमावज्जंति,
 जे तत्थ संघायमावज्जति ते तत्थ परियावज्जंति जे तत्थ परियावज्जंति ते
 तत्थ उदायंति ॥सू० ३७॥ एत्थ सत्थं समारंभमाणस्स इच्चेते आरंभा
 अपरिगणाया भवंति, एत्थ सत्थं असमारंभमाणस्स इच्चेते आरंभा
 परिगणाया भवंति, तं परिगणाय मेहावी णोव सयं अगणिसत्थं समारंभे,
 नेवअराणोहिं अगणिसत्थं समारंभावेज्जा, अगणिसत्थं समारंभमाणो अराणो
 न समणुजाणोज्जा, जस्सेते अगणिकम्मसमारंभा परिगणाया भवंति, से हु
 मुणी परिगणायकम्मे त्ति वेमि ॥सू० ३८॥

॥ इति चतुर्थ उद्देशकः ॥ १-४॥

॥ अध्ययन-१ उद्देशकः ५ ॥

तं णो करिस्मामि समुद्राए, मत्ता मइमं अभयं विदिता, तं जे णो
 करए एसोवरए, एत्थोवरए, एम अणगारेत्ति पवुच्चइ ॥सू० ३६॥ जे गुणो
 से आवट्टे जे आवट्टे से गुणो ॥सू० ४०॥ उहं अहं तिरियं पाइणं
 पासमाणो रुवाइं पासति, सुणमाणो सदाइं सुणोति, उहं अहं पाइणं मुच्छमाणो
 रुवेसु मुच्छति, सेसेसु आवि ॥सू० ४१॥ एम लोए वियाहिए एत्थ अगुत्ते
 अणगाराए ॥सू० ४२॥ पुणो पुणो रुणासाए, वंक्ममायारे ॥सू० ४३॥
 पमत्तज्जारमावसे ॥सू० ४४॥ लज्जमाणा पुटो पास, अणगारा मोत्ति एम
 पवदमाणा जमिणं विरुवरुवेहि सत्थेहि वणस्सइकम्मसमारंभेणं वणस्सइसत्थं
 समारंभमाणा अणो अणोगरुवे पाणो विहिंसंति, तत्थ खलु भगवया परिराणा
 पवेदिता, इमस्स चेव जीवियस्स परिवंदणमाणाणूपयणाए जाती(जरा)-
 मरणमोयणाए दुक्खपडियायेहेउं से सयमेव वणस्सइसत्थं समारंभइ, अणोहि
 वा वणस्सइसत्थं समारंभवेइ, अणो वा वणस्सइसत्थं समारंभमाणो समणु-
 जाणइ, तं से अहियाए, तं से अवोहीए, से तं मंडुक्कमाणो, आयाणीयं
 समुद्राए सोच्चा भगवयो अणगाराणं वा अंतिए इहमेगेमिं णाथं भवति-एम
 खलु गंथे, एस खलु मोहे, एस खलु मारे, एस खलु गारये, इच्चत्थं गट्ठिए
 लोए, जमिणं विरुवरुवेहिं सत्थेहि वणस्सइकम्मसमारंभेणं वणस्सइसत्थं
 समारंभमाणो अणो अणोगरुवे पाणो विहिंसंति ॥सू० ४५॥ से वेमि, इमंपि
 जाइधम्मयं, एयंपि जाइधम्मयं, इमंपि बुद्धिधम्मयं, एयंपि बुद्धिधम्मयं, इमंपि
 चित्तमंतयं, एयंपि चित्तमतयं, इमंपि छिराणं मिलाइ, एयंपि छिराणं मिलाइ,
 इमंपि आहारगं, एयंपि आहारगं, इमंपि अणिच्चयं, एयंपि अणिच्चयं, इमंपि
 अणासयं, एयंपि अणासयं (इमंपि अधुवं एयंपि अधुवं) इमंपि चओवचइयं,
 एयंपि चओवचइयं इमंपि विपरिणामधम्मय (नामियं) एयंपि विपरिणामधम्मयं
 ॥सू० ४६॥ एत्थ सत्थं समारंभमाणस्स इच्चेते आरंभा अपरिराणाता भवन्ति,

एतथ सत्थं असमारंभमाणस्स इच्चेते आरंभा परिगणाया भवंति, तं परिगणाय मेहावी नेव सयं वणस्ससइत्थ समारंभेज्जा, शेवराणेहिं वणस्ससइत्थं समारंभवेज्जा, शेवराणे वणस्ससइत्थं समारंभंते समणुजाणेज्जा, जस्सेते वणस्ससइत्थसमारंभा परिगणाया भवंति, से हु मुणी परिगणायकम्मे त्ति वेमि ॥सू० ४७॥

॥ इति पंचम उद्देशकः ॥ १-५ ॥

॥ अध्ययनं-१ : उद्देशकः ६ ॥

से वेमि संतिमे तसा पाणा, तं जहा-अंडया पोयया जराउआ रसया संसेयया संमुच्छिमा उब्भियया उववाइया, एस संसारेत्ति पवुच्चइ ॥सू० ४८॥ मंदस्सावियाणओ ॥सू० ४९॥ निज्झाइत्ता पडिलेहिता पत्तेयं परिनिव्वाणं सव्वेसि पाणाणं सव्वेसिं भूयाणं, सव्वेसिं जीवाणं, सव्वेसिं सत्ताणं अस्सायं अपरिनिव्वाणं महव्वभयं दुक्खं त्ति वेमि, तसंति पाणा पदिसो दिसासु य ॥सू० ५०॥ तत्थ तत्थ पुढो पास, आदुरा परितावेत्ति, संति पुढो सिया ॥सू० ५१॥ लज्जमाणा पुढो पास, अणगारा मोत्ति एगे पवयमाणा जमिणं विरूवरूवेहिं सत्थेहिं तसकायसमारंभेण तसकायसत्थं समारंभमाणा अराणे अणेगरूवे पाणे विहिंसति, तत्थ खलु भगवया परिगणा पवेइया, इमस्स चेव जीवियस्स परिवंदणमाणाणूपयणाए जाइमरणमोयणाए दुक्खपडिघायहेउं से सयमेव तसकायसत्थं समारंभति, अराणेहिं वा तसकायसत्थं समारंभवेइ, अराणे वा तसकायसत्थं समारंभमाणे समणुजाणाइ तं से अहियाए, तं से अबोहीए से तं संबुज्झमाणे आयाणीयं समुट्ठाय सोच्चा खलु भगवओ अणगाराणं अंतिए इहमेगेसिं गायं भवति-एस खलु गंथे, एस खलु मोहे, एस खलु मारे, एस खलु गारए, इच्चत्थं गड्डिए लोए जमिणं विरूवरूवेहिं सत्थेहिं तसकायसमारंभेण तसकायसत्थं समारंभमाणे अराणे अणेगरूवे पाणे विहिंसति ॥सू० ५२॥ से वेमि अप्पेगे अच्चाए हणांति, अप्पेगे अजिणाए वहंति, अप्पेगे मंसाए वहंति, अप्पेगे सोणियाए वहन्ति, एवं हिययाए पित्ताए वग्गा

पिच्छाए पुच्छाए वालाए सिंगाए विसाणाए दंताए दाढाए राहाए राहारणीए
 अट्टीए अट्टिमिजाए अट्टाए अणट्टाए, अप्पेगे हिंसिसु मेत्ति वा वहन्ति,
 अप्पेगे हिंसन्ति मेत्ति वा वहन्ति, अप्पेगे हिंसिस्सन्ति मेत्ति वा वहन्ति ॥सू० ५३॥
 एत्थं सत्थं समारभमाणस्स इच्चेते आरंभा अपरिगणाया भवन्ति, एत्थ सत्थं
 असमारभमाणस्स इच्चेते आरंभा परिगणाया भवति, तं परिगणाय मेहादी
 गोव सय तसकायसत्थं समारंभेज्जा, गोवशागोहिं तसकायसत्थं समारंभावेज्जा,
 गोवशागो तसकायसत्थं समारंभं ते समणुजागोज्जा, जस्सेते तसकायसत्थसमारंभा
 परिगणाया भवन्ति, से हु मुणी परिगणायकम्मे त्ति वेमि ॥सू० ५४॥

॥ इति षष्ठ उद्देशकः ॥ १-६ ॥

॥ अध्ययनं-१ : उद्देशकः ७ ॥

पहू एजस्स (एगस्स) दुगुंछणाए ॥सू० ५५॥ आयंकदसी अहियन्ति
 गाच्चा, जे अज्झत्थं जाणइ से बहिया जाणइ, जे बहिया जाणइ से अज्झ-
 त्थं जाणइ, एयं तुलमन्नेसिं ॥सू० ५६॥ इह संतिगया दविया गावकंखन्ति
 जीविउं ॥सू० ५७॥ लज्जमाणो पुढो पास, अणगारा मोत्ति एगे पवयमाणा
 जमिणं विरूवरूवेहिं सत्थेहिं वाउकम्मसमारंभेणं वाउसत्थं समारंभमाणो अरणो
 अणोगरूवे पाणो विहिंसति । तत्थ खलु भगवया परिगणा पवेइया । इयस्स
 चेव जीवियस्स परिवंदणमाणणूपयणाए जाइमरणमोयणाए दुदखपडिघायहेउं
 से सयमेव वाउसत्थं समारंभति, अरणोहि वा वाउसत्थं समारंभावेइ, अरणो
 वाउसत्थं समारंभंते समणुजाणाति, तं से अहियाए, तं से अबोहिए, से तं
 संबुज्जमाणो आयाणीए समुट्ठाए सोच्चा भगवओ अणगाराणं अंतिए इहमेगेसिं
 गायं भवति—एस खलु गथे, एस खलु मोहे, एस खलु मारे, एस खलु शिरए,
 इत्थं गट्ठिए लोए जमिणं विरूवरूवेहिं सत्थेहिं वाउकम्मसमारंभेणं वाउसत्थं
 समारंभमाणो अरणो अणोगरूवे पाणो विहिंसति ॥सू० ५८॥ से वेमि संति
 संपाइमा पाणा आहव संपयन्ति य फरिसं च खलु पुट्ठा एगे संघायमावज्जन्ति,

जे तत्थ संघायमावज्जंति ते तत्थ परियावज्जंति, जे तत्थ परियावज्जंति ते तत्थ उद्दायंति, एत्थ सत्थं समारभमाणस्स इच्चेते आरंभा अपरिगणाय भवन्ति, एत्थ सत्थं असमारभमाणस्स इच्चेते आरंभा परिगणाय भवन्ति, तं परिगणाय मेहावी गोव सयं वाउसत्थं समारंभेज्जा, गोवराणेहि वाउसत्थं समारंभवेज्जा, गोवराणे वाउसत्थं समारंभंते समणुजाणेज्जा, जस्सेते वाउसत्थसमारंभ परिगणाय भवन्ति, से हु मुणी परिगणायकम्मेत्ति वेमि ॥सू० ५१॥ एत्थपि जाणे उवादीयमाणा, जे आयारे ण स्मंति, आरंभमाणा विणयं वयंति, छंदोवणीया अज्झोववराणा, आरंभसत्ता पकरंति संगं ॥सू० ६०॥ से वसुमं समराणागयपरणारोणं अप्पाणोणं अकरणिज्जं पावं कम्मं णो अराणेसिं तं परिगणाय मेहावी गोव सयं छज्जीवनिकायसत्थं समारंभेज्जा, गोवराणेहि छज्जीवनिकायसत्थं समारंभवेज्जा, गोवराणे छज्जीवनिकायसत्थं समारंभंते समणुजाणेज्जा, जस्सेते छज्जीवनिकायसत्थसमारंभा परिगणाय भवन्ति से हु मुणी परिगणायकम्मेत्ति वेमि ॥सू० ६१॥

॥ इति सप्तमोद्देशकः ॥ १-७ ॥ इति प्रथममध्ययनम् ॥ १॥

॥ २ : लोकविजय-अध्ययनं : उद्देशकः-१ ॥

जे गुणे से मुलट्ठाणे, जे मूलट्ठाणे से गुणे । इति से गुणट्ठी महया परियावेणं पुणो पुणो रसे पमत्ते-माया मे, पिया मे, भाया मे, भगिणी मे, भज्जा मे, पुत्ता मे, धूआ मे, राहुसा मे, सहिसयणसंगंथसंथुआ मे, विवित्तुवगरणपरिवट्ठाणभोयणच्छायणं मे । इत्थं गट्ठिए लोए अहो य रात्रो य परितप्पमाणो कालाकालसमुट्ठाई संजोगट्ठी अट्ठालोभी आलुपे सहसाकारे विणिविट्ठचित्ते, एत्थ सत्थे पुणो पुणो, अप्पं च खलु आउयं इहमेगेसिं माणवाणं तं जहा-॥सू० ६२॥ सोयपरिगणारोहिं परिहायमारोहिं, चक्खुपरिगणारोहिं परिहायमारोहिं, घाणपरिगणारोहिं परिहायमारोहिं रस-

णापरिगणारोहिं परिहायमारोहिं फासपरिगणारोहिं परिहायमारोहिं अभिक्तं
 च खलु वयं संपेहाए तत्रो से एगदा मूढभावं जणयंति ॥सू० ६३॥ जेहिं
 वा सद्धि संवसति ते वि णं एगदा णियगा पुब्बि परिवयंति सोऽवि ते
 णियए पच्छा परिवएज्जा, णालं ते तव ताणाए वा सरणाए वा, तुमंपि तेसिं
 णालं ताणाए वा सरणाए वा, से ण हासाय ण किड्ढाए ण रतीए ण
 विभूसाए ॥सू० ६४॥ इच्चेवं समुट्ठिए अहोविहाराए अंतरं च खलु इमं
 संपेहाए धीरे मुहुत्तमवि णो पमायए वत्रो अच्चेति जोच्चणां व ॥सू० ६५॥
 जीविए इह जे पमत्ता से हंता छेत्ता भेत्ता लुंपित्ता विलुंपित्ता उद्वित्ता
 उत्तासइत्ता, अकडं करिस्सामित्ति मराणामारो, जेहिं वा सद्धि संवसइ ते वा णं
 एगया नियगा तं पुब्बि पोसेंति, सो वा ते नियगे पच्छा पोसिज्जा,
 नालं ते तव ताणाए वा सरणाए वा, तुमंपि तेसिं नालं ताणाए वा सरणाए
 वा ॥सू० ६६॥ उवाइयसेसेण या संनिहिसंनिचत्रो किज्जइ, इहमेगेसिं
 असंजयाण भोयणाए, तत्रो से एयगा रोगसमुप्पाया समुप्पज्जंति, जेहिं वा
 सद्धि संवसइ ते वा णं एयगा नियगा तं पुब्बि परिहरति, सो वा ते
 नियगे पच्छा परिहरिज्जा, नालं ते तव ताणाए वा सरणाए वा, तुमंपि तेसिं
 नालं ताणाए वा सरणाए वा ॥सू० ६७॥ जाणित्तु दुक्खं पत्तेअं सायं
 ॥सू० ६८॥ अणभिककंतं च खलु वयं संपेहाए ॥सू० ६९॥ खणं
 जाणाहि पंडिए ॥सू० ७०॥ जाव सोयपरिगणाणा अपरिहीणा, नेत्तपरि-
 गणाणा अपरिहीणा, घाणपरिगणाणा अपरिहीणा, जीहपरिगणाणा अप-
 रिहीणा, फरिसपरिगणाणा अपरिहीणा इच्चेएहिं विरूवरूवेहिं पराणारोहिं
 अपरिहीणोहिं, आयट्ठं समं समणुवासिज्जासि त्ति वेमि ॥सू० ७१॥

॥ इति प्रथमोद्देशकः ॥२-१॥

॥ अध्ययनं-२ : उद्देशकः-२ ॥

अरइं अउट्टे स मेहावी, खणंसि मुक्के ॥सू० ७२॥ अणाणाय पुट्ठावि एगे नियट्ठंति, मंदा मोहेण पाउडा, अपरिग्गहा भविस्सामो समुट्ठाय लद्धे कामे अभिगाहइ, अणाणाए मुणिणो पडिलेहंति, इत्थ मोहे पुणो पुणो सन्ना नो हव्वाए नो पाराए ॥सू० ७३॥ विमुत्ता हु ते जणा जे जणा पारगामिणो लोभमलोभेण दुगुंछमाणो लद्धे कामे नाभिगाहइ ॥सू० ७४॥ विणावि लोभं निक्खम्म एस अकम्मे जाणइ पासइ पडिलेहाए नावकंखड, एस अणागारित्ति पवुच्चइ, अहो य राओ परितप्पमाणो कालाकालसमुट्ठाई संजोगट्ठी अट्ठालोभी आलुं पे सहकारे विणिविट्ठचित्ते, इत्थ सत्थे पुणो पुणो से आयबले, से नाइबले, से सयणाबले, से मित्तबले, से पिच्चबले, से देवबले, से रायबले, से चोरबले, से अतिहिबले, से किंविणबले, से समणाबले इच्चेएहिं विरुवरूवेहिं कज्जेहिं दंडसमायाणां संपेहाए भया कज्जइ, पावमुक्खुत्ति मन्नमाणो अदुवा आसंसाए ॥सू० ७५॥ तं परिणाय मेहावी नेव सयं एएहिं कज्जेहिं दंडं समारंभिज्जा, गोव अन्नं एएहिं कज्जेहिं दंडं समारंभाविज्जा, एएहिं कज्जेहिं दंडं समारंभंतं पि अन्नं न समणुजाणिज्जा, एस मग्गे आरिएहिं पवेइए, जहेत्थ कुसले नोवलंपिज्जासि त्ति बेमि ॥सू० ७६॥

॥ इति द्वितीय उद्देशकः ॥ २-२ ॥

॥ अध्ययनं-२ उद्देशकः-३ ॥

से असइं उच्चागोए असइं नीआगोए, नो हीणे नो अइरित्ते (एग-मेगे खलु जीवे अईअद्धाए असइ उच्चागोए असइ नीआगोए, कंडगट्ठयाए नो हीणे नो अइरित्ते) नोऽपीहए, इय संखाय को गोयावाइ को माणावाइ ? कंसि वा एगे गिज्झा, तम्हा नो हरिसे नो कुप्पे, भूएहिं जाण पडिलेह सायं ॥सू० ७७॥ समिए एयाणुपस्सी (पुरिसे णं खलु दुक्खुव्वेअसुहेसए)

तं जहा, अन्धत्तं बहिरत्तं मूयत्तं काणत्तं कुट्तं खुज्जत्तं वडमत्तं सामत्तं सबलत्तं
सह पमाणं अणोग्रवाओ जोणीओ संधायइ । विरुवरुवे फासे परिसंवेयइ
॥सू० ७८॥ से अबुज्जमाओ हओवहए जाइमरणं अणुपरियट्टमाओ, जीवियं
पुढो पियं इहमेगैसिं माणावाणं स्वित्तवत्थुममायमाणाणं, आरत्तं विरत्तं
मणिकुंडलं सह हिरण्णोण इत्थियाओ परिगिज्झति तत्थेव रत्ता, न इत्थ तवो
वा दमो वा नियमो वा दिस्सइ, संपुण्णं बाले जीविउकामे लालप्पमाओ मूढे
विप्परियासमुवेइ ॥सू० ७९॥ इणमेव नावकंखंति, जे जणा धुवचारिणो ।
जाइमरणं परिन्नाय, चरे संकमणो द्ढे, नत्थि कालस्स णागमो, सव्वे पाणा
पियाउया (पियायया) सुहसाया दुक्खपडिक्कला अप्पियवहा पियजीविणो
जीविउकामा, सव्वेसिं जीवियं पियं, तं परिगिज्झ दुपयं चउप्पयं अभिजुं-
जिया णं संसिंचिया णं तिविहेण जांवि से तत्थ मत्ता भवइ अप्पा वा
बहुया वा, से तत्थ गट्ठिए चिट्ठइ, भोअणाए, तओ से एगया विविहं
परिसिट्ठं संभूयं महोवमरणं भवइ, तंपि से एगया दायाया वा विभयन्ति,
अदत्तहारो वा से अवहरति, रायाणो वा से विलुपंति, नस्सइ वा से,
विणस्सइ वा से, अगारदाहेण वा से डज्झइ इय, से परस्सट्ठाए कूराइं
कम्माइं बाले पकुज्जमाओ तेण दुक्खेण समूढे विप्परियासमुवेइ, मुणिणा हु
एयं पवेइयं, अणोहंतरा एए नो य ओहं तरित्तए, अतीरंगमा एए नो य
तीरं गमित्तए, अपारंगमा एए नो य पारं गमित्तए, आयाणिज्जं च आयाय
तंमि ठाणो न चिट्ठइ, वित्तहं पप्पस्सवेयन्ने तंमि ठाणंमि चिट्ठइ ॥सू० ८०॥
उहोसो पासगस्स नत्थि, बाले पुण निहे कामसमणुन्ने असमियदुवखे दुक्खी
दुक्खाणामेव आवट्ठं अणुपरियट्ठइ त्ति वेमि ॥सू० ८१॥

॥ अध्ययनं-२ उद्देशकः-४ ॥

तत्रो से एगया रोगसमुप्पाया समुप्पज्जन्ति, जेहिं वा सद्धिं संवसइ ते व
 णं एगया नियया पुब्बिं परिवयन्ति, सो वा ते नियगे पच्छा परिवइज्जा,
 नालं ते तव ताणाए वा, सरणाए वा, तुमं पि तेसिं नालं ताणाए वा, सरणाए
 वा, जाणित्तु दुक्खं पत्तेयं सायं, भोगा मे व अणुसोयन्ति इहमेगेसिं माणावाणं
 ॥सू० ८२॥ तिविहेण जाऽवि से तत्थ मत्ता भवइ अप्पा वा बहुगा वा, से
 तत्थ गट्ठिए चिट्ठइ, भोयणाए, तत्रो से एगया विपरिसिट्ठं संभूयं महोव-
 गरणं भवइ, तं पि से एगया दयाया विभयन्ति, अदत्तहारो वा से हरति,
 रायाणो वा से विलुं पंति, नस्सइ वा से, विणस्सइ वा से, अगारदाहेण वा
 से डज्झइ इय, से परस्स अट्ठाए कूराणि कम्माणि बाले पकुब्बमाणो तेण
 दुक्खेण मूढे विप्परियासमुवेइ ॥सू० ८३॥ आसं च छन्दं च विगिं च धीरे !,
 तुमं चेव तं सल्लमाहट्ठु जेण सिया तेण नो सिया, इणमेव नावबुज्झन्ति
 जे जणा मोहपाउडा, थीभि लोए पव्वहिए, ते भो ! वयन्ति एयाइं आयय-
 णाइं से दुक्खाए मोहाए माराए नरगाए नरगतिरिक्खाए, सययं मूढे धम्मं
 नाभिजाणइ, उच्चाहु वीरे, अप्पमात्रो महामोहे, अलं कुसलस्स पमाएणं,
 संतिमरणं संपेहाए भेउरधम्मं संपेहाए नालं पास अलं ते एएहिं ॥सू० ८४॥
 एयं पस्स मुणी ! महव्भयं, नाइवाइज्ज कंचणं एस वीरे पसंसिए जे न निव्वि-
 ज्जइ आयाणाए, न मे देइ न कुप्पिज्जा थोवं लद्धुं न खिसए, पडिसेहिअो
 (पडिलाभिअो) परिणमिज्जा, एयं मोणं समणुवासिज्जासि त्ति वेमि ॥सू० ८५॥

॥ इति चतुर्थोद्देशकः ॥ २-४ ॥

॥ अध्ययनं-२ उद्देशकः-५ ॥

जमिणं विरूवरूवेहिं सत्थेहिं लोणस्स कम्मसमारंभा कज्जन्ति, तं जहां
 अप्पणो से पुत्ताणं, धूयाणं, सुगहाणं, नाइणं, धाइणं, राइणं, दासाणं,

दासीणां, कम्मकराणां, कम्मकरीणां आएसाए पुढोपहेणाए, सामासाए, पायरा-
 साए, संनिहिसंनिचयो कज्जइ, इहमेगेसि माणावाणां भोयणाए ॥सू० ८६॥
 समुट्टिए अणगारे आरिए आरियपन्ने आरियदंसी अयंसंधित्ति अदक्खु, से
 नाइए नाइयावए न समणुजाणइ, सब्बामगंधं परिन्नाय निरामगंधो परिव्वए
 ॥सू० ८७॥ अदिस्समाणो कयविक्रयेसु, से ण किणो, न किणावए, किणांतं न
 समणुजाणइ, से भिक्खू कालन्ने, बालन्ने, मायन्ने, खेयन्ने, खणायन्ने, विणयन्ने
 स-समय-पर-समयन्ने, भावन्ने, परिग्गहं अममायमाणो कालाणुट्ठाइ अपडिसणो
 ॥सू० ८८॥ दुहयो छेत्ता नियाइ, वत्थं, पडिग्गहं, कंवलं, पायपुच्छाणां,
 उग्गहणां च कडासणां एएसु चेव जाणिज्जा ॥सू० ८९॥ लद्धे आहारे
 अणगारो मायं जाणि(ए)ज्जा, से जहेयं भगवया पवेइयं, लाभुत्ति न
 मज्जिज्जा, अलाभुत्ति न सोइज्जा, बहुं पि लद्धुं न निहे, परिग्गहायो
 अप्पाणां अवसक्किज्जा ॥सू० ९०॥ अन्नहा णं पासए परिहरिज्जा, एस
 मग्गे आयरिएहि पवेइए, जहित्थ कुसले नोवलंपिज्जासि त्ति वेमि
 ॥सू० ९१॥ कामा दुरतिकमा, जीवियं दुप्पडिवूहगं, कामकामी खलु अयं
 पुरिसे, से सोयइ जूरइ तिप्पइ परितप्पइ ॥सू० ९२॥ आययचक्खू लोगवि-
 पस्सी लोगरस अहो भागं जाणइ, उड्डं भागं जाणइ, तिरियं भागं जाणइ,
 गट्टिए लोए अणुपरियट्टमाणो, संधि विइत्ता इह मच्चिएहि, एस वीरे
 पसंसिए जे वद्धे पडिमोयए, जहा अंतो तहा बाहिं, जहा बाहि तहा अंतो,
 अंतो अंतो पुइदेहंतराणि पासइ, पुढोवि सवंताइं पंडिए पडिलेहाए
 ॥सू० ९३॥ से मइमं परिन्नाय मा य हु लालं पच्चासी, मा तेसु तिरिच्छम-
 प्पाणा-मावायए, कासंकासे खलु अयं पुरिसे, बहुमाई कडेण मूढे, पुणो तं
 करेइ लोहं, वरं वड्डेइ अप्पणो, जमिणां परिकहिज्जइ इमस्स चेव पडिवूह-
 णयाए, अमरा य महासट्ठी अट्टमेयं तु पेहाए अपरिराणाए कंदइ ॥सू० ९४॥
 से तं जाणइ जमहं वेमि, तेइच्छं पंडिए पवयमाणो से हंता छित्ता भित्ता

लुं पइत्ता विलुं पइत्ता उदइत्ता, अकडं करिस्सामित्ति मन्नमाणे, जस्सवि य
गां करेइ, अलं बालस्स संगेणां, जे वा से कारइ बाले, न एवं अणागारस्स
जायइ त्ति बेमि ॥सू० १५॥

॥ इति पंचमोद्देशकः ॥ २-५ ॥

॥ अध्ययनं-२ उद्देशकः-६ ॥

से तं संबुज्झमाणे आयाणीयं समुट्ठाय तम्हा पावकम्मं नेव कुज्जा,
न कारवेज्जा ॥सू० १६॥ सिया तत्थ एगयरं विप्परामुसइ व्वसु अन्नयरंमि,
कप्पइ सुहट्ठी लालप्पमाणे, सएणा दुक्खेणा मुढे विप्परियासमुवेइ, सएणा
विप्पमाणे पुढे वयं पकुब्बइ, जंसिमे पाणा पव्वहिया, पडिलेहाए नो
निकरणायाए, एस परिन्ना पवुच्चइ, कम्मोवसंती ॥सू० १७॥ जे ममाइयमइं
जहाइ सै चयइ माइयं, से हु दिट्ठपहे मुणी जस्स नत्थि ममाइयं, तं
परिन्नाय मेहावी विइत्ता लोगं वंता लोगसन्नं से मइमं परिकमिज्जासि त्ति
बेमि ॥ नारइं सहइ वीरे वीरे न सहइ रतिं ॥ जम्हा अविमणे वीरे, तम्हा
वीरे न रज्जइ ॥१॥ सू० १८॥ सइं फासे अहियासमाणे, निव्विद
नंदिं इह जीवियस्स । मुणी मोणां समायाय, धुणे कम्मसरीरगं ॥२॥ पंतं
लुहं सेवन्ति, वीरा संमत्तदंसिणो । एस ओहंतरे मुणी, तिन्ने मुत्ते विरए
वियाहिए ॥३॥ त्ति बेमि ॥सू० १९॥ दुव्वसुमुणी अणाणाए, तुच्चए
गिलाइ वत्तए, एस वीरे पसंसिए, अच्चेइ लोयसंजोगं, एस नाए पवुच्चइ
॥सू० १००॥ जं दुक्खं पवेइयं इह माणावाणां तस्स दुक्खस्स कुसला परिन्न-
मुदाहरन्ति, इह कम्मं परिन्नाय सव्वसो जे अणान्नदंसी से अणान्नारामे, जे
अणाराणारामे से अणान्नदंसी, जहा पुराणस्स कत्थइ तहा तुच्चस्स कत्थइ,
जहा तुच्चस्स कत्थइ तहा पुराणस्स कत्थइ ॥सू० १०१॥ अ वि य हणे,
अणाइयमाणे, इत्थं पि जाण सेयन्ति नत्थि केयं पुरिसे कं च नए ! एस
वीरे पसंसिए, जे वद्धे पडिमोयए, उट्ठं अहं तिरियं दिसासु, से सव्वओ

सञ्चपरिन्नाचारी, न लिप्पइ छणपण्ण, वीरे, से मेहावि अणुग्घायणखेयन्ने
 जे य वन्धपमुक्खमन्नेसी कुमले पुण नो वद्धे नो मुक्के ॥सू० १०२॥ से
 जं च आरंभे जं च नारभे, अणारद्धं च न आरभे, छणं छणं परिणाय
 लोगसन्नं च न सञ्चसो ॥सू० १०३॥ उइसो पासगस्स नत्थि, बाले पुणो
 निहे कामसमणुन्ने, असमियदुक्खे दुक्खी दुक्खाणमेव आवट्ठं अणुपरियट्ठ
 त्ति वेमि ॥सू० १०४॥

॥ इति षष्ठोद्देशकः ॥ २-६ ॥ इति द्वितीयमध्ययनम् ॥२॥

॥ ३ : शीतोष्णीयाध्ययनं-३ उद्देशकः-१ ॥

सुत्ता अमुणी सया मुणिणो जागरंति ॥सू० १०५॥ लोयंसि जाण
 अहियाय दुक्खं, समयं लोगस्स जाणित्ता, इत्थ सत्थोवरण, जस्सिमे
 सदा य स्वा य रसा य गंधा य फासा य अभिसमन्नागया भवंति
 ॥सू० १०६॥ से आयवं नाणवं वेयवं धम्मवं वंभवं पन्नाणेहिं परियाणइ
 लोयं, मुणीति बुच्चे, धम्मविऊ उज्जू, आवट्ठसोए संगमभिजाणइ
 ॥सू० १०७॥ सीउसिणच्चाई से निग्गंथे अरइरइसहे, कुरुसयं नो वेणइ,
 जागरे वेरोवरण वीरे एवं दुक्खा पमुक्खसि, जरामच्चुवसोवणिण नरे सययं मूढे
 धम्मं नाभिजाणइ ॥सू० १०८॥ पासिय आउरपाणे अप्पमत्तो, परिव्वए मंता य
 मइमं, पास आरंभजं दुक्खमिणं ति णच्चा, माइ पमाइ पुण एइ गव्वं, उवेह-
 माणो सद्वस्सेसु उज्जू माराभिसंकी मरणा पमुच्चइ, अप्पमत्तो कामेहिं, उवरओ
 पावक्कमेहिं, वीरे आयगुत्ते खेयन्ने, जे पज्जवजायसत्थस्स खेयराणो, से
 अमत्थस्म खेयराणो जे असत्थस्स खेयराणो से पज्जवजायसत्थस्स खेयराणो,
 अकम्मस्म ववहारो न विज्जइ, कम्मुणा उवाही जायइ, कम्मं च पडिलेहाए
 ॥सू० १०९॥ कम्ममूलं च जं छणं, पडिलेहिय सव्वं सामायाय दोहिं
 अंतेहिं अदिस्समाणे तं परिन्नाय मेहावी विइत्ता लोगं वंता लोगसन्नं से
 मंहावी परिकमिज्जामि त्ति वेमि ॥सू० ११०॥

॥ इति प्रथमोद्देशकः ॥ ३-१ ॥

॥ अध्ययनं-३ :: उद्देशकः-२ ॥

जाइं च बुद्धिं च इहऽज्ज ! पासे, भूएहिं जाणो पडिलेहसायं ॥ तम्हाऽति-
 विज्जे परमंति गाच्चा, संमत्तदंसी न करेइ पावं ॥१॥ उम्मुं च पासं इह
 मच्चिएहिं, आरंभजीवी उभयाणुपस्सी ॥ कामेसु गिद्धा निचयं करंति, संसि-
 च्चमाणा पुणरिति गब्भं ॥२॥ अवि से हासमासज्ज, हंता नंदीति मन्नइ ॥
 अलं बालस्स संगेण, वेरं वड्ढेइ अण्णणो ॥३॥ तम्हातिविज्जो परमंति गाच्चा,
 आयं कदंसी न करेइ पाव ॥ अग्गं च मूलं च विगिंच धीरे, पलिच्छिंदिया गां
 निक्कमदंसी ॥४॥ एस मरणा पमुच्चइ, से हु दिट्ठभए मुणी, लोगंसि परमदंसी
 विवित्तजीवी उवसंते समिए सहिए सयाजए कालकंखी परिवए, बहुं च खलु
 पावं कम्मं पगडं ॥सू० १११॥ सिच्चंमि धिइं कुब्बहा, एत्थोवरए मेहावी
 सव्वं पावं कम्मं जोसइ ॥सू० ११२॥ अणोगचित्ते खलु अयं पुरिसे, से
 केयणां अरिहए पूरिगाणए, से अराणावहाए अराणापरियावाए अएणापरिग्ग-
 हाए, जणावयवहाए जणावयपरियावाए जणावयपरिग्गहाए ॥सू० ११३॥
 आसेवित्ता एतं(वं) अट्ठं इच्चेवेगे समुट्ठिया, तम्हा तं बिइयं नो सेवे,
 निस्सारं पासिय नाणी, उववायं चवणां गाच्चा अणाराणं चर माहणो से न
 छणो न छणावए छणांतं नाणुजाणइ, निब्बिंद नंदिं, अरए पयासु, अणोम-
 दंसी निसराणो पावेहिं कम्मेहि ॥सू० ११४॥ कोहाइमाणं हणिया य वीरे,
 लोभस्स पासे निरयं महंतं ॥ तम्हा य(हि) वीरे विरए वहाओ, छिंदिज्ज
 सोयं लहुभूयगामी ॥१॥ गंथं परिगणाय इहऽज्ज ! धीरे, सोयं परिगणाय
 चरिज्ज दंते ॥ उम्मज्ज लच्छुं इह माणावेहिं, नो पाणिणां पाणो समारभिज्जा
 सि ॥२॥ ति वेमि ॥

॥ इति द्वितीय उद्देशकः ॥ ३-२ ॥

॥ अध्ययन-३ :: उद्देशकः-३ ॥

संधिं लोयस्स जाणित्ता, आयओ बहिया पास, तम्हा न हंता, न वि घायए, जमिणं अन्नमन्नवितिगिच्छाए पडिलेहाए न करेइ पावं कम्मं, किं तत्थ मुणी कारणं सिया ? ॥सू० ११५॥ समयं तत्थुवेहाए अप्पाणं विप्पसायए— अणान्नपरमं नाणी, नोपमाए कयाइ वि । आयगुत्ते सया वीरे, जायामायाइ जावए ॥१॥ विरागं रूवेहिं गच्छिज्जा महया खुडुएहि य, आगइं गइं परिणाय दोहिवि अतेहिं अदिस्समाणेहि से न छिज्जइ, न भिज्जइ, न डज्जइ, न हंमइ कंचणं सब्वलोए ॥सू० ११६॥ अवरेण पुब्बि न सरंति एगे, किमस्स तीयं किं वाऽऽगमिस्सं । भासंति एगे इह माणावाओ, जमस्स तीयं तमागमिस्सं ॥१॥ (अवरेणपुब्बि किह से अतीतं, किह आगमिस्सं न सरंति एगे । आसंति एगे इह माणावाओ, नह से अईयं तह आगमिस्सं ॥१॥) नाईयमट्ठं न य आगमिस्सं, अट्ठं नियच्छन्ति तहागयाउ । विहुयकप्पे एयाणुपस्सी, निज्जोसइत्ता खवगे महेसी ॥२॥ का अरइ के आणंदे ?, इत्थंपि अग्गहे चरे, सब्वं हासं परिज्ज आलीणगुत्तो परिव्वए, पुरिसा ! तुममेव तुमं मित्तं, किं बहिया मित्तमिच्छसि ? ॥सू० ११७॥ जं जाणिज्जा उच्चालइयं तं जाणिज्जा दूरालइयं, जं जाणिज्जा दूरालइयं तं जाणिज्जा उच्चालइयं, पुरिसा ! अत्ताणमेवं अभिणिगिज्ज एवं दुक्खा पमुच्चसि, पुरिसा ! सच्चमेव समभिजाणाहि, सच्चस्स आणाए से उवट्ठिए मेहावी मारं तरइ, सहिओ धम्ममायाय सेयं समणुपस्सइ ॥सू० ११८॥ दुहओ जीविअस्स परिवंदणमाणाणपूयणाए जंसि एगे पमायंति ॥सू० ११९॥ सहिओ दुक्खमत्ताए पुट्ठो नो भंकाए, पासिमं दविए लोकालोकपवंचाओ मुच्चइ त्ति वेमि ॥सू० १२०॥

॥ अध्ययनं-३ :: उद्देशकः-४ ॥

से वंता कोहं च माणां च मायं च लोभं च, एयं पासगस्स दंसणां, उवरयसत्थस्स पलियंतकरस्स, आयाणां सगडब्भि ॥सू० १२१॥ जे एगं जाणइ से सब्बं जाणइ. जे सब्बं जाणइ से एगं जाणइ ॥सू० १२२॥ सब्बओ पमत्तस्स भयं, सब्बओ अपमत्तस्स नत्थि भयं, जे एगं नामे से बहुं नामे, जे बहुं नामे से एगं नामे, दुक्खं लोगस्स जाणित्ता वंता लोगस्स संजोगं जंति धीरा महाजाणां, परेण परं जंति, नावकंखंति जीवियं ॥सू० १२३॥ एगं विगिंचमाणो पुढो विगिंचइ, पुढोवि, सद्धी आणाए मेहावी लोगं च आणाए अभिसमिच्चा अकुओभयं, अत्थि सत्थं परेण परं, नत्थि अ.सत्थं परेण परं ॥सू० १२४॥ जे कोहदंसी से माणदंसी, जे माणदंसी से मायादंसी, जे मायादंसी से लोभदंसी, जे लोभदंसी से पिज्जदंसी, जे पिज्जदंसी से दोसदंसी, जे दोसदंसी से मोहदंसी, जे मोहदंसी से गव्वभदंसी, जे गव्वभदंसी से जम्मदंसी, जे जम्मदंसी से मारदंसी, जे मारदंसी से नरय दंसी, जे नरयदंसी से तिरियदंसी, जे तिरियदंसी से दुक्खदंसी । से मेहावी अभिणिवट्टिज्जा, कोहं च माणां च मायं च लोभं च पिज्जं च दोसं च मोहं च गव्वं च जम्मं च मारं च नरयं च तिरियं च दुक्खं च, एयं पासगस्स दंसणां उवरयसत्थस्स पलियंतकरस्स, आयाणां निसिद्धा सगडब्भि, किमत्थि ओवाही पासगस्स ? न विज्झइ ? नत्थि त्ति बेमि ॥सू० १२५॥

॥ इति चतुर्थ उद्देशकः ॥ ३-४ ॥ इति तृतीयमध्ययनम् ॥ ३ ॥

॥ ४ : सम्यक्त्वाध्ययनं-४ :: उद्देशकः-१ ॥

से बेमि जे अईया, जे य पडुपन्ना, आगमिस्सा अरहंता भगवंतो, ते सब्बे एवमाइक्खन्ति, एवं भासंति, एवं पणणवित्ति, एवं परुवित्ति—सब्बे पाणा सब्बे भूया सब्बे जीवा सब्बे सत्ता न हंतव्वा, न अज्जावेयव्वा, न परिधि-

તત્ત્વા, ન પરિયાવેયવ્વા, ન ઉદ્ધવેયવ્વા, એમ ધમ્મે શુદ્ધે નિદ્દા સમિચ્છ લોચં
 સ્વેયરાણોહિં પવેદ્દા, તં જહા-ઉદ્ધિણ્ણુ વા, અણુદ્ધિણ્ણુ વા, ઉવદ્ધિણ્ણુ વા,
 અણુવદ્ધિણ્ણુ વા, ઉવરયદંડેસુ વા, અણુવરયદંડેસુ વા, સોવહિણ્ણુ વા,
 અણોવહિણ્ણુ વા, સંજોગરણ્ણુ વા, અસંજોગરણ્ણુ વા, તત્ત્વં ચેયં તહા ચેયં
 અસિંસ ચેયં પવુચ્છદ્દ ॥સૂ. ૧૨૬॥ તં આદત્તુ ન નિહે ન નિક્કિસ્સવે જાણિત્તુ
 ધમ્મં જહા તહા દિટ્ઠેહિં નિવ્વેયં ગચ્છિજ્જા, નો લોગસ્સેસણં ચરે ॥સૂ. ૧૨૭॥
 જસ્સ નત્થિ ઇમા જાદ્ અરાણા તસ્સ કચ્છો સિયા ?, દિટ્ઠં સુયં મયં વિરાણાયં
 જં એયં પરિક્કહિજ્જદ્દ, સમેમાણા પલ્લેમાણા પુણો પુણો જાદં પકાપેતિ
 ॥સૂ. ૧૨૮॥ અહો અ રાચ્છો ય જયમાણો ધીરે સયા આગયપરાણાણો પમત્તે
 વહિયા પાસ, અપ્પમત્તે સયા પરિક્કમિજ્જાસિ ત્તિ વેમિ ॥સૂ. ૧૨૯॥

॥ ઇતિ પ્રથમોદ્દેશકઃ ॥ ૪-૧ ॥

॥ અધ્યયન-૪ :: ઉદ્દેશકઃ--૨ ॥

જે આસવા તે પરિસ્સવા, જે પરિસ્સવા તે આસવા, જે અણાસવા તે
 અપરિસ્સવા, જે અપરિસ્સવા તે અણાસવા, એણે પણે સંબુજ્જમાણો લોચં ચ
 આણાણે અભિસમિચ્છા પુદ્ધો પવેદ્દયં ॥સૂ. ૧૩૦॥ આઘાદ નાણીં ઇહ માણવાણં
 સંસારપલ્લિવરાણાણં સંબુજ્જમાણાણં (આઘાદ ધમ્મં સ્વત્તુ સે જીવાણં, તં જહા
 સંસારપલ્લિવનાણં માણુસભવત્થાણં આરંભવિણ્ણં દુક્ખુવ્વેચ્છસુહસગાણં
 ધમ્મસવણાગવેસયાણં સુસ્સુસમાણાણં પલ્લિપુચ્છમાણાણં) વિનાણપત્તાણં,
 અદ્ધાવિ સંતા અદુવા પક્કત્તા અહા સન્નમિણં તિવેમિ, નાણાગમો મચ્છુમુહસ્સ
 અત્થિ, ઇચ્છા પણીયા વંકા નિકેયા કાલગહિયા નિચયનિવિટ્ઠા પુદ્ધો પુદ્ધો
 જાદં પકપ્પયંતિ (એત્થ મોહે પુણો પુણો) ॥સૂ. ૧૩૧॥ ઇહસેગેસિં તત્થ તત્થ
 સંથવો ભવદ્ અહોવવાદ્દા ફાસે પલ્લિસંવેયંતિ, ચિટ્ઠં કમ્મેહિ કૂરેહિં ચિટ્ઠં
 પરિચિટ્ઠદ્દ, અચિટ્ઠં કૂરેહિં કમ્મેહિ નો ચિટ્ઠં પરિચિટ્ઠદ્દ, એગે વયંતિ
 અદુવાવિ નાણી, નાણી વયંતિ અદુવાવિ એગે ॥સૂ. ૧૩૨॥ આવંતી

केयावंती लोयंसि समणा य माहणा य पुढो विवायं वयंति, से दिट्ठं च गो,
सुयं च गो, मयं च गो, विराणायं च गो, उट्ठं अहं तिरियं दिसासु सव्वओ
सुपडिलेहियं च गो-सव्वे पाणा, सव्वे जीवा, सव्वे भूया, सव्वे सत्ता, हन्तव्वा
अज्जावेयव्वा, परियावेयव्वा, परिघेत्तव्वा, उद्देव्यव्वा, इत्थ वि जाणाह नत्थित्थ
दोसो अणारिय वयणमेयं, तत्थ जे आरिया ते एवं वयासी-से दुट्ठं च
मे, दुस्सुयं च मे, दुम्मयं च मे, दुविराणायं च मे, उट्ठं अहं तिरियं दिसासु
सव्वओ दुप्पडिलेहियं च मे, जं णं तुव्वे एवं आइक्खह, एवं भासह, एवं
परूवेह, एवं पराणावेह-सव्वे पाणा (४) हंतव्वा (५), इत्थवि जाणाह नत्थित्थ दोसो,
अणारिय-वयणमेयं, वयं पुण एवमाइक्खामो, एवं भासामो, एवं परूवेमो,
एवं पराणावेमो-सव्वे पाणा (४) न हंतव्वा १ न अज्जावेयव्वा २ न परिघि-
त्तव्वा ३ न परियावेयव्वा ४ न उद्देव्यव्वा ५, इत्थवि जाणाह नत्थित्थ दोसो
आयरियवयणमेयं पुव्वं निकाय समयं पत्तेयं पत्तेयं पुच्छिस्सामि, हं भो
पावाइया (पावाउया) ? किं मे सायं दुक्खं उयाहु असायं ? समिया पडिवराणो यावि
एवं बूया-सव्वेसिं पाणाणां, सव्वेसिं भूयाणां, सव्वेसिं जीवाणां, सव्वेसिं सत्ताणां
असायं अपरिनिव्वाणां महब्भयं दुक्खं त्ति वेमि ॥सू० १३३॥

॥ इति द्वितीय उद्देशकः ॥४-२॥

॥ अध्ययनं-४ :: उद्देशकः-३ ॥

उवेहि णं बहिया य लोगं, से सव्वलोगंमि जे केइ विराणा, अणुवीइ
पास निक्खित्तदंडा, जे केइ सत्ता पलियं चयंति, नरा सुयच्चा धम्मविउत्ति
अंजू, आरंभजं दुक्खमिणं ति णच्चा, एवमाहु संमत्तदंसिणो, ते सव्वे
पावाइया दुक्खस्स कुसला परिणामुदाहरंति इय कम्मं परिणाय
सव्वसो ॥सू० १३४॥ इह आणाकंखी पंडिए अणिहे, एगमप्पाणां
संपेहाए धुरो सरीरं, कसेहि अप्पाणां जरेहि अप्पाणां-जहा जुनाइं कट्ठाइं
हव्ववाहो पमत्थइ । एवं अत्तसमाहिए अणिहे, विगिंच कोहं अविकंपमाणो

॥सू० १३५॥ इमं निरुद्धाउयं संपेहाए, दुक्खं च जाण अदु आगमेस्सं, पुढो
फासाइं च फासे, लोयं च पास विफंदमाणं, जे निव्वुडा पावेहिं कम्मोहिं
अणियाणा ते वियाहिया, तम्हा अतिविजो नो पडिमंजलिज्जासि त्ति वेमि
॥सू० १३६॥

॥ इति तृतीय उद्देशकः ॥ ४-३ ॥

॥ अध्ययनं-४ :: उद्देशकः-४ ॥

आवीलए पवीलए निप्पीलए जहित्ता पुव्वसंजोगं हिच्चा उवसमं,
तम्हा अविमणो वीरे, सारए ममिए सहिए सया जए, दुरणुच्चरो मणो
वीराणं अनियद्वगामीणं, विगिच मंससोणियं, एस पुरिसे दविए वीरे,
आयाणिज्जे वियाहिए, जे धुणाइ समुस्सयं वसित्ता वंभचेरंसि ॥सू० १३७॥
नित्तेहिं पलिच्छिन्नेहिं आयाणसोयगद्धिए बाले, अज्जोच्छिन्नबंधणो अण-
भिककंसंजोए तमंसि अवियाणयो आणाए लंभो नत्थि त्ति वेमि
॥सू० १३८॥ जस्स नत्थि पुरा पच्छा मज्जे तस्स कुचो सिया ?, से हु
पन्नाणमंते बुद्धे आरंभोवरए संमसेयंति पासह, जेण बंधं वहं घोरं परियाव
च दारुणं पलिच्छिदिय बाहिरणं च सोयं, निवकंमदंसी इह मच्चिएहिं, कम्माणं
मफलं दट्ठुण तथो निज्जाइ वेयवी ॥सू० १३९॥ जे खलु भो ! वीरा ते
समिया सहिया सया जया संघडंसिणो आओवरया अहातहं लोयं उवेह-
माणा पाइणं पडिणं दाहिणं उइणं इय सच्चंसि परि(त्रिए)चिट्ठिसु,
साहिस्सामो नाणं वीराणं समियाणं सहियाणं सयाजयाणं संघडंसीणं
आओवरयाणं अहातहं लोयं समुवेहमाणाणं किमत्थि उवाही ?, पासगस्स
न विज्जइ नत्थि त्ति वेमि ॥सू० १४०॥

॥ इति चतुर्थ उद्देशकः ॥ ४-४ ॥ इति चतुर्थमध्ययनम् ॥ ४ ॥

॥५॥ लोकसाराध्ययनं-५ :: उद्देशकः-१ ॥

आवंती केयावंती लोयंसि विप्परामुसंति अट्टाए अणट्टाए, एएसु चैव विप्परामुसंति, (जावंति केइ लोए छकायवहं समारभंति अट्टाए अणट्टाए) गुरु से कामा, तयो से मारंते, जयो से मारंते तयो से दूरे, नेव से अंतो नेव दूरे ॥सू० १४१॥ से पासइ फुसियमिद कुसग्गे पणुन्नं निवड्यं वाएरियं एवं बालस्स जीवियं मंदस्स अविद्याणयो, कुराइं कम्माइं बाले पकुच्चमाणो, तेण दुक्खेण मूढे विप्परियासमुवेइ, मोहेण गव्वं मरणाइ एइ, एत्थ मोहे पुणो पुणो ॥सू० १४२॥ संसयं परिआणयो संसारे परिन्नाए भवइ, संसयं अपरियाणयो संसारे अपरिन्नाए भवइ ॥सू० १४३॥ जे छेए से सागारियं न सेवइ, कट्ठु एवमविआणयो विइया मंदस्स बालया, (जे खलु विसए सेवइ, सेवित्ता वा णालोएइ, परेण वा पुट्ठो निगहवइ अहवा तं परं सएण वा दोसेण पाविट्टयरेण वा दोसेण उवलंपिज्जति) लद्धा हुरत्था पडिलेहाए आगमिक्का आणविज्जा अणासेवणय त्ति बेमि ॥सू० १४४॥ पासह एगे ख्वेसु गिद्धे परिणिज्जमाणो, इत्थ फासे पुणो पुणो, (एत्थ मोहे पुणो पुणो) आवंती केयावंती लोयंसि आरंभजीवी, एएसु चैव आरंभजीवी, इत्थवि बाले परिपच्चमाणो रमइ पावेहिं कम्मेहिं असरणो सरणांति मन्नमाणो, इहमेगेसिं एगच्चरिया भवइ, से बहुकोहे बहुमाणो बहुमाए बहुलोभे बहुरए बहुनडे बहुसढे बहुसंकप्पे आसवसत्ती पलिउच्छन्ने उट्ठियवायं पवयमाणो, मा मे केइ अदक्खु अन्नायपमायदोसेणां, सययं मूढे धम्मं नाभिजाणइ, अट्टा पया माणव ! कम्मकोविया जे अणुवरया अविज्जाए पलिमुक्खमाहु आव-ट्टमेव अणुपरियट्ठंति त्ति बेमि ॥सू० १४५॥

॥ इति प्रथमोद्देशकः ॥ ५-१ ॥

॥ अध्ययन-५ :: उद्देशकः-२ ॥

आवन्ती केयावन्ती लोए अणारंमजीविणो तेसु, एत्थोवरए तं भोसमाणे, अयं संधीति अदव्वु, जे इमस्स विग्गहस्स अयं खणे त्ति अन्नेही एस मग्गे आरिएहिं पवेइए, उट्टिए नो पमायए, जाणित्तुं दुक्खं पतेयं सायं, पुटोछंदा इह माणादा पुटो दुक्खं पवेइयं, से अविहिसमाणे अणवयमाणे, पुटो फासे विपणुन्नए ॥सू० १४६॥ एम समिधा परियाए वियाहिए, जे असत्ता पावेहि कम्मेहिं उदाहु ते आयंका फुसंति, इति उदाहु धीरे ते फासे पुटो अहियासइ, से पुव्विपेयं पच्छापेयं भेउरधम्मं, विद्धंसणाधम्ममधुवं, अण्णिइयं, असासयं चयावचइयं, विप्परिणामधम्मं, पासह चेयं रुवसंधिं ॥सू० १४७॥ ससुण्णेहमाणस्स इकाययणारयस्स इह विप्पमुक्कस्स नत्थि मग्गे विरयस्स त्ति बेमि ॥सू० १४८॥ आवन्ती केयावन्ती लोगंसि परिग्गहावन्ती, से अप्पं वा बहुं वा अणुं वा थूलं वा चित्तमंतं वा अचित्तमंतं वा एएसु चेव परिग्गहावन्ती, एतदेव एगेसि महब्भयं भवइ, लोगवित्तं च णं उवेहाए, एए संगे अवियाणओ ॥सू० १४९॥ से सुपडिबद्धं सूवणीयंति नच्चा पुरिसा परमचक्खु विपरिक्कमा, एएसु चेव बंभवेरं त्ति बेमि, से सुयं च मे, अज्झत्थयं च मे, बंधपमुक्खो अज्झत्थेव, इत्थ विरए अणगारे दीहरायं तित्तिक्खए, पमत्ते बहिया पास, अप्पमत्तो परिव्वए, एयं मोणं सम्मं अणुवासिज्जासि त्ति बेमि ॥सू० १५०॥

॥ इति द्वितीय उद्देशकः ॥ ५-२ ॥

॥ अध्ययन-५ :: उद्देशकः-३ ॥

आवन्ती केयावन्ती लोयंसि अपरिग्गहावन्ती, एएसु चेव अपरिग्गहावन्ती, सुच्चा वइ मेहावी पंडियाण निसामिधा समियाए धम्मे आरिएहिं पवेइए जहित्थ मए संधी भोसिए, एवमन्नत्थ संधी दुब्बोसए भवइ, तम्हा बेमि नो निहणिज्ज वीरियं ॥सू० १५१॥ जे पुव्वुट्ठाइ नो पच्छानिवाइ,

जे पुव्वुद्वाइ पच्छानिवाइ जे नो पुव्वुद्वायी नो पच्छानिवाइ, सेऽवि
तारिसिए सिया, जे परिन्नाय लोगमन्नेसयंति ॥सू० १५२॥ एयं नियाय
मुणिया पवेइयं, इह आणाकंखी पंडिए अणिए, पुव्वावररायं जयमाणो,
सया मीलं सुपेहाए सुणिया भवे अकामे अभंमे, इमेण चेव जुज्झाहि
किं ते जुज्जेण वज्झयो ? ॥सू० १५३॥ जुद्धारिहं खलु दुल्लहं, जहित्थ
कुमलेहिं परिन्नाविवेगे भासिए, चुए हु बाले गव्माइसु रजइ (रिज्जइ) अस्सि
चेयं पवुच्चइ, खवंमि वा, छाणंसि वा से हु एगे संविद्धपहे (संवद्धिभये-
संचिद्धपहे) मुणी, अन्नहा लोगमुवेहमाणो, इय कम्म परिणाय सव्वसो से न
हिसइ, संजमइ नो पगम्भइ, उवेहमाणो पत्तेय सायं, वराणाएसी नारंभे
कंचणं सव्वलोए एगप्पमुहे विदिसप्पइन्ने निव्विराणाचारी अरए पयासु
॥सू० १५४॥ से वसुमं सज्जसमन्नायपन्नाणोणं अप्पाणोणं अकरणिज्जं
पावकम्मं तं नो अन्नेसी, जं संमंति पासहा तं मोणंति पासहा, जं मो-
णंति पासहा तं संमंति पासहा, न इमं सक्कं सिद्धिलेहिं अदिज्जमाणोहिं
गुणासाएहिं वंक्कसमायारेहिं पमत्तेहिं गारमावसंतेहिं, मुणी मोणं समायाए
धुणो सरीरगं पंतं लुहं सेवंति वीरा सम्मत्तदंसिणो, एस ओहन्तरे मुणी,
तिगणो मुत्ते विरए वियाहिए त्ति बेमि ॥सू० १५५॥

॥ इति तृतीयोद्देशकः ॥ ५-३ ॥

॥ अध्ययनं-५ :: उद्देशकः-४ ॥

गामाणुगामं दूइज्जमाणस्स दुज्जायं दुप्परक्कतं भवइ अवियत्तस्स
भिक्षुणो ॥सू० १५६॥ वयसावि एगे बुइया कुप्पंति माणावा, उन्नयमाणो
य नरे महया, मोहेण मुज्झइ, संवाहा बहवे भुज्जो (२) दुरइक्कम्मा अन्नाणाओ
अपासओ, एयं ते मा होउ, एयं कुसलस्स दंसणां, तदिट्ठिए तम्मुत्तिए तप्पुर-
कारे तस्सन्नी तन्निवेसणो, जयं विहारी चित्तनिवाइ पंथनिज्झाइ पलिवाहिरे,
पासिय पाणो गच्छिज्जा ॥सू० १५७॥ से अभिक्कममाणो, पडिक्कममाणो

संकुचमाणो पसारमाणो विणिवट्टमाणो संपलिज्जमाणो, एगया गुणसमियस्स
रीयओ कायसंकासं समणुचिन्ना एगतिया पाणा उदायंति, इहलोग वेयणा-
विजावडियं, जं आउट्टिकयं कम्मं तं परिन्नाय विवेगमेइ, एवं से अप्पमाण
विवंगं किट्टइ वेयवी ॥सू० १५८॥ से पभूयदंसी पभूयपरिन्नाणो उवसंते
समिए सहिए सयाजए, दट्ठुं विप्पडिवेएइ अप्पाणं किमेस जणो करिस्सइ ?
एस से परमारामो जाओ लोगंमि इत्थीओ, मुणीणा हु एयं पवेइयं,
उव्वाहिज्जमाणो, गामधम्मेहिं अवि निव्वलासए अवि ओमोयरियं कुज्जा,
अवि उट्ठं ठाणं ठइज्जा, अवि गामाणुगामं दूइज्जिज्जा, अवि आहारं
बुच्छिदिज्जा, अवि चए इत्थीसु मणां, पुव्वं दडा पच्छा फासा, पुव्वं फासा
पच्छा दंडा, इच्चेए कलहासंगकरा भवंति, पडिलेहाए आगमिन्ता आणा-
विज्जा अणासेवणाए त्तिबेमि, से नो कहिए नो पासणिए नो संपसारणिए
नो मामए णो कयकिरिए वइगुत्ते अज्झप्पसंबुडे परिवज्जइ सया पावं एयं मोणं
समणुवासिज्जासि त्तिबेमि ॥सू० १५९॥

॥ इति चतुर्थ उद्देशकः ॥ ५-४ ॥

॥ अध्ययनं-५ :: उद्देशकः-५ ॥

से बेमि तं जहा-अवि हरए पडिपुणो समंसि भोमे चिट्ठइ उवसं-
तरए सारक्खमाणो, से चिट्ठइ सोयमज्झगए से पास सब्बओ गुत्ते, पास लोए
महेसिणो जे य पन्नाणमंता पबुद्धा आरम्भोवरया सम्ममेयंति पासह, कालस्स
कंखाए परिव्वयंति त्ति बेमि ॥सू० १६०॥ वित्तिगिच्छसमावन्नेणं अप्पाणोणं
नो लहइ समाहिं, सिया वेगे अणुगच्छंति असिता वेगे अनुगच्छंति
अणुगच्छमाणोहिं अणुगच्छमाणो कहां न निव्विज्जे ? ॥सू० १६१॥
तमेव सच्चं नीसकं जं जिणोहि पवेइयं ॥सू० १६२॥ सट्ठिस्स णं समणु-
न्नस्स संपव्वयमाणस्स समियंति मन्नमाणस्स एगया समिया होइ १, समियंति
मन्नमाणस्स एगया असमिया होइ २, असमियंति मन्नमाणस्स एगया समिया

होइ ३, असमियंति मन्नमाणस्स एगया असमिया होइ ४, समियंति मन्नमा-
णस्स समिया वा असमिया वा समिया होइ उवेहाए ५, असमियंति
मन्नमाणस्स समिया वा असमिया वा असमिया होइ उवेहाए ६, उवेहमाणो
अणुवेहमाणं ब्रूया-उवेहाहि समियाए, इच्चेवं तत्थ संधी भोसिओ भवइ,
से उट्ठियस्स ठियस्स गइं समणुपासह, इत्थवि बालभावे अप्पाणं नो उवदं-
सिज्जा ॥सू० १६३॥ तुमंसि नाम सच्चेव जं हंतव्वंति मन्नसि, तुमंसि
नाम सच्चेव जं अज्जावेयव्वंति मन्नसि, तुमंसि नाम सच्चेव जं परिदावेय-
व्वंति मन्नमि, एवं जं परिचित्तव्वंति मन्नसि, जं उद्वेयव्वंति मन्नसि, अंजू
चेयपडिबुद्धजीवी, तम्हान हंता नवि घायए, अणुसंवेयणमप्पाणेणं जं हंतव्वं
नाभिपत्थए ॥सू० १६४॥ जे आया से विन्नाया, जे विन्नाया से आया,
जेण वियाणइ से आया, तं पडुच्च पडिसंखाए, एस आयावाइ समियाए
परियाए वियाहिए त्तिवेमि ॥सू० १६५॥

॥ इति पंचमोद्देशकः ॥ ५-५ ॥

॥ अध्ययनं-५ :: उद्देशकः-६ ॥

अणाणाए एगे सोवट्ठाणा आणाए एगे निखट्ठाणा, एयं ते मा
होउ, एयं कुसलस्स दंसणं, तदिट्ठीए तम्मुत्तीए तप्पुरकारे तस्सन्नी तन्निवेसणे
॥सू० १६६॥ अभिभूय अदक्खू अणाभिभूए पभू निरालंबणयाए जे महं
अबहिमणे, पवाएण पवायं जाणिज्जा, सहसंमइयाए परवागरणेणं अन्नेसि
वा अंतिए सुच्चा ॥सू० १६७॥ निद्देसं नाइवट्ठेज्जा मेहावी सुपडिलेहिया
सव्वओ सव्वप्पणा सम्मं समभिगणाय, इह आरामं परिगणाय अल्लीणगुत्तो
आरामो परिव्वए निट्ठियट्ठी वीरे आगमेण सया परक्कमे ॥सू० १६८॥
उद्धं सोया अहे सोया, तिरियं सोया वियाहिया । एए सोया विअक्खाया,
जेहिं संगंति पासह ॥१॥ आवट्ठं तु पेहाए इत्थ विरमिज्ज वेयवी, विणइत्तु
सोयं निक्खम्म एसमहं अक्कमा जाणइ पासइ पडिलेहाए नावकंखइ इह

आगइं गइं परिन्नाय ॥सू० १६९॥ अच्चेइ जाइमरणास्य वट्टमग्गं विक्खा-
यरए, सव्वे सरा नियट्ठंति, तक्का जत्थ न विज्जइ, मइ तत्थ न गाहिया,
ओए, अप्पइट्ठाणास्स खेयन्ने, से न दीहे न हस्से न वट्ठे न तंमे न चउरंमे न
परिमंडले न किणहे न नीले न लोहिए न हालिहे ने सुवित्ठे न सुग्धि-
गंधे न दुरभिगंधे न तित्ते न कडुए न कसाए न अंविले न महुरे न कयवडं
न मउए न गरुए न लहुए न उगहे न निज्जे न लुक्खे न काऊ न ग्हे न
संगे न इत्थी न पुरिसे न अन्नहा, परिन्ने सन्ने उवप्पा न विज्जए, अस्सी
सत्ता अपयस्स पयं नत्थि ॥सू० १७०॥ से न सदे न खे न गंधे न रसे न
फासे इच्चेव त्तिवेमि ॥सू० १७१॥

॥ इति षष्ठ उद्देशकः ॥ ५-६ ॥ इति पंचममध्ययनम् ॥ ५ ॥

॥ ६ ॥ धूताध्ययनं-६ :: उद्देशकः-१ ॥

ओबुज्झमाणो इह माणवेसु आवाइ से नरे, जस्स इमाओ जाइओ
सव्वओ सुपडिलेहियाओ भवंति, आवाइ से नाणमणोलिसं, से किट्ठइ तेसि
समुट्ठियाणं निक्खित्तइंगडाणं समाहियाणं पन्नाणमंताणं इह मुत्तिमग्गं, एवं
(अवि) एगे महावीरा विपरिक्कमंति पासह एगे अवसीशमाणो अणत्तपन्ने से
वेमि, से जहावि (सेवि) कुंमे हरए विणिविट्ठचित्ते पच्छन्नपलासे उम्मग्गं से
नो लहइ भंजगा इव संनिवेशं नो चयंति, एवं (अधि) एगे अरोगखेहिं
कुलेहिं जाया खेहि सत्ता कलुणां थणंति, नियाणाओ ते न लभंति
मुखं, अह पास तेहिं कुलेहिं आयत्ताए जाया ॥१७२॥ गंडी अहवा
कोटी, रायंसी अवमारियं । काणियं क्षिमियं चेंव, कुणियं खुज्जियं
तहा ॥१॥ उदरि च पास मूयं च, सूणीयं च गिलासणिं । वेवइं
पीढसण्णि च, सिलियं महुमंहाणि ॥२॥ सोलस एए रोगा, अक्खाया
अणुपुव्वसो । अह णं फुसंति आयंका, फासा य असमंजसा ॥३॥ धरणां
तेसि संपेहाए उववायं चवणां च नच्चा, परियागं च संपेहाए ॥सू० १७३-७६॥

तं सुगोहं जहा तहा संति पाणा अंधा तमसि वियाहिया, तामेव सइं
 असइं अइअच्च उच्चावयफासे पडिसंवेणइ, बुद्धेहिं एयं पवेइयं-संति पाणा
 वासगा रसगा उदए उदए चरा आगासगामिणो पाणा पाणो किलेसंति, पास
 लोए महब्भयं ॥सू० १७७॥ बहुदुक्खा इ जन्तवो, सत्ता कामेसु
 माणावा, अबलेण वहं गच्छन्ति सरीरेणं पमंगुरेणं अट्टे से बहुदुक्खे इइ
 बाले पकुब्बइ एए रोगा बहू नच्चा आउरा परियावए नालं पास, अलं
 तवेएहिं, एयं पास मुणी ! महब्भयं नाइवाइज्ज कंचणं ॥सू० १७८॥
 आयाण भो सुस्सूस ! भो धूयदायं पवेयइस्सामि, (धुतोदायं पवेयंति)
 इह खलु अत्तत्ताए तेहिं तेहिं कुलेहिं अभिसेएण अभिसंभूया अभिसंजाया
 अभिनिव्वुडा अभिसंबुद्धा अभिसंबुद्धा अभिनिक्कंता अणुपुब्बेण महामुणी
 ॥सू० १७९॥

तं परिकसंतं परिदेवमाणा सा चयाहि इय ते वयंति-छंदोवणीया
 अज्झोववन्ना अक्कंदकारी जणागा रुयंति अतारिसे मुणी (ण य) ओहं
 तरए जणागा जेण विप्पजढा, सरणं तत्थनो समेइ, कहं नु नाम से तत्थ
 रमइ ?, एयं नाणं सया समणुवासिज्जासि त्ति वेमि ॥सू० १८०॥

॥ इति प्रथमोद्देशकः ॥६-१॥

॥ अध्ययनं-६ :: उद्देशकः-२ ॥

आउरं लोगमायाए चइत्ता पुब्बसंजोगं हिच्चा उवसमं वसित्ता बंभवे-
 रंसि वसु वा अणुवसु वा जाणित्तु धम्मं अहा तहा अहेगे तमचाइ कुसीला
 ॥सू० १८१॥ वत्थं पडिग्गहं कंबलं पायपुट्ठाणं विउसिज्जा, अणुपुब्बेण
 अणहियासेमाणा परीसहे दुरहियासए, कामे ममायमाणस्स इयाणि वा
 मुहुत्तेण वा अपरिमाणाए भेए, एवं से अंतराएहिं कामेहिं आकेवलिएहि
 अवइन्ना चेए ॥सू० १८२॥ अहेगे धम्ममायाय आयाणप्पभिइंसु पणिहिए
 चरे अण्णलीयमाणो दढे सव्वं गिद्धि परिज्जाय, एम पणाए महामुणी,

अइअच्च सव्वओ संगं न महं अत्थित्ति इय एगो अहं, अस्सि जयमाणे
 इत्थ विरए अण्णगारे सव्वओ मुंढे रीयंते, जे अचेले परिबुसिए संचिवखइ
 ओमोयरियाए, से आकुण्ठे वा हए वा लुं चिए (लूसिए) वा पलियं पकत्थ
 अदुवा पकत्थ अतहेहिं सद्धासेहिं इय मंखाए एगयरे अन्नयरे अभिन्नाय
 तित्तिक्खमाणे परिव्वए जे य हिरी जे य अहिरीमाणा (मणा)॥सू० १८३॥
 चिच्चा सव्वं विसुत्तियं फासे समियदंसणे, एए भो णगिणा बुत्ता जे लोगंसि
 अण्णगमणा—धम्मिणो आण्णए मामगं धम्मं एस उत्तरवाए इह माणवाणं
 धियाहिए, इत्थोवरए तं भोसमाणे आयाणिज्जं परिन्नाय परियाएण,
 विगिंचइ, इह एगेसिं एगचरिया होइ तत्थियरा इयरेहि कुलेहिं सुद्धेसणाए
 सव्वेमणाए से मेहावी परिव्वए सुव्विं अदुवा दुव्विं अदुवा तत्थ भेरवा
 पाणापाणे किलेसंति, ते फासे पुट्ठो धीरे अहियासिज्जामि त्ति वेमि
 ॥सू० १८४॥

॥ इति द्वितीयोद्देशकः ॥ ६-२ ॥

॥ अध्ययनं--६ :: उद्देशकः-३ ॥

एयं खु मुणी आयणं सया सुथक्खाधम्ममे विहूयकप्पे निज्झोसइत्ता,
 जे अचेले परिबुसिए तरस णं भिक्खुस्स नो एवं भवइ—परिजुराणे मे वत्थे
 वत्थं जाइस्सामि, सुत्तं जाइस्सामि, सूइं जाइस्सामि संधिरसामि सीविस्सामि
 उक्कसिस्सामि बुक्कसिस्सामि परिहिस्सामि पाउणिरसामि, अदुवा तत्थ
 परिकमंतं भुज्जो अचेलं तण्णफासा फुसंति, सीयफासा फुसंति, तेउफासा
 फुसंति, दंसमसगफासा फुसंति, एयगरे अन्नयरे विरूवरूवे फासे अहियासेइ
 अचेले लाघवं आगममाणे, (एवं खलु से उवगरणलाघवियं तवं कम्मवस्वय-
 कारणां करेइ) तवे से अभिसमन्नागए भवइ, जहेयं भगवदा पवेइयं तमेव
 अभिसमिच्चा सव्वओ सव्वत्ताए संमत्तमेव समभिजाणिज्जा, एवं तेसिं महा-
 वीराणं चिररायं पुव्वाडं वासाणि रीयमाणाणां दवियाणं पास अहियासिथं

॥सू० १८५॥ आगयपन्नाणाणं किंसा बाहवो भवन्ति पयणुरे य मंससोणिण
विस्सेणि कट्ठ परिन्नाय, एस तिण्णे मुत्ते विरेण विथाहिण त्ति वेमि
॥सू० १८६॥ विरयं भिक्खुं रीयंतं चिररात्रो सिथं अरइ तत्थ किं
विधारण ? संघेमाणे समुट्ठिए, जहा से दीवे असंदीणे, एवं से धम्मे आरिय-
पदेसिए, ते अणवकंसमाणा पाणे अणइवाएमाणा जइया मेहाविणो पंडिया,
एवं तेसिं भगवत्रो अणुट्ठाणे जहा से दियापोए एवं ते सिस्सा दिया य
रात्रो य अणुपुव्वेण वाइय त्ति वेमि ॥सू० १८७॥

॥ इति सृतीयोद्देशकः ॥ ६-३ ॥

॥ अध्ययनं-६ :: उद्देशकः-४ ॥

एवं ते सिस्सा दिया य रात्रो य अणुपुव्वेण वाइया तेहिं महावीरेहिं
पन्नाणमन्तेहिं तेसिमन्ति पन्नाणमुवलब्भ हिच्चा उवसमं फारुसियं समाइयन्ति,
वसित्ता बंभचेरंसि आणं तं नोत्ति मन्नमाणा आवायं तु सुच्चा निसम्म,
समणुन्ना जीविस्सामो एणे निक्खमन्ते असंभवन्ता विडज्झमाणा कामेहिं
गिद्धा अज्झोववन्ना समाहिमावायमजोसयन्ता सत्थारमेव फरुसं वयन्ति
॥सू० १८८॥ सीलमन्ता उवसन्ता संखाए रीयमाणा असीला अणुवयमा-
णास्स विइया मंदस्स बालया ॥सू० १८९॥ नियट्टमाणा वेगे आयरगोयर-
माइक्खन्ति, नाणब्भट्ठा दंसणालूसिणो ॥सू० १९०॥ नममाणा वेगे जीवियं
विप्परिणामन्ति पुट्ठा वेगे नियट्टन्ति जीवियस्सेव कारणा, निक्खन्तंपि तेसिं
दुन्निक्खन्तं भवइ, बालवयणिज्जा हु ते नरा, पुणो पुणो जाइं पकप्पिन्ति अहे
संभवन्ता विहायमाणा अहमंसीति विउक्खसे उदासीणे फरुसं वयन्ति, पलियं
पकथे अदुवा पकथे अतहेहिं, तं वा मेहावी जाणिज्जा धम्मं ॥सू० १९१॥
अहम्मट्ठी तुमंसि नाम बाले आरंभट्ठी अणुवयमाणो हण पाणे घायमाणो हणत्रो
यावि समणुजाणमाणो घोरेधम्मे, उदीरिए उवेहइ णं अणाणाए एस विसन्ने
विथहे विथाहिण त्ति वेमि ॥सू० १९२॥ किमणेण भो ! जणेण करिस्सामित्ति

मन्त्रमागो एवं एगे वइत्ता माथरं पिथरं हिचा नायत्रो यपरिग्गहं वीरायमाणा
समुद्वाए अविहिंसा सुब्बया दंता (समणा भविस्सामो अणगारा अकिंचणा अपुत्ता
अपसुया अविहिंसगा सुब्बया दंता परदत्तभोइणो पावं कम्मं न करेस्सामो
समुद्वाए) परम दीणो उप्पइए पड्वियमाणो वसट्ठा कायरा जणा लूसगा
भवन्ति, अहमेगेसिं सिलोए पावए भवइ, से समणो भविता विव्वन्ते २
पासहेगे समन्नागएहिं सइ असमन्नागए नममाणोहि अनममाणो विरएहि
अविरए दविएहि अदविए अभिस्समिच्चा पंडिए मेहावी निट्ठियट्ठे वीरे
आगमेणां सया परकमिज्जासि ति वेमि ॥सू० १६३॥

॥ इति चतुर्थ उद्देशकः ॥ ६-४ ॥

॥ अध्ययनं-६ :: उद्देशकः-५ ॥

से गिहेसु वा गिहंतरेसु वा गामेसु वा गामंतरेसु वा नगरेसु वा नगरं-
तरेसु वा जणावयेसु वा जणावयंतरेसु वा गामनगरंतरे वा गामजणावयंतरे वा नगर-
जणावयंतरे वा संतेगइया जणा लूसगा भवन्ति अदुवा फासा कुसन्ति ते फासे
पुट्ठे वीरो अहिंसाए, ओए समियदंसणो, दयं लोगस्स जाणित्ता पाइणां
पढीणां दाहिणां उदीणां आइक्खे, विअए किट्ठे वेयवि, से उट्ठिएसु वा अणट्ठिएसु
वा सुस्सूस्समाणेसु पवेअए संतिं विरइं उवसमं निव्वाणां सोयं अज्जवियं
महवियं लाअवियं अणइवत्तियं सव्वेसि पाणाणां सव्वेसि भूयाणां सव्वेसि
सत्ताणां सव्वेसि जीवाणां अणुवीइ भिक्खू धम्ममाइक्खिज्जा ॥सू० १६४॥
अणुवीइ भिक्खू धम्ममाइक्खमाणो नो अत्ताणां आसाइज्जा नो परं आसा-
इज्जा नो अन्नाइं पाणाइं भूयाइं जीवाइं सत्ताइं आसाइज्जा से अणासायए
अणासायमाणो वज्झपाणाणां पाणाणां भूयाणां जीवाणां सत्ताणां जहा से दीवे
असंदीणो एवं से भवइ सरणां महासुणी, एवं से उट्ठिए ठियप्पा अणिहे
अचले चले अवहित्तेसे परिव्वए संक्खाय पेसत्तं धम्मं दिट्ठिमं परिनिव्वुडे,
तम्हा संगन्ति पात्तह मंथेहि गट्ठिअ नरा विसज्जा कामकन्ता तम्हा लूहाओ

नो परिवित्तसिज्जा, जस्सिमे आरंभा सव्वथो सव्वप्पयाए सुपरिन्नाया भवंति
जेसिमे लूसिणो नो परिवित्तसंति, से वंता कोहं च माणां य मायं च लोभं च एस
तुट्ठे वियाहिए त्ति बेमि ॥सू० ११५॥ कायस्स वियायाए एस संगामसीसे
वियाहिए से हु पारंगमे मुणी, अविहम्ममाणो फलगावयट्ठी कालोवणिए
कंखिज्ज कालं जाव सरीरभेउ त्ति बेमि ॥सू० ११६॥

॥ इति पंचमोद्देशकः ॥ ६-६ ॥ इति षष्ठमध्ययनम् ॥ ६ ॥

(सप्तममध्ययनं व्युच्छिन्नम्)

॥ ८ ॥ विमोक्षाध्ययनं—८ ॥ उद्देशकः—१ ॥

से वेमि समणुन्नस्स वा असमणुन्नस्स वा असणां वा पाणां वा खाइमं
वा साइमं वा वत्थं वा पडिग्गहं वा कंबलं वा पायपुच्छणां वा नो पादेज्जा नो
निमंतिज्जा नो कुज्जा वेयावडियं परं आढायमाणो त्ति बेमि ॥सू० ११७॥ धुवं
चेयं जाणिंज्जा असणां वा जाव पायपुच्छणां वा लभिया नो लभिया भुंजिया नो
भुंजिया पंथं विउत्ता विउक्कम्म विभत्तं धम्मं जोसेमाणो समेमाणो चलेमाणो (पले-
माणो) पाइज्जा वा निमंतिज्जा वा कुज्जा वेयावडियं परं अणाढायमाणो त्ति बेमि ॥
॥सू० ११८॥ इहमेगेसिं आयारगोयरे नो सुनिसंते भवति ते इह आरंभट्ठी
अणुवयमाणा हण पाणो धायमाणा हणथो याविं समणुजाणमाणा अदुवा
अदिन्नमाययंति अदुवा वायाउ विउज्जंति, तं जहा—अत्थि लोए नत्थि
लोए, धुवे लोए, अधुवे लोए, साइए लोए अणाइए लोए, सपज्जवसिए
लोए अपज्जवसिए लोए, सुकडेत्ति वा दुक्कडेत्ति वा, कल्लाणेत्ति वा पावेत्ति
वा, साहुत्ति वा असाहुत्ति वा, सिद्धित्ति वा असिद्धत्ति वा निरएत्ति वा
अनिरएत्ति वा, जमिणां विप्पडिवन्ना मामगं धम्मं पन्नवेमाणा इत्थवि जाणाह
अकस्मात् एवं तेसिं नो सुयक्खाए धम्मे नो सुपन्नते धम्मे भवइ ॥सू०
११९॥ से जहेयं भगवया पवेइयं आसुपन्नेण जाणया पासया अदुवा गुत्ती
वथोगोयरस्स त्तिवेमि सव्वत्थ संमयं पावं, तमेव उवाइक्कम्म एस महं विवेगे

वियाहिए, गामे वा अदुवा रणणे नेव गामे नेव रणणे धम्ममायाणह पवेइयं
 माहणेण मइमया, जामा तिन्नि उदाहिया जेसु इमे आयरिया संबुज्जमाणा
 समुट्ठिया, जे णिव्वुया पावेहिं कम्मेहिं अणियाणा ते वियाहिया ॥सू०
 २००॥ उट्ठं अहं तिरियं दिसासु सव्वओ सव्वावंति च णं पाडियक्कं
 जीवेहिं कम्मसम्मारम्भे णं तं परिन्नाय मेहावी नेव सयं एएहिं काएहिं दंडं
 समारंभिज्जा, नेवन्ने एएहिं काएहिं दंडं समारंभाविज्जा, नेवन्ने एएहिं
 कायेहिं दंडं समारंभंतेऽपि समणुजाणोज्जा नेवऽन्ने एएहिं काएहिं दंडं
 समारंभंति तेसिं पि वयं लज्जामो तं परिन्नाय मेहावी तं वा दंडं अन्नं
 वा नो दंडभी दंडं समारंभिज्जासि त्ति वेमि ॥सू० २०१॥

॥ इति प्रथमोद्देशकः ॥८-१॥

॥ अध्ययनं—८ :: उद्देशकः—२ ॥

से भिक्खु परिकमिज्ज वा चिट्ठिज्ज वा निसीइज्ज वा तुयट्ठिज्ज वा
 सुसाणंसि वा सुन्नागारंसि वा गिरिगुहंसि वा रुक्खमूलंसि वा कुंभाराययणं-
 सि वा हुरत्था वा कहिंचि विहरमाणां तं भिक्खुं उवसंकमित्तु गाहावइ बूया-
 आउसंतो समणा ! अहं खलु तव अट्ठाए असणां वा पाणां वा खाइमं वा
 साइमं वा वत्थं वा पडिग्गहं वा कंबलं वा पायपुच्छणां वा पाणाइं भूयाइं
 जीवाइं सत्ताइं समारब्भ समुद्दिस्स कीयं पामिच्चं अच्छिज्जं अणिसट्ठं
 अभिहडं आहट्ठु चेएमि आवसहं वा सवस्सिणोमि से भुंजह वसह, आउ-
 संतो समणा ! भिक्खु तं गाहावइं समणासं सवयसं पडियाइक्खे—आउसंतो !
 गाहावई नो खलु ते वयणां आदामि नो खलु ते वयणां परिजाणामि, जो
 तुमंमम अट्ठाए असणां वा (४) वत्थं वा (४) पाणाइं वा (४) समारब्भ समुद्दिस्स
 कीयं पामिच्चं अच्छिज्जं अणिसट्ठं अभिहडं आहट्ठु चेएसि आवसहं वा समु-
 स्सि णासि, से विरओ आउसो गाहावई ! एयरस अकरणायाए ॥सू० २०२॥
 से भिक्खु परिकमिज्ज वा जाव हुरत्था वा कहिंचि विहरमाणां तं भिक्खुं उव-

संकमित्तु गाहावई आयगयाए पेहाए असणां वा (४) वत्थं वा (४) जाव
 आहट्टु चेएइ आवसहं वा समुस्सिणाइ भिक्खु परिवासेउं, तं च भिक्खु जाणिज्जा
 सहसम्मइयाए परवागरणेणां अन्नेसिं वा सुच्चा अयं खलु गाहावई मम अट्टाए
 असणां वा (४) वत्थं वा (४) जाव आवसहं वा समुस्सिणाइ, तं च भिक्खु
 पडिलेहाए आगमित्ता आणविज्जा अणासेवणाए त्ति वेमि ॥सू० २०३॥
 भिक्खुं च खलु पुट्टा वा अपुट्टा वा जे इमे आहच्च गंधा वा फुसंति,
 से हंता हण्ह खण्ह छिंद्ह दह्ह पय्ह आलुं प्ह विलुं प्ह सहसाकारेह
 विप्परामुसह, ते फासे धीरो पुट्टो अहियासए अदुवा आयारगोयरमाइक्खे,
 तक्किया णमणेत्तिसं अदुवा वइगुत्तीए गोयरस्स अणुपुव्वेण संमं पडिलेहाए
 आयतगुत्ते बुद्धेहिं एयं पवेइयं ॥सू० २०४॥ से समणुन्ने असमणुन्नस्स
 असणां वा जाव नो पाइज्जा नो निमंतिज्जा नो कुज्जा वेयावडियं परं
 आदायमाणो त्ति वेमि ॥सू० २०५॥ धम्ममायाण्ह पवेइयं माहणेण मइमया
 समणुन्ने समणुन्नस्स असणां वा जाव कुज्जा वेयावडियं परं आदायमाणो त्ति
 वेमि ॥सू० २०६॥

॥ इति द्वितीय उद्देशकः ॥ ८-२ ॥

॥ अध्ययनं-८ :: उद्देशकः-३ ॥

मज्झिमेणां वयसावि एगे संबुज्झमाणा समुट्ठिया, सुच्चा मेहावी वयणां
 पंडियाणां निसामिया समियाए धम्मे आरिएहिं पवेइए ते अणवकंखमाणा
 अणइवाएमाणा अपरिग्गहेमाणा नो परिग्गहावन्ती सव्वावन्ती च णां लोगंसि
 निहाय दंडं पाणेहिं पावं कम्मं अकुज्जमाणो एस महं अगंधे वियाहिए ओए
 जुइमस्स खेयन्ने उववायं चवणां च नच्चा ॥सू० २०७॥ आहारोवचया देहा
 परीसहपभंगुरा पासह एगे सज्जिदिएहिं परिगिलायमाणेहिं ॥सू० २०८॥
 ओए दयं दयइ, जे संनिहाणसत्थस्स खेयन्ने से भिक्खु कालन्ने बलन्ने
 मायन्ने खणन्ने विणवन्ने समयन्ने परिग्गहं अममायमाणो कालेणुट्ठाई

अपडिन्ने दुहयो छित्ता नियाडं ॥सू० २०६॥ तं भिक्खुं सीयफासपरिवेव-
माणगायं उवसंकमित्ता गाहावई वूया-आउसंतो ममणा ! नो खलु गाम-
धम्मा उव्वाहंति, आउसंतो गाहावई ! नो खलु मम गामधम्मा उव्वाहंति,
सीयफासं च नो खलु अहं संचाएमि अहियासित्तए, नो खलु मे कण्ड
अगणिकायं उज्जालित्तए वा पज्जालित्तए वा कायं आयावित्तए वा पया-
वित्तए वा, अन्नेसिं वा वयणाओ, सिया म एवं वयंतस्स परो अगणिकायं
उज्जालित्ता पज्जालित्ता कायं आयादिज्ज वा, पयादिज्ज वा, तं च भिक्खु
पडिलेहाए आगमित्ता आणाविज्जा अणासेवणाए त्ति वेमि ॥सू० २१०॥

॥ इति तृतीयोद्देशकः ॥ ८-३ ॥

॥ अध्ययनं-८ :: उद्देशकः-४ ॥

जे भिक्खु तिहिं वत्थेहिं परिवुसिए पायचउत्थेहिं तस्स गां नो
एवं भवइ चउत्थं वत्थं जाइस्सामि, से अहेसणिज्जाइं वत्थाइं जाइज्जा
अहापरिग्गहियाइं वत्थाइं धारिज्जा, नो धोइज्जा (नो रइज्जा) नो धोयरत्ताइं
वत्थाइं धारिज्जा, अपलित्थोवमाणो (अपलिउंचमाणो) गामंतरेसु ओम-
चेलिए, एयं खु वत्थधारिस्स-सामगियं ॥सू० २११॥ अहं पुण एव
जाणिज्जा-उवाइवकंते खलु हेमंते गिम्हे पडिबन्ने अहापरिजुत्ताइं वत्थाइं
परिट्ठविज्जा, अदुवा संतरुत्तरे अदुवा ओमचेले अदुवा एगमाडे अदुवा अचेले
॥सू० २१२॥ लाघवियं आगममाणं, तवे से अभिसमन्नागए भवइ ॥सू० २१३॥
जमेयं भगवया पवेइयं तमेव अभिसमिच्चा सव्वओ सव्वत्ताए सव्वत्तमेव समभि-
ज्जाणिज्जा ॥सू० २१४॥ जस्स गां भिक्खुस्स एवं भवइ पुट्ठो खलु अहमंसि
नालमहमंसि सीयफासं अहियासित्तए, से वसुमं सव्वसमन्नागयपन्नाणोणं अप्पा-
णोणं केइ अकरणायाए आउट्टे तवरिसणो हु तं सेयं जमेगे विहमाइए तत्थावि
तस्स कालपरियाए, सेऽवि तत्थे विअंतिकारए इच्चेयं विमोहायतणं हियं सुहं
खमं निस्सेसं आणुगामिअं त्ति वेमि ॥सू० २१५॥

॥ इति चतुर्थ उद्देशकः ॥ ८-४ ॥

॥ अध्ययनं-८ :: उद्देशकः-५ ॥

जे भिक्षु दोहिं वत्थेहिं परिवुसिए पायतईएहिं तस्स णं नो एवं भवइ तइयं वत्थं जाइस्सामि, से अणोसणिज्जाइं वत्थाइं जाइज्जां जाव, एवं खु तस्से भिक्षुस्स सामगिअं, अह पुण एवं जाणिज्जा-उवाइक्कंते खलु हेमन्ते गिन्हे पडिवरणो, अहापरिजुन्नाइं वत्थाइं परिट्ठविज्जा, अहापरिजुन्नाइं परिट्ठवत्ता अदुवा संतरुत्तरे अदुवा ओमचेले अदुवा एगसाडे अदुवा अचेले लाघवियं आगममाणो तवे से अभिसमन्नागए भवइ जमेयं भगवया पवेइयं तमेव अभिसमिच्चा सव्वओ सव्वत्ताए सम्मत्तमेव समभिजाणिया, जस्स णं भिक्षुस्स एअं भवइ-पुट्ठो अबलो अहमंसि नालमहमंसि गिहंतरसंकमणं भिक्षायारियं गमणाए, से एवं वयंतस्स परो अभिहडं असणं वा (४) आहट्ठु दलेइज्जा, से पुव्वामेव आलोइज्जा-आउसंतो ! नो खलु मे कप्पइ अभिहडं असणं वा (४) भुत्तए वा पायए वा अन्ने वा एयप्पगारे ॥सू० २१६॥ जस्स णं भिक्षुस्स अयं पगप्पे-अहं च खलु पडिन्नत्तो अपडिन्नत्तेहिं गिलाणो अगिलाणेहिं अभिकंख साहम्मिएहिं कीरमाणं वेयावडियं साइज्जिस्सामि, अहं वावि खलु अपडिन्नत्तो पडिन्नत्तस्स अगिलाणो गिलाणस्स अभिकंख साहम्मियस्स कुज्जा वेयावडियं करणाए आहट्ठु परिन्नं अणुक्खिस्सामि आहडं च साइज्जिस्सामि १, आहट्ठु परिन्नं आणक्खिस्सामि आहडं च नो साइज्जिस्सामि २, आहट्ठु परिन्नं नो आणक्खिस्सामि आहडं च साइज्जिस्सामि ३, आहट्ठु परिन्नं नो आणक्खिस्सामि आहडं च नो साइज्जिस्सामि ४, एवं से अहाकिट्ठियमेव धम्मं समभिजाणमाणो संते विरए सुसमाहियलेसे तत्थवि तस्स कालपरियाए से तत्थ विअंतिकारए, इच्चेयं विमोहाययणं हियं सुहं खमं निस्सेसं आणुगामियं त्ति वेमि ॥सू० २१७॥

॥ अध्ययनं-८ :: उद्देशकः-६ ॥

जे भिक्षू एगेण वत्थेण परिवुसिए पायविईएण, तस्स णं नो एवं भवइ-विईयं वत्थं जाइस्सामि, से अहेसणिज्जं वत्थं जाइज्जा अहापरिग्ग-हियं वत्थं धारिज्जा जाव गिम्हे पडिवन्ने अहापरिजुन्नं वत्थं परिट्ठविज्जा (२) अदुवा एगसाडे अदुवा अचेले लाघवियं आगममाणे जाव सम्मत्तमेव समभिजाणिया ॥सू० २१८॥ जस्स णं भिक्षुस्स एवं भवइ-एगे अहमंसि, न मे अत्थि कोइ, न याहमवि कस्सवि, एवं से एगोगिणमेव अप्पाणं समभिजाणिज्जा, लाघवियं आगममाणे तवे से अभिसमन्नागए भवइ जाव समभिजाणिया ॥सू० २१९॥ से भिक्षू वा भिक्षुणी वा असणं वा (४) आहारेमाणे नो वामाओ हणुयाओ दाहिणं हणुयं संचारिज्जा आसाए-माणे, दाहिणाओ वामं हणुयं नो संचारिज्जा आसाएमाणे (आद्यमाणे) से अणासायमाणे लाघवियं आगममाणे तवे से अभिसमन्नागए भवइ, जमेयं भगवया पवेइयं तमेवं अभिसमिच्चा सव्वओ सव्वत्ताए सम्मत्तमेव अ(सम)भिजाणिया ॥सू० २२०॥ जस्स णं भिक्षुस्स एवं भवइ-से गिलामि च खलु अहं इमंमि समये इमं सरीरगं अणुपुव्वेण परिवहित्तए, से अणु-पुव्वेणं आहारं संवट्ठिज्जा, अणुपुव्वेणं आहारं संवट्ठित्ता कसाए पयणुए किच्चा समाहियच्चे फलगावयट्ठी उट्ठाय भिक्षू अभिनिवुडच्चे ॥सू० २२१॥ अणुपविसित्ता गामं वा नगरं वा खेडं वा कच्चडं वा मडवं वा पट्टरां वा दोणमुहं वा आगरं वा आसमं वा सन्निवेसं वा नेगमं वा रायहाणिं वा तणाइं जाइज्जा तणाइं जाइत्ता से तमायाए एगंतमवक्कमिज्जा, एगंतमवक्कमित्ता अप्पंडे अप्पपाणे अप्पवीए अप्पहरिए अप्पोसे अप्पोदए अप्पुत्तिगपणागद-गमट्ठियमवकडासंताणए पडिलेहिय (२) पमज्जिय (२) तणाइं संथरिज्जा, तणाइं संथरित्ता इत्थवि समए इत्तरियं कुज्जा, तं सच्चं सच्चवाई ओए तिन्ने त्तिन्नकहंकहे आईयट्ठे अणाईए चिच्चाण भेउरं कायं संविहूय विरू-

वरूवे परीसहोवसग्गे अस्सिं विस्संभणयाए भेरवमणुचिन्ने तत्थवि तस्स कालपरियाए जाव आणुगामियं ति वेमि ॥सू० २२२॥

॥ इति षष्ठ उद्देशकः ॥८-६॥

॥ अध्ययनं-८ :: उद्देशकः-७ ॥

जे भिक्खु अचेले परिवुसिए तस्स गां भिक्खुस्स एवं भवइ-चाएमि अहं तण्णफासं अहियासित्तए सीयफासं अहियासित्तए तेउफासं अहियासित्तए दंसमसगफासं अहियासित्तए एगयरे अन्नतरे विरूवरूवे फासे अहियासित्तए हिरिपडिच्छायणां चहं नो संचाएमि अहियासित्तए, एवं से कण्णेइ कडिबंधणां धारित्तए ॥सू० २२३॥ अदुवा तत्थ परक्कमंतं भुज्जो अचेलं तण्णफासा फुसन्ति सीयफासा फुसन्ति तेउफासा फुसन्ति दंसमसगफासा फुसन्ति एगयरे अन्नयरे विरूवरूवे फासे अहियासेइ, अचेले लाघवियं आगममाणे जाव समभिजाणिया ॥सू० २२४॥ जस्स गां भिक्खुस्स एवं भवइ-अहं च खलु अन्नेसिं भिक्खूणां असणां वा (४) आहट्ठु दलइस्सामि आहडं च साइज्जिस्सामि १, जस्स गां भिक्खुस्स एवं भवइ-अहं च खलु अन्नेसिं भिक्खूणां असणां वा (४) आहट्ठु दलइस्सामि आहडं च नो साइस्सामि २, जस्स गां भिक्खुस्स एवं भवइ-अहं च खलु असणां वा (४) आहट्ठु नो दलइस्सामि आहडं च साइज्जिस्सामि ३, जस्स गां भिक्खुस्स एवं भवइ-अहं च खलु अन्नेसिं भिक्खूणां असणां वा (४) आहट्ठु नो दलइस्सामि आहडं च नो साइज्जिस्सामि ४, अहं च खलु तेण अहाइरित्तेण अहेसणिज्जेण अहापरिग्गहिणं असणेण वा (४) अभिक्खं साहम्मियस्स कुज्जा वेयावडियं करणाए, अहं वावि तेण अहाइरित्तेण अहेसणिज्जेण अहापरिग्गहिणं असणेण वा (४) अभिक्खं साहम्मिहिं कीरमाणं वेयावडियं साइज्जिस्सामि लाघवियं आगममाणे जाव सम्मत्तमेव समभिजाणिया ॥सू० २२५॥ जस्स गां भिक्खुस्स एवं भवइ-से

गिलाभि खलु अहं इमम्मि समए इमं मरीरगं अणुपुब्बेणं परिवहित्तए, से-
 अणुपुब्बेणं आहारं संवट्टिज्जा (२) कसाए पयणुए किच्चा समाहियच्चे फल-
 गावयट्ठी उट्ठाय भिक्खू अभिनिव्वुडच्चे अणुपविसित्ता गामं वा नगरं वा
 जाव रायहाणिं वा तणाइं जाइज्जा जाव सन्थरिज्जा, इत्थवि समए कायं च
 जोगं च ईरियं च पच्चक्खाइज्जा, तं सच्चं सच्चावाई ओएतिन्ने छिन्नकहंकहे
 आईयट्ठे अणाईए चिच्चाणं भेउरं कायं संविहुणिय विरुवरूवे परीसहोवसग्गे
 अस्सिं विस्संमणाए भेरवमणुचिन्ने तत्थवि तस्स कालपरियाए, सेवि तत्थ
 विअन्तिकारए, इच्चेयं विमोहाययसां हियं सुहं खमं निस्सेसं आणुगामियं
 तिवेमि ॥सू० २२६॥

॥ इति सप्तमोद्देशकः ॥ ८-७ ॥

॥ अध्ययनं-८ :: उद्देशकः-८ ॥

अणुपुब्बेण विमोहाइं, जाइं धीरा समासज्ज वसुमन्तो मइमन्तो, सर्व्वं
 नच्चा अणोलिसं ॥१॥ दुविहंपि विइत्ता रां, बुद्धा धम्मरस पारगा । अणु-
 पुब्बीइ संखाए, आरंभाओ (य) (कम्मणा उ) तिउट्टइ ॥२॥ कसाए पयणु
 किच्चा, अप्पाहारे तितिक्खए । अह भिक्खू गिलाइज्जा, आहारस्सेव
 अन्तियं ॥३॥ जीवियं नाभिकंखिज्जा, मरणां नोवि पत्थए, दुहओऽवि न
 सज्जिज्जा, जिवीए मरणे तहा ॥४॥ मज्झत्थो निज्जरापेही, समाहिमणुपालए
 अन्तो वहिं विऊस्सिज्ज, अज्झत्थं सुद्धमेसए ॥५॥ जं किंचुवक्कमं जाणे,
 आउखेमस्समप्पणो । तस्सेव अन्तरद्धाए, खिप्पं सिखिखज्ज पंडिए ॥६॥
 गामे वा अदुवा ररणे, थंडिलं पडिलेहिया । अप्पपारां तु विन्नाय, तणाइं
 मंथरे मुणी ॥७॥ अणाहारो तुयट्टिज्जा, पुट्ठो तत्थऽहियासए । नाइवेलं
 उयचरे, माणुस्सेहि विपुट्ठवं ॥८॥ संसप्पगा य जे पाणा, जे य उट्ठमहाचरा ।
 भुंजन्ति मंससोणियं, न छणे न पमज्जए ॥९॥ पाणा देहं विहिसन्ति,
 अणाओ नोवि उब्भमे आसवेहिं विवित्तेहि, तिप्पमाणोऽहियामए ॥१०॥

गन्धेहिं विविक्तेहिं, आउकालस्स पारए पग्गहियतरणं चेयं, दवियस्स
 वियाणायो ॥११॥ अयं से अवरे धम्मे, नायपुत्तेण साहिए । आयवज्जं
 पढीयारं, विजहिज्जा तिहा तिहा ॥१२॥ हरिएसु न निवज्जिज्जा, थंडिलं
 मुणिया सए । विओसिज्ज अणाहारो, पुट्ठो तत्थऽहियासए ॥१३॥ इन्दि-
 एहिं गिलायन्तो, समियं आहरे मुणी । तहावि से अगारिहे, अचले जे
 समाहिए ॥१४॥ अभिक्रमे पडिक्रमे, संकुचए पसारए । कायसाहारणाट्ठाए,
 इत्थं वावि अचेयणो ॥१५॥ परिक्रमे परिकिलन्ते, अदुवा चिट्ठे अहायए ।
 ठाणो ण परिकिलन्ते, निसीइज्जा य अंतसो ॥१६॥ आसीणोऽणोलिसं मरणं,
 इन्दियाणि समीरए । कोलावासं समासज्ज वितहं पाउरे सए ॥१७॥ जओ
 वज्जं समुप्पज्जे, न तत्थ अवलम्बए; तउ उक्कसे अप्पाणां, फासे तत्थऽहिया-
 सए ॥१८॥ अयं चाययतरे सिथा, जो एवमणुपालए सब्बगायनिरोहेऽवि,
 ठाणाओ नवि उब्भमे ॥१९॥ अयं से उत्तमे धम्मे, पुव्वट्ठाणस्स पग्गहे ।
 अचिरं पडिलेहिता, विहरे चिट्ठ माहणे ॥२०॥ अचित्तं तु समासज्ज, ठावए
 तत्थ अप्पगं । वोसिरे सब्बसो कायं, न मे देहे परीसहा, ॥२१॥ जावज्जीवं
 परीसहा, उवसंग्गा इति संखया संबुडे देह भेयाए, इय पन्नेऽहियासए ॥२२॥
 भेउरेसु न रज्जिज्जा, कामेसु बहुतरेसुवि (बहुलेसुवि) इच्छा लोभं न
 सेविज्जा, धुववन्नं सपेहिया ॥२३॥ सासएहिं निमन्तिज्जा, दिव्वमायं न
 सहहे । तं पडिबुज्झ माहणे, सब्बं नूमं विहूणिया ॥२४॥ सब्बट्ठेहिं
 अमुच्छिए, आउकालस्स पारए । तितिक्खं परमं नच्चा, विमोहन्नयरं हियं
 ॥२५॥ तिवेमि ॥

॥ इति अष्टमोद्देशकः ८-८ ॥ इति अष्टममध्ययनम् ॥८॥

॥ उपधानश्रुताख्यमध्ययनं ६ :: उद्देशकः १ ॥

अहासुयं वइस्सामि जहा से समणो भगवं उट्ठाए । संखाए तंसि हेमन्ते
 अहुणो पव्वइए रीइत्था ॥१॥ णो चेविमेण वत्थेण पिहिस्सामि तंसि हेमं-

ते । से पारए आवकहाए, एयं खु अणुधम्मियं तस्स ॥२॥ चत्तारि साहिए
मासे, बहवे पाणजाइया आगम्म । अभिरुज्झ कायं विहरिंसु, आरुमिया
णं तत्थ हिंसिसु ॥३॥ संवच्छरं साहियं मासं जं न रिक्कामि वत्थगं भगवं ।
अचेलए तथो चाइ तं वोसिज्ज वत्थमणगारे ॥४॥ अदु पोरिसि तिरियं
भित्तिं, चक्खुमासज्ज अन्तसो भायइ । अह चक्खुभीया संहिया ते, हन्ता
हन्ता बहवे कंदिंसु ॥५॥ सयणोहिं वित्तिमिस्सेहिं इत्थिओ तत्थ से परिन्नाय
मागारियं न सेवेइ य, से सयं पवेसिया भाइ ॥६॥ जे के इमे अगारत्था
मीसीभावं पहाय से भाइ । पुट्ठोवि नाभिभासिंसु गच्छइ नाइवत्तइ अंजू
(पुट्ठो व सो अपुट्ठो व नो अणुन्नाइ पावगं भगवं) ॥७॥ णो सुकरमेयमेगेसिं
नाभिभासे य अभिरायमाणो । हयपुच्चे तत्थ दंडेहिं लूसियपुच्चे अण्णपुणोहिं
॥८॥ फरुसाइं दुत्तितिकखाइ अइअच्च मुणी परक्कममाणो । आघाय नट्ट-
गीयाइं दराडजुद्धाइं मुट्ठिजुद्धाइं ॥९॥ गढिए मिहुकहासु समयंमि नायसुए
विसोगे अदक्खु । एयाइ से उरालाइं गच्छइ नायपुत्ते असरणयाए ॥१०॥
अवि साहिए दुवे वासे सीओदं अभुच्चा निक्खन्ते । एगत्तगए पिहियच्चे से
अहिन्नायदंसणो सन्ते ॥११॥ पुढविं च आउकायं च तेउकायं च वाउकायं
च । पणगाइं बीयहरियाइं तसकायं च सब्वसो नच्चा ॥१२॥ एयाइं सन्ति
पडिलेहे, चित्तमन्ताइ से अभिन्नाय । परिवज्जिय विहरित्था इय संखाय से
महावीरे ॥१३॥ अदु थावरा य तसत्ताए, तसा य थावरत्ताए । अदुवा
सव्वजोणिया सत्ता कम्मुणा कप्पिया पुढो वाला ॥१४॥ भगवं च एवम-
न्नेसिं सोवहिए हु लुप्पइ बाले । कम्मं च सब्वसो नच्चा तं पडियाइक्खे
पावगं भगवं ॥१५॥ दुविहं समिच्च मेहावी किरीयमक्खायणोलिसं नाणी ।
आयाण सोयमइवायसोयं जोगं च सब्वसो णच्चा ॥१६॥ अइवत्तियं
अणाउट्ठिं सयमन्नेसि अकरणयाए । जस्सिस्तिओ परिन्नाया सब्वकम्मावहा
उ से अदक्खु ॥१७॥ अहाकडं न से सेवे सब्वसो कम्म (कम्मुणा) अद-

क्खू । जं किंचि पावगं भगवं तं अकुञ्चं वियडं भुंजित्था ॥१८॥ णो सेवइ
य परवत्थं परपाएवि से न भुंजित्था । परिवज्जियाणा उमाणां गच्छइ संखडिं
असरणायाए ॥१९॥ मायराणे असणापाणास्स नाणुगिद्धे रसेसु अपडिन्ने ।
अच्छिपि नो पमज्जिज्जा नोवि य कंइयए मुणी गायं ॥२०॥ अप्पं
तिरियं पेहाए अप्पि पिट्ठयो पेहाए । अप्पं बुइएप्पडिभाणी पंथपेही चरे
जयमाणो ॥२१॥ सिसिरंसि अद्धएडिवन्ने तं वोसिज्ज वत्थमाणगारे ।
पसारित्तु वाहुं परक्कमे नो अवलम्बियाणा कंधंमि ॥२२॥ एस विही
अणुवकन्तो माहणेण मइमया । बहुसो अपडिन्नेण भगवया एव रियंति
॥२३॥ त्तिवेमि ॥

॥ इति प्रथमोद्देशकः ॥६-१॥

॥ अध्ययनं ६ :: उद्देशकः २ ॥

चरियासणाइं सिज्जाओ एगइयाओ जाओ बुइयाओ । आइक्ख ताइं
सयणासणाइं जाइं सेवित्था से महावीरे ॥१॥ आवेसणासभापवासु पणियसा-
लासु एगया वासो । अदुवा पलियठाणेसु पलालपुंजेसु एगया वासो ॥२॥
आगन्तारे आरामागारे तह य नगरे व एगया वासो । सुसाणे सुराणगारे
वा रुक्खमूले व एगया वासो ॥३॥ एएहिं मुणी सयणेहिं समणे आसि पते-
रसवासे । राइं दिवंपि जयमाणो अपमत्ते समाहिए भाइ ॥४॥ णिहंपि नो
पगामाए, सेवइ भगवं उट्ठाए । जग्गावइ य अप्पाणां इसिं साइ य अपडिन्ने
॥५॥ संबुज्झमाणो पुणारवि आसिंसु भगवं उट्ठाए । निक्खम्म एगया राओ
बहि चंकमिया मुहुत्तागं ॥६॥ सयणेहिं तत्थुवसग्गा भीमा आसी अणेगरूवा
य । संसप्पगा य जे पाणा अदुवा जे पक्खिणो उवचरन्ति ॥७॥ अदु कुचरा
उवचरन्ति गामरक्खा य सत्ति-हत्था य । अदु गामिया उवसग्गा इत्थी
एगइया पुरिसा य ॥८॥ इहलोइयाइं परलोइयाइं मीमाइं अणेगरूवाइं । अवि
सुन्नि दुब्धिगन्धाइं सदाइं अणेगरूवाइं ॥९॥ अहियासए सया समिए

फासाइं विरुवरूवाइं । अरइं रइं अभिभूय रीयइ माहरो अवहुवाई ॥१०॥
 स जरोहिं तत्थ पुच्छिंसु एगचरावि एगया रात्रो । अवाहिए कसाइत्था
 पेहमारो समाहिं अपडिन्ने ॥११॥ अयमंतरसि को इत्थ ? अहमंसित्ति
 भिम्बु आहइइ । अयमुत्तमे सेधम्मे तुसिसीए कसाइए भाइ ॥१२॥ जंसि-
 प्पेगे पवेयन्ति सिसिरे मारुए पवायन्ते । तंसिप्पेगे अणगारा हिमवाए
 निवायमेसन्ति ॥१३॥ संघाडीओ पवेसिरस्सामो एहा य समादहमाणा ।
 पिहिया च सक्खामो अइदुक्खे हिमगसंफासा ॥१४॥ तंसि भगवं अपडिन्ने
 अहे विगडे अहियासए । दविए निक्खम्म एगया रात्रो ठाइए भगवं
 समियाए ॥१५॥ एस विही अणुक्कन्तो माहरोरा मइमया । बहुसो अप-
 डिरोरा भगवया एवं रीयन्ति ॥१६॥ तिवेमि ।

॥ इति द्वितीयोद्देशकः ६-२ ॥

॥ अध्ययनं ९ :: उद्देशकः ३ ॥

तण्णफासे सीयफासे य तेउफासे य दंसमसगे य । अहियासए सया
 समिए फासाइं विरुवरूवाइं ॥१॥ अह दुच्चरलादमचारी वज्जभूमिं च सुब्भ-
 भूमिं च । पंतं सिज्जं सेविंसु आसरागाणि चेव पंताणि ॥२॥ लादेहिं
 तस्सुवसग्गा बहवे जारावया लूसिंसु । अहलूहदेसिए भत्ते कुक्कुरा तत्थ
 हिंसिंसु निवइंसु ॥३॥ अप्पे जरो निवारेइ लूसणए सुणए दसमारो
 छुच्छुकारिंति आहंसु समरां कुक्कुरा दसंतुत्ति ॥४॥ एलिक्खए जणा (जरो)
 भुज्जो बहवे वज्जभूमिं फरुसासी । लट्ठिं गहाय नालियं समणा तत्थ
 य विहरिंसु ॥५॥ एवंपि तत्थ विहरन्ता पुट्टुप्पवा अहेसि सुणिएहिं ।
 संलुंचमाणा सुणएहिं दुच्चराणि तत्थ लादेहिं ॥६॥ निहाय दण्डं पाणेहिं
 तं कायं वोसज्जमणगारे । अह गामकरटए भगवन्ते अहिआसए अभिस-
 मिच्चा ॥७॥

नागो संगामसीसे वा पारए तत्थ से महावीरे । एवंपि तत्थ लाढेहिं
अलद्धपुब्बोवि एगया गामो ॥८॥ उवसंकमन्तमपडिन्नं गामं तियम्मि अप्पत्तं ।
पडिनिक्खमित्तु लूसिंसु एयाओ परं पलेहित्ति ॥९॥ हयपुब्बो तत्थ
दराडेण अदुवा मुट्ठिणा अदु कुन्तफलेण । अदु लेलुणा कवालेण
हन्ता हन्ता बहवे कन्दिंसु ॥१०॥ मंसाणि (मंसूणि) छिन्नपुब्बाणि
उट्ठंभिया एगया कायं । परीसहाइं लुं चिंसु अदुवा पंसुणा उवकरिंसु ॥११॥
उच्चालइय निहणिंसु अदुवा आसणाउ खलइंसु । वोसट्ठकायपणायाऽसी
दुक्खसहे भगवं अपडिन्ने ॥१२॥ सूरुो संगामसीसे वा संबुडे तत्थ से
महावीरे । पडिसेवमाणे फरुसाइं अचले भगवं रीयित्था ॥१३॥ एस विही
अणुक्कन्तो माहणेण मइमया । बहुसो अपडिणणेण भगवया एवं रीयंति
॥१४॥ त्ति बेमि ॥

॥ इति तृतीयोद्देशकः ॥ ९-३ ॥

॥ अध्ययनं ९ :: उद्देशकः ४ ॥

ओमोयरियं चाएइ अपुट्ठेवि भगवं रोगेहिं । पुट्ठे वा अपुट्ठे वा
नो से साइज्जइ तेइच्छं ॥१॥ संसोहरां च वमणां च गायब्भंगां च सिणाणां
च । संवाहरां च न से कप्पे दन्तपक्खालाणां च परिन्नाए(य) ॥२॥ विरए गाम-
धम्मेहिं रीयइ माहणे अवहुवाइ । सिसिरंमि एगया भगवं छायाए भाइ
आसीय ॥३॥ आयावइ य गिम्हाणां अच्छइ उक्कुडुए अभित्तावे । अदु जाव
इत्थ लूहेणां ओयणमंथुकुम्मासेणां ॥४॥ एयाणि तिन्नि पडिसेवे अट्ठमासे अ
जावयं भगवं । अपि इत्थ एगया भगवं अद्धमासं अदुवा मासंपि ॥५॥
अवि साहिए दुवे मासे छप्पि मासे अदुवा विहरित्था (अपिबित्ता) । राओ-
वरायं अपडिन्ने अन्नगिलाणमेगया भुंजे ॥६॥ छट्ठेण एगया भुंजे अदुवा
अट्ठमेण दसमेणां । दुवालसमेणा एगया भुंजे पेहमाणे समाहिं अपडिन्ने

॥७॥ गच्छा गां से महावीरे नोऽविय पावगं सयमकामी । अन्नेहिं वा गा
कारित्था कीरंतं पि नाणुजाणित्था ॥८॥

गामं पविसे नगरं वा घासमेसे कडं परट्ठाए । सुविसुद्धमेसिया
भगवं आयतजोगयाए सेवित्था ॥९॥ अदु वायसा दिगिंछत्ता जे अन्ने
रसंसिणो सत्ता । घासेसणाए चिट्ठंति सययं निवइए य पेहाए ॥१०॥ अदुवा
माहणां च समणां वा गामपिण्डोलेगं च अतिहिं वा । सोवागमूसियारि वा
कुक्कुरं वा विट्ठियं पुरयो ॥११॥ वित्तिच्छेयं वज्जन्तो तेसिमण्णत्तियं
परिहरन्तो । मन्दं परक्कमे भगवं अहिंसमाणो घासमेसित्था ॥१२॥ अवि
सूइयं वा सुक्कं वा सीयं पिंडं पुराणकुम्मासं । अदु बुक्कसं पुलागं वा
लद्धे पिंडे अलद्धे दविए ॥१३॥ अवि भाइ से महावीरे आसणात्थे अकु-
क्कुए भाणां । उट्ठं अहे तिरियं च पेहमाणो समाहिमपडिन्ने ॥१४॥ अक-
माइ विगयगेही य सदरूवेसु अमुच्छिंए भाइ । छउमत्थोऽवि परक्कममाणो न
पमायं सइं पि कुब्बित्था ॥१५॥ सयमेव अभिसमागम्म आयतजोगमायसोहीए ।
अभिनिव्वुडे अमाइल्ले आवकहं भगवं समियासी ॥१६॥ एस विही अणु-
क्कंतो, माहणेण मइमया । बहुसो अपडिन्नेणा, भगवया एवं रीयन्ति ॥१७॥
त्तिवेमि

॥ इति चतुर्थ उद्देशकः ॥ ६-४ ॥ इति नवममध्ययनम् ॥ ६ ॥

॥ प्रथमो ब्रह्मचर्य-श्रुतस्कंधः समाप्तः ॥



॥ अथ द्वितीयोऽग्र-श्रुतस्कंधः ॥

॥ चूलिका १ ॥ पिण्डेसणाध्ययनं १ :: उद्देशकः १ ॥

से भिक्खु वा भिक्खुणी वा गाहावइकुलं पिंडवायपडियाए अणुप-
विट्ठे समाणे से जं पुण जाणिज्जा-असणां वा पाणां वा खाइमं वा साइमं
वा पोणेहिं वा पणगेहि वा बीएहिं वा हरिएहिं वा संसत्तं उम्भिस्सं सीओद-
एणा वा ओसित्तं रयसा वा परिघासियं (परिवासियं) वा तहप्पगारं असणां
वा पाणां वा खाइमं वा साइमं वा परहत्थंसि वा परपायंसि वा अफासुयं अणो-
सणिज्जंति मन्नमाणे लाभेऽपि संते नो पडिग्गाहिजा ॥ से य आहच्च पडि-
ग्गहे सिया से तं आयाय एगंतमवक्कमिज्जा, एगंतमवक्कमित्ता अहे आरामंसि
वा अहे उवस्सयंसि वा अप्पंडे अप्पपाणे अप्पवीए अप्पहरिए अप्पोसे अप्पुदए
अप्पुत्तिंग-पणागदग-मट्ठिय-मक्कडासंताणाए विगिंचिय (२) उम्मीसं विसो-
हिय (२) तओ संजयामेव भुंजिज्ज वा पीइज्ज वा, जं च नो संचाइज्जा
भुत्तए वा पायए वा से तमायाय एगंतमवक्कमिज्जा, अहे भामथंडिलंसि वा
अट्ठिरासिसि वा किट्ठिरासिसि वा तुसरासिसि वा गोमयरासिसि वा अन्न-
यरंसि वा तहप्पगारंसि थंडिलंसि पडिलेहिय पडिलेहिय पमज्जिय पमज्जिय
तओ संजयामेव परिट्ठविज्जा ॥सू० १॥

से भिक्खु वा भिक्खुणी वा गाहावइकुलं जाव पविट्ठे समाणे से
जाओ पुण ओसहीओ जाणिज्जा-कसिणाओ सासियाओ अविदलकडाओ
अतिरिच्छच्छिन्नाओ अबुच्छिराणाओ तरुणियं वा छिवाडिं अणाभिक्कंत-
भज्जियं पेहाए अफासुयं अणोसणिज्जंति मन्नमाणे लाभे संते नो पडिग्गा-
हिज्जा १॥ से भिक्खु वा (२) जाव पविट्ठे समाणे से जाओ पुण ओस-
हीओ जाणिज्जा-अकसिणाओ असासियाओ विदलकडाओ तिरिच्छच्छि-

नाथो बुच्छिन्नाथो तरुणियं वा छिवाडिं अभिक्कंतं भज्जियं पेहाए
 फासुयं एसणिज्जंति मन्नमाणो लाभे संते पडिग्गाहिज्जा २ ॥सू० २॥
 से भिक्खू वा (२) जाव समाणे से जं पुण जाणिज्जा पिहुयं वा
 बहुरयं वा भुंजियं वा मंथुं वा चाउलं वा चाउलपलंबं वा सइं संभज्जियं
 अफासुयं जाव नो पडिग्गाहिज्जा १॥ से भिक्खू वा (२) जाव समाणे से जं पुण
 जाणिज्जा-पिहुयं वा जाव चाउलपलंबं वा असइं भज्जियं दुक्खुत्तो वा
 निक्खुत्तो वा भज्जियं फासुयं एसणिज्जं जाव पडिग्गाहिज्जा २ ॥सू० ३॥
 से भिक्खू वा भिक्खुणी वा गाहावड्कुलं जाव पविसिउकामे नो
 अन्नउत्थिएण वा गारत्थिएण वा परिहारिओ वा अपपरिहारिएणं सद्धिं
 गाहावड्कुलं पिंडवायपडियाए पविसिज्ज वा निक्खमिज्ज वा १॥ से
 भिक्खू वा (२) बहिया वियारभूमिं वा विहारभूमिं वा निक्खममाणो वा
 पविसमाणो वा नो अन्नउत्थिएण वा गारत्थिएण वा परिहारिओ वा
 अपपरिहारिएण सद्धिं बहिया वियारभूमिं वा विहारभूमिं वा निक्खमिज्ज
 वा पविसिज्ज वा २॥ से भिक्खू वा (२) गामाणुगामं दूइज्जमाणो नो अन्नउ-
 त्थिएण वा जाव गामाणुगामं दूइज्जिज्जा ३ ॥सू० ४॥ से भिक्खू वा
 भिक्खुणी वा जाव पविट्ठे समाणे नो अन्नउत्थियस्स वा गारत्थियस्स
 वा परिहारिओ वा अपपरिहारियस्स असणं वा पाणं वा खाइमं वा
 माइमं वा दिज्जा वा अणुपवइज्जा वा ॥ सू० ५ ॥ से भिक्खू वा
 (२) जाव समाणे जाव असणं वा (४) अस्सिंपडियाए एगं साहम्मियं समु-
 द्दिस्स पाणाइं भूयाइं जीवाइं सत्ताइं समारब्भ समुद्दिस्स कीयं पामिच्चं
 अच्छिज्जं अणिसट्ठं अभिहडं आहट्ठ चेएइ, तं तहप्पगारं असणं वा (४)
 पुरिमंतरकडं वा अपुरिसंतरकडं वा बहिया नीहडं वा अनीहडं वा अत्त-
 द्वियं वा अणत्तद्वियं वा परिभुत्तं वा अपरिभुत्तं वा आसेवियं वा अणा-
 सेवियं वा अफासुयं जाव नो पडिग्गाहिज्जा, एवं बहवे साहम्मिया एगा

सहम्पिणी बहवे साहम्पिणीयो समुद्दिस्स चत्तारि आलावगा भाणियव्वा
 ॥सू० ६॥ से भिक्खु वा (२) जाव समाणे से जं पुण जाणिज्जा असणां
 वा ४ बहवे समणमाहणअतिहिक्विणवणीमए पगणिय २ समुद्दिस्स
 पाणाइं वा ४ समारब्भ जाव नो पडिग्गाहिज्जा ॥सू० ७॥ से भिक्खु वा
 भिक्खुणी वा जाव पविट्ठे समाणे से जं पुण जाणिज्जा असणां वा ४
 बहवे समणमाहणअतिहिक्विणवणीमए समुद्दिस्स जाव चेएइ तं तहप्पगारं
 असणां वा (४) अपुरिसंतरकडं वा अब्हियानीहडं अणत्तट्ठियं अपरिभुत्तं
 अणासेवियं अफासुयं अणोसणिज्जं जाव नो पडिग्गाहिज्जा १ अह पुण
 एवं जाणिज्जा पुरिसंतरकडं बहियानीहडं अत्तट्ठियं परिभुत्तं आसेवियं
 फासुयं एसणिज्जं जाव पडिग्गाहिज्जा ॥सू० ८॥ से भिक्खु वा भिक्खुणी
 वा गाहावइकुलं पिडवायपडियाए पविसिउफामे से जाइं पुण कुलाइं
 जाणिज्जाइमेसु खलु कुलेसु निइए पिंडे दिज्जइ अग्गपिंडे दिज्जइ नियए
 भाए दिज्जइ नियए अवड्ढमाए दिज्जइ तहप्पगाराइं कुलाइं निइयाइं निइउ-
 माणाइं नो भत्ताए वा पाणाए वा पविसिज्ज वा निवस्समिज्जं वा १॥ एयं
 खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए
 सहिए सया जए त्ति वेमि २ ॥सू० ९॥

॥ इति प्रथमोद्देशकः ॥ श्रु० २-चू० १-अ० १ ड०-१ ॥

॥ अध्ययनं-१ :: उद्देशकः-२ ॥

से भिक्खु वा भिक्खुणी वा गाहावइकुलं पिडवायपडियाए अणुप-
 विट्ठे समाणे से जं पुण जाणिज्जा असणां वा (४) अट्ठमियोसहिएसु वा
 अट्ठमासिएसु वा मासिएसु वा दोमासिएसु वा तेमासिएसु वा चाउम्मासिएसु
 वा पंचमासिएसु वा छम्मासिएसु वा उऊसु वा उउसंधीसु वा उउपरियट्ठेसु
 वा बहवे समणमाहणअतिहिक्विणवणीमगे एगाओ उक्खाओ परिएसिज्जे-
 माणे पेहाए दोहिं उक्खाहिं परिएसिज्जमाणे पेहाए तिहिं उक्खाहिं परि-

सिञ्जमाणो पेहाए कुंभीमुहाओ वा कलोवाइओ वा संनिहिसंनिचयाओ वा परिएसिञ्जमाणो पेहाए तहप्पगारं असणं वा (४) अपुरिसंतरकडं जाव अणासेवियं अफासुयं जाव नो पडिग्गाहिज्जा १॥ अह पुण एवं जाणिज्जा पुरिसंतरकडं जाव आसेवियं फासुयं पडिग्गाहिज्जा २ ॥सू० १०॥
 से भिक्खु वा (२) जाव समाणो से जाइं पुण कुलाइं जाणिज्जा, तंजहा-
 उग्गकुलाणि वा भोगकुलाणि वा राइन्नकुलाणि वा खत्तियकुलाणि वा
 इक्खागकुलाणि वा हरिवंसकुलाणि वा एसियकुलाणि वा वेप्पियकुलाणि
 वा गंडागकुलाणि वा कोट्टागकुलाणि वा गामरक्खकुलाणि वा बुक्कास-
 कुलाणि वा पोक्कासाईयकुलाणि अन्नयरेसु वा तहप्पगारेसु कुलेसु अदुगुं-
 ण्सु अगारहिएसु असणं वा (४) फासुयं जाव पडिग्गाहिज्जा ॥सू० ११॥
 से भिक्खु वा (२) जाव समाणो से जं पुण जाणिज्जा असणं वा (४)
 समवाएसु वा पिंडनियरेसु वा इंदमहेसु वा खंदमहेसु वा एवं रुद्धमहेसु वा
 मुगुंदमहेसु वा भूयमहेसु वा जक्खमहेसु वा नागमहेसु वा थूभमहेसु वा चेइ-
 यमहेसु वा रुक्खमहेसु वा गिरिमहेसु वा दरिमहेसु वा अगड्ढमहेसु वा तला-
 गमहेसु वा दहमहेसु वा नइमहेसु वा सरमहेसु वा सागरमहेसु वा आगर-
 महेसु वा अन्नयरेसु वा तहप्पगारेसु विरूवरूवेसु महामहेसु वट्टमाणेसु बहवे
 ममाणमाहण-अतिहिकिवणावणीमगे एगाओ उक्खाओ परिएसिञ्जमाणो
 पेहाए दोहिं जाव संनिहिसंनिचयाओ वा परिएसिञ्जमाणो पेहाए तहप्पगारं
 असणं वा (४) अपुरिसंतरकडं जाव नो पडिग्गाहिज्जा १॥ अह पुण एवं
 जाणिज्जा दिन्नं जं तेसिं दायव्वं, अह तत्थ भुंजमाणो पेहाए गाहावइभारियं
 वा गाहावइभगिणिं वा गाहावइपुत्तं वा धूयं वा सुराहं वा धाईं वा दासं वा
 दासिं वा कम्मकरं वा कम्मकरिं वा से पुव्वामेव आलोइज्जा आउसित्ति वा
 भगिणित्ति वा दाहिसि मे इत्तो अन्नयरं भोयणाजायं, से सेवं वयंतस्स परो
 असणं वा (४) आहट्ठ दलइज्जा तहप्पगारं असणं वा (४) सयं वा पुण

जाइज्जा परो वा से दिज्जा फासुयं जाव पडिगाहिज्जा २ ॥सू० १२॥ से भिक्खु वा (२) परं अद्धजोयणमेराए संखडिं नच्चा संखडिपडियाए नो अभिसंधारिज्जा गमणाए १॥ से भिक्खु वा (२) पाइणं संखडिं नच्चा पडीणं गच्छे अणाढायमाणे, पडीणं संखडिं नच्चा पाइणं गच्छे अणा ढायमाणे, दाहिणं संखडिं नच्चा उदीणं गच्छे अणाढायमाणे उइणं संखडिं नच्चा दाहिणं गच्छे अणाढायमाणे, जत्थेव सा संखडिं सिया तंजहा—गामंभि वा नगरंसि वा खेडंसि वा कच्चडंसि वा मडंबंसि वा पट्टणंसि वा आगरंसि वा दोणमुहंसि वा नेगमंसि वा आसमंसि वा संनि- वेसंसि वा जाव रायहाणिसि वा संखडिं संखडिपडियाए नो अभिसंधा- रिज्जा गमणाए २ । केवली ब्रूया—आयाणमेयं (आययणमेयं) संखडिं संखडिपडियाए अभिधारेमाणे आहाकम्मियं वा उद्देसियं वा मीसजायं वा कीयगडं वा पामिच्चं वा अच्छिज्जं वा अणिसिट्ठं वा अभिहडं वा आहट्ठ दिज्जमाणं भुंजिज्जा ३॥ अस्संजए भिक्खुपडियाए खुड्डियदुवारियाओ मह- ल्लियदुवारियाओ कुज्जा, महल्लियदुवारियाओ खुड्डियदुवारियाओ कुज्जा, समाओ सिज्जाओ विसमाओ कुज्जा, विसमाओ सिज्जाओ समाओ कुज्जा, पवायाओ सिज्जाओ निवायाओ कुज्जा, निदायाओ सिज्जाओ पवायाओ कुज्जा, अंनो वा बहिं वा उवस्सयस्स हरियाणि छिंदिय छिंदिय दालिय दालिय संथारंगं संथारिज्जा, एस विलुंगयामो सिज्जाए, तम्हा से संजए निर्यंठे तहप्पगारं पुरेसंखडिं वा पच्छासंखडिं वा संखडिं संखडिपडियाए नो अभि- संधारिज्जा गमणाए, ४ । एयं खलु तस्स भिक्खुस्स जाव सया जए त्ति वेमि ॥सू० १३॥

॥ इति द्वितीय उद्देशकः ॥२-१-१-२॥

॥ अध्ययन-१ :: उद्देशकः-३ ॥

से एगइओ अन्नपरं संखडिं आसित्ता पिबित्ता ढुडिज्ज वा वमिज्ज वा भुत्ते वा से नो सम्मं परिणमिज्जा अन्नयरे वा से दुक्खे रोगायंके ममुप्पज्जिज्जा केवली बूया आयाणमेयं ॥सू० १४॥ इह खलु भि प्व गाहावईहिं वा गाहावईणीहि वा परिवायएहि वा परिवाइयाहि वा एगज्जं सद्धि सुंढं पाउं भो वइमिस्सं दुरत्था वा उवस्सयं पडिलेहेमाणो नो लमिज्जा तमेव उवस्सयं समिस्सीभावमावज्जिज्जा, अन्नमणे वा से मत्ते विप्परियासि- यभूए इत्थिविग्गहे वा किलीबे वा तं भिक्खुं उवसंकमित्तु बूया--आउसंतो ममणा अहे आरामंसि वा अहे उवस्सयंसि वा राओ वा वियाले वा गाम- धम्मनियंतियं कट्ठु रहस्सियं मेहुणाधम्मपरियारणाए आउट्टामो, तं चेवेगइओ मातिज्जिज्जा-अकरणिज्जं चेयं संखाए एए आयाणा (आयतणाणि) संति संविज्जमाणा पच्चवाया भवंति, तम्हा से संजये नियंठे तहप्पगारं पुरेसंखडिं वा पच्छासंखडि वा संखडिं संखडिपडियाए नो अभिसंधारिज्जा गमणाए ॥सू० १५॥ से भिक्खु वा (२) अन्नयरिं संखडिं सुच्चा निसम्म संपहावइ उस्सुयभूएण, अप्पाणेण, धुवा संखडी, नो संचाएइ तत्थ इयरेयरेहिं कुलेहिं समुदाणियं एसियं वेसियं पिंडवायं पडिग्गाहित्ता आहारं आहारित्ताए माइ- ट्ठाणं संफासे, नो एवं करिज्जा१॥ से तत्थ कालेण अणुपविसित्ता तत्थिय- रेयरेहिं कुलेहिं समुदाणियं एसियं वेसियं पिंडवायं पडिग्गाहित्ता आहारं आहारिज्जा२॥ (सू० १६) से भिक्खु वा (२) से जं पुण जाणिज्जा गामं वा जाव रायहाणि वा इमंसि खलु गामंसि वा जाव रायहाणिसि वा संखडी सिया तंपि य गामं वा जाव रायहाणि वा संखडिं संखडिपडि- याए नो अभिसंधारिज्जा गमणाए १ ॥ केवली बूया-आयाणमेयं आइन्नाज्वमा णं संखडिं अणुपविस्समाणस्स पाएण वा पाए अवकंतपुव्वे भवइ, हत्थेण वा हत्थे संचालियपुव्वे भवेइ, पाएण वा पाए आवडियपुव्वे

भइइ, सीसेण वा सीसे संघट्टियपुव्वे भइइ, काएण वा काए संखोभियपुव्वे भइइ, दंडेण वा अट्ठीण वा मुट्ठीण वा लेलुणा वा कशालेण वा अभिहय-
पुव्वेण वा भइइ, सीओदएण वा उस्सित्तपुव्वे भइइ, रयसा वा परिधासिय-
पुव्वे भइइ, अणोसणिज्जे वा परिभुत्तपुव्वे भइइ, अन्नेसि वा दिज्जमाणे
पडिग्गाहियपुव्वे भइइ, तम्हा से संजए नियंठे तहप्पगारं आइन्नावमा णं
संखडिं संखडिपडियाए नो अभिसंधारिज्जा गमणाए ॥सू० १७॥ से भिक्खू
व (२) जाव समाणे से जं पुण जाणिज्जा असणं वा (४) एसणिज्जे
सिया अणोसणिज्जे सिया वित्तिगिळसमावन्नेण अप्पाणेण असमाहडाए
लेसाए तहप्पगारं असणं वा (४) लाभे संते नो पडिग्गाहिज्जा ॥सू० १८॥
से भिक्खू वा (२) गाहावइकुलं पविसिउकामे सव्वं भंडगमायाए गाहावइकुलं
पिंडवायपडियाए पविसिज्ज वा निक्खमिज्ज वा १ ॥ से भिक्खू वा (२)
बहिया विहारभूमिं वा वियारभूमिं वा निक्खममाणे वा पविसमाणे वा
सव्वं भंडगमायाए बहिया विहारभूमिं वा वियारभूमिं वा निक्खमिज्ज वा
पविसिज्ज वा २॥ से भिक्खू वा (२) गामाणुगामं दूइज्जमाणे सव्वं भंडगमा-
याए गामाणुगामं दूइज्जिज्जा ३॥ ॥सू० १९॥ से भिक्खू वा (२) अह पुण
एवं जाणिज्जा तिब्बदेसियं वासं वासेमाणं पेहाए तिब्बदेसियं महियं संनि-
चयमाणं पेहाए महवाएण वा रयं समुद्धुयं पेहाए तिरिच्छसंपाड्मा वा तसा
पाणा संथडा संनिचयमाणा पेहाए से एवं नच्चा नो सव्वं भंडगमायाए
गाहावइकुलं पिंडवायपडियाए पविसिज्ज वा निक्खमिज्ज वा बहिया विहार-
भूमिं वा वियारभूमिं वा निक्खमिज्ज वा पविसिज्ज वा गामाणुगामं दूइ-
ज्जिज्जा ॥सू० २०॥ से भिक्खू वा (२) से जाइं पुण कुलाइं जाणिज्जा तं जेहा
खत्तियाण वा राइण वा कुराइण वा रायपेसियाण वा रायवंसट्ठियाण वा
अंतो वा बाहिं वा गच्छंताण वा संनिविट्ठाण वा निमंतेमाणाण वा अनिमंते-
माणाण वा असणं वा (४) लाभे संते नो पडिग्गाहिज्जा ॥सू० २१॥

॥ अध्ययन-१ :: उद्देशकः-४ ॥

से भिक्षु वा (२) जाव समागो से जं पुण जाणोज्जा मंसाइयं वा मच्छाइयं वा मंसखलं वा मच्छखलं वा आहेणं वा पेहेणं वा हिंगोलं वा संसेलं वा हीरमाणं पेहाए अंतरा से मग्गा बहुपाणा बहुबीषा बहुहरिया बहुओसा बहुउदया बहुउत्तिंग—पणागदगमट्टीय—मक्खडासंताणया बहवे तत्थ समणमाहणअतिहिक्खिणवणीमगा उवागया उवागमिस्संति (उवागच्छंति) तथाइत्ता वित्ती नो पन्नस्स निक्खमणपवेसाए नो पन्नस्स वायण-पुच्छण-परियट्ठणाणुपेहधम्माणुओगचिंताए, से एवं नच्चा तहप्पगारं पुरेसंखडिं वा पच्छासंखडिं वा संखडिं संखडिपडियाए नो अभिसंधारिज्जा गमणाए १॥

से भिक्षु वा (२) से जं पुण जाणिज्जा मंसाइयं वा मच्छाइयं वा जाव हीरमाणं वा पेहाए अंतरा से मग्गा अप्पा पाणा जाव संताणगा नो जत्थ बहवे समण० जाव उवागमिस्संति अप्पाइत्ता वित्ती पन्नस्स निक्खमणपवेसाए पन्नस्स वायणपुच्छणपरियट्ठणाणुपेहधम्माणुओगचिंताए, सेवं नच्चा तहप्पगारं पुरेसंखडि वा० अभिसंधारिज्जा गमणाए २ ॥सू० २२॥

से भिक्षु वा (२) जाव पविसिउकामे से जं पुण जाणिज्जा खीरिणिआओ गावीओ खीरिज्जमाणीओ पेहाए असणं वा (४) उवसंखडिज्जमाणं पेहाए पुरा अप्पज्जहिए सेवं नच्चा नो गाहावइकुलं पिडवायपडियाए निक्खमिज्ज वा पविसिज्ज वा १॥ से तमादाय एगंतमवक्कमिज्जा अणावायमसंलोए चिट्ठिज्जा अह पुण एवं जाणिज्जा-खीरिणिआओ गावीओ खीरियाओ पेहाए असणं वा (४) उवक्खडियं पेहाए पुराए जूहिए सेवं नच्चा तओ संजयामेव गाहावइकुलं पिडवायपडियाए निक्खमिज्ज वा २-२॥सू० २३॥ भिक्षागा नामेगे एवमाहंसु-समाणा वा वसमाणा वा गामाणुगामं दूइज्जमाणो खुड्ढाए खलु अयं गामे संनिरुद्धाए नो महात्तए से हंता भयंतारो बाहिरगाणि गामाणि भिक्षायरियाए

वयह, संति तत्थेगइयस्स भिक्खुस्स पुरेसंथुया वा पच्छासंथुया वा परि-
वसंति, तंजहा-गाहावइ वा गाहावइणीओ वा गाहावइपुत्ता वा गाहाव-
इधूयाओ वा गाहावइसुगहाओ धाओ वा दासा वा दासीओ वा कम्मकरा
वा कम्मकरीओ वा तहप्पगराइं कुलाइं पुरेसंथुयाणि वा पच्छासंथुयाणि वा
पुव्वामेव भिक्खारियाए अणुपविसिस्सामि १। अविद्य इत्थं लभिरिस्सामि
पिंडं वा लोयं वा खीरं वा दहिं वा नवणीयं वा घयं वा गुल्लं वा तिल्लं
वा महुं वा मज्जं वा मंसं वा सक्कुलिं वा फाणियं वा पूयं वा सिहिरिणिं
वा, तं पुव्वामेव भुत्ता पित्ता पडिग्गहं च संलिहिय संमज्जिय तओ पच्छा
भिक्खूहिं सद्धिं गाहावइकुलं पिंडवायपडियाए पविसिस्सामि वा निक्ख-
मिस्सामि वा, माइट्ठाणं संफासे, तं नो एवं करिज्जा २॥ से तत्थं भिक्खूहिं
सद्धिं कालेण अणुपविसित्ता तत्थियरेयरेहिं कुलेहिं सामुदाणियं एसियं
वेसियं पिंडवायं पडिगाहित्ता आहारं आहारिज्जा, ३। एयं खलु तस्स
भिक्खुस्स वा भिक्खुणीए वा सामग्गियं जं सव्वद्वेहिं समिए सहिए सया
जए त्तिवेमि ४ ॥सू० २४॥

॥ इति चतुर्थ उद्देशकः २-१-१-४॥

॥ अध्ययनं-१ :: उद्देशकः-५ ॥

से भिक्खू वा (२) जाव पविट्ठे समाणे से जं पुण जाणिज्जा-अग्गपिंडं
उक्खिप्पमाणां पेहाए अग्गपिंडं निक्खिप्पमाणां पेहाए अग्गपिंडं हीरमाणां पेहाए
अग्गपिंडं परिभाज्जमाणां पेहाए अग्गपिंडं परिभुंजमाणां पेहाए अग्गपिंडं परि-
ट्ठविज्जमाणां पेहाए पुरा असिणाइ वा अवहाराइ वा पुरा जत्थग्गणे समण-माहणा-
अतिहिक्खिवा-वणीमगा खद्धं (२) उवसंकमंति से हंता अहमवि खद्धं (२) उव-
संकमामि, माइट्ठाणं संफासे, नो एवं करेज्जा ॥सू० २५॥ भिक्खू वा (२) जाव
समाणे अंतरा से वप्पाणि वा फलिहाणि वा पागाराणि वा तोरणाणि वा
अग्गलाणि वा अग्गलपासगाणि वा सति परक्कमे संजयामेव परिकमिज्जा

नो उज्जुयं गच्छिज्जा १। केवली बूया आयाणमेयं, से तत्थ परक्कममाणे
 पयलिज्ज वा पवखलेज्ज वा पवडिज्ज वा, से तत्थ पयलमाले वा पवखलेज्ज-
 माणे वा पवडमाणे वा, तत्थ से काए उच्चारणे वा पासदणे वा खेलेण
 वा सिंघाणे वा वंतेण वा पिच्छेण वा पूरणे वा सुक्केण वा सीणिण्ण
 वा उवलिते सिया, तहप्पगारं कायं नो अण्णंतरहियाए पुढ्वीए नो ससिणि-
 द्धाए पुढ्वीए नो ससरक्खाए पुढ्वीए नो चित्तमंताए सिलाए नो चित्तमंताए
 लेलुए कोलावासंसि वा दासए जीवपइट्टिए सय्थं सपाणे जाव ससंताणए
 नो आमजिज्ज वा पमजिज्ज वा संहिलिज्ज वा निलिहिज्ज वा उव्वलेज्ज वा
 उव्वट्टिज्ज वा आयाविज्ज वा पयाविज्ज वा २। से पुव्वामेव अप्पससरक्खं
 तणं वा पत्तं वा कट्ठं वा सक्करं वा जाइज्जा, जाइत्ता से तमायय एगत्तमवक्क-
 मिज्जा २ अहे भामथंढिलंसि वा जाव अन्नयरंसि वा तहप्पगारंसि पडिले-
 हिय पडिलेहिय पमज्जिय पमज्जिय तथो संजयामेव आमजिज्ज वा जाव
 पयाविज्ज वा ३ ॥सू० २६॥ से भिक्खु वा (२) जाव से जं पुण जाणिज्जा
 गोणं वियालं पडिपहे पेहाए महिसं वियालं पडिपहे पेहाए एवं अणुस्सं
 आसं हत्थिं सीहं वग्घं विगं दीवियं अच्छं तरच्छं परिसरं सियालं विरालं
 सुणायं कोलसुणायं कोकंत्थियं चित्ताचिरुलडं वियालं पडिपहे पेहाए सइ परक्कमे
 संजयामेव परक्कमेज्जा, नो उज्जुयं गच्छिज्जा १। से भिक्खु वा (२) जाव
 समाणे अंतरा से उवाओ वा खाणुए वा कंटए वा घसी वा मित्तुगा वा
 विममे वा विज्जले वा परिदावज्जिज्जा, सइ परक्कमे संजयामेव, नो
 उज्जुयं गच्छिज्जा २। ॥सू० २७॥ से भिक्खु वा (२) गाहावइकुलस्स दुवा-
 रवाहं कंठगवुं दियाए परिपिहियं पेहाए तेसि पुव्वामेव उग्गह अण्णान्नविय
 अपडिलेहिय अप्पमज्जिय नो अवंगुणिज्ज वा पविसिज्ज वा निवखमिज्ज वा
 तेसि पुव्वामेव उग्गहं अण्णान्नविय पडिलेहिय पडिलेहिय पमज्जिय पमज्जिय
 तथो संजयामेव अवंगुणिज्ज वा पविसेज्ज वा निक्खमेज्ज वा ॥सू० २८॥

से भिक्षु वा (२) जाव से जं पुण जाणिज्जा समणं वा माहणं वा गामपि-
डोलगं अतिहिं वा पुव्वपविट्ठं पेहाए नो तेसि संलोए सपडिदुवारे चिट्ठिज्जा,
(केवली बूया-आयाणमेयं पुरा पेहाए तस्सट्ठाए परो असणं वा ४ आहट्ठ
दलइज्जा, अह भिक्षुणां पुव्वोवइट्ठं एस पइन्ना एस उवएसो जं नो तेसि
संलोए सपडिदुवारे चिट्ठिज्जा) से तमायाय एगंतमवक्कमिज्जा (२) अणावाय-
मसंलोए चिट्ठिज्जा १। से से परो अणावायमसलोए चिट्ठिमाणास्स असणं वा
(४) आहट्ठ दलइज्जा, से य एवं वइज्जा आउसतो समणा इमे भे असणो
वा (४) सब्बजणाए निसिट्ठे तं भुंजह वा णं परिभाएह वा णं, तं चेगइओ
पडिगाहिता तुसिणीओ उवैहिज्जा, अवियाइं एयं मममेव सिया, माइट्ठाणं
संफासे नो एवं करिज्जा २। से तमायाए तत्थ गच्छिज्जा (२) से पुव्वामेव
आलोइज्जा-आउसंतो समणा ! इमे भे असणो वा (४) सब्बजणाए
निसिट्ठे तं भुंजह वा णं जाव परिभाएह वा णं, सेणामेवं वयंतं परो वइज्जा-
आउसंतो समणा ! तुमं चेव णं परिभाएहि से तत्थ परिभाएमाणो नो अप्पणो
खद्धं (२) डायं (२) ऊसदं (२) रसियं (२) मणुन्नं (२) निद्धं (२) लुक्खं
(२) से तत्थ अमुच्छिए अगिद्धे अग(ना)टिए अणज्झोववन्ने बहुसममेव
परिभाइज्जा ३। से णं परिभाएमाणां परो वइज्जा-आउसंतो समणा, मा
णं तुमं परिभाएहिसव्वे वेगइआ ठिआ उ भुक्खामो वा ४ पाहामो वा । से तत्थ
भुंजमाणो नो अप्पणा खद्धं खद्धं जाव लुक्खं, से तत्थ अमुच्छिए (४)
बहुसममेव भुंजिज्जा वा पाइज्जा वा ५ ॥सू० २१॥ से भिक्षु वा (२)
जाव से जं पुण जाणिज्जा समणं वा माहणं वा गामपिडोलगं वा अतिहि
वा पुव्वपविट्ठं पेहाए नो ते उवाइक्कम्मं पविसिज्ज वा ओमासिज्ज वा, से
तमायाय एगंतमवक्कमिज्जा (२) अणावायमसंलोए चिट्ठिज्जा, अह पुणोवं
जाणिज्जा-पडिसेहिए वा दिन्ने वा तथो तंमि नियत्तिए संजयामेव पवि-

सिज्ज वा ओभासिज्ज वा एयं खलु तस्स भिक्खुस्स वा भिक्खुणीए वा
सामग्गियं जाव जएज्जासित्ति वेमि ॥सू० ३०॥

॥ इति पचमोद्देशकः ॥२-१-१-५॥

॥ अध्ययनं-१ :: उद्देशकः ६॥

से भिक्खू वा (२) जाव से जं पुण जाणिज्जा—रसेसिणो वहवे
पाणा घासेसणाए संथडे संनिवइए पेहाए, तं जहा कुक्कुडजाइयं वा सूयर-
जाइयं अग्गपिंडंसि वा वायसा संथडा संनिवइया पेहाए सइ परक्कमे संजया
नो उज्जुयं गच्छिज्जा ॥सू० ३१॥ से भिक्खू वा (२) जाव नो गाहावइ-
कुलस्स वा दुवारसाहं अवलंबिय २ चिट्ठिज्जा, नो गाहावइकुलस्स वा दग्-
च्छङ्खणमत्तए चिट्ठिज्जा नो गाहावइकुलस्स वा चंदणिउयए चिट्ठिज्जा, नो
गाहावइकुलस्स वा सिणाणस्स वा वच्चस्स वा संलोए सपडिदुवारे चिट्ठिज्जा,
नो अलोयं वा थिग्गलं वा संधिं वा दग्गभवणं वा वाहायो पगिज्झिय
(२) अंगुलियाए वा उद्दिसिय (२) उरगामिय (२) अवन्नमिय (२)
निज्झाज्जा, नो गाहावइअंगुलियाए उद्दिसिय (२) जाइज्जा, नो गाहावइ-
अंगुलिए चालिय (२) जाइज्जा, नो गाहावइअंगुलिए तज्जिय (२)
जाइज्जा, नो गाहावइअंगुलिए उक्खुलंपिय (उक्खलुंदिय) (२) जाइज्जा,
गाहावइ वंदिय (२) जाइज्जा नो वेयणां फरुसं वइज्जा ॥सू० ३२॥ अह
तत्थ कंचि भुंजमाणं पेहाए गाहावइं वा जाव कम्मकरिं वा से पुव्वामेव
आलोइज्जा—आउसोत्ति वा भइणित्ति वा दाहिसि मे इत्तो अन्नयरं भोयणा-
जायं ? १ । से सेवं वयंतस्स परो हत्थं वा मत्तं वा दव्विं वा भायणां वा
सीओदगवियडेणा वा उसिणोदगवियडेणा वा उच्छोलिज्ज वा पहोइज्ज
वा २ । से पुव्वामेव आलोइज्जा—आउसोत्ति वा भइणित्ति वा ! मा एयं तुमं
हत्थं वा (४) सीओदगवियडेणा वा (२) उच्छोलेहि वा (२), अभिक्खसि
मे दाउं एवमेव दलयाहि ३ । से सेवं वयंतस्स परो हत्थं वा (४) सीओदग

वियडेण वा उसिणोदगवियडेण वा उच्छोलित्ता पयोइत्ता आहट्टु दलइज्जा,
तहप्पगारेणं पुरेकम्मकएणं हत्थेण वा (४) असणं वा (४) अफासुयं जाव
नो पडिगाहिज्जा ४। अह पुण एवं जाणिज्जा नो पुरेकम्मकएणं उदउल्लेणं
तहप्पगारेणं वा उदउल्लेणं वा हत्थेण वा (४) असणं वा (४) अफासुयं
जाव नो पडिगाहिज्जा ५॥ अहं पुणेवं जाणिज्जा-उदउल्लेणं ससिणिद्धेण
सेसं तं चेव ६। एवं-समरक्खे उदउल्ले, ससिणिद्धे मट्ठिया use ॥ हरि-
याले हिंगुलुए, मणोसिला अंजणे लोणे ॥१॥ गेरुय वन्निय सेडिय सोर-
ट्टिय पिट्ट कुकुस उक्कुट्टुसंसट्ठेण ७। अह पुणेवं जाणिज्जा नो असंसट्ठे
संसट्ठे तहप्पगारेण संसट्ठेण हत्थेण वा (४) असणं वा (४) फासुयं जाव
पडिगाहिज्जा ८ ॥सू० ३३॥ से भिक्खू वा (२) जाव से जं पुण जाणिज्जा
पिहुयं वा बहुरयं वा जाव चाउलपलंबं वा असंजए भिक्खूपडियाए चित्तमं-
ताए सिलाए जाव संताणाए कुट्टिसु वा कुट्टिति वा कुट्टिस्संति वा उप्फ-
णिसु वा (३) तहप्पगारं पिहुयं वा बहुरयं वा जाव अप्फासुयं नो पडिगा-
हिज्जा ॥सू० ३४॥ से भिक्खू वा (२) जाव समाणे से जं पुण जाणिज्जा
बिलं वा लोणं उब्भियं वा लोणं अस्संजए जाव संताणाए भिंदिसु (३)
रुचिसु (३) बिलं वा लोणं उब्भियं वा लोणं अफासुयं नो पडिगाहिज्जा
॥सू० ३५॥ से भिक्खू वा (२) जाव से जं पुण जाणिज्जा असणं वा
(४) अगणिं निक्खित्तं तहप्पगारं असणं वा (४) अफासुयं नो पडिगाहिज्जा
केवली बूया आयाणमेय, अस्संजए भिक्खूपडियाए उस्सिंचमाणे वा
निरिसंचमाणे वा आमज्जमाणे वा पमज्जमाणे वा ओयारेमाणे वा उव्वत्तमाणे
वा अगणिजीवे हिंसिज्जा १। अह भिक्खूणां पुव्वोवइत्ता एस पइत्ता एस हेऊ
एस कारणे एसुवएसे जं तहप्पगारं असणं वा (४) अगणिं निक्खित्तं अफा-
सुयं नो पडिगाहिज्जा २। एयं खलु तस्स भिक्खुस्स वा भिक्खुणीए वा
सामग्गियं जाव सया जएज्जासि त्ति वेमि ३। ॥सू० ३६॥

॥ अध्ययनं १ :: उद्देशकः ७ ॥

से भिक्षु वा (२) जाव समाणे जं पुण जाणिज्जा असणां वा (४) वंधंसि वा थंभंसि वा मंचंसि वा मालंसि वा पासायंसि वा हम्मियतलंसि वा अन्नयरंसि वा तहप्पगारंसि अंतलिकवजायंसि उवनिक्खित्तं सिथा तहप्पगारं मालोहडं असणां वा (४) अफासुयं नो पडिगाहिज्जा १ । केवली बूया आयाणमेयं, अस्संजए भिक्षुपडियाए पीढं वा फलगं वा निस्सेणि वा उदूहलं आहट्ट उस्सविय दुरूहिज्जा, से तथ दुरूहमाणे पयलिज्ज वा पवाडिज्ज वा २। से तथ पयलमाणे वा (२) हत्थं वा पायं वा वाहुं वा ऊरुं वा उदरं वा सीसं वा अन्नयरं वा कायंसि इंदियजालं लूसिज्ज वा पाणाणि वा (४) अभिहणिज्ज वा वित्तासिज्ज वा लेसिज्ज वा संघसिज्ज वा संघट्ठिज्ज वा परिथाविज्ज वा किलामिज्ज वा ठाणाओ ठाणं संकमिज्ज वा, तं तहप्पगारं मालोहडं असणां वा (४) लाभे संते नो पडिगाहिज्जा से भिक्षु वा २ जाव समाणे से जं पुण जाणिज्जा असणां वा (४) कुट्टियाओ वा कोलेज्जाउ वा अस्संजए भिक्खुपडियाए उक्कुज्जिय अवउज्जिय ओहरिय आहट्ट दलइज्जा, तहप्पगारं असणां वा (४) लाभे संते नो पडिगाहिज्जा ३ । सू० ३७। से भिक्षु वा (२) जाव से जं पुण जाणिज्जा असणां वा मट्ठियाउलित्तं तहप्पगारं असणां वा (४) लाभे संते नो पडिगाहिज्जा १ । केवली बूया आयाणमेयं अस्संजए भिक्षुपडियाए मट्ठियोलित्तं असणां वा ४ उव्भिंदमाणं पुट्ठीकायं समारंभिज्जा तह तेउवाउवणास्सइ-तसकायं समारंभिज्जा पुणरवि उत्तिंपमाणे पच्छाकम्मं करिज्जा २। अह भिक्षूणां पुव्वोवइट्ठा एस पइन्ना एस हेउ एस कारणे एसुवएसे जं तहप्पगारं मट्ठियोलित्तं असणां वा (४) लाभे संते नो पडिगाहिज्जा ३। से भिक्षु वा २ से जं पुण जाणिज्जा असणां वा (४) पुट्ठीकायपइट्ठियं तहप्पगारं असणां वा (४) अफासुयं वा नो पडिगाहिज्जा ४ ।

से भिक्षु वा (२) से जं पुण जाणिज्जा असणां वा (४) आउकायपइ-
ट्ठियं चेव, एवं अगणिकायपइट्ठियं लाभे संते नो पडिगाहिज्जा ५। केवली
बूया आयाणमेअं अस्संजए भिक्षुपडियाए अगणि उस्सक्किय निस्सक्किय
ओहरिय आहट्ठु दलइज्जा अह भिक्षुणां जाव नो पडिगाहिज्जा ॥सू० ३८॥
से भिक्षु वा (२) जाव से जं पुण जाणिज्जा असणां वा (४) अच्चुसिणां
अस्संजए भिक्षुपडियाए सुप्पेणा वा विहुयणेणां वा तालियंटेणा वा पत्तेणा
वा साहाए वा साहाभंगेणा वा पिहुणेणा वा पिहुणहत्थेणा वा चेलेणा वा
चेलकरणेणा वा हत्थेणा वा मुहेणा वा फुमिज्ज वा वीइज्ज वा १ । से
पुव्वामेव आलोइज्जा-आउसोत्ति वा भइणित्ति वा मा एतं तुमं असणां वा (४)
अच्चुसिणां सुप्पेणा वा जाव फुमाहि वा वीयाहि वा अभिकंखसि मे दाउं,
एमेव दलयाहि, से सेवं वयंतस्स परो सुप्पेणा वा जाव वीइत्ता आहट्ठु
दलइज्जा तप्पगारं असणां वा ४ अफासुयं वा नो पडिगाहिज्जा २ ॥सू०
३९॥ से भिक्षु वा (२) जाव से जं पुण जाणिज्जा असणां वा (४) वणा-
स्सइकायपइट्ठियं तहप्पगारं असणां वा (४) वणास्सइकायपइट्ठियं लाभे संते
नो पडिगाहिज्जा एवं तसकाएवि ॥सू० ४०॥ से भिक्षु वा (२) जाव से जं
पुण पाणगजायं जाणिज्जा, तंजहा-उस्सेइमं वा १ संसेइमं वा २ चाउलोदगं
वा ३ अन्नयरं वा तहप्पगारं पाणगजायं अहुणाधोयं अणांबिलं अव्वुक्कंतं
अपरिणायं अविद्धत्थं अफासुयं जाव नो पडिगाहिज्जा १ । अह पुण एवं
जाणिज्जा चिराधोयं अंबिलं वुक्कंतं परिणायं विद्धत्थं फासुयं पडिगाहिज्जा
२ । से भिक्षु वा (२) से जं पुण पाणगजायं जाणिज्जा, तंजहा-तिलोदगं
वा ४ तुसोदगं वा ५ जवोदगं वा ६ आयामं वा ७ सोवीरं वा ८ सुद्ध-
वियडं वा ९ अन्नयरं वा तहप्पगारं वा पाणगजायं पुव्वामेव आलोइज्जा,
आउसोत्ति वा भइणित्ति वा ! दाहिसि मे इत्तो अन्नयरं पाणगजायं ! से
सेवं वयंतस्स परो वइज्जा-आउसंतो समणा ! तुमं चेवेयं पाणगजायं पडि-

गहेण वा उस्सिचिया णं उयत्तिया णं गिरहाहि, तहप्पगारं पाणगजायं
 सयं वा गिरिहज्जा परो वा से दिज्जा, फासुयं लाभे संते पडिगाहिज्जा ३
 ॥सू० ४१॥ से भिक्खू वा (२) जाव से जं पुण पाणगं जाणिज्जा अणंतर-
 हियाए पुढवीए जाव संताणए उद्धट्ठु (२) निविस्वते सिया, अमंजए भिक्खु-
 पडियाए उदउल्लेण वा ससिणिद्धेण वा सकसाएण वा मत्तेण वा सीओदगेण
 वा संभोइत्ता आहट्ठु दलइज्जा, तहप्पगारं पाणगजायं अफासुयं नो
 पडिगाहिज्जा, एयं खलु तस्स भिक्खुस्स वा भिक्खुणीए वा सामग्गियं जाव
 सया जएज्जासि त्ति वेमि ॥सू० ४२॥

॥ इति सप्तम उद्देशकः ॥२-१-१-७॥

॥ अध्ययनं-१ :: उद्देशकः = ॥

से भिक्खू वा (२) जाव पविट्ठे समाणे से जं पुण पाणगजायं
 जाणिज्जा, तंजहा-अंवपाणगं वा १० अंवाडगपाणगं वा ११ कविट्ठपाणगं
 वा १२ माजलिंगपाणगं वा १३ मुद्धियापाणगं वा १४ दालिमपाणगं
 वा १५ खज्जुरपाणगं वा १६ नालियेरपाणगं वा १७ करीरपाणगं वा १८
 कोलपाणगं वा १९ आमलपाणगं वा २० चिन्नापाणगं वा २१ अन्नयरं वा
 तहप्पगारं पाणगजातं सअट्ठियं सकणायं सवीयगं अस्संजए भिक्खुपडियाए
 ण्वेण वा दूसेण वा वालगेण वा अविलियाण परिवीलियाण परिसावियाण
 आहट्ठु दलइज्जा तहप्पगारं पाणगजायं अफासुयं लाभे संते नो पडिगाहिज्जा
 ॥सू० ४३॥ से भिक्खू वा (२) जाव पविट्ठे समाणे आगंतारेसु वा आरामागा-
 रेसु वा गाहावइगिहेसु वा परियावसेहेसु वा अन्नगंधाणि वा पाणगंधाणि वा
 सुरभिगंधाणि वा आवाय (२) से तत्थ आसायपडियाए मुच्छिण गिद्धे
 गट्ठिए अज्भोववन्ने अहो गंधो (२) नो गंधमाघाइज्जा ॥सू० ४४॥ से
 भिक्खू वा (२) जाव से जं पुण जाणिज्जा सालुयं वा विरालियं वा
 सासवनालियं वा अन्नयरं वा तहप्पगारं आमगं असत्थपरिणयं अफासुयं नो

पडिगाहिज्जा १ । से भिक्खू वा (२) जाव से जं पुण जाणिज्जा पिप्पलिं वा पिप्पलचुराणां वा मिरियं वा मिरियचुराणां वा सिंगवेरं वा सिंगवेरचुराणां वा अन्नयरं वा तहप्पगारं वा आमगं वा असत्थपरिणायं अफासुयं नो पडिगाहिज्जा २, से भिक्खू वा (२) जाव से जं पुण पलंबजायं जाणिज्जा, तंजहा—अंबपलंबं वा अंबाडगपलंबं वा तालपलंबं वा भिज्झिरिपलंबं वा सुरहिपलंबं वा सत्तरपलंबं वा अन्नयरं वा तहप्पगारं पलंबजायं आमगं असत्थपरिणायं अफासुयं नो पडिगाहिज्जा ३ । से भिक्खू वा २ जाव से जं पुण पवालजायं जाणिज्जा, तं जहा—आसोट्ठपवालं वा निग्गोहपवालं वा पिलुंखुपवालं वा निप्पू(यू)रपवालं वा सल्लइपवालं वा अन्नयरं वा तहप्पगारं पवालजायं आमगं असत्थपरिणायं अफासुयं नो पडिगाहिज्जा ४ । से भिक्खू वा (२) जाव से जं पुण सरडुयजायं जाणिज्जा, तंजहा—सरडुयं वा (अंबसरडुयं वा अंबाडसरडुयं वा) कविट्ठसरडुयं दाडिमसरडुयं विलसरडुयं अन्नयरं वा तहप्पगारं सरडुयजायं आमं असत्थपरिणायं अफासुयं जाव नो पडिगाहिज्जा ५ । से भिक्खू वा (२) जाव से जं पुण जाणिज्जा तंजहा—उंबरमंथुं वा नग्गोहमंथुं वा पिलुंखुमंथुं वा आसोत्थमंथुं वा अन्नयरं वा तहप्पगारं वा मंथुजायं आमयं दुरूक्कं साणुवीयं अफासुयं नो पडिगाहिज्जा ६ ॥सू० ४५॥ से भिक्खू वा (२) जाव समाणे से जं पुण जाणिज्जा आमडागं वा पूइपिन्नागं वा महं वा मज्झं वा सप्पिं वा खोलं वा पुराणगं वा इत्थ पाणा अणुप्पसूयाइं जायाइं संवुद्धाइं अण्वुक्कं ताइं अपरिणया इत्थ पाणा अविद्धत्था नो पडिगाहिज्जा ॥सू० ४६॥ से भिक्खू वा (२) जाव समाणे से जं पुण जाणिज्जा उळ्ळुमेरगं वा अंकरेलुगं वा कसेरुगं वा सिंघाडगं वा पूइआलुगं वा अन्नयरं वा तहप्पगारं आमगं असत्थपरिणायं जाव नो पडिगाहिज्जा १ । से भिक्खू वा (२) से जं पुण जाणिज्जा उप्पलं वा उप्पलनालं वा भिसं वा भिसमुणालं वा पुक्खलं पुक्खल-

विभंगं वा अन्नयरं वा तहप्पगारं जाव नो पडिगाहिज्जा २ ॥सू० ४७॥ मे भिक्खु वा (२) जाव समाणे से जं पुण जाणिज्जा अग्गवीयाणि वा मूलवीयाणि वा खंधवीयाणि वा पोखीयाणि वा अग्गजायाणि वा मूलजायाणि वा खंधजायाणि वा पोखजायाणि वा नन्नत्थ तक्कलिमत्थएणा वा तक्कलिसीसेणा वा नालियेरमत्थएणा वा खज्जुरीमत्थएणा वा तालमत्थएणा वा अन्नयरं वा तहप्पगारं आमं असत्थपरिणयं जाव नो पडिगाहिज्जा १ । से भिक्खु वा (२) जाव से जं पुण जाणिज्जा उच्छुं वा काण्णं वा अंगारियं वा संमिस्सं विगट्ठमियं वित्त(त्त)ग्गं वा कंदलीऊसुगं अन्नयरं वा तहप्पगारं आमं असत्थपरिणयं जाव नो पडिगाहिज्जा २ । से भिक्खु वा (२) जाव से जं पुण जाणिज्जा लसुणं वा लसुणपत्तं वा लसुणनालं वा लसुणकंदं वा लसुणचोयगं वा अन्नयरं वा तहप्पगारं आमं असत्थपरिणयं जाव नो पडिगाहिज्जा ३ । से भिक्खु वा (२) जाव से जं पुण जाणिज्जा अच्छियं वा कुंभिपक्कं तिडुगं वा वेलुगं वा कासवनालियं वा अन्नयरं वा तहप्पगारं आमं असत्थपरिणयं जाव नो पडिगाहिज्जा ४ । से भिक्खु वा (२) जाव से जं पुण जाणिज्जा कणां वा कणकुंडगं वा कणपूयलियं वा चाउलं वा चाउलपिट्ठं वा तिलं वा तिलपिट्ठं वा तिलपप्पडगं वा अन्नयरं वा तहप्पगारं आमं असत्थपरिणयं जाव लाभे संते नो पडिगाहिज्जा ५ । एवं खलु तस्स भिक्खुस्स भिक्खुणीए वा सामग्गियं जाव मया जणज्जामि ति वेमि० ६ ॥सू० ४८॥

॥ इति अष्टम उद्देशकः ॥२-१-१-८ ॥



॥ अध्ययनं १ :: उद्देशकः ९ ॥

इह खलु पाइणं वा (४) संतेगइया सद्धा भवंति, गाहावई वा जाव कम्मकरी वा, तेसिं च णं एवं वुत्तपुव्वं भवइ—जे इमे भवंति समणा भगवंता सीलवंतो वयवंतो गुणवंतो संजया संबुडा बंभयारी उवरया मेहुणाओ धम्माओ, नो खलु एएसिं कप्पइ आहाकम्मिए असणो वा (४) भुत्तए वा पायए वा १। से जं पुण इमं अम्हं अप्पणो अट्ठाए निट्ठियं तं असणं सब्बमेयं समणाणं निसिरामो, अवियाइं वयं पच्छा अप्पणो अट्ठाए असणं वा (४) चेइस्सामो २ । एयप्पगारं निग्घोसं सुच्चा निसम्म तहप्पगर असणं वा अफासुयं अणोसणिज्जं लाभे संते नो पडिगाहिज्जा ३ ॥सू० ४६॥ से भिक्खू वा (२) जाव समाणो वसमाणो वा गामाणुगामं वा दूइज्जमाणो से जं एण जाणिज्जा गामं वा जाव रायहाणिं वा इमंसि खलु गामंसि वा रायहाणिंसि वा संतेगइयस्स भिक्खुस्स पुरेसंथुया वा पच्छासंथुया वा परिवसंति, तंजहा-गाहावई वा जाव कम्मकरी वा तहप्पगाराइं कुलाइं नो पुव्वामेव भत्ताए वा निक्खमिज्ज वा पविसेज्ज वा (२) १ । केवली बूया—आयाणमेयं, पुरा पेहाए तस्स परो अट्ठाए असणं वा (४) उवकरिज्ज वा उवक्खडिज्ज वा, अह भिक्खूणं पुव्वोवइट्ठा (४) जं नो तहप्पगाराइं कुलाइं पुव्वामेव भत्ताए वा पाणाए वा पविसिज्ज वा निक्खमिज्ज वा (२) २ । से तमायाय एगंतम-वक्कमिज्जा (२,) अणावायमसंलोए चिट्ठिज्जा, से तत्थ कालेणं अणुपविसिज्जा (२) तत्थियरेयरेहिं कुलेहिं सामुदाणियं एसियं वेसियं पिडवायं एसित्ता आहारं आहारिज्जा सिया से परो कालेण अणुपविट्ठस्स आहाकम्मियं असणं वा उवकरिज्ज वा उवक्खडिज्ज वा तं चेगइओ लुसिणीओ उवेहेज्जा, आहडमेव पच्चाइक्खिस्सामि, माइट्ठाणं संफासे, नो एवं करिज्जा ३ । से पुव्वामेव आलोइज्जा—आउसोत्ति वा भइणित्ति वा नो खलु मे कप्पइ आहाकम्मियं असणं वा (४) भुत्तए वा पायए वा, मा उवकरेहि मा उवक्खडेहि, से सेवं

वयंतस्स परो आहाकम्मियं असरां वा (४) उवक्खड्डादित्ता आहट्टु दलइज्जा तहप्पगारं असरां वा (४) अफासुयं जाव लाभे संते नो पडिगाहिज्जा ४ ॥सू० ५०॥ से भिक्खू वा (२) जाव से जं पुण जाणिज्जा मंसं वा मच्छं वा भज्जिज्जमाणां पेहाए तिल्लपूयं वा आएसाए उवक्खड्डिज्जमाणां पेहाए नो खद्धं (२) उवसंकमित्तु ओभासिज्जा, नन्नत्थ गिलाणणीसाए ॥सू० ५१॥ से भिक्खू वा (२) जाव समाणे अन्नयरं भोयणजायं पडिगाहिज्जा सुब्भि सुब्भि भुच्चा दुब्भि २ परिट्ठवेइ, माइट्ठाणं संफासे नो एवं करिज्जा । सुब्भि वा दुब्भि वा सव्वं भुंजिज्जा नो किंचिवि परिट्ठविज्जा (सव्वं भुज्जे न छड्डुए) ॥सू० ५२॥ से भिक्खू वा (२) जाव समाणे अन्नयरं पाण- गजायं पडिगाहिज्जा पुष्फं २, आविडित्ता कसायं २, परिट्ठवेइ, माइट्ठाणं संफासे नो एवं करिज्जा, १ ॥ पुष्फं पुष्फेइ वा कसायं कसाइ वा सव्वमेयं भुंजिज्जा, नो किंचिवि परिट्ठवेज्जा २ ॥सू० ५३॥ से भिक्खू वा (२) बहुपरियावन्नं भोयणजायं पडिगाहिज्जा बहवे साहम्मिया तत्थ वसंति संभोइया समणुन्ना अपरिहारिया अदूरगया तेसिं अणालोइया अणामंते परिट्ठवेइ माइट्ठाणं संफासे, नो एवं करेज्जा १ । से तमायाए तत्थ गच्छिज्जा (२) से पुव्वामेव आलोइज्जा आउसंतो समणा ! इमे मे असरा वा पाणे वा (४) बहुपरियावन्ने तं भुंजह णां २ । से सेवं वयंतं परो वइज्जा-आउसंतो समणा ! आहारमेयं असरां वा (४) जावइयं (२) सरइ तावइयं (२) भुक्खामो वा पाहामो वा सव्वमेयं परिसडइ सव्वमेयं भुक्खामो वा पाहामो वा ३ ॥सू० ५४॥ से भिक्खू वा (२) से जं पुण जाणिज्जा असरां वा (४) परं समुद्धिस्स बहिया नीहडं जं परेहि असमणुन्नायं अणिसिट्ठं अफासुयं जाव नो पडिगाहिज्जा जं परेहिं समणुन्नायं सम्मं णिसिट्ठं फासुयं जाव पडिगा- हिज्जा, १ । एवं खलु तस्स भिक्खुस्स भिक्खुणीए वा सामग्गियं जाव सया जणज्जासि त्ति बेमि २ ॥सू० ५५॥

॥ अध्ययनं-१ :: उद्देशकः-१० ॥

से एगइयो साहारणं वा पिंडवायं पडिगाहिता ते साहम्मिए अणा-
 पुच्छिता जस्स जस्स इच्छइ तस्स तस्स खद्धं खद्धं दलइ, माइट्ठाणं संफासे,
 नो एवं करिज्जा १। से तमायाय तत्थ गच्छिज्जा २, एवं वइज्जा—आउसं-
 तो समणा ! संति मम पुरेसंथुया वा पच्छासंथुया तंजहा—आयरिए वा १,
 उवज्भाए वा २, पविती वा ३, थेरे वा ४, गणी वा ५, गणहरे वा ६, गणा-
 वच्छेइए वा ७, अवियाइं एएसिं खद्धं खद्धं दाहामि, सेणोवं वयंतं परो वइज्जा—
 कामं खलु आउसो ! अहापज्जतं निसिराहि, जावइयं (२) परो वयइ
 तावइयं (२) निसिरिज्जा, सब्बमेवं परो वयइ सब्बमेयं निसिरिज्जा २ ।
 ॥सू० ५६॥ से एगइयो मणुन्नं भोयणजायं पडिगाहिता पंतेण भोयणेण
 पलिच्छाएइ मा मेयं दाइयं संतं दट्ठण सयमाइए आयरिए वा जाव गणा-
 वच्छेए वा; १। नो खलु मे कस्सइ किंचि दायव्वं सिया, माइट्ठाणं संफासे,
 नो एवं करिज्जा २। से तमायाए तत्थ गच्छिज्जा, (२) पुव्वामेव उत्ताणए
 हत्थे पडिग्गहं कट्ठ इमं खलुत्ति आलोइज्जा, नो किंचि वि शिगूहिज्जा ३।
 से एगइयो अन्नयरं भोयणजायं पडिगाहिता भइयं (२) भुच्चा विवन्नं विर-
 समाहरइ, माइट्ठाणं संफासे, नो एवं करेज्जा ४ ॥सू० ५७॥ से भिक्खु
 वा (२) से जं पुण जाणिज्जा अंतरुच्छियं वा उच्छुगंडियं वा उच्छुचोयगं वा
 उच्छुमेरगं वा उच्छुसालगं वा उच्छुडालगं वा सिबलिं वा सिबलथालगं वा
 अस्सिं खलु पडिग्गहियंसि अप्पे भोयणजाए बहुउज्झियधम्मिए तहप्पगारं
 अंतरुच्छियं वा जाव सिबलवालगं वा अफासुअं जाव नो पडिगाहिज्जा १॥ से
 भिक्खु वा २, से जं पुण जाणिज्जा बहुअट्ठियं वा मंसं वा मच्छं वा बहुकट्यं
 अस्सिं खलु पडिगाहितंसि अप्पे सिया भोयणजाए बहुउज्झियधम्मिए तहप्पगारं
 बहुअट्ठियं वा मंसं वा मच्छं वा बहुकट्यं वा लाभे संते जाव नो पडिगाहिज्जा २।
 से भिक्खु वा (२) जाव समाणे सिया णं परो बहुअट्ठिएणं मंसेण वा मच्छेण

वा उवनिमंतिज्जा—आउसंतो समणा ! अभिकंखसि बहुअट्ठियं मंसं पडि-
गाहित्तए ? एयप्पगारं निग्घोसं सुच्चा निसम्म से पुव्वामेव आलोइज्जा—
आउसोत्ति वा (२) नो खलु मे कप्पइ बहुअट्ठियं मंसं पडिगाहिगत्तए अभिकं-
खसि मे दाउं जावइयं तावइयं पुग्गलं दलयाहि, मा य अट्ठियाइं ३। से सेवं वयं-
तस्स परो अभिहट्ठु अंतो पडिग्गहं गंसि बहुअट्ठियं मंसं परिभाइत्ता निहट्ठु
दलइज्जा ४। तहप्पगारं पडिग्गहं परहत्थंसि वा परपायंसि वा अफासुयं अणो-
सणिज्जं लाभे संते जाव नो पडिगाहिज्जा ५। से आहन्न पडिगाहिए सिया
तं नोहित्ति वइज्जा नो अणिहित्ति वइज्जा ६। से तमायाय एगंतमवक्कमिज्जा
(२) अहे आरामंसि वा अहे उवस्सयंसि वा अप्पंडे जाव संताणए मंसं गं
मच्छगं भुच्चा अट्ठियाइं कंटए गहाय से तमायाय एगंतमवक्कमिज्जा (२) अहे
भामथंडिलंसि वा जाव पमज्जिय पमज्जिय परट्ठविज्जा ७॥सू० ५८॥ से भिक्खु
वा (२) जाव समाणे सिया से परो अभिहट्ठु अंतो पडिग्गहे विलं वा लोणं
उब्भियं वा लोणं परिभाइत्ता नीहट्ठु दलइज्जा, तहप्पगारं पडिग्गहं परहत्थंसि
वा परपायंसि वा अफासुयं जाव नो पडिगाहिज्जा १। से आहन्न पडिगाहिए
सिया तं च नाइदूरगए जाणिज्जा, से तमायाए तत्थ गच्छिज्जा (२) पुव्वामेव
आलोइज्जा-आउसोत्ति वा (२) इमं किं ते जाणया दिन्नं उयाहु अजाणया २।
से य भणिज्जा—नो खलु मे जाणया दिन्नं, अजाणया दिन्नं, कामं खलु
आउसो ! इयाणिं निसिरामि, तं भुंजह वा णं परिभाएह वा णं तं परेहिं
समणुन्नायं समणुसट्ठं तत्रो संजयामेव भुंजिज्ज वा पीइज्ज वा ३। जं च
नो संचाएइ भोत्तए वा पायए वा साहम्मिया तत्थ वसंति संभोइया समणुन्ना
अपरिहारिया अदूरगया, तेसिं अणुप्पयायव्वं सिया, नो जत्थ साहम्मिया जहेव
बहुपरियावन्नं कीरइ तहेव कायव्वं सिया ४। एवं खलु तस्स भिक्खुस्स
भिक्खुणिए वा सामग्गियं जाव सया जएज्जासि त्ति बेमि ५॥सू० ५९॥

॥ अध्ययनं-१ :: उद्देशकः-११ ॥

भिक्षाणां नामेगे एवमाहंसु समाणे वा वसमाणे वा गामाणुगामं वा
दूइज्जमाणे मणुन्नं भोयणाजायं लभित्ता से भिक्षू गिलाइ, से हंदह णं
तस्साहरह से य भिक्षू नो भुंजिज्जा तुमं चेव णं भुंजिज्जासि, से एगइओ
भोक्खामि त्ति कट्टु पलिउंचिय (२) आलोइज्जा, तं जहा-इमे पिंडे इमे
लोए इमे तित्ते इमे कडुयए इमे कसाये इमे अंबिले इमे महुरे, नो खलु इत्तो
किंचि गिलाणास्स सयइत्ति माइट्ठाणं संपासे, नो एवं करिज्जा १ । तहाठियं
आलोइज्जा जहाठियं गिलाणास्स सयइत्ति, तं तित्तयं तित्तएत्ति वा कडुयं
कडुयं कसायं कसायं अंबिलं अंबिलं महुरं महुरं त्ति वा २ ॥सू० ६०॥
भिक्षाणां नामेगे एवमाहंसु-समाणे वा वसमाणे वा गामाणुगामं दूइज्जमाणे
वा मणुन्नं भोयणाजायं लभित्ता से य भिक्षू गिलाइ से हंदह णं तस्स
आहरह, से य भिक्षू नो भुंजिज्जा आहारिज्जा, से णं नो खलु मे अंतराए
आहरिस्सामि, इच्चेयाइं आयतणाइं उवाइक्कम्म ॥सू० ६१॥ अह भिक्षू
जाणिज्जा सत्तपिंडेसणाओ सत्त पाणेसणाओ-तत्थ खलु इमा पट्मा पिंडेसणा-
असंसट्ठे हत्थे असंसट्ठे मत्ते, तहप्पगारेण असंसट्ठेण हत्थेण वा मत्तेण वा
असणं वा (४) सयं वा णं जाइज्जा परो वा से दिज्जा फासुयं पडिगाहिज्जा,
पट्मा पिंडेसणा १ ॥ अहावरा दुच्चा पिंडेसणा-संसट्ठे हत्थे संसट्ठे मत्ते, तहेव
दुच्चा पिंडेसणा २ ॥ अहावरा तच्चा पिंडेसणा-इह खलु पाइणं वा (४) संते-
गइया सट्ठा भवंति-गाहावई वा जाव कम्मकरी वा, तेसि च णं अन्नयरेसु
विरुवरूवेसु भायणाजाएसु उवनिविस्सत्तपुव्वे सिया, तं जहा-थालंसि वा
पिठरंसि वा सरगंसि वा परगंसि वा वरगंसि वा, अह पुणेवं जाणिज्जा-
असंसट्ठे हत्थे संसट्ठे मत्ते, संसट्ठे वा हत्थे असंसट्ठे मत्ते, से य पडिग्गह-
धारी सिया पाणिपडिग्गहिणं वा, से पुव्वामेव आलोएज्जा-आउसोत्ति वा
भगिणि त्ति वा, एएण तुमं असंसट्ठेण हत्थेण संसट्ठेण मत्तेण संसट्ठेण

वा हत्थेण असंसट्ठेण मत्तेण अस्सिं पडिग्गहगंसि वा पाणिंसि वा निहट्ठ उचित्तु दलयाहि तहप्पगारं भोयणजायं सयं वा णं जाइज्जा परो वा देज्जा, फासुयं जाव पडिगाहिज्जा, तइया पिंडेसणा ३ ॥ अहावरा चउत्था पिण्डेसणा—से भिक्खु वा (२) से जं पुण जाणिज्जा पिहुयं वा जाव चाउलपलंबं वा अस्सिं खलु पडिग्गहियंसि अण्णे पच्छाकम्मे अण्णे पज्जवजाए, तहप्पगारं पिहुयं वा जाव चाउलपलंबं वा सयं वा णं जाइज्जा जाव पडिगाहिज्जा, चउत्था पिंडेसणा ४ ॥ अहावरा पंचमा पिंडेसणा—से भिक्खु वा (२) उग्गहियमेव भोयणजायं जाणिज्जा, तं जहा—सरावंसि वा डिंडिमंसि वा कोसगंसि वा, अह पुणेवं जाणिज्जा बहुपरियावन्ने पाणीसु दगलेवे, तहप्पगारं असणां वा (४) सयं वा णं जाएज्जा जाव पडिगाहिज्जा, पंचमा पिंडेसणा ५ ॥ अहावरा छट्ठा पिंडेसणा—से भिक्खु वा (२) पग्गहियमेव भोयणजायं जाणिज्जा, जं च सयट्ठाए पग्गहियं, जं च परट्ठाए पग्गहियं, तं पायपरियावन्नं तं पाणिपरियावन्नं फासुयं पडिगाहिज्जा, छट्ठा पिंडेसणा ६ ॥ अहावरा सत्तमा पिंडेसणा—से भिक्खु वा (२) जाव समाणो बहु उज्झियधम्मियं भोयणजायं जाणिज्जा, जं चज्जने बहवे दुपयचउप्पयसमाणमाहणाअतिहिक्खिविणवणीमगा नावकंखंति, तहप्पगारं उज्झियधम्मियं भोयणजायं सयं वा णं जाइज्जा परो वा से दिज्जा जावए फासुयं पडिगाहिज्जा, सत्तमा पिंडेसणा ७ ॥ इच्चेयाओ सत्त पिंडेसणाओ अहावराओ सत्त पाणोसणाओ ८ ॥ तत्थ खलु इमा पढमा पाणोसणा—असंसट्ठे हत्थे असंसट्ठे मत्ते, तं चेवं भाणियव्वं, नवरं चउत्थाए नाणात्तं ९-१ से भिक्खु वा (२) जाव समाणो से जं पुण पाणगजायं जाणिज्जा, तं जहा—तिलोदगं वा तुसोदगं वा जवोदगं वा आयामं वा सोवीरं वा सुद्धवियडं वा अस्सिं खलु पडिग्गहियंसि अण्णे पच्छाकम्मे तहेव पडिगाहिज्जा १० ॥ सू० ६२ ॥ इच्चेयासिं सत्तरहं पिंडेसणाणां सत्तरहं पाणोसणाणां अन्नयरं पडिमं पडिवज्जमाणो नो एवं वइज्जा—मिच्छा-

पडिविन्ना खलु एए भयंतारो, अहमेगे सम्मं पडिविन्ने, जे एए भयंतारो एयाओ पडिमाओ पडिविज्जित्ता णं विहरंति जो य अहमंसि एयं पडिमं पडिविज्जित्ता णं विहरामि सञ्चेवि ते उ जिणाणाए उवट्ठिया अन्नुन्नसमाहिए, एवं च णं विहरति, एयं खलु तस्स भिक्खुस्स भिक्खुणीए वा सामग्गियं जाव सया जएज्जामि त्ति वेमि ॥सू० ६३॥

॥ इति एकादशम उद्देशकः ॥ २-१-१-११ ॥

॥ इति प्रथममध्ययनम् ॥श्रु० २-चू० १-अ० १॥

२: शय्यैषणा-अध्ययनं २ :: उद्देशकः-१

से भिक्खु वा भिक्खुणी वा अभिकंखिज्जा उवस्सयं एसित्तये अणु-पविसित्ता गामं वा जाव रायहाणिं वा, से जं पुण उवस्सयं जाणिज्जा सअण्डं जाव ससंताणयं तहप्पगारे उवस्सए नो ठाणं वा सिज्जं वा निसीहियं वा चेइज्जा १ । से भिक्खु वा (२) से जं पुण उवस्सयं जाणिज्जा अप्पण्डं जाव अप्पसंताणयं तहप्पगारे उवस्सए पडिलेहित्ता पमज्जित्ता तओ संजयामेव ठाणं वा (३) चेइज्जा २ । से जं पुण उवस्सयं जाणिज्जा अस्सि पडियाए एगं साहम्मियं समुद्धिस्स पाणाइं (४) समारब्भ समुद्धिस्स कीयं पामिच्चं अच्छिज्जं अणिसट्ठं अभिहणं आहट्ठु चेएइ, तहप्पगारे उवस्सए पुरिसंतर-कडे वा जाव अणासेविए वा नो ठाणं वा (३) चेइज्जा ३ ॥ एवं बहवे साहम्मिया एगं साहम्मिणिं बहवे साहम्मिणीओ ४ । से भिक्खु वा (२) से जं पुण उवस्सयं जाणिज्जा अस्संजए भिक्खुपडियाए बहवे समणमाहणाअति-हिक्खिणवणीमए पगणिय (२) समुद्धिस्स तं चेव भाणियव्वं ५ ॥ से भिक्खु वा (२) से जं पुण उवस्सयं जाणिज्जा, बहवे समणमाहणाअतिहिक्खिणवणी-मए पगणिय (२) समुद्धिस्स पाणाइं (४) जाव चेएत्ति, तहप्पगारे उवस्सए अपुरिसंतरकडे जाव अणासेविए नो ठाणं वा (३) चेइज्जा (३) ६ । अह पुणेवं

जाणिज्जा पुरिसंतरकडे जाव सेविए पडिलेहिता पमजित्ता तथो संजयामेव
 चेइज्जा ७ ॥ से भिक्खू वा (२) से जं पुण उवस्सयं जाणिज्जा अस्संजए
 भिक्खुपडियाए कडिए वा उक्कंबिए वा छन्ने वा लित्ते वा घट्ठे वा मट्ठे
 वा संमट्ठे वा संपधूमिए वा तहप्पगारे उवस्सए अपुरिसंतरकडे जाव अणा-
 सेविए नो ठाणं वा सेज्जं वा निसीहिं वा चेइज्जा, अह पुण एवं जाणिज्जा
 पुरिसंतरकडे जाव आसेविए पडिलेहिता २, तथो चेइज्जा ८ ॥सू० ६४॥
 से भिक्खू वा (२) से जं पुण उवस्सयं जाणिज्जा अस्संजए भिक्खुपडियाए
 खुडियाओ दुवारियाओ महल्लियाओ कुज्जा जहा पिंडेसणाए जाव संथारगं
 संथारिज्जा बहिया वा निन्नक्खु तहप्पगारे उवस्सए अपुरिसंतरकडे जाव
 अणासेविए ठाणं वा (३) चेइज्जा, अह पुणेवं जाणिज्जा पुरिसंतरकडे
 आसेविए पडिलेहिता पमजित्ता, तथो संजयामेव जाव चेइज्जा १ । से
 भिक्खू वा (२) से जं पुण उवस्सयं जाणिज्जा, अस्संजए भिक्खुपडियाए
 उदग्गप्पसूयाणि कंदाणि वा मूलाणि वा पत्ताणि वा पुप्फाणि वा फलाणि
 वा वीयाणि वा हरियाणि वा ठाणाओ ठाणं साहरइ बहिया वा निराणाक्खु
 तहप्पगारे उवस्सए अपुरिसंतरकडे जाव नो ठाणं वा (३) चेइज्जा,
 अह पुण एवं जाणिज्जा पुरिसंतरकडे जाव चेइज्जा २ । से भिक्खू वा
 (२) से जं पुण जाणिज्जा अस्संजए भिक्खुपडियाए पीढं वा फलगं वा
 निस्सेणिं वा उदूखलं वा ठाणाओ ठाणं साहरइ बहिया वा निराणाक्खु
 तहप्पगारे उवस्सए अपुरिसंतरकडे जाव नो ठाणं वा सेज्जं वा निसी-
 हियं वा चेइज्जा ३ । अह पुण एवं जाणिज्जा पुरिसंतरकरे जाव चेइज्जा
 ४ ॥सू० ६५॥ से भिक्खू वा (२) से जं पुण उवस्सयं जाणिज्जा, तंजहा-
 खंधंसि वा मंचंसि वा मालंसि वा पाप्पयंसि वा हम्मियतलंसि वा अन्नयरंसि
 वा तहप्पगारंसि अंतलिक्खजायंसि, नन्नत्थ आगाढाणागाढेहि कारणेहि
 ठाणं वा (३) नो चेइज्जा १ । से आहच्च चेइए सिया नो तत्थ सीओ-

दगवियडेण वा उसिणोदगवियडेण वा, हत्थाणि वा पायाणि वा अच्छी-
णि वा दंताणि वा मुहं वा उच्छोलिज्ज वा पहोइज्ज वा, नो तत्थ ऊसदं
पकरेज्जा, तंजहा-उच्चारं वा पासवणां वा खेलं वा सिंघाणां वा वंतं वा पित्तं
वा पूयं वा सोणियं वा अन्नयरं वा मरीरावयवं वा २ । केवली ब्रूया
आयाणमेयं, से तत्थ ऊसदं पगरेमाणो पयलिज्ज वा पवडेज्ज वा ३ । से तत्थ
पयलमाणो वा पवडमाणो वा हत्थं वा जाव सीमं वा अन्नयरं वा कायंसि
इंदियजालं लूसिज्ज वा पाणाणि वा (४) अभिहणिज्ज वा जाव ववरोविज्ज
वा ४ । अथ भिक्खुणां पुब्बोपइट्ठा जाव जं तहप्पगारे उवस्सए अंतलिक्खजाए
नो ठाणं वा (३) चेइज्जा ५ ॥सू० ६६॥ से भिक्खु वा (२) से जं
पुण उवस्सयं जाणिज्जा सइत्थियं सखुहुं सपसुमत्तपाणां तहप्पगारे सागारिए
उवस्सए नो ठाणं वा (३) चेइज्जा १ । आयाणमेयं भिक्खुस्स गाहावइकुत्तेण
सद्धि संवसमाणस्स अलसगे वा विसूइया वा छुडी वा उव्वाहिज्जा अन्नयरे
वा से दुक्खे रोगायंके समुपज्जिज्जा, अस्संजए कलुणपडियाए तं भिक्खुस्स
गायं तिल्लेण वा घएण वा नवणीएण वा वसाए वा अब्भंगिज्ज वा
मक्खिज्ज वा सिणारोण वा कक्केण वा लुहेण वा वरणेण वा चुरणेण
वा पउमेण वा आघंसिज्ज वा पघंसिज्ज वा उव्वलिज्ज वा उवट्ठिज्ज वा
सीओदगवियडेण वा उसिणोदगवियडेण वा उच्छोलिज्ज वा (पहोएज्ज वा)
पक्खालिज्ज वा सिणाविज्ज वा सिंचिज्ज वा दासणा वा दासपरिणामं कट्ठ
अगणिकायं उज्जालिज्ज वा पज्जालिज्ज वा उज्जालित्ता कायं आयाविज्जा
वा पयावेज्जा वा २ । अह भिक्खुणां पुब्बोपइट्ठा एस पतिन्ना जं तहप्पगारे
सागारिए उवस्सए नो ठाणं वा (३) चेइज्जा ३ ॥सू० ६७॥ आयाण-
मेयं भिक्खुस्स सागारिए उवस्सए संवसमाणस्स इह खलु गाहावई वा जाव
कम्मकरी वा अन्नमन्नं अक्कोसंति वा पचंति वा (बंधन्ति वा पचंति वा वहन्ति
वा) रुंभंति वा उद्वविति वा, अह भिक्खुणां उच्चावयं मणां नियंछिज्जा,

एए खलु अन्नमन्नं अकोसंतु वा मा अकोसंतु जाव मा वा उद्वित्तु; अह भिक्खूणां पुब्बोवदिट्ठा एस पइन्ना जाव जं तहप्पगारे सागारिए उवस्सए नो ठाणं वा (३) चेइज्जा ॥सू० ६८॥ आयाणमेयं भिक्खुस्स गाहावइहिं सद्धि संव-
समाणस्स, इह खलु गाहावइं अप्पणो सयट्ठाए अगणिकायं उज्जालिज्ज
वा पज्जालिज्ज वा विज्झविज्ज वा १। अह भिक्खू उच्चावयं मणां नियं-
छिज्जा, एए खलु अगणिकायं उज्जालेंतु वा मा वा उज्जालेंतु, पज्जालितु
वा मा वा पज्जालितु, अविज्झवित्तु वा मा वा विज्झवित्तु २। अह भिक्खूणां पुब्बो-
वदिट्ठा जाव जं तहप्पगारे उवस्सए नो ठाणं वा (३) चेइज्जा ३ ॥सू० ६९॥
आयाणमेयं भिक्खुस्स गाहावइहिं सद्धि संवसमाणस्स, इह खलु गाहावइस्स
कुंडले वा गुणे वा मणी वा मुत्तिए वा हिरण्ये वा सुवराण्ये वा कड-
गाणि वा तुडियाणि वा तिसराणि वा पालंबाणि वा हारे वा अद्धहारे वा
एगावली वा कणागावली वा मुत्तावली वा रयणावली वा तरुणीयं वा
कुमारिं अलंकियविभूसियं पेहाए, १ । अह भिक्खू उच्चावयं मणां नियच्छेज्जा,
एरिसिया वा सा नो वा एरिसिया-इय वा बूया इय वा णं मणां साइज्जा
२। अह भिक्खूणां पुब्बोवदिट्ठा जाव जं तहप्पगारे उवस्सये नो ठाणं वा जाव
चेइज्जा ३ ॥सू० ७०॥ आयाणमेयं भिक्खुस्स गाहावइहिं सद्धि संवसमा-
णस्स, इह खलु गाहावइणीओ वा गाहावइधूयाओ वा गाहावइ सुराहाओ
वा गाहावइधाइओ वा गाहावइदासीओ वा गाहावइक्कम्मफरीओ वा तासिं
च णं एवं वुत्तपुव्वं भवइ—जे इमे भवन्ति समणा भगवन्तो जाव उवरया
मेहुणाओ धम्माओ, नो खलु एएसिं कप्पइ मेहुणधम्मं परियारणाए
आउट्टित्तए, जा य खलु एएहिं सद्धिं मेहुणधम्मं परियारणाए आउट्टाविज्जा
पुत्तं खलु सा लमिज्जा उयस्सिं तेयस्सिं वच्चस्सिं जसस्सिं संपराइयं
आलोयणादरसणिज्जं, एयप्पगारं निग्घोसं सुच्चा निसम्म तासिं च णं
अन्नयरी सद्धी तं तवस्सिं भिक्खुं मेहुणधम्मपडियारणाए आउट्टाविज्जा
१। अह भिक्खूणां पुब्बोवदिट्ठा जाव जं तहप्पगारे सागारिए उवस्सए

ना ठाणं वा (३) चेइज्जा २। एयं खलु तस्स भिक्खुस्स भिक्खुणीए वा सामग्गियं जाव सया जएज्जासि त्ति वेमि ३ ॥सू० ७१॥

॥ इति प्रथम उद्देशकः ॥२-१-२-१॥

॥ अध्ययनं— २ :: उद्देशकः—२ ॥

गाहावइ नामेगे सुइसमायारा भवंति, से भिक्खू य असिणाणाए मोय-
समायारे से तग्गंधे दुग्गंधे पडिकूले पडिलोमे यावि भवइ, जं पुव्वं कम्मं तं
पच्छा कम्मं, जं पच्छा कम्मं तं पुरे कम्मं, तं भिक्खुपडियाए वट्टमाणा करिज्जा
वा नो करिज्जा वा, अह भिक्खूणां पुव्वोवइट्ठा जाव ज तहप्पगारे उवस्सए नो
ठाणं वा (२) जाव चेइज्जा ॥सू० ७२॥ आयाणमेयं भिक्खुस्स गाहावइहिं
सद्धिं संवसमाणास्स इह खलु गाहावइस्स अप्पणो सयट्ठाए विरूवरूवे भोयणाजाए
उवक्खडिए सिया, अह पच्छा भिक्खुपडियाए असणां वा (४) उवक्खडिज्ज
वा उवकरिज्ज वा, तं च भिक्खू अभिकंखिज्जा भुत्तए वा पायए वा विय-
ट्ठित्तए वा, अह भिक्खूणां पुव्वोवइट्ठा जाव जं नो तहप्पगारे उवस्सए ठाणं
वा (३) चेइज्जा ॥सू० ७३॥ आयाणमेयं भिक्खुस्स गाहावइणा सद्धिं संव-
समाणास्स इह खलु गाहावइस्स अप्पणो सयट्ठाए विरूवरूवाइं दारुयाइं भिन्न-
पुव्वाइं भवंति, अह पच्छा भिक्खुपडियाए विरूवरूवाइं दारुयाइं भिदिज्ज वा
किणिज्ज वा पामिच्चेज्ज वा दासणा वा दारुपरिणामं कट्ठु अगणिकायं
उज्जालेज्ज वा पज्जालेज्ज वा तथ भिक्खू अभिकंखिज्जा आयावित्तए वा
पयावित्तए वा वियट्ठित्तए वा, अह भिक्खूणां पुव्वोवइट्ठा जाव जं नो तहप्पगारे
उवस्सए ठाणं वा (३) चेइज्जा ॥सू० ७४॥ से भिक्खू वा (२) उच्चारपास-
वणेण उवाहिज्जमाणो रात्रो वा वियाले वा गाहावइकुलस्स दुवारबाहं अवं-
गुणिज्जा, तेणे य तस्संधिचारी अणुपविसिज्जा, तस्स भिक्खुस्स नो कप्पइ
एवं वइत्तए—अयं तेणो पविसइ वा नो वा पविसइ, उवल्लियइ वा नो वा

उवल्लियइ, आवयइ वा नो वा आवयइ, वयइ वा नो वा वयइ, तेण हडं
 अन्नेण हडं तस्स हडं अन्नस्स हडं अयं तेणो अयं उवचरणे अयं हंता अयं
 इत्थमकासी, तं तवस्सिं भिवखुं अतेणं तेणंति संकइ, अह भिवखूणं पुब्बोव-
 इट्ठा जाव नो ठाणं वा (२) चेइज्जा ॥सू० ७५॥ से भिवखू वा (२) से जं
 पुण उवस्सयं जाणिज्जा तणपुंजेसु वा पलालपुंजेसु वा मअंडे जाव ससं-
 ताणए तहप्पगारे उवस्सए नो ठाणं वा (३) चेइज्जा १ । से भिवखू वा (२)
 से जं पुण उवस्सयं जाणिज्जा, तणपुंजेसु वा पलालपुंजेसु वा अप्पंडे जाव
 चेइज्जा २ ॥सू० ७६॥ से आगंतारेसु वा आरामागारेसु वा गाहावइकुलेसु
 वा परियावसहेसु वा अभिवखूणं २ साहम्मिएहिं उवयमाणेहिं नो उवइज्जा
 ॥सू० ७७॥ से आगंतारेसु वा (४) जे भयंतारो उडु(उ)वद्धियं वा वासावा-
 सियं वा कप्पं उवाइणित्ता तत्थेव भुज्जो भुज्जो संवसंति, अयमाउसो ! काला-
 इक्कंतकिरियावि भवति १ ॥सू० ७८॥ से आगंतारेसु वा (४) जे भयंतारो
 उडु(उ)वद्धियं वासावासियं वा कप्पं उवाइणावित्ता तं दुगुणा दु(ति)-
 गुणेण वा अपरिहरित्ता तत्थेव भुज्जो भुज्जो संवसंति अयमाउसो ! उव-
 ट्ठाणकिरिया यावि भवति २ ॥सू० ७९॥ इह खलु पाइणं वा पडीणं वा
 दाहिणं वा उदीणं वा संतेगइया सट्ठा भवंति, तं जहा—गाहावई वा जाव
 कम्मकरीओ वा, तेसिं च णं आयारगोयरे नो सुनिसंते भवइ, तं सहह-
 माणेहिं पत्तियमाणेहिं रोयमाणेहिं बहवे समण—माहण—अतिहि—किवणवणी-
 मए समुद्दिस्स तत्थ तत्थ अगारीहिं अगाराइं चेइयाइं भवंति, तंजहा—आए-
 सणाणि वा आयतणाणि वा देवकुलाणि वा सहाओ वा पवाणि वा पणिय-
 गिहाणि वा पणियसालाओ वा जाणगिहाणि वा जाणसालाओ वा सुहा-
 कम्मंताणि वा दब्भकम्मंताणि वा वद्धकम्मंताणि वा वक्यकम्मंताणि वा वण-
 कम्मंताणि वा इंगालकम्मंताणि वा कट्ठकम्मंताणि सुसाणकम्मंताणि वा सुरणा-
 गार-गिरिकंदर-संतिसेलोवट्ठाण-कम्मंताणि वा भवणगिहाणि वा, जे भयंतारो

तहप्पगाराइं आएसणाणि वा जाव गिहाणि वा तेहिं उवयमाणेहिं उवयंति
 अयमाउसो ! अभिक्कंतकिरिया यावि भवइ ३ ॥सू० ८०॥ इह खलु
 पाइणां वा (४) जाव रोयमाणेहिं बहवे समणमाहणअतिहिकिवणावणिमए
 समुद्दिस्स तत्थ तत्थ अगारिहिं अगाराइं चेइयाइं भवंति, तंजहा—आएस-
 णाणि वा जाव भवणगिहाणि वा जे भयंतारो तहप्पगाराइं आएसणाणि
 जाव भवणगिहाणि वा तेहि अणोवयमाणेहि उवयंति अयमाउसो !
 अणभिक्कंतकिरिया यावि भवइ ४॥ ॥सू० ८१॥ इह खलु पाइणां
 वा (४) जाव कम्मकरीओ वा, तेसिं च रां एवं वुत्तपुब्बं भवइ—जे इमे
 भवंति समणा भगवंतो जाव उवरया मेहुणाओ धम्माओ, नो खलु एएसि
 भयंताराणां कप्पइ आहाकम्मिए उवस्सए वत्थए, से जाणि इमाणि अम्हं
 अप्पणो सयट्ठाए चेइयाइं भवंति, तं जहा—आएसणाणि वा जाव भवण-
 गिहाणि वा, सब्वाणि ताणि समणाणं निसिरामो, अवियाइं वयं पच्छा
 अप्पणो सयट्ठाए चेइस्सामो, तंजहा—आएसणाणि वा जाव भवणगिहाणि वा
 एयप्पगारं निग्घोसं सुच्चा निसम्म जे भयंतारो तहप्पगाराइं आएसणाणि
 वा जाव भवणगिहाणि वा उवागच्छंति इयराइयरेहिं पाहुडेहिं वट्ठंति, अय-
 माउसो ! वज्जकिरियावि भवइ ५॥ ॥सू० ८२॥ इह खलु पाइणां वा (४) सतेग-
 इया सट्ठा भवंति, तेसिं च रां आयारगोयरे जाव तं रोयमाणेहि बहवे समण-
 माहणअतिहि-किवणवणीमगे पगणिय (२) समुद्दिस्स तत्थ (२) अगा-
 रीहिं अगाराइं चेइयाइं भवंति, तंजहा—आएसणाणि वा जाव भवणगिहाणि
 वा, जे भयंतारो तहप्पगाराइं आएसणाणि वा जाव भवणगिहाणि वा,
 उवागच्छंति इयराइयरेहि पाहुडेहिं वट्ठंति, अयमाउसो ! महावज्जकिरियावि
 भवइ ६ ॥सू० ८३॥ इह खलु पाइणां वा (४) संतेगइया जाव तं सइहमा-
 णेहिं तं पत्तियमाणेहि तं रोयमाणेहि बहवे समणमाहणअतिहिकिवणवणीमगे
 पगणिय (२) समुद्दिस्स तत्थ (२) अगाराइं चेइयाइं भवंति तंजहा—आएण-

णाणि वा जाव भवणागिहाणि वा, जे भयंतारो तहप्पगाराणि आएस-
 णाणि वा जाव भवणागिहाणि वा उवागच्छंति इयराइयरेहिं पाहुडेहि, अय-
 माउसो ! सावज्जकिरिया यावि भवइ ७ ॥सू० ८४॥ इह खलु पाइणं वा
 (४) जाव तं रोयमाणेहिं एगं समणजायं समुद्धिरस तत्थ (२) अगारीहि
 अगाराइं चेइयाइं भवन्ति, तंजहा—आएसणाणि जाव गिहाणि वा महया
 पुढ्वीकाय-समारंभेण जाव महया तसकायसमारंभेण महया विरुवरूवेहिं
 पावकम्मकिच्चेहिं, तंजहा छायाण्यो लेवण्यो संधारदुवारपिहण्यो सीय्थोदए
 वा परट्ठवियपुव्वे भवइ, अगणिकाये वा उज्जालियपुव्वे भवइ, जे भयंतारो
 तहप्पगाराइं आएसणाणि वा जाव भवणागिहाणि वा उवागच्छंति इयराइय-
 रेहिं, पाहुडेहिं वट्ठंति दुपक्खं ते कम्मं सेवन्ति, अयमाउसो ! महासावज्जकिरिया
 यावि भवइ ८ ॥सू० ८५॥ इह खलु पाइणं वा जाव तं रोयमाणेहिं अप्पणो
 सयट्ठाए तत्थ (२) अगारीहिं अगाराइं चेइयाइं भवन्ति, तंजहा-आएसणाणि
 वा जाव भवणागिहाणि वा महया पुढ्वीकायसमारंभेण जाव अगणिकाए
 वा उज्जालियपुव्वे भवइ, जे भयंतारो तहप्पगाराइं आएसणाणि वा जाव
 भवणागिहाणि वा उवागच्छंति इयराइयरेहिं पाहुडेहिं एगपक्खं ते कम्मं सेवन्ति,
 अयमाउसो ! अप्पसावज्जकिरिया यावि भवइ ९ ॥ एवं खलु तस्स भिक्खुस्स
 भिक्खुणीए वा सामग्गियं जाव सया जएज्जासि त्ति वेमि ॥सू० ८६॥

॥ इति द्वितीयोद्देशकः ॥ २-१-२-२ ॥

॥ अध्ययनं-२ :: उद्देशक-३ः ॥

से य नो सुलभे फासुए उंछे अहेसणिज्जे नो य खलु सुद्धे इमेहिं
 पाहुडेहिं, तंजहा—छायाण्यो लेवण्यो संधारदुवारपिहण्यो पिंडवाए-
 सणाओ, से य भिक्खू चरियारए ठाणारए निसीहियारए सिज्जासंधार-
 पिंडवाएसणारए, संति भिक्खूणो एवमक्खाइणो उज्जुया नियागपडिबन्ना

अमायं कुञ्जमाणा वियाहिया, संतेगइया पाहुडिया उक्खित्तपुव्वा भवइ,
 एवं निक्खित्तपुव्वा भवइ, परिभाइयपुव्वा भवइ, परिभुत्तपुव्वा भवइ परिट्टवि-
 यपुव्वा भवइ, एवं वियागरेमाणो समियाए वियागरेइ ? हंता भवइ ॥सू० ८७॥
 से भिक्खू वा (२) से जं पुण उवस्सयं जाणिज्जा खुडिडयाओ खुडडुवा-
 रियाओ निययाओ संनिरुद्धाओ भवन्ति, तहप्पगारे उवस्सए राओ वा
 वियाले वा निक्खममाणो वा पविसमाणो वा पुरा हत्थेण वा पच्छा पाएण
 वा तओ संजयामेव निक्खमिज्ज वा (२) १। केवली ब्रूया आयाणमेयं, जे
 तत्थ समणाण वा माहणाण वा छत्तए वा मत्तए वा दंडए वा लट्ठिया वा
 भिसिया वा नालिया वा चेले वा चिलिमिली वा चम्मए वा चम्मकोसए वा
 चम्मछेयणए वा दुब्बद्धे दुन्निक्खित्ते अणिकंपे चलाचले भिक्खू य राओ
 वा वियाले वा निक्खममाणो वा (२) पयलिज्ज वा पवडेज्ज वा २। से
 तत्थ पयलमाणो वा पवडेमाणो वा हत्थं वा पायं वा जाव इंदियजायं वा
 लूसिज्ज वा पाणाणि वा (४) अलिहणेज्ज वा जाव ववरोविज्ज वा ३।
 अह भिक्खूणं पुव्वोवइट्ठं जाव जं तहपगारे उवस्सए पुरा हत्थेण वा पच्छा
 पाएणं वा तओ संजयामेव निक्खमिज्ज वा पविसिज्ज वा ४॥सू० ८८॥ से
 आगंतारेसु वा अणुवीय उवस्सयं जाइज्जा, जे तत्थ इसरे जे तत्थ समहिट्ठाए
 ते उवस्सयं अणुन्नविज्जा कामं खलु आउसो ! अहालंदं अहापरिन्नायं
 वसिस्सामो जाव आउसंतो ! जाव आउसंतस्स उवस्सए जाव साहम्मियाइं
 ततो उवस्सयं गिहिहस्सामो तेण परं विहरिस्सामो ॥सू० ८९॥ से भिक्खू
 वा (२) जस्सुवस्सए संवसिज्जा तस्स पुव्वामेव नामगुत्तं जाणिज्जा, तओ
 पच्छा तस्स गिहे निमंतेमाणस्स वा अनिमंतेमाणस्स वा असणं वा (४)
 अफासुयं जाव नो पडिगाहेज्जा ॥सू० ९०॥ से भिक्खू वा (२) से जं
 पुण उवस्सयं जाणिज्जा, ससागारियं सागणियं सउदयं नो पन्नस्स निक्ख-
 मणपवेसाए जावअणुचिंताए तहप्पगारे उवस्सए नो ठाणं वा सेज्जं वा

निसीहियं वा चेइज्जा ॥सू० ११॥ से भिक्खू वा (२) से जं पुण उवस्सयं
 जाणिज्जा गाहावइकुलस्स मज्झमज्जेणं गंतुं पंथए पडिवज्जं वा नो
 पन्नस्स जाव चिंताए तहप्पगारे उवस्सए नो ठाणं वा सेज्जं वा
 निसीहियं वा चेइज्जा ॥सू० १२॥ से भिक्खू वा (२) से जं पुण उवस्सयं
 जाणिज्जा, इह खलु गाहावई वा कम्मकरीओ वा अन्नमन्नं अक्कोसंति वा जाव
 उद्वंति वा नो पन्नस्स जाव चिंताए सेवं नच्चा तहप्पगारे उवस्सए नो ठाणं वा
 जाव चेइज्जा ॥सू० १३॥ से भिक्खू वा (२) से जं पुण उवस्सयं जाणिज्जा
 इह खलु गाहावई वा कम्मकरीओ वा अन्नमन्नस्स गायं तिल्लेण वा नव-
 नीएण वा घएण वा वसाए वा अब्भंगेति वा मक्खेति वा नो पराणस्स
 जाव चिंताए तहप्पगारे उवस्सए नो ठाणं वा जाव चेइज्जा ॥सू० १४॥ से
 भिक्खू वा (२) से जं पुण उवस्सयं जाणिज्जा-इह खलु गाहावई वा जाव
 कम्मकरीओ वा अन्नमन्नस्स गायं सिणाणेण वा कक्केण वा लुहेण वा (वराणेण
 वा चुराणेण वा पउमेण वा आघंसंति वा पघंसंति वा उव्वलंति वा उव्वट्ठिति
 वा) नो पन्नस्स निक्खमण जाव चिंताए, तहप्पगारे उवस्सए नो ठाणं वा जाव
 चेइज्जा ॥सू० १५॥ से भिक्खू वा (२) से जं पुण उवस्सयं जाणिज्जा, इह खलु
 गाहावती वा जाव कम्मकरी वा अणमणस्स गायं सीओदगवियडेण वा
 उसिणोदगवियडेण वा उच्छोलंति वा पहोयंति वा सिंचंति वा सिणावंति
 वा नो पन्नस्स जाव नो ठाणं वा जाव चेइज्जा ॥सू० १६॥ से भिक्खू वा
 वा से जं पुण उवस्सयं जाणिज्जा इह खलु गाहावई वा जाव कम्मकरीओ वा
 निगिणा ठिया निगिणा उल्लीणा मेहुणयम्मं विन्नविंति रहस्सियं वा मंतं
 मंतंति नो पन्नस्स जाव नो ठाणं वा (३) चेइज्जा ॥सू० १७॥ से भिक्खू
 वा (२) से ज पुण उवस्सयं जाणिज्जा आइन्नसंलिक्खं नो पन्नस्स जाव
 चिंताए जाव नो ठाणं वा (३) चेइज्जा ॥सू० १८॥ से भिक्खू वा (२)
 अभिकंखिज्जा संथारगं एसित्तए, से जं पुण संथारगं जाणिज्जा सअंडं जाव

ससंताणयं, तहप्पगारं संथारं लाभे संते नो पडिगाहिज्जा १॥ से भिक्खू वा (२) से जं पुण संथारयं जाणिज्जा अप्पंडं जाव संताणगगस्यं तहप्पगारं लाभे संते नो पडिगाहिज्जा २॥ से भिक्खू वा (२) से जं पुण संथारयं जाणिज्जा अप्पंडं जाव संताणयं लहुयं अपाडिहारियं तहप्पगारं नो पडिगाहिज्जा ३॥ से भिक्खू वा (२) से जं पुण संथारगं जाणिज्जा, अप्पंडं जाव अप्पसंताणगं लहुयं पाडिहारियं नो अहावद्धं तहप्पगारं लाभे संते नो पडिगाहिज्जा ४ ॥ से भिक्खू वा (२) से जं पुण संथारगं जाणिज्जा अप्पंडं जाव संताणगं लहुयं पाडिहारियं अहावद्धं, तहप्पगारं संथारगं लाभे संते पडिगाहिज्जा ५ ॥सू० ११॥ इच्चेयाइं आयतणाइं उवाइक्कम-अह भिक्खू जाणिज्जा इमाइं चउहिं पडिमाहिं संथारगं एसित्तए, तत्थ खलु इमा पट्टमा पडिमा-से भिक्खू वा (२) उद्दिसिय (२) संथारगं जाइज्जा, तंजहा-इक्कडं वा कट्ठिणं वा जंतुयं वा परगं वा मोरगं वा तण्णगं वा सोरगं वा कुसं वा कुच्चगं वा पिप्पल्लगं वा पल्लालगं वा, से पुब्बामेव आलोइज्जा-आउ-सोत्ति वा भइणीत्ति वा दाहिसि मे इत्तो अन्नयरं संथारगं ? तहप्पगारं संथारगं सयं वा णं जाइज्जा, परो वा देज्जा फासुयं एसणिज्जं जाव पडिगाहिज्जा, पट्टमा पडिमा ॥ १ ॥सू० १००॥ अहावरा दुच्चा पडिमा-से भिक्खू वा (२) पेहाए संथारगं जाइज्जा, तंजहा-गाहावइं वा कम्मकरिं वा से पुब्बामेव आलोइज्जा-आउसोत्ति वा भइणीत्ति वा दाहिसि मे एत्तो अन्नयरं संथारगं ? तहप्पगारं संथारगं सयं वा णं जाएज्जा परो वा से देज्जा, फासुयं एसणिज्जं जाव पडिगाहिज्जा, दुच्चा पडिमा २ ॥ अहावरा तच्चा पडिमा-से भिक्खू वा (२) जस्सुवस्सए संवमिज्जा जे तत्थ अहासमन्ना-गए, तंजहा-इक्कडे इ वा जाव पल्लालेइ वा तस्स लाभे संवसिज्जा तस्सालाभे उक्कुडुए वा नेसज्जिए वा विहरिज्जा, तच्चा पडिमा ३ ॥सू० १०१॥ अहावरा चउत्था पडिमा-से भिक्खू वा (२) अहासंथडमेव संथारगं जाइज्जा,

तंजहा—पुढविसिलं वा कट्टसिलं वा अहासंथडमेव, तस्स लाभे संते संव-
 सिज्जा, तस्स अलाभे उक्कुडुए वा (२) विहरिज्जा, चउत्था पडिमा ४
 ॥सू० १०२॥ इच्चेयाणां चउणहं पडिमाणं अन्नयरं पडिमं पडिवज्जमाणो तं
 चेव जाव अन्नोऽन्नसमाहीए एवं च णं विहरंति ॥सू० १०३॥ से भिक्खु
 वा (२) अभिकंखिज्जा संथारगं पच्चप्पिणित्तए, से जं पुण सथारगं जाणिज्जा
 सअण्डं जाव ससंताणयं तहप्पगारं संथारगं नो पच्चप्पिणिज्जा ॥सू० १०४॥
 से भिक्खु वा (२) अभिकंखिज्जा संथारगं पच्चप्पिणित्तए से जं पुण संथारगं
 जाणिज्जा, अप्पण्डं तहप्पगारं जाव संताणयं संथारगं पडिलेहिय (२)
 पमज्जिय (२) आयाविय (२) विहुणिय (२) तत्रो संजयामेव पच्चप्पिणिज्जा
 ॥सू० १०५॥ से भिक्खु वा (२) समाणे दा वसमाणे वा गामाणुगामं
 दूइज्जमाणो वा पुब्बामेव पन्नस्स उच्चारपासवणभूमिं पडिलेहिज्जा, केवली
 बूया आयाणमेयं-अपडिलेहियाए उच्चारपासवणभूमीए, से भिक्खु वा (२)
 रात्रो वा वियाले वा उच्चारपासवणं परिट्टवेमाणो पयलिज्ज वा पवडेज्ज वा
 से तत्थ पयलमाणो वा (२) हत्थं वा पायं वा जाव लूसेज्ज वा पाणाणि
 वा (४) जाव ववरोविज्जा, अह भिक्खूणां पुब्बोवइट्ठा जाव जं पुब्बामेव
 पन्नस्स उच्चारपासवणभूमिं पडिलेहिज्जा ॥सू० १०६॥ से भिक्खु वा (२)
 अभिकंखिज्जा सिज्जासंथारगभूमिं पडिलेहित्तए नन्नत्थ आयरियेण वा
 उवज्जाएण वा जाव गणावच्छेएण वा बालेण वा बुड्ढेण वा सेहेण वा
 गिसाणेण वा आएसेण वा अंतेण वा मज्जेण वा समेणे वा विसमेण वा
 पवाएण वा निवाएण वा, तत्रो संजयामेव पडिलेहिय (२) पमज्जिय (२)
 तत्रो संजयामेव बहुफासुयं सिज्जासंथारगं संथरिज्जा ॥सू० १०७॥ से
 भिक्खु वा (२) बहुफासुयं सेज्जा संथारगं संथरित्ता अभिकंखिज्जा बहुफा-
 सुए सिज्जासंथारए दुरुहित्तए ॥ से भिक्खु (२) बहुफासुए सेज्जासंथारए
 दुरुहमाणो से पुब्बामेव ससीसोवरियं कायं पाएय पमज्जिय (२) तत्रो संज-

यापेव बहुफासुए सेज्जासंथारगे दुरुहित्ता तथो संजयामेव, बहुफासुए सेज्जासंथारए सइज्जा ॥सू० १०८॥ से भिक्खू वा (२) बहुफासुए सेज्जासंथारए सयमारो नो अन्नमन्नस्स हत्थेण हत्थं पाएण पायं काएण कायं आसाइज्जा से अणासायमारो तथो संजयामेव बहुफासुए सिज्जासंथारए सइज्जा ॥ से भिक्खू वा (२) उस्सासमारो वा नीसासमारो वा कासमारो वा ज्ञीयमारो वा जंभायमारो वा उड्डोए वा वायनिसग्गं वा करेमारो पुब्बामेव आसयं वा पोसयं वा पाणिणा परिपेहित्ता तथो संजयामेव ऊससिज्जा वा जाव वायनिसग्गं वा करेज्जा ॥सू० १०९॥ से भिक्खू वा (२) समा वेगया सिज्जा भविज्जा, विसमा वेगया सिज्जा भविज्जा, पवाया वेगया सिज्जा भविज्जा, निवाया वेगया सिज्जा भविज्जा, ससरक्खा वेगया सिज्जा भविज्जा, अप्पससरक्खा वेगया सिज्जा भविज्जा, सदंसमसगा वेगया सिज्जा भविज्जा, अप्पदंसमसगा वेगया सिज्जा भविज्जा, सपरिसाडा वेगया सिज्जा भविज्जा, अपरिसाडा वेगया सिज्जा भविज्जा, सउवसग्गा वेगया सिज्जा भविज्जा, निरुवसग्गा वेगया सिज्जा भविज्जा, तहप्पगाराहिं सिज्जाहिं संविज्जमाणाहिं पग्गहियतरागं विहारं विहरिज्जा नो किंचिवि गिलाइज्जा, एवं खलु तस्स भिक्खुस्स भिक्खुणीए वा सामग्गियं जं सव्वट्ठेहिं सहिए सया जए त्ति वेमि ॥सू० ११०॥

॥ इति तृतीयोद्देशकः ॥ २-१-२-३ ॥

॥ इति द्वितीयमध्ययनम् ॥ श्रु० २-चू० १-अ० २ ॥

॥ ३: ईर्या-अध्ययनं ३ :: उद्देशकः १ ॥

अव्वुवगए खलु वासावासे अभिपवुट्ठे बहवे पाणा अभिसंभूया बहवे बीया अहुणाभिन्ना अंतरां से मग्गा बहुपाणा बहुबीया जाव ससंतागागा अणाभिक्कंता पंथा, नो विन्नाया मग्गा, सेवं नच्चा नो गामाणुगामं दूइज्जिज्जा, तथो संजयामेव वासावासं उवल्लिइज्जा ॥सू० १११॥ से

भिक्षु वा (२) से जं पुण जाणिज्जा गामं वा जाव रायहाणिं वा इमंसि खलु गामंसि वा जाव रायहाणिसि वा नो महई विहारभूमी नो महई वियारभूमी नो सुलभे पीढफलगसिज्जासंधारगे नो सुलभे फासुए उंछे अहेसणिज्जे जत्थ बहवे समणमाहण-अतिहि-क्विण-वणीमगा उवागया उवागमिस्संति य अच्चाइन्ना वित्ती नो पन्नस्स निक्खमणे जाव चिताए, सेवं नच्चा तहप्पगारं गामं वा नगरं वा जाव रायहाणिं वा नो वासावासं उवल्लिज्जा १॥ से भिक्षु वा (२) से जं पुण जाणिज्जा गामं वा जाव रायहाणिं वा इमंसि खलु गामंसि वा जाव वा महई विहारभूमी महई वियारभूमी सुलभे जत्थ पीढफलग-सिज्जासंधारगे सुलभे फासुए उंछे अहेसणिज्जे नो जत्थ बहवे समणमाहण-अतिहिक्विणवणीमगा उवागया उवागमिस्संति वा अप्पाइन्ना वित्ती जाव रायहाणिं वा तथो संजयामेव वासावासं उवल्लिज्जा ॥सू० ११२॥ अह पुणेवं जाणिज्जा-चत्तारि मासा वासावासाणं वीईक्कंता हेमंताणं य पंचदसरायकप्पे परिवुसीए, अंतरा से मग्गे बहुपाणा जाव ससंताणा नो जत्थ बहवे जाव उवागमिस्संति, सेवं नच्चा नो गामाणुगामं दूइज्जिज्जा ॥ अह पुणेवं जाणिज्जा-चत्तारि मासा वासावासाणं वीईक्कंता, हेमंताणं य पंचदसराय कप्पे परिवुसिए, अंतरा से मग्गे अप्पंडा जाव ससंताणा बहवे जत्थ समणमाहण-अतिहिक्विणवणीमगा उवागया उवागमिस्संति, सेवं नच्चा तथो संजयामेव गामाणुगामं दूइज्जिज्ज ॥सू० ११३॥ से भिक्षु वा (२) गामाणुगामं दूइज्जमाणो पुरथो जुगमायाए(यं) पेहमाणो दट्ठण तसे पाणे उद्धट्ठ पादं रीइज्जा, वित्तिरिच्छं वा कट्ठ पायं रीइज्जा, सइ परक्कमे संजयामेव परिकमिज्जा नो उज्जुयं गच्छिज्जा, तथो संजयामेव गामाणुगामं दूइज्जिज्जा १ ॥ से भिक्षु वा (२) गामाणुगामं दूइज्जमाणो अंतरा से पाणाणि वा बीयाणि वा हरियाणि वा उदए वा मट्ठिया वा अविद्धत्थे सइ परक्कमे जाव नो उज्जुयं गच्छिज्जा, तथो संजयामेव गामाणुगामं

दूइज्जिज्जा ॥सू० ११४॥ से भिक्खू वा (२) गामाणुगामं दूइज्जमाणे अंतरा
 से विरूवरूवाणि पच्चंतिगाणि दसुगाययाणि मिलक्खूणि अणायरियाणि
 दुसन्नप्पाणि दुप्पन्नवणिज्जाणि अकालपडिबोहीणि अकालपरिभोइणि सइ
 लाढे विहाराए संथरमाणेहिं जाणवएहि नो विहारवडियाए(वत्तियाए)
 पवज्जिज्जा गमणाए १। केवली बूया-आयाणामेयं, तेणं बाला अयं तेणे
 अयं उवचए अयं ततो आगएत्ति कट्ठं तं भिक्खुं अक्कोसिज्ज वा जाव उद-
 विज्ज वा वत्थं पडिग्गहं कंबलं पायपुच्छणं अच्छिदिज्ज वा भिदिज्ज वा
 वा अवहरिज्ज वा परिट्ठविज्ज वा २ । अह भिक्खूणं पु० जं तहप्पगाराइं
 विरूवरूवाणि पच्चंतियाणि दस्सुगायतणाणि जाव विहारवत्तियाए नो
 पवज्जिज्ज वा गमणाए तत्रो संजयामेव गामाणुगामं दूइज्जिज्जा ॥सू०
 ११५॥ से भिक्खू वा (२) दूइज्जमाणे अंतरा से अरायाणि वा गणारायाणि
 वा जुवरायाणि वा दोरज्जाणि वा वेरज्जाणि वा विरुद्धरज्जाणि वा सइ लाढे
 विहाराए संथरमाणेहिं जाणवएहिं नो विहारवडियाए पवज्जेज्ज गमणाए,
 केवली बूया आयाणामेयं, ते णं बाला अयं तेणे तं चेव जाव गमणाए तत्रो
 संजयामेव गामाणुगामं, दूइज्जिज्जा ॥सू० ११६॥ से भिक्खू वा (२) गामाणुगामं
 दूइज्जमाणे अंतरा से विहं सिया, से जं पुण विहं जाणिज्जा एगहेण वा दुआहेण
 वा तिआहेण वा चउआहेण वा पंचाहेण वा पाउणिज्ज वा नो पाउणिज्ज
 वा तहप्पगारं विहं अणोगायगमणिज्जं सइ लाढे जाव गमणाए, केवली बूया
 आयाणामेयं, अंतरा से वासे सिया पाणेसु वा पणएसु वा बीएसु वा हरिएसु-
 वा उदएसु वा मट्टियाए वा अविच्छत्थाए, अह भिक्खूणं पुव्वोवइट्ठा जाव ज
 तहप्पगारं अणोगाहगमणिज्जं जाव नो पवज्जेज्ज गमणाए तत्रो संजयामेव
 गामाणुगामं दूइज्जिज्जा ॥सू० ११७॥ से भिक्खू वा (२) गामाणुगामं दूइ-
 ज्जमाणे अंतरा से नावासंतारिमे उदए सिया, से जं पुण नावं जाणिज्जा,
 असंजए अ भिक्खुपडियाए किणिज्ज वा पामिचेज्ज वा नावाए नावं परि-

णामं कट्टु थलाथो वा नावं जलंसि ओगाहिजा जलाथो वा नावं थलंसि
 उकसिजा पुण्णं वा नावं उस्मिचिजा सन्नं वा नावं उप्पीलादिजा तहप्प-
 गारं नावं उडढगामिणिं दा अहेगामिणिं तिरियगामिणिं परं जोयणभेराए
 अद्धजोयणभेराए अप्पतरे वा भुज्जतरे वा नो दूरुहिजा गमणाए १। से
 विक्खु वा (२) पुञ्चामेव तिरिच्छसंपाडमं नावं जाणिजा, जाणित्ता से
 तमायाए एगंतमवकमिजा २, भगडगं पडिलेहिजा २, एगथो भोयणभंडगं
 करिजा २, ससीसोवरियं कायं पाए पमजिजा सागारं भत्तं पच्चक्खाइजा,
 एगं पायं जले किञ्चा एगं पायं थले किञ्चा तथो संजयामेव नावं दूरुहिजा २
 ॥ सू० ११८॥ से भिक्खु वा (२) नावं दूरुहमाणो नो नावाए पुरथो
 दूरुहिजा नो नावाए अग्गथो दूरुहिजा नो नावाए मळ्भथो दूरुहिजा
 नो वाहाथो पगिज्झिय (२) अंगुलियाए उद्दिसिय (२), ओणमिय (२),
 उन्नमिय (२), निज्झाइजा १। सेणं परो नावागथो नावागयं वइज्जा-
 आउसंतो समणा ! एयं ता तुमं नावं उकसाहि वा दुक्साहि वा खिवाहि
 वा रज्जूयाए वा गहाय आकसाहि, नो से तं परिन्नं परिजाणिजा,
 तुसिणीथो उवेहिजा २। से णं परो नावागथो नावागयं वइज्जा-आउसं-
 तो समणा ! नो संचाएसिं तुमं नावं उकसित्तेण वा (३) रज्जूयाए वा गहाय
 आकसित्तेण वा आहर एयं नावाए रज्जूयं सयं चेव णं वयं नावं उकसि-
 स्सामो वा जाव रज्जूए वा गहाय आकस्सिसामो नो से तं परिन्नं परियाणो-
 ज्जा तुसिणीथो उवेहेज्जा ३। से णं परो नावागथो नावागयं वइज्जा
 आउसंतो समणा, एयं ता तुमं नावं आलित्तेण वा पीढणं वा वंसेण वा
 वलणं वा अवलुणं वा वाहेहि, नो से तं परिणं परिजाणिज्जा तुसि-
 णीथो उवेहेज्जा ४। से णं परो नावागथो नावागयं वइज्जा, एयं ता तुमं
 नावाए उदयं हत्थेण वा पाएण वा मत्तेण वा पडिग्गहेण वा नावाउस्सिंचणेण
 उस्सिंचाहि, नो से तं परिणं परिजाणिज्जा, से णं परो नावागथो नावा-

गयं वएज्जा आउसंतो समणा ! एयं तुमं नावाए उत्तिगं हत्थेण वा पाएण वा बाहुणा वा ऊरुणा वा उदरेण वा सीसेण वा काएण वा उस्सिचणेण वा चेलेण वा मट्टियाए वा कुसपत्तएण वा कुविंदएण वा पिहेहि, नो से तं परिणं परिजाणिज्जा ५ । से भिक्खु वा (२) नावाए उत्तिगेण उदयं आसवमाणं पेहाए उवस्वरिं नावं कज्जलावेमाणं पेहाए नो परं उवसंकमित्तु एवं बूया—आउसंतो ! गाहावइ एयं ते नावाए उदयं उत्तिगेण आसवइ उवस्वरिं नावा वा कज्जलावेइ, एयप्पगारं मणं वा दायं वा नो पुरयो कट्ठं विहरिज्जा, अप्पुस्सुए अबहिल्लेसे एगंतगएण अप्पाणं विउसेज्जा, समाहीए, तयो संजयामेव नावासंतारिमे उदए अहारियं रीइज्जा, ६ । एयं खलु जाव सया जइज्जा सि त्तिवेमि, ७ ॥सू० ११६॥

॥ इति प्रथम उद्देशकः ॥२-१-३-१॥

॥ अध्ययनं-३ :: उद्देशकः २ ॥

से णं परो णावागयो नावागयं वइज्जा—आउसंतो समणा ! एयं ता तुमं छत्तगं वा जाव चम्मछेयणागं वा गिराहाहि, एयाणि तुमं विरूवरूवाणि सत्थजायाणि धारेहि, एयं ता तुमं दारगं वा पज्जेहि, नो से तं परिणं परिजाणिज्जा लुसिणीयो उवेहेज्जा ॥सू० १२०॥ से णं परो नावागयो नावागयं वएज्जा-आउसंतो ! एस णं समणे नावाए भंडभारिए भवइ, से णं बाहाए गहाय नावायो उदगंसि पक्खिविज्जा, एयप्पगारं निग्घोसं सुच्चा निसम्म से य चीवरधारी सिया खिप्पामेव चीवराणि उव्वेद्विज्ज वा निवेद्विज्ज वा उप्फेसं वा करिज्जा १ । अह पुण एवं जाणिज्जा, अभिकंतकूरकम्मा खलु बाला ब्राह्मिं गहाय नावायो उदगंसि पक्खिविज्जा, से पुव्वामेव वइज्जा—आउसंतो गाहावइ ! मा मेत्तो बाहाए गहाय नावायो उदगंसि पक्खिवह, सयं चेव णं अहं नावायो उदगंसि ओगाहिस्सामि २ । से शेव

वयंतं परो सहसा बलसा बाहाहिं गहाय उदयगंसि पक्खिज्जा, तं नो सुमणे
 सिया नो दुम्मणे सिया नो उच्चावयं मणं नियंछिज्जा, नो तेसिं वालाणं घायाए
 वहाए समुट्ठिज्जा अप्पुस्सुए जाव समाहीए तथो संजयामेव उदगंसि पवज्जिज्जा
 ३ ॥सू० १२१॥ से भिक्खू वा (२) उदगंसि पवमाणे नो हत्थेण हत्थं
 पाएण पायं काएण कायं आसाइज्जा, से अणासायणाए अणासायमाणे तथो
 संजयामेव उदगंसि पविज्जा १ । से भिक्खू वा (२) उदगंसि पवमाणे नो उम्मु-
 ग्गनिमुग्गियं करिज्जा, मा मेयं उदगं कन्नेसु वा अच्छीसु वा नवकंसि वा मुहंसि
 वा परियावज्जिज्जा, तथो संजयामेव उदगंसि पविज्जा २ ॥ से भिक्खू वा
 (२) उदगंसि पवमाणे दुब्बलियं पाउणिज्जा खिप्पामेव उवहिं विगिंछिज्ज वा
 विसोहिज्ज वा, नो चेव णं साइज्जिज्जा ३ । अह पुण एवं जाणिज्जा,
 पारए सिया उदगाथो तीरं पाउणित्तए, तथो संजयामेव उदउल्लेण वा
 ससिणिद्धेण वा काएण उदगतीरे चिट्ठिज्जा ४ ॥ से भिक्खू वा (२)
 उदउल्लं वा ससिणिद्धं वा कायं नो आमज्जिज्जा वा पमज्जिज्जा वा
 वा संलिहिज्जा वा निल्लिहिज्जा वा उव्वलिज्जा वा उवट्ठिज्जा वा आथा-
 विज्ज वा पयाविज्ज वा ५ । अह पुण एवं जाणिज्जा, विगथोदथो मे
 काए छिन्नसिणोहे काए तहप्पगारं कायं आमज्जिज्ज वा जाव पयाविज्ज वा,
 तथो संजयामेव गामाणुगामं दूइज्जिज्जा ६ ॥सू० १२२॥ से भिक्खू वा
 (२) गामाणुगामं दूइज्जमाणे नो परेहिं सद्धिं परिजविय (२) गामाणुगामं
 दूइज्जिज्जा, तथो संजयामेव गामानुगामं दूइज्जिज्जा ॥सू० १२३॥ से
 भिक्खू वा (२) गामाणुगामं दूइज्जमाणे अंतरा से जंघासंतारिमे उदगे
 सिया, से पुव्वामेव ससीसोवरियं कायं पाए य पमज्जिज्जा २,
 एणं पायं जले किच्चा एणं पायं थले किच्चा तथो संजयामेव जंघासंतारिमे
 उदगंसि अहारियं रीएज्जा १ । ॥ से भिक्खू वा (२) जंघासंतारिमे अहा-

रियं रीयमाणो नो हत्थेण हत्थं पादेण वा पादं काएण वा कायं आसा-
 एज्जा, से अणालाइए अणसायमाणो तत्रो संजयामेव जंघासंतारिमे उदए
 अहारियं रीएज्जा २॥ से भिक्खू वा (२) जंघासंतारिमे उदए अहारियं
 रीयमाणो नो सायावडियाए नो परिदाहपडियाए महइमहालयंसि उदयंसि कायं
 विउसिज्जा, तत्रो संजयामेव जंघासंतारिमे उदए अहारियं रीएज्जा ३। अह
 पुण एवं जाणिज्जा पारए सिया उदगात्रो तीरं पाउणित्तए, तत्रो संजयामेव
 उदउल्लेण वा ससिणिद्धेण वा काएण दगतीरए चिट्ठिज्जा ४॥ से भिक्खू वा
 (२) उदउल्लं वा कायं ससिणिद्धं वा कायं नो आमज्जिज्ज वा नो पमज्जे-
 ज्ज वा ५। अह पुण एवं जाणिज्जा विगओदए मे काए छिन्नसिणोहे तह-
 प्पगारं कायं आमज्जिज्ज वा जाव पयाविज्ज वा, तत्रो संजयामेव गामाणुगामं
 दूइज्जिज्जा ६ ॥सू० १२४॥ से भिक्खू वा (२) गामाणुगामं दूइज्जमाणो
 नो मट्टियागएहिं पाएहिं हरियाणि छिदिय (२), विक्कुज्जिय (२), विफा-
 लिय (२), उम्मग्गेण हरियवहाए गच्छिज्जा, जमेयं पाएहिं मट्टियं खिप्पा-
 मेव हरियाणि अवहरंतु, माइट्ठाणं संपासे, नो एवं करिज्जा से पुव्वामेव
 अप्पहरियं मग्गं पडिलेहिज्जा, तत्रो संजयामेव गामा णुगामंदूइज्जिज्जा १।
 से भिक्खू वा (२), गामाणुगामं दूइज्जमाणो अंतरा से वप्पाणि वा फलि-
 हाणि वा पागाहाणि वा तोरणाणि वा अग्गलाणि वा अग्गलपासगाणि
 वा गड्ढात्रो वा दरीत्रो वा सइ परक्कमे संजयामेव परिकमिज्जा नो उज्जु-
 यं गच्छेज्जा २। केवली बूया-आयाणं एयं, से तत्थ परक्कममाणो पयलिज्ज
 वा पवडिज्ज वा, से तत्थ पयलमाणो वा पवडेमाणो वा रुक्खाणि वा
 गुच्छाणि वा गुम्माणि वा लयात्रो वा वल्लीत्रो वा तणाणि वा गहणाणि
 वा हरियाणि वा अवलंबिय (२) उत्तरिज्जा, जे तत्थ पाडिपहिया उवाग-
 व्वंति ते पाणी जाइज्जा, तत्रो संजयामेव अवलंबिय (२) उत्तरिज्जा तत्रो
 संजयामेव गामाणुगामं दूइज्जिज्जा ३ ॥ से भिक्खू वा (२) गामाणुगामं

दूइज्जमाणो अंतरा से जवसाणि वा सगडाणि वा रहाणि वा सचक्काणि वा परचक्काणि वा से गां वा विरुवरुवं संनिरुद्धं पेहाए सइ परक्कमे संजयामेव नो उज्जुयं गच्छिज्जा, ४। से गां परो सेणागयो वइज्जा-आउसंतो ! एस गां समणे सेणाए अभिनिवारियं करेइ, से गां बाहाए गहाय आगसह, से गां परो बाहाहिं गहाय आगसिज्जा, तं नो सुमणे सिया जाव समाहीए तयो संजयामेव गामाणुगामं दूइज्जिज्जा ५ ॥सू० १२५॥ से भिक्खु वा (२) गामाणुगामं दूइज्जमाणो अंतरा से पाडिवहिया उवागच्छिज्जा, ते गां पाडिवहिया एवं वइज्जा—आउसंतो समणा ! केवइए एस गामे वा जाव राय-हाणी वा केवइया इत्थ आसा हत्थी गामपिंडोलगा मणुस्सा परिसंति, से बहुभत्ते बहुउदए बहुजणे बहुजवसे से अप्पभत्ते अप्पुदए अप्पजणे अप्पजवसे एयप्पगाराणि पसिणाणि नो पुच्छिज्जा, एयप्पगाराणि पसिणाणि पुट्ठे वा अप्पुट्ठे वा नो वागरिज्जा १। एवं खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए सहिए सया जएत्ति बेमि २ ॥सू० १२६॥

॥ इति द्वितीयोद्देशकः ॥ २-१-३-२ ॥

॥ अध्ययनं ३ :: उद्देशकः ३ ॥

से भिक्खु वा गामाणुगामं दूइज्जमाणो अंतरा से वप्पाणि वा जाव दूरीयो वा जाव कूडागाराणि वा पासायाणि वा नूमगिहाणि वा रुक्खगिहाणि वा पव्वयगिहाणि वा रुक्खं वा चेइयकडं थुभं वा चेइयकडं आएसणाणि वा जाव भवणगिहाणि वा नो बाहायो पगिज्जिमय (२), अंगुलिआए उहिसिय (२), ओणमिय (२), उन्नमिय (२), निज्झाइज्जा, तयो संजयामेव गामाणुगामं दूइज्जिज्जा १। से भिक्खु वा (२) गामाणुगामं दूइज्जमाणो अंतरा से कच्छाणि वा दवियाणि वा नूमाणि वा वलयाणि वा गहणाणि वा गहणाविदुग्गाणि वणाणि वा वणपव्वयाणि वा पव्वयविदुग्गाणि वा पव्वयगिहाणि वा, अगडाणि वा तलागाणि वा दहाणि वा नइयो वा

वावीओ वा पुक्खरिणीओ वा दीहियाओ वा गुंजालियाओ वा सराणि
वा सरपंतियाणि वा सरसरपंतियाणि वा नो बाहाओ पगिज्झिय (२); जाव
निज्झाइज्जा २। केवली बूया आयाणमेयं, जे तत्थ मिगा वा पसू वा
पक्खी वा सरीसिवा वा सीहा वा जलचरा वा थलचरा वा सहचरा वा सत्ता
ते उत्तसिज्ज वा वित्तसिज्ज वा वाडं वा सराणं वा कंखिज्जा, चारित्ति मे अयं
समणो ३। अह भिक्खूणं पुव्वोवइट्ठा पतिराणा जं नो बाहाओ पगिज्झिय (२)
निज्झाइज्जा; तओ संजयामेव आयरिउवज्झाएहिं सद्धिं गामाणुगामं दूइज्जिज्जा
४ ॥सू० १२७॥ से भिक्खू वा (२) आयरिउवज्झाएहिं सद्धिं गामाणुगामं
दूइज्जमाणो नो आयरिउवज्झायस्स हत्थेण वा हत्थं जाव अणासायमाणो
तओ संजयामेव आयरिउवज्झाएहिं सद्धिं जाव दूइज्जिज्जा १॥ से भिक्खू
वा आयरिउवज्झाएहिं सद्धिं दूइज्जमाणो अंतरा से पाडिवहिया उवाग-
च्छिज्जा, ते णं पाडिपाहिया से एवं वइज्जा—आउसंतो ! समणा ! के
तुब्भे ? कओ वा एह ? कहिं वा गच्छिहिह ?, जे तत्थ आयरिए वा
उवज्झाए वा से भासिज्ज वा वियागरिज्ज वा, आयरिउवज्झायस्स भासमा-
णस्स वा वियागरेमाणस्स वा नो अंतराभासं करिज्जा, तओ संजयामेव
गामाणुगामं दूइज्जिज्जा २। से भिक्खू वा (२) अहाराइणियं गामाणुगामं
दूइज्जमाणो नो राइणियस्स हत्थेण हत्थं जाव अणासायमाणो तओ संजयामेव
अहाराइणियं गामाणुगामं दूइज्जिज्जा ३। से भिक्खू वा (२) अहाराइणियं
गामाणुगामं दूइज्जमाणो अंतरा से पाडिवहिया उवागच्छिज्जा, ते णं पाडि-
पहिया एवं वइज्जा—आउसंतो ! समणा ! के तुब्भे ?, जे तत्थ सव्वराइ-
णिए से भासिज्ज वा वागरिज्ज वा, रायणियस्स भासमाणस्स वा वियागरे-
माणस्स वा नो अंतरा भासं भासिज्जा, तओ संजयामेव अहाराइणियाए
गामाणुगामं दूइज्जिज्जा ४॥ ॥सू० १२८॥ से भिक्खू वा (२) गामाणुगामं
दूइज्जमाणो अंतरा से पाडिवहिया उवागच्छिज्जा, ते णं पाडिपहिया एवं

वइज्जा—आउसंतो समणा ! अवियाइं इत्तो पडिवहे पासह, तंजहा—मणुस्सं
 वा गोणं वा महिसं वा पसुं वा पक्खि वा सरीसिवं वा जलयरं वा
 से आइक्खह दंसेह, तं नो आइक्खज्जा नो दंसिज्जा, नो तस्स
 तं परिन्नं परिजाणिज्जा, । तुसिणीए उवेहिज्जा, जाणं वा नो जाणंति
 वइज्जा तथो संजयामेव गामाणुगामं दूइज्जिज्जा १ । से भिक्खु वा
 (२) गामाणुगामं दूइज्जमाणे अंतरा से पाडिपहिया उवागच्छेज्जा,
 ते णं पाडिपहिया एवं वइज्जा—आउसंतो समणा ! अवियाइं इत्तो पडिवहे
 पासह उदग-पसूयाणि कंदाणि वा मूलाणि वा तथा पत्ता पुप्फा फला
 बीया हरिया उदगं वा संनिहियं अगणि वा संनिखित्तं से आइक्खह
 जाव दूइज्जिज्जा २॥ से भिक्खु वा (२) गामाणुगामं दूइज्जमाणे अंतरा
 से पाडिपहिया उवागच्छेज्जा, ते णं पाडिपहिया एवं वइज्जा—आउसंतो
 समणा ! अवियाइं इत्तो पडिवहे पासह जवसाणि वा जाव से णं वा विरू-
 वरुवं संनिविट्ठं से आइक्खह जाव दूइज्जिज्जा ३॥ से भिक्खु वा (२)
 गामाणुगामं दूइज्जमाणे अंतरा पाडिपहिया एवं वइज्जा—आउसंतो समणा ! केवइए
 इत्तो गामे वा जाव रायहाणि वा से आइक्खह जाव दूइज्जिज्जा ४॥ से
 भिक्खु वा (२), गामाणुगामं दूइज्जमाणे अंतरा से पाडिपहिया एवं वइज्जा-
 आउसंतो समणा ! केवइ ए इत्ता गामस्स नगरस्स वा जाव रायहाणीए वा
 मग्गे से आइक्खह, तहेव जाव दूइज्जिज्जा ५॥ ॥सू० १२१॥ से भिक्खु
 (२) गामाणुगामं दूइज्जमाणे अंतरा से गोणं वियालं पडिवहे पेहाए जाव
 त्रित्तचिल्लडं वियालं पडिपहे पेहाए नो तेसि भीओ उम्मग्गेणं गच्छिज्जा,
 नो मग्गाओ उम्मग्गं संकमिज्जा, नो गहणं वा वणं वा दुग्गं वा अणुप-
 विसिज्जा, नो रुक्खंसि दूरुहिज्जा, नो महइमहालयंसि उदयंसि कायं विउ-
 सिज्जा, नो वाडं वा सरणं वा सेणं वा सत्थं वा कंखिज्जा, अप्पुसुए जाव
 समाहीए तथो संजयामेव गामाणुगामं दूइज्जिज्जा १॥ से भिक्खु वा (२)

गामाणुगामं दूइज्जमाणे अंतरा से विहं सिया, से जं पुण विहं जाणिज्जा इमंसि खलु विहंसि वहवे आमोसगा उवगरणपडियाए संपिंडिया गच्छिज्जा, नो तेसिं भीओ उम्मरगेण गच्छिज्जा जाव समाहीए तओ संजयामेव गामाणुगामं दूइज्जेज्जा २॥ ॥सू० १३०॥ से भिक्खू वा (२) गामाणुगामं दूइज्जमाणे अंतरा से आमोसगा संपिंडिया गच्छिज्जा, ते णं आमोसगा एवं वइज्जा-आउसंतो समणा । आहर एयं वत्थं वा पायं वा कंबलं वा पायपुच्छणं वा, देहि निक्खिवाहि, तं नो दिज्जा निक्खिविज्जा, नो वंदिय (२) जाइज्जा, नो अंजलिं कट्ठु जाइज्जा, नो कलुणपडियाए जाइज्जा, धम्मियाए जायणाए जाइज्जा, तुसिणीयभावेण वा उवेहिज्जा, ते णं आमोसगा सयं करणिज्जं तिकट्ठु अक्कोसंति वा जाव उद्विंति वा वत्थं वा (४) अच्चिदिज्ज वा जाव परिट्ठविज्ज वा, तं नो गामसंसारियं कुज्जा, नो रायसंसारियं कुज्जा, नो परं उवसंकमित्तु ब्रूया—आउसंतो गाहावइ । एए खलु आमोसगा उव-गरणपडियाए सयं करणिज्जं तिकट्ठु अक्कोसंति वा जाव परिट्ठवंति वा, एयप्पगारं मणं वा वायं वा नो पुरओ कट्ठु विहरिज्जा, अप्पुस्सुए जाव समाहीए तओ संजयामेव गामाणुगामं दूइज्जिज्जा । एयं खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए सहिए सया जइज्जासि त्ति वेमि ॥सू० १३१॥

॥ इति तृतीयोद्देशकः ॥ २-१-३-३ ॥

॥ इति तृतीयमध्ययनम् ॥ २-१-३ ॥

॥ ४ः भाषाजात-अध्ययनं ४ :: उद्देशकः १ ॥

से भिक्खू वा (२) इमाइं वयायाराइं सुच्चा निसम्म इमाइं अणायाराइं अणारियपुव्वाइं जाणिज्जा—जे कोहा वा वायं विउजति, जे माणा वा, जे मायाए वा, जे लोभा वा वायं विउंजंति, जाणओ वा फरुसं वयंति, अजा-णओ वा फरुसं वयंति, सव्वं चेयं सावज्जं वज्जिज्जा विवेगमायाए, धुवं चेयं

जाणिज्जा, अधुवं चेयं जाणिज्जा, असणं वा (४) लभिय नो लभिय
 भुंजिय नो भुंजिय, अदुवा आगओ अदुवा नो आगओ, अदुवा एइ अदुवा नो
 एइ, अदुवा एहिइ अदुवा नो एहिइ, इत्थवि आगए इत्थवि नो आगए, इत्थवि
 एइ इत्थवि नो एति, इत्थवि एहिति इत्थवि नो एहिति १॥ अणुवीइ
 निट्ठाभासी समियाए संजए भासं भासिज्जा, तंजहा—एगवयणं १, दुव-
 यणं २, बहुवयणं ३, इत्थिवयणं ४, पुरिसवयणं ५, नपुंसगवयणं ६,
 अज्झत्थवयणं ७, उवणीयवयणं ८, अवणीयवयणं ९, उवणीय-अव-
 णीयवयणं १०, अवणीयउवणीयवयणं ११, तीयवयणं १२, पडुप्पन्नव-
 यणं १३, अणागयवयणं १४, पक्खवयणं १५, परुक्खवयणं १६,
 से एगवयणं वइस्सामीति एगवयणं वइज्जा जाव परुक्खवयणं वइस्सामिति
 परुक्खवयणं वइज्जा, इत्थी वेस पुरिसो वेस नपुसगं वेस एयं वा चेयं अन्नं
 वा चेयं अणुवीइ निट्ठाभासी समियाए संजए भासं भासिज्जा, इच्चेयाइं आय-
 यणाइं उवातिकम्म २॥ अह भिक्खूणां जाणिज्जा चत्तारि भासज्जायाइं
 तंजहा—सच्चमेगं पढमं भासज्जायं १, बीयं मोसं २, तइयं सच्चामोसं ३, जं
 नेव सच्चं नेव मोसं नेव सच्चामोसं असच्चामोसं नाम तं चउत्थं भासजायं
 ४॥ से बेमि ३। जे अइया जे य पडुपन्ना जे अणागया अरहंता भगवंतो
 सव्वे ते एयाणि चेव चत्तारि भासज्जायाइं भासिंसु वा भासंति वा भासि-
 स्संति वा पन्नविंसु वा पराणव्वंति वा पराणविसंति वा ४, सव्वाइं च णं
 एयाइं अचित्ताणि वराणमंताणि गंधमंताणि रसमंताणि फासमंताणि चओव-
 चइयाइं विप्परिणामधम्माइं भवंतीति अक्खायाइं ५॥ ॥सू० १३२॥ से
 भिक्खू वा (२) से जं पुण जाणिज्जा पुब्बिं भासा अभासा भासिज्जमाणी
 भासा भासा, भासासमयवीइक्कंता च णं भासिया भासा अभासा १॥ से
 भिक्खू वा (२) से जं पुण जाणिज्जा जा य भासा सच्चा १, जा य भासा
 मोसा २, जा य भासा सच्चामोसा ३, जा य भासा असच्चामोसा ४, तह-

प्पगारं भासं सावज्जं सकिरियं कक्कसं कडुयं निट्ठुरं फरुसं अराहयकरिं
 छेयणकरिं भेयणकरिं परियावणकरिं उदवणकरिं भूओवघाइयं अभिकंख
 नो भासिज्जा २॥ से भिक्खु वा भिक्खुणी वा से जं पुण जाणिज्जा, जा
 य भासा सत्ता सुहुमा जा य भासा असत्तामोसा तहप्पगारं भासं असावज्जं
 जाव अभूओवघाइयं अभिकंख भासं भासिज्जा ३॥ ॥सू० १३३॥ से
 भिक्खु वा (२) पुमं आमंतेमाणे आमंति ए वा अपडिसुणेमाणे नो एवं वड-
 ज्जा-होलित्ति वा गोलित्ति वा वसुलेत्ति कुपवसेत्ति वा घडदासित्ति वा
 साणेत्ति वा तेणित्ति वा चारिएत्ति वा माइत्ति वा मुसावाइत्ति वा, एयाइं तुमं
 ते जणगा वा, एयप्पगारं भासं सावज्जं सकिरियं जाव भूओवघाइयं अभि-
 कंख नो भासिज्जा १॥ से भिक्खु वा (२) पुमं आमंतेमाणे आमंति ए वा
 अपडिसुणेमाणे एवं वडज्जा-अमुगे इ वा आउसोत्ति वा आउसंतारोत्ति वा
 सावगेत्ति वा उवासगेत्ति वा धम्मिएत्ति धम्मपिएत्ति वा, एयप्पगारं भासं
 असावज्जं जाव अभिकंख भासिज्जा २॥ से भिक्खु वा (२) इत्थि आमंते-
 माणे आमंति ए य अपडिसुणीमाणी नो एवं वडज्जा-होली इ वा गोलीति
 वा इत्थीगमेणं नेयव्वं ३॥ से भिक्खु वा (२) इत्थि आमंतेमाणे आमंति ए
 य अपडिसुणेमाणी एवं वडज्जा-आउसोत्ति वा भइणित्ति वा भोइत्ति वा
 भगवइति वा साविगेत्ति वा उवासिएत्ति वा धम्मिएत्ति वा धम्मपिएत्ति
 वा, एयप्पगारं भासं असावज्जं जाव अभिकंख भासिज्जा ४॥
 ॥सू० १३४॥ से भिक्खु वा (२) नो एवं वडज्जा-नभोदेवित्ति वा गज्जदे-
 वित्ति वा विज्जुदेवित्ति वा पवुट्ठदेवेत्ति वा निवुट्ठदेवेत्ति वा पडउ वा
 वासं मा वा पडउ, निप्फज्जउ वा सस्सं मा वा निप्फज्जउ, विभाउ वा
 रयणी मा वा विभाउ, उदेउ वा सूरिए मा वा उदेउ, सो वा राया जयउ वा
 मा जयउ, नो एयप्पगारं भासं भासिज्जा पन्नवं १॥ से भिक्खु वा (२) अंत-
 लिक्खेत्ति वा गुज्झाणुचरिएत्ति वा संमुच्छिए वा निवइए वा पओ वडज्जा

बुट्टुबलाहगेत्ति वा २। एयं खलु तस्स भिक्खुस्स भिक्खुणीए वा सामग्गियं
जं सव्वट्ठेहिं समिए सहिए सया जइज्जासि त्तिवेमि ३ ॥सू० १३५॥

॥ इति प्रथम उद्देशकः ॥ २-१-४-१ ॥

॥ अध्ययनं-४ :: उद्देशकः- २ ॥

से भिक्खू वा (२) जहा वेगइयाइं रूवाइं पासिज्जा तहावि ताइं नो
एवं वइज्जा, तंजहा गंडी गंडीति वा कुट्ठी कुट्ठीति वा जाव महुमेहुणीति
वा हत्थच्छिन्नं हत्थच्छिन्नेत्ति वा एवं पायच्छिन्नेत्ति वा नक्कछिराणोइ वा कराणा-
च्छिन्नेइ वा उट्ठच्छिन्नेत्ति वा जेयावन्ने तहप्पगारा एयप्पगाराहिं भासाहिं बूइया
(२) कुप्पंति माणावा ते यावि तहप्पगाराहिं भासाहिं अभिकंख नो भासिज्जा १॥
से भिक्खू वा (२) जहा वेगइयाइं रूवाइं पासिज्जा तहावि ताइं एवं वइज्जा तंजहा-
ओयंसी ओयंसित्ति वा, तेयंसी तेयंसीति वा, जसंसी जसंसीइ वा, वच्चंसी वच्चं-
सीइ वा, अभिरूयंसी (२), पडिरूवंसी (२) पासाइयं (२), दरिसणिज्जं दरिस-
णीयत्ति वा, जे यावन्ने तहप्पगारा तहप्पगाराहिं भासाइं बुइया २ नो कुप्पंति
माणावा तेयावि तहप्पगारा एयप्पगाराहिं भासाहिं अभिकंख भासिज्जा २॥ से
भिक्खू वा (२) जहा वेगइयाइं रूवाइं पासिज्जा, तंजहा-वप्पाणि वा जाव
गिहाणि वा, तहावि ताइं नो एवं वइज्जा, तंजहा-सुकडे इ वा सुट्ठुकडे इ
वा साहुकडे इ वा कल्लाणो इ वा करणिज्जे इ वा, एयप्पगारं भासं सावज्जं
जाव नो भासिज्जा ३॥ से भिक्खू वा (२) जहा वेगइयाइं रूवाइं पासिज्जा,
तंजहा-वप्पाणि वा जाव गिहाणि वा तहावि ताइं एवं वइज्जा, तंजहा-आरं-
भकडे इ वा, सावज्जवडे इ वा, पयत्तकडे इ वा, पासाइयं पासाइए वा, दरि-
सणीयं दरिसणीयंति वा, अभिरूवं अभिरूवंति वा, पडिरूवं पडिरूवंति वा
एयप्पगारं भासं असावज्जं जाव भासिज्जा ४॥ ॥सू० १३६॥ से भिक्खू
वा (२) असणं वा (४) उवक्खडियं पेहाए, तहाविहं नो एवं वइज्जा तंजहा-

सुकडेत्ति वा सुट्ठुकडे इ वा साहुकडे इ वा कल्लाणे इ वा करणिज्जे इ वा, एयप्पगारं भासं सावज्जं जाव नो भासिज्जा ॥ से भिक्खु वा (२), असणां वा (४) उववखड्डियं पेहाए एवं वड्ढा, तंजहा-आरंभकडेत्ति वा सावज्जकडेत्ति वा पयत्तकडे इ वा, भइयं भदेत्ति वा ऊसदं ऊसदे इ वा, रसियं (२), मणुन्नं (२), एयप्पगारं भासं असावज्जं जाव भासिज्जा २॥ ॥सू० १३७॥ से भिक्खु वा भिक्खुणी वा मणुस्सं वा गोणां वा महिसं वा मिगं वा पसुं वा पक्खिं वा सरीसिं वा जलचरं वा से तं परिवूढकायं पेहाए नो एवं वड्ढा—थूले इ वा पसेइले इ वा चट्ठे इ वा वज्जे इ वा पाइमे इ वा, एयप्पगारं भासं सावज्जं जाव नो भासिज्जा ॥ से भिक्खु वा भिक्खुणी वा मणुस्सं वा जाव जलयरं वा सेत्तं परिवूढकायं पेहाए एवं वड्ढा—परिवूढकाएत्ति वा उवचियकाएत्ति वा थिरसंघयणेत्ति वा चियमंसं सोणिएत्ति वा बहुपडिपुन्नइंदिइएत्ति वा, एयप्पगारं भासं असावज्जं जाव भासिज्जा ॥ से भिक्खु वा (२) विरुवरूवाओ गाओ पेहाए नो एवं वड्ढा, तंजहा—गाओ दुब्भाओत्ति वा दम्मेत्ति वा गोरहत्ति वा वाहमत्ति वा रहजोग्गात्ति वा, एयप्पगारं भासं सावज्जं जाव नो भासिज्जा ॥ से भिक्खु वा (२) विरुवरूवाओ गाओ पेहाए एवं वड्ढा, तंजहा—जुवंग-वित्ति वा धेणुत्ति वा रसवड्ढत्ति वा हस्से इ वा महल्ले इ वा महच्चए इ वा संवहणित्ति वा, एयप्पगारं भासं असावज्जं जाव अभिक्खं भासिज्जा ॥ से भिक्खु वा (२) तहेव गंतुमुज्जाणाइं पव्वयाइं वणाणि वा रुक्खा महल्ले पेहाए नो एवं वड्ढा, तंजहा—पासायजोग्गात्ति वा तोरणजोग्गाइं वा मिहजोग्गाइं वा फलिहजोग्गाइं वा अग्गलजोग्गाइं वा नावाजोग्गाइं वा उद-गजोग्गाइं वा दोणजोग्गाइं वा पीढ-वंगवेर-नंगलकुलिय-जंतलट्टी-नाभि(लि)गं-डीआसणजोग्गाइं वा संयणजाणउवस्सयजोग्गाइं वा, एयप्पगारं भासं सावज्जं जाव नो भासिज्जा ॥ से भिक्खु वा (२) तहेव गंतुमुज्जाणाइं

पञ्चयाणि वणाणि य स्तुख महल्ला पेहाए एवं वइज्जा, तंजहा—जाइमंता इ वा
 दीहवट्टा इ वा महालया इ वा पयायसाला इ वा विडिमसाला इ वा पासा-
 इया इ वा जाव पडिरुवाति वा एयप्पगारं भासं असावज्जं जाव अभिकंख
 भासिज्जा ६॥ से भिक्खु वा (२) बहुसंभूया वणफला पेहाए तहावि ते नो
 एवं वइज्जा, तंजहा—पक्का इ वा पायखज्जा इ वा, वेलोइया इ वा, थला
 इ वा, वेहिया इ वा, एयप्पगारं भासं सावज्जं जाव नो भासिज्जा ७॥ से
 भिक्खु वा (२) बहुसंभूया वणफला अंवा पेहाए एवं वइज्जा, तंजहा—अ-
 संथडा इ वा बहुनिवट्टिमफला इ वा बहुसंभूया इ वा भूयुरुचित्ति वा, एय-
 प्पगारं भासं असावज्जं जाव भासिज्जा ८॥ से बहुसंभूया ओसही पेहाए
 तहावि ताओ न एवं वइज्जा, तंजहा—पक्का इ वा, नीलीया इ वा, छवी-
 इया इ वा, लाइमा इ वा, भज्जिमा इ वा बहुखज्जा इ वा, एयप्पगारं भासं
 सावज्जं जाव नो भासिज्जा ९॥ से भिक्खु वा (२) बहुसंभूयाओ ओसहीओ
 पेहाए तहावि एवं वइज्जा, तंजहा—रूढा इ वा, बहुसंभूया इ वा, थिरा इ
 वा, ऊसढा इ वा, गन्धिया इ वा, पसूया इ वा, ससारा इ वा, एयप्पगारं भासं
 असावज्जं जाव भासिज्जा १०॥ ॥सू० १३८॥ से भिक्खु वा (२) तह-
 प्पगाराइं सद्दाइं सुणिज्जा तहावि एयाइं नो एवं वइज्जा, तंजहा—सुसद्देत्ति
 वा, दुसद्देत्ति वा, एयप्पगारं भासं सावज्जं नो भासिज्जा ११॥ से भिक्खु वा
 (२) तहावि ताइं एवं वइज्जा, तंजहा—सुसद्दं सुसद्दित्ति वा दुसद्दं दुस-
 द्दित्ति वा एयप्पगारं असावज्जं जाव भासिज्जा, एवं रूवाइं किराहेत्ति वा ५,
 गंधाइं सुरभि—गंधित्ति वा (२) रसाइं तित्ताणि वा (५) फासाइं कक्खडाणि
 वा (८) २॥ ॥सू० १३९॥ से भिक्खु वा (२) वंता कोहं च माणं च
 मायं च लोभं च अणुवीइ निट्ठाभासी निसग्गभासी अतुरियभासी विवेग-
 भासी समियाए संजए भासं भासिज्जा ५॥ एवं खलु तस्स भिक्खुस्स-
 भिक्खुणीए वा जाव सया जइज्जासि तिबेमि ॥सू० १४०॥

॥ इति द्वितीयोद्देशकः ॥ २-१-४-२ ॥ ॥ इति चतुर्थमध्ययनं ॥ २-१-४॥

॥५॥ वस्त्रैषणा-अध्ययनं-५ :: उद्देशकः-१ ॥

से भिक्षु वा (२) अभिकंखिज्जा वत्थं एसित्तए, से जं पुण वत्थं जाणिज्जा, तं जहा जंगियं वा भंगियं वा साणियं वा पोत्तगं वा, खोमियं वा तूलकडं वा, तहप्पगारं वत्थं वा जे निग्गंथे तरुणे जुगवं बलवं अप्पायंके थिरसंघ-
यणे से एगं वत्थं धारिज्जा नो बीयं, जा निग्गंथि सा चत्तारिसंघाडीओ धारिज्जा,
एगं दुहत्थवित्थारं दो तिहत्थवित्थाराओ एगं चउहत्थवित्थारं, तहप्पगारेहि
वत्थेहि असंधिज्जमाणेहि, अह पच्छा एगमेगं संसिविज्जा ॥सू० १४१॥
से भिक्षु वा (२) परं अद्धजोयणमेराए वत्थपडियाए नो अभिसंधारिज्ज
गमणाए ॥सू० १४२॥ से भिक्षु वा (२) से जं पुण वत्थं जाणिज्जा, अस्सिं-
पडियाए एगं साहम्मियं समुद्दिस्स पाणाइं जहा पिंडेसणाए भाणियव्वं
॥ एवं बहवे साहम्मिया एगं साहम्मिणि बहवे साहम्मिणीओ बहवे समणमा-
हणा तहेव पुरिसंतरकडा जहा पिंडेसणाए ॥सू० १४३॥ से भिक्षु वा (२)
से जं पुण वत्थं जाणिज्जा, असंजए भिक्षुपडियाए कीयं वा धोयं वा रत्तं
वा घट्टं वा मट्टं वा संपधूमियं वा तहप्पगारं वत्थं अपुरिसंतरकडं जाव
नो पडिग्गाहिज्जा, अह पुण एवं जाणिज्जा, पुरिसंतरकडं जाव पडिगा-
हिज्जा ॥सू० १४४॥ से भिक्षु वा (२) से जाइं पुण वत्थाइं जाणिज्जा
विरूवरूवाइं महद्धणमुल्लाइं, तंजहा-आइणगाणि वा सहिणाणि वा
सहिणकत्ताणाणि वा आयाणि वा कायाणि वा खोमियाणि वा
दुगुल्लाणि वा पट्टाणि वा मलयाणि वा पन्नुन्नाणि वा अंसुयाणि वा
चीणंसुयाणि वा देसरागाणि वा अमिलाणि वा गज्जफलाणि वा फालियाणि
वा कोयवाणि वा कंवलगाणि वा पावराणि वा अन्नयराणि वा तहप्पगाराइं
वत्थाइं महद्धण-मुल्लाइं लाभे संते नो पडिगाहिज्जा १। से भिक्षु वा (२)
आइणपाउरणाणि वत्थाणि जाणिज्जा, तंजहा-उदाणि वा पेसाणि वा
पेसलाणि वा किराहमिगाइणगाणि वा नीलमिगाइणगाणि वा गोरमि-

गाईणगाणि कणागाणि वा कणागकंताणि वा कणागपट्टाणि वा कणागखड्याणि
 वा कणागकुसियाणि वा वग्धाणि वा विवग्धाणी वा (विगाणि वा) आभर-
 णाणि वा आभरणविचित्राणि वा, अन्नयराणि तहप्पगाराणि आईणपाउरु-
 णाणि वत्थाणि लाभे संते नो पडिग्गाहिज्जा-२ ॥सू० १४५॥ इच्चेइयाइं
 आयतणाइं उवाइकम्म अह भिक्खू जाणिज्जा चउहिं पडिमाहिं वत्थं एसिच्चए,
 तत्थ खलु इमा पट्टमा पडिमा, से भिक्खू वा (२) उद्देसिय, वत्थं जाइज्जा,
 तं जहा—जंगियं वा जाव तूलकडं वा, तहप्पगारं वत्थं सयं वा णं जाइज्जा,
 परो वा णं देज्जा, फासुयं एसणीयं लाभे संते पडिग्गाहिज्जा, पट्टमा पडिमा
 १। अहावरा दुच्चा पडिमा से भिक्खू वा (२) पेहाए वत्थं जाइज्जा गाहावइ
 वा जाव कम्मकरी वा से पुब्बामेव आलोइज्जा—आउसोत्ति वा ३
 दाहिसि मे इत्तो अन्नयरं वत्थं ? तहप्पगारं वत्थं सयं वा णं जाइज्जा, परो
 वा देज्जा जाव फासुयं एसणीयं लाभे संते पडिग्गाहिज्जा, दुच्चा पडिमा २।
 अहावरा तच्चा पडिमा—से भिक्खू वा (२) सें जं पुण वत्थं जाणिज्जा, तंजहां
 अंतरिज्जं वा उत्तरिज्जं वा तहप्पगारं वत्थं सयं वा णं जाइज्जा जाव पडिगा-
 हिज्जा, तच्चा पडिमा ३। अहावरा चउत्था पडिमा—से भिक्खू वा (२)
 उज्झिमयधम्मियं वत्थं जाइज्जा जं चन्ने वहवे समणमाहण अतिहि किवण
 षणीमगा नावकंखंति तहप्पगारं उज्झिमयधम्मियं वत्थं सयं वा णं जाइज्जा, परो
 वा से दिज्जा, फासुयं जाव पडिग्गाहिज्जा, चउत्था पडिमा ४॥ इच्चेयाणां
 चउसहं पडिमाणां जहा पिंडेसणाए १॥ सिया णां एताए एसणाए एसमाणां
 परो वइज्जा—आउसंतो समणा ! इज्जाहि तुमं मासेण वा दसराएण वा
 पंचराएण वा सुते सुततरे वा तो ते वयं अन्नयरं वत्थं दाहामो, एयप्पगारं
 निग्घोसं सुच्चा निसम्म से पुब्बामेव आलोइज्जा—आउसोत्ति वा भइणि त्ति
 पा, नो खलु मे कप्पइ एयप्पगारं संगारं पडिसुणित्तए, अभिकंखसि मे दाउं इया-
 णिमेव दलयाहि, से सेवं वयंतं परो वइज्जा—आउसंतो समणा ! अणुग-

च्छाहि तोत्ते वयं अन्नयरं वत्थं दाहामो, से पुव्वामेव आलोइज्जा—आउ-
सोत्ति वा भइणित्ति वा मा खलु मे कप्पइ संगारवयणे पडिसुणित्तए
अभिकंखसि मे दाउं इयाणिमेव दलयाहि, से सेवं वयंतं परो नेया वइज्जा
आउसोत्ति वा भइणित्ति वा आहरेयं वत्थं समणस्स दाहामो, अवियाइं वयं
पच्छावि अण्णो सयट्ठाए पाणाइं (४) समारंभं समुदिसस जाव चेइस्सामो,
एयप्पगारं निग्घोसं सुचा निसम्म तहप्पगारं वत्थं अफासुयं जाव नो
पडिगाहिज्जा २॥ सिया, णं परो नेता वइज्जा—आउसोत्ति वा (३)
आहर एयं वत्थं सिणाणेण वा (४) जाव आघंसित्ता वा पघंसित्ता वा सम-
णस्स णं दाहामो, एयप्पगारं निग्घोसं सुचा निसम्म से पुव्वामेव आलोइज्जा
आउसोत्ति वा भयणित्ति वा मा एयं तुमं वत्थं सिणाणेण वा जाव पघंसाहि
वा, अभिकंखसि मे दातुं, एमेव दलयाहि, से सेवं वयंतस्स परो सिणाणेण
वा पघंसित्ता दलइज्जा तहप्पगारं वत्थं अफासुयं नो पडिगाहिज्जा ३।
से णं परो नेता वइज्जा—आउसोत्ति वा भइणित्ति वा आहर
एयं वत्थं सीओदगवियडेण वा उसिणोदगवियडेण वा उच्छोलेत्ता वा
पहोलेत्ता वा समणस्स णं दाहामो, एयप्पगारं निग्घोसं तहेव नवरं मा एयं
तुमं वत्थं सीओदगवियडेण वा उसिणोदगवियडेण वा उच्छोलेहि वा पहो-
लेहि वा, अभिकंखसि, सेसं तहेव जाव नो पडिगाहिज्जा ४॥ से णं परो
नेता वत्थं निसिरिज्जा, से पुव्वामेव आलोइज्जा—आउसोत्ति वा भइणि-
त्ति वा आहरेयं वत्थं कंदाणि वा जाव हरियाणि वा विसोहित्ता
समणस्स णं दाहामो, एयप्पगारं वत्थं निग्घोसं तहेव, नवरं मा एयाणि तुमं
कंदाणि वा जाव विसोहेहि, नो खलु मे कप्पइ एयप्पगारे वत्थे पडिगाहि-
त्तए, से सेवं वयंतस्स परो जाव विसोहित्ता दलइज्जा, तहप्पगारं वत्थं
अफासुयं जाव नो पडिगाहिज्जा ५॥ सिया से परो नेता वत्थं निसिरिज्जा,
से पुव्वामेव आलोइज्जा—आउसोत्ति वा भइणि त्ति वा तुमं चेव णं

संतियं वत्थं अंतोअंतेणं पडिलेहिज्जिस्सामि, केवली बूया आयाणमेयं-
वत्थंतेण वद्धे सिया कुंडले वा गुणे वा हिरण्णे वा सुवण्णे वा मणी वा
जाव रयणावली वा पाणे वा बीए वा हरिए वा, अह भिक्खू णं पुब्बोवइद्धा
जाव जं पुब्बामेव वत्थं अंतोअंतेण पडिलेहिज्जा ६ ॥ ॥सू० १४६॥
से भिक्खू वा (२) से जं पुण वत्थं जाणिज्जा, सअण्डं जाव ससंताणं तहप्प-
गारं वत्थं अफासुयं जाव नो पडिगाहिज्जा १। से भिक्खू वा (२) से जं
पुण वत्थं जाणिज्जा, अप्पण्डं जाव संताणं अनलं अथिरं अधुवं अधारणिज्जं
रोइज्जं तं न रुच्चइ तह अफासुयं जाव नो पडिगाहिज्जा २ ॥ से भिक्खू वा
(१) से जं पुण वत्थं जाणिज्जा, अप्पण्डं जाव संताणं अलं थिरं धुवं धारणिज्जं
रोइज्जं तं रुच्चइ, तहप्पगारं वत्थं फासुयं जाव पडिगाहिज्जा ३। से भिक्खू वा
(२) नो नवए मे वत्थेत्ति कट्ठु नो बहुदेसिएण सिणाणेण वा जाव पधं-
सिज्जा ४॥ से भिक्खू वा (२) नो नवए मे वत्थेत्ति कट्ठु नो बहुदेसिएण
सिणाणेण वा तहेव सीओदगवियडेण वा (२) जाव प्होइज्जा ५॥ से
भिक्खू वा (२) दुब्बिमगंधे मे वत्थेत्ति कट्ठु नो बहुदेसिएण सिणाणेण
वा तहेव, बहुसीओदगवियडेण वा उस्सिणोदगवियडेण वा जाव प्हो-
इज्जा ६॥ आलावओ ॥सू० १४७॥ से भिक्खू वा (२) अभिकंखिज्ज
वत्थं आयावित्तए वा पयावित्तए वा, तहप्पगारं वत्थं नो अणंतरहियाए
पुट्ठीए जाव संताणाए आयाविज्ज वा पयाविज्ज वा (२) से भिक्खू वा
(२) अभिकंखेज्जा वत्थं आयावित्तए वा पयावित्तए वा, तहप्पगारं वत्थं
थूणांसि वा गिहेलुगंसि वा उसुयालंसि वा कामजलंसि वा अन्नयरे तहप्प-
गारे अंतलिक्खजाए दुव्वद्धे दुन्निविस्सत्ते अणिकंपे चलाचले नो आयावि-
ज्ज वा नो पयाविज्ज वा २ से भिक्खू वा (२) अभिकंखेज्जा आयावि-
त्तए वा (२) तहप्पगारं वत्थं कुकियंसि वा भित्तंसि वा सिलंसि वा लेलुंसि
वा अन्नयरे वा तहप्पगारे अंतलिक्खजाए जाव नो आयाविज्ज वा

पयाविज्ज वा ३॥ से भिक्खु वा (२) वत्थं अभिकंखेज्जा आयावित्तए वा
पयावित्तए वा तहप्पगारं वत्थं खंधंसि वा मंचंसि वा गालंसि वा पासायंसि
वा हम्मियतलंसि वा अन्नयरे वा तहप्पगारे अंतलिक्खज्जाए जाव नो आया-
विज्ज वा पयाविज्ज वा ४॥ से तमायाए एगंतमवक्कमिज्जा (२), अहे भामथं-
डिल्लंसि वा जाव अन्नयरंसि वा तहप्पगारंसि थंडिल्लंसि पडिलेहिय (२)
पमज्जिय (२) तत्रो संजयामेव वत्थं आयाविज्ज वा पयाविज्ज वा (५) एयं
खलु तस्स जाव सया जइज्जासि त्ति वेमि ६॥ सू० १४८ ॥

॥ इति प्रथमोद्देशकः ॥ २-१-५-१ ॥

॥ अध्ययनं - ५ :: उद्देशकः - २ ॥

से भिक्खु वा (२) अहेसणिज्जाइं वत्थाइं जाइज्जा अहापरिग्गहियाइं
वत्थाइं धारिज्जा नो धोइज्जा नो रएज्जा नो धोयरत्ताइं वत्थाइं धारिज्जा
अपलिउंचणाणो गामंतरेसु ओमचेलिए, एयं खलु वत्थधारिस्स सामग्गिअं १ ॥
से भिक्खु वा गाहावइकुलं पविसिउकामे सब्बं चीवरमायाए गाहावइकुलं
निक्खमिज्ज वा, पविसिज्ज वा, एवं बहिय विहारभूभिं वा वियारभूभिं
वा गामाणुगामं वा दूइज्जिज्जा, २॥ अह पुण्ण एवं जाणिज्जा, तिब्बदेसियं
वा वासं वासमाणं पेहाए जहापिडेसणाए नवरं सब्बं चीवरमायाए ३॥
॥सू० १४९॥ से एगइओ मुहुत्तगं (२) पाडिहारियं वत्थं जाइज्जा जाव
एगाहेण वा दुयाहेण वा तियाहेण वा चउयाहेण वा पंचाहेण वा विप्पवसिय
(२) उवागच्छिज्जा नो तह वत्थं अप्पणो गिणिहज्जा नो अन्नमन्नस्स
दिज्जा, नो पामिच्चं कुज्जा, नो वत्थेण वत्थपरिणामं करिज्जा, नो परं
उवसंकमित्ता एवं वइज्जा-आउसंतो समणा ! अभिकंखसि वत्थं धारित्तए
वा परिहरित्तए वा ? थिरं वा संतं नो पलिच्छिदिय (२) परट्ठविज्जा, तह-
प्पगारं वत्थं ससंधियं वत्थं तस्स चेव निसिरिज्जा नो णं साइज्जिज्जा १॥
से एगइयो एयप्पगारं निग्घोसं सुच्चा निसम्म जे भयंतारो तहप्पगाराणि

वत्याणि ससंधियाणि मुहुत्तगं (२) जाव एगाहेण वा (५) विष्पवसिय (२)
 उवागच्छति, तहपंगाराणि वत्याणि नो अण्पणा गिरहंति, नो अन्नमन्नस्स
 दलयंति तं चेव जाव नो साइज्जंति, बहुवयणोणा भाणियव्वं, से हंता अह-
 मवि मुहुत्तगं पाडिहारियं वत्थं जाइत्ता जाव एगाहेण वा (५) विष्पवसिय
 (२) उवागच्छिस्सामि, अविद्याइं एयं मनेव सिया, माइट्ठाणं संपासे नो एवं
 करिज्जा २ ॥ सू० १५० ॥ से भिक्खु वा (३) नो वराणमंताइं वत्थाइं
 विवराणाइं करिज्जा, विवराणाइं न वराणमंताइं करिज्जा, अन्नं वा वत्थं
 लभिस्सामि त्तिक्खु नो अन्नमन्नस्स दिज्जा, नो पामिच्चं कुज्जा, नो वत्थेण
 वत्थपरिणामं कुज्जा, नो परं उवसंकमित्तु एवं वदेज्जा—आउसंतो समण !
 संमभिकंखसि मे वत्थं धारित्ते वा परिहरित्ते वा । थिरं वा संतं नो पलि-
 छिदिय (२) पस्सिद्विज्जा, जहा मेयं वत्थं पावगं परो मन्नइ, परं च णं
 अदत्तहारी पडिपहे पेहाए तस्स वत्थस्स नियाणाय नो तेसि भीत्रो उम्म-
 ग्गेणं गच्छेज्जा जाव अपुस्सुए, तत्रो संजयामेव गामाणुगामं दूइज्जिज्जा
 १ ॥ से भिक्खु वा (२) गामाणुगामं दूइज्जमारे अंतरा से विहं सिया, से
 जं पुण विहं जाणिज्जा इमंस्सि खलु विहंसि बहवे आमोसगा वत्थपडियाए
 संपिडिया गच्छेज्जा, णो तेसि भीत्रो उम्मग्गेणं गच्छेज्जा जाव गामा-
 णुगामं दूइज्जेज्जा २ ॥ से भिक्खु वा (२) दूइज्जमारे अंतरा से आमोसगा
 पडियागच्छेज्जा, ते णं आमोसगा एवं वदेज्जा—आउसंतो समण !
 आहरेयं वत्थं देहि णिक्खेवाहि जहा रियाए णाणत्तं वत्थपडियाए ३ ॥ एयं
 खलु जाव सया जइज्जास्सि त्ति वेमि ४ ॥ सू० १५१ ॥

॥ इति द्वितीयोद्देशकः ॥ २-१-५-२ ॥

॥ इति पंचममध्ययनम् ॥ २-१-५ ॥

॥ ६ : पात्रैषणा-अध्ययनं ६ :: उद्देशकः १ ॥

से भिक्षु वा (२) अभिकंखिज्जा पायं एसित्तए, से जं पुण पादं जाणिज्जा, तंजहा—अलाउयपायं वा दारुपायं वा मट्टियापायं वा तहप्पगारं पायं जे निग्गंथे तरुणे जाव थिरसंघयणे से एगं पायं धारिज्जा नो बिईयं॥ से भिक्षु वा (२) परं अद्धजोयणमेराए पायपडियाए नो अभिसंधारिज्जा गमणाए २॥ से भिक्षु वा (२) से जं पुण पायं धरिज्जा अस्सिंपडियाए एगं साहम्मियं समुद्दिस्स पाणाइं (४) जहा पिंडेसणाए चत्तारि आलावगा, पंचमे बहवे समणमाहणा पगणिय (२) तहेव ३॥ से भिक्षु वा (२) अस्संजए भिक्षुपडियाए बहवे समणमाहणा वत्थेसणाऽऽलावओ ४॥ से भिक्षु वा (२) से जाइं पुण पायाइं जाणिज्जा विरूवरूवाइं महद्वयणमुल्लाइं, तंजहा—अयपायाणि वा तउपायाणि वा तंवपायाणि वा सीसगपायाणि वा हिरसणपायाणि वा सुवराणपायाणि वा रीरिअपायाणि वा हारपुडपायाणि वा मणिकायकंसपायाणि वा संखसिंगपायाणि वा दंतपायाणि वा चेलपायाणि वा सेलपायाणि वा चम्मपायाणि वा अन्नयराइं वा तहप्पगाराइं विरूवरूवाइं महद्वयणमुल्लाइं पायाइं अफासुयाइं जाव नो पडिगाहिज्जा ५ ॥१५॥ से भिक्षु वा (२) से जाइं पुण पायाइं विरूवरूवाइं महद्वयणबंधणाइं तंजहा—अयबंधणाणि वा जाव चम्मबंधणाणि वा, अन्नयराइं तहप्पगाराइं महद्वयणबंधणाइं अफासुयाइं जाव नो पडिगाहिज्जा १। इन्वेयाइं आयत्तणाइं उवाइकम्म अह भिक्षु जाणिज्जा चउहिं पडिमाहिं पायं एसित्तए, तत्थ खलु इमा पढमा पडिमा—से भिक्षु वा (२) उद्दिसिय (२) पायं जाएज्जा, तंजहा—अलाउयपायं वा ३ तहप्पगारं पायं सयं वा णं जाइज्जा जाव पडिगाहिज्जा । पढमा पडिमा १। अहावरा दोच्चा पडिमा, से भिक्षु वा पेहाए पायं जाइज्जा, तंजहा—गाहावइं वा कम्मकरीं वा से पुव्वामेव आलोइज्जा आउसोत्ति वा भइणीत्ति वा ? दाहिसि मे इत्तो अन्नयरं पादं तंजहा—लाउयपायं वा ३, तहप्पगारं पायं सयं वा जाव पडि-

गाहिज्जा, दुच्चा पडिमा २ ॥ अहावरा तच्चा पडिमा, से भिक्खू वा (२) से जं पुण पायं जाणिज्जा संगइयं वा वेजइयंतियं वा तहप्पगारं पायं सयं वा जाव पडिगाहिज्जा, तच्चा पडिमा ३ । अहावरा चउत्था पडिमा—से भिक्खू वा (२) उज्झियधम्मियं जाएज्जा जावन्ने बहवे समणा जाव नाव-कंखंति तहप्पगारं जाएज्जा जाव पडिगाहिज्जा, चउत्था पडिमा ४ । इच्चे-इयाणं चउरहं पडिमाणं अन्नयरं पडिमं जहा पिडेसणाए २॥ से णं एयाए एसणाए एसमाणं पासित्ता परो वइज्जा, आउसंतो समणा ! एज्जासि तुमं मासेण वा जहा वत्थेसणाए, से णं परो नेता वदेज्जा,—आउसोत्ति वा भइणीत्ति वा ? आहारेयं पायं तिल्लेण वा घएण वा नवनीएण वा वसाए वा अञ्भंगित्ता वा तहेव सिणाणादि तहेव सीओदगाइं कंदाइं तहेव ३॥ से णं परो नेता वदेज्जा—आउसंतो समणा ! मुहुत्तगं (२) जाव अच्चाहि ताव अम्हे असणं वा उवकरेंसु वा उवक्खडेंसु वा, तो ते वयं आउसो ? मपाणं सभोयणं पडिग्गं दाहामो, तुच्छए पडिग्गहे दिन्ने समणास्स नो सुट्ठु साहु भवइ, से पुव्वामेव आलोइज्जा—आउसोत्ति वा भइणीत्ति वा ? नो खलु मे कप्पइ आहाकम्मिए असणो वा (४) भुत्तए वा, मा उवकरेहि मा उवक्खडेहि, अभिकंखसि मे दाउं एमेव दलयाहि, से सेवं वयंतस्स परो असणं वा (४) उवकरित्ता उवक्खडित्ता सपाणं सभोयणं पडिग्गहगं दलइज्जा, तहप्पगारं पडिग्गहगं अफासुयं जाव नो पडिगाहिज्जा ४॥ सिया से परो उवणित्ता पडिग्गहगं निसिरिज्जा, से पुव्वामेव आलोइज्जा आउसोत्ति वा भइणीत्ति वा ? तुमं चेव णं संतियं पडिग्गहगं अंतोअंतेणं पडिलेहिस्सामि २। केवली ब्रूया आयाणमेयं, अंतो पडिग्गहगंसि पाणाणि वा बीयाणि वा हरियाणि वा अह भिक्खूणं पुव्वोवइट्ठा एस पतिराणा जं पुव्वामेव पडिग्गहगं अंतोअंतेणं पडिलेहिज्जा, सअंडाइं सव्वे आलावगा भाणियव्वा जहा वत्थेसणाए, नाणत्तं तिल्लेण वा घएण वा नवनीएण वा

वसाए वा सिणाणादि जाव अन्नयरंसि वा तहप्पगारंसि थंडिलंसि
पडिलेहिय (२) पमज्जिय (२) तत्रो संजयामेव आमज्जिज्जा ६। एवं
खलु जाव सया जएज्जा तिवेमि ७ ॥सू० १५२॥

॥ इति प्रथमोद्देशकः ॥२-१-६-१॥

॥ अध्ययनं-६ :: उद्देशकः-२ ॥

से भिक्खू वा (२) गाहावइकुलं पिंडवायपडियाए पविट्ठे समाणे
पुव्वामेव पेहाए पडिग्गहगं अबहट्ठ पाणे पमज्जिय रयं तत्रो संजयामेव,
गाहावइकुलं पिंडवायपडियाए निक्खमिज्ज वा पविसिज्ज वा केवली बूया,
आयाणामेयं ? अंतो पडिग्गहगंसि पाणे वा बीए वा हरिए वा परियाव-
ज्जिज्जा, अह भिक्खूणां पुव्वोवइट्ठा एस पतिराणा, जं पुव्वामेव पेहाए पडि-
ग्गहं अबहट्ठ पाणे पमज्जिय रयं, तत्रो संजयामेव, गाहावइकुलं पिंडवायप-
डियाए निक्खमिज्ज वा २ ॥सू० १५३॥ से भिक्खू वा (२) जाव समाणे
सिया से परो आहट्ठ अंतो पडिग्गहगंसि सीओदगं परिभाइत्ता नीहट्ठ
दलइज्जा, तहप्पगारं पडिग्गहगं परहत्थंसि वा परपायंसि वा अफासुयं जाव
नो पडिगाहिज्जा, से य आहच्च पडिग्गहिए सिया खिप्पामेव उदगंसि
साहरिज्जा, से पडिग्गहमायाए पाणं परिट्ठविज्जा, ससिणिद्धाए वा भूमिए
नियमिज्जा १॥ से भिक्खू वा (२) उदउल्लं वा ससिणिद्धं वा पडिग्गहं नो
आमज्जिज्ज वा जाव पयाविज्ज वा, अह पुण्ण एवं जाणिज्जा, विगओदए मे
पडिग्गहए छिन्नंसिणोहे तहप्पगारं पडिग्गहं तत्रो संजयामेव आमज्जिज्ज वा
जाव पयाविज्ज वा २॥ से भिक्खू वा (२) गाहावाहकुलं, पविसिउकामे पडिग्गह-
मायाए गाहावइकुलं पिंडवायपडियाए पविसिज्ज वा निक्खमिज्ज वा, एवं बहिया
वियारभूमिं विहारभूमिं वा गामाणुगामं दूइज्जिज्जा, तिब्बदेसीयाए जहा
बिइयाए वत्थेसणाए नवरं इत्थ पडिग्गहे ३। एवं खलु तस्स भिक्खुस्स भिक्खु-

शीए वा सामगियं जं सव्वट्ठेहिं सहिए सया जएजासि तिवेमि ४ ॥

॥सू० १५४॥

॥ इति द्वितीयोद्देशकः ॥ २-१-६-२॥ इति षष्ठमध्ययनम् ॥ २-१-६ ॥

॥ ७: अवग्रहप्रतिमा-अध्ययनं ७ :: उद्देशकः १ ॥

समणे भविस्सामि अणुगारे अकिंचणो अपुने अपसू परदत्तभोइ
पावं कम्मं नो करिस्सामित्ति समुट्ठाए सव्वं भंते ? अदिन्नादाणं पच्चक्खामि,
से अणुपविसित्ता गामं वा जाव रायहाणि वा नेव सयं अदिन्नं गिरिहज्जा
नेवऽन्नेहिं अदिन्नं गिरहाविज्जा अदिन्नं गिरहंतेवि अन्ने न समणुजाणिज्जा,
जेहिंवि सद्धि संपव्वइए तेसिं पि जाइं छत्तगं वा जाव चम्मछेयणाणं वा
तेसि पुव्वामेव उग्गहं अणुणुन्नविय अपडिलेहिय (२) अपमज्जिय (२)
नो उग्गिरिहज्जा वा परिगिरिहज्ज वा, तेसिं पुव्वामेव उग्गहं जाइज्जा
अणुणुन्नविय पडिलेहिय पमज्जिय तथो संजयामेव उग्गिरिहज्ज वा परिगि-
रिहज्ज वा ॥सू० १५५॥ से आगंतारेसु वा (४) अणुवीइउग्गहं जाइज्जा,
जे तत्थ इसरे जे तत्थ समहिट्ठए ते उग्गहं अणुणुन्नविज्जा-कामं खलु आउसो ?
अहालंदं अहापरिन्नायं वसामो जाव आउसो ? जाव आउसंतस्स उग्गहे
जाव साहम्मियाए ताव उग्गहं उग्गिरिहस्सामो, तेण परं विहरिस्सामो १॥
से किं पुण तत्थोग्गहंसि एवोग्गहियंसि जे तत्थ साहम्मिया संभोइया सम-
णुन्ना उवागच्छिज्जा जे तेण सयमेसित्तए असणे वा (४) तेण ते साहम्मिया
(२) उवनिमंतिज्जा, नो चेव रां परवडियाए ओगिज्झिय (२) उवनि-
मंतिज्जा २ ॥सू० १५६॥ से आगंतारेसु वा (४) जाव से किं पुण तत्थो-
ग्गहंसि एवोग्गहियंसि जे तत्थ साहम्मिया अन्नसंभोइया समणुन्ना उवाग-
च्छिज्जा जे तेण सयमेसित्तए पीढे वा फलए वा सिज्जा वा संथारए वा तेण
ते साहम्मिए अन्नसंभोइए समणुन्ने उवनिमंतिज्जा नो चेव रां परवडियाए
ओगिज्झिय उवनिमंतिज्जा १॥ से आगंतारेसु वा (४) जाव से किं पुण

तत्पुग्गहंसि एवोग्गहियंसि जे तत्थ गाहावइण वा गाहावइपुत्ताण वा सूई
वा पिप्पलए वा कण्णसोहणए वा नहच्छेयणए वा तं अप्पणो एगस्स
अट्ठाए पाडिहारियं जाइज्जा नो अन्नमन्नस्स दिज्ज वा अणुपइज्ज वा,
सयंकरणिज्जंतिकट्ठु २। से तमायाए तत्थ गच्छिज्जा (२) पुब्बामेव उत्ता-
णए हत्थे कट्ठु भूमीए वा ठवित्ता इमं खलु इमं खलु त्ति आलोइज्जा, नो
चेव गां सयं पाणिणा परपाणिंसि पच्चप्पिणिज्जा ३ ॥सू० १५७॥ से भिक्खु
वा (२) से जं पुण उग्गहं जाणिज्जा अणंतरहियाए पुट्ठीए जाव संताणए तह-
प्पगारं उग्गहं नो उगिणिहज्ज वा पगिणिहज्ज वा १॥ से भिक्खु वा (२)
से जं पुण उग्गहं जाणिज्जा, थूणंसि वा (४) तहप्पगारे अंतलिक्खजाए
दुब्बदधे जाव नो उगिणिहज्ज वा (२) २॥ से भिक्खु वा (२) से जं पुण उग्गहं
जाणिज्जा, कुलियंसि वा (४) जाव नो उगिणिहज्ज वा (२) ३॥ से भिक्खु
वा (२) से जं पुण उग्गहं जाणिज्जा खंधंसि वा अन्नयरे वा तहप्पगारे जाव
नो उग्गहं उगिणिहज्ज वा (२) ४॥ से भिक्खु वा (२) से जं पुण उग्गहं
जाणिज्जा ससागारियं सागणियं सउदयं सइत्थिं सक्खुड्डपसुभत्तपाणं नो
पन्नस्स निक्खमणपवेसे जाव धम्माणुओगचिंताए, सेवं नच्चा तहप्पगारे
उवस्सए ससागारिए जाव सक्खुड्डपसुभत्तपाणे नो उवग्गहं उगिणिहज्ज
वा (२) ५॥ से भिक्खु वा (२) से जं पुण उग्गहं जाणिज्जा गाहावइ-
कुलस्स मज्झमज्जेणं गंतुं पंथे पडिबद्धं वा नो पन्नस्स जाव सेवं नच्चा
तहप्पगारे उवस्सए नो उग्गहं उगिणिहज्ज वा (२) ६॥ से भिक्खु वा
(२) से जं पुण उग्गहं जाणिज्जा, इह खलु गाहावइ वा जाव कम्मकरीओ
वा अन्नमन्नं अक्कोसंति वा तहेव तिल्लादि सिणाणादि सीओदगविय-
डादि निगिणाइ वा जहा सिज्जाए आलावगा, नवरं उग्गहवत्तव्वया ७॥
से भिक्खु वा (२) से जं पुण उग्गहं जाणिज्जा, आइन्नसंलिक्खे नो
पन्नस्स जाव चिंताए तहप्पगारे उवस्सए नो उग्गहं उगिणिहज्ज वा (२)

८॥ एयं खलु जाव सया जएज्जासि त्ति वेमि ६॥ ॥सू० १५८॥

॥ इति प्रथमांदेशकः ॥२-१-७-१॥

॥ अध्ययनं-७ :: उद्देशकः-२ ॥

से आगंतारेसु वा (४) अणुवीड उग्गहं जाइज्जा, जे तत्थ इसरे समाहिट्ठाए ते उग्गहं अणुन्नविज्जा कामं खलु आउसो ! अहालंदं अहापरिन्नायं वसामो जाव आउसो ! जाव आउसंतस्स उग्गहे जाव साहम्मिआए ताव उग्गहं उग्गिगिहस्सामो तेण परं विहरिस्सामो ॥ से किं पुण तत्थ उग्गहंसि एवोग्गहियंसि ? जे तत्थ समणाण वा माहणाण वा दंडए वा छत्तए वा जाव चम्मछेदणए वा तं नो अंतोहितो वाहिं नीणिज्जा वहियाओ वा नो अंतो पविसिज्जा, सुत्तं वा नो पडिबोहिज्जा, नो तेसि किंचिवि अप्पत्तियं पडिणीयं करिज्जा ॥ सू० १५९ ॥

से भिक्खु वा (२) अभिकंखिज्जा अंबवणां उवागच्छित्तए जे तत्थ इसरे जे तत्थ समाहिट्ठाए, ते उग्गहं अणुजाणाविज्जा—कामं खलु जाव विहरिस्सामो, से किं पुण तत्थोग्गहंसि एवोग्गहियंसि अह भिक्खु इच्छिज्जा अंबं भुत्तए वा से जं पुण अंबं जाणिज्जा सअंडं ससंताणां तहप्पगारं अंबं अफासुयं जाव नो पडिगाहिज्जा १॥ से भिक्खु वा (२) से जं पुण अंबं जाणिज्जा अप्पंडं अप्पसंताणां अतिरिच्छद्धिन्नं अव्योच्छिन्नं अफासुयं जाव नो पडिगाहिज्जा २॥ से भिक्खु वा (२) से जं पुण अंबं जाणिज्जा, अप्पंडं वा जाव संताणां तिरिच्छद्धिन्नं बुद्धिन्नं फासुयं पडिगाहिज्जा ३ ॥

से भिक्खु वा (२) अभिकंखिज्जा, अंबभित्तगं वा अंबपेसियं वा अंबचोयगं वा अंबसालगं वा अंबडालगं वा भुत्तए वा पायए वा, से जं पुण जाणिज्जा अंबभित्तगं वा (५) सअंडं ससंताणां अफासुयं जाव नो पडिगाहिज्जा ४॥ से भिक्खु वा (२) से जं पुण जाणिज्जा अंबं वा अंबभित्तगं वा अप्पंडं जाव

संताणगं अतिरिच्छच्छिन्नं वा अवोच्छिन्नं वा अफासुयं जाव नो पडिगाहिज्ज
 ५॥ से भिक्खू वा (२) से जं पुण जाणिज्जा अंबडालगं वा अप्पंडं वा (५)
 तिरिच्छच्छिन्नं वुच्छिन्नं फासुयं जाव पडिगाहिज्जा ६॥ से भिक्खू वा (२)
 अभिकंखिज्जा उच्छुवणां उवागच्छित्तए, जे तत्थ इसरे जाव उग्गहंसि ७॥
 अह भिक्खू इच्छिज्जा उच्छुं भुत्तए वा पायए वा, से जं उच्छुं जाणिज्जा
 सअंडं जाव नो पडिगाहिज्जा अतिरिच्छच्छिन्नं तहेव, तिरिच्छच्छिन्नेऽवि
 तहेव ८॥ से भिक्खू वा (२) से जं पुण अभिकंखिज्जा अंतरुच्छुयं वा उच्छुगंडियं
 वा उच्छुचोयगं वा उच्छुसालगं वा उच्छुडालगं वा भुत्तए वा पायए वा ९॥
 से जं पुण जाणिज्जा अंतरुच्छुयं वा जाव डालगं वा सअंडं जाव नो पडि-
 गाहिज्जा १०॥ से भिक्खू वा से जं पुण जाणिज्जा अंतरुच्छुयं वा जाव डालगं वा
 अप्पंडं वा जाव नो पडिगाहिज्जा, अतिरिच्छच्छिन्नं ॥ तहेव तिरिच्छच्छिन्नं पडि-
 गाहिज्जा ११॥ से भिक्खू वा (२) अभिकंखिज्जा, ल्हसणावणां उवागच्छित्तए तहेव
 तिन्निवि आलावगा, नवरं ल्हसुणां १२॥ से भिक्खू वा (२) अभिकंखिज्जा
 ल्हसुणां वा ल्हसुणाकंदं वा ल्हसुणांचोयगं वा ल्हसुणानालगं वा भुत्तए वा (२)
 से जं पुण जाणिज्जा लसुणां वा जाव लसुणावीयं वा सअंडं जाव नो पडिगाहिज्जा
 १३॥ एवं अतिरिच्छच्छिन्नेऽवि तिरिच्छच्छिन्ने जाव पडिगाहिज्जा ॥सू० १६०॥
 से भिक्खू वा (२) आगंतरेसु वा (४) जायोग्गहियंसि जे तत्थ गाहावइणा
 वा गाहावइपुत्ताणा वा इच्चेयाइं आयत्तणाइं उवाइक्कम्म, अह भिक्खू
 जाणिज्जा, इमाहिं सत्तहिं पडिमाहिं उग्गहं उग्गिगिहत्तए, तत्थ खलु इमा
 पढमा पडिमा-से आगंतरेसु वा (४) अणुवीइ उग्गहं जाइज्जा जाव
 विहरिस्सामो पढमा पडिमा १ । अहावरा दुच्चा पडिमा जस्स गां भिक्खुस्स
 एवं भवइ-अहं च खलु अन्नेसिं भिक्खूणां अट्ठाए उग्गहं उग्गिगिहस्सामि,
 अराणेसिं भिक्खूणां उग्गहे उग्गहिए उवल्लिसामि, दुच्चा पडिमा २ ।
 अहावरा तच्चा पडिमा-जस्स गां भिक्खुस्स एवं भवइ-अहं च खलु अन्नेसिं

भिक्षुणा अट्टाए उग्गहं उग्गिगिहस्सामि, अन्नेसिं च उग्गहे उग्गहिणं नो उवल्लिस्सामि, तच्चा पडिमा ३ । अहावरा चउत्था पडिमा-जस्स णं भिक्षुस्स एवं भवइ-अहं च खलु अन्नेसि भिक्षुणां अट्टाए नो उग्गहं उग्गिगिहस्सामि, अन्नेसिं च उग्गहे उग्गहिणं उवल्लिस्सामि, चउत्था पडिमा ४ । अहावरा पंचमा पडिमा-जस्स णं भिक्षुस्स एवं भवइ-अहं च खलु अप्पणो अट्टाए उग्गहं च उग्गिगिहस्सामि नो दुराहं नो तिराहं नो चउराहं, नो पंचराहं, पंचमा पडिमा ५ । अहावरा छट्ठा पडिमा-से भिक्षु वा (२) जस्स एव उग्गहे उवल्लिज्जा, जे तत्थ अहासमन्नागए तं जहा-इक्कडे वा जाव पलाले वा तस्स लाभे संवसिज्जा, तस्स अलाभे उक्कुडुओ वा नेसज्जिओ वा विहरिज्जा, छट्ठा पडिमा ६ । अहावरा सत्तमा पडिमा-जे भिक्षु वा (२) अहासंथडमेव उग्गहं जाइज्जा, तंजहा--पुढविसिलं वा कट्ठसिलं वा अहासंथडमेव तस्स लाभे संते संवसिज्जा, तस्स अलाभे उक्कुडुओ वा नेसज्जिओ वा विहरिज्जा, सत्तमा पडिमा ७ । इच्चेयांसिं सत्तराहं पडिमाणं अन्नयरं जहा पिंडेसणाए ॥सू० १६१॥ सुयं मे आउसंतेणं भगवया एवमक्खायं—इह खलु थेरेहिं भगवंतेहिं पंचविहे उग्गहे पन्नत्ते, तंजहा—देविंदउग्गहे १, रायउग्गहे २, गाहावइउग्गहे ३, सागारियउग्गहे ४, साहम्मियउग्गहे ५, एवं खलु तस्स भिक्षुस्स भिक्षुणीए वा सामग्गियं जं सब्बट्ठेहिं सहिए सया जएज्जासि तिबेमि, उग्गहपडिमा सम्मत्ता ॥सू० १६२॥

॥ इति द्वितीय उद्देशकः ॥ २-१-७-२ ॥

॥ इति सप्तममध्ययनम् ॥ २-१-७ ॥ मूलतः षोडशमध्ययनम् ॥ १६ ॥

॥ इति प्रथमा चूला ॥ श्रु० २-चू० १ ॥

॥ २ः सप्तसप्तिका-द्वितीया चूला ॥

॥ १ः स्थान—अध्ययनं १ ॥

से भिक्षु वा (२) अभिकंखेज्जा ठाणं ठइत्तए, से अणुपविसिज्जा गामं वा जाव रायहाणिं वा, से जं पुण्ण ठाणं जाणिज्जा—सअंडं जाव समकडासंताणायं तं तहप्पगारं ठाणं अफासुयं अणोसणिज्जं लाभे संते नो पडिगाहिज्जा, एवं सिज्जागमेण नेयव्वं जाव उदयपसूयाइं ति १॥ इच्चेयाइं आयतणाइं उवाइकम्म (२) अह भिक्षु इच्छिज्जा चउहिं पडिमाहिं ठाणं ठइत्तए, तत्थिमा पढमा पडिमा ॥ अचित्तं खलु उवसज्जेज्जा अवलंबिज्जा काएण विपरिकम्माइ (म्मिज्जा) सवियारं ठाणं ठइस्सामि, पढमा पडिमा । अहावरा दुच्चा पडिमा—अचित्तं खलु उवसज्जेज्जा अवलंबिज्जा काएण विपरिकम्माइ नो सवियारं ठाणं ठइस्सामित्ति, दुच्चा पडिमा । अहावरा तच्चा पडिमा—अचित्तं खलु उवसज्जेज्जा अवलंबिज्जा नो काएण विपरिकम्माइ नो सवियारं ठाणं ठइस्सामित्ति, तच्चा पडिमा । अहावरा चउत्था पडिमा—अचित्तं खलु उवसज्जेज्जा अवलंबिज्जा नो काएण नो परकमाइ नो सवियारं ठाणं ठइस्सामित्ति वोसट्ठकाए वोसट्ठकेसमंसुलो-मनहे संनिरुद्धं वा ठाणं ठइस्सामित्ति, चउत्था पडिमा । इच्चेयासिं चउराहं पडिमारां जाव पग्गहियतरायं विहरिज्जा, नो किंचिवि वइज्जा २। एयं खलु तस्म भिक्षुस्स जाव जइज्जासि त्तिबेमि ३ ॥सू० १६३॥ ठाणसत्तिकयं सम्मत्तं ॥

॥ इति प्रथममध्ययनम् ॥ २ श्रु०-२ चू०-१ अ० आदितः ८ ॥

॥ :: निषीधिका-अध्ययनं २ ॥

से भिक्खू वा (२) अभिकंखिज्जा निसीहियं फासुयं गमणाए, से पुण्ण निसीहियं जाणिज्जा—मअंढं सपाणां जाव मक्कडसंताणयं तहप्पगारं अफासुयं लाभे संते नो चेइस्सामि १॥ से भिक्खू वा (२) अभिकंखेज्जा निसीहियं गमणाए, से पुण्ण निसीहियं अप्पपाणां अप्पवीअं जाव सताणयं तहप्पगारं निसीहियं फासुयं चेइस्सामि, एवं सिज्जागमेणां नेयव्वं जाव उदयप्पसूयाइं २॥ जे तत्थ दुवग्गा तिवग्गा चउवग्गा पंचवग्गा वा अभिसंधारिति निसीहियं गमणाए ते नो अन्नमन्नस्स कायं आलिंगिज्ज वा विलिंगिज्ज वा चुंबिज्ज वा दंतेहिं वा नहेहिं वा अल्लिदिज्ज वा बुच्छिदिज्ज वा ३ । एयं खलु तस्स भिक्खुस्स भिक्खुणीए वा सामग्गियं जं सव्वट्ठेहिं सहिए समिए सया जएज्जा, सेयमिणां मन्निज्जासि त्तिबेमि ४ ॥सू० १६४॥ निसीहियासत्तिकयं॥

॥ इति द्वितीयमध्ययनम् ॥ २-२-२-९ ॥

॥ ३ :: उच्चारप्रश्रवणा-अध्ययनं ३ ॥

से भिक्खू वा (२) उच्चारपासवणाकिरियाए उच्चाहिज्जमाणो सयस्स पायपुंछणस्स असइए तत्रो पच्छा साहम्मियं जाइज्जा १॥ से भिक्खू वा (२) से जं पुण्ण थंडिल्लं जाणिज्जा सअंढं सपाणां जाव मक्कडसंताणयं तहप्पगारं सि थंडिल्लं नो उच्चारपासवणां वोसिरिज्जा २॥ से भिक्खू वा (२) से जं पुण्ण थंडिल्लं जाणिज्जा, अप्पपाणां जाव संताणयं तहप्पगारं सि थंडिल्लं सि उच्चारपासवणां वोसिरिज्जा ३ । से भिक्खू वा (२) से जं थंडिल्लं जाणिज्जा, अस्सिपडियाए एगं साहम्मियं समुद्दिस्स वा, अस्सिपडियाए बहवे साहम्मिया समुद्दिस्स, अस्सिपडियाए एगं साहम्मिणि समुद्दिस्स, अस्सिपडियाए बहवे साहम्मिणीओ समुद्दिस्स, अस्सिपडियाए बहवे समणमाहणवणीमगा पगणिय (२) समुद्दिस्स पाणाइं (४) जाव उद्देसियं चेएइ

तहप्पगारं थंडिल्लं पुरिसंतरकडं जाव बहियानीहडं वा अनीहडं वा
 अन्नयरंसि वा तहप्पगारंसि थंडिलंसि उच्चारपासवणं नो वोसिरिज्जा ४॥
 से भिक्खू वा (२) से जं पुण थंडिलं जाणिज्जा, बहवे समणमाहणक्किवण-
 वणीमग-अतिही-समुद्दिस्स पाणाइं भूयाइं जीवाइं सत्ताइं जाव उद्देसियं
 चेएइ, तहप्पगारं थंडिलं पुरिसंतरगडं जाव बहियाअनीहडं अन्नयरंसि वा
 तहप्पगारंसि थंडिल्लंसि नो उच्चारपासवणं वोसिरिज्जा, अह पुण एव
 जाणिज्जा--अपुरिसंतरगडं जाव बहिया नीहडं अन्नयरंसि वा तहप्पगारंसि
 थंडिलंसि उच्चारपासवणं वोसिरिज्जा ५॥ से भिक्खू वा (२) से जं पुण थंडिलं
 जाणिज्जा, अस्सिंपडियाए कयं वा कारियं वा पामिच्चियं वा छन्नं वा घट्टं
 वा मट्ठं वा लित्तं वा संमट्ठं वा संपधूवियं वा अन्नयरंसि वा तहप्पगारंसि
 थंडिलंसि नो उच्चारपासवणं वोसिरिज्जा ६॥ से भिक्खू वा (२) से जं
 पुण थंडिलं जाणेज्जा, इह खलु गाहावइ वा गाहावइपुत्ता वा कंदाणिं
 वा जाव हरियाणि वा अंतराओ वा बाहिं नीहरंति बहियाओ वा अंतो
 साहरंति अन्नयरंसि वा तहप्पगारंसि थंडिलंसि नो उच्चारपासवणं वोसिरिज्जा
 ७॥ से भिक्खू वा (२) से जं पुण थंडिलं जाणेज्जा खंधंसि वा पीढंसि
 वा मंचंसि वा मालंसि वा (हम्मियतलंसि वा अट्टालंसि वा) अट्टंसि वा
 पासायंसि वा अन्नयरंसि वा थंडिलंसि नो उच्चारपासवणं वोसिरिज्जा ८॥
 से भिक्खू वा (२) से जं पुण थंडिलं जाणिज्जा, अणंतरहियाए पुढवीए
 ससीणिद्धाए पुढवीए ससरक्खाए पुढवीए मट्टियाए मक्कडाए (मट्टियाकम्म-
 कडाए) चित्तमंताए सिलाए चित्तमंताए लेलुयाए कोलावासंसि वा दारुयंसि
 वा जीवपइट्टियंसि वा जाव मक्कडासंताणयंसि वा अन्नयरंसि वा तहप्पगारंसि
 थंडिलंसि नो उच्चारपासवणं वोसिरिज्जा ९॥ ॥सू० १६५॥ से भिक्खू वा
 (२) से जं पुण थंडिलं जाणेज्जा-इह खलु गाहावइ वा गाहावइपुत्ता वा कंदाणिं
 वा जाव बीयाणि वा परिसाडिंसु वा परिसाडित्ति वा परिसाडिस्संति वा

अन्नयरंसि वा तहप्पगारंसि थंडिलंसि नो उच्चारपासवणं वोसिरिज्जा ॥ से भिक्खु वा (२) से जं पुण जाणिज्जा १॥ इह खलु गाहावई वा गाहावइ-
 पुत्ता वा सालीणि वा वीहीणि वा मुग्गाणि वा मासाणि वा कुलत्थाणि
 वा जवाणि वा जवजवाणि वा पइरिंसु वा पइरिति वा पइरिस्सति वा
 अन्नयरंसि वा तहप्पगारंसे थंडिलंसि नो उच्चारपासवणं वोसिरिज्जा २॥ से
 भिक्खु वा (२) से जं पुण थंडिलं जाणिज्जा, आमोयाणि वा घासाणि वा
 भिलुयाणि वा विज्जुलयाणि वा खाणुयाणि वा कड्याणि वा पगडाणि
 वा दरीणि वा पदुग्गाणि वा समाणि वा २ अन्नयरंसि वा तहप्प-
 गारंसि थंडिलंसि नो उच्चारपासवणं वोसिरिज्जा ३॥ से भिक्खु वा
 (२) से जं पुण थंडिलं जाणिज्जा माणुसरंधणाणि वा महिसकर-
 णाणि वा वसहकरणाणि वा अस्सकरणाणि वा कुक्कुडकरणाणि
 वा मक्कडकरणाणि वा हयकरणाणि वा लावयकरणानि वा वट्टय-
 करणाणि तित्तिरकरणाणि वा कवोयकरणाणि वा कविंजलकरणाणि
 वा अन्नयरंसि वा तहप्पगारंसि थंडिलंसि नो उच्चारपासवणं
 वोसिरिज्जा ४॥ से भिक्खु वा (२) से जं पुण थंडिलं जाणेज्जा
 वेहाणसट्ठाणोसु वा गिद्धपट्ठाणोसु वा तरुपडणट्ठाणोसु वा मेरुपडणठ-
 णोसु वा विसभिक्खणयट्ठाणोसु वा अगणिपडणट्ठाणोसु वा अन्नयरंसि वा
 तहप्पगारंसि थंडिलंसि नो उच्चारपासवणं वोसिरिज्जा ५॥ से भिक्खु वा
 (२) से जं पुण थंडिलं जाणिज्जा, आरामाणि वा उज्जाणाणि वा वणाणि
 वा वणसंडाणि वा देवकुलाणि वा सभाणि वा पवाणि वा अन्नयरंसि वा
 तहप्पगारंसि वा नो उच्चारपासवणं वोसिरिज्जा ६॥ से भिक्खु वा (२)
 से जं पुण थंडिलं जाणिज्जा, अट्टालयाणि वा चरियाणि वा दाराणि वा
 गोपुराणि वा अन्नयरंसि वा तहप्पगारंसि थंडिलंसि नो उच्चारपासवणं
 वोसिरिज्जा ७॥ से भिक्खु वा (२) से जं पुण थंडिलं जाणेज्जा, तिगाणि

वा चउक्काणि वा चचराणि वा चउम्मुहाणि वा अन्नयरंसि वा तहप्पगारंसि
नो उच्चारपासवणं वोसिरिज्जा ८॥ से भिक्खू वा (२) से जं पुण थंडिलं
जाणोज्जा इंगालदाहेसु खारदाहेसु वा मडयदाहेसु वा मडयथूभियासु वा
मडयचेइएसु वा अन्नयरंसि वा तहप्पगारंसि वा थंडिलंसि नो उच्चारपासवणं
वोसिरिज्जा ९॥ से भिक्खू वा (२) से जं पुण थंडिलं जाणोज्जा, नइयाय-
तणोसु वा पंकाययणोसु वा ओघाययणोसु वा सेयणावहंसि वा अन्नयरंसि वा
तहप्पगारंसि थंडिलंसि नो उच्चारपासवणं वोसिरिज्जा १०॥ से भिक्खू वा
से जं पुण जाणोज्जा नवियासु वा मट्टियखाणिआसु नावियासु गोप्प-
हेलियासु वा गवाणीसु वा खाणीसु वा अन्नयरंसि वा तहप्पगारंसि
थंडिलंसि नो उच्चारपासवणं वोसिरिज्जा, ११॥ से भिक्खू वा (२) से जं
पुण थंडिलं जाणोज्जा, डागवच्चंसि वा सागवच्चंसि वा मूलगवच्चंसि वा
हत्थंकरवच्चंसि वा अन्नयरंसि वा तहप्पगारंसि थंडिलंसि नो उच्चारपास-
वणं वोसिरिज्जा १२॥ से भिक्खू वा (२) से जं पुण थंडिलं जाणोज्जा,
असणावणंसि वा सणावणंसि वा धायइवणंसि वा केयइवणंसि वा अंबवणंसि वा
असोगवणंसि वा नागवणंसि वा पुन्नागवणंसि वा चुल्लगवणंसि वा अन्नयरंसे
तहप्पगारंसे पत्तोवेएसु वा पुफोवेएसु वा फलोवेएसु वा बीओवेएसु वा
हरिओवेएसु वा नो उच्चारपासवणं वोसिरिज्जा १३॥ सू० १६६॥ से
भिक्खू वा(२) सयपायवं वा परपायवं वा गहाय से तमायाए एगंतम-
वक्कमे अणावायंसि असंलोयंसि अप्पपाणंसि जाव मक्कडासंताणयंसि
अहारामंसि वा उवस्सयंसि तओ संजयामेव उच्चारपासवणं वोसिरिज्जा, से
तमायाए एगंतमवक्कमे अणावाहंसि जाव संताणयंसि अहारामंसि वा
भामथंडिलंसि वा अन्नयरंसि वा तहप्पगारंसि थंडिलंसि अचित्तंसि तओ
संजयामेव उच्चारपासवणं वोसिरिज्जा, एयं खलु तस्स जाव सया जइज्जासि
॥सू० १६७॥ त्तिवमि ॥ उच्चारपासवणासत्तिकओ सम्मतो ॥

॥ इति तृतीयमध्ययनम् ॥२-२-३-१० ॥

॥ ४ : शब्द-अध्ययनं ४ ॥

से भिक्खु वा (२) मुङ्गसद्दाणि वा नंदीसद्दाणि वा भल्लरीस-
 द्दाणि वा अन्नयराणि वा तहप्पगाराणि विरुवरूवाइं सद्दाइं वितताइं कन्नसो-
 यणपडियाए नो अभिसंधारिज्जा गमणाए १॥ से भिक्खु वा (२) अहा-
 वेगइयाइं सद्दाइं सुणोइ, तं-वीणासद्दाणि वा विपंचीसद्दाणि वा पिप्पी-
 (वद्धी)सगसद्दाणि वा तूणयसद्दाणि वा वण(वीणि)यसद्दाणि वा तुंबवीणि-
 यसद्दाणि वा ढंकुणसद्दाइं अन्नयराइं तहप्पगाराइं विरुवरूवाइं सद्दाइं
 वितताइं कणसोयपडियाए नो अभिसंधारिज्जा गमणाए २॥ से
 भिक्खु वा (२) अहावेगइयाइं सद्दाइं सुणोइ, तंजहा-तालसद्दाणि वा कंसता-
 लसद्दाणि वा लत्तियसद्दाणि वा गोधियसद्दाणि वा किरिक्किरियासद्दाणि
 वा अन्नयराणि वा तहप्पगाराणि विरुवरूवाइं सद्दाणि कणसोयपडियाए
 नो अभिसंधारेज्जा गमणाए ३॥ से भिक्खु वा (२) अहावेगइयाइं सद्दाणि
 सुणोइ तंजहा-संखसद्दाणि वा वेणुसद्दाणि वा वंससद्दाणि वा खरमुहि-
 सद्दाणि वा परिपिरियासद्दाणि वा अन्नयराइं तहप्पगाराइं विरुवरूवाइं
 सद्दाइं भुसिराइं कन्नसोयपडियाए नो अभिसंधारेज्जा गमणाए ४ ॥ सू०
 १६८॥ से भिक्खु वा (२) अहावेगइयाइं सद्दाइं सुणोइ तंजहा-वप्पाणि वा
 फलिहाणि वा जाव सराणि वा सागराणि वा सरसरपंतियाणि वा अन्नयराइं
 वा तहप्पगाराइं विरुवरूवाइं सद्दाइं कणसोयपडियाए नो अभिसंधारिज्जा
 गमणाए १॥ से भिक्खु वा (२) अहावेगइयाइं सद्दाइं सुणोइ तंजहा-कच्छाणि वा
 गुमाणि वा गहणाणि वा वणाणि वा वणदुग्गाणि पव्वयाणि वा पव्वयदु-
 ग्गाणि वा अन्नयराइं वा तहप्पगाराइं विरुवरूवाइं सद्दाइं सो य पडियाए नो
 अभिसंधारिज्जा गमणाए २॥ से भिक्खु वा (२) अहावेगइयाइं सद्दाइं सुणोइ,
 तंजहा-गामाणि वा नगराणि वा निगमाणि वा रायहाणाणि वा आसम-

पट्टासंनिवेशाणि वा अन्नयराइं तहप्पगाराइं सदाइं नो अभिधारेज्जा गमणाए ३॥ से भिक्खु वा (२) अहावेगइयाइं सदाइं सुणेइ, तंजहा—आरामाणि वा उज्जाणाणि वा वणाणि वा वणसंडाणि वा देवकुलाणि वा सभाणि वा पवाणि वा अन्नयराइं तहप्पगाराइं सदाइं नो अभिसंधारेज्जा गमणाए ४॥ से भिक्खु वा (२) अहावेगइयाइं सदाइं सुणेइ, तंजहा—अट्टाणि वा अट्टालयाणि वा चरियाणि वा दाराणि वा गोपुराणि वा अन्नयराइं तहप्पगाराइं सदाइं नो अभिसंधारिज्जा गमणाए ५॥ से भिक्खु वा (२) अहावेगइयाइं सदाइं सुणेइ, तंजहा—तियाणि वा चउकाणि वा चच्चराणि वा चउम्मुहाणि वा अन्नयराइं तहप्पगाराइं सदाइं नो अभिसंधारिज्जा गमणाए ६॥ से भिक्खु वा (२) अहावेगइयाइं सदाइं सुणेइ, तंजहा—महिसकरणाट्टाणाणि वा वसभकरणाट्टाणाणि वा अस्सकरणाट्टाणाणि वा जाव कविंजलकरणाट्टाणाणि वा अन्नयराइं तहप्पगाराइं नो अभिसंधारिज्जा गमणाए ७॥ से भिक्खु वा (२) अहावेगइयाइं सदाइं सुणेइ तंजहा—महिसजुद्धाणि वा जाव कविंजलजुद्धाणि वा अन्नयराइं तहप्पगाराइं सदाइं नो अभिसंधारिज्जा गमणाए ८॥ से भिक्खु वा (२) अहावेगइयाइं सदाइं सुणेइ तंजहा—पूव्वजूहियठाणाणि वा हयजूहियठाणाणि वा गयजूहियठाणाणि वा अन्नयराइं तहप्पगाराइं नो अभिसंधारिज्जा गमणाए ९ ॥सू० १६१॥ से भिक्खु वा (२) जाव सुणेइ, तंजहा—अक्खाइयठाणाणि वा माणुम्माणियट्टाणाणि वा महताऽऽहयनट्ट-गीय-वाइय-तंती-तलताल-तुडिय-पडुप्पवाइयट्टाणाणि वा अन्नयराइं वा तहप्पगाराइं सदाइं नो अभिसंधारेज्जा गमणाए १॥ से भिक्खु वा (२) जाव सुणेइ, तंजहा—कलहाणि वा डिवाणि वा डमराणि वा दोरजाणि वा वेरजाणि वा विरुद्धरजाणि अन्नयराइं वा तहप्पगाराइं सदाइं नो अभिसंधारेज्जा गमणाए २॥ से भिक्खु वा (२) जाव सुणेइ, खुड्डियं दारियं परिभूतमंडियं अलंकियं निवुज्जमाणि पेहाए एगे वा पुंरिसं वहाए नीणिज्ज-

माणां पेहाए अन्नयराइं वा तहप्पगाराइं नो अभिसंधारिज्जा गमणाए ३॥ से भिक्खु वा (२) अन्नयराइं विरुवरूवाइं महासवाइं एवं जाणेज्जा तंजहा—बहु-सगडाणि वा बहुरहाणि वा बहुमिलक्खूणि वा बहुपच्चंताणि वा अन्नयराइं वा तहप्पगाराइं विरुवरूवाइं महासवाइं कन्नसोयपडियाए नो अभिसंधारिज्जा गमणाए ४॥ से भिक्खु वा (२) अन्नयराइं विरुवरूवाइं महुस्सवाइं एवं जाणेज्जा, तंजहा—इत्थीणि वा पुरिसाणि वा थेराणि वा डहराणि वा मज्झिमाणि वा आभरणविभूसियाणि वा गायंताणि वा वायंताणि वा नच्चं-ताणि वा हसंताणि वा रमंताणि वा मोहंताणि वा विपुलं असणं पाणं खाइमं साइमं परिभुजंताणि वा परिभायंताणि वा विच्छट्ठियमाणाणि वा विगोवयमाणाणि वा अन्नयराइं वा तहप्पगाराइं विरुवरूवाइं महुस्सवाइं कन्नसोयपडियाए नो अभिसंधारेज्जा गमणाए ५॥ से भिक्खु वा (२) नो इहलोइएहिं सद्देहिं नो परलोइएहिं सद्देहिं नो सुएहिं सद्देहिं नो असुएहिं सद्देहिं नो दिट्ठेहिं सद्देहिं नो अदिट्ठेहिं सद्देहिं नो कंतेहिं सद्देहिं सज्जिज्जा नो गिज्झिज्जा नो मुज्झिज्जा नो अज्झोववज्जिज्जा ६॥ एयं खलु तस्स जाव जएज्जासि त्ति वेमि ७ ॥सू० १७०॥ सहसत्तिकत्रो ॥

॥ इति चतुर्थमध्ययनम् ॥ २-२-४-११ ॥

॥ ५ : रूप—अध्ययनं ५ ॥

से भिक्खु वा (२) अहावेगइयाइं रूवाइं पासइ, तंजहा—गंधिमाणि वा वेदिमाणि वा घूरिमाणि वा संवाइमाणि वा कट्ठकम्माणि वा पोत्थकम्माणि वा वित्तकम्माणि वा मणिकम्माणि वा दंतकम्माणि वा (मालकम्माणि वा) पत्तच्छिज्जकम्माणि वा विविहाणि वा वेदिमाइं अन्नयराइं तहप्पगाराइं विरुवरूवाइं चक्खुदंसणपडियाए नो अभिसंधारिज्ज गमणाए, एवं नायवं जहा सहपडिमा सव्वा वाइत्तवज्जा रूवपडिमावि ॥सू० १७१॥ पंचमं सत्तिकयं ॥

॥ इति पंचममध्ययनम् ॥ २-२-५-१२ ॥

॥ ६ : परक्रिया—अध्ययनं ६ ॥

परकिरियं अज्मत्थियं संसेसियं नो तं सायए नो तं नियमे, सिया
 से परो पाए आमज्जिज्ज वा पमज्जिज्ज वा नो तं सायए नो तं नियमे १।
 से सिया परो पायाइं संवाहिज्ज वा पलिमदिज्ज वा नो तं सायए नो तं
 नियमे २। से सिया परो पायाइं कुसिज्ज वा रइज्ज वा नो तं सायए नो तं
 नियमे ३। से सिया परो पायाइं तिल्लेण वा घएण वा वसाए वा मक्खिज्ज
 वा अब्भंगिज्ज वा नो तं सायए (२) ४। से सिया परो पायाइं लुद्धेण वा
 कक्केण वा चुन्नेण वा वराणेण वा उल्लोढिज्ज वा उव्वलिज्ज वा नो तं
 सायए (२) ५। से सिया परो पायाइं सीओदगवियडेण वा २ उच्छोलिज्ज
 वा प्होलिज्ज वा नो तं सायए (२) ६। से सिया परो पायाइं अन्नयरेण
 विलेवणाजाएण आलिपिज्ज वा विलिपिज्ज वा नो तं सायए (२) ७। से
 सिया परो पायाइं अन्नयरेण धूवणाजाएण धूविज्ज वा पधूविज्ज वा नो तं
 सायए (२) ८। से सिया परो पायाओ आणुयं वा कंटयं वा नीहरिज्ज वा
 विसोहिज्ज वा नो तं सायए (२) ९। से सिया परो पायाओ पूयं वा सोणियं
 वा नोहरिज्ज वा विसोहिज्ज वा नो तं सायए (२) १०। से सिया परो कायं
 आमज्जेज्ज वा पमज्जिज्ज वा नो तं सायए नो तं नियमे ११। से सिया परो कायं
 लोट्टेण वा संवाहिज्ज वा पलिमदिज्ज वा नो तं सायए (२) १२। से सिया
 परो कायं तिल्लेण वा घएण वा वसाए वा मक्खिज्ज वा अब्भंगिज्ज वा
 नो तं सायए (२) १३। से सिया परो कायं लुद्धेण वा कक्केण वा चुन्ने-
 ण वा वराणेण वा उल्लोढिज्ज वा उव्वलिज्ज वा नो तं सायए (२) १४। से
 सिया परो कायं सीओदगवियडेण वा उसिणोदगवियडेण वा उच्छो-
 लिज्ज वा पधोविज्ज वा नो तं सायए (२) १५। से सिया परो कायं
 अन्नयरेण विलेवणाजाएण आलिपिज्ज वा विलिपिज्ज वा नो तं सायए (२)

१६। से सिया परो कायं अन्नयरेण ध्वणजाएण ध्वविज्ज वा पविज्ज वा नो तं सायए (२) १७। से सिया परो कायंसि वणं आमज्जिज्ज वा पमज्जिज्ज वा नो तं सायए (२) से सिया परो कायंसि वणं संवाहिज्ज वा पलिमहिज्ज वा नो तं सायए (२) १८। से सिया परो कायंसि वणं तिल्लेण वा धएण वा वसाए वा मक्खिज्ज वा अम्भंगिज्ज वा नो तं सायए (२) १९। से सिया परो कायंसि वणं लुद्धेण वा (४) उल्लोद्धिज्ज वा उव्वलेज्ज वा नो तं सायए (२) २०। से सिया परो कायंसि वणं सीओदगवियडेण वा उसिणोदगवियडेण वा उच्छोलिज्ज वा पधोविज्ज वा नो तं सायए २१। से सिया परो कायंसि वणं वा गंडं वा अरइं वा पुलयं वा भगंदलं वा अन्नयरेणं सत्थजाएणं अच्छिदिज्ज वा विच्छिदिज्ज वा नो तं सायए (२) २२। से सिया परो अन्नयरेणं सत्थजाएणं आच्छिदित्ता वा विच्छिदित्ता वा पूयं वा सोणियं वा नीहरिज्ज वा विसोहिज्ज वा नो तं सायए (२) २३। से सिया परो कायंसि गंडं वा अरइं वा पुलइयं वा भगंदलं वा आमज्जिज्ज वा पमज्जिज्ज वा नो तं सायए (२) २४। से सिया परो कायंसि गंडं वा (४) संवाहिज्ज वा पलिमहिज्ज वा नो तं सायए (२) २५। से सिया परो कायंसि गंडं वा (४) तिल्लेण वा (३) मक्खिज्ज वा अम्भंगिज्ज वा नो तं सायए (२) २६। से सिया परो गंडं वा (४) लुद्धेण वा (४) उल्लोद्धिज्ज वा उव्वलिज्ज वा नो तं सायए (२) २७। से सिया परो गंडं वा (४) सीओदगवियडेण वा उसिणोदगवियडेण वा उच्छोलिज्ज वा पधोविज्ज वा नो तं सायए (२) २८। से सिया परो कायंसि गंडं वा (४) अन्नयरेणं सत्थजाएणं अच्छिदिज्ज वा विच्छिदिज्ज वा अन्नयरेणं सत्थजाएणं अच्छिदित्ता वा विच्छिदित्ता वा पूयं वा सोणियं वा नीहरिज्ज वा विसोहिज्ज वा नो तं सायए (२) २९। से सिया परो कायंसि सेयं वा जल्लं वा नीहरिज्ज वा विसोहिज्ज वा नो तं सायए (२) ३०। से

सिया परो अच्छिमलं वा कराणमलं वा दंतमलं वा नहमलं वा
नीहरिज्ज वा विसोहिज्ज वा नो तं सायए (२) ३१। से सिया परो दीहाइं
वालाइं दीहाइं वा रोमाइं दीहाइं भमुहाइं दीहाइं कक्खरोमाइं दीहाइं वत्थिरोमाइं
कप्पिज्ज वा संठविज्ज वा नो तं सायए (२) ३२ । से सिया परो सीसाओ
लिक्खं वा जूयं वा नीहरिज्ज वा विसोहिज्ज वा नो तं सायए (२) ३३ ।
से सिया परो अंकंसि वा पलियंकंसि वा तुयट्ठावित्ता पायाइं आमज्जिज्ज वा
पमज्जिज्ज वा, एवं हिट्ठिमो गमो पायाइणां भाणियव्वो (२) ३४। से सिया
परो अंकंसि वा पलियंकंसि वा तुयट्ठावित्ता हारं वा अद्धहारं वा उरत्थं
वा गेवेयं वा मउडं वा पालंबं वा सुवन्नसुत्तं वा आविहिज्ज वा पिणहिज्ज
वा नो तं सायए (२) ३५। से सिया परो आरामंसि वा उज्जाणंसि वा
नीहरित्ता वा पविसित्ता वा पायाइं आमज्जिज्ज वा पमज्जिज्ज वा नो तं
सायए (२) ३६ । एवं नेयव्वा अन्नमन्नकिरियावि ३७ ॥सू० १७२॥
से सिया परो सुद्धेणं वड्ढलेण वा तेइच्छं आउट्ठे, से सिया परो असुद्धेणं
वड्ढलेणं तेइच्छं आउट्ठे १॥ से सिया परो गिलाणस्स सचित्ताणि वा
कंदाणि वा मूलाणि वा तथाणि वा हरियाणि वा खणित्तु कड्ढित्तु वा
कट्ठावित्तु वा तेइच्छं आउट्ठाविज्ज नो तं साइए (२) २ । कडुवेयणा पाणाभूय-
जीवसत्ता वेयणां वेइंति २। एवं खलु तस्स भिक्खुस्स भिक्खुणीए वा साम-
गिगंयं जं सब्बट्ठेहिं सहिए समिए सया जए सेयमिणां मन्निज्जासि ३।
॥सू० १७३॥ त्तिवेमि ॥ छट्ठओ सत्तिकओ ॥

॥ इति षष्ठमध्ययनम् ॥ २--२--६--१३ ॥



॥ ७ : अन्योन्यक्रिया-अध्ययनं ७ ॥

से भिक्खु वा (२) अन्नमन्नकिरियं अज्मत्थियं संसेइयं नो तं सायए
(२) । से अन्नमन्नं पाए आमज्जिज वा पमज्जिज वा नो तं साइए (२) । सेसं
तं चेव, एयं खलु जाव जइज्जासि त्तिवेमि ॥सू० १७४॥

॥ इति सप्तममध्ययनम् ॥ श्रु० २-चू० २-अ० ७ मूलतः २३ ॥

॥ इति द्वितीया चूला ॥ २-२ ॥

॥ तृतीय चूलिका-भावना अध्ययनं १ ॥

तेणं कालेणं तेणं समएणं समणे भगवं महावीरे पंचहत्थुत्तरे यावि
हुत्था, तंजहा-हत्थुत्तराइं चुए, चइत्ता गव्वं वक्कंते, हत्थुत्तराहिं गव्वाओ
गव्वं साहरिए, हत्थुत्तराहि जाए, हत्थुत्तराहिं सब्बओ सब्बत्ताए मुंडे
भवित्ता अगाराओ अणगारियं पव्वइए, हत्थुत्तराहिं कसिणे पडिपुन्ने
अव्वाधाए निरावरणे अणंते अणुत्तरे केवलवरणाणदंसणे समुप्पन्ने, साइणां
भगवं परिनिव्वुए ॥सू० १७५॥ समणे भगवं महावीरे इमाए ओसिप्पिणीए
सुसमसुसमाए समाए वीइक्कंताए, सुसमाए समाए वीइक्कंताए, सुसम-दुस्स-
माए समाए वीइक्कंताए, दुस्समसुसमाए समाए बहु विइक्कंताए, पन्नहत्तरीए
वासेहिं मासेहिं य अद्धनवमेहिं सेसेहिं जे से गिम्हाणं चउत्थे मासे अट्ठमे
पक्खे आसादसुद्धे तस्स णं आसादसुद्धस्स छट्ठीपक्खेणं हत्थुत्तराहिं नक्खत्तेणं
जोगमुवागएणं महाविजयसिद्धत्थं पुप्फुत्तरवरपुंडरीयदिसासोवत्थियवद्ध-
माणाओ महाविमाणाओ वीसं सागरोवमाइं आयुं पालयित्ता, आउवख-
एणं ठिइएणं भवक्खएणं चुए चइत्ता, इह खलु जंवुदीवे णं दीवे भारहे
वासे दाहिणड्ढभरहे दाहिणमाहणकुंडपुरसंनिवेसंमि उरुभदत्तस्स माहणस्स
कोडालसगोत्तस्स देवाणंदाए माहणीं जालंधरस्स गुत्ताए सीहुव्वभवभूएणं
अप्पाणोणं कुञ्चिसि गव्वं वक्कंते १। समणे भगवं महावीरे तिन्नाणोवगए

यावि हुत्था, चइस्सामित्ति जाणइ चुएमित्ति जाणइ चयमाणो न याणोइ,
सुहुमे णं से काले पन्नत्ते २ । तत्रो णं समणो भगवं महावीरे
हियाणुकंपएणां (अणुकंपएणां) देवेणां जीयमेयंतिकट्ठु जे से वासाणां तच्चे मासे
पंचमे पक्खे आसोयबहुले, तस्स णां आसोयबहुलस्स तेरसीपक्खेणां
हत्थुत्तराहिं, नक्खत्तेणां जोगमुवागएणां बासीहिं राइंदिएहिं वइक्कंतेहिं
तेसीइमस्स राइंदियस्स परियाए वट्टमाणो दाहिणमाहणाकुंडपुरसंनिवेसाओ
उत्तरखत्तियकुंडपुरसंनिवेसंसि नायाणां खत्तियाणां सिद्धत्थस्स खत्तियस्स
कामवगुत्तस्स तिसलाए खत्तियाणीए वासिट्ठमगुत्ताए असुभारां पुग्गलारां
अश्वहारं करित्ता सुभारां पुग्गलारां पक्खेवं करित्ता कुच्छिसि गव्वं
साहरइ, जे वि य से तिसलाए खत्तियाणीए कुच्छिसि गव्वे तंपि य
दाहिणमाहणाकुंडपुरसंनिवेसंसि उसभदत्तस्स माहणास्स कोडालसगोत्तस्स
देवानंदए माहणीए जालंधरायणागुत्ताए कुच्छिसि गव्वं साहरइ ३। समणो
भगवं महावीरे तिन्नाणोवगए यावि होत्था-साहरिज्जिस्सामित्ति जाणइ साह-
रिज्जमाणो न याणइ साहरिएमित्ति जाणइ समणाउसो ४। तेणां कालेणां
तेणां समएणां तिसलाए खत्तियाणीए अहऽनया कयाइ नवराहं मासाणां
बहुपडिपुन्नाणां अद्धट्टमाणाराइंदियाणां वीइक्कंताणां जे से गिम्हाणां पढमे
मासे दुच्चे पक्खे चित्तसुद्धे तस्स णां चित्तसुद्धस्स तेरसीपक्खेणां हत्थु-
त्तराहिं नक्खत्तेणां जोगोवगाएणां-समणां भगवं महावीरं अरोग्गा अरोग्गं
पसूया ५। जराणां राइं तिसला खत्तियाणी समणां भगवं महावीरं अरोया
अरोयं पसूया, तराणां राइं भवणावइवाणमंतरजोइसियविमाणवासिदेवेहिं
देवीहिं य उवयंतेहिं उप्पयंतेहिं संपयंतेहि य एगे महं दिव्वे देवुज्जोए देवस-
न्निवाए देवकहक्कहए उप्पिजलगभूए यावि हुत्था ६। जराणां रयणिं तिस-
ला खत्तियाणी समणां भगवं महावीरं अरोया अरोयं पसूया तराणां रयणिं
बहवे देवा य देवीओ य एगं महं अमयवासं च १ गंधवासं च २ चुन्नवासं

च ३ पुष्पवासं च ४ हिरन्मवासं च ५ रयणावासं च ६ वारिसु ७। जराणां
 रयणिं तिसला खत्तियाणी समणां भगवं महावीरं अरोया अरोयं पसूया,
 तराणां रयणिं भवणावड्—वाणमंतरजोइसियविमाणदासिणो देवा य देवीयो
 य समणास्स भगवओ महावीरस्स सूइकम्माइं तिथयराभिसेयं च करिंसु ८।
 जओ रां पभिइ भगवं महावीरे तिसलाए खत्तियाणीए कुच्छिंसि गव्वं
 आग(हु)ए तओ रां पभिइ तं कुलं विपुलेणां हिरणोणां सुवन्नेणां धरोणां
 धन्नेणां माणिक्केणां सुत्तिणां संखसिलप्पवालेणां अइव (२) परिवड्ढइ ९।
 तओ रां समणास्स भगवओ महावीरस्स अम्मापियरो एयमट्ठं जाणिता
 निव्वत्तदभाहंसि बुक्कंतंमि सुइभूयंसि विपुलं अमणापाणाखाइममाइमं उवक्ख-
 डाविति (२) मित्तनाइसयणासंबंधिवग्गं उवनिमंतंति उवनिमंतित्ता वहवे समणा-
 माहणा-किवणा-वणीमगाहिं भिच्छुं डगपंडरगाइणा विच्छड्ढुंति विग्गोविंति
 विस्साणिंति दायारेसु दाणां, पज्जभाइंति विच्छड्ढित्ता विग्गोवित्ता विस्साणिता
 दायारेसु रां दायं पज्जभाइत्ता मित्तनाइसयणासंबंधिवग्गं भुंजाविति मित्तनाइसय-
 सयणासंबंधिवग्गं भुंजावित्ता मित्तनाइसयणासंबंधिवग्गेणा इमहेयारुवं नामधि-
 ज्जं कारविति—जओ रां पभिइ इमे कुमारे तिसलाए खत्तियाणीए कुच्छिंसि
 गव्वं आहुए तओ रां पभिइ इमं कुलं विपुलेणां हिरणोणां संखसिलप्प-
 वालेणां अतीव (२) परिवड्ढइ ता होउ रां कुमारे वज्जमाणो १०। तओ रां
 समणो भगवं महावीरे पंचधाइ—परिवुडे, तंजहा-खीरधाइए १ मज्जणाधाइए
 २ मंडणाधाइए ३ खेलावणाधाइए ४ अंकधाइए ५, अंकाओ अंकं साहरि-
 जमाणो रम्मे मणिकुट्टिमतले गिरिकंदरसमुल्लीणोविव चंपयपायवे अहाणा-
 पुव्वीए संवड्ढइ ११। तओ रां समणो भगवं महावीरे विन्नायपरिणयमित्ते
 विणियत्तवालभावे अप्पुसुयाइं उरालाइं माणास्सगाइं पंचलवखणाइं काम-
 भोगाइं सदफरिसरसरूवगंधाइं परियारेमाणो एवं च रां विहरइ १२॥
 ॥सू० १७६॥ समणो भगवं महावीरे कासवगुत्ते तस्स रां इमे तिन्नि

नामधिजा एवमहिज्जंति, तंजहा—अम्मापिउसंति वद्धमाणो १ सहसंमुइए
समणो २, भीमं भयभेरवं उरालं अवेलयं परीसह—सहत्तिकट्ठ देवेहि से
नामं कयं समणो भगवं महावीरे ३-१ समणस्स रां भगवओ महावीरस्स
पिया कासवगुत्तेरां तस्स रां तिन्नि नामधिजा एवमहिज्जंति तंजहा—सिद्धत्थे
इ वा, सिज्जंसे इ वा, जसंसे इ वा, २। समणस्स रां भगवओ महावीरस्स
अम्मा वासिहुरस गुत्ता तीसे रां तिन्नि नामधिजा एवमहिज्जंति तंजहा—
तिसत्ताइ वा, विदेहदिन्ना इ वा, पियकारिणी इ वा ३। समणस्स रां भग-
वओ महावीरस्स पिन्निअए, सुपासे कासवगुत्तेरां ४। समणस्स रां भगवओ
महावीरस्स जिट्ठे भाया नंदिवद्धणो कासवगुत्तेरां ५। समणस्स रां भगवओ
महावीरस्स जेट्ठा भइणी सुदंस्सणा कासवगुत्तेरां ६। समणस्स रां भगवओ
महावीरस्स भज्जा जसोया कोडिन्नागुत्तेरां ७। समणस्स रां भगवओ महा-
वीरस्स धूया कासवगोत्तेरां, तीसे रां दो नामधिजा एवमहिज्जंति—अणु-
ज्जा इ वा, पियदंस्सणा इ वा ८। समणस्स रां भगवओ महावीरस्स नत्तूइ
कोसिया गुत्तेरां, तीसे रां दो नामधिजा अणुमहिज्जंति तंजहा—सेसवइ इ
वा, जसवइ इ वा ९ ॥सू० १७७॥ समणस्स रां भगवओ महावीरस्स,
अम्मापियरो पासावच्चिज्जा समणोवासगा यावि हुत्था, ते रां बहुइं वासाइं
समणोवासगपरियागं पालइत्ता द्दराहं जीवनिकायारां सारक्खणानिमित्तं
आलोइत्ता निंदित्ता गरिहित्ता पडिकमित्ता अहारिहं उत्तरगुणपायच्छिताइं
पडिवज्जित्ता कुससंधारगं दुरूहित्ता भत्तं पच्चक्खायंति (२) अपच्छिमाए
मारणांतियाए संलेहणासरीरए भुसियसरीरा कालमासे कालं किच्चा तं
सरीरं विप्पजहित्ता अच्चुए कण्णे देवत्ताए उववन्ना, तओ रां आजक्खणां
भवक्खणां ठितिक्खणां चुए चइत्ता महाविदेहे वासे चरमेणां उस्साणोणां
मिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं
करिस्संति ॥सू० १७८॥ तेरां कालेरां (२) समणो भगवं महावीरे नाए,

नायपुत्ते नायकुलनिवृत्ते विदेहे विदेहदिन्ने विदेहजच्चे विदेहसूमाले तीसं
 वासाइं विदेहंसित्ति(हेत्ति)कट्टु अगारमज्जे वसित्ता अम्मापिऊहिं कालगएहिं
 देवलोगमाणुपत्तेहि संमत्तपइन्ने चिच्चा हिरन्नं, चिच्चा सुवन्नं, चिच्चा बलं,
 चिच्चा वाहरां, चिच्चा धणाकणगरयणा-संतसारसावइज्जं विच्छड्डित्ता विग्गो-
 वित्ता विस्साणित्ता दायासेसु रां दाइत्ता परिभाइत्ता संवच्छरं दलइत्ता जे से
 हेमंताणं पढमे मासे पढमे पक्खे मग्गसिरबहुले तस्स रां मग्गसिरबहुलस्स
 दसमीपक्खेणं हत्थुत्तराहिं नक्खत्तएणं जोगोवगएणं अभिनिक्खमणाभिप्पाए
 यावि हुत्था १। संवच्छरेण होहिइ अभिनिक्खमरां तु जिणवरिंदस्स । तो
 अत्थसंपयारां पवत्तइ पुव्वसूराओ ॥ १ ॥ एगा हिरन्नकोडी अट्ठेव
 अण्णाणा सयसहस्सा । सूरुदयमाइयं दिज्जइ जा पायरासुत्ति ॥ २ ॥ तिन्नेव
 य कोडिसया अट्ठासीइं च हुंति कोडीओ । असिइं च सयसहस्सा एयं
 संवच्छरे दिन्नं ॥ ३ ॥ वेसमाणकुण्डधारी देवा लोगंतिया महिद्धीया । बोहिति
 य तित्थयरं पन्नरससु कम्मभूमीसु ॥ ४ ॥ वंभंमि य कपंमी बोधव्वा कणह-
 राइणो मज्जे । लोगंतिया विमाणा अट्ठसु वत्था असंखिजा ॥ ५ ॥ एए
 देवनिक्काया भगवं बोहिति जिणवरं वीरं । सज्जजगज्जीवहियं अरिहं । तित्थं
 पवत्तेहे ॥ ६ ॥ २ । तओ रां समणस्स भगवओ महावीरस्स अभिनिक्ख-
 मणाभिप्पायं जाणित्ता भवणवइवाणमंतरजोइसियविमाणवासिणो देवा य
 देवीओ य सएहिं (२) रूवेहि, सएहि (२) नेवत्थेहिं, सएहिं (२) चिधेहिं
 सव्विद्धीए सव्वजुइए सव्वबलसमुदएणां, सयाइं (२) जाणविमाणाइं
 दुरूहंति सयाइं (२), जाणविमाणाइं दुरूहित्ता अहावायराइं पुग्गलाइं परि-
 साडंति (२), अहासुहुमाइं पुग्गलाइं परियाइं ति (२), उड्डं उप्पयंति उड्डं
 उप्पइत्ता ताए उक्किट्ठाए सिग्घाए चवलाए तुरियाए दिव्वाए देवगइए अहे-
 रां ओवयमाणा (२), तिरिएणं असंखिजाइं दीवसमुहाइं वीइक्कममाणा (२),
 जेणोव जंघुदीवे दीवे तेणोव उवागच्छंति (२), जेणोव उत्तरखत्तियकुण्डपुरसं-

निवेसे ते गोव उवागच्छन्ति (२) जे गोव उत्तरखत्तियकुंडपुरसंनिवेसस्स उत्तरपुर-
 च्छिमे दिसिभाए ते गोव भत्ति वेगेण ओवइया ३। तत्रो गां सक्के देविंदे देव-
 राथा सणियं (२) जाणविमाणं पट्टवेति सणियं (२) जाणविमाणं पट्टवेत्ता
 सणियं (२) जाणविमाणाओ पच्चोरुहइ (२) सणियं (२) एगंतमवक्कमइ एगंतम-
 वक्कमिक्का महया वेउव्विएणां समुग्घाएणां समोहणइ (२) एगं महं नाणामणिकणा-
 गरयणभत्तिचित्तं सुभं चारु कंतरूवं देवच्छंदयं विउव्वइ ४। तस्स गां देव-
 च्छंदयस्स बहुमज्झदेसभाए एगं महं सपायपीढं नाणामणिकणायरयणभत्तिचित्तं
 सुभं चारु कंतरूवं सीहासणां विउव्वइ (२) जे गोव समणे भगवं महावीरे
 ते गोव उवागच्छइ (२) समणां भगवं महावीरं तिक्खुत्तो आयाहिणां
 पयाहिणां करेइ (२) समणां भगवं महावीरं वंदइ नमंसइ (२) समणां भगवं
 महावीरं गहाय जे गोव देवच्छंदए ते गोव उवागच्छइ ५। सणियं (२)
 पुरत्थाभिमुहं सीहासणे णिसीयावेइ सणियं (२) निसीयावित्ता सयपागसह-
 स्सपागेहिं तिल्लेहिं अम्मगेइ (२) गंधकासाइएहि उल्लोलेइ (२) सुद्धोदण्णा
 मज्जावेइ (२) जस्स गां मुल्लं सयसहस्सेणां तिपडोलत्तिट्ठिएणां साहिएणां
 सीतेण गोसीसरत्त—चंदणेणां अणुलिंपइ (२) इसिं निस्सासवायवोज्झं
 वरनयरपट्टाणुगयं कुसलनरपमंसियं अस्सलालापेलवं छेयारियकणागखइयं-
 तकम्मं हंसलक्खणां पट्टजुयलं नियंसावेइ (२) हारं अद्धहारं उरत्थं नेवत्थं
 एगावलिं पालं वसुत्तं पट्टमउडरयणमालाउ आविंधावेइ आविंधावित्ता गंधिम-
 वेढिमपूरिमसंधाइमेणां मल्लेणां कण्णरुक्खमिव समलंकरेइ (२) ता दुच्चंपि
 महया वेउव्वियसमुग्घाएणां समोहणइ (२) एगं महं चंदप्पहं सिबियं
 सहस्सवाहणियं विउव्वति ६। तंजहा—ईहामिग-उसभ-तुरग-नर-मकर-
 विहग-वानर-कुंजर-रुरु-सरभ-चमर-सहल-सीह-वणालय भत्ति-चित्तं—लय-
 विज्जाहरमिट्ठुण-जुयल-जंत-जोग-जुत्तं, अचीसहस्समालिणीयं सुनिरुवियं
 मिसिमिसितरूवग-सहस्स-कलियं इसिं भिसमाणां भिम्मिसमाणां चक्खुल्लो-

यणालेसं मुत्ताहलमुत्ताजालन्तरोविष्यं तवणीय-पवरलंबूस-पलंबंत-मुत्तदामं
 हारद्धहारभूषण-समोण्यं अहियपिच्छणिज्जं पउमलयभत्तिचित्तं असोगलय-
 भत्तिचित्तं कुंदलयभत्तिचित्तं नाणालयभत्तिविरइयं सुभं चारु कंतरूवं नाणाम-
 णिपंचवन्न-घंटा-पडायपडिमंडियग्गसिहरं पासाइयं दरिसणिज्जं सुखं, ७ ।

सीया उवणीया जिणवरस्स-जरमरण-विप्पमुक्कस्स ।

ओसत्तमल्लदामा जलथलयदिव्वकुसुमेहिं ॥ १ ॥

सिबियाइ मज्झयारे दिव्वं वररयणारूवचिंचइयं ।

सीहासगां महरिहं सपायपीढं जिणवरस्स ॥ २ ॥

आलइयमालमउडो भासुरबुंदी वराभरणधारी ।

खोमियवत्यनियत्थो जस्स य मुल्लं सयसहस्सं ॥ ३ ॥

छट्ठेण उ भत्तेणं अज्झवसाणेण सुंदरेण जिणो ।

लेसाहि विसुज्झंतो आरुहई उत्तमं सीयं ॥ ४ ॥

सीहासणे निविट्ठो सकीसाणा य दोहि पासेहिं ।

वीयंति चामराहिं मणिरयणविचित्त-दंडाहिं ॥ ५ ॥

पुव्वि उक्खित्ता माणुसेहिं साहट्ठु रोमकूवेहिं ।

पच्छा वहंति देवा सुरअसुरा गरुलनागिंदा ॥ ६ ॥

पुरओ सुरा वहंती असुरा पुण दाहिणंमि पासंमि ।

अवरे वहंति गरुला नागा पुण उत्तरे पासे ॥ ७ ॥

वणसंडं व कुसुमियं पउमसरो वा जहा सरयकाले ।

सोहइ कुसुमभरेणां इय गगणयलं सुरगणेहिं ॥ ८ ॥

सिद्धत्थवणां व जहा कणयारवणां व चंपयवणां वा ।

सोहइ कुसुमभरेणां इय गगणयले सुरगणेहिं ॥ ९ ॥

वरपडहभेरिभल्लरि-संखसय-सहस्सिणहिं तूरेहिं ।

गयणयले धरणियले तूरनिनाओ परमरम्भो ॥ १० ॥

ततविततं घणभुसिरं आउज्जं चउव्विहं बहुविहीयं ।

वाइंति तत्थ देवा बहूहिं आनट्टगसएहिं ॥ ११ ॥

तेरां कालेरां तेरां समएणां जे से हेमंताणां पढमे मासे पढमे पक्खे
मग्गसिरबहुले तस्स रां मग्गसिरबहुलस्स दसमीपक्खेणां सुव्वएणां दिवसेरां
विजएणां मुहुत्तेणां हत्थुत्तरानक्खत्तेरां जोगोवगएणां पाइणागामिणीए छायाए
वियत्ताए बिइयाए पोरिसीए छट्ठेणां भत्तेणां अपाणाएणां एगसाडगमायाए
चंदप्पभाए सिबियाए सहस्सवाहिणियाए सदेवमणुयासुराए परिसाए समणि-
ज्जमाणो उत्तरखत्तिय-कुंडपुरसंनिवेसस्स मज्झमज्जेणां निगच्छइ (२) जेणोव
नायसंडे उज्जाणो तेणोव उवागच्छइ (२) इसिं रयणिप्पमाणां अच्छोप्पेरां भूमि-
भाएणां सणियं (२) चंदप्पमं सिबियं सहस्सवाहिणिं ठ्वेइ (२), सणियं (२)
चप्पभाओ सीयाओ सहस्सवाहिणीओ पच्चोयरइ (२), सणियं (२) पुरत्था-
भिमुहे सीहासणो निसीयइ आभरणांलंकारं ओमुअइ १। तओ रां वेसमणो
देवे भत्तुव्वायपडिओ भगवओ महावीरस्स हंसलक्खणोणां पडेणां आभरणा-
लंकारं पडिच्छइ, १०। तओ रां समणो भगवं महावीरे दाहिणोणां दाहिणां
वामेरां वामं पंचमुट्ठियं लोयं करेइ ११। तओ रां सक्के देविंदे देवराया
समणस्स भगवओ महावीरस्स जन्नवायपडिए वइरामएणां थालेणां केसाइं
पडिच्छइ (२) अणुजाणोसि भंते त्तिकट्टु खीरोयसागरं साहरइ, १२।
तओ रां समणो जाव लोयं करित्ता सिद्धाणां नमुक्कारं करेइ (२),
सव्वं मे अकरणिज्जं पावकम्मं त्तिकट्टु सामाइयं चरित्तं पडिवज्जइ २
देवपरिसं च मणुयपरिसं च आलिक्खचित्तभूयमिव ठ्वेइ १३। दिव्वो
मणुस्सघोसो तुरियनिनाओ य सक्कवयणोणां । खिप्पामेव निलुक्को जाहे पडि-
वज्जइ चरित्तं ॥१॥ पडिवज्जित्तु चरित्तं अहोनिसं सव्वपाणभूयहियं ।
साहट्टु लोमपुलया सव्वे देवा निसामिति ॥ २-१४ ॥ तओ रां समणस्स
भगवओ महावीरस्स सामाइयं सओवसमियं चरित्तं पडिवज्जस्स मणपज्जवनाणो

नामं नाणो समुप्पन्ने अड्ढाइज्जेहिं दीवेहिं दोहि य समुदेहिं सन्नीणं पंचि-
 दियाणं पज्जत्ताणं वियत्तमेणसाणं मणोगयाइं भावाइं जाणेइ १५ । तत्रो णं
 समणो भगवं महावीरे पव्वइए समाणो मित्तनाइं सयणासंबंधिवग्गं पांडविस-
 ज्जेइ, (२), इमं एयारूवं अभिग्गहं अभिगिरहइ—वारस वासाइं वोसट्ठकाए
 वियत्तदेहे जे केइ उवसग्गा समुप्पज्जंति, तंजहा—दिवा वा माणुस्सा वा
 तेरिच्छिया वा, ते सव्वे उवसग्गे समुप्पन्ने समाणो सम्मं सहिस्सामि खमि-
 स्सामि अहिआसइस्सामि १६। तत्रो णं समणो भगवं महावीरे इमं एयारूवं
 अभिग्गहं अभिगिरिहत्ता वोसिट्ठवत्तदेहे दिवसे मुहुत्तसेसे कुम्मारगामं
 समणुपत्ते १७। तत्रो णं समणो भगवं महावीरे वोसिट्ठवत्तदेहे अणुत्तरेणं
 आलएणं अणुत्तरेणं विहारेणं एवं संजमेणं पग्गहेणं संवरेणं तवेणं वंम-
 चेरवासेणं खंतीए मुत्तीए समिइए गुत्तीए लुट्ठीए ठाणेणं कमेणं सुचरियफल-
 निव्वाणमुत्तिमग्गेणं अप्पाणं भावेमाणो विहरइ, एवं वा विहरमाणस्स जे
 केइ उवसग्गा समुप्पज्जंति—दिवा वा माणुस्सा वा त्तिरिच्छिया वा, ते
 सव्वे उवसग्गे समुप्पन्ने समाणो अणाज्जे अव्वहिए अदीणमाणसे तिविह-
 मणवयणकायगुत्ते सम्मं सहइ खमइ तितिकखइ अहियासेइ १८। तत्रो णं
 समाणस्स भगवओ महावीरस्स एणं विहारेणं विहरमाणस्स वारस वासा
 वीइक्कंता तेरसमस्स य वासस्स परियाए वट्टमाणस्स जे से गिम्हारां दुच्च-
 मासे चउत्थे पक्खे वइसाहसुद्धे तरस रां वेसाहसुद्धस्स दसमीपक्खेणं सुव्व-
 एणं दिवसेणं विजएणं मुहुत्तेणं हत्थुत्तराहिं नक्खत्तेणं जोगोवगंएणं
 पाइणगामिणीए छायाए वियत्ताए पोरिसीए जंभियगामस्स नगरस्स
 बहिया नइए उज्जुवालियाए उत्तरकूले सामागस्स गाहावइस्स कट्टकरांसि
 उड्ढंजाणुअहोसिरस्स भाणकोट्टोवगयस्स वेयावत्तस्स चेइयस्स उत्तरपुरच्छि-
 मे दिसीभागे सालरूक्खस्स अदूरसामंते उक्कड्डयस्स गोदोहियाए आयावणाए
 आयावेमाणस्स छट्ठेणं भत्तेणं अपाणएणं सुक्कज्जारांतरियाए वट्टमाणस्स

निव्वारो कसिणो पडिपुन्ने अब्बाहए निरावरणो अण्णंते अणुत्तरे केवलवरणा-
 णदंसणो समुप्पन्ने १६। से भगवं अरहं जिणो (जाणए) केवली सब्बन्नू
 सब्बभावदरिसी सदेवमणुयासुरस्स लोगस्स पज्जाए जाणइ, तंजहा--आगइं
 गइं ठिइं चयणं उववायं भुत्तं पीयं कडं पडिसेवियं आविकम्मं, रहोक्कम्मं
 त्तवियं कहियं मणोमाणसियं सब्बलोए सब्बजीवाणं सब्बभावाइं जाणमाणो
 पासमाणो एवं च णं विहरइ २०। जराणं दिवसं समणस्स भगवओ महावीरस्स
 निव्वारो कसिणो (त्तच्चण्णो, निच्चणोए) जाव सुमुप्पन्ने तराणं दिवसं भवणा-
 चइवाणमंतर-जोइसियविमाणवासिदेवेहि य देवीहिं उवयंतेहिं जाव उप्पिज-
 लगम्भूए यावि हुत्था २१। तथो णं समणो भगवं महावीरे उप्पन्नवरणा-
 दंसणधरे अप्पाणं च लोगं च अभिसमिक्ख पुच्चं देवाणं धम्ममाइक्खइ २२।
 ततो पच्छा मणुस्साणं, तथो णं समणो भगवं महावीरे उप्पन्ननाणदस-
 णधरे गोयमाइणं समणाणं पंच महव्वयाइं सभावणाइं छज्जीवनिकाया
 आतिक्खति भासइ परूवेइ, तं-पुढ्वीकाए जाव तसकाए, पढमं भंते ! मह-
 व्वयं पच्चक्खामि सब्बं पाणाइवायं से सुहुमं वा वायरं वा तसं वा थावरं
 वा नेव सयं पाणाइवायं करिज्जा (३) जावज्जीवाए तिविहं तिविहेणं मणसा
 चयसा कायसा तस्सं भंते पडिक्कमामि निंदामि गरिहामि अप्पाणं वोसिरामि
 २३। तस्सिमाओ पंचभावणाओ भवंति, तत्थिमा पढमा भावणा-इरियासमिए
 से निग्गंथे नो अणइरियासमिएत्ति, केवली बूया-अणइरियासमिए से निग्गंथे
 पाणाइं भूयाइं जीवाइं सत्ताइं अभिहणिज्ज वा वत्तिज्ज वा परियाविज्ज वा
 लेसिज्ज वा उद्विज्ज वा, इरियासमिए से निग्गंथे नो इरिया-असमिइत्ति
 पढमा भावणा १। अहावरा दुच्चा भावणा-मणं परियाणइ से निग्गंथे, जे य
 मणो पावणं सावज्जे सकिरिए अराहयकरे छेयकरे भेयकरे अहिगरणिए
 पाउसिए पारियाविए पाणाइवाइए भूओवघाइए, तहप्पगारं मणं नो पधा-
 रिज्जा गमणाए, मणं परिजाणइ से निग्गंथे, जे य मणो अपावएत्ति दुच्चा

ભાવણા ૨। અહાવરા તચ્ચા ભાવણા-વડં પરિજાણઇ સે નિગ્ગંથે, જા ય વડ
 પાવિયા સાવજ્ઞા સકિરિયા જાવ મૂયોવઘાઇયા તહપ્પગારં વડં નો ઉચ્ચા-
 રિજ્ઞા, જે વડં પરિજાણઇ સે નિગ્ગંથે, જાવ વડ અપાવિયત્તિ તચ્ચા ભાવણા
 ૩। અહાવરા ચઉત્થા ભાવણા-આયાણમંડમત્તનિવસેવણાસમિણ, સે નિગ્ગંથે,
 નો અણાયમંડમત્ત-નિવસેવણાસમિણ, કેવલી બૂયા-આયાણ-મંડમત્તનિવસે-
 વણાસમિણ સે નિગ્ગંથે પાણાઇં મૂયાઇં જીવાઇં સત્તાઇં અભિહણિજ્ઞા વા
 જાવ ઉદ્ધવિજ્ઞ વા, તમ્હા આયાણમંડમત્તનિવસેવણાસમિણ સે નિગ્ગંથે, નો
 આયાણમંડમત્તનિવસેવણા-સમિણત્તિ ચઉત્થા ભાવણા ૪। અહાવરા પંચમા
 ભાવણા-આલોડય-પાણમોયણમોઇ સે નિગ્ગંથે નો અણાલોડય-પાણમોય-
 ણમોઇ કેવલી બૂયા-અણાલોડયપાણમોયણમોઇ સે નિગ્ગંથે પાણાણિ વા (૪)
 અભિહણિજ્ઞ વા જાવ ઉદ્ધવિજ્ઞ વા, તમ્હા આલોડય પાણમોયણમોઇ સે
 નિગ્ગંથે નો અણાલોડયપાણમોયણમોઇતિ પંચમા ભાવણા ૫। ૨૪। ઇયાવતા
 મહવ્વણ સમ્મં કાણા ફાસિણ પાલિણ તીરિણ કિટ્ટિણ અવટ્ટિણ આણાણ
 આરાહિણ યાંવિ મવ્વઇ, પઢમે મંતે ! મહવ્વણ પાણાઇવાયાઓ વેરમણં ૨૫।
 અહાવરં દુચ્ચં મહવ્વયં પચ્ચક્કામિ, સવ્વં મુસાવાયં વડ્ડોસં, સે કોહા વા
 લોહા વા મયા વા હાસા વા નેવ સયં મુસં માસિજ્ઞા નેવન્નેણં મુસં માસા-
 વિજ્ઞા અન્નંપિ મુસં માસંતં ન સમણુમન્નિજ્ઞા તિવિહં તિવિહેણ મણાસા
 વયસા કાયસા, તસ્સ મંતે ! પઢિક્કમામિ જાવ વોસિરામિ ૨૬। તસ્સિમાઓ
 પંચ ભાવણાઓ મવંતિ-તત્થિમા પદમા ભાવણા-અણુવીડમાસી સે નિગ્ગંથે
 નો અણુવીડમાસી કેવલી બૂયા-અણુવીડમાસી સે નિગ્ગંથે સમાવજ્ઞિજ્ઞ
 મોસં વયણાણ, અણુવીડમાસી સે નિગ્ગંથે નો અણુવીડમાસિત્તિ પદમા ભાવણા
 ૧। અહાવરા દુચ્ચા ભાવણા કોહં પરિયાણઇ સે નિગ્ગંથે નો કોહણે સિયા,
 કેવલી બૂયા-કોહપ્પત્તે કોહત્તં સમાવડજ્ઞા મોસં વયણાણ, કોહં પરિયાણઇ
 સે નિગ્ગંથે ન ય કોહણે સિયત્તિ દુચ્ચા ભાવણા ૨। અહાવરા તચ્ચા

भावणा-लोभं परियाणइ से निग्गंथे नो अ लोभणए सिया, केवली बूया-लोभपत्ते लोभी समावइज्जा मोसं वयणाए, लोभं परियाणइ से निग्गंथे नो य लोभणए सियत्ति तच्चा भावणा ३। अहावरा चउत्था भावणा-भयं परिजाणइ से निग्गंथे नो भयभीरुए सिया, केवली बूया-भयपत्ते भीरुसमावइज्जा मोसं वयणाए, भयं परिजाणइ से निग्गंथे नो भयभीरुए सिया चउत्था भावणा ४। अहावरा पंचमी भावणा-हासं परियाणइ से निग्गंथे नो य हासणए सिया, केवली बूया-हासपत्ते हासी समावइज्जा मोसं वयणाए, हासे परियाणइ से निग्गंथे नो हासणए सियत्ति पंचमी भावणा ५-२७ । एतावता दोच्चे महव्वए सम्मं काएण फासिए जाव आणाए आराहिए यावि भवइ दुच्चे भंते महव्वए २८। अहावरं तच्चं भंते ! महव्वयं पच्च-क्खामि सव्वं अदिन्नादाणां, से गामे वा नगरे वा रन्ने वा अण्णं वा बहुं वा अणुं वा थूलं वा चित्तमंतं वा अचित्तमंतं वा नेव सयं अदिन्नं गिरिहज्जा नेवन्नेहिं अदिन्नं गिरहाविज्जा अदिन्नं अन्नंपि गिरहंतं न समणुजाणिज्जा जावज्जीवाए जाव वोसिरामि २९। तस्सिमाओ पंच भावणाओ भवंति, तत्थिमा पढमा भावणा-अणुवीइ मिउग्गहं जाइ से निग्गंथे नो अणुणुवीइ मिउग्गहं जाइ से निग्गंथे, केवली बूया-अणुणुवीइ मिउग्गहं जाइ निग्गंथे, अदिन्नं गिरहेज्जा, अणुवीइ मिउग्गहं जाइ से निग्गंथे नो अणुणुवीइ मिउग्गहं जाइत्ति पढमा भावणा १। अहावरा दुच्चा भावणा-अणुन्नविय पाणभोयणभोइ से निग्गंथे नो अणुणुन्नविय पाणभोयणभोइ, केवली बूया अणुणुन्नविय पाणभोयणभोइ से निग्गंथे अदिन्नं भुंजिजा, तम्हा अणुन्नविय पाणभोयणभोइ से निग्गंथे नो अणुणुन्नविय पाणभोयणभोइत्ति दुच्चा भावणा २। अहावरा तच्चा भावणा-निग्गंथेणां उग्गहंसि उग्गहियंसि एतावताव उग्गहणसीलए सिया, केवली बूया-निग्गंथेणां उग्गहंसि अणुग्गहियंसि एतावता अणुग्गहणसीले अदिन्नं ओगिरिह-

ज्ञा, निग्गंथेणां उग्गहं उग्गहियंसि एतावताव उग्गहणासीलएति तच्चा भावणा
 ३। अहावरा चउत्था भावणा--निग्गंथेणां उग्गहंसि उग्गहियंसि अभि-
 वखणां (२) उग्गहणासीलए सिया, केवली बूया निग्गंथेणां उग्गहंसि उ अभि-
 वखणां (२) अणुग्गहणासीले अदिन्नं गिरिहज्जा, निग्गंथे उग्गहंसि उग्ग-
 हियंसि अभिवखणां (२) उग्गहणासीलएत्ति चउत्था भावणा ४। अहावरा
 पंचमा भावणा--अणुवीइ मिउग्गहजाइ से निग्गंथे साहम्मिएसु, नो अण-
 णुवीइ मिउग्गहजाइ, केवली बूया--अणुणुवीइ मिउग्गहजाइ से निग्गंथे
 साहम्मिएसु अदिन्नं उगिरिहज्जा अणुवीइ-मिउग्गहजाइ से निग्गंथे साह-
 म्मिएसु नो अणुणुवीइ मिउग्गहजाती इइ पंचमा भावणा ५-३० । एता-
 वया तच्चे महव्वए सम्मं काएण फासिए जाव आणाए आराहए याविं
 भवइ, तच्चं भंते । महव्वयं ३१ । अहावरं चउत्थं महव्वयं पच्चक्खामि
 सव्वं मेहुणं से दिव्वं वा माणुस्सं वा तिरिक्खजोणियं वा नेव सयं मेहुणं
 गच्छेज्जा तं चेवं अदिन्नादाणवत्तव्वया भाणियव्वा जाव वोसिरामि ३२ ।
 तस्सिमाओ पंच भावणाओ भवंति, तत्थिमा पढमा भावणा--नो निग्गंथे
 अभिवखणां (२) इत्थीणां कंहं कहित्तए सिया, केवली बूया--निग्गंथे णं
 अभिवखणां (२) इत्थीणां कंहं कहेमाणे संतिभेया संतिविभंगा संतिकेवली-
 पन्नत्ताओ धम्माओ भंसिज्जा, नो निग्गंथेणां अभिवखणां (२) इत्थीणां कंहं
 कहित्तए सियत्ति पढमा भावणा १। अहावरा दुच्चा भावणा--नो निग्गंथे
 इत्थीणां मणोहराइं (२) इंदियाइं आलोइत्तए निज्झाइत्तए सिया, केवली बूया-
 निग्गंथेणां इत्थीणां मणोहराइं (२) इंदियाइं आलोएमाणे निज्झाएमाणे संति-
 भेया संतिविभंगा जाव धम्माओ भंसिज्जा, नो निग्गंथे इत्थीणां मणोहराइं
 (२) इंदियाइं आलोइत्तए निज्झाइत्तए सियत्ति दुच्चा भावणा २। अहावरा
 तच्चा भावणा--नो निग्गंथे इत्थीणां पुव्वरयाइं पुव्वकीलियाइं सुमरित्तए सिया,
 केवली बूया--निग्गंथेणां इत्थीणां पुव्वरयाइं पुव्वकीलियाइं सरमाणे संतिभेयां

जाव भंसिज्जा, नो निग्गंथे इत्थीणं पुव्वरयाइं पुव्वकीलियाइं सरित्तए सियत्ति
तच्चा भावणा ३। अहावरा चउत्था भावणा—नाइमत्तपाणभोयणभोइ से निग्गंथे
न पणीयरभोयणभोइ से निग्गंथे, केवली बूया-अइमत्तपाणभोयणभोयणभोइ से
निग्गंथे पणीयरसभोयणभोइ संतिभेया जाव भंसिज्जा, नाइमत्तपाणभोयणभोइ
से निग्गंथे नो पणीयरसभोयणभोइ त्ति चउत्था भावणा ४। अहावरा पंचमा
भावणा—नो निग्गंथे इत्थीपसुपंडगसंसत्ताइं सयणासणाइं सेवित्तए सिया,
केवली बूया—निग्गंथे णं इत्थीपसुपंडगसंसत्ताइं सयणासणाइं सेवेमारो संति-
भेया जाव भंसिज्जा, नो निग्गंथे इत्थीपसुपंडगसंसत्ताइं सयणासणाइं सेवित्तए
सियत्ति पंचमा भावणा ५-३३। एतावया चउत्थे महव्वए सम्मं काएणा
फासिए जाव आराहिए यावि भवइ, चउत्थं भंते ! महव्वयं ३४॥ अहावरं
पंचमं भंते ! महव्वयं सव्वं परिग्गहं पच्चक्खामि से अप्पं वा बहुं वा अणुं
वा थूलं वा चित्तमंतमचित्तं वा नेव सयं परिग्गहं गिहिहज्जा नेवन्नेहि
परिग्गहं गिरहाविज्जा अन्नंपि परिग्गहं गिरहंतं न समणुजाणिज्जा जाव
वोसिरामि ३५। तस्सिमाओ पंच भावणाओ भवंति, तत्थिमा पढमा भावणा-
सोयओ णं जीवे (मणुन्ना) मणुन्नाइं सदाइं सुणोइ मणुन्नामणुन्नेहिं सदेहि
नो सज्जिज्जा नो रज्जिज्जा नो गिज्जेज्जा नो मुज्झि(च्छे)ज्जा नो अज्झोवव-
ज्जिज्जा नो विणिघायमावज्जेज्जा, केवली बूया—निग्गंथे णं मणुन्नामणुन्नेहिं
सदेहिं सज्जमारो रज्जमारो जाव विणिघायमावज्जमारो संतिभेया संतिवि-
भंगा संतिकेवल्लिपन्नत्ताओ धम्माओ भंसिज्जा, न सक्का न सोउं
सद्दा, सोतविसयमागया । रागदोसा उ जे तत्थ, से भिक्खु परिवज्जए
॥ १ ॥ सोयओ जीवे मणुन्नामणुन्नाइं सदाइं सुणोइ पढमा भावणा १ ।
अहावरा दुच्चा भावणा—चक्खुओ जीवो मणुन्नामणुन्नाइं रूवाइं पासइ
मणुन्नामणुन्नेहिं रूवेहिं सज्जमारो जाव विणिघायमावज्जमारो संतिभेया
जाव भंसिज्जा, न सक्का रूवमहट्ठ, चक्खुविसयमागयं । रागदोसा उ जे

तत्थ, ते भिक्खु परिवज्जे ॥ १ ॥ चक्खुओ जीवो मणुन्नामणुन्नाइं रुवाइं पासइ, दुच्चा भावणा । अहावरा तच्चा भावणा—आणओ जीवे मणुन्नामणुन्नाइं गंधाइं अग्घायइ मणुन्नामणुन्नेहि गंधेहिं नो सज्जिजा नो रज्जिजा जाव नो विणिघायमावज्जिजा, केवली बूया-मणुन्नामणुन्नेहिं गंधेहिं सज्जमाणो जाव विणिघायमावज्जमाणो संतिमेया जाव भंसिजा, न सका गंधमग्घाउं; नासा-विसयमागयं । रागदोसा उ जे तत्थ, ते भिक्खु परिवज्जे ॥ १ ॥ घाणओ जीवो मणुन्नामणुन्नाइं गंधाइं अग्घाइत्ति तच्चा भावणा ३ । अहावरा चउत्था भावणा—जिब्भाओ जीवो मणुन्नामणुन्नाइं रसाइं अस्साएइ, मणुन्नामणुन्नेहिं रसेहिं नो सज्जिजा जाव नो विणिघायमावज्जिजा, केवली बूया—निग्गंथेणं मणुन्नामणुन्नेहिं रसेहिं सज्जमाणो जाव विणिघायमावज्जमाणो संतिमेया जाव भंसिजा,—न सका रसमस्माउं, जीहाविसयमागयं । रागदोमा उ जे तत्थ, ते भिक्खु परिवज्जे ॥ १ ॥ जीहाओ जीवो मणुन्नामणुन्नाइं रसाइं अस्साएइत्ति चउत्था भावणा ४ । अहावरा पंचमा भावणा—फासओ जीवो मणुन्नामणुन्नाइं फासाइं पडिसेवेएइ मणुन्नामणुन्नेहिं फासेहिं नो सज्जिजा जाव नो विणिघायमावज्जिजा, केवली बूया—निग्गंथेणं मणुन्नामणुन्नेहिं फासेहिं सज्जमाणो जाव विणिघायमावज्जमाणो संतिमेया संतिविभंगा संति-केवलीपन्नत्ताओ धम्माओ भंसिजा, न सका फासमवेएउं, फासविसयमागयं । रागदोसा उ जे तत्थ ते भिक्खु परिवज्जे ॥ १ ॥ फासओ जीवो मणुन्नामणुन्नाइं फासाइं पडिसेवेएत्ति पंचमा भावणा ५ । ३६। एतावता पंचमे महव्वते सम्मं अवट्टिए आणाए आराहिए यावि भवइ, पंचमं भते । महव्वयं ३७। इव्वेएहिं पंचमइव्वएहिं पणवीसाहि य भावणाहिं संपण्णे अणगारे अहाल्लुयं अहाकप्पं अहामग्गं सम्मं काएण फासित्ता पालित्ता तीरित्ता किट्टित्ता आणाए आराहित्ता यावि भवइ ३८ ॥सू० १७६॥

॥ इति तृतीयचूला-भावनाऽध्ययनम् ॥ श्रु० २ चू०-३ मूलतः-२४ ॥

॥ चतुर्थं चूला-विमुक्त्यध्ययनं ॥

अणिच्चमावासमुविंति जंतुणो, पलोयए सुच्चमिणं अणुत्तरं ।
उविसिरे विन्नु अगारबंधणं, अभीरु आरंभपरिगहं चए ॥१॥

तहागयं भिक्खुमरांतसंजयं, अणोलिसं विन्नु चरंतमैसणं ।
तुदंति वायाहि अभिद्वं नरा, सरेहिं संगामगयं व कुंजरं ॥२॥

तहप्पगारेहिं जणेहिं हीलिए, ससद्दफासा फरुसा उइरिया ।
तितिकखए नाणी अदुट्टवेअसा गिरिव्व वाएण न संपवेयए ॥३॥

उवेहमाणो कुसलेहिं संवंसे, अकंतदुक्खी तसथावरा दुही ।
अलूसए सब्बसहे महामुणी, तहा हि से सुस्समणे समाहिए ॥४॥

विऊनए धम्मपयं अणुत्तरं, विणीयतराहस्स मुणिस्स भायओ ।
समाहियस्सग्गिसिहा व तेयसा, तवो य पन्ना य जसो य वड्डइ ॥५॥

दिसोदिसंणंतजिणेण ताइणा, महव्वया खेमप गा पवेइया ।
महागुरू निस्सयरा उइरिया, तमेव तेउत्तिदिसं पगासगा ॥६॥

सिएहिं भिक्खु असिए परिव्वए, असज्जमिथीसु चइज्ज पूयणं ।
अणिस्सिओ लोगमिणं तहा परं, न मिज्जइ कामगुणेहिं पंडिए ॥७॥

तहा विमुक्कस्स परिन्नचारिणो, धिइमओ दुक्खखमस्स भिक्खुणो ।
विसुज्झइ जंसि मलं पुरेकडं, समीरियं रूपमलं व जोइणा ॥८॥

से हु परिन्नासमयंमि वट्टइ, निराससे उवरय मेहुणा चरे ।
भुयंगमे जुन्नतयं जहा चए विमुच्चइ से दुहसिज्ज माहणे ॥९॥

जमाहु ओहं सलिलं अपारयं, महासमुदं व भुयाहि दुत्तरं ।
अहे य णं परिजाणाहि पंडिए, से हु मुणी अंतकडेत्ति बुच्चइ ॥१०॥

जहा हि बद्धं इह माणावेहिं, जहा य तेसिं लु विमुक्खयाहिए ।

अहा तहा बंध विमुक्ख जे विऊ, से हु मुणी अंतकडेत्ति वुच्चइ ॥११॥

इमंमि लोए परए य दोसुवि, न विज्जइ बंधण जस्स किंचि वि ।


से हु निरालंबणमप्पइट्टिए, कलंकलो भावपहं विमुच्चइ ॥१२॥ तिवेमि

॥ इति चतुर्थ-चूला-विमुक्त्यध्ययनम् ॥श्रु०२-चू०४-मूलतः--२५

॥ इति द्वितीय-श्रुतस्कन्धः ॥ २ ॥

॥ इति श्रीमदाचारांग-सूत्रम् ॥

॥ ग्रंथाग्रं-२५५४ ॥



॥ अहम् ॥

गणधरदेव श्रीमत्सुधर्मस्वामिनिर्मितं

॥ श्रीमत्सूत्रकृताङ्गम् ॥

॥ अथ समयाख्ये प्रथमाध्ययने प्रथमोद्देशकः ॥

बुद्धिजति तिउ(तिक्कु)ट्टिज्जा, बंधणां परिज्जाणिया । किमाह बंधणां
वीरो, किंवा जाणां तिउट्टई ? ॥१॥ चित्तमन्तमचित्तं वा, परिगिज्झ किंसा-
मवि । अन्नं वा अणुजाणाइ, एवं दुक्खा ण मुच्चइ ॥२॥ सयं तिवायए
पाणो, अदुवाऽन्नेहिं घायए । हरांतं वाऽणुजाणाइ, वेरं वड्ढइ अप्पणो ॥३॥
जस्सि कुले समुप्पन्ने, जेहिं वा संवसे नरे । ममाइ लुप्पई बाले, अराणो
अराणोहि मुच्छिइ ॥४॥ वित्तं सोयरिया चेत्तु, सव्वमेयं न ताणइ । संखाए
जीविअं चेवं, कम्मणा उ तिउट्टइ ॥५॥ एए गंथे विउक्कम्म, एगे समणमा-
हणा । अयागांता विउस्सित्ता, सत्ता कामेहि माणावा ॥६॥ संति पंच मह-
व्वभूया, इहमेगेसिमाहिया । पुढ्वी आउ तेऊ वा, वाउ आगासपंचमा ॥७॥
एए पंच महव्वभूया, तेव्वो एगोत्ति आहिया । अह तेसिं विणासेणां, विणासो
होइ देहिणो ॥८॥ जहा य पुढ्वीथूमे, एगे नाणाहि दीसइ । एवं भो !
कसिणो लोए, विन्नू नाणाहि दीसइ (वड्ढइ) ॥९॥ एवमेगेत्ति जप्पंति, मंदा
आरंभणिस्सिआ । एगे किच्चा सयं पावं, तिव्वं दुक्खं (तेरां तिव्वं) नियच्छइ
॥१०॥ पत्तेअं कसिणो आया, जे बाला जे अ पंडिआ । संति पिच्चा न ते
संति, नत्थि सत्तोववाइया ॥११॥ नत्थि पुराणो व पावे वा, नत्थि लोए इतो
वरे । सरीरस्स विणासेणां, विणासो होइ देहिणो ॥१२॥ कुव्वं च कारयं चेव,
सव्वं कुव्वं न विज्जई । एवं अकारओ अप्पा, एवं ते उ पगव्विआ १३॥ जे
ते उ वाइणो एवं, लोए तेसिं कओ सिय ! । तमाओ ते तमं जंति, मंदा आरंभ

निस्सिया ॥१४॥ संति पंच महब्भूया, इहमेगेसि आहिया । आयळट्टो पुणो
 आहु, आया लोगे य सासए ॥१५॥ दुहत्थो ण विणस्संति, नो य उप्पज्जए
 असं । सव्वेऽवि सव्वहा भावा, नियत्तीभावमागया ॥१६॥ पंच खंधे वयंतेगे,
 बाला उ खणजोइणो । अगणो अणगणो गोवाहु, हेउयं च अहेउयं ॥१७॥
 पुढवी आउ तेऊ य, तहा वाऊ य एगत्थो । चत्तारि धाउणो ख्वं, एवमा-
 हंसु आवरे ॥१८॥ अगारमावसंतावि, अरगणा वावि पव्वया । इमं दरिस-
 णमावगणा, सव्वदुक्खा विमुच्चई ॥१९॥ ते णावि संधिं णच्चा णं, न ते
 धम्मवित्थो जणा । जे ते उ वाइणो एवं, न ते ओहंतराऽऽहिया ॥२०॥ ते
 णावि संधिं णच्चा णं, न ते धम्मवित्थो जणा । जे ते उ वाइणो एवं, न
 ते संसारपारगा ॥२१॥ ते णावि संधिं णच्चा णं, न ते धम्मवित्थो जणा ।
 जे ते उ वाइणो एवं, न ते गव्वस्स पारगा ॥२२॥ ते णावि संधिं णच्चा
 णं, न ते धम्मवित्थो जणा । जे-ते उ वाइणो एवं, न ते जम्मस्स पारगा
 ॥२३॥ ते णावि संधिं णच्चा णं, न ते धम्मवित्थो जणा । जे ते उ वाइणो
 एवं, न ते दुक्खस्स पारगा ॥२४॥ ते णावि संधिं णच्चा णं, न ते धम्म-
 वित्थो जणा । जे ते उ वाइणो एवं, न ते मारस्स पारगा ॥२५॥ नाणा-
 विहाइं दुक्खाइं, अणुहोति पुणो पुणो । संसारचकवालंमि, मच्चुवाहिजरा-
 कुले ॥२६॥ उच्चावयाणि गच्छंता, गव्वमेस्संति णंतसो । नायपुत्ते महा-
 वीरे, एवमाह जिणोत्तमे ॥२७॥ इति बेमि ॥

॥ इति प्रथमाध्ययने प्रथमोद्देशकः ॥१-१॥

॥ अथ प्रथमाध्ययने द्वितीय उद्देशकः ॥

आघायं पुण एगेसिं, उववराणा पुढो जिया । वेदयंति सुहं दुक्खं,
 अदुवा लुप्पंति ठाणत्थो ॥१॥ न तं सयं कडं दुक्खं, कत्थो अन्नकडं च
 णं ? । सुहं वा जइवा दुक्खं, सेहियं वा असेहियं ॥२॥ सयं कडं न

अरागोहिं, वेदयंति पुढो जिया । संगइअं तं तहा तेसिं, इहमेगेसि आहिअं
 ॥३॥ एवमेयाणि जंपंता, बाला पंडिअमाणिणो । निययानिययं संतं, अया-
 णंता अबुद्धिया ॥४॥ एवमेगे उ पासत्था, ते भुज्जो विप्पगब्भिया । एवं
 उवट्ठि(पवट्ठि)आ संता, ण ते दुक्खविमोक्खया ॥५॥ जविणो मिगा
 जहा संता, परिताणेण वज्जिआ । असंकिआइं संकंति, संकिआइं असंकिणो
 ॥६॥ परियाणिआणि संकंता, पासिताणि असंकिणो । अराणाणभयसंवि-
 ग्गा, संपलिति तहिं तहिं ॥७॥ अह तं पवेज्ज बज्झं, अहे बज्झस्स वा वए
 मुच्चेज्ज पयपासाओ (पयपासाई), तं तुमं दे ण देहए ॥८॥ अहिअप्पाअहि
 यपराणाणे, विसमंतेणुवागते । स बद्धे पयपासेणं, तत्थ घायं नियच्छइ ॥९॥
 एवं तु समणा एगे, मिच्छदिट्ठी अणारिया । असंकिआइं संकंति, संकिआइं
 असंकिणो ॥१०॥ धम्मपराणावणा जा सा, तं तु संकंति मूढगा । आरंभाइं
 न संकंति, अविअत्ता अकोविया ॥११॥ सव्वप्पगं विउक्कस्सं, सव्वं णूमं
 विह्वणिआ । अप्पत्तिअं अकम्मंसे, एयमट्ठं मिगे चुए ॥१२॥ जे एयं नाभि-
 जाणंति, मिच्छदिट्ठी अणारिया । मिगा वा पासबद्धा ते, घायमेसंति णंतसो
 ॥१३॥ माहणा समणा एगे, सव्वे नाणं सयं वए । सव्वलोगेअवि जे पाणा,
 न ते जाणंति किंचण ॥१४॥ मिलक्खु अमिलक्खुस्स, जहा वुत्ताणुभासए
 ण हेउं से विजाणाइ, भासिअं तअणुभासए ॥१५॥ एमवन्नाणिया नाणं,
 वयंतावि सयं सयं । निच्छयत्थं न याणंति, मिलक्खुव्व अओहिया ॥१६॥
 अन्नाणियाणं वीमंसा, अराणाणे ण (नाणे नो व) विनियच्छइ । अप्पणो
 य परं नालं, कुनो अन्नाणुसासिउं ? ॥१७॥ वणे मूढे जहा जंतू, मूढे
 णेयाणुगामिए । दोवि एए अकोविया, तिव्वं सोयं नियच्छइ ॥१८॥ अंधो
 अंधं पहं णितो, दूरमद्धाणु गच्छइ । आवज्जे उप्पहं जंतू, अदुवा पंथाणुगामिए
 ॥१९॥ एवमेगे णियायट्ठी, धम्ममाराहगा वयं । अदुवा अहम्ममावज्जे, ण
 ते सज्जज्जुयं वए ॥२०॥ एवमेगे वियकाहिं, नो अन्नं पज्जुवासिया ।

अप्पणो य वियक्काहिं, अयमंजूहिं दूमई ॥२१॥ एवं तकाइ साहिंता, धम्मा-
 धम्मे अकोविया । दुक्खं ते नाइतुट्ठंति, सउणी पंजरं जहा ॥२२॥ सयं
 सयं पसंसंता, गरहंता परं वयं । जे उ तत्थ विउत्संति, संसारं ते विउ-
 स्सिया ॥२३॥ अहावरं पुरक्खायं, किरियावाइदरिसणं । कम्मचिंतापणट्ठाणं
 दुक्खखंधस्स वड्डणं (संसारस्स पवड्डणं) ॥२४॥ जाणं काएणऽणाउट्ठी, अउहो
 जं च हिंसति । पुट्ठो संवेदइ परं, अवियत्तं खु सावज्जं ॥२५॥ संतिमे तउ
 आयाणा, जेहिं कीरइ पावगं । अभिक्कमा य पेसा य, मणसा अणुजाणिया
 ॥२६॥ एते उ तउ आयाणा, जेहिं कीरइ पावगं । एवं भावविसोहीए,
 निव्वाणमभिगच्छइ ॥२७॥ पुत्तं पिया समारब्भ, आहारेज्ज असंजए ।
 भुंजमाणो य मेहावी, कम्मणा नोवलिप्पइ ॥२८॥ मणसा जे पउत्संति,
 चित्तं तेसिं ण विज्जइ । अणवज्जमतहं तेसिं, ण ते संबुड्चारिणो ॥२९॥
 इच्चेयाहि य दिट्ठीहिं, सातागारवणिस्सिया । सरणांति मन्नमाणा, सेवंती
 पावगं जणा ॥३०॥ जहा अस्साविणिं णावं, जाइअंधो दुरूहिया । इच्छई
 (इच्छिज्जा) पारमागंतुं, अंतरा य विसीयई ॥३१॥ एवं तु समणा एगे,
 मिच्छदिट्ठी अणारिया । संसारपारकंखी ते, संसारं अणुपरियट्ठंति ॥३२॥

स्तिवेमि ॥ गाथाग्रं ॥५६॥ इति प्रथमाध्ययने द्वितीयोद्देशकः ॥१-२॥

॥ अथ प्रथमाध्ययने तृतीयोद्देशकः ॥

जं किंचि उ पूइकडं, सट्ठीमागंतुभीहियं । सहस्संतरियं भुंजे, दुपक्खं
 चेव सेवइ ॥ १ ॥ तमेव अवियाणंता, विसमंसि अकोविया । मच्छा वेसा-
 लिया चेव, उदगस्सऽभियागमे ॥ २ ॥ उदगस्स पमावेणं, सुक्कं सिग्घं तमिति
 उ(सुक्कंमि घातमिति उ) ढंकेहि य कंकेहि य, आमिसत्थेहिं ते दुट्ठी ॥ ३ ॥
 एवं तु समणा एगे, वट्टमाणसुहेसिणो । मच्छा वेसालिया चेव, घातमेस्संति
 णंतसो ॥ ४ ॥ इणमन्नं तु अन्नाणं, इहमेगेसि आहियं । देवउत्ते अयं

लोए, बंभउत्तेति आवरे ॥ ५ ॥ ईसरेण कडे लोए, पहाणाइ तहावरे ।
जीवाजीवसमाउत्ते, सुहदुक्खसमन्निए ॥ ६ ॥ सयंभुणा कडे लोए, इति वुत्तं
महसिणा । मारेण संथुया माया, तेण लोए असासए ॥ ७ ॥ माहणा समणा
एगे, आह अंडकडे जगे । असो तत्तमकासी य, अयाणांता मुसं वदे ॥ ८ ॥
सएहिं परियाएहिं, लोयं बूया कडेति य । तत्त ते ण विजाणंति (नाभिजा-
णंति) ण विणासी कयाइवि ॥ ९ ॥ अमणुन्नसमुप्पायं, दुक्खमेव विजा-
णिया । समुप्पायमजाणांता, कहं नायति संवर ? ॥ १० ॥ सुद्धे अपावए
आया, इहमेगेसिमाहियं । पुणो किट्ठापदांसेरां, सो तत्थ अवरज्झई ॥ ११ ॥
इह संवुडे मुणी जाए, पच्छा होइ अपावए । वियडंबु जहा भुज्जो, नीरयं
सरयं तहा ॥ १२ ॥ एताणुवीति मेधावी, बंभचेरेण ते वसे । पुढो पावाउया
सब्बे, अक्खायारो सयं सयं ॥ १३ ॥ सए सए उवट्ठाणे, सिद्धिमेव न
अन्नहा । अहो इहेव वसवत्ता, सब्बकामसमप्पिए ॥ १४ ॥ सिद्धा य ते
अरोगा य, इहमेगेसिमाहियं । सिद्धिमेव पुरो काउं, सासए गढिआ नरा
॥ १५ ॥ असंवुडा अणादीयं, भमिहिंति पुणो पुणो । कप्पकालमुवज्जंति,
ठाणा आसुरकिव्विसिया ॥ १६ ॥

॥ इति बेम्भि ॥ अं० ७५ ॥ इति प्रथमाध्ययने तृतीयोद्देशकः १-१॥

॥ अथ प्रथमाध्ययने चतुर्थ उद्देशकः ॥

एते जिया भो । न सरणां, बाला पडियमाणिणो (जत्थ बालेज्वसी-
यति) । हिच्चा रां पुब्बसंजोगं, सिया किच्चोवएसगा ॥ १ ॥ तं च भिक्खु
परिन्नाय, वियं तेसु ण मुच्छए । अणुक्खसे अप्पलीणे, मज्जेण मुणि जावए
॥ २ ॥ सपरिग्गहा य सारंभा, इहमेगेसिमाहियं । अपरिग्गहा अणारंभा,
भिक्खु तारां परिव्वए ॥ ३ ॥ कडेसु घासमेसेज्जा, विऊ दत्तेसणां चरे ।
अगिद्धो विप्पमुक्को अ, ओमारां परिवज्जए ॥ ४ ॥ लोगवायं णिसामिज्जा,

इहमेगेसिमाहियं । विपरीयपन्नमंभूयं, अन्नउत्तं तयाणुयं ॥५॥ अण्ते
 निइए लोए, सासए ण विणस्सती । अंतवं गिइए लोए, इति धीरोऽति-
 पासइ ॥ ६ ॥ अपरिमाणां वियाणाई, इहमेगेसिमाहियं । सब्बत्थ सपरिमाणां,
 इति धीरोऽतिपासई ॥ ७ ॥ जे केइ तसा पाणा, चिट्ठंति अदु थावरा ।
 परियाए अत्थि से अंजू, जेणा ते तसथावरा ॥ ८ ॥ उरालं जगतो जोगं,
 विवज्जासं पलिति य । सब्बे अक्कंतदुक्खा य, अत्थो सब्बे अहिंसिता ॥ ९ ॥
 एयं खु नाणिणो सारं, जन्न -हिंसइ किंचण । अहिंसासमयं चेव, एतावन्तं
 वियाणिथा ॥ १० ॥ बुसिए य विगयगेही (विगयगिद्धी य) आयाणीयं
 संरक्खए (आयाणां सं (सम्म)रक्खए) । वरिआसणासेज्जासु, भत्तपाणे अ
 अंतसो ॥ ११ ॥ एतेहिं तिहिं ठाणेहिं, मंजए सततं मुणी । उक्कसं जलणं ग्लूमं,
 मज्झत्थं च विगिंचए ॥ १२ ॥ समिए उ सया साहु, पंचसंवरसंबुडे । सिएहि
 असिए भिक्खू, आमोक्खाय परिव्वएज्जासि ॥ १३ ॥ त्तिवेमि ॥

॥ इति प्रथमाध्ययने चतुर्थोद्देशकः ॥ १-४ ॥ इति प्रथमाध्ययनम् ॥ १ ॥

॥ अथ वैतालीयाख्ये द्वितीयाध्ययने प्रथमोद्देशकः ॥

संबुज्झह किं न बुज्झह?, संबोही खलु पेच्च दुल्लहा । णो हूवणमंति
 राइओ, नो सुलभं पुण्णरावि जीवियं ॥ १ ॥ डंहरा बुद्धा य पासह गब्भत्था
 वि चयंति साणावा । सेणे जह वट्ठयं हरे एवं आउखयंमि तुट्ठई (जीवाण
 जीवियं) ॥ २ ॥ मायाहि पियाहिं लुप्पइ, नो सुलहा सुगई य पेच्चओ ।
 एयाइं भयाइं पेहिया, आरम्भा विरमेज्ज सुव्वए सुट्ठिए ॥ ३ ॥ जमिणं जगती
 पुढा जगा, कम्मेहि लुप्पंति पाणिणो । सयमेव कडेहिं गाहइ, णो तस्स
 मुच्चेज्जऽपुट्ठयं ॥ ४ ॥ देवा गंधर्वरक्खसा, असुरा भूमिचरा सरिसिवा । राया
 नरसेट्ठिमाहणा, ठाणा तेऽवि चयंति दुक्खिया ॥ ५ ॥ कामेहिं ण संधवेहि
 गिद्धा (कामे हि य संधवे हि य) कम्ममहा कालेण जंतवो । ताले जइ

बंधाच्चुए, एवं आउखयंमि लुट्ती ॥६॥ जे यात्रि बहुस्सुए सिया
(सुई), धम्मिय माहणभिक्षुए सिया । अभिण्णमकडेहि मुच्छिए, तिव्वं ते
कम्मेहिं किञ्चती ॥७॥ अह पास विवेगमुट्ठिए, अवितिन्ने इह भासई धुवं ।
णाहिसि आरं कच्चो परं वेहासे कम्मेहिं किञ्चती ॥८॥ जइ वि य णिगणे
किंसे चरे, जइविय भुंजिय मासमंतसो । जे इह मायाइ मिज्जई, आगंता गव्भाय
णंतसो ॥९॥ पुरिसोरम पावकम्मणा, पलियंतं मणुयाण जीवियं । सन्ना
इह काममुच्छिआ, मोहं जंति नरा असंबुडा ॥१०॥ जययं विहराहि जोगवं
अणुपाणा पंथा दुरुत्तरा । अणुसासणमेव पक्कमे, वीरेहिं समं पवेइयं ॥११॥
विरया वीरा समुट्ठिया, कोहकायरियाइपीसणा । पाणे ण हणंति सब्वसो,
पावाचो विरयाऽभिनिव्वुडा ॥१२॥ णवि ता अहमेव लुप्पए, लुप्पंती
लोअंसि पाणिणो । एवं सहिएहि पासए, अणिहे से पुट्ठे अहियासए
॥१३॥ धुणिया कुलियं व लेववं, किसए देहमणासणा इह । अविहिंसामेव
पव्वए, अणुधम्मो मुणिणा पवेदितो ॥१४॥ सजणी जह पंसुगुडिया, विहु-
णिय धंसयई सियं रयं । एवं दविओवहाणवं, कम्मं खवइ तवस्सिमाहणे
॥१५॥ उट्ठियमणगारमेसणं, समणं ठाणठियं तवस्सिणं । डहरा बुद्धा य
पत्थए, अवि सुस्से ण य तं लभेज्ज णो ॥१६॥ जइ कालुणियाणि कासिया,
जइ रोयंति य पुत्तकारणा । दवियं भिक्षुं समुट्ठियं, णो लब्भंति ण
संठवित्तए ॥१७॥ जइविय कामेहि लाविया, जइ गोज्जाहि ण बंधिउं घरं ।
जइ जीविय नावकंखए, णो लब्भंति ण संठ(सराण)वित्तए ॥१८॥ सेहंति
य णं ममाइणो, मायं पिया य सुया य भारिया । पोसाहि ण पासओ तुमं,
लोग परंपि जहासि पोसणो ॥१९॥ अन्ने अन्नेहिं मुच्छिआ, मोहं जंति
णारा असंबुडा । विसमं विसमेहिं गाहिया, ते पावेहिं पुणो पगव्विमया ॥२०॥
तम्हा दवि इक्खं पंडिए, पावाचो विरतेऽभिनिव्वुडे । पणए वीरं महाविहिं,
सिद्धिपहं णेआउयं धुवं ॥२१॥ वेयालियमग्गमागओ, मणवयंसाकायेण

संबुडो । चिच्चा वित्तं च णायथो, आरंभं च सुसंबुडे चरे ॥२२॥

स्तित्वेमि ॥ गाथाग्रं १२० ॥ इति द्वितीयाध्ययने प्रथमोद्देशकः ॥२-१॥

॥ अथ द्वितीयाध्ययने द्वितीय उद्देशकः ॥

तयसं व जहाड से रयं, इति संखाय मुणी ण मज्झई । गोयन्नतरेण
 माहणे (जे विऊ) अहसेयकरी अनंसी(सि) इंसिणी ॥१॥ जो परिमवइ परं
 जणां, संसारे परिवत्तई महं (चिरं) । अहु इंसिणिया उ पाविया, इति संखाय
 मुणी ण मज्झई ॥२॥ जे यावि अणायगे सिया, जेविय पेसगपेसए सिया ।
 जे मोणपयं उवट्टिए, णो लज्जे समयं सया(ऽऽ)यरे ॥३॥ सम अन्नयरम्मि
 संजमे, संसुद्धे समणे परिव्वए । सिअ (जे) यावकहा समाहिए, दविए,
 कालमकासि पंडिए ॥४॥ दूरं अणुपस्सिया मुणी, तीतं धम्ममणागयं तहा ।
 पुट्ठे परुसेहिं माहणे, अवि हराणू समयंमि रीयइ (समयाहियासए) ॥५॥
 पराणसमत्ते (पराहसमत्थे) सया जए, समताधम्ममुदाहरे मुणी । सुहुमे उ सया
 अल्लुसए, णो कुज्जे (कुप्पे) णो माणि माहणे ॥६॥ बहुजणायमणमि संबुडो,
 सब्वट्ठेहिं णारे अणिसिए । हरए व सया अणाविले, धम्मं पादुरकासि
 कासवे ॥७॥ बहवे पाणा पुढो सिया, पत्तेयं समयं समी(उवे)हिया । जो
 मोणपदं उवट्टिते, विरतिं तत्थ अकामि पंडिए ॥८॥ धम्मस्स य पारए मुणी,
 आरंभस्स य अंतए ठिए । सोयंति य णं ममाइणो, णो लब्भंति णियं
 परिग्गहं सोउण तयं उवट्टियं, केइ गिही विग्घेण उट्टिया । धम्मंमि अणु-
 त्तरे मुणी, तंपि जिणिज्ज इमेण पंडिए ॥९॥ इहलोगदुहावहं विऊ, परलोगे
 य दुहं दुहावहं । विद्धंसणाधम्ममेव तं, इति विज्जं कोऽगारमावसे ? ॥१०॥
 महयं पल्लिगोव जाणिया, जावि य वंदणाप्पयणा इहं । सुहुमे सल्ले दुरुद्धरे,
 विउमंता पयहिज्ज संथवं (पलिमंथ महं वियाणिया, जाविय वंदणाप्पयणा इहं ।
 सुहुमं सल्लं दुरुद्धरं, तंपि जिणो एएण पंडिए) ॥११॥ एगे चरे अणमासणे,

सयणो एगे समाहिए सिया । भिक्खू उवढाणावीरिए, वइगुत्ते अज्झत्तसंबुडो
 ॥१२॥ णो पीहे ण यावपगुणो, दारं सुन्नघरस्स संजए । पुट्ठे ण उदाहरे
 वयं, ण समुच्छे णो संथरे तणां ॥१३॥ जत्थत्थमिए अणाउले, समविसमाई
 मुणीऽहियासए । चरगा अदुवावि भेरवा, अदुवा तत्थ सरीसिवा सिया ॥१४॥
 तिरिया मणुया य दिव्वगा, उवसग्गा तिविहाऽहियासिया । लोमादीयं ण
 हारिसे, सुन्नागारगओ महामुणी ॥१५॥ णो अभिकंखेज्ज जीवियं, नोऽविय
 पूयणापत्थए सिया । अब्भत्थमुविंति भेरवा, सुन्नागारगयस्स भिक्खुणो
 ॥१६॥ उवणीयतरस्स ताइणो, भयमाणस्स विविकमासणं । सामाइयमाहु तस्स
 जं, जो अप्पाण भए ण दंसए ॥१७॥ उसिणोदगतत्तभोइणो, धम्मट्ठि-
 यस्स मुणिस्स हीमतो । संसग्गि असाहु राइहिं, असमाही उ तहागयस्सवि
 ॥१८॥ अहिगरणकडस्स भिक्खुणो, वयमाणस्स पसज्ज दारुणं । अट्ठे
 परिहायती बहु, अहिगरणं न करेज्ज पंडिए ॥१९॥ सीओदग पडि दुगुं-
 छिणो, अपडिराणस्स लवावसग्गिणो । सामाइयमाहु तस्म जं, जो गिहिम-
 त्तेऽसणं उ भुंजती ॥२०॥ ण य संखयमाहु जीवियं, तहविय बालजणो
 पगम्भइ । बाले पापेहिं मिज्जती, इति संखाय मुणी ण मज्जती ॥२१॥ छंदेण
 पले इमा पया, बहुमाया मोहेण पाउडा । वियडेण पलिति माहणो, सीउराहं
 वयसाऽहियासए ॥२२॥ कुजए अपराजिए जहा, अक्खेहि कुमलेहिं दीवयं ।
 कडमेव गहाय णो कलिं, नो तीयं नो चेव दावरं ॥२३॥ एवं लोगंमि ताइणा,
 बुइए जे धम्मे अणुत्तरे । तं गिराह हियंति उत्तमं, कडमिव सेसज्वाहाय
 पंडिए ॥२४॥ उत्तर मणुयाण आहियां, गामधम्मा इइ मे अणुस्सुयं । जंसी
 विरता समुट्ठिया, कासवस्म अणुधम्मचारिणो ॥२५॥ जे एय चरंति आहियं,
 नाएणं महया महेसिणा । ते उट्ठिय ते समुट्ठिया, अन्नोन्नं सारंति धम्मओ
 ॥२६॥ मा पेह पुरा पणामए, अभिकंखे उवहिं धुणित्तए । जे दूमण तेहिं णो
 णया, ते जाणंति समाहिमाहियं ॥२७॥ णो काहिँ होज्ज संजए, पासणिए

ण य संपसारण । नच्चा धम्मं अणुत्तरं, कयकिरिए णयावि मामए ॥२८॥ छन्नं
च पसंस णो करे, न य उक्कोस पगास माहणे । तेसिं सुविवेगमाहिए, पणया
जेहिं सुजोसिअं धुयं ॥२९॥ अणिहे (अणहे) सहिए सुसंबुडे, धम्मट्ठी उवहा-
णवीरिए । विहरेज्ज समाहिइंदिए, अत्ताहिअं खु दुहेण लब्भइ ॥३०॥ ण
हि णूण पुरा अणुस्सुतं (अवितहं), अदुवा तं तह णो समुट्ठियं । मुणिएणा
सामाइआहितं, नाएणां जगसव्वदंसिणा ॥३१॥ एवं मत्ता महंतरं, धम्ममिणां
सहिया बहू जणा । गुरुणो छंदाणुवत्तगा, विरया तिन्न महोघमाहितं ॥३२॥
तिवेमि ॥ (ग.था.न.सू. १५२)

॥ इति द्वितीयाध्ययने द्वितीयोद्देशकः ॥२-२॥

॥ अथ द्वितीयाध्ययने तृतीयोद्देशकः ॥

संबुडकम्मस्स भिक्खुणो, जं दुक्खं पुट्ठं अणोहिए । तं संजमओऽ-
वचिज्जई, मरणं हेच्च वयंति पंडिया ॥ १ ॥ जे विन्नवणाहिज्जोसिया,
संतिन्नेहिं सभं विथाहिया । तम्हा उड्ढंति पासहा (उड्ढं तिरियं अहे तहा),
अदक्खु कामाइ रोगवं ॥ २ ॥ अणो वणिएहिं आहियं, धारंती राईणिया
इहं । एवं परमा महव्वया, अत्तसाया उ सरा, भोयणा ॥ ३ ॥ जे इह साया-
णुगा नरा, अज्झोववन्नाकामेहि मुच्छिया । किवणोण सभं पगम्भिया, न
वि जाणंति समाहिमाहितं ॥ ४ ॥ वाहेण जहा व विच्छए, अबले होइ
गवं पचोइए । से अंतसो अप्पथाण, नाइवहइ अबले विसीयति ॥ ५ ॥
एवं कामेसणां विऊ, अज्ज सुए पयहेज्ज संयमं । कामी कामे ण कामए, लब्धे
वावि अलब्ध कराहुई ॥ ६ ॥ मा पच्छ अत्ताधुता भो, अच्चेही अणुसास
अप्पगं । अहियं च अत्ताहु सोयती, से थणत्तां परिदेयती बहू ॥ ७ ॥ इह
जीवियमेव पासहा, तरुण एव (दुब्बल) वाससयस्स लुट्ठती । इत्तरवासे य
बुज्झह, गिद्धनरा कामेसु मुच्छिया ॥ ८ ॥ जे इह आरंभनिस्सिया आतदंडा एगं-

तलूमगा । गंता ते पावलोगयं, चिररायं आसुरियं दिसं ॥ ९ ॥ रा य
संखयमाहु जीवितं, तहवि य बालजणो पगम्भई । पच्चुप्पन्नेण कारियं, को
दट्ठुं परलोयमागते ? ॥ १० ॥ अदक्खुव दक्खुवाहियं, (तं) सहहसु अद-
क्खुदंसणा । । हंदि हु सुनिरुद्धदंसणो, मोहणिज्जेण कडेण कम्पुणा
॥ ११ ॥ दुक्खी मोहे पुणो पुणो, निव्विदेज्ज सिलोपयणां । एवं सहिते-
ऽहिपासए, आयतुलं पाणोहिं संजए ॥ १२ ॥ गारंपिअ आवसे नरे, अणु-
पुञ्चं पाणोहिं संजए । समता सव्वत्थ सुञ्चते, देवाणां गच्छे सलोगयं ॥ १३ ॥
सोच्चा भगवाणुसामणां, मच्चे तत्थ करेज्जुवकमं । सव्वत्थ विणीयमच्छरे,
उज्जं भिक्खु विसुद्धमाहरे ॥ १४ ॥ सव्वं नच्चा अहिट्ठए, धम्मट्ठी उवहाणा-
वीरिए । गुत्ते जुत्ते सदाजए, आयपरे परमायतट्ठिते ॥ १५ ॥ वित्तं पसवो य
नाइओ, तं बाले सरणां ति मन्नइ । एते मम तेसुखी अहं, नो ताणां सरणां
न विज्जई ॥ १६ ॥ अज्भागमितंमि वा दुहे, अहवा उक्कमिते भवंतिए ।
एगस्स गती य आगती, विदुमंता सरणां ण मन्नई ॥ १७ ॥ सव्वे सयकम्म-
कप्पिया, अवियत्तेण दुहेण पाणिणो । हिंढंति भयाउत्ता सदा, जाइजरा-
मरणोहिऽभिदुता ॥ १८ ॥ इणमेव खणं वियाणिया, णो सुलभं बोहिं च
आहितं । एवं सहिएऽहिपानए, (अहियासए) आह जिणे इणमेव सेसगा
॥ १९ ॥ अभविंसु पुरावि भिक्खुओ, आएमावि भवंति सुञ्चता । एयाइं
गुणाइं आहु ते, कासवस्स अणुधम्मचारिणो ॥ २० ॥ तिविहेणवि पाण
मा हणे, आयहिते अणियाण संबुडे । एवं सिद्धा अणंतओ, संपइ जे अ
अणागयावरे ॥ २१ ॥ एवं से उदाहु अणुत्तरनाणी अणुत्तरदंसी अणुत्तर-
नाणदंसणधरे । अरहा नायपुत्ते भगवं वेसालिए वियाहिए ॥ २२ ॥
त्तिवेमि ॥ (गाथाग्रं. १७४)

॥ अथोपसर्गपरिज्ञाख्ये तृतीयाध्ययने प्रथमोद्देशकः ॥

सूरं मराण्डं अप्पाणं, जाव जेयं न पस्सती । जुज्झंतं ददधम्माणं,
 सिंसुपालो व महारहं ॥१॥ पयाता सूरं राणीसीसे, संगामंमि उवट्ठिते ।
 माया पुत्तं न याणाड, जेएण परिविच्छए ॥२॥ एवं सेहेवि अप्पुट्ठे,
 भिक्खुवारियाअकोविए । सूरं मराणति अप्पाणं, जाव लूहं न सेवए ॥३॥
 जया हेमंतमासंमि, सीतं कुसइ सदायगं (सव्वगं) । तत्थ मंदा विसीयंति,
 रज्जहीणा व सत्तिया ॥४॥ पुट्ठे गिम्हाहितावेणं, विमणे सुपिवासिए ।
 तत्थ मंदा विसीयंति, मच्छा अप्पोदए जहा ॥५॥ सदा दत्तेसणा दुवखा,
 जायणा दुप्पणोल्लिया । कम्मत्ता दुव्वभा चेव, इच्चाहंसु पुट्ठोजणा ॥६॥
 एते सद्दे अचायंता, गासेसु रागरेसु वा । तत्थ मंदा विसीयंति, संगामंमिव
 भीरुया ॥७॥ अप्पेगे खुधियं भिक्खुं, सुणी डंसति लूमए । तत्थ मंदा
 विमीयंति, तेउपुट्ठा व पाणिणो ॥८॥ अप्पेगे पडिभासंति, पडिपंथियमागता ॥
 पडियारगता एते, जे एते एव जीविणो ॥९॥ अप्पेगे वइ जुंजंति, नगिणा
 पिट्ठोजगाहमा । सुंढा कंठ्विण्णट्ठंगा, उज्जल्ला असमाहिता ॥१०॥ एवं
 विण्णडिवन्नेगे, अप्पणा उ अजाणया । तमाओ ते तमं जंति, मंदा मोहेण
 पाउडा ॥११॥ पुट्ठो य दंममसहि, तरुणासमचाइया । न मे दिट्ठे परे
 लोणं जइ परं मराणं मिया ॥१२॥ संतत्ता केसलोएणं, वंभचेरपराइया ।
 तत्थ मंदा विसीयंति, मच्छा विट्ठा व (पविट्ठा) केयणे ॥१३॥ आयदंडसमा-
 वारे, मिच्छासंयियमावणा । हरिसप्पओममावन्ना, केइ लूमंतिऽनारिया
 । १४॥ अप्पेगे पलियंते मि, चारो चोरात्ति सुव्वयं । वंथंति भिक्खुयं बाला,
 कमाववयणोहि य ॥१५॥ तत्थ दंडेण संवीते, मुट्ठिणा अहु फलेण वा ।
 नान्तीणं मग्गी बाले, इत्थी वा कुट्टगामिणी ॥१६॥ एते भो ! कसिणा
 फाणा, फल्ला दुरहियामया । हत्थी वा सरसंविन्ना, कीवाज्वस गया गिहं

(तिव्वसड्ढे गया गिहं) ॥१७॥

॥ निवेमि ॥ इति तृतीयाध्ययने प्रथमोद्देशकः ॥३-१॥ (गाथाग्रं० १९१)

॥ अथ तृतीयाध्ययने द्वितीयोद्देशकः ॥

अहिमे सुहुमा संग्गा, भिक्खुणं जे दुरुत्तरा । जत्थ एगे विसीयंति,
 ण वयंति जवित्तए ॥१॥ अप्पेगे नायओ (नायगा) दिस्स, रोयंति परिवा-
 रिया । पोस णो ताय ! पुट्ठोऽसि, कस्स ताय ! जहासि णो ? ॥२॥ पिया
 ते थेरओ तात !, ससा ते खुड्डिया इमा । भायरो ते सग्गा तात !, सोयरा
 कि जहासि णो ? ॥३॥ मायरं पियरं पोस, एं लोगो भविस्सति । एवं
 खुलोइयं ताय !, जे पालंति य मायरं ॥४॥ उत्तरा (उत्तमा) महुस्सुल्लावा, पुत्ता
 ते तात ! खुड्डिया । भारिया ते णवा तात !, मा सा अन्नं जणं गमे ॥५॥
 एहि ताय !, घरं जाओ, मा य कम्मे सहा वयं । वित्तिंयं पि ताय ! पासामो,
 जामु ताव सयं गिहं ॥६॥ गंतुं ताय ! पुणो गच्छे, ण तेणापमणो सिया ।
 अकामगं परिकम्मं, को ते वारेउमरिहति ? ॥७॥ जं किंचि अण्णं तात !,
 तं पि मव्वं समीकनं (उत्तारितं) । हिरण्णं ववहाराइ, तं पि दाहामु ते वयं
 ॥८॥ इव्वेव णं सुसेहंति, कालुणीयस्समुट्ठिया । विवद्धो नाइसंगेहिं, ततो-
 ऽगारं पहावइ ॥९॥ जहा रुक्खं वणो जायं, मालुया पडिवंधई । एव णं
 पडिवंधंति, णातओ असमाहिणा ॥१०॥ विवद्धो नातिसंगेहिं, हत्थीवावी
 नवग्गेह । पिट्ठतो परिमण्णंति, सुयगोव्व अदूरए ॥११॥ एते संग्गा मणूसाणं,
 पाताला व अतारिमा । कीवा जत्थ य किस्संति, नाइसंगेहिं मुच्छिया ॥१२॥
 ॥१२॥ तं च भिक्खु परिन्नाय, सव्वे संग्गा महासत्ता । जीवियं नावकंखिज्जा,
 सोच्चा धम्ममणुत्तरं ॥१३॥ अहिमे (अहो इमे) संति आवट्ठा, कासवेणं पवे-
 इया । बुद्धा जत्थावसण्णंति, सीयंति अणुहा जहिं ॥१४॥ रायाणो रायस्सन्ना
 य, माहणा अदुव खत्तिवा । निमंतयंति भोगेहिं, भिक्खूयं साहुजीविणं

॥१५॥ हृत्थस्सरहजाणोहि, विहारगमणोहि य । भुज भोगे इमे सग्धे, महारिसी ! पूजयामु तं ॥१६॥ वत्थगधमलकारं, इत्थीचो सय-
णाणि य । भुंजाहिमाइ भोगाइं, आउसो ! पूजयामु तं ॥१७॥ जो तुमे नियमो चिराणो, भिक्खुभावंमि सुव्वया ! । अगारमावसंतस्स, सव्वो संविज्जए तहा ॥१८॥ चिरं दूइज्जमाणस्स, दोसो दाणिं कुतो तव ? । इच्चेव णं निमंतंति, नीवारेण व सूयरं ॥१९॥ चोइया भिक्खचरियाए, अचयंता जवित्तए । तत्थ मंदा विसीयंति, उज्जाणांसि व दुव्वला ॥२०॥ अचयंता व लूहेणं, उवहाणेण तज्जिया । तत्थ मंदा विसीयंति, उज्जाणांसि जरग्गवा ॥२१॥ एवं निमंतणं लद्धुं, मुच्छिया गिद्ध इत्थीसु । अज्झोववन्ना कामेहिं चोइज्जंता गया गिहं ॥२२॥

॥ तिचेमि ॥ इति तृतीयाध्ययने द्वितीयोद्देशकः ॥३-२॥

॥ अथ तृतीयाध्ययने तृतीयोद्देशकः ॥

जहा संगामकालंमि पिट्ठतो भीरुवेहइ । वलयं गहरांणमं, को जाणइ पराजयं ? ॥ १ ॥ मुहुत्ताणां मुहुत्तस्स मुहुत्तो होइ तारिसो । पराजियाव-
सप्पामो, इति भीरु उवेहइ ॥ २ ॥ एवं तु समणा एगे, अबलं नच्चाण अप्पगं । अणागयं भयं दिस्स, अवि(अव)कप्पंतिमं सुयं ॥ ३ ॥ को जाणइ विज्ज(या)वानं, इत्थीचो उदगाउ वा । चोइज्जंता पववसामो, ण णो अत्थि पकप्पियं ॥ ४ ॥ इच्चेव पडिलेहंति, बल- (बलाइ) पडिनेहिणो । वित्तिगिच्छसमावन्ना, पंथाणं च अकोविया ॥ ५ ॥ जे उ संगामकालंमि, नाया सूरपुरंगमा । णो ते पिट्ठमुवेहंति, कि परं मरणां सिया ? ॥ ६ ॥ एवं समुट्ठिए भिक्खू, वोसिज्जागारवंवणां । आरंभं तिरियं कट्ठु, अत्तत्ताए परिव्वए ॥ ७ ॥ तमेगे परिभासंति, भिक्खूयं साहुजीविणं । जे एवं परिभा-
संति, अंतए ते समाहिए ॥ ८ ॥ संवद्धसमकप्पा उ. अन्नमन्नेसु मुच्छिया ।

पिंडवायं गिलाणास्स, जं सारेह दलाह य ॥ ९ ॥ एवं तुब्भे सरागत्था,
 अन्नमन्नमणुव्वसा । नट्टसप्पहसब्भावा, संसारस्स अपारगा ॥ १० ॥ अह
 ते परिभासेज्जा, भित्थू मोक्खविसारए । एवं तुब्भे पभामंता, दुपवखं चैव
 सेवह ॥ ११ ॥ तुब्भे भुंजह पाएसु, गिलाणो अभिहडंमि था । तं च
 बीयोदगं भोच्चा, तमुद्दिस्मादि जं कडं ॥ १२ ॥ लिच्चा तिव्वाभितावेणं,
 उज्झिया असमाहिया । नातिकंढूइयं सेयं, अरुयस्सावरज्झती ॥ १३ ॥
 तत्तेण अणुमिट्ठा ते, अपडिन्नेण जाणया । ण एस णियए मग्गे, अस-
 मिक्खा वती किती ॥ १४ ॥ एरिसा जा वई एसा, अग्गवे गुव्व करिसिता ।
 गिहिणो अभिइडं सेयं, भुंजितं ण उ भिक्खुणं ॥ १५ ॥ धम्मपन्नवणा जा
 सा, सारंभा ण विमोहिया । ण उ एयाहिं दिट्ठीहिं, पुव्वमासि पग्गप्पिअं
 ॥ १६ ॥ सव्वाहिं अणुजुत्तीहि, अचयंता जवित्तए । ततो वायं णिराकिच्चा,
 ते भुज्जोवि पगम्भिया ॥ १७ ॥ रागदोसाभिभूयप्पा, मिच्छतेरां अभिहुता ।
 आउस्से सरां जंति, टंकणा इव पव्वयं ॥ १८ ॥ बहुगुणप्पगप्पाइं, कुज्जा
 अत्तमसाहि । जेणज्जे णो विरुज्जेज्जा, तेण तं तं समायरे ॥ १९ ॥ इमं
 च धम्ममादाय, कासवेण पवेइयं । कुज्जा भिक्खू गिलाणास्स, अगिलाए
 समाहिए ॥ २० ॥ संखाय पेसलं धम्मं, दिट्ठिमं परिनिव्वुडे । उवसग्गे
 नियामित्ता, आमोक्खाए परिव्वएज्जासि ॥ २१ ॥ त्तिवेमि

॥ इति तृतीयाध्ययने तृतीयोद्देशकः ॥३-३॥ (गाथाग्रं २३४)

॥ अथ तृतीयाध्ययने चतुर्थोद्देशकः ॥

आहंसु महापुरिमा, पुब्बि तत्ततवोधणा । उदएण सिद्धिमावन्ना,
 तत्तय मदो विसीयति ॥ १ ॥ अभुंजिया नमी विदेही, रामगुत्ते य भुंजिया ।
 बाहुए उदगं भोच्चा, तहा नारायणे रिसी ॥ २ ॥ आसिले देविले चैव,
 दीवायण महारिसी । पारासरे दगं भोच्चा, बीयाणि हरियाणि य ॥ ३ ॥

एने पुञ्च महापुरिसा, आहिता इह संमता । भोत्रां वीओदगं सिद्धा, इति
मेयमगुस्सुअं ॥ ४ ॥ तत्थ मंदा विसीअंति, वाहच्छिन्ना व गद्दमा । पिट्ठतो
परितप्पंति, पिट्ठसप्पी य संममे ॥ ५ ॥ इहमेगे उ भासति (मन्नंति), सातं
सातेण विज्जती । जे तत्थ आरियं मग्गं, परमं च समाहिए (यं) ॥ ६ ॥
मा एयं अवसन्नंता, अप्पेणं लुं पहा वहुं । एतस्स (उ) अमोक्खाए, अओ-
हारिव्व जूरह ॥ ७ ॥ पाणाइवाते वट्ठंता, सुसावादे असंजता । अदिन्ना-
दागे वट्ठंता, मेहुणे य परिग्गहे ॥ ८ ॥ एवमेगे उ पासत्था, पन्नवंति
अणारिया । इत्थीवसं गया बाला, जिणामाणपरम्मुहा ॥ ९ ॥ जहा गंडं
पित्तागं वा, परिपीलेज्ज सुहुत्तगं । एवं विन्नवणित्थीसु, दोसो तत्थ कओ
सिया ? ॥ १० ॥ जहा मंधादए नाम, थिमिअं भुंजती दगं । एवं विन्नव-
णित्थीसु, दोसो तत्थ कओ सिया ? ॥ ११ ॥ जहा विहंगमा पिंगा,
थिमिअं भुंजती दगं । एवं विन्नवणित्थीसु, दोसो तत्थ कओ सिया !
॥ १२ ॥ एवमेगे उ पामत्था, मिच्छादिट्ठी अणारिया । अज्झोववन्ना
कामेहिं, पूयणा इव तल्लए ॥ १३ ॥ अणगयमपरसंता, पच्चुप्पन्नगवेसगा ।
ते पच्छा परितप्पंति, खीणो आउंसि जोव्वणे ॥ १४ ॥ जेहिं काले परिक्कतं,
न पच्छा परितप्पए । ते थीरा वंधणुम्मुक्का, नावकंसंति जीविअं ॥ १५ ॥
जहा नई वेयरणी, दुत्तरा इह संमता । एवं लोगंसि नारीओ, दुत्तरा
अनईयया ॥ १६ ॥ जेहिं नारीण मंजोगा, पूयणा पिट्ठतो कता । सब्बमेयं
निराकिच्चा, ते ठिक्का सुग्गमाहिए ॥ १७ ॥ एते ओघं तरिस्संति, समुद्धं वव-
हारिणो । जत्थ पाणा विसन्नामि, किच्चंती सयकम्मुणा ॥ १८ ॥ तं च भिवखु
परिसणाय, सुव्वते ममिते चरे । सुमादायं च वज्जिजा अदिन्नादाणां च
वोप्पिरे ॥ १९ ॥ उट्ठमहे तिरियं वा, जे केई तसथावरा । सब्बत्थ विरतिं
वुज्जा, संति निव्वणा माहियं ॥ २० ॥ इमं च धम्ममादाय, कासवेण पवेदितं ।
वुज्जा भिक्खु गिजाणन्व, अगित्ताए नमाहिए ॥ २१ ॥ संखाय पेसलं धम्मं,

दिष्टिं परिनिवृद्धे । उवसग्गे नियामित्ता, आमोक्खाए परिव्वएज्जासि ॥२२॥
त्तिवेमि ॥ इति तृतीयाध्ययने चतुर्थोद्देशकः ॥३-४॥ इति तृतीयमध्ययनम् ॥३॥

॥ अथ चतुर्थे स्त्रीपरिज्ञाध्ययने प्रथमोद्देशकः ॥

जे मायरं च पियरं च, विप्पजहाय पुव्वसंजोगं । एगे सहिते चरि-
स्सामि, आरतमेहुणो विवित्तेसु (विवित्तेसि) ॥१॥ सुहुमेणं तं परिकम्म,
छन्नपएण इत्थिओ मंदा । उव्वायंपि ताउ जाणसु (जाणंति), जहा लिस्संति
भिक्षुणो एगे ॥२॥ पासे भिसं णिसीयंति अभिक्खणं पोसवत्थं परिहिंति ।
कायं अहेवि दंसंति, बाहू उद्धट्ठु कक्खमणुव्वजे ॥३॥ सयणासणेहिं
जोगेहि इत्थिओ एगता णिमंतंति । एयाणि चेव से जाणे, पासाणि
विरुवख्खाणि ॥४॥ नो तासु चक्खु संधेज्जा, नोविय साहसं समभिजाणे ।
णो सहियंपि विहरेज्जा, एवमप्पा सुरक्खिओ होइ ॥५॥ आमंतिय उस्सविया
भिक्षुं आयसा निमंतंति । एताणि चेव से जाणे, सदाणि विरुवख्खाणि
॥६॥ मणवधणेहिं गोगेहिं, कलुण विणीयमुवगसित्ताणं । अदु मंजुलाइं
भासंति, आणवयंति भिन्नकहाहिं ॥७॥ सीहं जहा व कुणिमेणं, निब्भयमेग-
चरंति पासेणं । एवित्थियाउ बंधंति, संबुडं एगतियमणगारं ॥८॥ अह तत्थ
पुणो णमयंती, रहकारो व गोमि आणुपुव्वीए । बद्धे मिए व पासेणं,
फंदंते वि ण मुच्चए ताहे ॥९॥ अह सेऽणुत्तप्पई पच्छा, भोच्चा पायसं व
विसमिस्सं । एवं विवे(विवा)गमादाय, संदासो नवि कप्पए दविए ॥१०॥
तम्हा उ वज्जए इत्थी, विसलित्तं व कंटगं नच्चा । ओए कुलाणि वसवत्ती,
आघाते ण सेवि णिग्गंथे ॥११॥ जे एयं उंछं अणुगिद्धा, अन्नंयरा हुंति
कुसीलाणं । सुतवस्सिएवि से भिक्षू, नो विहरे सह णमित्थीसु ॥१२॥
अवि धूयराहि सुरहाहिं, धातीहिं अदुव दासीहिं । महतीहिं वा कुमारीहि,
संथवं से न कुज्जा अणगारे ॥१३॥ अदु णाइणं च सुहीणं वा, अप्पियं

दट्टु एगता होति । गिद्धा सत्ता कामेहिं, रक्खणपोसणे मणुस्सोऽसि
 ॥ १४ ॥ समणंपि दट्टुदासीणं (समणं दट्टु णु दासीणं) तत्थवि ताव एगे
 कुप्पंति । अदुवा भोयणेहिं णत्थेहिं, इत्थीदोसं संकिणो होंति ॥ १५ ॥
 कुच्चतिसंथवं ताहिं, पम्भट्ठा समाहिजोगेहिं । तम्हा समणा ण समेंते, आय-
 हियाए सणिणसेज्जाओ ॥ १६ ॥ बहवे गिहाइं अवहट्टु, मिस्सी-
 भावं पत्थुया (पराणता) य एगे । धुवमग्गमेव पवयंति, वायावीरियं
 कुसीलाणं ॥ १७ ॥ सुद्धं रवति परिसाए, अह रहस्समि दुक्कडं करेति ।
 जाणंति य णं तहाविहा, माइल्ले महासडेज्जंति ॥ १८ ॥ सयं दुक्कडं च
 न वदति, आइट्ठोवि पक्कथति वाले । वेयाणुवीइ मा कासी, चोइज्जंतो
 गिलाइ से भुज्जो ॥ १९ ॥ ओसियावि इत्थिपोसेसु, पुरिसा इत्थिवेयखेदना ।
 पराणासमन्निता वेगे, नारीणं वसं उवकसंति ॥ २० ॥ अवि हत्थपादछेदाए,
 अदुवा वद्धमंसउक्कंते । अवि तेयसाभितावणाणि, तच्छियखारसिंचणाइं च
 ॥ २१ ॥ अदु करणाणासच्छेदं, कंठच्छेदणां तितिवखंती । इति इत्थ
 पावसंतत्ता, नय विति पुणो न काहिति ॥ २२ ॥ सुतसेतमेवमेगेसिं,
 इत्थीवेदेति हु सुयक्खायं । एवंपि ता वदिताणां, अदुवा कम्मणा अवकरेति
 ॥ २३ ॥ अन्नं मणेण चिंतेति, वाया अन्नं च कम्मणा अन्नं । तम्हा ण
 सहह भिक्खु, बहुमायाओ इत्थिओ णच्चा ॥ २४ ॥ जुवती समणं ब्रूया,
 विचित्तलंकारवत्थगाणि परिहिता । विरता चरिस्सहं रुक्खं (मौनं), धम्म-
 माइक्ख णे भयंतारो ॥ २५ ॥ अदु साविया पवाणां, अहमंसि साहम्मिणी य सम-
 णाणं । जलुकुंभे जहा उवज्जोई, संवासे विदू विसीएज्जा ॥ २६ ॥ जलुकुंभे
 जोइउवगूढे, आसुऽभितत्ते णासमुवयाइ । एवित्थियाहिं अणगारा, संवासेण
 णासमुवयंति ॥ २७ ॥ कुच्चंति पावगं कम्मं, पुट्ठा वेगेवमाहिंसु । नोऽहं
 करेमि पावंति, अंकेसाइणी ममेसत्ति ॥ २८ ॥ बालस्स मंदयं बीयं, जं च
 कडं अवजाणई भुज्जो । दुगणां करेइ से पावं, पूयणाकामो विसन्नेसी

॥ २६ ॥ संलोकणिज्जमणागारं, आयगयं निमंतरोणाहंसु । वत्थं च ताइ ।
पायं वा, अन्नं पाणागं पंडिग्गाहे ॥ २७ ॥ णीवारमेवं बुज्जेज्जा, णो इच्छे
अगारमागंतुं । बद्धे विसयपासेहिं, मोहमावज्जइ पुणो मंदे ॥ २८ ॥
त्तिप्पेमि (गाथाग्रं २८७)

॥ इति चतुर्थाध्ययने प्रथमोद्देशकः ॥ ४-१ ॥

॥ अथ चतुर्थाध्ययने द्वितीयोद्देशकः ॥

ओए सया ण रज्जेज्जा, भोगकामी पुणो विरज्जेज्जा । भोगे सम-
णाणा सुगोह, जह भुंजंति भिक्खुणो एगे ॥ १ ॥ अह तं तु भेदमावन्नं,
मुच्छित्तं भिक्खुं काममतिवट्ठं । पलिभिंदिया णं तो पच्छा, पादुच्छट्ठ
मुद्धि पहाणंति ॥ २ ॥ जइ केसिया णं मए भिक्खू, णो विहरे सह णमि-
त्थीए । केसाणाविह लुं चिस्सं, नन्नत्थ मए चरिज्जासि ॥ ३ ॥ अह णं
से होई उवलद्धो, तो पेसंति तहाभूएहिं । अलाउच्छेदं पेहेहि, वग्गुफलाइं
आहराहिति ॥ ४ ॥ दारुणि सागपागाए अन्नपागाय, पज्जोओ वा भवि-
स्सती राओ । पाताणि य (पोताणि य) मे रयावेहि, एहि ता मे पिट्ठओमहे
॥ ५ ॥ वत्थाणि य मे पडिलेहेहि, अन्नं पाणां च आहराहिति । गंधं (गन्धं) च
रओहराणं च, कासवगं च मे समणुजाणाहि ॥ ६ ॥ अदु अंजणि
अलंकारं, कुकययं (कुवकुइयं—घर्घरं) मे पयच्छाहि । लोद्धं च लोद्धकुसुमं
च, वेणुपलासियं च गुलियं च ॥ ७ ॥ कुट्ठं तगरं च अगरुं, संपिट्ठं
सम्मं उसिरेणं । तेल्लं मुहभिंजाए (भिगडलिजाए—भिर्लिजए) वेणुफलाइं
सन्निधानाए ॥ ८ ॥ नंदीचुराणागाइं पाहराहि, वृत्तोवाणाहं च जाणाहि ।
सत्थं च सूवच्छेज्जाए, आणीलं च वत्थयं रयावेहि ॥ ९ ॥ सुफाणि
च सागपागाए, आमलगाइं दगाहराणं च । तिलगकरणिमंजणासलागं,
घिंसु मे विहूणयं विजाणोहि ॥ १० ॥ मंडासगं च फणिहं च,

सीहलिपासगं च आणाहि । आदंशगं च पयच्छाहि, दंतपवखालणं
 पवेसाहि ॥ ११ ॥ पूयफलं तंबोलयं, सूईसुत्तगं च जाणाहि । कोसं च
 मोयमेहाए, सुप्पुक्खल्लगं च खारगालणं च ॥ १२ ॥ चंदालगं च करगं
 च, वच्चघरं च आउसो ! खणाहि । सरपाययं च जायाए, गोरहगं च
 सामणोराए ॥ १३ ॥ घडिगं च सडिंडिमयं च, चेलगोलं कुमारभूयाए ।
 वासं समभिआवराणं, आवसहं च जाण भत्तं च ॥ १४ ॥ आसंदियं च
 नवसुत्तं, पाउल्लाई संकमट्टाए । अट्टु पुत्तदोहलट्टाए, आणप्पा हवन्ति दासा
 वा ॥ १५ ॥ जाए फले समुप्पन्ने, गेराहसु वा रां अहवा जहाहि । अहं
 पुत्तपोसिणो एगे, भारवहा हवन्ति उट्टा वा ॥ १६ ॥ राओवि उट्टिया संता,
 दारगं च संअवन्ति धाई वा । सुहिरामणा वि ते संता, वत्थथोवा हवन्ति हंसा
 वा ॥ १७ ॥ एवं बहुहिं कयपुव्वं, भोगत्थाए जेऽभियावन्ना । दासे मिइव
 पेसे वा, पसुभूतेव से ण वा केई ॥ १८ ॥ एवं खु तासु विन्नप्पं, संथवं
 संवासं च वज्जेज्जा । तज्जातिआ इमे कामा, वज्जकरा य एवमवखाए ॥ १९ ॥
 एयं भयं ण सेयाय, इइ से अप्पगं निरुंभित्ता । णो इत्थि णो पसुं
 भिक्खू, णो सयं पाणिणा णिलिज्जेज्जा ॥ २० ॥ सुविसुद्धलेसे मेहावी,
 परकिरिअं च वज्जए नाणी । मणासा वयसा कायेरां, सब्बफाससहे अणगारे
 ॥ २१ ॥ इच्चेवमाहु से वीरे, धुअरए धुअमोहे (धुअराजमग्गे) से भिक्खू ।
 तम्हा अज्झत्थविसुद्धे, सुविमुक्के (विहरे) आमोवखाए परिव्वएज्जा सि
 ॥ २२ ॥ त्तिवेमि ॥ (गाथाग्रं ३०६)

॥ इति चतुर्थाध्ययने द्वितीयोद्देशकः ॥ ४-२॥ इति चतुर्थाध्ययनम् ४॥



॥ अथ पञ्चमे नरकविभक्त्यध्ययने प्रथमोद्देशकः ॥

पुच्छिरसऽहं केवलियं महेसिं, कहां भितावा णरगा पुरथा ? । अजा-
णाओ मे मुणि ब्रूहि जाण, कहिं नु बाला नरयं उविति ? ॥१॥ एवं मए
पुठ्ठे महाणुभावे, इणमोऽब्बवी कासवे आसुपन्ने । पवेदइस्सं दुहमट्टुग्गं,
आदीणियं दुक्कडियं (दुक्कडिणं) पुरथा ॥२॥ जे केइ बाला इह जीवियट्ठी,
पावाइं कम्माइं करंति रुद्धा । ते घोररूवे तमिसंधयारे, तिब्बाभितावे नरए पडंति
॥३॥ तिब्बं तसे पाणिणो थावरे य, जे हिंसती आयसुहं पडुच्चा । जे
लूमए होइ अदत्तहारी, ण सिक्खती सेयवियस्स किंचि ॥४॥ पागब्भि
पाणे बहुणं तिवाति, अनिब्बते घातमुवेति बाले । णिहो णिसं गच्छति
अंतकाले, अहोसिरं कट्ठ उवेइ दुग्गं ॥५॥ हण छिंदह भिंदह णं दहेति,
सहे सुणिता परहम्मियाणं । ते नारगाओ भयभिन्नसन्ना, कंखंति कन्नाम
दिसं वयामो ! ॥६॥ इंगालरासिं जलियं सजोतिं, तत्तोवमं भूमिमणुकमंता ।
ते डब्भ ॥णा कलुणं थणंति, अरहस्सरा तत्थ चिरट्ठितीया ॥७॥ जइ ते
सुया वेयरणी भिदुग्गा, णिसिओ जहा खुर इव तिक्खसोया । तरंति ते
वेयरणीं भिदुग्गां, उसुचोइया सत्तिस्सु हम्ममाणा ॥८॥ कीलेहिं विज्झंति
असाहुकमा, नावं उवित्ते सइविप्पहूणा । अन्ने तु सूलाहिं तिसूलियाहिं,
दीहाहिं विद्धूण अहेकरंति ॥९॥ केसिं च अंधित्तु गले सिलाओ, उदगंसि
बोलंति महालयंसि । कलंबुयावालुय मुम्मुरे य, लोलंति पच्चंति अ तत्थ
अन्ने ॥ १० ॥ अ(आ)सूरियं नाम महाभितावं, अंधंतमं दुप्पतरं महंतं ।
उड्ढं अहेअं तिरियं दिसासु, समाहिओ (समूसिओ) जत्थऽगणी भियाई
॥ ११ ॥ जंसी गुहाए जलणोऽतिउट्ठे, अविजाणओ डब्भइ लुत्तपराणो ।
सया य कलुणं पुण घम्मठाणं, गाढोवणीयं अतिदुक्खधम्मं ॥ १२ ॥ चत्तारि
अगणीओ समारभित्ता, जहि कूरकम्माऽभितविति बालं । ते तत्थ चिट्ठंतऽ-

भित्तिष्पमाणा, मच्छा व जीवंतुवजोतिपत्ता ॥ १३ ॥ संतच्छृणं नाम महाहि-
 तावं, ते नारया जत्थ असाहुकम्मा । हत्थेहिं पाएहि य बंधिऊणं, फलगं व
 तच्छंति कुहाडहत्था ॥ १४ ॥ रुहिरे पुणो वच्चसमुस्सिअंगे, भिन्नुत्तमंगे
 वरिवत्तयंता । पयंति णं गोरइए फुरंते, सजीवमच्छे व अयोक्खल्ले ॥ १५ ॥
 नो चेव ते तत्थ मसीभवन्ति, ण मिज्जती तिब्बभिवेयणाए । तमाणुभागं
 अणुवेदयंता, दुक्खंति दुक्खी इह दुक्खेणं ॥ १६ ॥ तहिं च ते लोलणसंपगाढे,
 गाढं सुतत्तं अगणिं वयंति । न तत्थ सायं लहती भिदुग्गे, अरहिया
 (अरब्भिया) भितावा तहवी तविंति ॥ १७ ॥ से सुच्चई नगरवहे व सद्दे,
 दुहोवणीयाणि पयाणि तत्थ । उदिण्णकम्माण उदिण्णकम्मा, पुणो पुणो ते
 मरहं दुहेति ॥ १८ ॥ पाणेहिं णं प्राव विअोजयंति, तं भे पक्खामि
 जहातेहेणं । दंढहिं तत्था सरयंति बाला, सव्वेहिं दंढेहि पुराकएहि ॥ १९ ॥
 ते हम्ममाणा णारगे पडंति, पुन्ने दुरूवस्स महाभितावे । ते तत्थ चिट्ठंति
 दुरूवभक्खी, लुट्ठंति कम्मोवगया किमोहिं ॥ २० ॥ सया कसिणं पुण
 घम्मठाणं, गाढोवणीयं अतिदुक्खधम्मं । अंदूसु पक्खिप्प विहत्तु देहं, वेहेण
 सीसं सेज्जितावयंति ॥ २१ ॥ छिंदंति बालस्स खुरेण नक्कं, उट्ठेवि
 छिंदंति दुवेवि करणे । जिब्भं विणिक्कस्स विहत्थिमित्तं, तिक्खाहिं सूला-
 हिज्जितावयंति ॥ २२ ॥ ते तिप्पमाणा तलसंपुडंव, राइंदियं तत्थ थणंति
 बाला । गलंति ते सोणिअपूयमंसं, पज्जोइया खारपइच्छियंगा ॥ २३ ॥
 जइ ते सुता लोहितपूयपाई, बालागणी तेअगुणा परेणं । कुंभी महंता-
 हियपोरसीया, समूसिता लोहियपूयपुराणा ॥ २४ ॥ पक्खिप्प तासुं पययंति
 बाले, अट्ठस्सरे ते कलुणं रसंते । तराहाइया ते तउतंवत्तं, पज्जिज्जमाणा-
 ज्जतरं रसंति ॥ २५ ॥ अप्पेण अप्पं इह वंचइत्ता, भवाहमे पुव्वसते सहस्से
 । चिट्ठंति तत्था बहुक्करकम्मा, जहा कडं कम्म तहासि भारे ॥ २६ ॥
 ममज्जिणिता कलुमं अणज्जा, इट्ठेहिं कंतेहि य विप्पहूणा । ते दुब्भिमंघे

कसिणो य फासे, कम्मोवगा कुणिमे आवसंति ॥ २७ ॥ त्तिवेमि ॥
(गाथाग्रं ३३६)

॥ इति पञ्चमध्ययने प्रथमोद्देशकः ॥ ५-१॥

॥ अथ पञ्चमाध्ययने द्वितीयोद्देशकः ॥

अहावरं सासयदुक्खधम्मं, तं मे पवक्खामि जहात्तहेणं । बाला
जहा दुक्कडकम्मकारी, वेदंतिं कम्माइं पुरेकडाइं ॥ १ ॥ हत्थेहिं पाएहि य
बंधिऊणं, उदरं विकत्तंति खुरासिएहिं । गिरिहत्तु बालस्स विहत्तु देहं,
वद्धं थिरं पिट्ठतो उद्धरंति ॥ २ ॥ बाहू पक्कत्तंति (पक्कप्पत्ति) य मूलतो से,
थूलं वि ामं मुहे आडहंति । रहंसि जुत्तं सरयंति बालं, आरुस्स विज्झंति
तुदेण पिट्ठे ॥ ३ ॥ अयं व तत्तं जलियं सजोइ, तऊवमं भूमिमणुक्कमंता ।
ते डज्झमाणा कलुणं थणंति, उसुचोइया तत्तजुगेसु जुत्ता ॥ ४ ॥ बाला
बला भूमिमणुक्कमंता, पविज्जलं लोहपहं च तत्तं । जंसीऽभिदुग्गंसि पव-
ज्जमाणा, पेसेव दंडेहिं पुराकरंति ॥ ५ ॥ ते संपगादंसि पवज्जमाणा,
सिलाहिं हम्मंति निपातिणीहिं । संतावणी नाम चिरट्ठितीया, संतप्पती
जत्थ असाहुक्कम्मा ॥ ६ ॥ कंडूसु पक्खिप्प पयंति बालं, ततोवि दद्धा पुण
उप्पयंति । ते उट्ठकाएहिं पक्खज्जमाणा, अवरेहिं खज्जंति सण्फएहिं ॥ ७ ॥
समूसियं नाम विधूमणां, जं सोयतत्ता कलुणं थणंति । अहोसिरं कट्ठ
विगत्तिऊणं, अयं व सत्थेहिं समोसवेंति ॥ ८ ॥ समूसिया तत्थ विसूणि-
यंगा, पक्खीहिं खज्जंति अत्रोमुहेहिं । संजीमणी नाम चिरट्ठितीया, जंसी
पया हम्मइ पावचेया ॥ ९ ॥ तिक्खाहिं सूलाहि निवाययंति (भितावयंति)
वसोगयं सावययं व लद्धं । ते सूलविद्धा कलुणं थणंति, एगंतदुक्खं दुहत्थो
गिलाणा ॥ १० ॥ सया जलं नाम निहं महंतं, जंसी जलंतो अगणी अक्कट्ठो ।
चिट्ठंति बद्धा बहुकूरक्कम्मा, अरहस्सरा केइ चिरट्ठितीया ॥ ११ ॥ चिया

महंतीउ समारभित्ता, छुव्भंति ते तं कलुणं रसंतं । आवट्टती तत्थ असा-
हुकम्मा, सप्पी जहा पडि यं जोइमज्जे ॥ १२ ॥ सदा कसिणं पुण धम्मशरणं
गाढोवणीयं अइदुक्खधम्मं । हत्थेहिं पाएहि य बंधिऊणं, सत्तुव्व डंडेहिं
समारभंति ॥ १३ ॥ भंजंति बालस्स वहेण पुट्ठी, सीसंपि भिदंति अओ-
घणेहिं । ते भिन्नदेहा फलगंव तच्छा, तत्ताहिं आराहिं णियोजयंति
॥ १४ ॥ अभिजुंजिया रुद्ध असाहुकम्मा, उसुचोइया हत्थिवहं वहंति ।
एगं दुख्हित्तु दुवे ततो वा, आरुस्स विज्भंति ककाणओ से ॥ १५ ॥
बाला बला भूमिमणुक्कमंता, पविज्जलं कंटइलं महंतं । विवद्धतप्पेहिं विव-
राणचित्ते, समीरिया कोट्टबलि करिंति ॥ १६ ॥ वेतालिए नाम महाभितावे,
एगायते पव्वयमंतलिवखे । हम्मंति तत्था बहुकूरकम्मा, परं सहस्साण
मुहुत्तगाणं ॥ १७ ॥ संवाहिया दुक्कडिणो थणंति, अहो य राओ परित-
प्पमाणा । एगंतकूडे नराए मांते, कूडेण तत्था विसमे हता उ ॥ १८ ॥
भंजंति णं पुव्वमरी सरोसं, समुग्गरे ते मुसले गहेतुं । ते भिन्नदेश रुहिरं
वमंता, ओमुद्धगा धरणिंतले पडंति ॥ १९ ॥ अणासिया नाम महासि-
याला, पागन्मिणो तत्थ सयायकोवा । खज्जंति तत्था बहुकूरकम्मा, अदूरगा
संकलियाहि बद्धा ॥ २० ॥ सयाजला नाम नदी भिदुग्गा, पविज्जलं
लोहविलीणतत्ता । जंसी भिदुग्गंसि पवज्जमाणा, एगायस्ताणुक्कमणं करेति
॥ २१ ॥ एयाइं फासाइं फुसंति बालं, निरंतरं तत्थ चिरट्ठितीयं । ण हम्म-
माणस्स उ होइ ताणं, एगो सयं पच्चण्होइ दुक्खं ॥ २२ ॥ जं जारिसं
पुव्वमकासि कम्मं, तमेव आगच्छति संपराए । एगंतदुक्खं भवमज्जणित्ता, वेदंति
दुक्खी तमणंतदुक्खं ॥ २३ ॥ एताणि सोच्चा णारगाणि धीरे, न हिसए किंचण
मव्वलोए । एगंतदिट्ठी अपरिग्गहे उ, बुज्झिज्ज लोयस्स वसं न गच्छे ॥ २४ ॥
एवं तिरिवखे मणुयासु(म)रेसुं, चतुरन्तऽणंतं तयणुव्विवागं । स सव्वमेयं
इति वेदइत्ता, कंखेज्ज कालं धुयमायरेज्ज ॥ २५ ॥ त्तिवेमि (गाथाग्रं ३६१) ।

॥ इति पञ्चमाध्ययने द्वितियोद्देशकः ॥ ५-२॥ ॥ इति पञ्चमाध्ययनम् ॥ ५ ॥

॥ अथ श्रीवीरस्तुत्याख्यं षष्ठमध्ययनम् ॥

पुच्छिस्सु गां समणा माहणा य, अगारिणो या परतिस्थिया य ।
 से केइ गोगंतहियं धम्ममाहु, अणोलिसं साहु ममिक्खयाए ॥ १ ॥ कहं च
 गाणां कह दंसणां से, सीलं कहं नायसुतस्स आसी ? । जाणासि गां
 भिक्खु जहातहेणां, अहासुतं ब्रूहि जहा णिसंतं ॥ २ ॥ खेयन्नए से कुसला-
 सुपन्ने (कुसले महेसी), अरांतनाणी य अरांतदंसी । जसंसिणो चक्खुपहे
 ठियरस्स, जाणाहि धम्मं च धिइं च पेहि ॥ ३ ॥ उड्ढं अहेयं तिरियं दिसासु,
 तसा य जे थावर जे य पाणा । से णिच्चणिच्चेहि समिक्ख पन्ने, दीवे व
 धम्मं समियं उदाहु ॥ ४ ॥ से सब्बदंसी अभिभूयनाणी, णिरामगंधे धिइमं
 ठितप्पा । अणुत्तरे सज्जजगंसि विज्जं, गंधा अतीते अभए अणाऊ ॥ ५ ॥
 से भूइपरणो अणिएअचारी, ओहंतरे धीरे अरांतचक्खु । अणुत्तरं तप्पति
 सूरिए वा, वइरोयणिंदे व तमं पगासे ॥ ६ ॥ अणुत्तरं धम्ममिणां जिणाणां,
 शेया मुणी कासव आसुपन्ने । इंदेव देवाणा महाणुभावे, सहस्सणोता दिवि
 गां विसिट्ठे ॥ ७ ॥ से पन्नया अक्खयसागरे वा, महोदही वावि अरांतपारे ।
 । अणाइले वा अकसाइ मुक्के (भिक्खु), सब्बेव देवाहिवई जुईमं ॥ ८ ॥
 से वीरिएणां पडिपुन्नवीरिए, सुदंसणो वा णगसब्बसेट्ठ । सुरालए वासि(दि)-
 मुदागरे से, विरायए गोगणुणोववेए ॥ ९ ॥ सयं सहस्साण उ जोयणाणां,
 तिकंडगे पंडगवेजयंते । से जोयणो णवणावते सहस्से, उड्ढुस्सितो हेट्ठ
 सहस्समेगं ॥ १० ॥ पुट्ठे णामे चिट्ठइ भूमिवट्ठिए, जं सूरिया अणुपरिव-
 द्ध्यंति । से हेमवन्ने बहुनंदणो य, जंसी रतिं वेदयंती महिंदा ॥ ११ ॥ से
 पव्वए सहमहप्पगासे, विरायती कंजणमट्ठवन्ने । अणुत्तरे गिरिसु य
 पव्वदुग्गे गिरीवरे से जल्लिएव भोमे ॥ १२ ॥ महीइ मज्झमि टिते णाणिंदे,
 पन्नायते सूरियसुद्धलेसे । एवं सिरीए उ स. भूरिवन्ने, मणोरमे जोयइ

अचिमाली ॥ १३ ॥ सुदंसणरसेव जसो गिरिस्स, पवुच्चई महतो पव्वयस्स ।
 एतोवमे समणे नायपुत्ते, जातीजसोदंसणानासीले ॥ १४ ॥ गिरीवरे
 वा निसहाऽऽययाणां, रुयए व सेट्ठे वलयायताणां । तत्रोवमे से जगभूइपन्ने,
 मुणीणा मज्जे तमुदाहु पन्ने ॥ १५ ॥ अणुत्तरं धम्ममुईरइत्ता, अणुत्तरं
 भाणवरं भियाइ । सुसुक्खसुवकं अपगंडसुवकं, संखिंदुएगंतवदातसुवकं
 ॥ १६ ॥ अणुत्तरगं परमं महेसी, असेसकम्मं स विसोहइत्ता । सिद्धिं
 गतिं (गते) साइमाणंतपत्ते, नाणेण सीलेण य दंसणेण ॥ १७ ॥ रुक्खेसु
 णाते जह सामली वा, जस्सि रति वेययती सुवन्ना । वणेसु वा णंदणमाहु
 सेट्ठं, नाणेण सीलेण य भूतिपन्ने ॥ १८ ॥ थणियं व सद्दाण अणुत्तरे
 उ, चंदो व ताराण महाणभावे । गंधेसु वा चंदणमाहु सेट्ठं, एवं मुणीणां
 अपडिन्नमाहु ॥ १९ ॥ जहा सयंभू उदहीण सेट्ठे, नाणेसु वा धरणिंदमाहु
 सेट्ठे । खोओदए वा रस वेजयंते, तवोवहाणे मुणिवेजयंते ॥ २० ॥
 हत्थीसु एरावणमाहु णाए, सीहो मिगाणां सलिलाण गंगा । पक्खीसु
 वा गरुले वेणुदेवो, निव्वाणवादीणिह णायपुत्ते ॥ २१ ॥ जोहेसु णाए
 जह वीससेणे, पुप्फेसु वा जह अरविंदमाहु । स्वत्तीण सेट्ठे जह
 दंतवक्के, इसीण सेट्ठे तह वद्धमाणे ॥ २२ ॥ दाणाण सेट्ठं अभय-
 पयाणां, सच्चेसु वा अणवज्जं वयंति । त्वेसु वा उत्तमं बंभचेरं,
 लोगुत्तमे समणे नायपुत्ते ॥ २३ ॥ ठिईण सेट्ठा लवसत्तमा वा, सभा सुहम्मा
 व सभाण सेट्ठा । निव्वाणसेट्ठा जह सब्बधम्मा, ण णायपुत्ता परमत्थि नाणी
 ॥ २४ ॥ पुढोवमे धुणइ विगयगेही, न सणिणहिं कुव्वति आसुपन्ने ।
 तरिउं समुहं व महाभवोघं, अभयंकरे वीर अणंतचक्खु ॥ २५ ॥ कोहं च
 माणां च तहेव मायं, लोभं चउत्थं अज्झत्थदोसा । एआणि वंता अरहा
 महेसी, ण कुव्वई पाव ण कारवेइ ॥ २६ ॥ किरियाकिरियं वेणइयाणुवायं,
 अराणाणियाणां पडियच्च ठाणां । से सब्बवायं इति वेयइत्ता, उवट्ठिए संजम-

दीहरायं ॥ २७ ॥ से वारिया इत्थी सराइभत्तं, उवहाणवं दुक्खखयट्ठयाए ।
 लोगं विदित्ता आरं परं च, सब्बं पभू वारिय सब्बवारं ॥ २८ ॥
 सोच्चा य धम्मं अरहंतभासियं, समाहितं अट्ठपदोवसुद्धं । तं सदहाणा
 (सदहंता) य जणा अणाऊ, इंदा व देवाहिव आगमिस्संति ॥ २९ ॥
 त्तिवेमि (गाथाग्रं ३१०)

॥ इति षष्ठमध्ययनम् ॥ ६ ॥

॥ अथ कुशीलपरिभाषाख्यं सप्तममध्ययनम् ॥

पुढवो य आऊ अगणी य वाऊ, तण रुक्ख बीया य तसा य पाणा ।
 जे अंडया जे य जराउ पाणा, संसेयया जे रसयाभिहाणा ॥ १ ॥
 एयाइं कायाइं पवेदिताइं, एतेसु जाणे पडिलेह सायं । एतेण(हिं) काएणा-
 (हिं) य आयदंडे, एतेसु या विप्परियासुविंति ॥ २ ॥ जाईपहं अणुपरिव-
 ट्ठमाणे, तसथावरेहिं विणिवायमेति । से जाति जातिं बहुकूरकम्मे, जं कुब्बती
 मिज्जति तेण बाले ॥ ३ ॥ अस्सिं च लोए अदुवा परत्था, सयग्गसो वा
 त्तह अन्नहा वा । संमारमावन्न परं परं ते, बंधंति वेदंति य दुन्नियाणि
 ॥ ४ ॥ जे मायरं वा पियरं च हिच्चा, समणव्वए अगणिं समारभिज्जा ।
 अहाहु से लोए कुसीलधम्मे, भूताइं जे हिंसति आयसाते ॥ ५ ॥ उज्जा-
 लथो पाण निवातएज्जा, निव्वावथो अगणि निवायवेज्जा । तम्हा उ मेहावि
 समिक्ख धम्मं, ण पंडिए अगणिं समारभिज्जा ॥ ६ ॥ पुढवीवि जीवा
 आऊवि जीवा, पाणा य संपाइम संपयंति । संसेयया कट्ठसमस्सिया य, एते
 दहे अगणिं समारभंते ॥ ७ ॥ हरियाणि भूताणि विलंबगाणि, आहार
 देहा य पुढो सियाई । जे छिंदती आयसुहं पडुच्च, पागव्भि पाणे बहुणं
 तिवाती ॥ ८ ॥ जातिं च बुद्धिं च विणासयंते, बीयाइं अस्संजय आयदंडे ।
 अहाहु से लोए अणज्जधम्मे, बीयाइ जे हिंसति आयसाते ॥ ९ ॥

गन्धां मिज्जन्ति बुयावुयाणा, णारा परे पंचसिहा कुमारा । जुवाणागा
 मज्झिम थेरगा (मज्झिम पोरुसा) य, चयन्ति ते आउखए पलीणा ॥ १० ॥
 संवुज्झहा जंतवो ! माणुसत्तं, दट्ठुं भयं नालिसेणां अलंभो । एगंतदुवसे
 जरिए व लोए, सकम्मुणा विप्परियासुवेइ ॥ ११ ॥ इहेग मूढा पवयन्ति
 मोक्खं, आहारसंपज्जावज्जगोणां (आहारसंपंचयवज्जगोणां, आहारयो पंचक-
 वज्जगोणां) । एगे य सीओदगसेवगोणां, हुएणा एगे पवयन्ति मोक्खं ॥ १२ ॥
 पाओमिणाणादिसु णत्थि मोक्खो, खारस्स लोणस्स अणामएणां । ते मज्ज-
 मंसं लसणां च भोच्चा, अन्नत्थ वासं परिकप्पयन्ति ॥ १३ ॥ उदगेणा जे
 सिद्धिमुदाहरन्ति, सायं च पायं उदगं फुसन्ता । उदगस्स फासेणा सिया य
 सिद्धी, सिज्झिंसु पाणा बहवे दगंसि ॥ १४ ॥ मच्छा य कुम्मा य सिरीसिवा
 य, मग्गू य उट्ठा(ट्ठा) दगरवखसा य । अट्ठाणमेयं कुसला वयन्ति, उदगेणा
 जे सिद्धिमुदाहरन्ति ॥ १५ ॥ उदयं जइ कम्ममलं हरेज्जा, एवं सुहं इच्छामि-
 त्तमेव । अंधं व गेयारमणुस्सरित्ता, पाणाणि चेवं विणिहन्ति मंदा ॥ १६ ॥
 पावाइं कम्माइं पकुञ्चतो हि, सियोदगं तू जइ तं हरिज्जा । सिज्झिंसु एगे
 दगसत्तवाती, मुसं वयन्ते जलसिद्धिमाहु ॥ १७ ॥ हुतेणा जे सिद्धिमुदाहरन्ति,
 सायं च पायं अगणिं फुसन्ता । एवं सिया सिद्धि हवेज्ज तम्हा, अगणिं
 फुसन्ताण कुकम्मिणांपि ॥ १८ ॥ अपरिक्ख दिट्ठं ण हु एव सिद्धी, एहिति
 ते घायमवुज्झमाणा । भूएहिं जाणां पडिलेह सातं, विज्जं गहायं तसथा-
 वरेहिं ॥ १९ ॥ थणन्ति लुप्पन्ति तसन्ति कम्मी, पुढो जगा परिसंखाय भि-
 क्खु । तम्हा विऊ विरतो आयगुत्ते, दट्ठुं तसे या पडिसंहरेज्जा ॥ २० ॥
 जे धम्मलद्धं विणिहाय भुंजे, वियडेण साहट्ठु य जे सिणाइं । जे धोवती
 लूसयतीव वत्थं, अहाहु से णागणियस्स दूरे ॥ २१ ॥ कम्मं परिन्नाय
 दगंसि धीरे, वियडेण जीविज्ज य आदिमोक्खं । से बीयकंदाइ अभुंज-
 माणे, विरते सिणाणाइसु इत्थियासु ॥ २२ ॥ जे मायरं च पियरं च हिच्चा;

गारं तहा पुत्तपसुं धणं च । कुलाइं जे धावइ साउगाइं, अहाहु से
सामणियस्स दूरे ॥ २३ ॥ कुलाइं जे धावइ साउगाइं, आघाति धम्मं उदरा-
णुगिद्धे । अहाहु से आयरियाण सयंसे, जे लावएज्जा असणस्स हेऊ
॥ २४ ॥ शिखम्म दीणो परभोयणांमि, मुहमंगलीए उदराणुगिद्धे । नीवार-
गिद्धेव महावराहे, अदूरए एहिइ घातमेव ॥ २५ ॥ अन्नस्स पाणस्सिहलो-
इयस्स, अणुप्पियं भासति सेवमाणो । पासत्थयं चेव कुसीलयं च, निस्सारए
होइ जहा पुलाए ॥ २६ ॥ अराणातपिंडेणऽहियासएज्जा, णो पूयणां तवसां
आवहेज्जा । सदेहिं रुवेहिं असज्जमाणां, सब्बेहिं कामेहिं विणीय गेहिं
॥ २७ ॥ सब्बाइं संगाइं अइच्च धीरे, सब्बाइं दुक्खाइं तितिवक्खमाणे ।
अखिले अगिद्धे अणिएयचारी, अभयंकरे भिक्खु अणाविलप्पा ॥ २८ ॥
भारस्स जत्ता (जाता) मुणि भुंजएज्जा, कंखेज्ज पावस्स विवेग भिक्खू ।
दुक्खेण पुट्ठे धुयमाइएज्जा, संगामसीसे व परं दमेज्जा ॥ २९ ॥ अवि-
हम्ममाणो फलगावतट्ठी, समागमं कंखति अंतकस्स । शिधूय कम्मं ण
पवंचुवेइ, अक्खक्खए वा सगडं तिबेमि ॥ ३० ॥ (गाथाग्रं ४०२)

॥ इति सप्तममध्ययनम् ॥ ७॥

॥ अथ अष्टमं श्रीवीर्याध्ययनम् ॥

दुहा वेयं सुयक्खायं, वीरियंति पवुच्चई । किं नु वीरस्स वीरत्तं, कहं
चेयं पवुच्चई ? ॥ १ ॥ कम्ममेगे पवेदंति, अकम्मं वावि सुब्बया । एतेहिं
दोहि ठाणेहिं, जेहिं दीसति मच्चिया ॥ २ ॥ पमायं कम्ममाहंसु, अण्णमायं
तहाऽवरं । तब्भावादेसओ वावि, बालं पंडियमेव वा ॥ ३ ॥ सत्थमेगे तु
सिक्खंता (सिक्खंति), अतिवायाय पाणिणां । एगे मंते अहिज्जंति, पाण-
भूयविहेडिणो ॥ ४ ॥ माइणो कट्ठ माया य, कामभोगे समारभे (आरंभाय
तिवट्ठइ) । हंता छेत्ता पगब्भित्ता, आयसायाणुगामिणो ॥ ५ ॥ मणसा

वयसा चैव, कायसा चैव अंतसो । आरत्र्यो परत्र्यो वावि, दुहावि य असं-
 जया ॥ ६ ॥ वेराइं कुव्वई वेरी, तत्र्यो वेरेहिं रज्जती । पावोवगा य आरंभा,
 दुक्खफासा य अंतसो ॥ ७ ॥ संपरायं णियच्छंति, अत्तदुक्कडकारिणो ।
 रागदोसस्सिया वाला, पावं कुव्वंति ते वहुं ॥ ८ ॥ एयं सकम्मवीरियं,
 वालाणां तु पवेदितं । इत्तो अकम्मविरियं, पंडियाणां सुणोह मे ॥ ९ ॥
 दव्विए वंधणमुक्के, सव्वत्र्यो छिन्नबंधणे । पणोल्ल पावकं कम्मं, सल्लं
 कंतति अंतसो (सल्लं कंतइ अप्पणो) ॥ १० ॥ नेयाउयं सुयक्खायं,
 उवादाय समीहए । भुज्जो भुज्जो दुहावासं, असुहत्तं तहा तहा ॥ ११ ॥
 ठाणी विविहठाणाणि, चइस्संति ण संसत्र्यो । अणियते अयं वासे
 (अनिइए य संवासे), णायएहिं सुहीहि य ॥ १२ ॥ एवमादाय मेहावी,
 अप्पणो गिद्धिमुद्धरे । आरियं उवसंपज्जे, सव्वधम्मकोवि यं ॥ १३ ॥
 सह संमइए णच्चा, धम्मसारं सुणोत्तु वा । समुवट्टिए उ अणगारे (उवट्टिए
 य मेहावी), पक्खखायपावए ॥ १४ ॥ जं किंचुवकमं जाणे (णच्चा),
 आउक्खेमस्स अप्पणो । तस्सेव अंतरा खिप्पं, सिक्खं सिक्खेज्ज पंडिए
 ॥ १५ ॥ जहा कुम्मे सअंगइं, सए देहे समाहरे । एवं पावाइं मेधावी,
 अज्झप्पेण समाहरे ॥ १६ ॥ साहरे हत्थपाए य, मणां पंचे(सव्वे)दियाणि
 य । पावकं च परीणामं, भासादोमं च तारिसं ॥ १७ ॥ अणु मारां च मायं
 च, तं पडिन्नाय पंडिए (अइमारां च मायं च तं परिणाय पंडिए), (सुयं मे
 इहमेगेसिं । एयं वीरस्स वीरियं), (आयतट्ठं सुआदाय, एवं वीरस्स वीरियं),
 सातागारवणिहुए, उवसंते णिहं चरे ॥ १८ ॥ पाणे य णाइवाएज्जा, अदिन्नंपिय
 णादए । सादियं ण मुसं ब्रूया, एस धम्मे वुसीमत्र्यो ॥ १९ ॥ अतिकम्मंति
 वायाए, मणासा वि न पत्थए । सव्वत्र्यो संबुडे दंते, आयाणां सुसमाहरे
 ॥ २० ॥ कडं च कज्जमाणां च, आगमिस्सं च पावगं । सव्वं तं णाणुजाणंति,
 आयगुत्ता जिहंदिया ॥ २१ ॥ जे याबुद्धा महाभागा, वीरा असमत्तदंसिणो ।

असुद्धं तेसिं परक्कंतं, सफलं होइ सव्वसो ॥२२॥ जे य बुद्धा महाभागा,
वीरा सम्मत्तदंसिणो । सुद्धं तेसिं परक्कंतं, अफलं होइ सव्वसो ॥२३॥
तेसिंपि तयो ण (इ) सुद्धो, निक्खंता जे महाकुला । जन्ने वन्ने वियाणंति,
न सिलोगं पवेज्जए ॥२४॥ अप्पपिंडासि पाणासि, अप्पं भासेज्ज सुव्वए ।
खंतेऽभिनिव्वुडे दंते, वीतगिद्धी सदा जए ॥२५॥ भाणजोगं सवाहट्ठु,
कायं विउसेज्ज सव्वसो । तित्तिक्खं परमं णच्चा, आमोक्खाए परिव्वएज्जासि
॥२६॥ (गाथाग्रं० ४४६) त्तिवेमि ॥

॥ इति चोर्याडयमष्टममध्ययनम् ॥८॥

॥ अथ धर्माख्यं नवममध्ययनम् ॥

कयरे धम्मे अक्खाए, माहणेण मतोमता । अंजु धम्मं जहातच्चं, जिणाणं
तं सुणेह मे (जणागा तं सुणेह मे) ॥१॥ माहणा खत्तिया वेस्सा, चंडाला अदु
बोक्कसा । एसिया वेसिया सुद्धा, जे य आरंभणिस्सिया ॥२॥ परिग्गहनिवि-
ट्ठाणं, पावं (वेरं) तेसिं पवड्ढई । आरंभसंभिया कामा, न ते दुक्खविमोयगा
॥३॥ आघायकिच्चमाहेउं, नाइओ विसएसिणो । अन्ने हरंति तं वित्तं, कम्मी
कम्मेहिं किच्चती ॥४॥ माया पिया राहुसा भाया, भज्जा पुत्ता य ओरसा ।
नालं ते तव ताणाय, लुप्पंतस्स सक्कमुणा ॥५॥ एयमट्ठं सपेहाए, परमट्ठा-
णुगामियं । निम्ममो निरहंकारो, चरे भिक्खू जिणाहियं ॥ ६ ॥ चिच्चा
वित्तं च पुत्ते य, णाइओ य परिग्गहं । चिच्चा ण अंतगं सोयं, (चिच्चा-
णऽणांतगं सोयं) निरवेक्खो परिव्वए ॥ ७ ॥ पुट्ठी उ अगणी वाऊ,
तणरुक्खा सवीयगा । अंडया पोयजराऊ, रससंसेयउब्भिया ॥ ८ ॥ एतेहिं
छहिं काएहिं, तं विज्जं परिजाणिया । मणसा कायवक्केणं, णारंभी ण
परिग्गही ॥ ९ ॥ मुसावायं बहिद्धं च, उग्गहं च अजाइया । सत्थादाणाइं
लोगंसि, तं विज्जं परिजाणिया ॥ १० ॥ पलिउंचणं भयणं च, थंडित्तु-

यणाणि या । धूणादाणां लोगंसि, तं विज्जं परिजाणिया ॥ ११ ॥
 धोयणां रयणां चैव, बत्थीकम्मं विरेयणां । वमणंजणा पलीमंथं, तं विज्जं
 परिजाणिया ॥ १२ ॥ गंधमल्लमिणाणां च, दंतपक्खालणां तहा । परिग्ग-
 हित्थिकम्मं च, तं विज्जं परिजाणिया ॥ १३ ॥ उद्देसियं कीयगडं, पामिच्चं
 चैव आहडं । पूयं अणोसणिज्जं च, तं विज्जं परिजाणिया ॥ १४ ॥
 आसूणिमविस्वराणं च, गिद्धुवघायकम्मगं । उच्छोलणां च कक्कं च, तं
 विज्जं परिजाणिया ॥ १५ ॥ संपसारी कयकिरिए, पसिणायतणाणि य ।
 सागारियं च पिंडं च, तं विज्जं परिजाणिया ॥ १६ ॥ अट्ठावयं न सिविस्वजा,
 वेहाईयं च णो वए । हत्थकम्मं विवायं च, तं विज्जं परिजाणिया ॥ १७ ॥
 पाणहाओ य छत्तं च, णालीयं वालवीयणां । परकिरियं अन्नमन्नं च, तं
 विज्जं परिजाणिया ॥ १८ ॥ उच्चारं पासवणां, हरिणसु ण करे मुणी ।
 वियडेण वावि साहट्ठु, णायमेज्जा(वमज्जे) कयाइवि ॥ १९ ॥ परमत्ते
 अन्नपाणां, ण भुंजेज्ज कयाइवि । परवत्थं अचेलोऽवि, तं विज्जं परि-
 जाणिया ॥ २० ॥ आसंदी पलियंके य, णिसिज्जं च गिहंतरे । संपुच्छणां
 सरणां वा, तं विज्जं परिजाणिया ॥ २१ ॥ जसं किंत्तिं सलोयं च, जा य
 वंदणापूयणा । सब्वलोयंसि जे कामा, तं विज्जं परिजाणिया ॥ २२ ॥
 जेणेहं णिव्वहे भिक्खु, अन्नपाणां तहाविहं । अणुप्पयाणमन्नेसिं, तं विज्जं
 परिजाणिया ॥ २३ ॥ एवं उदाहु निग्गंथे. महावीरे महामुणी । अणांतना-
 णदंसी से, धम्मं देसितवं सुतं ॥ २४ ॥ भासमाणो न भासेज्जा, गोव वंफेज्ज
 मम्मयं । मातिट्ठाणां विवज्जेज्जा, अणुचितिय वियागरे ॥ २५ ॥ तत्थिमा-
 तइया भासा, जं वदिताऽणुत्तपपी । जं छन्नं तं न वत्तव्वं, एसा आणा
 णियंठिया ॥ २६ ॥ होलावायं सहीवायं, गोयावायं च नो वदे । तुमं
 तुमंति अमणुन्नं, सब्वसो तं ण वत्तए ॥ २७ ॥ अकुसीले सया भिक्खु,
 गोव संसगियं भए । सुहरूवा तत्थुवस्सग्गा, पडिबुज्जेज्ज ते विऊ ॥ २८ ॥

नन्नत्थ अंतराएणां, परगेहे ण णिसीयए । गामकुमारियं किड्डं, नातिवेलं
हसे मुणी ॥ २६ ॥ अणुस्सुओ (अणिसिओ) उरालेसु, जयमाणो परिव्वए ।
चरियाए अप्पमत्तो, पुट्ठो तत्थअहियासए ॥ २७ ॥ हम्ममाणो ण कुप्पेज्ज,
वुच्चमाणो न संजले । सुमणो अहियासिज्जा, ण य कोलाहलं करे ॥ २८ ॥
लद्धे कामे ण पत्थेज्जा, विवेगे एव(स)माहिए । आयरियाइं सिक्खेज्जा, बुद्धाणं
अंतिए सया ॥ २९ ॥ सुस्सूसमाणो उवासेज्जा, सुप्पन्नं सुतवस्सियं । वीरा जे
अत्तपन्नेसी, धितिमन्ता जिइंदिया ॥ ३० ॥ गिहे दीवमपासंता, हरिसा-
दाणिया नरा । ते वीरा बंधणुमुक्का, नावकंखंति जीवियं ॥ ३१ ॥ अगिद्धे
सइहासेसु, आरंभेसु अणिसिए । सब्बं तं समयातीतं, जमेतं लवियं बहु
॥ ३२ ॥ अइमाणं च मायं च, तं परिणाय पंडिए । गारदाणि य
सव्वाणि, शिब्बाणां संधए मुणि ॥ ३३ ॥ (गाथाग्रं ४८२) तिवेमि ॥

॥ इति नवममध्ययनम् । ९ ॥

॥ अथ दशमं श्रीसमाध्याख्यमध्ययनम् ॥

आधं मईमं मणुवीय धम्मं, अञ्च समाहिं तमिणां सुणोह । अपडिन्न
भिक्षू उ समाहिपत्ते, अणियाणा भूतेसु परिव्वएज्जा ॥ १ ॥ उड्डं अहे यं
तिरियं दिसासु, तमा य जे थावर जे य पाणा । हत्थेहिं पाएहिं य संज-
मिता, अदिन्नमन्नेसु य णो गंहेज्जा ॥ २ ॥ सुयक्खायधम्मे वित्तिगिच्छ-
तिराणो, लाढे चरे आयतुले पयासु । आयं न कुज्जा इह जीवियट्ठी, चयं
न कुज्जा सुतवस्सि भिक्षू ॥ ३ ॥ सव्विंदियाभिनिव्वुडे पयासु, चरे मुणी
सव्वतो विप्पमुक्के । पासाहि पाणो य पुट्ठोवि सत्ते, दुक्खेणा अट्ठे परितप्प-
माणो ॥ ४ ॥ एतेसु बाले य (एवं तु बाले) पकुच्चमाणो, आवट्ठती (आउ-
ट्ठति) कम्मसु पावएसु । अतिरायतो कीरति पावकम्मं, निउंजमाणो उ-
करेइ कम्मं ॥ ५ ॥ आदीणवित्तीव (आदीणभूइवि) करेति पावं, मंता उ

एगंतसमाहिमाहु । बुद्धे समाहीय रते विवेगे, पाणातिवाता विरते ठियप्पा
 (ठियच्चि) ॥ ६ ॥ सव्वं जगं तू समयाणुपेही, पियमप्पियं कस्सइ णो करेज्जा ।
 उट्ठाय दीणो य पुणो विसन्नो, संपूयणां चेव सिलोयकामी ॥ ७ ॥ आहा-
 कडं चेव निकाममीणो, नित्यामचारी य विसरणमेसी । इत्थीसु सत्ते य पुढो
 य बाले, परिग्गहं चेव पकुब्बमाणो ॥ ८ ॥ वेराणुगिद्धे (आरंभसत्तो णिचयं
 करेति, इत्थो चुते स इह(से दुह)मट्टदुग्गं । तम्हा उ मेधावि समिक्ख धम्मं,
 चरे मुणी सव्वउ विप्पमुक्के ॥ ९ ॥ आयं ण कुज्जा इह जीवियट्ठी, अस-
 जमाणो य परिव्वएज्जा । णिसम्मभासी य विणीय गिद्धिं, हिंसन्नियं वा ण
 कडं करेज्जा ॥ १० ॥ आहाकडं वा ण णिकामएज्जा, णिकामयंते य ण
 संथवेज्जा । धुणो उरालं अणुवेहमाणो, विच्चाण सोयं अणुवेक्खमाणो
 ॥ ११ ॥ एगत्तमेयं अभिपत्थएज्जा, एवं पओवखो न मुसंति पासं । एसप्प-
 मोवखो अमुसे वरेवि, अक्रोहणो सचरते तवस्सी ॥ १२ ॥ इत्थीसु या
 आरय मेहुणात्थो, परिग्गहं चेव अकुब्बमाणो । उच्चावएसुं विसएसु ताई,
 निस्संसयं मिक्खु समाहिपत्ते ॥ १३ ॥ अरइं रइं च अभिभूय भिक्खू,
 तणाइफासं तह सीयफासं । उराहं च दंसं चअहियांसएज्जा, सुब्धिं व दुब्धिं
 व तितिक्खएज्जा ॥ १४ ॥ गुत्तो वईए य समाहिपत्तो, लेसं समाहट्ठु
 परिव्वएज्जा । गिहं न ज्ञाए णवि ज्ञायएज्जा, संमिस्सभावं पयहे पयासु
 ॥ १५ ॥ जे केइ लोगंमि उ अकिरियआया, अन्नेण पुट्ठा धुयमादिसंति ।
 आरंभसत्ता गदित्ता य लोए, धम्मं ण जाणांति विमुक्खहेउं ॥ १६ ॥ पुढो
 य छंदा इह माणावा उ, किरियाकिरीयं च पुढो य वायं । जायस्स बालस्स
 पकुब्ब देहं (जायाए बालस्स पगव्वमाणे), पवड्ढती वेरमसंजतस्स ॥ १७ ॥
 आउक्खयं चेव अबुब्भमाणो, ममाति से साहसकारि मंदे । अहो य रात्थो
 परितप्पमाणो, अट्ठेसु मूढे अजरामरेव्व ॥ १८ ॥ जहाहि वित्तं पसवो य
 सव्वं, जे वंधवा जे य पिया य मित्ता । लालप्पती सेअवि य (गंधमुर्वेति)

एइ मोहं, अन्ने जणा तंसि हरंति वित्तं ॥ १९ ॥ सीहं जहा खुड्ढमिगा
चरंता, दूरे चरंती परिसंकमाणा । एवं तु मेहावि समिक्ख धम्मं, दूरेण
पावं परिवज्जएज्जा ॥ २० ॥ संबुज्झमाणो उ णारे मतीमं, पावाउ अप्पाण
निवट्टएज्जा । हिंसप्पसूयाइं दुहाइं मत्ता, वेराणुबंधीणि महब्भयाणि (निव्वा-
णभूए व परिववएज्जा) ॥ २१ ॥ मुसं न बूया मुणि अत्तगामी, णिव्वाण-
मेयं कसिणां समाहिं । सयं न कुज्जा न य कारवेज्जा, करंतमन्नंपि य णाणु-
जाणे ॥ २२ ॥ सुद्धे सिया जाए न दूसएज्जा, अमुच्छिण्ण य अज्मोव-
वन्ने । धितिमं विमुक्के ण य पूयणट्ठी, न सिलोयगामी य परिववएज्जा
॥ २३ ॥ निक्खम्म गेहाउ निरावकंखी, कायं विउसेज्ज नियाणछिन्ने । णो
जीवियं णो मरणाभिकंखी, चरेज्ज भिक्खु वलया विमुक्के ॥ २६ ॥
त्तिवेमि ॥ (गाथाग्रं-५८०)

॥ इति दशममध्ययनम् ॥१०॥

॥ अथ एकादशं श्रीमार्गाध्ययनम् ॥

कयरे मग्गे अक्खाए, माहणेणं मईमता । जं मग्गं उज्जु पावित्ता,
ओहं तरति-दुत्तरं ॥१॥ तं मग्गं गुत्तरं सुद्धं, सब्बदुक्खविमोक्खणं ।
जाणासि-णं जहा भिक्खु !, तं णो बूहि महामुणी ॥२॥ जइ णो केइ
पुच्छिज्जा, देवा अदुव माणुसा । तेसिं तु कयरे मग्गं, आइक्खेज्ज ? कहाहि
णो ॥३॥ जइ वो केइ-पुच्छिज्जा, देवा अदुव माणुसा । तेसिमं पडिसा-
हिज्जा, मग्गसारं सुणेह मे (तेसिं तु इमं मग्गं, आइक्खेज्ज सुणेह मे) ॥४॥
अणुपुज्जेण महाघोरं, कासवेण पवेइयं । जमादाय इओ पुव्वं, समुहं ववहा-
रिणो ॥५॥ अतरिंसु तरंतेगे, तरिस्संति अणागया । तं सोच्चा पडिवक्खामि,
जंतवो तं सुणेह मे ॥६॥ पुढवीज्जीवा पुढो सत्ता, आउजीवा तहाज्जणी ।
वाउजीवा पुढो सत्ता, जणारुक्खा सब्बीकणा ॥७॥ अहावरा तसा पाणा, एवं

छकाय आहिया । एतावए (इत्ताव एव जीवकाए, नावरे विज्जती काए
 (कए) (णावरे कोइ विज्जई) ॥८॥ सव्वाहिं अणुजुत्तीहिं, मतिमं पडिलेहिया ।
 सव्वे अवकंतदुखा य, अतो सव्वे न हिंसया ॥९॥ एयं खु णाणिणो सारं,
 जं न हिंसति कंचण । अहिंसा समयं चेव, एतावंतं विजाणिया ॥१०॥
 उड्ढं अहे य तिरियं, जं केइ तसथावरा । सव्वत्थ विरतिं विज्जा, संति
 निव्वाणमाहियं ॥११॥ पभू दोसे निराकिच्चा (निरिविखत्ता), ण विरुज्जेज्ज
 केणई । मणसा वयसा चेव, कायसा चेव अंतसो ॥१२॥ संवुडे
 से महापन्ने, धीरे दत्तेसणं चरे । एसणासमिए णिच्चं, वज्जयंते अणो-
 सणं ॥१३॥ भूयाइं च समारंभ, तमुद्दिस्सा (भूयाइं समारंभ, समुद्दिस्सा)
 य जं कडं । तारिसं तु ण गिरंहेज्जा, अन्नपाणं सुसंजए ॥१४॥ पूईकम्मं
 न सेविज्जा, एस धम्मे वुसीमयो । जं किंचि अभिकंखेज्जा, सव्वसो तं न
 कप्पए ॥१५॥ हणंतं णाणुजाणंज्जा, आयगुत्ते जिइंदिए । ठाणाइं संति
 सद्धीणं, गामेसु नगरेसु वा ॥१६॥ तहा गिरं समारब्भ, अत्थि पुराणंति
 णो वए । अहवा णत्थि पुराणंति, एवमेयं महब्भयं ॥१७॥ दाणाट्टया य जे
 पाणा, हम्मंति तसथावरा । तेसिं सारक्खणाट्टाए, तम्हा अत्थित्ति णो वए
 ॥१८॥ जेमिं तं उवकप्पंति, अन्नपाणं तहाविहं । तेसि लाभंतरायंति, तम्हा
 णत्थित्ति णो वए ॥१९॥ जे य दाणं पसंसंति, वहमिच्छंति पाणिणं ।
 जे य णं पडिसेहंति, वित्तिच्छेयं करंति ते ॥२०॥ दुहओवि ते ण भासंति,
 अत्थि वा नत्थि वा पुणो । आयं रयस्स हेच्चा णं, निव्वाणं पाउणंति
 ते ॥२१॥ निव्वाणं परमं बुद्धा, णक्खत्ताण व चंदिमा । तम्हा सदा जए
 दंते, निव्वाणं संधए मुणी ॥२२॥ बुज्झमाणाण पाणाणं, किच्चंताण
 सक्कमुणा । आयाति साहु तं दीवं, पतिट्ठेसा पवुच्चई ॥२३॥ आयगुत्ते
 सया दंते, छिन्नसोए अणासवे । जे धम्मं सुद्धमक्खाति, पडिपुन्नमणोलिसं
 ॥२४॥ तमेव अविजाणंता, अबुद्धा बुद्धमाणिणो । बुद्धा मोत्ति य मन्नंता,

अंत एते समाहिए ॥२५॥ ते य बीओदगं चैव, तमुद्दिस्सा य जं कडं ।
 भोच्चा भाणं भियायंति, अखेयन्नाऽ[अ]समाहिया ॥२६॥ जहा टंका य
 कंका य, कुलला मग्गुका सिही । मच्छेसणं भियायंति, भाणं ते कलुसा-
 धमं ॥२७॥ एवं तु समणा एगे, मिच्छद्दिट्ठी अणारिया । विसएसणं
 भियायंति, वंका वा कलुसाहमा ॥२८॥ सुद्धं मग्गं विराहित्ता, इहमेगे उ
 दुम्मती । उम्मग्ग(ग्गेण)गता दुक्खं, घायमेसंति तं तहा ॥२९॥ जहा आसा-
 विणिं नावं, जाइअंधो दुरुहिया । इच्छई पारमागंतुं, अंतरा य विसीयति
 ॥३०॥ एवं तु समणा एगे, मिच्छद्दिट्ठी अणारिया । सोयं कसिणमावन्ना,
 आगंतारो महब्भयं ॥३१॥ इमं च धम्ममादाय कासवेण पवेदितं । तरे सोयं
 महाघोरं, अत्तत्ताए परिव्वए (कुज्जा भिक्खु गिलाणस्स अगिलाए समाहिए)
 ॥३२॥ विरए गामधम्मेहिं, जे केई जगई जगा । तेसिं अत्तुवमायाए, थामं
 कुव्वं परिव्वए ॥३३॥ अइमाणं च, तं परिन्नाय पंडिए । सब्बमेयं णिरा-
 किच्चा, णिव्वाणं संधए मुणी ॥३४॥ संधए (सद्देहे) साहुधम्मं च, पावधम्मं
 णिराकरे । उवहाणवीरिए भिक्खु, कोहं माणं ण पत्थए (च वज्जए) ॥३५॥
 जे य बुद्धा अतिक्कंता, जे य बुद्धा अणागया । संति तेसिं पइट्ठाणं, भूयाणं
 जगती जहा ॥३६॥ अह णं वयमावन्नं, फासा उच्चावया फुसे । ण तेसु
 विणिहराणेज्जा, वाएण व महागिरी ॥३७॥ संबुडे से महापन्ने, धीरे बुद्धे
 दत्तेसणं चरे । निव्वुडे कालमाकंखी, एयं केवलिणो मयं ॥३८॥ तिबेमि ।
 (गाथाग्रं ५४६)

॥ इति एकादशमध्ययनम् ॥११॥



॥ अथ द्वादशं श्रीसमवसरणाध्ययनम् ॥

चत्वारि समोसरणाणिमाणि, पावाडुया जाइं पुढो वयंति । किरियं
 अकिरियं विणियंति तइयं, अन्नाणमाहंसु चउत्थमेव ॥१॥ अरणाणिया
 ता कुसलावि संता, अमंथुया णो वितिगिच्छतिन्ना । अकोविया आहु
 अकोवियेहिं, अणाणुवीडुत्तु मुसं वयंति ॥२॥ सच्चं असच्चं इति चितयंता,
 असाहु साहुत्ति उदाहरंता । जेमे जणा वेणइया अरोगे, पुढावि भावं
 विणइंसु णाम ॥३॥ अणोवसंखा इति ते उदाहु, अट्ठे स ओभासइ अम्ह
 एवं । लवावसंकी य अणागएहिं, णो किरियमाहंसु अकिरियवादी ॥४॥
 सम्मिस्सभावं च गिरा गहीए, से मुम्मई होइ अणाणुवाई । इमं दुपक्खं
 इमपेगक्खं, आहंसु छलायतणं च कम्मं ॥५॥ ते एवमक्खंति अबुज्झ-
 माणा, विरुवरूवाणि अकिरियवाई । जे मायइत्ता बहवे मणूसा, भमंति
 संसारमणोवदग्गं ॥६॥ णाइचो उएइ ण अत्थमेति, ण चंदिमा वड्ढति हायती
 वा । सलिला ण संदंति ण वंति वाया, वंभो णियतो कंसिणे हु लोए
 ॥७॥ जहाहि अंधे सह जोतिणावि, रूवाई णो पस्सति हीणणोत्ते । संतंषि
 ते एवमकिरियवाई, किरियं ण पस्संति निरुद्धपन्ना ॥८॥ संवच्छरं सुविणं
 लक्खणं च, निमित्तदेहं च उप्पाइयं च । अट्ठंगमेयं बहवे अहिता, लोगंसि
 जाणंति अणागताइं ॥९॥ केई निमित्ता तहिया भवन्ति, केसिंचि तं विप्प-
 डिएति णाणं (माणां) । ते विज्जभावं अणाहिज्जमाणा, आहंसु विज्जापरिमो-
 क्खमेव (जाणामु लोगंसि वयंति मंदा) ॥१०॥ ते एवमक्खंति समिच्च लोगं, तहां
 तहा (गया)ममणा माहंणा यं । सयं कंडं णांअकंडं च दुक्खं, आहंसु विज्जा-
 चरणां पमोक्खं ॥११॥ ते चक्खु लोगंसिह णायगा उ, मग्गाणुसासंति हितं
 पयाणं । तहा तहा सासयमाहु लोए, जंसी पया माणाव ! संपगाढा ॥१२॥
 जे रक्खसा वा जमलोइया वा, जे वा सुरा गंधव्वा य काया । आगास-

गामी य पुद्गेसिया जे, पुणो पुणो विप्परियासुवेति ॥१३॥ जमांडु ओहं
 सलिलं अपारगं, जाणाहि णं भवगहणं दुमोक्खं । जंसी विसन्ना विसयं-
 गणाहिं, दुहंओऽवि लोयं अणुसंचरंति ॥१४॥ न कम्मुणा कम्म खवेति
 बाला, अकम्मुणा कम्म खवेति धीरा । मेधाविणो लोभमयावतीता, संतो-
 सिणो नो पकरेति पावं (संतोसिणो लोभमयावतीता) ॥१५॥ ते तीयउप्पन्न-
 मणागयाइं, लोगस्स जाणंति तहागयाइं । गोतारो अन्नेसि अणान्नणोया,
 बुद्धा हु ते अंतकडा भवंति ॥१६॥ ते गोद कुब्बंति ण कारवंति, भूताहि-
 संकाइ दुगुंछमाणा । सया जता विप्पणमंति धीरा, विगणत्ति(गणाय) धीरा
 य हवंति (वीरा य भवंति) एगे ॥१७॥ डहरे य पाणे बुड्ढे य पाणे, ते
 आत्तओ पासइ (तुल्लए) सब्वलोए । उव्वेहती लोगमिणं महंतं, बुद्धेऽपमत्तेसु
 परिव्वएज्जा ॥१८॥ जे आयओ परओ वावि णच्चा, अलमप्पणो होंति
 अलं परेसिं । तं जोइभूतं च सयावसेज्जा, जे पाउकुज्जा अणुवीति धम्मं
 ॥१९॥ अत्ताण जो जाणति जो य लोगं, गइं च जो जाणइ णागइं च ।
 जो सासय जाण असासयं च, जातिं मरणं च जणोववायं ॥२०॥ अहोऽवि
 सत्ताण विउट्टणं च, जो आसवं जाणति संवरं च । दुवखं च जो जाणति
 निज्जरं च, सो भासिउमरिहइ किरियवादं ॥२१॥ सहेसु रूवेसु अमज्ज-
 माणो, गंधेसु रसेसु अदुस्समाणे । णो जीवितं णो मरणाहिकंखी, आया-
 णगुत्ते वलया विमुक्के ॥२२॥ त्तिवेमि ॥ (गाथाग्रं ५६८)

॥ इति द्वादशममध्ययनम् ॥१२॥

॥ अथ त्रयोदशं श्रीयाथातथ्याध्ययनम् ॥

आहत्तहीयं तु पवेयइस्सं, नाणप्पकारं पुरिसस्स जातं । सओ अ
 धम्मं असओ असीलं, संतिं असंतिं करिस्सामि पाउं ॥ १ ॥ अहो य राओ
 अ समुट्ठिण्हिं, तहागण्हिं पड्डिलब्भ धम्मं । समाहिमाघातमजोसयंता,

સત્યારમેવં ફરુસં વયંતિ ॥ ૨ ॥ વિસોહિયં તે અણુકાહ્યંતે, જે આતભાવેણ
 વિયાગરેજ્ઞા । અટ્ટાણિ હોઈ વહુગુણાણાં (હોંતિ વહુનિવેસો), જે ણાણસંકાઈ
 મુસં વદેજ્ઞા ॥ ૩ ॥ જે યાવિ પુટ્ટા પલિઉંચયંતિ, આયાણમદ્દં સ્વલુ વંચ-
 યિત્તા (યન્તિ) । અસાહુણો તે રૂહ સાહુમાણી, માયગિણા એસંતિ અણંતવાતં
 ॥ ૪ ॥ જે કોહણો હોઈ જગટ્ટભાસી, વિઓસિયં જે ઉ ઉદીરણજ્ઞા । અંધે વ
 સે દંડપહં ગહાય, અવિઓસિણ ધાસતિ પાવકમ્મી ॥ ૫ ॥ જે વિગ્ગહીણ
 અન્નાયભાસી, ન સે સમે હોઈ અમ્મંમપત્તે । ઓ(ઉ)વાયકારી ય હરીમણો ય,
 એગંતદિટ્ઠી (એગંતસટ્ઠી) ય અમાઈરૂવે ॥ ૬ ॥ સે પેસલે સુહુમે પુરિસજાણ,
 જચ્ચન્નિણે ચેવ સુઉજ્જુયારે । વહુંપિ અણુસાસિણ જે તહચ્ચા, સમે હુ સે હોઈ
 અમ્મંમપત્તે ॥ ૭ ॥ જે આવિ અપ્પં વસુમંતિ મત્તા, સંસાય વાયં અપરિવ્વ
 કુજ્ઞા । તવેણ વાઽહં સહિઉત્તિ મત્તા, અગણાં જણાં પસ્મતિ ત્રિવમ્મયં ॥ ૮ ॥
 એગંતકૂડેણ ઉ સે પલેઈ. ણ વિજ્ઞતો મોણપયંસિ ગોત્તે । જે માણણટ્ઠેણ
 વિઉક્કસેજ્ઞા, વસુમન્નતરેણ અબુજ્જમણો ॥ ૯ ॥ જે માહણો સ્વત્તિયજાયણ વા,
 તહુગ્ગપુત્તે તહ લેચ્છઈ વા । જો પવ્વઈણ પરદત્તમંઈ, ગોત્તે ણ જે થંમતિ
 (થંમભિ) માણવદ્ધે ॥ ૧૦ ॥ ન તસ્સ જાઈ વ કુલ્લં વ તાણં, ણાણાત્થ
 વિજ્ઞાચરણં સુચિણં । ણિવસ્વમ્મ સે મેવઽગ્ગારિમગ્ગં(કમ્મં), ણ સે પારણ હોઈ
 વિમોયણાણ ॥ ૧૧ ॥ ણિકિંચણો ભિક્ખુ સુલૂહજીવી, જે ગારવં હોઈ સલો-
 ગગામી । આજીવમેયં તુ અબુજ્જમણો, પુણો પુણો વિપ્પરિયાસુવેતિ ॥ ૧૨ ॥
 જે ભાસવં ભિક્ખુ સુસાહુવાદી, પહિહાણવં હોઈ વિસારણ ય । આગાહપરાણો
 સુવિભાવિયપ્પા, અન્નં જણં પન્નયા પરિહવેજ્ઞા ॥ ૧૩ ॥ એવં ણ સે હોઈ
 સમાહિપત્તે, જે પન્નવં ભિક્ખુ વિઉક્કસેજ્ઞા । અહવાઽવિ જે લા(લો)મમયા-
 વલિત્તે, અન્નં જણં સિંસતિ વાલપન્ને ॥ ૧૪ ॥ પન્નામયં ચેવ તવોમયં ચ,
 ણિન્નામણ ગોયમયં ચ ભિક્ખુ । આજીવગં ચેવ ચત્થમાહુ, સે પંહિણ ઉત્તમ-
 પોગ્ગલે સે ॥ ૧૫ ॥ એયાઈ મયાઈ વિગિંચ ધીરાં, ણ તાણિ સેવંતે સુધીર-

धम्मा । ते सब्वगोत्तावगया महेसी, उच्चं अगोत्तं च गतिं वयंति ॥ १६ ॥
 भिक्खु मुयच्चे तह(सूय)दिट्ठधम्मे, गामं च गागरं च अणुप्पविस्सा । से
 एसणं जाणमणोसणं च, अन्नस्स पाणस्स अणाणुगिद्धे ॥ १७ ॥ अरतिं
 रतिं च अभिभूय भिक्खु, बहूजणे वा तह एगचारी । एगंतमोणेण विया-
 गरेज्जा, एगस्स जंतो गतिरागती य ॥ १८ ॥ सयं समेच्चा अदुवाऽवि सोच्चा,
 भासेज्ज धम्मं हिययं पयाणं । जे गरहिया सणियाणप्पओगा, ण ताणि
 सेवंति सुधीरधम्मा ॥ १९ ॥ केसिंचि तक्काइ अबुज्झ भावं, खुदं पि गच्छेज्ज
 असद्वहाणे । आउस्स कालाइयारं वघाए, लद्धाणुमाणे य परेसु अट्ठे
 ॥ २० ॥ कम्मं च छंदं च विगिंच धीरे, विणइज्ज उ सब्वओ (सुब्वओ)
 पाव(आय)भावं । खुवेहिं लुप्पंति भयावहेहिं, विज्जं गहाया तसथावरेहिं
 ॥ २१ ॥ न पूयणं चेव सिलोयकामी, पियमप्पियं कस्सइ णो करेज्जा ।
 सब्वे अणट्ठे परिवज्जयंते, अणाउले या अकसाइ भिक्खु ॥ २२ ॥ आह-
 त्ताहीयं समुपेहमाणे सब्वेहिं पाणेहिं णिहाय दंडं । णो जीवियं णो मरणा-
 हिकंखी, मेहावि वलयाविप्पमुक्के (परिव्वएज्जा वलयाविमुक्के) ॥ २३ ॥

त्तिवेमि ॥ (गाथाग्रं-५९१) इति त्रयोदशमध्ययनम् ॥ १३ ॥

॥ अथ ग्रन्थनामकं चतुर्दशमध्ययनम् ॥

गंथं विहाय इह सिक्खमाणो, उट्ठाय सुवंधवेरं वसेज्जा । ओवाय-
 कारी विणयं सुसिक्खे, जे छेय विप्पमायं न कुज्जा ॥ १ ॥ जहा दियापोतम-
 पत्तजातं, सावासगा पविउं मन्नमाणं । तमचाइयं तरुणमपत्तजातं, दंकाइ
 अव्वत्तगमं हरेज्जा ॥ २ ॥ एवं तु सेहंपि अपुट्ठधम्मं, निस्सारियं वुसिमं मन्न-
 माणा । दियस्स द्वायं व अपत्तजायं, हरिंसु णं पावधम्मा अणोणे ॥ ३ ॥
 ओसाणमिच्छे मणुए समाहिं, अणोसिए णंतकरिंति णच्चा । ओमासमाणे
 दवियस्स वित्तं, ण णिक्कसे बहिया आसुपन्नो ॥ ४ ॥ जे ठाणओ य सयणा-

सणो य, परक्कमे यावि सुसाहुजुत्ते । समितीसु गुत्तीसु य आयपन्ने, वियाग-
रिते य पुढो वएज्जा ॥५॥ सदाणि सोच्चा अदु भेरवाणि, अणासवे तेसु
परिव्वएज्जा । निहं च भिक्खु न पमाय कुज्जा, क्हंफं वा वितिगिच्छतिन्ने
॥६॥ डहरेण बुढेण ण्णुसासिए उ, रातिणिण्णावि समव्वएणं । सम्मं तयं
(समं गतं) थिरतो णाभिगच्छे, णिज्जंतए वादि अपारए से ॥७॥ विउट्ठितेणं
समयाणुसिट्ठे, डहरेण बुढेण उ चोइए य । अच्चुट्ठियाए घडदासिए वा,
अगारिणं वा समयाणुसिट्ठे ॥८॥ ण तेसु कुज्जे ण य पव्वहेज्जा, ण यावि
किंची फरुसं वदेज्जा । तहो करिस्संति पडिस्सुणोज्जा, सेयं खु मेयं ण पमाय
कुज्जा ॥९॥ वणांसि मूढस्स जहा अमूढा, मग्गाणुसासंति हितं पयाणं ।
तेणोव (तेणावि) मज्झं इणमेव सेयं, जं मे बुहा समणुसासयंति ॥१०॥
अहातेण मूढेण अमूढगस्स, कायव्व पूया सविसेसजुत्ता । एथोवमं तत्थ
उदाहु वीरे, अणुगम्म अत्थं उवणेति सम्मं ॥११॥ णोता जहा अंधकारंसि
रात्रो, मग्गं ण जाणाति अपस्समाणो । से सूरिअस्स अब्भुग्गमेणं, मग्गं
वियाणाइ पगासियंसि ॥१२॥ एवं तु सेहेवि अपुट्ठधम्मे, धम्मं न जाणाइ
अबुज्झमाणो । से कोविए जिणवयणेण पच्छा, सूरुदए पासति चक्खुणोव
॥१३॥ उड्ढं अहेयं तिरियं दिसासु, तसा य जे थावरा जे य पाणा ।
सया जए तेसु परिव्वएज्जा, मणप्पओमं अविकंपमाणो ॥१४॥ कालेण
पुच्छे समियं पयासु, आइवखमाणो दवियस्स वित्तं । तं सोयकारी य पुढो
पवेसे, संखा इमं केवलियं समाहिं ॥१५॥ अस्सि सुठ्ठिा तिविहेण तायी,
एएसु या संति निरोहमाहु । ते एवमवखंति तिलोगदंसी, ण भुज्जमेयंति
पमायसंगं ॥१६॥ निसम्म से भिक्खु समीहियट्ठं, पडिभाणवं होइ विसा-
रण य । आयाणअट्ठी वोदाणमोणं, उवेच्च सुद्धेण उवेति मोक्खं (न उवेइ
मारं) ॥१७॥ संखाइ धम्मं च वियागरंति, बुद्धा हु ते अंतकरा भवंति । ते
पारगा दोराहवि मोयणाए, संसोधितं पराहमुदाहरंति ॥१८॥ णो छाये

णोऽविय लूसएज्जा, माणां ण सेवेज्ज पगासणां च । ण यावि पन्ने परिहास
कुज्जा, ण याऽऽसियावाय वियागरेज्जा ॥१९॥ भूताभिसंकाइ दुगुंढमाणे,
ण । णव्वहे रंतपदेण गोयं । ण किंचि मिच्छे मणुए पयासुं, असाहु-
धम्माणि ण रंवएज्जा ॥२०॥ हासं पि णो संधति पावधम्मे, ओए तहीयं
फरुसं वियाणे । णो तुच्छए णो य विकंथइज्जा, अणाइले या अकसाइ
भिक्षू ॥२१॥ संकेज्ज याऽसंकितभाव भिक्षू, विभज्जवायं च वियागरेज्जा ।
भासादुयं धम्मसमुट्ठितेहिं, वियागरेज्जा समया सुपन्ने ॥२२॥ अणुगच्छ-
माणे वितहं विजाणे, तहा तहा साहु अकक्कसेणं । ण कथई भास विहिं-
सइज्जा, निरुद्धगं वावि न दीहइज्जा ॥२३॥ समालवेज्जा पडिपुन्नभासी,
निसामिया समियाअट्ठदंसी । आणाइ सुद्धं वयणं मिउंजे, अभिसंधए
पावविवेग भिक्षू ॥२४॥ अहाबुइयाइं सुसिक्खएज्जा, जइज्जया णातिवेलं
वदेज्जा । से दिट्ठिमं दिट्ठि ण लूसएज्जा, से जाणई भासिउं तं समाहिं
॥२५॥ अलूसए णो पच्छन्नभासी, णो सुत्तमत्थं च करेज्ज ताई । सत्था-
रभत्ती अणुवीइ वायं, सुयं च सम्मं पडिवाययेज्जा(यंति) ॥२६॥ से सुद्धसुत्ते
उवहाणवं च, धम्मं च जे विंदति तत्थ तत्थ । आदेज्जवक्के कुसले वियत्ते,
स अरिइइ भासिउं तं समाहिं ॥ २७ ॥ तिबेमि ॥ (गाथाग्रं ५१८)

॥ इति चतुर्दशमध्ययनम् ॥ १४ ॥

॥ अथ आदानीयनामकं पञ्चदशमध्ययनम् ॥

जमतीतं पडुपन्नं, आगमिस्सं च णायओ । सव्वं मन्नति तं ताई,
दंसणावरणांतए ॥ १ ॥ अंतए वितिगिच्छाए, से जाणति अणोलिसं ।
अणोलिसस्स अक्खाया, ण से होइ तहिं तहिं ॥ २ ॥ तहिं तहिं सुय-
क्खायं, से य सच्चे सुआहिए । सया सच्चेण संपन्ने, मित्ति भूएहि
कप्पए ॥ ३ ॥ भूएहिं न विरुज्जेज्जा, एस धम्मे बुसीमंओ । बुसिमं जगं

परिन्नाय, अस्सि जीवितभावणा ॥ ४ ॥ भावणाजोगसुद्धप्पा, जले णावा
 व आहिया । नावा व तीरसंपन्ना, सब्बदुक्खा तिउट्ठइ ॥ ५ ॥ तिउट्ठई उ
 मेधावी, जाणं लोगंसि पावगं । लुट्ठंति पावकम्माणि, नवं कम्ममकुब्बओ
 ॥ ६ ॥ अकुब्बओ णवं णत्थि, कम्मं नाम विजाणइ । विन्नाय से महावीरे,
 जेण जाई ण मिज्जई ॥ ७ ॥ ण मिज्जई महावीरे, जस्स नत्थि पुरेकडं ।
 वाउव्व जालमव्वेति, पिया लोगंसि इत्थिओ ॥ ८ ॥ इत्थिओ जे ण
 सेवंति, आइसोक्खा हु ते जणा । ते जणा बंधणुम्मुक्का, नावकंखंति जीवियं
 ॥ ९ ॥ जीवितं पिट्ठओ किच्चा, अंतं पावंति कम्मुणं । कम्मुणा संमुहीभूता,
 जे मग्गमणुसासई ॥ १० ॥ अणुसासणं पुढो पाणी, वसुमं पूयणासु (स)
 ते । अणासए जते दंते, दढे आरयमेहुणे ॥ ११ ॥ णीवारे व ण लीएज्जा,
 छिन्नसोए अणाविले । अणाइले सया दंते, संधिं पत्ते अणोलिसं ॥ १२ ॥
 अणोलिसस्स खेयन्ने, ण विरुज्झिज्ज केणइ । मणासा वयसा चेव, कायसा
 चेव चक्खुमं ॥ १३ ॥ से हु चक्खु मणुस्साणं, जे कंखाए य अंतए ।
 अंतेण खुरो वहती, चक्कं अंतेण लोड्ढती ॥ १४ ॥ अंताणि धीरा सेवंति,
 तेण अंतकरा इह । इह माणुस्सए ठाणे, धम्ममाराहिउं णरा ॥ १५ ॥
 णिड्डियट्ठा व देवा वा, उत्तरीए इयं सुयं । सुयं च मेयमेगेसिं अमणुस्सेसु
 णो तहा ॥ १६ ॥ अंतं करंति दुक्खाणं, इहमेगेसि आहियं । आघायं पुण
 एगेसिं, दुल्लभेज्जं समुस्सए ॥ १७ ॥ इओ विद्धंसमाणस्स, पुणो संवोहि दुल्लभा
 दुल्लहाओ तहच्चाओ, जे धम्मट्ठं वियागरे ॥ १८ ॥ जे धम्मं सुद्धमक्खंति,
 पडिपुन्नमणोलिसं । अणोलिसस्स जं ठाणं, तस्स जम्मकहा कओ ? ॥ १९ ॥
 कओ कंयाइ मेधावी, उप्पज्जंति तहागया । तहागया अप्पडिन्ना, चक्खु
 लोगस्सणुत्तरा ॥ २० ॥ अणुत्तरे य ठाणे से, कासवेण पवेदिते । जं
 किन्वा णिवुडा एगे, निट्ठं पावंति पंडिया ॥ २१ ॥ पंडिए वीरियं लद्धुं,
 निग्घायाय पवत्तगं । धुणे पुव्वकडं कम्मं, णवं वाऽवि ण कुब्बती ॥ २२ ॥

ण कुब्जती महावीरे, अणुपुब्बकडं रयं । रयसा संमुहीभूता, कम्मं हेच्चाण जं
मयं ॥२३॥ जं मयं सब्बसाहूणं, तं मयं सल्लगत्तणं । साहइत्ताण तं तिन्ना, देवा
वा अभविस्सु ते ॥२४॥ अभविंस्सु पुरा वी(धी)रा, आगमिस्सावि सुब्बता ।
दुन्निवोहस्स मग्गस्स, अंतं पाउकरा तिन्ने ॥२५॥ त्तिवेमि । (गाथाग्रं ६४३)

॥ इति पञ्चदशमध्ययनम् ॥ १५ ॥

॥ अथ षोडशं श्रीगाथाध्ययनम् ॥

अहाह भगवं—एवं से दंते दविण वोसट्ठकाएत्ति वच्चे माहणेत्ति वा
१ समणेत्ति वा २ भिक्खुत्ति वा ३ णिग्गंथेत्ति वा ४ पडिआह—भंते !
कहं नु दंते दविण वोसट्ठकाएत्ति वच्चे माहणेत्ति वा समणेत्ति वा भिक्खुत्ति
वा णिग्गंथेत्ति वा ? तं नो बूहि महामुणी ! ॥ इतिविरिण सब्बपावकम्मेहिं
पिज्जदोसकलहं० अब्भक्खाणं० पेसुन्नं० परपरिवायं० अरतिरतिं० माया-
मोसं० मिच्छादंसणसल्लविरणं समिणं सहिणं सया जणं णो कुज्जे णो माणी
माहणेत्ति वच्चे १ ॥ एत्थवि समणे अणिस्सिण अणियाणे आदाणं च
अतिवायं च मुसावायं च बहिज्जं च कोहं च माणं च मायं च लोहं च पिज्जं
च दोसं च इच्चेव जत्थो जत्थो आदाणं अप्पणो पद्दोसहेऊ तत्थो तत्थो
आदाणातो पुब्बं पडिविरते पाणाइवायात्थो सिआदंते दविण वोसट्ठकाए समणेत्ति
वच्चे २ ॥ एत्थवि भिक्खू अणुन्नणं विणीणं नामणं दंते दविण वोसट्ठकाए
संविधुणीय विरूवरूवे परीसहोवसग्गे अज्झप्पजोगसुद्धादाणे उवट्ठिणं
ठिअप्पा संखाणं परदत्तभोई भिक्खुत्ति वच्चे ३ ॥ एत्थवि णिग्गंथे एगे एग-
विऊ बुद्धे संछिन्नसोणं सुसंजते सुसमिते सुसामाइणं आयवायपत्ते विऊ
दुहत्थोवि सोयपलिच्छिन्ने णो पूयासकारलाभट्ठी धम्मट्ठी धम्मविऊ णिया-
गपडिवन्ने समि(म)यं चरे दंते दविण वोसट्ठकाए निग्गंथेत्ति वच्चे ४ ॥
से एवमेव जाणह जमहं भयंतारो ॥ त्तिवेमि ।

॥ इति षोडशमध्ययनम् ॥ १६ ॥ प्रथमः श्रुतस्कन्धः समाप्तः ॥ १ ॥

अथ श्री सूत्रकृतांगे द्वितीयः श्रुतस्कन्धः ।

॥ अथ प्रथमं पौण्डरीकाख्याध्ययनम् ॥

सुयं मे आउसंतेणं भगवया एवमस्वायं—इह खलु पौंडरीए गाम-
ज्मयणो, तस्स णं अयमट्ठे पराणत्ते—से जहाणामए पुक्खरिणी सिया
बहुउदगा बहुसेया बहुपुक्खला लद्धट्ठा पुंडरिकिणी पासादीया दरिसणीया
अभिरूवा पडिरूवा, तीसे णं पुक्खरिणीए तत्थ तत्थ देसे देसे तहिं तहिं
बहवे पउमवरपौंडरीया बुइया, अणुपुब्बुट्ठिया ऊसिया रुइला वराणमंता गंध-
मंता रसमंता फासमंता पासादीया दरिसणीया अभिरूवा पडिरूवा, तीसे णं
पुक्खरिणीए बहुमज्झदेसभाए एगे महं पउमवरपौंडरीए बुइए, अणुपुब्बुट्ठिए
उस्सिते रुइले वन्नमंते गंधमंते रसमंते फासमंते पासादीए जाव पडिरूवे १।
सव्वावंति च णं तीसे पुक्खरिणीए तत्थ तत्थ देसे देसे तहिं तहिं बहवे
पउमवरपौंडरीया बुइया अणुपुब्बुट्ठिया ऊसिया रुइला जाव पडिरूवा,
सव्वावंति च णं तीसे णं पुक्खरिणीए बहुमज्झदेसभाए एगं महं पउमवर-
पौंडरीए बुइए अणुपुब्बुट्ठिए जाव पडिरूवे २॥सू० १॥ अह पुरिसे पुरित्थि-
माओ दिसाओ आगम्म तं पुक्खरिणीं तीसे पुक्खरिणीए तीरे ठिच्चा पासति
तं महं एगं पउमवरपौंडरीयं अणुपुब्बुट्ठियं ऊसियं जाव पडिरूवं १। तए
णं से पुरिसे एवं वयाली—अहमंसि पुरिसे खेयन्ने वुसलेपं डिते वियत्ते
मेहंवी अबाले मग्गत्ये मग्गविऊ मग्गस्स गतिपरक्कमराणू अहमेयं पउमव-
रपौंडरीयं उन्निक्खविस्सामित्ति कट्ठु इति बुया (बुच्चा) से पुरिसे अभिकमेति
तं पुक्खरिणीं, जावं जावं च णं अभिकमेइ तावं तावं च णं महंते उदए
महंते सेए पहीणो तीरं अपत्ते पउमवरपौंडरीयं णो हव्वाए णो पाराए,
अंतरा पौक्खरिणीए सेयंसि निसराणो पढमे पुरिसजाए ! २ ॥सू० २॥ अहावरे

दोच्चे पुरिसजाए, अह पुरिसे दविखणाओ दिसाओ आगम्म तं पुक्खरिणि
 तीसे पुक्खरिणीए तीरे ठिच्चा पासति तं महं (महन्तं) एगं पउमवरपोंडरीयं
 अणुपुब्बुट्टियं पासादीयं जाव पडिरूवं १। तं च एत्थ एगं पुरिसजातं पासति
 पहीणतीरं अपत्तपउमवरपोंडरीयं णो हव्वाए णो पाराए अंतरा पोक्खरि-
 णीए सेयंसि णिसन्नं सु, तए णं से पुरिसे (तं पुरिसं) एवं वयासी-अहो
 णं इमे (अयं) पुरिसे अखेयन्ने अकुसले अपंडिए अवियत्ते अमेहावी बाले
 णो मग्गत्थे णो मग्गविऊ णो मग्गस्स गतिपरक्कमराणू जन्नं एस पुरिसे,
 अहं खेयन्ने कुसले जाव पउमवरपोंडरीयं उन्निक्खेविस्सामि ३। णो य
 खलु एयं पउमवरपोंडरीयं एवं उन्निक्खेवियव्वं जहा णं एस पुरिसे मन्ने,
 अहमंसि पुरिसे खेयन्ने कुसले पंडिए वियत्ते मेहावी अबाले मग्गत्थे मग्ग-
 विऊ मग्गस्स गतिपरक्कमराणू अहमेयं पउमवरपोंडरीयं उन्निक्खेविस्सामित्ति-
 कट्ठ इति बुच्चा से पुरिसे अभिक्कमे तं पुक्खरिणि, जावं जावं च णं
 अभिक्कमेइ तावं तावं च णं हिते उदए महंते सेए पहीणे तीरं अपत्ते पउमवरपोंडरीयं
 णो हव्वाए णो पाराए अंतरा पोक्खरिणीए सेयंसि णिसन्ने दोच्चे पुरिस-
 जाते ४॥ ३ ॥ अहावरे तच्चे पुरिसजाते, अह पुरिसे पच्चत्थिमाओ
 दिसाओ आगम्म तं पुक्खरिणि तीसे पुक्खरिणीए तीरे ठिच्चा पासति तं
 एगं महं पउमवरपोंडरीयं अणुपुब्बुट्टियं जाव पडिरूवं १। ते तत्थ दोन्नि
 पुरिसजाते पासति पहीणे तीरं अपत्ते पउमवरपोंडरीयं णो हव्वाए णो
 पाराए जाव सेयंसि णिसन्ने २। तए णं से पुरिसे एवं वयासी-अहो णं
 इमे पुरिसा अखेयन्ना अकुसला अपंडिया अवियत्ता अमेहावी बाला णो
 मग्गत्था णो मग्गविऊ णो मग्गस्स गतिपरक्कमराणू जं णं एते पुरिसा एवं
 मन्ने-अम्हे एतं पउमवरपोंडरीयं उणिक्खेविस्सामो ३। नो य खलु एयं
 पउमवरपोंडरीयं एवं उन्निक्खेवेतव्वं जहा णं एए पुरिसा मन्ने, अहमंसि
 पुरिसे खेयन्ने कुसले पंडिए वियत्ते मेहावी अबाले मग्गत्थे मग्गविऊ

मग्गस्स गतिपरक्कमराणू अहमेयं पउमवरपोंडरीयं उन्निक्खिक्खविस्सामित्ति कट्ठु
 इति बुच्चा से पुरिसे अभिक्रमे तं पुक्खरिणिं जावं जावं च णं अभिक्रमे
 तावं तावं च णं महंते उदए महंते सेए जाव अंतरा पोक्खरिणीए सेयंसि
 णिन्स, नेतच्चे पुरिसजाए ॥ सूत्रं ४ ॥ अहावरे चउत्थे पुरिसजाए,
 अह पुरिसे उत्तराओ दिसाओ आगम्म तं पुक्खरिणिं, तीसे पुक्खरिणीए
 तीरे ठिच्चा पासति तं महं एगं पउमवरपोंडरीयं अणुपुब्बुट्टियं जाव पडिरुवं १।
 ते तत्थ तिन्नि पुरिसजाते पासति पहीणे तीरं अपत्ते जाव सेयंसि णिसन्ने २।
 तए णं से पुरिसे एवं वयासी-अहो णं इमे पुरिसा अखेयन्ना जाव णो
 मग्गस्स गतिपरक्कमराणू जराणं एते पुरिसा एवं मन्ने-अम्हे एतं पउमवर-
 पोंडरीयं उन्निक्खिक्खविस्सामो ३। णो य खलु एयं पउमवरपोंडरीयं एवं उन्नि-
 क्खेवेयव्वं जहा णं एते पुरिसा मन्ने, अहमंसि पुरिसे खेयन्ने जाव मग्गस्स
 गतिपरक्कमराणू, अहमेयं पउमवरपोंडरीयं उन्निक्खिक्खविस्सामित्ति कट्ठु इति
 बुच्चा से पुरिसे तं पुक्खरिणिं जावं जावं च णं अभिक्रमे तावं तावं च णं
 महंते उदए महंते सेए जाव णिसन्ने, चउत्थे पुरिसजाए ॥ सूत्रं ५ ॥
 अह भिक्खू लूहे तीरट्ठी खेयन्ने जाव गतिपरक्कमराणू अन्नतराओ दिसाओ
 वा अणुदिसाओ वा आगम्म तं पुक्खरिणिं तीसे पुक्खरिणीए तीरे ठिच्चा
 पासति तं महं एगं पउमवरपोंडरीयं जाव पडिरुवं १। ते तत्थ चत्तारि पुरिस-
 जाए पासति पहीणे तीरं अपत्ते जाव पउमवरपोंडरीयं णो हव्वाए णो
 पाराए अंतरा पुक्खरिणीए सेयंसि णिसन्ने २। तए णं से भिक्खू एवं
 वयासी-अहो णं इमे पुरिसा अखेयन्ना जाव णो मग्गस्स गतिपरक्कमराणू,
 जं एते पुरिसा एवं मन्ने अम्हे एयं पउमवरपोंडरीयं उन्निक्खिक्खविस्सामो ३।
 णो य खलु एयं पउमवरपोंडरीयं एवं उन्निक्खेवेतव्वं जहा णं एते पुरिसा
 मन्ने, अहमंसि भिक्खू लूहे तीरट्ठी खेयन्ने जाव मग्गस्स गतिपरक्कमराणू,
 अहमेयं पउमवरपोंडरीयं उणिक्खिक्खविस्सामित्ति कट्ठु- इति बुच्चा से

भिक्षु णो अभिक्कमे तं पुक्खरिणिं तीसे पुक्खरिणीए तीरे ठिच्चा सहं
कुज्जा-उप्पयाहि खलु भो पउमवरपोंडरीया ! उप्पयाहि अह से उप्पत्तिं
पउमवरपोंडरीए ४॥ सूत्रं ६॥ किट्टिए नाए समणाउसो ! अट्ठे पुण से जाणि-
तत्त्वे भवति, भंतेत्ति समणां भगवं महावीरं निग्गंथा य निग्गंथीओ य वंदंति
नमंसंति वंदेत्ता नमंसित्ता एवं वयासि-किट्टिए नाए समणाउसो ! अट्ठं पुण से
ण जाणामो समणाउसोत्ति, समणे भगवं महावीरे ते य बहवे निग्गंथे य
निग्गंथीओ य आमतेत्ता एवं वयासी-हंत समणाउसो ! आइक्खामि विभावेमि
किट्ठेमि पवेदेमि सअट्ठं महेउं सनिमित्तं भुज्जो भुज्जो उवदंसेमि से बेमि ॥
॥सूत्रं ७॥ लोयं च खलु मए अप्पाहट्ठु समणाउसो ! सा पुक्खरिणी बुइया,
क्कम्मं च खलु मए अप्पाहट्ठु समणाउसो ! से उदए बुइए, कामभोगे य खलु
मए अप्पाहट्ठु समणाउसो ! से सेए बुइए, जणं जाणवयं च खलु मए अप्पा-
हट्ठु समणाउसो ! ते बहवे पउमवरपोंडरीया बुइया, रायाणं च खलु मए
अप्पाहट्ठु समणाउसो ! से एगे महं पउमवरपोंडरीए बुइए, अन्नउत्थिया य
खलु मए अप्पाहट्ठु समणाउसो ! ते चत्तारि पुरिसजाया बुइया, धम्मं च
खलु मए अप्पाहट्ठु समणाउसो ! से भिक्षु बुइए, धम्मतित्थं च खलु मए
अप्पाहट्ठु समणाउसो ! से तीरे बुइए, धम्मकहं च खलु मए अप्पाहट्ठु
समणाउसो ! से सहं बुइए, निव्वाणं च खलु मए अप्पाहट्ठु समणाउसो !
से उप्पाए बुइए, एवमेयं च खलु मए अप्पाहट्ठु समणाउसो ! से एवमेयं बुइयं
॥सूत्रं ८॥ इह खलु पाईणं वा पडीणं वा उदीणं वा दाहिणं वा संतेग-
तिया मणुस्सा भवंति अणुपुब्बेणं लोगं उववन्ना, तंजहा-आरिया वेगे
अणारिया वेगे उच्चागोत्ता वेगे णीयागोया वेगे कायमंता वेगे रहस्समंता
वेगे सुवन्ना वेगे दुव्वन्ना वेगे सुरूवा वेगे दुरूवा वेगे १। तेसिं च णं मणु-
याणं एगे राया भवइ, महया(महा)हिमवंत-मलय-मंदरमहिंदसारे अच्चंतविसुद्ध-
रायकुलवंसप्पसूते निरंतररायलक्खणविराड्यंगमंगे बहुयणवहुमाणप्रइए सब्व-

गुणममिद्धे स्वत्तिए सुदिए मुद्धाभिसित्ते माउपिउसुजाए दयप्पिए सीमंकरे
सीमंधरे खेमंकरे खेमंधरे मणुस्सिते जणावयपिया जणावयपुरोहिए सेउकरे
केउकरे नरपवरे पुरिसपवरे पुरिससीहे पुरिसआसीविसे पुरिसवरपोंडरीए
पुरिसवरगंधहत्थी अड्ढे दित्ते वित्ते विच्छिन्नविउल-भवणासंयणासणा-जोणा-
वाहणाइराणो बहुधावहुजातरुवरतए आथोगपथोगसंपउत्ते विच्छिड्डियंपउर-
भत्तपाणे बहुदासीदास-गोमहिस-गवेलगप्पभूते पडिपुराणांकोसकोट्टागाराहगारे
वलवं दुव्वल्लयत्तामित्ते ओहयकंटयं निहयकंटयं मलियकंटयं उद्धियकंटयं
अकंटयं ओहयमत्तू निहयसत्तू मलियसत्तू उद्धियसत्तू निज्जियसत्तू पराइय-
सत्तू ववगयदुब्भिक्ख-मारिभयविप्पमुक्कं रायवन्नओ जहा उववाइए जाव
पसंतडिंवडमरं रज्जं पसाहेमाणो विहरति २। तस्स णं रन्नो परिसा भवइ-
उग्गा उग्गपुत्ता भोगा भोगपुत्ता इक्खागाइ इक्खागाइपुत्ता नाया नायपुत्ता
कोरव्वा कोरव्वपुत्ता भट्टा भट्टपुत्ता माहणा माहणापुत्ता लेच्छइ लेच्छइपुत्ता
पसत्थारो पसत्थपुत्ता सेणावई सेणावइपुत्ता ३। तेसि च णं एगतीए सद्धी
भवइ कामं तं समणा वा माहणा वा संपहारिंसु गमणाए, तत्थ अन्नतरेणं
धम्मेणं पन्नत्तारो वयं इमेणं धम्मेणं पन्नवइस्सामो से एवमायाणह भयंतारो
जहा मए एस धम्मे सुयक्खाए सुपन्नत्ते भवइ, तंजहा-उड्ढं पादतला अहे
केसग्गमत्थया तिरियं तयपरियंते जीवे एस आयापज्जवे केसिणो एस जीवे
जीवति एस मए णो जीवइ, सरीरे धरमाणो धरइ विणाट्टंमि य णो धरइ,
एयंतं जीवियं भवति, आदहणाए परेहिं निज्जइ, अगणिभामिए सरीरे
कवोतवन्नाणि अट्ठीणि भवंति, आसंदीपंचमा पुरिसा गामं पचागच्छंति ४।
एवं असंते असंविज्जमाणो जेसिं तं असंते असंविज्जमाणो तेसिं तं सुयक्खायं
भवति-अन्नो भवति जीवो अन्नं सरीरं, तम्हा, ते एवं नो विपडिवे-
दंति-अयमाउसो ! आया दीहेति वा हस्सेति वा परिमंडलेति वा कट्टेति वा
तंसेति वा चउरंसेति वा आयतेति वा छलंसिएति वा अट्ठंसेति वा, किणहेति

वा णीलेति वा लोहियहालिद्दे जाव सुक्किल्लेति वां, सुव्विभगंधेति वा दुव्वि-
 गंधेति वा, तित्तेति वा कड्डुएति वा कसाएति वा अंबिलेति वा जाव महुरेति
 वां, कक्खडेति वा मउएति वा गुरुएति वा लहुएति वा सिएति वा उसिणेति
 वा निद्धेति वा लुक्खेति वा, ५। एवं असंते असंविज्जमाणे जेसिं तं सुय-
 क्खायं भवति—अन्नो जीवो अन्नं सरीरं, तम्हा ते णो एवं उवल्लभंति से
 जहाणामए केइ पुरिसे कोसीओ असिं अभिनिव्वट्टित्ता णां उवदंसेज्जा अय-
 माउसो ! असी अयं कोसी, एवमेव णत्थि केइ पुरिसे अभिनिव्वट्टित्ता णां
 उवदंसेइ (उवदंसेत्तारो) अयमाउसो ! आया इयं सरीरं ६। से जहाणामए केइ
 पुरिसे मुंजाओ इसियं अभिनिव्वट्टित्ता णां उवदंसेज्जा अयमाउसो ! मुंजे इयं
 इसियं, एवमेव नत्थि केइ पुरिसे उवदंसेत्तारो अयमाउसो ! आया इयं सरीरं ७।
 से जहाणामए केइ पुरिसे मंसाओ अट्ठिं अभिनिव्वट्टित्ता णां उवदंसेज्जा अय-
 माउसो । मंसे अयं अट्ठी, एवमेव नत्थि केइ पुरिसे उवदंसेत्तारो अयमाउसो !
 आया इयं सरीरं ८। से जहाणामए केइ पुरिसे करयलाओ आमलकं अभि-
 निव्वट्टित्ता णां उवदंसेज्जा अयमाउसो ! करतले अयं आमलए, एवमेव णत्थि
 केइ पुरिसे उवदंसेत्तारो अयमाउसो ! आया इयं सरीरं । से जहाणामए केइ
 पुरिसे दहिओ नवनीयं अभिनिव्वट्टित्ता णां उवदंसेज्जा अयमाउसो ! नवनीयं
 अयं तु दही, एवमेव णत्थि केइ पुरिसे जाव सरीरं ९। से जहाणामए केइ
 पुरिसे तिलेहितो तिल्लं अभिनिव्वट्टित्ता णां उवदंसेज्जा अयमाउसो ! तेल्लं
 अयं पिन्नाए, एवमेव जाव सरीरं १०। से जहाणामए केइ पुरिसे इक्खुतो
 खोतरसं अभिनिव्वट्टित्ता णां उवदंसेज्जा अयमाउसो ! खोतरसे अयं द्योए,
 एवमेव जाव सरीरं ११। से जहाणामए केइ पुरिसे अरणीतो अग्गिं अभि-
 निव्वट्टित्ता णां उवदंसेज्जा अयमाउसो ! अरणी अयं अग्गी, एवमेव जाव
 सरीरं १२। एवं असंते असंविज्जमाणे जेसिं तं सुयक्खायं भवति, तंजहा अन्नो
 जीवो अन्नं सरीरं । तम्हा ते मिच्छा १३। से हंता तं हण्ह खण्ह छण्ह

डहह पयह आलुं पह विलुं पह सहसाकारेह विपरामुसह, एतावताव जीवे गति
 परलोए, ते णो एवं विप्पडिवेदेति, तंजहा—किरियाइ वा अकिरियाइ वा सुक्-
 डेइ वा दुक्कडेइ वा कल्लाणेइ वा पावएइ वा साहुइ वा असाहुइ वा सिद्धीइ
 वा असिद्धीइ वा निरएइ वा अनिरएइ वा, एव ते विरुवरूवेहिं कम्मसमारं-
 भेहिं विरुवरूवाइं कामभोगाइं समारभंति भोयणाए १४॥ एवं एगे पाग-
 ञ्मिया णिक्खम्म मामगं धम्मं पन्नवेति, तं सदहमाणा तं पत्तियमाणा तं
 रोएमाणा साहु सुयक्खाए समणेति वा माहणेति वा कामं खलु आउसो !
 तुमं पूययामि, तंजहा—असणेण वा पाणेण वा खाइमेण वा साइमेण वा
 वत्थेण वा पडिग्गहेण वा कंवल्लेण वा पायपुंछणेण वा तत्थेगे पूयणाए
 समाउट्टिसु तत्थेगे पूयणाए निकाइंसु १५॥ पुव्वमेव तेसिं णायं भवति—
 समणा भविस्सामो अण्णारा अकिंचणा अपुत्ता (अपत्ता) अपसू परदत्तभोइणो
 भिक्खुणो पावं कम्मं णो करिस्सामो समुट्ठाए ते अप्पणा अप्पडिविरया
 भवंति, सयमाइयंति अन्नेवि आदियावेति अन्नं पि आयतंतं समणुजाणंति,
 एवमेव ते इत्थिकामभोगेहिं मुच्छिया गिद्धा गट्ठिया अज्झोववन्ना लुद्धा राग-
 दोसवसट्ठा, ते णो अप्पाणां समुच्छेदेति ते णो परं समुच्छेदेति ते णो
 अण्णाइं पाणाइं भूताइं जीवाइं सत्ताइं समुच्छेदेति, पहीणा पुव्वमंजोगं
 आयारियं मग्गं असंपत्ता इति ते णो हव्वाए णो पाराए अंतरा कामभोगेसु
 विसन्ना इति पढमे पुरिसजाए तज्जीवतच्छरीरएत्ति आहिए १६ ॥ सूत्रं ६ ॥
 अहावरे दोच्चे पुरिसजाए पंचमहब्भूतिएत्ति आहिज्जइ, इह खलु पाइणं
 वा (६) संतेगतिया मणुस्सा, भवंति अणुपुव्वेणं लोयं उववन्ना, तंजहा—
 आरिया वेगे अण्णारिया वेगे एवं जाव दुरूवा वेगे, तेसिं च णं महं
 एगे राया भवइ महया० एवं चेव णिरवसेमं जाव सेणावइपुत्ता, तेसिं च णं
 एगतिए सट्ठी भवति कामं तं समणा य माहणा य पहारिंसु गमणाए, तत्थ
 अन्नयरेणां धम्मेणां पन्नत्तारो वयं इमेणां धम्मेणां पन्नवइस्सामो से एवमायाणाह

भयंतारो ! जहा मए एस धम्मे सुअक्खाए (जाव) सुपन्नत्ते भवति १॥ इह खलु
 पंच महब्भूता, जेहिं नो विज्जइ किरियाति वा अकिरियाति वा, सुक्खेति वा
 दुक्खेति वा, कल्लाणेति वा पावएति वा, साहुति वा असाहुति वा, सिद्धीति वा
 असिद्धीति वा, जाव णिरएति वा, अणिरएति वा, अवि अंतसो तण्णमायमवि
 २॥ तं च पिहुइ सेणं पुट्ठोभूतसमवातं जाणेज्जा, तंजहा—पुट्ठी एगे महब्भूते
 आऊ दुच्चे महब्भूते तेऊ तच्चे महब्भूते वाऊ चउत्थे महब्भूते आगासे
 पंचमे महब्भूते, इच्चेते पंच महब्भूया अणिम्मिया अणिम्माविता अकडा णो
 कित्तिमा णो कडगा अणाइया अणिहणा अवंभा अपुरोहिता सतंतं सासता
 आयच्छट्ठा, पुण एगे एवमाहु—सतो णत्थि विणासो असतो णत्थि संभवो
 ३॥ एतावताव जीवकाए, एतावताव अत्थिकाए, एतावताव सब्वलोए, एतं
 मुहं लोगस्स करणयाए, अवियंतसो तण्णमायमवि ४॥ से किणं किणावेमाणे
 हणं घायमाणे पयं पयावेमाणे अवि अंतसो पुरिसमवि कीणित्ता घायइत्ता
 एत्थंपि जाणाहि णत्थित्थदोमो, ते णो एवं विप्पडिवेदेति, तंजहा—किरियाइ
 वा जावअणिरएइ वा, एवं ते विरूवरूवेहिं कम्मसमारंभेहिं विरूवरूवाइं
 कामभोगाइं समारभंति भांयणाए, एवमेव ते अणारिया विप्पडिवन्ना तं
 सद्वहमाणा तं पत्तियमाणा जाव इति, ते णो हव्वाए णो पाराए, अंतरा
 कामभोगेसु जाव विसराणा, दोच्चे पुरिसजाए पंचमहब्भूतिएत्ति आहिए ५॥
 सूत्रं १०॥ अहावरे तच्चे पुरिसजाए ईसरकारणिए इति आहिज्जइ, इह खलु
 पांटीणं वा (६) सतेगतिया मणुस्सा भवंति अणुपुब्बेणं लोयं उववन्ना, तं०—
 आरिया वेगे जाव तेसिं च णं मढंते एगे राथा भवइ जाव सेणावइपुत्ता,
 तेसिं च णं एगतीए सट्ठी भवइ, कामं तं समणा य माहणा य पहारिंसु
 गमणाए जाव जहा मए एस धम्मे सुअक्खाए सुपन्नत्ते भवइ १॥ इह खलु
 धम्मा पुरिसादिया पुरिसोत्तरिया पुरिसप्पणीया पुरिमसंभूया पुरिसपज्जोतिता
 पुरिसअभिसमराणागया पुरिसमेव अभिभूय चिट्ठंति, से जहाणामए गंडे

सिया सरीरे जाए सरीरे संबुड्ढे सरीरे अभिसमराणागए सरीरमेव अभिभूय चिट्ठति, एवमेव धम्मा पुरिसादिया जाव पुरिसमेव अभिभूय चिट्ठंति २ । से जहाणामए अरई सिया सरीरे जाया सरीरे संबुड्ढा सरीरे अभिसमराणा- गया सरीरमेव अभिभूय चिट्ठति, एवमेव धम्मावि पुरिसादिया जाव पुरि- समेव अभिभूय चिट्ठंति ३ । से जहाणामए वम्मिए सिया पुढविजाए पुढविसंबुड्ढे पुढविअभिसमराणागए पुढविमेव अभिभूय चिट्ठइ । एवमेव धम्मावि पुरिसादिया जाव पुरिसमेव अभिभूय चिट्ठंति ४ । से जहाणामए रुक्खे सिया पुढविजाए पुढविसंबुड्ढे पुढविअभिसमराणागए पुढविमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ५ । से जहाणामए पुक्खरिणी सिया पुढविजाया जाव पुढविमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ६ । से जहाणामए उदगपुक्खले सिया उदगजाए जाव उदगमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ७ । से जहाणामए उदगबुब्बुए सिया उदगजाए जाव उदगमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ८ ॥ जंपिय इमं समणाणां शिग्गंधाणां उद्दिट्ठं पणीयं वियंजियं दुवालसंगं गणिपिड्यं, तंजहा-आयारो सूयगडो जाव दिट्ठिवातो, सच्चमेवं मिच्छा, ण एयं तहियं, ण एयं आहातहियं, इमं सच्चं इमं तहियं इमं आहातहियं, ते एवं सन्नं कूब्बंति, ते एवं सन्नं संठ्वेति, ते एवं सन्नं सोवड्ढयंति, तमेवं ते तज्जाइयं दुक्खं णातिउट्ठंति सउणी पंजरं जहा ९ ॥ ते णो एवं विप्पडिवेदंति, तंजहा-किरिया इ वा जाव अणिरए इ वा, एवामेव ते विरूवरूवेहिं कम्मममारंभेहिं विरूवरूवाइं कामभोगाइं समारंभंति- भोयणाए, एवामेव ते अणारिया विप्पडिवन्ना एवं सइहमाणा जाव इति ते- णो हव्वाए णो पाराए, अंतरा कामभोगेसु विसराणेत्ति, तच्चे पुरिसजाए-

ईसरकारणिएत्ति आहिए १० ॥ सूत्रं ११ ॥ अहावरे चउत्थे पुरिसजाए णिय-
 तिवाइएत्ति आहिज्जइ, इह खलु पाईणं वा (६) तहेव जाव सेणावइपुत्ता वा, तेसिं
 च णं एगतीए सट्ठी भवइ, कामं तं समणा य माहणा य संपहारिंसु गमणाए
 जाव मए एस धम्मे सुअक्खाए सुपन्नत्ते भवइ १ ॥ इह खलु दुवे पुरिसा भवन्ति-
 एगे पुरिसे किरियमाइक्खइ एगे पुरिसे णोकिरियमाइक्खइ, जे य पुरिसे किरि-
 यमाइक्खइ जे य पुरिसे णोकिरियमाइक्खइ दोवि ते पुरिसा तुल्ला एगट्ठा, कार-
 णमावन्ना २ ॥ बाले पुण एवं विप्पडिवेदेति कारणमावन्ने अहमंसि दुक्खामि
 वा सोयामि वा जूरामि वा तिप्पामि वा पीडामि वा परितप्पामि वा अहमेय-
 मकासि परो वा जं दुक्खइ वा सोयइ वा जूरइ वा तिप्पइ वा पीडइ वा परि-
 तप्पइ वा परो एवमकासि, एवं से बाले सकारणं वा परकारणं वा एवं विप्प-
 डिवेदेति कारणमावन्ने ३ ॥ मेहावी पुण एवं विप्पडिवेदेति कारणमावन्ने-अह-
 मंसि दुक्खामि वा सोयामि वा जूरामि वा तिप्पामि वा पीडामि वा परितप्पामि
 वा, णो अहं एवमकासि, परो वा जं दुक्खइ वा जाव परितप्पइ वा णो
 परो एवमकासि, एवं से मेहावी सकारणं वा परकारणं वा एवं विप्पडिवेदेति
 कारणमावन्ने, ४ ॥ से वेमि पाईणं वा (६) जे तसथावरा पाणा ते एवं
 संघायमागच्छन्ति ते एवं विपरियासमावज्जन्ति ते एवं विवेगमागच्छन्ति ते
 एवं विहाणमगच्छन्ति ते एवं संगतियन्ति उवेहाए, णो एवं विप्पडिवेदेति, तं
 जहा-किरियाति वा जाव (णिरएत्ति वा) अणिरएत्ति वा, एवं ते विरुवरू-
 वेहिं कम्मसमारंभेहिं विरुवरूवाइं कामभोगाइं समारभन्ति भोयणाए ५ ॥
 एवमेव ते अणारिया विप्पडिवन्ना तं सइहमाणा जाव इति ते णो हव्वाए
 णो पाराए अंतरा कामभोगेसु विसरणा ६ । चउत्थे पुरिसजाए णियइ-
 वाइएत्ति आहिए, ॥ इच्चेते चत्तारि पुरिसजाया णाणापन्ना णाणाच्छंदा
 णाणासीत्ता णाणादिट्ठी णाणारुई णाणारंभा णाणाअज्भवसाणसंजुत्ता
 पहीणपुव्वसंजोगा आरियं मग्गं असंपत्ता इति ते णो हव्वाए णो पाराए

अंतरा कामभोगेषु विसरणा = ॥ सूत्रं १२ ॥ सेवेमि पाईणं वा (६) संतेगतिया मणुस्सा भवंति, तंजहा—आरिया वेगे अणारिया वेगे उच्चागोया वेगे णीया- गोया वेगे, कायमंता वेगे, रहस्समंता वेगे, सुवन्ना वेगे, दुवन्ना वेगे, सुरूवा वेगे । दुरूवा वेगे १ । तेसि च णं जणंजाणवयाइं खेत्तवत्थूणि परिग्गहियाइं भवंति, तं० अण्यरा वा भुज्जरा वा, तहप्पगारेहिं कूलेहिं आगम्म अभिभूय एगे भिक्खारियाए समुट्ठिता सतो वावि एगे णायथो य (अणायथो) य उवगरणं च विप्पजहाय भिक्खारियाए समुट्ठिता असतो वावि एगे णायथो (अणायथो) य उवगरणं च विप्पजहाय भिक्खारियाए समुट्ठिता, [जे ते सतो वा असतो वा णायथो य अणायथो य उवगरणं च विप्पजहाय भिक्खारियाए समुट्ठिता] २ । पुव्वमेव तेहिं णायं भवइ, तंजहा—इह खलु पुरिसे अन्नमन्नं ममट्ठाए एवं विप्पडिवेदेति, तं जहा—खेत्तं मे वत्थू मे हिररणां मे सुवन्नं मे धणं मे धराणं मे कंसं मे दूमं मे विपुलधण-कणगरयण-मणि-मोत्तिय-संखसिलप्पवाल-रत्तरयणसंतसारसावतेयं मे सदा मे रूवा मे गंधा मे रसा मे फासा मे, एते खलु मे कामभोगा अहमवि एतेसिं ३ ॥ से मेहावी पुव्वामेव अण्यणो एवं समभिजाणेज्जा, तंजहा—इह खलु मम अन्नयरे दुक्खे रोयातंके समुप्पज्जेज्जां अणिट्ठे अकंते अण्णिअसुभे अमणुन्ने अमणामे दुक्खे णो सुहे से हंता भयंतारो ! कामभोगाइं मम अन्नयरं दुक्खं रोया- तंके परियाइयह अणिट्ठं अकंतं अण्णियं असुभं अमणुन्नं अमणामं दुक्खं णो सुहं, ताइहं दुक्खामि वा सोयामि वा जूरामि वा तिप्पामि वा पीडामि वा परितप्पामि वा इमाथो मे अणायराथो दुक्खाथो रोगातंकाथो पडि- मोयह अणिट्ठायो अकंताथो अण्णियाथो असुभाथो अमणुन्नाथो अमणा- माथो दुक्खाथो णो सुहाथो, एवामेव णो लंछपुव्वं भवइ ४ । इह खलु कामभोगा णो ताणाए वा णो सरणाए वा, पुरिसे वा एगता पुव्वि काम- भोगे विप्पजहति, कामभोगा वा एगता पुव्वि पुरिसं विप्पजहंति, अन्ने

खलु कामभोगा अन्नो अहमंसि, से किमंग पुण वयं अन्नमन्नेहिं कामभोगेहिं मुच्छामो ?, इति संखाए णं वयं च कामभोगेहिं विप्पजहिस्सामो ५। से मेहावी जाणेज्जा बहिरंगमेतं, इयमेव उवणीयतरागं, तंजहा-माया मे पिता मे भाया मे भगिणी मे भज्जा मे पुत्ता मे धूता मे पेसा मे नत्ता मे सुग्हा मे सुही मे पिया मे सहां मे सयणसंगंथसंथुया मे, एते खलु मम गायत्रो अहमन्नि एतेसिं, एवं से मेहावी पुब्बामेव अप्पणा एवं समभिजाणेज्जा ६। इह खलु मम अन्नयरे दुक्खे रोयातंके समुपज्जेज्जा अणिट्ठे जाव दुक्खे णो सुहे, से हंता भयंतारो ! गायत्रो इमं मम अन्नयरं दुक्खं रोयातंके परियाइयामि अणिट्ठं जाव णो सुहं ७। ताज्जं दुक्खामि वा सोयामि वा जाव परितप्पामि वा, इमात्रो मे अन्नयरातो दुक्खात्रो रोयातंकात्रो परिमोएह अणिट्ठात्रो जाव णो सुहात्रो, एवमेव णो लद्धपुज्जं भवइ, तेसिं वावि भयंताराणं मम गाययाणं अन्नयरे दुक्खे रोयातंके समुपज्जेज्जा अणिट्ठे जाव णो सुहे, से हंता अहमेतेसिं भयंताराणं गाययाणं इमं अन्नयरं दुक्खं रोयातंके परियाइयामि अणिट्ठं जाव णो सुहं ८। मा मे दुक्खंतु वा जाव मा मे परितप्पंतु वा, इमात्रो णं अणायरात्रो दुक्खातो रोयातंकात्रो परिमोएमि अणिट्ठात्रो जाव णो सुहात्रो, एवमेव णो लद्धपुज्जं भवइ, अन्नस्स दुक्खं अन्नो न परियाइयति अन्नेण कडं अन्नो नो पडिसंवेदेति पत्तेयं जायति पत्तेयं मरइ पत्तेयं चयइ पत्तेयं उववज्जइ पत्तेयं भंभा पत्तेयं सन्ना पत्तेयं मन्ना एवं विन्नू वेदणा ९। इह खलु ग्णातिसंजोगा ग्णा ताणाए वा-णो सरणाए वा, पुरिसे वा एगता पुव्वि ग्णातिसंजोए विप्पजहति, ग्णातिसंजोगा वा एगता पुव्वि पुरिसं विप्पजहति, अन्ने खलु ग्णातिसंजोगा अन्नो अहमंसि, से किमंग पुण वयं अन्नमन्नेहिं ग्णातिसंजोगेहिं मुच्छामो ?, इति संखाए णं वयं ग्णातिसंजोगं विप्पजहिस्सामो १०। से मेहावी जाणेज्जा बहिरंगमेयं, इयमेव उवणीयतरागं, तंजहा-हत्था मे पाया मे वाहा मे ऊरू मे उदरं मे

सीसं मे सीलं मे आऊ मे बलं मे वराणो मे तया मे द्याया मे सोयं मे चक्षु मे घ्राणं मे जिह्वा मे फासा मे ममाइज्जइ, वयाउ पडिजूरइ, तंजहा-
 आउओ बलाओ वराणाओ तयाओ द्यायाओ सोयाओ जाव फासाओ,
 सुसंधितो संधी विसंधीभवइ, वलियतरंगे गाए भवइ, किगहा केसा पलिया
 भवन्ति, तंजहा-जंपि य इमं सरीरगं उरालं आहारोवइयं एयंपि य अणुपु-
 व्वेणं विप्पजहियव्वं भविस्सति ११। एयं संखाए से भिक्खु भिक्खायरियाए
 समुट्ठिए दुहओ लोगं जाणेज्जा, तंजहा-जीवा चेव अजीवा चेव, तसा
 चेव थावरा चेव १२ ॥ सूत्रम् १३ ॥

इह खलु गारत्था सारंभा सपरिग्गहा, संतेगतिया समणा माहणावि
 सारंभा सपरिग्गहा, जे इमे तसा थावरा पाणा ते सयं समारंभति अन्नेणावि
 समारंभावेति अणुणंपि समारंभतं समणुजाणंति १॥ इह खलु गारत्था
 सारंभा सपरिग्गहा, संतेगतिया समणा माहणावि सारंभा सपरिग्गहा, जे
 इमे कामभोगा मचित्ता वा अचित्ता वा ते सयं परिगिरहंति अन्नेणावि
 परिगिरहावेति अन्नंपि परिगिरहंतं समणुजाणंति २ ॥ इह खलु गारत्था
 सारंभा सपरिग्गहा, संतेगतिया समणा माहणावि सारंभा सपरिग्गहा, अहं
 खलु अणारंभे अपरिग्गहे, जे खलु गारत्था सारंभा सपरिग्गहा, संतेगतिया
 समणा माहणावि सारंभा सपरिग्गहा, एतेसिं चेव निस्साए बंभचेरवासं
 वसिस्सामो, कस्स णं तं हेउं ?, जहा पुव्वं तहा अवरं जहा अवरं तहा
 पुव्वं, अंजू एते अणुवरया अणुवट्ठिया पुणारवि तारिसगा चेव ३ ॥ जे खलु
 गारत्था सारंभा सपरिग्गहा, संतेगतिया समणा माहणावि सारंभा सपरि-
 ग्गहा, दुहतो पावाइं कुव्वंति इति संखाए दोहिवि अंतेहिं अदिस्समाणो इति
 भिक्खु रीएज्जा ४ ॥ से वेमि पाईणं वा ६ जाव एवं से परिगणायकम्मे, एवं
 से ववेयकम्मे, एवं से विअंतरकारण भवतीति मक्खायं ५ ॥ सूत्रं १४ ॥

तत्थ खलु भगवता वृज्जीवनिकाय हेऊ पराणत्ता, तंजहा-पुढ्वीकाए जाव तसकाए, से जहाणामए मम अस्सायं दंडेण वा अट्टीण वा मुट्टीण वा लेलूण वा कवालेण वा आउट्टिज्जमाणस्स वा हम्ममाणस्स वा तज्जिज्जमाणस्स वा ताडिज्जमाणस्स वा, परियाविज्जमाणस्स वा किलामिज्जमाणस्स वा उहविज्जमाणस्स वा जाव लोमुक्खणाणमायमवि हिंसाकारगं दुक्खं भयं पडिसंवेदेमि १ । इच्चेवं जाण सव्वे जीवा सव्वे भूता सव्वे पाणा सव्वे सत्ता दंडेण वा जाव कवालेण वा आउट्टिज्जमाणा वा हम्ममाणा वा तज्जिज्जमाणा वा ताडिज्जमाणा वा परियाविज्जमाणा वा किलामिज्जमाणा वा उहविज्जमाणा वा जाव लोमुक्खणाणमायमवि हिंसाकारगं दुक्खं भयं पडिसंवेदेमि, एवं नच्चा सव्वे पाणा जाव सत्ता ण हंतव्वा ण अज्जावेयव्वा ण परिघेतव्वा ण परितावेयव्वा ण उहवेयव्वा २ ॥ से बेमि जे य अतीता जे य पडुप्पन्ना जे य आगमिस्सा अरिहंता भगवंतो सव्वे ते एवमाइक्खंति एवं भासंति एवं पराणवेंति एवं परूवेंति-सव्वे पाणा जाव सत्ता ण हंतव्वा ण अज्जावेयवा ण परिघेतव्वा ण परितावेयव्वा ण उहवेयव्वा एस धम्मे धुवे णीतिए सासए समिच्च लोगं खेयन्नेहिं पवेदिए, एवं से भिक्खु विरते पाणातिवायातो जाव विरते परिग्गहातो णो दंतपक्खालणोणं दंते पक्खालेज्जा णो अंजणं णो वमणं णो धूवणे णो तं परिआविएज्जा ३ ॥ से भिक्खु अकिरिए अलूसए अकोहे अमाणे अमाए अलोहे उवसंते परिनिव्वुडे णो आसंसं पुरतो करेज्जा इमेण मे दिट्ठेण वा सुएण वा मएण वा विन्नाएण वा इमेण वा सुचरियतवनियमबंभचेरवासेण इमेण वा जायामायावत्तिएणं धम्मेणं इओ चुए पेच्चा देवे सिया कामभोगाण वसवत्ती सिद्धे वा अदुक्खमसुभे एत्थवि सिया एत्थवि णो सिया ४ ॥ से भिक्खु सद्देहिं अमुच्छिए रूवेहिं अमुच्छिए गंधेहिं अमुच्छिए रसेहिं अमुच्छिए फासेहिं अमुच्छिए विरए कोहाओ माणाओ मायाओ लोभाओ पेज्जाओ

दोसात्रो कलहात्रो अन्मखाणात्रो पेसुन्नात्रो परपरिवायात्रो अरइरईत्रो
 मायासोसात्रो मिच्छादंसणसल्लात्रो इति से महतो आयाणात्रो उवसंते उव-
 ट्ठिए पडिविरते से भिक्खू ५ ॥ जे इमे तसथावरा पाणा भवन्ति ते णो
 सयं समारंभइ णो वज्जणोहिं समारंभावेति अन्ने समारंभंतेवि न समण-
 जाणन्ति इति से महतो आयाणात्रो उवसंते उवट्ठिए पडिविरते से भिक्खू
 ६ ॥ जे इमे कामभोगा सचित्ता वा अचित्ता वा ते णो सयं परिगिरहति
 णो अन्नेणं परिगिरहावेति अन्नं परिगिरहंतं पि ण समणजाणन्ति इति से
 महतो आयाणात्रो उवसंते उवट्ठिए पडिविरते से भिक्खू ७ ॥ जंपिय इमं
 संपराइयं कम्मं कज्जइ, णो तं सयं करेति णो अराणाणं कारवेति अन्नं पि
 करेत्तं ण समणजाणइ इति, से महतो आयाणात्रो उवसंते उवट्ठिए पडि-
 विरते ८ ॥ से भिक्खू जाणेजा अमणं वा ४ अस्सि पडियाए एगं
 साहम्मियं ममुद्दिस्स पाणाइं भूताइं जीवाइं सत्ताइं समारंभ समुद्दिस्स कीतं
 पामिच्चं अच्छिज्जं अणिसट्ठं अभिहडं आहट्ठुद्देमियं तं चेतियं सिया
 तंजहा अप्पणो पुत्ताइणट्ठाए जाव आएमाए पुट्ठो पहेणाए सामासाए पाय-
 रासाए संणिहिसंणिचत्रो किज्जइ, इहएतेसिं माणवाणं भोयणाए (अह पुण
 एवं जाणेजा विज्जति तेसिं परकमं जस्सट्ठाए चेइयं सिआ तंजहा—अप्पणो
 पुत्ताणं धूयाणं सुगहाणं धाईणं णातीणं राईणं दामाणं दासीणं कम्मकराणं
 कम्मकरीणं आएसाणं पुट्ठोपहेणाए सामासाए पातरासाए सन्निहीसन्निचए
 किज्जइ इहमेगेमिं माणवाणं भोयणाए) णो सयं भुंजइ णो अराणेणं भुंजा-
 वेति अन्नं पि, भुंजंतं ण समणजाणइ इति, से महतो आयाणात्रो उवसंते
 उवट्ठिए पडिविरते ९ ॥ तत्थ भिक्खू परकडं परणिट्ठितमुग्गमुप्पायणोसणा-
 सुद्धं सत्थाईयं सत्थपरिणामियं अविहिसियं एसियं वेसियं सामुदाणियं पत्तमसणं
 कारणाट्ठा पमाणजुत्तं अक्खोवज्जणवणलेवणभूयं संजमजायामायावत्तिं यं बिल्लमिव
 पन्नगंभूतेणं अप्पाणेणं आहारं आहारेजा अन्नं अन्नकाले पाणं पाणकाले

वत्थं वत्थकाले लेणं लेणकाले सयणं सयणकाले १०॥ से भिक्खु मायन्ने
अन्नयरं दिसं अणुदिसं वा पडिवन्ने धम्मं आइक्खे विभए किट्ठे उवट्ठिएसु
वा अणुवट्ठिएसु वा सुस्सूसमाणेसु पवेदए, संतिविरतिं उवसमं निव्वाणं सोय-
वियं अज्जवियं मद्दवियं लाघवियं अणुतिवातियं सब्बेसि पाणाणं सब्बेसि भूताणं
जाव सत्ताणं अणुवाइं किट्ठए धम्मं ११॥ से भिक्खु धम्मं किट्ठमाणे णो अन्नस्स
हेउं धम्ममाइक्खेज्जा, णो पाणास्स हेउं धम्ममाइक्खेज्जा, णो वत्थस्स हेउं
धम्ममाइक्खेज्जा, णो लेणस्स हेउं धम्ममाइक्खेज्जा, णो सयणस्स हेउं धम्म-
माइक्खेज्जा, णो अन्नेसिं विरूवंरूवाणं कामभोगाणं हेउं धम्ममाइक्खेज्जा,
अगिलाए धम्ममाइक्खेज्जा, नन्नत्थं कम्मनिज्जरट्ठाए धम्ममाइक्खेज्जा १२॥ इह
खलु तस्स भिक्खुस्स अंतिए धम्मं सोच्चा णिस्सम्मं उट्ठाणेणं उट्ठाय
वीरा अस्सि धम्मे समुट्ठिया जे तस्स भिक्खुस्स अंतिए धम्मं सोच्चा णिस्सम्मं
सम्मं उट्ठाणेणं उट्ठाय वीरा अस्सि धम्मे समुट्ठिया ते एवं सब्बोवगता ते एवं
सब्बोवर(ग)ता ते एवं सब्बोवसंता ते एवं सब्बत्ताए परिनिव्वुडत्तिवेमि १३॥
एवं से भिक्खु धम्मट्ठी धम्मविऊ णियागपडिवरणे से जहेयं बुत्तियं अदुवा
पत्ते पउमवरपोंडरीयं अदुवा अपत्ते पउमवरपोंडरीयं, एवं से भिक्खु परिगणा-
यकम्मे परिगणायसंगे परिगणायगेहवासे उवसंते समिए सहिए सया जए,
सेवं वयणिज्जे, (वत्तव्वे) तंजहा-समणेति वा माहणेति वा खंतेति वा
दंतेति वा गुत्तेति वा मुत्तेति वा इसीति वा मुणीति वा कतीति वा विऊति वा
भिक्खुति वा लूहेति वा तीरट्ठीति वा चरणाकरणापारविउत्तिवेमि १४ ॥ सूत्र-१५॥

॥ इति प्रथममध्ययनम् ॥ श्रुतस्कंधः २ः अ० १ ॥



॥ अथ द्वितीयं क्रियास्थानाख्याध्ययनम् ॥

सुयं मे आउसंतेणं भगवया एवमक्खायं-इह खलु किरियाठाणो
 णामज्झयणो पराणत्ते, तस्स णं अयमट्ठे-इह खलु संजूहेणं दुवे ठाणो एवमा-
 हिज्जंति, तंजहा-धम्मे चेव अधम्मे चेव उवसंते चेव अणुवसंते चेव १॥
 तत्थ णं जे से पढमस्स ठाणस्स अहम्मपक्खस्स विभंगे तस्स णं अयमट्ठे
 पराणत्ते, इह खलु पाईणं वा ६ संतेगतिया मणुस्सा भवंति, तंजहा-आरियो
 वेगे अणारिया वेगे उच्चागोया वेगे णीयागोया वेगे कायमंता वेगे रहस्समंता
 वेगे सुवराणा वेगे दुव्वराणा वेगे सुरूवा वेगे दुरूवा वेगे २॥ तेसिं च णं
 इमं एतारूवं दंडसमादाणं संपेहाए तंजहा-गोरइएसु वा तिरिक्खजोणिएसु
 वा मणुस्सेसु वा देवेसु वा जे यावन्ने तहप्पगारा पाणा विन्नू वेयणं वेयंति
 ३॥ तेसिं पि य णं इमाइं तेरस्स किरियाठाणाइं भवंतीति एवमक्खायं, तं-
 जहा-अट्ठादंडे १ अणट्ठादंडे २ हिंसादंडे ३ अकम्हादंडे ४ दिट्ठीविपरिया-
 सियादंडे ५ मोसवत्तिए ६ अदिन्नादाणवत्तिए ७ अज्झत्थवत्तिए ८ माणव-
 त्तिए ९ मित्तदोसवत्तिए १० मायावत्तिए ११ लोभवत्तिए १२ इरियावहिए
 १३ ॥ सूत्रं १६ ॥

पढमे दंडसमादाणो अट्ठादंडवत्तिएत्ति आहिज्जइ, से जहाणामए केइ
 पुरिसे आयहेउं वा णाइहेउं वा अगारहेउं वा परिवारहेउं वा मित्तहेउं वा
 णागहेउं वा भूतहेउं वा जक्खहेउं वा तं दंडं तसथावरेहिं पाणहि सयमेव
 णिसिरिति अरणोणवि णिसिरावेति अरणपि णिसिरंतं समणुजाणइ, एवं
 खलु तस्स तप्पत्तियं सावज्जंति आहिज्जाइ, पढमे दंडसमादाणो अट्ठादंडव-
 त्तिएत्ति आहिए ॥ सूत्रं १७ ॥

अहावरे दोच्चे दंडसमादाणो अणट्ठादंडवत्तिएत्ति आहिज्जइ, से जहा-
 णामए केइ पुरिसे जे इमे तसा पाणा भवंति ते णो अच्चाए णो अजिणाए

णो मंसाए णो सोणियाए एवं हिययाए पित्ताए वसाए पिच्छाए पुच्छाए
 बालाए सिंगाए विसाणाए दंताए दाढाए गहाए गहारुणिए अट्टीए अट्टिमं-
 जाए णो हिंसिसु मेत्ति णो हिंसंति मेत्ति णो हिंसिस्संति मेत्ति णो पुत्तपो-
 सणाए णो पसुपोसणायाए णो अगारपरिवूहणाए णो समणमाहणावत्तणाहेउं
 णो तस्स सरीरगस्स किंचि विपरियादित्ता भवंति, से हंता छेत्ता भेत्ता लुं प-
 इत्ता विलुं पइत्ता उद्वइत्ता उज्झिउं बाले वेरस्स आभागी भवति, अणट्ठादंडे
 १॥ से जहाणामए केइ पुरिसे जे इमे थावरा पाणा भवंति, तंजहा-इकडा इ
 वा कडिणा इ वा जंतुगा इ वा परगा इ वा मोक्खा इ वा तणा इ वा कुसा इ वा
 कुच्छगा इ वा पव्वगा इ वा पलाला इ वा, ते णो पुत्तपोसणाए णो पसुपोस-
 णाए णो अगारपडिवूहणायाए णो समणमाहणापोसणायाए णो तस्स सरीर-
 गस्स किंचि विपरियाइत्ता भवंति, से हंता छेत्ता भेत्ता लुं पइत्ता विलुं पइत्ता उद्व-
 इत्ता उज्झिउं बाले वेरस्स आभागी भवति, अणट्ठादंडे २॥ से जहाणामए
 केइ पुरिसे कच्छंसि वा दहंसि वा उदगंसि वा दवियंसि वा बलयंसि वा
 ग्लूमंसि वा गहणंसि वा गहणविदुग्गंसि वा वणंसि वा वणविदुग्गंसि वा
 पव्वयंसि वा पव्वयविदुग्गंसि वा तणाइं ऊसविय ऊसविय सयमेव अगणिकायं
 णिसिरति अरणोणवि अगणिकायं णिसिरावेति अरणपि अगणिकायं
 णिसिरितं समणुजाणइ अणट्ठादंडे, एवं खलु तस्स तप्पत्तियं सावज्जन्ति आहि-
 ज्जइ, दोच्चे दंडसमादाणे अणट्ठादंडवत्तिएत्ति आहिए ३॥ सूत्रम् १८ ॥

अहावरे तच्चे दंडसमादाणे हिंसादंडवत्तिएत्ति आहिज्जइ, से जहा-
 णामए केइ पुरिसे ममं वा ममिं वा अन्नं वा अन्निं वा हिंसिसु वा हिंसइ
 वा हिंसिस्सइ वा तं दंडं तसथावरेहिं पाणेहि सयमेव णिसिरति अरणोणवि
 णिसिरावेति अन्नपि णिसिरितं समणुजाणइ हिंसादंडे, एवं खलु तस्स
 तप्पत्तियं सावज्जन्ति आहिज्जइ, तच्चे दंडसमादाणे हिंसादंडवत्तिएत्ति
 आहिए ॥ सूत्रम् १९ ॥

अहावरे चउत्थे दंडसमादाणे अकस्मात् दण्डवत्तिएत्ति आहिज्जइ, से जहाणामए केइ पुरिसे कच्छंसि वा जाव वण(पव्वय)विदुग्गंसि वा मियवत्तिए मियसंकप्पे मियपणिहाणे मियवहाए गंता एए मियत्तिकारुं अन्नयरस्स मियस्स वहाए उसुं आयामेत्ता रां णिसिरेज्जा, स मियं वहिस्सामित्ति कट्ठुं तित्तिरं वा वट्ठुं वा चडगं वा लावगं वा कवोयगं वा कंविं वा कविजलं वा विंधित्ता भवइ, इह खलु से अन्नस्म अट्ठाए अराणं फुसति अकम्हादंडे १॥ से जहाणामए केइ पुरिसे मालीणि वा वीहीणि वा कोदवाणि वा कंगूणि वा परगाणि वा रालाणि वा णिलिज्जमाणे अन्नयरस्स तणस्स वहाए सत्थं णिसिरेज्जा, से सामगं (मयणागं मुगुणागं) तणागं कुमुदुगं वीही-
ऊसियं कलेसुयं तणां छिदिस्सामित्ति कट्ठुं सालिं वा वीहिं वा कोदवं वा कंगुं वा परगं वा रालयं वा छिदिता भवइ, इति खलु से अन्नस्स अट्ठाए अन्नं फुसति अकम्हादंडे, एवं खलु तस्स तप्पत्तियं सावज्जे आहिज्जइ, चउत्थे दंडसमादाणे अकम्हादंडवत्तिए आहिए २॥ सूत्रम् २० ॥

अहावरे पंचमे दंडसमादाणे दिट्ठिविपरियासियादंडवत्तिएत्ति आहि-
ज्जइ, से जहाणामए केइ पुरिस माईहिं वा पिईहिं वा भाईहिं वा भगिणीहिं
वा भज्जाहिं वा पुत्तेहिं वा धूताहिं वा सुरहाहिं वा सद्धिं संवसमाणे मित्तं
अमित्तमेव मन्नमाणे मित्ते हयपुव्वे भवइ दिट्ठिविपरियासियादंडे ॥ से जहा-
णामए केइ पुरिसे गामघायंसि वा गागरघायंसि वा खेड० कब्बड० मडव-
घायंसि वा दोणमुहघायंसि वा पट्ठुणघायंसि वा आसमघायंसि वा सन्निवे-
सघायंसि वा निग्गमघायंसि वा रायहाणिघायंसि वा अतेणं तेणामित्ति मन्न-
माणे अतेणे हयपुव्वे भवइ दिट्ठिविपरियासियादंडे, एवं खलु तस्स तप्पत्तियं
सावज्जंति आहिज्जइ, पंचमे दंडसमादाणे दिट्ठिविपरियासियादंडवत्तिएत्ति
आहिए ॥ सूत्रम् २१ ॥

अहावरे छट्ठे किरियट्ठाणे मोसावत्तिएत्ति आहिज्जइ, से जहाणामए केइ पुरिसे आयहेउं वा णाइहेउं वा अगारहेउं वा परिवारहेउं वा सयमेव मुसं वयति अरणोणवि मुसं वाएइ मुसं वयंतं पि अरणं समणुजाणइ, एवं खलु तस्स तप्पत्तियं सावज्जंति आहिज्जइ, छट्ठे किरियट्ठाणे मोसावत्तिएत्ति आहिए ॥ सूत्रम् २२ ॥

अहावरे सत्तमे किरियट्ठाणे अदिन्नादाणवत्तिएत्ति आहिज्जइ, से जहाणामए केइ पुरिसे आयहेउं वा जाव परिवारहेउं वा सयमेव अदिन्नं आदियइ अन्नेणवि अदिन्नं आदियावेति अदिन्नं आदियंतं अन्नं समणुजाणइ, एवं खलु तस्स तप्पत्तियं सावज्जंति आहिज्जइ, सत्तमे किरियट्ठाणे अदिन्नादाणवत्तिएत्ति आहिए ॥ सूत्रम् २३ ॥

अहावरे अट्ठमे किरियट्ठाणे अज्झत्थवत्तिएत्ति आहिज्जइ, से जहाणामए केइ पुरिसे णत्थि णं केइ किंचि विसंवादेति सयमेव हीणे दीणे दुट्ठे दुम्मणे ओहयमसंकप्पे चिंतासोगरसंपविट्ठे करतलपल्हत्थमुहे अट्ठज्झाणोवगए भूमिगयदिट्ठिए भियाइ, तस्स णं अज्झत्थया असंसइया चत्तारि ठाणा एवमहिज्जइ (ज्जंति) तंजहा—कोहे माणे माया लोहे, अज्झत्थमेव कोहमाणमायालोहे, एवं खलु तस्स तप्पत्तियं सावज्जंति आहिज्जइ, अट्ठमे किरियट्ठाणे अज्झत्थवत्तिएत्ति आहिए ॥ सूत्रम् २४ ॥

अहावरे णवमे किरियट्ठाणे माणवत्तिएत्ति आहिज्जइ, से जहाणामए केइ पुरिसे जातिमएण वा कुलमएण वा बलमएण वा रूवमएण वा तवमएण वा सुयमएण वा लाभमएण वा इस्सरियमएण वा पन्नामएण वा अन्नतरेण वा मयट्ठाणेणं मत्ते समाणे परं हीलेति निंदेति खिंसति ग्रहति परिभवइ अवमरणोति, इत्तरिए अयं, अहमंसि पुण विसिट्ठजाइकुलवलाइगुणोववेए, एवं अप्पाणं समुक्कसे, देहच्चुए कम्मवितिए अवसे पयाइ, तंजहा—गब्भाओ गब्भं ४ जम्माओ जम्भं माराओ मारं णारगाओ णारगं चंडे थद्धे चवले

मणी यावि भवइ, एवं खलु तस्स तप्पत्तियं सावज्जंति आहिज्जइ, एवमे
किरियाठणो माणावत्तिएत्ति आहिए ॥सूत्रम् २५॥

अहावरे दसमे किरियट्ठाणो मित्तदोसवत्तिएत्ति आहिज्जइ, से जहा-
णामए केइ पुरिसे माईहिं वा पितीहिं वा भाईहिं वा भइणीहिं वा भज्जाहिं
वा धूयाहिं वा पुत्तेहिं वा सुरहाहिं वा सद्धिं संवसमाणो तेसिं अन्नयरंसि
अहालहुगंसि अवरहंसि सयमेव गरुयं दंडं निवत्तेति, तंजहा-सीओदग-
वियडंसि वा कायं उच्छोलित्ता भवति, उसिणोदगवियडेण वा कायं ओसिं-
चित्ता भवति, अगणिकाएणां कायं उवडहित्ता भवति, जोत्तेण वा वेत्तेण वा
वा गोत्तेण वा तयाइ वा [कराणेण वा छियाए वा] लयाए वा अन्नयरेण
वा दवरएण पासाइं उद्दालित्ता भवति, दंडेण वा अट्ठीण वा मुट्ठीण वा
लेलूण वा क्वालेण वा कायं आउट्टित्ता भवति, तहप्पगारे पुरिसजाए
संवसमाणो दुम्मणा भवति, पवसमाणो रुमणा भवति, तहप्पगारे पुरिसजाए
दंडपासी दंडगुरुए दंडपुरक्खे अहिए इमंसि लोगंसि अहिए परंसि लोगंसि
संजलणो कोहणो पिट्ठिमंसि यावि भवति, एवं खलु तस्स तप्पत्तियं सावज्जंति
आहिज्जति, दसमे किरियट्ठाणो मित्तदोसवत्तिएत्ति आहिए ॥सूत्रम् २६॥

अहावरे एकारसमे किरियट्ठाणो माणावत्तिएत्ति आहिज्जइ, जे इमे
भवंति-गूढायारा तमोकसिया उलुगपनलहुया पव्वयगुर्या ते आयरियावि
संता अणारियाओ भासाओवि पउज्जंति, अन्नहामंतं अप्पाणां अन्नहा
मन्नंति, अन्नं पुट्ठा अन्नं वागरंति, अन्नं आइक्खियव्वं अन्नं आइक्खंति
१ ॥ से जहाणामए केइ पुरिसे अंतोसल्ले तं सल्लं णो सयं णिहरति णो
अन्नेण णिहरावेति णो पडिविद्धंसेइ, एवमेव निराहवेइ, अविउट्टमाणो अंतो-
अंतो रियइ २ । एवमेव माई मायं कट्ठु णो आलोएइ णो पडिक्खेइ णो
णिंदइ णो गरहइ णो विउट्टइ णो विसोहेइ णो अकरणाए अम्भुट्ठेइ णो
अहारिहं तवोकम्मं पायच्छित्तं पडिवज्जइ, माई अस्सि लोए पच्चायाइ माइ

परंसि लोए पुणो पुणो पचायाइ निंदइ गरहइ पसंसइ णिच्चरइ नियट्टइ
णिसिरियं दंडं छाएति, माई असमाहडसुहलेस्से यावि भवइ, एवं खलु तस्स
तप्पत्तियं सावज्जति आहिज्जइ, एकारसमे किरियट्ठाणे मायावत्तिएत्ति
आहिए ३ ॥ सूत्रं २७ ॥

अहावरे बारसमे किरियट्ठाणे लोभवत्तिएत्ति आहिज्जइ, जे इमे
भवन्ति, तंजहा-आरन्निया आवसहिया गामंतिया कणहुईरहस्सिया णो
बहुसंजया णो बहुपडिविरया सव्वपाणभूतजीवसत्तेहिं ते अप्पणो सच्चामोसाई
एवं विउंजंति, अहं ण हंतव्वो अन्ने हंतव्वा अहं ण अज्जावेयव्वो अन्ने
अज्जावेयव्वा अहं ण परिघेतव्वो अन्ने परिघेतव्वा अहं ण परितावेयव्वो
अन्ने परितावेयव्वा अहं ण उद्वेयव्वो अन्ने उद्वेयव्वा १ । एवमेव ते
इत्थिकामेहिं मुच्छिया गिद्धा गढिया गरहिया अज्मोववन्ना जाव वासाई
चउपंचमाई छद्दसमाई अप्पयरो वा भुज्जयरो वा भुंजित्तु भोगभोगाई काल-
मासे कालं किञ्चा अन्नयरेसु आसुरिएसु किब्बिसिएसु ठाणेसु उववत्तारो
भवन्ति २ । ततो विप्पमुच्चमाणो भुज्जो भुज्जो एलमूयत्ताए तमूयत्ताए जाइमूयत्ताए
पचायंति, एवं खलु तस्स तप्पत्तियं सावज्जंति आहिज्जइ, दुवालसमे किरिय-
ट्ठाणे लोभवत्तिएत्ति आहिए ३ ॥ इच्चेयाई दुवालस किरियट्ठाणाई दविण्णं
समाणेण वा माहणेण वा सम्मं सुपरिजाणियव्वाई भवन्ति ४ ॥ सूत्रं २८ ॥

अहावरे तेरसमे किरियट्ठाणे ईरियावहिएत्ति आहिज्जइ, इह खलु
अत्तत्ताए संबुडस्स अण्णारस्स ईरियासमियस्स भासासमियस्स एसणासमि-
यस्स आयाणभंडमत्तणिकखेवणासमियस्स उच्चारपासमाणखेलसिंघाणजल्लपारि-
ट्ठावणियासमियस्स मणसमियस्स वयसमियस्स कायसमियस्स मणगुत्तस्स वय-
गुत्तस्स कायगुत्तस्स गुत्तस्स गुत्तिंदियस्स गुत्तवंभयारिस्स आउत्तं गच्छमाणस्स
आउत्तं त्रिट्ठमाणस्स आउत्तं णिसीयमाणस्स आउत्तं तुयट्ठमाणस्स आउत्तं
भुंजमाणस्स आउत्तं भासमाणस्स आउत्तं वत्थं पडिग्गहं कंवलं पायपुंछणां

गिरहमाणस्स वा णिक्खिवमाणस्स वा जाव चक्खुपम्हणिवायमवि अत्थि
 विमाया सुहुमा किरिया ईरियावहिया नाम कज्जइ १ । सा पढमसमए वद्धा पुट्ठा
 वितीयसमए वेइया तइयसमए णिज्जिराणा सा वद्धा पुट्ठा उदीरिया वेइया
 णिज्जिराणा सेयकाले अकम्मे यावि भवति, एवं खलु तस्स तप्पत्तियं साव-
 ज्जंति आहिज्जइ, तेरसमे किरियट्ठाणे ईरियावहिएत्ति आहिज्जइ २ ॥ से
 वेमि जे य अतीता जे य पडुपन्ना जे य आगमिस्सा अरिहंता भगवंता
 सव्वे ते एयाइं चेव तेरस किरियट्ठाणाइं भासिंसु वा भासेंति वा भासिस्संति
 वा पन्नविंसुं वा पन्नविंति वा पन्नविस्संति वा, एवं चेव तेरसमं किरियट्ठाणां
 सेविंसु वा सेवंति वा सेविस्संति वा ३॥ सूत्रं २६॥

अदुत्तरं च णं पुरिसविजयं विभंगमाइक्खिस्सामि, इह खलु णाणाप-
 राणाणं णाणाब्भंदाणं णाणासीलाणं णाणादिट्ठीणं णाणारूईणं णाणारंभाणं
 णाणाज्झवसाणसंजुत्ताणं णाणाविहपावसुयज्झयणं एवं भवइ, तंजहा—भोमं
 उप्पायं सुविणं अंतलिक्खं अंगं सरं लक्खणं वंजणं इत्थिलक्खणं पुरिस-
 लक्खणं हयलक्खणं गयलक्खणं गोणलक्खणं मिट्ठलक्खणं कुक्कडलक्खणं
 तित्तिरलक्खणं वट्ठगलक्खणं लावयलक्खणं चकलक्खणं छत्तलक्खणं
 चम्मलक्खणं दंडलक्खणं असिलक्खणं मणिलक्खणं कागिणिलक्खणं सुभ-
 गाकरं दुब्भगाकरं गव्वभकरं मोहणकरं आहव्वणिं पागसासणिं दव्वहोमं खत्तिय-
 विज्जं चंदचरियं सूरचरियं सुक्कचरियं बहस्सइचरियं उक्कापायं दिसादाहं मिय-
 चक्कं वायसपरिमंडलं पंसुबुट्ठिं केसबुट्ठिं मंसबुट्ठिं रुहिरबुट्ठिं वेतालं अद्ध-
 वेतालं ओसोवणिं तालुग्घाडणिं सोवाणिं सोवरिं दामिलिं कालिं गोरिं
 गंधारिं ओवतणिं उप्पयणिं जंभणिं थंभणिं लेसणिं आमयकरणिं विसल्ल-
 करणिं पक्कमणिं अंतद्धाणिं आयमिणिं, एवमाइआओ विज्जाओ अन्नस्स हेउं
 पउंजंति, पाणस्स हेउं पउंजंति वत्थस्स हेउं पउंजंति लेणस्स हेउं पउंजंति
 सयणस्स हेउं पउंजंति । अन्नेसिं वा विरूवरूवाणं कामभोगाणं हेउं पउंजंति,

तिरिच्छं ते विज्जं सेवेति, ते अणारिया विप्पडिवन्ना कालमासे कालं किञ्चा
अन्नयराइं आसुरियाइं किन्विसियाइं ढण्णइं उववत्तारो भवंति, ततोऽपि
विप्पमुच्चमाणा भुज्जो एलमूयताए तमअंधयाए पच्चयंति ॥सूत्रं ३०॥

से एगइओ आयहेउं वा णायहेउं वा सयणहेउं वा अगारहेउं वा
परिवारहेउं वा नायगं वा सहवासियं वा णिस्साए अदुवा अणुगामिए १
अदुवा उवचरे २ अदुवा पडिपहिए ३ अदुवा संधिच्छेदए ४ अदुवा गंठि-
च्छेदए ५ अदुवा उरब्भिए ६ अदुवा सोवरिए ७ अदुवा वागुरिए ८ अदुवा
साउणिए ९ अदुवा मच्छिए १० अदुवा गोघायए ११ अदुवा गोवालए
१२ अदुवा सोवणिए (सेयणए) १३ अदुवा सोवणियंतिए १४-१ ॥ से एग-
इओ अणुगामियभावं पडिसंधाय तमेव अणुगामियाणुगामियं हंता छेत्ता
भेत्ता लुंपइत्ता विलुंपइत्ता उद्वइत्ता आहारं आहारेति, इति से महया पावेहिं
कम्मेहिं अत्ताणं उवखाइत्ता भवइ २॥ से एगइओ उवचरयभावं पडिसंधाय
तमेव उवचरियं हंता छेत्ता भेत्ता लुंपइत्ता विलुंपइत्ता उद्वइत्ता आहारं
आहारेति, इति से महया पावेहिं कम्मेहिं अत्ताणं उवखाइत्ता भवइ ३॥
से एगइओ पाडिपहियभावं पडिसंधाय तमेव पाडिपहे णिच्चा हंता छेत्ता भेत्ता
लुंपइत्ता विलुंपइत्ता उद्वइत्ता आहारं आहारेति, इति से महया पावेहिं
कम्मेहिं अत्ताणं उवखाइत्ता भवइ ४॥ से एगइओ संधिच्छेदगभावं पडिसं-
धाय तमेव संधिं छेत्ता भेत्ता जाव इति से महया पावेहिं कम्मेहिं अत्ताणं
उवखाइत्ता भवइ ५॥ से एगइओ गंठिच्छेदगभावं पडिसंधाय तमेव गंठिं छेत्ता
भेत्ता जाव इति से महया पावेहिं कम्मेहिं अत्ताणं उवखाइत्ता भवइ ६॥ से
एगइओ उरब्भियभावं पडिसंधाय उरब्भं वा अणत्तरं वा तसं पाणं हंता
जाव उवखाइत्ता भवइ । एसो अभिलावो सव्वत्थ ७॥ से एगइओ सोयरि-
यभावं पडिसंधाय महिसं वा अणत्तरं वा तसं पाणं जाव उवखाइत्ता भवइ
८॥ से एगइओ वागुरियभावं पडिसंधाय मियं वा अणत्तरं वा तसं पाणं

हंता जाव उवक्खाइत्ता भवइ १॥ से एगइयो सउणियभावं पडिसंधाय
 सउणिं वा अण्णतरं वा तसं पाणं हंता जाव उवक्खाइत्ता भवइ १०॥ से
 एगइयो मच्छियभावं पडिसंधाय मच्छं वा अण्णतरं वा तसं पाणं हंता
 जाव उवक्खाइत्ता भवइ ११॥ से एगइयो गोवायभावं पडिसंधाय तमेव
 गोणं वा अण्णयरं वा तसं पाणं हंता जाव उवक्खाइत्ता भवइ १२॥ से
 एगइयो गोवालभावं पडिसंधाय तमेव गोवालं (गोणं) वा परिजविय परि-
 जविय हंता जाव उवक्खाइत्ता भवइ १३॥ से एगइयो सोवणियभावं पडि-
 संधाय तमेव सुण्णं वा अन्नयरं वा तसं पाणं हंता जाव उवक्खाइत्ता
 भवइ १४॥ से एगइयो सोवणियंतियभावं पडिसंधाय तमेव मणुस्सं वा
 अन्नयरं वा तसं पाणं हंता जाव आहारं आहारेति, इति से महया पावेहिं
 कम्मेहिं अत्ताणं उवक्खाइत्ता भवइ १५॥ सूत्रं ३१ ॥

से एगइयो परिसामज्जाओ उट्टिता अहमेयं हणामित्ति कट्ठु तित्तिरं
 वा वट्ठुं वा लावगं वा कवोयगं वा कविंजलं वा अन्नयरं वा तसं पाणं
 हंता जाव उवक्खाइत्ता भवइ १ ॥ से एगइयो केणइ आयाणेणं विरुद्धे
 समाणे अदुवा खलदाणेणं अदुवा सुराथालएणं गाहावतीण वा गाहावइ-
 पुत्ताण वा सयमेव अगणिकाएणं सस्साइं भामेइ अन्नेणवि अगणिकाएणं
 सस्साइं भामावेइ अगणिकाएणं सस्साइं भामंतं पि अन्नं समणुजाणइ इति से
 महया पावकमेहिं अत्ताणं उवक्खाइत्ता भवइ २ ॥ से एगइयो केणइ आया-
 णेणं विरुद्धे समाणे अदुवा खलदाणेणं अदुवा सुराथालएणं गाहावतीण
 वा गाहावइपुत्ताण वा उट्ठाण वा गोष्ठाण वा घोडगाण वा गहभाण वा
 सयमेव घूराओ कप्पेति अन्नेणवि कप्पावेति कप्पंतं पि अन्नं समणुजाणइ
 इति से महया जाव भवइ ३ ॥ से एगइयो केणइ आयाणेणं विरुद्धे समाणे
 अदुवा खलदाणेणं अदुवा सुराथालएणं गाहावतीण वा गाहावइपुत्ताण
 वा उट्ठसालाओ वा गोणसालाओ वा घोडगसालाओ वा गहमसालाओ

वा कंटकबोंदियाए पडिपेहिता सयमेव अगणिकाएणं भामेइ अन्नेणवि
 भामावेइ भामंतंपि अन्नं समणुजाणइ इति से महया जाव भवइ ४ ॥ से
 एगइओ केणइ आयाणेणं विरुद्धे समाणे अदुवा खलदाणेणं अदुवा सुरा-
 थालएणं गाहावतीण वा गाहावइपुत्ताण वा कुंडलं वा मणिं वा मोत्तियं
 वा सयमेव अवहरइ अन्नेणवि अवहरावइ अवहरंतंपि अन्नं समणुजाणइ
 इति से महया जाव भवइ ५ ॥ से एगइओ केणइवि आदाणेणं विरुद्धे
 समाणे अदुवा खलदाणेणं अदुवा सुराथालएणं समणाण वा माहणाण वा
 छत्तगं वा दंडगं वा भंडगं वा मत्तगं वा लट्ठिं वा भिसिगं वा चेलगं वा
 चिलिमिलिगं वा चम्मयं वा छेयणगं वा चम्मकोसियं वा सयमेव अवहरति
 जाव समणुजाणइ इति से महया जाव उवक्खाइत्ता भवइ ६ ॥ से एगइओ
 णो वितिगिंछइ तं०—गाहावतीण वा गाहावइपुत्ताण वा सयमेव अगणि-
 काएणं ओसहीओ भामेइ जाव अन्नंपि भामंतं समणुजाणइ इति से महया
 जाव उवक्खाइत्ता भवति ७ ॥ से एगइओ णो वितिगिंछइ, तं०—गाहावतीण
 वा गाहावइपुत्ताण वा उट्टाण वा गोणाण वा घोडगाण वा गइभाण वा सय-
 मेव वूराओ कप्पेइ अन्नेणवि कप्पावेति अन्नंपि कप्पंतं समणुजाणइ ० ८ ॥ से
 एगइओ णो वितिगिंछइ तं०—गाहावतीण वा गाहावइपुत्ताण वा अट्टसालाओ
 वा जाव गइभसालाओ वा कंटकबोंदियाहिं पडिपेहिता सयमेव अगणिकाएणं
 भामेइ जाव समणुजाणइ ९ ॥ से एगइओ णो वितिगिंछइ, तं०—गाहावतीण
 वा गाहावइपुत्ताण वा जाव मोत्तियं वा सयमेव अवहरइ जाव समणुजाणइ ०
 १० ॥ से एगइओ णो वितिगिंछइ तं०—समणाण वा माहणाण वा छत्तगं
 वा दंडगं वा जाव चम्मच्छेदणगं वा सयमेव अवहरइ जाव समणुजाणइ
 इति से महया जाव उवक्खाइत्ता भवइ ११ ॥ से एगइओ समणं वा माहणं
 वा दिस्सा णाणाविहेहिं पावक्कमेहिं अत्ताणं उवक्खाइत्ता भवइ, अदुवा णं
 अच्छराए आफालित्ता भवइ, अदुवा णं फरुसं वदित्ता भवइ, कालेणवि से

अणुपविट्टस्स असणां वा पाणां वा जाव णो दवावेत्ता भवइ १२ ॥ जे इमे भवन्ति वोनमंता भास्वकंता अलसगा वसलगा किदरागा समणागा पव्वयंति ते इणमेव जीवितं धिजीवितं संपडिबूहेति, नाइ ते परलोगस्स अट्ठाए किंचिवि सिलीसंति, ते दुक्खंति ते सोयंति ते जूरंति ते तिप्पंति ते पिट्ठंति ते परितप्पंति ते दुक्खणजूरणमोयणतिप्पणपिट्ठणपरितिप्पणवहबंधणपरिकिले-साथो अप्पडिविरया भवंति, ते महया आरंभेणं ते महया समारंभेणं ते महया आरंभसमारंभेणं विरूवरूवेहिं पावकम्मकिच्चेहिं उरालाई माणुस्सगाई भोगभोगाई भुंजित्तारो भवंति, तंजहा-अन्नं अन्नकाले पाणां पाणकाले वत्थ वत्थकाले लेणां लेणकाले सयणां सयणकाले सपुव्वावरं च णं राहाए कयवलिकम्मे कयकोउयमंगलपायच्छित्ते सिरसा राहाए कंठमालाकडे आविद्धमणिसुवन्ने कप्पियमालामउली पडिवद्धसरीरे वग्घारियसोणिसुत्तगमल्लदामकलावे अहतवत्थपरिहिए चंदणोक्खित्तगायसरीरे महतिमहालियाए कूडागारसालाए महतिमहालयंसि सीहासणांसि इत्थीगुम्मसंपरिवुडे सव्वराइएणं जोइणा भियायमाणेणं महयाहयनट्टगीयवाइयतंतीतलतालतुडिय-यणमुङ्गपडपवाइयरवेणं उरालाई मणुस्सगाई भोगभोगाई भुंजमाणो विहरइ १३ । तस्स णं एगमवि आणवेमाणस्स जाव चत्तारि पंच जणा अवुत्ता चेव अब्भुट्ठंति, भणह देवाणुप्पिया ! किं करेमो ? किं आहरेमो ? किं उवणेमो ? किं आचिट्ठामो ! किं भे हिय इच्छियं ? किं भे आसगस्स सयइ ? १४ ॥ तमेव पासित्ता अणारिया एवं वयंति-देवे खलु अयं पुरिसे, देवमिणाए खलु अयं पुरिसे, अन्नेवि य णं उवजीवंति, तमेव पासित्ता आरिया वयंति-अभिवकंतकूरकम्मे खलु अयं पुरिसे अतिधुन्ने अइयायस्सवे दाहिणगामिए नेरइए कगहपक्खिए आगमिस्साणां दुल्लहवोहियाए यावि भविस्सइ १५ ॥ इच्चेयस्स अणस्स उट्ठिया वेगे अभिगिज्झंति अणुट्ठिया वेगे अभिगिज्झंति अभिज्झंभाउरा अभिगिज्झंति, एस अणो

अणारिए अकेवले अप्पडिपुन्ने अणायोए असंसुद्धे अमल्लगततो असि-
द्धिमग्गे अमुत्तिमग्गे अनिब्बाणमग्गे अणिज्जाणमग्गे असव्वदुक्खपहीणमग्गे
एगंतमिच्छे असाहु एस खलु पढमस्स ठाणस्स अधम्मपक्खस्स विभंगे एवमा-
हिए १६ ॥सूत्रं ३२॥

अहावरे दोच्चस्स ट्ठाणस्स धम्मपक्खस्स विभंगं एवमाहिज्जइ, इह खलु
पाईणं वा पडीणं वा उदीणं वा दाहिणं वा सतेगइया मणुस्सा भवंति,
तंजहा—आयरिया वेगे अणारिया वेगे उच्चागोया वेगे णीयागोया वेगे काय-
मंता वेगे रहस्समंता वेगे सुवन्ना वेगे दुवन्ना वेगे सुरूवा वेगे दुरूवा वेगे,
तेसिं च णं खेत्तवत्थूणि परिग्गाहियाइं भवंति, एसो आलावगो जहा पोंड-
रीए तहा णेतब्बो, तेणोव अभिलावेण जाव सव्वोवसंता सव्वत्ताए परिनि-
व्वुडेत्तिवेमि ॥ एस ठाणे आरिए केवले जाव सव्वदुक्खपहीणमग्गे एगंत-
सम्मे साहु, दोच्चस्स ठाणस्स धम्मपक्खस्स विभंगे एवमाहिए ॥सूत्रं ३३॥

अहावरे तच्चस्स ट्ठाणस्स मिससगस्स विभंगे एवमाहिज्जइ, जे इमे
भवंति आरणिगाया आवसहिया गामणियंतिया कणहुईरहस्सिता जाव ते
तयो विप्पमुच्चमाणा भुज्जो एलमूयत्ता एतमूत्ताए पचायंति, एस ठाणे अणारिए
अकेवले जाव असव्वदुक्खपहीणमग्गे एगंतमिच्छे असाहु, एस खलु तच्चस्स
ठाणस्स मिससगस्स विभंगे एवमाहिए ॥सूत्रं ३४॥

अहावरे पढमस्स ठाणस्स अधम्मपक्खस्स विभंगे एवमाहिज्जइ—इह
खलु पाईरां वा ४ संतेगतिया मणुस्सा भवंति—गिहत्था महिच्छा महारंभा
महापरिग्गहा अधम्मिया अधम्माणुराणा अधम्मिट्ठा अधम्मक्खाई अधम्मपाय-
जीविणो अधम्मपविलोई अधम्मपलज्जणा अधम्मसीलसमुदायारा अधम्मेणां
चेव वित्तिं कप्पेमाणा विहरंति १ ॥ हण छिंद भिंद विगत्तगा लोहियपाणी
चंडा रुद्धा खुद्धा साहस्सिया उक्कुं चणवंचणमायाणियडिकूडकवडसाइसंपत्थो-
गबहुला दुस्मीला दुव्वया दुप्पडियाणांदा असाहु, सव्वात्थो पाणाइवायात्थो

अप्पडिविरया जावजीवाए जाव सव्वाओ परिग्गहाओ अप्पडिविरया जाव-
जीवाए, सव्वाओ कोहाओ जाव मिच्छादंसणासल्लाओ अप्पडिविरया,
सव्वाओ गहाणुम्मद्दणावराणागंधविलेवणासद्दफरिसरसरूवगंधमल्लालंकाराओ
अप्पडिविरया जावजीवाए, सव्वाओ सगडरहजाणजुग्गगिल्लिथिल्लिसिया-
संदमाणियासयणासणाजाणावाहणाभोगभोयणापवित्थरविहीओ अप्पडिविरया
जावजीवाए, सव्वाओ कयविक्रयमासद्धमासरूवगसंववहाराओ अप्पडिविरया
जावजीवाए, सव्वाओ कयविक्रयमासद्धमासरूवगसंववहाराओ अप्पडिविरया
जावजीवाए, सव्वाओ हिरणासुवराणाधराणामणिमोत्तियसंखसिलप्पवाला-
ओ अप्पडिविरया जावजीवाए, सव्वाओ कूडतुलकूडमाणाओ अप्पडिविरया
जावजीवाए, सव्वाओ आरंभसमारंभाओ अप्पडिविरया जावजीवाए,
सव्वाओ कारणाकारावणाओ अप्पडिविरया जावजीवाए, सव्वाओ पयापया-
वणाओ अप्पडिविरया जावजीवाए, सव्वाओ कुट्टणापिट्टणातज्जणाताडणावह-
बंधपरिकिलेसाओ अप्पडिविरया जावजीवाए, २ ॥ जे आवराणे तहप्पगारा
सावजा अओहिया कम्मंता परपाणापरियावणाकरा जे अणारिएहिं कज्जंति
ततो अप्पडिविरया जावजीवाए, से जहाणामए केइ पुरिसे कलममसूरतिल-
मुग्गमासनिप्पावकुलत्थआलिसंदगपलिमंथगमादिएहिं अयते कूरे मिच्छादंडं
पउंजंति ३ । एवमेव तहप्पगारे पुरिसजाए तित्तिरवट्टगलावगकवोतक-
विंजलमियमहिसवराहगाहगोहकुम्मसिरिसिवमादिएहिं अयते कूरे मिच्छा-
दंडं पउंजंति ४ । जावि य से बाहिरिया परिसा भवइ, तंजहा-दासे इ वा
पेसे इ वा भयए इ वा भाइल्ले इ वा कम्मकरण इ वा भोगपुरिसे इ वा
तेसिंपि य णं अन्नयरंसि वा अहालहुगंसि अवराहंसि सयमेव गरुयं दंडं
निवत्तेइ, तंजहा-इमं दंडेह इमं मुंडेह इमं तज्जेह इमं तालेह इमं अदुयबंधणां
करेह इमं नियलबंधणां करेह इमं हड्डिवंधणां करेह इमं चारगबंधणां करेह
इमं नियलजुयलसंकोइयमोडियं करेह इमं हत्थच्चिन्नयं करेह इमं पायच्चिन्नयं

करेह इमं कन्नडिगणयं करेह इमं नक्कओट्टसीसमुहच्छिन्नयं करेह वेयगच्छहियं
 अंगच्छहियं पक्खाफोडियं करेह इमं गणयणुप्पाडियं करेह इमं दंसणुप्पाडियं
 वसणुप्पाडियं जिम्भुप्पाडियं ओलंबियं करेह घसियं करेह घोलियं करेह
 सूलाइयं करेह सूलाभिन्नयं करेह खारवत्तियं करेह वज्झवत्तियं करेह
 सीहपुच्छियं करेह वसभपुच्छियं करेह दवग्गि(कडग्गि)दड्डयं कागणिमं-
 सखावियं भत्तपाणनिरुद्धं इमं जावज्जीवं वहबंधणं करेह इमं अन्नयरेणं
 असुभेणं कुमारेणं मारेह ५॥ जावि य से अविमतरिया परिसा भवइ,
 तंजहा-माया इ वा पिया इ वा भाया इ वा भगिणी इ वा भज्जा इ वा पुत्ता इ वा
 धूता इ वा सुगहा इ वा, तेसिंपि य णं अन्नयरंसि अहालहुगंसि अवरहंसि
 सयमेव गरुयं दंडं शिवत्तेइ, सीओदगवियडंसि उच्छोलित्ता भवइ जहा
 मित्तदोसवत्तिणं जाव अहिए परंसि लोगंसि, ते दुक्खंति सोयंति जूरंति तिप्पंति
 पिट्ठंति परितप्पंति ते दुक्खणसोयणजूरणतिप्पणपिट्ठणपरितप्पणवहबंधणपरि-
 किलेसाओ अपडिविरया भवंति ६॥ एवमेव ते इत्थिकामेहिं मुच्छिया गिद्धा
 गद्धिया अज्झोववन्ना जाव वामां चउपंचमां छद्दसमां वा अप्पतरो वा
 भुज्जतरो वा कालं भुंजित्तु भोगभोगां पविसुइत्ता वेरायतणां संचिणित्ता
 बहूं पावां कम्मां उस्सन्नां संभारकडेण कम्मणा से जहाणामए अयगोले
 इ वा सेलगोले इ वा उदगंसि पक्खित्ते समाणे उदगतलमइवइत्ता अहे धर-
 णितलपइट्ठाणे भवइ ७ । एवमेव तहप्पगारे पुरिसजाते वज्जबहुले धूतबहुले
 पंक्कबहुले वेरबहुले अप्पत्तियबहुले दंभवहुले शियडिबहुले साइबहुले अयसबहुले
 उस्सन्नतप्पाणावाती कालमासे कालं किच्चा धरणितलमइवइत्ता अहे णारगत-
 लपइट्ठाणे भवइ ८॥ सूत्रं ३५॥ ते णं णारगा अंतो वट्ठा बाहिं चउरंसा अहे
 खुरप्पसंठाणसंठिया णिच्चंधतमसा (णिच्चंधकारतमसा) ववगयगहचंदसूरन-
 क्खत्तजोइसप्पहा मेदवसामंसरुहिरप्पयपडलचिक्खिल्लित्ताणुलेवणातला असुई
 वीसा परमदुब्धिगंधा कण्हा अगणिवन्नाभा कक्खडफासा दुरहियासा असुभा

गारगा असुभा गारएसु वेयणाओ १॥ गौ चैव गारएसु नेरइया गिहायंति
 वा पयलायंति वा सुइं वा रतिं वा धिति वा मतिं वा उवलभंते, ते गं
 तत्थ उज्जलं विउलं पगाढं कडुयं कक्कसं चंडं दुक्खं दुग्गं तिक्खं दुरहियासं
 गोरइया वेयणं पच्चणुभवमाणा विहरंति २ ॥ सूत्रं ३६॥ से जहाणामए
 रुक्खे सिया पव्वयग्गे जाए मूले छिन्ने अग्गे गरुए जओ गिराणं
 जओ विसमं जओ दुग्गं तओ पवडति, एवमेव तहप्पगारे पुरिसजाए
 गव्भातो गव्वं जम्मातो जम्मं माराओ मारं गारगाओ गारगं दुक्खाओ
 दुक्खं दाहिणागामिए गोरइए करहपक्खिए आगमिस्साणं दुल्लभोहिए यावि
 भवइ १॥ एस ठाणे अणारिए अकेवले जाव असव्वदुक्खपहीणमग्गे एगंत-
 मिच्छे असाहू पढमस्स ठाणस्स अधम्मपक्खस्स विभंगे एवमाहिए २॥
 सूत्रं ३७॥ अहावरे दोच्चस्स ठाणस्म धम्मपक्खस्स विभंगे एवमाहिज्जइ-इह
 खलु पाइणं वा ४ संतेगतिया मणुस्मा भवंति, तंजहा-अणारंभा अपरि-
 ग्गहा धम्मिया धम्माणया धम्मिटा जाव धम्मेणं चैव वित्ति कप्पेमाणा
 विहरंति, सुसीला सुव्वया सुप्पडियाणांदा सुसाहू सब्बता पाणातिवायाओ
 पडिविरया जावजीवाए जाव जे यावन्ने तहप्पगारा सावज्जा अबोहिया
 कम्मंता परपाणपरियावणकरा कज्जंति ततो विपडिविरता जावजीवाए १ ॥
 से जहाणामए अणगारा भगवतो ईरियासमिया भासाममिया एसणासमिया
 आयाणभंडमत्तणिक्खेवणासमिया उच्चारपासवणखेलसिंघाणजल्लपारिट्ठावणि-
 याममिया मणसमिया वयसमिया कायसमिया मणगुत्ता वयगुत्ता कायगुत्ता
 गुत्ता गुत्तिंदिया गुत्तवंभयारी अकोहा अमाणा अमाया अलोभा संता पसंता
 उवसंता परिणिव्वुडा अणासवा अग्गंथा छिन्नमोया विरुवलेवा कंसपाइ
 व मुक्कतोया संखो इव गिरंजणा जीव इव अपडिहयगती गगणतलंपिव
 निरालंवणा वाउरिव अपडिक्खा सारदसलिलं व सुद्धहियया पुक्खरपत्तं व
 निरुवलेवा कुम्भो इव गुत्तिंदिया विहग इव विप्पमुक्का खग्गिविसाणं व

सुद्धह्रियया पुक्खरपत्तं व निस्सुलेवा कुम्भो इव गुत्तिदिया विहग इव विप्प-
मुक्का खग्गिविमाणं व एगजाया भारंडपक्खीव अप्पमत्ता कुंजरो इव
सोंडीरा वसभो इव जातत्थामा सीहो इव दुद्धरिसा मंदरो इव अप्पकंपा
सागरो इव गभीरा चंडो इव सोमलेसा सूरु इव दित्ततेया जच्चकंचाणं
(कण्णं) व जानरूवा वसुंधरा इव सब्बहासविसहा सुहुयहुयासणो विव-
तेयसा जलंता ॥ एत्थि एं तेसिं भगवंताणं कत्थपि पडिबंधे भवइ, से पडि-
बंधे चउव्विहे पराणत्ते, तंजहा—अंडए इ वा पोयए इ वा उग्गहे इ वा पग्गहे
इ वा जन्नं जन्नं दिसं इच्छंति तन्नं तन्नं दिसं अपडिवद्धा सुइ-
भूया लहुभूया अप्पग्गंथा संजमेणं तवसा अप्पाणं भावेमाणा विहरंति ॥
तेसिं एं भगवंताणं इमा एतारूवा जायामायावित्ती होत्था, तंजहा—चउत्थे
भत्ते छट्ठे भत्ते अट्ठमे भत्ते दसमे भत्ते दुवालसमे भत्ते चउदसमे भत्ते अद्धमा-
सिए भत्ते मासिए भत्ते दोमासिए तिमासिए चाउम्मासिए पंचमासिए छम्मा-
सिए अदुत्तरं च एं उक्खित्तचरगा णिक्खित्तचरया उक्खित्तणिक्खित्तचरगा
अंतचरगा पंतचरगा लूहचरगा समुदाणचरगा संसट्ठचरगा असंसट्ठचरगा
तज्जातसंसट्ठचरगा दिट्ठलाभिया अदिट्ठलाभिया पुट्ठलाभिया अपुट्ठलाभिया
भिक्षुलाभिया अभिक्षुलाभिया अन्नायचरगा उवनिहिया संखादत्तिया
परिमितपिंडवाइया सुद्धेसणिया अंतहारा पंतहारा अरसाहारा विरसाहारा
लूहाहारा तुच्छाहारा अंतजीवी पंतजीवी आयंबिलिया पुरिमद्धिया निव्वि-
गइया अमज्जमंसासिणो णो णियामरसभोई ठाणाइया पडिमाठाणाइया उक्क-
डुआसणिया णोसज्जिया वीरासणिया दंडायतिया लगंडसाइणो अप्पा-
उडा अगत्तया अकंडुया अणिट्ठुहा एवं जहोववाइए धुतकेसमंसुरोमनहा
सब्बगायपडिकम्मविप्पमुक्का चिट्ठंति २॥ ते एं एतेणं विहारेणं विहरमाणा
बहूइं वासाइं सामन्नपरियागं पाउणंति २ बहुबहु आवाहंसि उप्पन्नंसि वा
अणुप्पन्नंसि वा बहूइं भत्ताइं पच्चक्खन्ति पच्चक्खाइत्ता बहूइं भत्ताइं अणुसणाए

छेदिति अणसणाए छेदित्ता जस्सट्ठाए कीरति नग्गभावे मुंडभावे अराहा-
 णभावे अदंतवणाए अद्धत्तए अणोवाहणाए भूमिसेज्जा फलगसेज्जा कट्ठसेज्जा
 केसलोए बंभचेरवासे परघरपवेसे लद्धावलद्धे माणावमाणणाथो हील-
 णाथो निंदणाथो खिसणाथो गरहणाथो तज्जणाथो तालणाथो उच्चावया
 गामकंडगा बावीसं परीसहोवसग्गा अहियामिज्जंति तमट्ठं आराहंति,
 तमट्ठं आराहित्ता चरसेहिं उस्सासनिस्सासेहिं अणंतं अणुत्तरे निव्वाधातं
 निरावरणां कसिणां पडिपुणां केवलवरणाणादंसणं समुप्पाडेंति, समुप्पाडित्ता
 ततो पच्छा सिज्झंति बुज्झंति मुच्चंति परिणिव्वायंति सब्बदुक्खाणां अंतं
 करेंति ३॥ एगच्चाए पुण एगे भयंतारो भवंति, अवरे पुण पुच्चक्कमावसेसेरां
 कालमासे कालं किच्चा अन्नयरेसु देवलोएसु देवत्ताए उववत्तारो भवंति,
 तंजहा-महड्डिएसु महज्जुतिएसु महापरक्कमेसु महाजसेसु महावलेसु महाणु-
 भावेसु महासुक्खेसु ते रां तत्थ देवा भवंति महड्डिया महज्जुतिया जाव
 महासुक्खा हारविराइयवच्छा कडगतुडियथंभियभुया अंगयकुंडलमट्ठगंडय-
 लकन्नपीढधारी विचित्तहत्थाभरणा विचित्तमालामउलिमउडा कल्लाणगंधपव-
 रवत्थपरिहिया कल्लाणगपवरमल्लाणुलेवणाधरा भासुरवोदी पलंववणमालधरा
 दिव्वेरां रूवेरां दिव्वेरां वन्नेरां दिव्वेरां गंधेरां दिव्वेरां फासेरां दिव्वेरां
 संघाएरां दिव्वेरां संठाणोरां दिव्वाए इड्डीए दिव्वाए जुत्तीए दिव्वाए पभाए
 दिव्वाए छायाए दिव्वाए अच्चाए दिव्वेरां तेएरां दिव्वाए लेसाए दस दिसाथो
 उज्जोवेमाणा पभासेमाणा गइक्कल्लाणा ठिइक्कल्लाणा आगमेसिभइया यावि भवंति,
 एस ठाणो आयरिए जाव सब्बदुक्खपहीणमग्गे एगंतसम्मे सुसाहू । दोच्चस्स
 ठाणस्स धम्मपक्खस्स विभंगे एवमाहिए ४ ॥ सूत्रं ३८॥ अहावरे तच्चस्स ठाण-
 स्स मीसगस्स विभंगे एवमाहिज्जइ—इह खलु पाईणं वा, ४ संतेगतिया मणुस्सा
 भवंति, तंजहा—अप्पिच्छा अप्पारंभा अप्पपरिग्गहा धम्मिया धम्माणुया
 जाव धम्मेणं चेव वित्तिं कप्पेमाणा विहरंति सुसीला सुव्वया सुपडियाणांदा साहू

एगच्चाओ पाणाइवायाओ पडिविरता जावजीवाए एगच्चाओ अप्पडिविरया
जाव जे यावराणे तहप्पगारा सावज्जा अबोहिया कम्मंता परपाणपरितावण-
करा कज्जंति ततोवि एगच्चाओ अप्पडिविरया १॥ से जहाणामए समणो-
वासगा भवंति अभिगयजीवाजीवा उवलद्धपुण्णपावा आसवसंवरवेयणाणि-
ज्जराकिरियाहिगराणबंधमोक्खकुसला असहेज्ज(जा)देवासुरनागसुवराणजवस्वर-
क्खसकिंनरकिंपुरिसगरुलंगंधवमहोरगाइएहिं देवगणोहिं निग्गंथाओ पावय-
णाओ अणइकमणिज्जा इणमेव निग्गंथे पावयणे णिस्संकिया णिवकंखिया
निव्वितिगिच्छा लद्धट्ठा गहियट्ठा पुच्छियट्ठा विणिच्छियट्ठा अभिगयट्ठा
अट्ठिमिजपेम्माणुरागरत्ता अयमाउसो । निग्गंथे पावयणे अट्ठे अयं परमट्ठे
सेसे अणट्ठे उसियफलिहा अवंगुयदुवारा अचियत्तंतेउरपरघरपवेमा चाउह-
सट्ठमुद्धिट्ठपुण्णिणमासिणीसु पडिपुन्नं पोसहं सम्मं अणुपालेमाणा समणे
निग्गंथे फासुएसणिज्जेणं असणपाणखाइमसाइमेणं वत्थपडिग्गहकंबलपाय-
पुंछणोणं ओसहभेसज्जेणं पीठफलगसेज्जासंथारणं पडिलाभेमाणा बहूहिं
सीलव्वयगुणवेरमाणपच्चक्खाणपोसहोववासेहिं अहापरिग्गहिएहिं तवोकम्मेहिं
अप्पाणं भावेमाणा विहरंति २॥ ते णं एयारूवेणं विहारेणं विहरमाणा
बहूइं वासाइं समणोवासगपरियागं पाउणंति पाउणित्ता आवाहंसि उप्पन्नंसि
वा अणुप्पन्नंसि वा बहूइं भत्ताइं पच्चक्खायंति बहूइं भत्ताइं पच्चक्खाएत्ता बहूइं
भत्ताइं अणसणाए छेदेन्ति बहूइं भत्ताइं अणसणाए छेइत्ता आलोइयपडि-
क्कंता समाहिपत्ता कालमासे कालं किच्चा अन्नयरेसु देवलोएसु देवत्ताए
उववत्तारो भवंति, तंजहा—महड्डिएसु महज्जुइएसु जाव महासुक्खेसु
सेसं तहेव जाव एस ठाणे आयरिए जाव एगंतसम्मे साहू । तच्चस्स
ठाणस्स मिसगस्स विभंगे एवं आहिए ३ ॥ अविरइं पडुच्च बाले
आहिज्जइ, विरइं पडुच्च पंडिए आहिज्जइ, विरयाविरइं पडुच्च बालपंडिए
आहिज्जइ, तत्थ णं जा सा सव्वतो अविरइं एस ठाणे आरंभट्ठाणे

अणारिए जाव असव्वदुक्खप्पहीणमग्गे एगंतमिच्छे असाहू, तत्थ णं
जा सा सव्वतो विरई एस ठग्गे अणारंभट्ठाग्गे अरिए जाव सव्वदुक्खप्पहीण-
मग्गे एगंतसम्मे साहू, तत्थ णं जा सा सव्वत्थो विरयाविरई एस ठग्गे
अरंभणोअरंभट्ठाग्गे एस ठग्गे अरिए जाव सव्वदुक्खप्पहीणमग्गे एगंतसम्मे
साहू ४॥ सूत्रं ३६ ॥ एवमेव समणुगम्ममाणा इमेहिं चैव दोहिं ठग्गेहिं
समोअरंति, तंजहा—धम्मे चैव अधम्मे चैव उवसंते चैव अणुवसंते चैव,
तत्थ णं जे से पढस्स ठाणस्स अधम्मपक्खस्स विभंगे एवमाहिए, तत्थ णं
इमाइं तिन्नि तेवट्ठाइं पावाडुयसयाइं भवंतीति मक्खायं(याइं), तंजहा—किरिया-
वाईणं अकिरियावाईणं अन्नाणियवाईणं वेण्डियवाईणं, तेऽवि परिनिव्वाण-
माहंसु, तेऽवि मोक्खमाहंसु तेऽवि लवंति, सावगा ! तेऽवि लवंति साव-
इत्तारो ॥ सूत्रम् ४० ॥ ते सव्वे पावाउया आदिकरा धम्माणं णाणापन्ना
णाणाळंदा णाणासीला णाणादिट्ठी णाणारूई णाणारंभा णाणाज्भवसाण-
संजुत्ता एगं महं मंडलिबंधं किञ्चा सव्वे एगत्थो चिट्ठंति १॥ पुरिसे य साग-
णियाणं इंगालाणं पाइं बहुपडिपुन्नं अत्थोमएणं संडासएणं गहाय ते सव्वे
पावाउए आइगरे धम्माणं णाणापन्ने जाव णाणाज्भवसाणसंजुत्ते एवं
वयासी—हंभो पावाउया ! आइगरा धम्माणं णाणापन्ना जाव णाणाअज्भ-
वसाणसंजुत्ता ! इमं ताव तुब्भे सागणियाणं इंगालाणं पाइं बहुपडिपुन्नं
गहाय मुहुत्तयं मुहुत्तगं पाणिणा धरेह, णो बहुसंडासगं संसारियं कुज्जा णो
बहुअग्गियंभणियं कुज्जा णो बहु साहम्मियवेयावडियं कुज्जा णो बहुपरध-
म्मियवेयावडियं कुज्जा उज्जुया णियागपडिवन्ना अमायं कुव्वमाणा पाणिं
पसारेह, इति बुच्चा से पुरिसे तेसि पावाडुयाणं तं सागणियाणं इंगालाणं
पाइं बहुपडिपुन्नं अत्थोमएणं संडासएणं गहाय पाणिंसु णिसिरति २। तए
णं ते पावाडुया आइगरा धम्माणं णाणापन्ना जाव णाणाज्भवसाणसंजुत्ता
पाणिं पडिसाहरंति, तए णं से पुरिसे ते सव्वे पावाउए आदिगरे धम्माणं

जाव गाणाज्भवसाणसंजुत्ते एवं वयासी-हंभो पावाडुया ! आइगरा धम्माणं
 गाणापन्ना जाव गाणाज्भवमाणसंजुत्ता ! कम्हा णं तुब्भे पाणिं पडिसाहरह ?,
 पाणिं नो डहिज्जा, दड्ढे किं भविस्सइ ?, दुक्खं दुक्खंति मन्नमाणा पडिसा-
 हरह, एस तुला एम पमाणे एस समोसरणे, पत्तेयं तुला पत्तेयं पमाणे
 पत्तेयं समोसरणे ३। तत्थ णं जे ते समणा माहणा एवमातिक्खंति जाव
 परूवेति-सब्बे पाणा जाव सब्बे सत्ता हंतव्वा अज्जावेयव्वा परिघेतव्वा परि-
 तावेयव्वा किलामेतव्वा उद्देवतव्वा, ते आगंतुछेयाए ते आगंतुभेयाए जाव ते
 आगंतुजाइजरामरणजोगिजम्मणसंसारपुणब्भगव्वमवामभवपवंचकलंकलीभा-
 गिणो भविस्संति ४। ते बहूणां दंडणाणां बहूणां मुंडणाणां तज्जणाणां तालणाणां
 अंदुबंधणाणां जाव घोलणाणां माइमरणाणां पिइमरणाणां भाइमरणाणां भगि-
 णीमरणाणां भज्जापुत्तधूतसुरहामरणाणां दारिदारां दोहग्गाणां अप्पियसंवा-
 सारां पियविप्पयोगाणां बहूणां दुक्खदोम्मणस्सारां आभागिणो भविस्संति,
 अणादियं च णां अणवयगं दीहमद्धं चाउरंतसंसारकंतरं भुज्जो भुज्जो
 अणुपरियट्ठिस्संति, ते णो सिब्भिस्संति णो बुब्भिस्संति जाव णो सब्ब-
 दुक्खाणां अंतं करिस्संति, एस तुला एस पमाणे एस समोसरणे पत्तेयं
 तुला पत्तेयं पमाणे पत्तेयं समोसरणे ५ ॥ तत्थ णां जे ते समणा माहणा
 एवमाइक्खंति जाव परूवेति-सब्बे पाणा सब्बे भूया सब्बे जीवा सब्बे सत्ता
 ण हंतव्वा णा अज्जावेयव्वा णा परिघेतव्वा णा उद्देवतव्वा ते णो आगंतु
 छेयाए ते णो आगंतुभेयाए जाव जाइजरामरणजोगिजम्मणसंसारपुणब्भ-
 वगव्वमवामभवपवंचकलंकलीभागिणो भविस्संति, ते णो बहूणां दंडणाणां
 जाव णो बहूणां मुंडणाणां जाव बहूणां दुक्खदोम्मणस्सारां णो भागिणो
 भविस्संति, अणादियं च णां अणवयगं दीहमद्धं चाउरंतसंसारकंतरं भुज्जो
 भुज्जो णो अणुपरियट्ठिस्संति, ते सिब्भिस्संति जाव सब्बदुक्खाणां अंतं
 करिस्संति ६ ॥ सूत्रं ४१॥ इच्चेतेहिं वारसहिं किरियाठाग्गेहिं वट्ठमाणा

जीवा णो सिज्झिंसु णो बुज्झिंसु णो मुच्चिंसु णो परिणिव्वाइंसु जाव णो
 सव्वदुक्खाणां अंतं करेसु वा णो करेति वा णो करिस्संति वा १॥ एयसि
 चेव तेरसमे किरियागणो वट्टमाणा जीवा सिज्झिंसु बुज्झिंसु मुच्चिंसु परिणि-
 व्वाइंसु जाव सव्वदुक्खाणां अंतं करेसु वा करेति वा करिस्संति वा २॥ एवं
 से भिक्खु आयट्ठी आयहिते आयगुत्ते आयजोगे आयपरक्कमे आयरक्खिण्ण
 आयाणुकंपए आयनिफेडए आयाणमेव पडिसाहरेज्जासि त्तिवेमि ३॥
 ॥ सूत्रं ४२ ॥

॥ इति द्वितीयमध्ययनम् ॥ श्रु० २-अ० २ ॥

॥ अथ द्वितीयश्रुतस्कन्धे तृतीयमाहारपरिज्ञाध्ययनम् ॥

सुयं मे आउसंतेणं भगवया एवमक्खायं—इह खलु आहारपरिणान-
 नामज्झयणं, तस्स णं अयमट्ठे—इह खलु पाईणं वा ४ सव्वतो सव्वावन्ति च
 णं लोगंसि चत्तारि वीयकाया एवमाहिज्जन्ति, तंजहा—अग्गवीया मूलवीया
 पोखवीया खंधवीया, (वणस्सइकाइयाणं पंचविहा बीजवक्कंती एवमाहिज्जइ,
 तंजहा—अग्गमूलपोखखंधवीयरूहा छट्ठावि एगेंदिया समुच्छिमा वीया
 जायन्ते) तेसिं च णं अहावीणं अहावगासेणं इहेगतिया सत्ता पुढ्वी-
 जोणिया पुढ्वीसंभवा पुढ्वीबुक्कमा तज्जोणिया तस्संभवा तदुवक्कमा कम्मो-
 वगा कम्मणियाणोणं तत्थबुक्कमा णाणाविहजोणियासु पुढ्वीसु रुक्खत्ताए
 विउट्ठन्ति १ ॥ ते जीवा तेसिं णाणाविहजोणियाणं पुढ्वीणं सिणोहमाहा-
 रेंति, ते जीवा आहारेंति पुढ्वीसरीरं आउसरीरं तेउसरीरं वाउसरीरं वण-
 स्सइसरीरं २ ॥ णाणाविहाणं तसथावराणं पाणाणं सरारं अचित्तं कुव्वन्ति
 परिविद्धत्थं तं सरीरं पुव्वाहारियं तथाहारियं विपरिणयं सारुवियकडं संतं
 ३ ॥ अवरेज्जि य णं तेसिं पुढ्विजोणियाणं रुक्खाणं सरीरा णाणावराणा
 णाणागंधा णाणारसा णाणाफासा णाणासंठाणसंठिया णाणाविहसरीरपुग्गल-

विउन्विता ते जीवा कम्मोववन्नगा भवन्तीतिमक्खायं ४ ॥सूत्रं ४३॥ अहा-
वरं पुरक्खायं इहेगतिया सत्ता रुक्खजोगिया रुक्खसंभवा रुक्खबुक्कमा तज्जो-
णिया तस्संभवा तदुवक्कमा कम्मोवगा कम्मनियारोणं तत्थबुक्कमा पुढ्वी-
जोगिएहिं रुक्खेहि रुक्खत्ताए विउट्ठंति, ते जीवा तेसिं पुढ्वीजोगियाणं
रुक्खाणं सिणोहमाहारेंति, ते जीवा आहारेंति पुढ्वीसरीरं आउतेउवाउवणा-
स्सइसरीरं णाणाविहाणं तसथावराणां पाणाणां सरीरं अचित्तं कुब्बंति
परिविद्धत्थं तं सरीरं पुब्बाहारियं तथाहारियं विपरिणामियं सारुविकडं
संतं अवरेवि य रां तेसिं रुक्खजोगियाणां रुक्खाणां सरीरा णाणावराणा
णाणागंधा णाणारसा णाणाफासा णाणासंठाणसंठिया णाणाविहसरीर-
पुग्गलविउन्विता ते जीवा कम्मोववन्नगा भवन्तीतिमक्खायं ॥सूत्रं ४४॥
अहावरं पुरक्खायं इहेगतिया सत्ता रुक्खजोगिया रुक्खसंभवा रुक्खबुक्कमा
तज्जोगिया तस्संभवा तदुवक्कमा कम्मोवगा कम्मणियारोणं तत्थबुक्कमा
रुक्खजोगिएसु रुक्खत्ताए विउट्ठंति, ते जीवा तेसिं रुक्खजोगियाणां
रुक्खाणं सिणोहमाहारेंति, ते जीवा आहारेंति पुढ्वीसरीरं आउतेउवाउवणा-
स्सइसरीरं तसथावराणां पाणाणां सरीरं अचित्तं कुब्बंति, परिविद्धत्थं तं
सरीरं पुब्बाहारियं तथाहारियं विपरिणामियं सारुविकडं संतं अवरेवि य
रां तेसिं रुक्खजोगियाणां रुक्खाणां सरीरा णाणावन्ना जाव ते जीवा
कम्मोववन्नगा भवन्तीतिमक्खायं ॥सूत्रं ४५॥ अहायरं पुरक्खायं इहेगइया
सत्ता रुक्खजोगिया रुक्खसंभवा रुक्खबुक्कमा तज्जोगिया तस्संभवा तदुवक्कमा
कम्मोवगा कम्मनियारोणां तत्थबुक्कमा रुक्खजोगिएसु रुक्खेसु मूलत्ताए कंद-
त्ताए खंधत्ताए तयत्ताए सालत्ताए पवालत्ताए पत्तत्ताए पुप्फत्ताए फलत्ताए
वीयत्ताए विउट्ठंति, ते जीवा तेसिं रुक्खजोगियाणां रुक्खाणां सिणोहमाहा-
रेंति, ते जीवा आहारेंति पुढ्वीसरीरं आउतेउवाउवणास्सइसरीरं णाणा-
विहाणां तसथावराणां पाणाणां सरीरं अचित्तं कुब्बंति परिविद्धत्थं तं

सरीराणं जाव सारुविकडं संतं, अवरेऽवि य रां तेसिं रुक्खजोणियाणां
मूलाणां कंदाराणां खंधाणां तयाणां सालाणां पवालाणां जाव वीयाणां सरीरा
णाणावराणां णाणागंधा जाव णाणाविहसरीरपुग्गलविउब्बिया ते जीवा
कम्मोववन्नगा भवंतितीमक्खायं ॥सूत्रं ४६॥ अहावरं पुरक्खायं इहेगतिया
सत्ता रुक्खजोणिया रुक्खसंभवा रुक्खवुक्कमा तज्जोणिया तस्संभवा तदुवक्कमा
कम्मोववन्नगा कम्मनियाणोणां तत्थवुक्कमा रुक्खजोणिएहिं रुक्खेहिं अज्झारो-
हत्ताए विउट्ठंति, ते जीवा तेसिं रुक्खजोणियाणां रुक्खाणां सिणोहमाहारंति,
ते जीवा आहारंति पुट्ठीसरीरं जाव सारुविकडं संतं, अवरेवि य रां तेसिं
रुक्खजोणियाणां अज्झारुहाणां सरीरा णाणावन्ना जावमक्खायं ॥सूत्रं ४७॥
अहावरं पुरक्खायं इहेगतिया सत्ता अज्झारोहजोणिया अज्झारोहसंभवा
जाव कम्मनियाणोणां तत्थवुक्कमा रुक्खजोणिएसु अज्झारोहेसु अज्झा-
रोहत्ताए विउट्ठंति, ते जीवा तेसिं रुक्खजोणियाणां अज्झारोहाणां
सिणोहमाहारंति, ते जीवा पुट्ठीसरीरं जाव सारुविकडं संतं, अव-
रेवि य रां तेसिं अज्झारोहजोणियाणां अज्झारोहाणां सरीरा णाणा-
वन्ना जावमक्खायं ॥सूत्रं ४८॥ अहावरं पुरक्खायं इहेगतिया सत्ता अज्झा-
रोहजोणिया अज्झारोहसंभवा जाव कम्मनियाणोणां तत्थवुक्कमा अज्झारोह-
जोणिएसु (अज्झारोहेसु) अज्झारोहत्ताए विउट्ठंति, ते जीवा तेसिं अज्झा-
रोहजोणियाणां अज्झारोहाणां सिणोहमाहारंति, ते जीवा आहारंति पुट्-
ठिसरीरं आउसरीरं जाव सारुविकडं संतं, अवरेऽवि य रां तेसिं अज्झा-
रोहजोणियाणां अज्झारोहाणां सरीरा णाणावन्ना जावमक्खायं ॥सूत्रं ४९॥
अहावरं पुरक्खायं इहेगतिया सत्ता अज्झारोहजोणिया अज्झारोहसंभवा
जाव कम्मनियाणोणां तत्थवुक्कमा अज्झारोहजोणिएसु अज्झारोहेसु मूलत्ताए
जाव वीयत्ताए विउट्ठंति ते जीवा तेसिं अज्झारोहजोणियाणां अज्झारोहाणां
सिणोहमाहारंति जाव अवरेऽवि य रां तेसिं अज्झारोहजोणियाणां मूलाणां

जाव बीयाणां सरीरा णाणावन्ना जावमवखायं ॥सूत्रं ५०॥ अहावरं पुरक्खायं
इहेगत्तिया सत्ता पुढविजोणिया पुढविसंभवा जाव णाणाविहजोणियासु पुढ-
वांसु तणत्ताए विउट्ठंति, ते जीवा तेसिं णाणाविहजोणियाणां पुढवीणां सिणो-
हमाहारेंति जाव ते जीवा कम्मोववन्ना भवंतीतिमक्खायं ॥सूत्रं ५१॥ एवं पुढ-
विजोणिएसु तणोसु तणत्ताए विउट्ठंति जावमवखायं ॥सूत्रं ५२॥ एवं तण-
जोणिएसु तणोसु तणत्ताए विउट्ठंति, तणजोणियं तणसरीरं च आहारेंति
जावमक्खायं १ ॥ एवं तणजोणिएसु तणोसु मूलत्ताए जाव बीयत्ताए
विउट्ठंति ते जीवा जाव एवमक्खायं २ ॥ एवं ओसहीणवि चत्तारि
आलावगा ३ ॥ एवं हरियाणवि चत्तारि आलावगा ४ ॥सूत्रं ५३॥ अहा-
वरं पुरक्खायं इहेगत्तिया सत्ता पुढविजोणिया पुढविसंभवा जाव कम्मनिया-
णोणां तत्थवुक्कमा णाणाविहजोणियासु पुढवीसु आयत्ताए वायत्ताए कायत्ताए
कूहणत्ताए कंदुकत्ताए उव्वेहणियत्ताए निव्वेहणियत्ताए सच्चत्ताए छत्तग-
त्ताए वासाणियत्ताए कूरत्ताए विउट्ठंति, ते जीवा तेसिं णाणाविहजोणियाणां
पुढवीणां सिणोहमाहारेंति, तेवि जीवा आहारेंति पुढविसरीरं जाव संतं,
अवरेऽवि य णां तेसिं पुढविजोणियाणां आयत्तारां जाव कूराणां सरीरा
णाणावरणा जावमवखायं, एगो चैव आलावगो सेसा तिरिण णत्थि
१ ॥ अहावरं पुरक्खायं इहेगत्तिया सत्ता उदगजोणिया उदगसंभवा
जाव कम्मनियाणोणां तत्थवुक्कमा णाणाविहजोणिएसु उदएसु रुक्खत्ताए
विउट्ठंति, ते जीवा तेसिं णाणाविहजोणियाणां उदगाणां सिणोहमाहारेंति,
ते जीवा आहारेंति पुढविसरीरं जाव संतं, अवरेऽवि य णां तेसिं उदगजो-
णियाणां रुक्खारां सरीरा णाणावरणा जावमवखायं २ ॥ जहा पुढविजोणि-
याणां रुक्खारां चत्तारि गमा अज्झारुहाणवि तहेव, तणाणां ओसहीणां
हरियाणां चत्तारि आलावगा भाणियव्वा एक्केक्के ३ ॥ अहावरं पुरक्खायं
इहेगत्तिया सत्ता उदगजोणिया उदगसंभवा जाव कम्मणियाणोणां तत्थवुक्कमा

गाणाविहजोगिएसु उदएसु उदगत्ताए अवगत्ताए पणगत्ताए सेवालत्ताए
 कलंबुगत्ताए हडत्ताए कसेरुगत्ताए कच्छभाणियत्ताए उप्पलत्ताए पउमत्ताए कुमु-
 यत्ताए नल्लिगत्ताए सुभगत्ताए सोगंधियत्ताए पोंडरियमहापोंडरियत्ताए सय-
 पत्ताए सहस्सपत्ताए एवं कल्हारकोंकणयत्ताए अरविंदत्ताए तामरसत्ताए
 भिसभिसमुणालपुक्खलत्ताए पुक्खलच्छिभगत्ताए विउट्ठंति, ते जीवा तेसिं
 गाणाविहजोगियारां उदगारां सिणोहमाहारेति, ते जीवा आहारेति पुढ्वी-
 सरीरं जाव संतं, अवरेऽवि य रां तेसिं उदगजोगियारां उदगारां जाव पुक्ख-
 लच्छिभगारां सरीरा गाणावराणा जावमक्खायं, एगो चेव आलावगो ४॥
 सूत्रं ५४ ॥ अहावरं पुरक्खायं इहेगतिया सत्ता तेसिं चेव पुढ्वीजोगिएहिं
 रुक्खेहिं रुक्खजोगिएहिं रुक्खेहिं रुक्खजोगिएहिं मूलेहि जाव बीएहिं रुक्ख-
 जोगिएहिं अज्झारोहेहिं अज्झारोहजोगिएहिं अज्झारुहेहिं अज्झारोह-
 जोगिएहिं मूलेहिं जाव बीएहिं पुढ्विजोगिएहिं तणेहिं तणजोजिएहिं तणेहिं
 तणजोगिएहिं मूलेहिं जाव बीएहिं एवं ओसहीहिवि तिन्नि आलावगा १। एवं
 हरिएहिवि तिन्नि आलावगा २। पुढ्विजोगिएहिवि आएहिं काएहिं जाव
 कूरेहिं उदगजोगिएहिं रुक्खेहिं रुक्खजोगिएहिं रुक्खेहिं रुक्खजोगिएहिं मूलेहिं
 जाव बीएहिं एवं अज्झारुहेहिवि तिरिण ३। तणेहिंपि तिरिण आलावगा ४।
 ओसहीहिंपि तिरिण ५। हरिएहिंपि तिरिण ६ उदगजोगिएहिं उदएहिं अव-
 एहिं जाव पुक्खलच्छिभएहिं तसपाणत्ताए विउट्ठंति ६॥ ते जीवा तेसिं पुढ्वी-
 जोगियारां उदगजोगियारां रुक्खजोगियारां अज्झारोहजोगियारां तण-
 जोगियारां ओसहीजोगियारां हरियजोगियारां रुक्खारां अज्झारुहारां
 तणारां ओसहीरां हरियारां मूलारां जाव बीयारां आयारां कायारां जाव
 कुरवा(कूरा)रां उदगारां अवगारां जाव पुक्खलच्छिभगारां सिणोहमा-
 हारेति ७। ते जीवा आहारेति पुढ्वीसरीरं जाव संतं ८। अवरेऽवि य रां
 तेसिं रुक्खजोगियारां अज्झारोहजोगियारां तणजोगियारां ओसहीजो-

याणां हरियजोगियाणां मूलजोगियाणां कंदजोगियाणां जाव बीयजोगियाणां
 आयजोगियाणां कायजोगियाणां जाव कूरजोगियाणां उदगजोगियाणां
 अवगजोगियाणां जाव पुक्खलच्छिभगजोगियाणां तसपाणाणां सरीरा
 णाणावराणां जावमक्खायं १॥ सूत्र ५५ ॥ अहावरं पुरक्खायं णाणावि-
 हाराणां मणुस्साराणां तंजहा—कम्मभूमगाराणां अकम्मभूमगाराणां अंतरदीवगाराणां
 आरियाणां मिलक्खुयाणां, तेसिं च रां अहावीएणां अहावगासेणां इत्थीए
 पुरिसस्स य कम्मकडाए जोगिए एत्थ रां मेहुणवत्तियाए [व] णामं संजोगे
 समुप्पज्जइ, ते दुहओवि सिणेहं संचिरांति १। तत्थ रां जीवा इत्थित्ताए
 पुरिसत्ताए णपुंसगत्ताए विउट्ठंति, ते जीवा माओउयं पिउसुक्कं तं तदुभयं
 संसट्ठं कलुसं किंविंसं तं पढमत्ताए आहारमाहारेति, ततो पच्छा जं से
 माया णाणाविहाओ रसविहीओ आहारमाहारेति ततो एगदेसेणां ओयमा-
 हारेति, आणुपुब्बेण बुद्धा पलिपागमणुपवन्ना ततो कायातो अभिनिवट्टमाणा
 इत्थि वेगया जणयंति पुरिसं वेगया जणयंति णपुंसगं वेगया जणयंति २।
 ते जीवा डहरा समाणा माउक्खीरं सप्पिं आहारेति, आणुपुब्बेणां बुद्धा
 ओयणां कुम्मासं तसथावरे य पाणे, ते जीवा आहारेति पुढविसरीरं जाव
 सारुविकडं संतं, अवरेऽवि य रां तेसिं णाणाविहाराणां मणुस्सगाराणां कम्मभू-
 मगाराणां अकम्मभूमगाराणां अंतरदीवगाराणां आरियाणां मिलक्खुणां सरीरा
 णाणावराणां भवंतीतिमक्खायं ३॥ सूत्रं ५६ ॥ अहावरं पुरक्खायं णाणा-
 विहाराणां जलचराणां पचिंदियतिरिक्खजोगियाणां, तंजहा—मच्छाणां जाव
 सुंसुमाराराणां, तेसिं च रां अहावीएणां अहावगासेणां इत्थीए पुरिसस्स य
 कम्मकडा तहेव जाव ततो एगदेसेणां ओयमाहारेति, आणुपुब्बेणां बुद्धा
 पलिपागमणुपवन्ना ततो कायाओ अभिनिवट्टमाणा अंडं वेगया जणयंति
 पोयं वेगया जणयंति से अंडे उब्भिज्जमाणे इत्थि वेगया जणयंति पुरिसं
 वेगया जणयंति नपुंसगं वेगया जणयंति ते जीवा डहरा समाणा आउसि-

गेहमाहारैति आणुपुन्वेणं बुद्धा वणस्सत्तिकायं तसथावरे य पाणे, ते जीवा
 आहारैति पुढविसरीरं जाव संतं, आवरेऽवि य रां तेसिं णाणाविहाणं
 जलचरपंचिंदियतिरिक्खजोणियाणं मच्छाणं सुंसुमारारं सरीरा णाणा-
 वराणा जावमक्खायं १॥ अहावरं पुरक्खायं णाणाविहाणं चउप्पयथलयर-
 पंचिंदियतिरिक्खजोणियाणं, तंजहा-एगखुराणं दुखुराणं गंडीपदाणं सणफ-
 याणं, तेसिं च रां अहावीएणं अहावगासेणं इत्थिपुरिमस्स य कम्म जाव मेहुण-
 वत्तिए णामं संजोगे समुप्पज्जइ, ते दुहओ सिगोहं संचिणंति, तत्थ रां जीवा
 इत्थित्ताए पुरिसत्ताए जाव विउट्ठंति, ते जीवा माओउयं पिउसुक्कं एवं
 जहा मणुस्साणं इत्थिपि वेगया जणयंति पुरिसंपि नपुंसगंपि, ते जीवा
 डहरा समाणा माउक्खीरं सपिं आहारैति आणुपुन्वेणं बुद्धा वणस्सइकायं
 तसथावरे य पाणे, ते जीवा आहारैति पुढविसरीरं जाव संतं, आवरेऽवि य
 रां तेसिं णाणाविहाणं चउप्पयथलयरपंचिंदियतिरिक्खजोणियाणं एगखुराणं
 जाव सणफयाणं सरीरा णाणावराणा जावमक्खायं २। अहावरं पुरक्खायं
 णाणाविहाणं उरपरिसप्पथलयरपंचिंदियतिरिक्खजोणियाणं, तंजहा-अहीणं
 अयगराणं आसालियाणं महोरगाणं, तेसिं च रां अहावीएणं अहावगासेणं
 इत्थीए पुरिस जाव एत्थ रां मेहुण० एवं तं चेव, नाणात्तं थंडं वेगइया
 जणयंति पोयं वेगइया जणयंति, से थंडे उन्निज्जमाणे इत्थि वेगइया
 जणयंति पुरिसंपि णपुंसगंपि, ते जीवा डहरा समाणा वाउकायमाहारैति
 आणुपुन्वेणं बुद्धा वणस्सइकायं तसथावरपाणे, ते जीवा आहारैति पुढ-
 विसरीरं जाव संतं, आवरेऽवि य रां तेसिं णाणाविहाणं उरपरिसप्पथलयर-
 पंचिंदियतिरिक्ख० अहीणं जाव महोरगाणं सरीरा णाणावराणा णाणा-
 गंधा जावमक्खायं ३ ॥ अहावरं पुरक्खायं णाणाविहाणं भुयपरिसप्पथल-
 यरपंचिंदियतिरिक्खजोणियाणं, तंजहा-गोहाणं नउलाणं सीहाणं सरडाणं
 सह्याणं मरवाणं खराणं घरकोइलियाणं विस्संभराणं, मुसगाणं मंगुसाणं

पयलाइयाणं विरालियाणं जोहाराणं चउप्पाइयाणं, तेसिं च रां अहावीएणं
 अहावगासेणं इत्थीए पुरिसस्स य जहा उरपरिसप्पाणं तहा भाणियव्वं
 जाव सारूविकडं संतं, अवरेऽवि य रां तेसिं गाणाविहाणं भुयपरिसप्पपंचि-
 दियथलयरतिरिक्खाणं तं गोहाणं जावमक्खायं ४ ॥ अहावरं पुरक्खायं
 गाणाविहाणं खहचरपंचिदियतिरिक्खजोणियाणं तंजहा-चम्मपक्खीणं लोम-
 पक्खीणं समुग्गपक्खीणं विततपक्खीणं तेसि च रां अहावीएणं अहावगा-
 सेणं इत्थीए जहा उरपरिसप्पाणं, नाणत्तं ते जीवा डहरा समाणा माउगात्त-
 सिणेहमाहारेंति आणुपुव्वेणं बुद्धा वणस्सतिकायं तसथावरे य पाणे, ते
 जीवा आहारेंति पुढविसरीरं जाव संतं, अवरेऽविय रां तेसिं गाणाविहाणं
 खहचरपंचिदियतिरिक्खजोणियाणं चम्मपक्खीणं जावमक्खायं ५ ॥सूत्रं
 ५७॥ अहावरं पुरक्खायं इहेगतिया सत्ता गाणाविहजोणिया गाणाविह-
 संभवा गाणाविहवुक्कमा तज्जोणिया तस्संभवा तदुवक्कमा कम्मोवगा कम्मणि-
 याणेणं तत्थवुक्कमा गाणाविहाणं तसथावराणं पोग्गलाणं सरीरेसु वा
 सचित्तेसु वा अचित्तेसु वा अणुसूयत्ताए विउट्ठंति, ते जीवा तेसिं गाणा-
 विहाणं तसथावराणं पाणाणं सिणेहमाहारेंति, ते जीवा आहारेंति पुढ-
 विसरीरं जाव संतं, अवरेऽवि य रां तेसिं तसथावरजोणियाणं अणुसूय-
 गाणं सरीरा गाणावराणा जावमक्खायं ॥ एवं दुरूवसंभवत्ताए ॥ एवं
 खुरदुगत्ताए ॥सूत्रं ५८॥ अहावरं पुरक्खायं इहेगतिया सत्ता गाणाविह-
 जोणिया जाव कम्मणियाणेरां तत्थवुक्कमा गाणाविहाणं तसथावराणं
 पाणाणं सरीरेसु सचित्तेसु वा अचित्तेसु वा तं सरीरं वायसंमिद्धं वा
 वायसंगहियं वा वायपरिग्गहियं उड्ढवाएसु उड्ढभागी भवति अहेवाएसु
 अहेभागी भवति तिरियवाएसु तिरियभागी भवति, तंजहा-ओसा हिमए
 महिया करए हरतणुए सुद्धोदए, ते जीवा तेसिं गाणाविहाणं तस-
 थावराणं पाणाणं सिणेहमाहारेंति, ते जीवा आहारिंति पुढविसरीरं

जाव संतं, अवरेऽवि य णं तेसिं तसथावरजोणियाणां ओसाणां जाव सुद्धोदगाणां सरीरा णाणावरणा जावमक्खायं १ ॥ अहावरं पुरक्खायं इहेगतिया सत्ता उदगजोणिया उदगसंभवा जाव कम्मणियाणेणां तत्थवुक्कमां तसथावरजोणिएसु उदएसु उदगत्ताए विउट्ठंति, ते जीवा तेसिं तसथावर-जोणियाणां उदगाणां सिणेहमाहारेंति, ते जीवा आहारेंति पुढविसरीरं जाव संतं, अवरेऽवि य णं तेसिं तसथावरजोणियाणां उदगाणां सरीरा णाणा-वरणा जावमक्खायं २ ॥ अहावरं पुरक्खायं इहेगतिया सत्ता उदगजोणि-याणां जाव कम्मनियाणेणां तत्थवुक्कमा उदगजोणिएसु उदएसु उदगत्ताए विउट्ठंति, ते जीवा तेसिं उदगजोणियाणां उदगाणां सिणेहमाहारेंति, ते जीवा आहारेंति पुढविसरीरं जाव संतं, अवरेऽवि य णं तेसिं उदग-जोणियाणां उदगाणां सरीरा णाणावन्ना जावमक्खायं ३ ॥ अहावरं पुरक्खायं इहेगतिया सत्ता उदगजोणियाणां जाव कम्मनियाणेणां तत्थवुक्कमा उदग-जोणिएसु उदएसु तमपाणत्ताए विउट्ठंति, ते जीवा तेसिं उदगजोणियाणां उदगाणां सिणेहमाहारेंति, ते जीवा आहारेंति पुढविसरीरं जाव संतं, अवरेऽवि य णं तेसिं उदगजोणियाणां तसपाणाणां सरीरा णाणावरणा जावमक्खायं ४ ॥सूत्रं ५१॥ अहावरं पुरक्खायं इहेगतिया सत्ता णाणाविहजोणिया जाव कम्म-नियाणेणां तत्थवुक्कमा णाणाविहाणां तसथावराणां पाणाणां सरीरेसु सचित्तेसु वा अचित्तेसु वा अगणिकायत्ताए विउट्ठंति, ते जीवा तेसिं णाणाविहाणां तस-थावराणां पाणाणां सिणेहमाहारेंति, ते जीवा आहारेंति पुढविसरीरं जाव संतं, अवरेऽवि य णं तेसिं तसथावरजोणियाणां अगणीणां सरीरा णाणावरणा जावमक्खायं, सेसा तिन्नि आलावगा जहा उदगाणां १ ॥ अहावरं पुरक्खायं इहेगतिया सत्ता णाणाविहजोणियाणां जाव कम्मनियाणेणां तत्थवुक्कमा णाणा-विहाणां तसथावराणां पाणाणां सरीरेसु सचित्तेसु वा अचित्तेसु वा वाउक्कायत्ताए विउट्ठंति, जहा अगणीणां तहा भाणियन्वा, चत्तारि गमा २ ॥सूत्रं ६०॥

अहावरं पुरक्खायं इहेगतिया सत्ता गाणाविहजोगिया जाव कम्मनियारोणं
तत्थवुक्कमा गाणाविहाणं तसथावराणं पाणाणं सरीरेसु वा सचित्तेसु वा अचि-
त्तेसु वा पुढवित्ताए सक्करत्ताए वालुयत्ताए इमाओ गाहाओ अणुगंतव्वाओ-
'पुढवी य सक्करा वालुया य उवले सिला य लोणूसे । अय तउय तंव सीसग
रूप सुवराणे य वडरे य ॥ १ ॥ हरियाले हिंगुलए मणोसिला सासगंजणपवाले ।
अब्भपडलब्भवालुय बायरकाए मणिविहाणा ॥ २ ॥ गोमेज्जए य रुयए अंके
फलिहे य लोहियक्खे य । मरगयमसारगल्ले भुयमोयग इंदणीले य ॥ ३ ॥
चंदणा गेरुय हंसगब्भ पुलए सोगंधिए य बोद्धवे । चंदणम वेरुलिए जलकंते
सूरकंते य ॥ ४ ॥ एयाओ एएसु भाणियव्वाओ गाहाओ जाव सूरकंत-
त्ताए विउट्टंति, ते जीवा तेसिं गाणाविहाणं तसथावराणं पाणाणं सिणोह-
माहारेंति, ते जीवा आहारेंति पुढवीसरीरं जाव संतं, अवरेऽवि य णं तेसिं
तसथावरजोगियाणं पुढवीणं जाव सूरकंताणं सरीरा गाणावरणा जावम-
क्खायं, सेसा तिगिण आलावगा जहा उदगाणं ॥ सूत्रं ६१ ॥ अहावरं
पुरक्खायं सव्वे पाणा सव्वे भूता सव्वे जीवा सव्वे सत्ता गाणाविहजोगिया
गाणाविहसंभवा गाणाविहवुक्कमा सरीरजोगिया सरीरसंभवा सरीरवुक्कमा
सरीराहारा कम्मोवगा कम्मनियाणा कम्मगतीया कम्मड्डिया कम्मणा चेव
विप्परियासमुवेंति ॥ से एवमायाणह से एवमायाणित्ता आहारगुत्ते सहिए
समिए सया जए त्तिबेमि ॥ सूत्रं ६२ ॥

॥ इति तृतीयमध्ययनम् ॥ श्रु० २ । अ० ३ ॥



॥ अथ द्वितीयश्रुतस्कन्धे चतुर्थं प्रत्याख्यानाध्ययनम् ॥

सुयं मे आउसंतेणं भगवया एवमक्खायं-इह खलु पच्चक्खाणकिरिया-
णामज्झयणो, तस्स णं अयमट्ठे पराणत्ते-आया अपच्चक्खाणी यावि भवति,
आया अकिरियाकुसले यावि भवति, आया मिच्छासंठिए यावि भवति, आया
एगंतदंडे यावि भवति, आया एगंतबाले यावि भवति, आया एगंतसुत्ते
यावि भवति, आया अवियारमणवयणकायवक्के यावि भवति, आया अप्प-
डिहयअपच्चक्खायपावकम्मे यावि भवति, एस खलु भगवता अक्खाए असं-
जते अविरते अप्पडिहयपच्चक्खायपावकम्मे सकिरिए असंबुडे एगंतदंडे एगंत-
बाले एगंतसुत्ते, से बाले अवियारमणवयणकायवक्के सुविणमवि ण पस्सति,
पावे य से कम्मे कज्जइ ॥ सूत्रं ६३ ॥ तत्थ चोयए पन्नवगं एवं वयासि-
असंतएणं मणोणं पावएणं असंतियाए वतीए पावियाए असंतएणं काएणं
पावएणं अहणंतस्स अमणक्खस्स अवियारमणवयकायवक्कस्स सुविणमवि
अपस्सओ पावकम्मे णो कज्जइ, कस्स णं तं हेउं ?, चोयए एवं ववीति-
अन्नयरेणं मणोणं पावएणं मणवत्तिए पावे कम्मे कज्जइ, अन्नयरीए वतिए
पावियाए वतिवत्तिए पावे कम्मे कज्जइ, अन्नयरेणं काएणं पावएणं कायवत्तिए
पावे कम्मे कज्जइ, हणंतस्स समणक्खस्स सवियारमणवयकायवक्कस्स सुविण-
मवि पासओ एवंगुणजातीस्स पावे कम्मे कज्जइ १। पुणारवि चोयए एवं
ववीति-तत्थ णं जे ते एवमाहंसु-असंतएणं मणोणं पावएणं असंतियाए
वतिए पावियाए असंतएणं काएणं पावएणं अहणंतस्स अमणक्खस्स अवि-
यारमणवयणकायवक्कस्स सुविणमवि अपस्सओ पावे कम्मे कज्जइ, तत्थ णं
जे ते एवमाहंसु मिच्छा ते एवमाहंसु २॥ तत्थ पन्नवए चोयगं एवं वयासी-
तं सम्मं जं मए पुवं वुत्तं, असंतएणं मणोणं पावएणं असंतियाए वतिए
पावियाए असंतएणं काएणं पावएणं अहणंतस्स अमणक्खस्स अवियारमण-
वयणकायवक्कस्स सुविणमवि अपस्सओ पावे कम्मे कज्जति, तं सम्मं, कस्स

णं तं हेउं ?, आचार्य आह—तत्थ खलु भगवया व्वजीवणिकायहेउ पराणत्ता, तंजहा—पुढविकाइया जाव तसकाइया, इच्चेएहिं व्वहिं जीवणिकाएहिं आया अप्पडिहयपच्चक्खायपावकम्मे निच्चं पसदविउवातचित्तदंडे, तंजहा—पाणाति-
वाए जाव परिग्गहे कोहे जाव मिच्छादंसणसल्ले ३॥ आचार्य आह—तत्थ खलु भगवया वहए दिट्ठंते पराणत्ते, से जहाणामए वहए सिया गाहावइस्स वा गाहावइपुत्तस्स वा रराणो वा रायपुरिसस्स वा खणं निदाय पविसि-
स्सामि खणं लद्धूणं वहिस्सामि (अप्पणो अक्खणयाए तस्स वा पुरिसस्स छिद्दं अलभमाणो णो वहेइ तं जया मे खणो भविस्सइ तस्स पुरिसस्स छिद्दं लभिस्सामि तया मे से पुरिसे अवस्सं वहेयव्वे भविस्सइ एवं मणो पहा-
रेमाणो) पहारेमाणो से किं नु हु नाम से वहए तस्स गाहावइस्स वा गाहावइ-
पुत्तस्स वा रराणो वा रायपुरिस(पुत्त)स्स वा खणं निदाय पविसिस्सामि खणं लद्धूणं वहिस्सामि पहारेमाणो दिया वा रात्रो वा सुत्ते वा जागरमाणो वा अमित्तभूए मिच्छासंठिते निच्चं पसदविउवायचित्तदंडे भवति ?, एवं वियाग-
रेमाणो समियाए वियागरे ? चोयए—हंता भवति ४ ॥ आचार्य आह—जहा से वहए तस्स गाहावइस्स वा तस्स गाहावइपुत्तस्स वा रराणो वा रायपुरि-
सस्स वा खणं निदाय पविसिस्सामि खणं लद्धूणं वहिस्सामित्ति पहारेमाणो दिया वा रात्रो वा सुत्ते वा जागरमाणो वा अमित्तभूए मिच्छासंठिते निच्चं पसदविउवायचित्तदंडे, एवमेव बालेवि सव्वेसिं पाणाणं जाव सव्वेसिं सत्ताणं दिया वा रात्रो वा सुत्ते वा जागरमाणो वा अमित्तभूए मिच्छासंठिते निच्चं पसदविउवायचित्तदंडे, तं०—पाणातिवाए जाव मिच्छादंसणसल्ले, एवं खलु भगवया अक्खए असंजए अविरए अप्पडिहयपच्चक्खायपावकम्मे सकिरिए असंबुडे एगंतदंडे एगंतबाले एगंतसुत्ते यावि भवइ, से बाले अवियारमणवयणा-
कायवक्के सुविणमवि ण पस्सइ पावे य से कम्मे कज्जइ ५ ॥ जहा से वहए तस्स वा गाहावइस्स जाव तस्स वा रायपुरिसस्स पत्तेयं पत्तेयं चित्तसमादाए

दिया वा रात्रो वा सुप्ते वा जागरमाणो वा अमित्तभूए मिच्छासंठिते निच्चं
 पसदविउवायचित्तदंडे भवइ, एवमेव बाले सव्वेसिं पाणाणां जाव सव्वेसिं
 संत्ताणां पत्तेयं पत्तेयं चित्तसमादाए दिया वा रात्रो वा सुप्ते वा जागरमाणो
 वा अमित्तभूते मिच्छासंठिते निच्चं पसदविउवायचित्तदंडे भवइ ६ ॥
 ॥सूत्रं ६४॥ णो इण्ठे समंठे [चोदकः] इह खलु बहवे पाणा० जे इमेणं
 सरीरममुस्सएणां णो दिट्ठा वा सुया वा नाभिमया वा विन्नाया वा जेसिं
 णो पत्तेयं पत्तेयं चित्तसमायाए दिया वा रात्रो वा सुप्ते वा जागरमाणो वा
 अमित्तभूते मिच्छासंठिते निच्चं पसदविउवायचित्तदंडे तंजहा—पाणातिवाए
 जाव मिच्छादंमाणसल्ले ॥सूत्रं ६५॥ आचार्य आह—तत्थ खलु भगवया दुवे
 दिट्ठंता पणत्ता, तंजहा—सन्निदिट्ठंते य असन्निदिट्ठंते य, से किं तं
 सन्निदिट्ठंते ?, जे इमे सन्निपंचिदिया पज्जत्तगा एतेसिं णं छजीवनिकाए
 पडुच्च तंजहा—पुढवीकायं जाव तसकायं, से एगइओ पुढवीकाएणां किच्चं
 करेइवि कारवेइवि, तस्स णं एवं भवइ—एवं खलु अहं पुढवीकाएणां किच्चं
 करेमिवि कारवेमिवि, णो चेव णं से एवं भवइ इमेण वा इमेण वा, से
 एतेणं पुढवीकाएणां किच्चं करेइवि कारवेइवि से णं तातो पुढवीकायाओ
 असंजयअविरयअप्पडिहयपच्चक्खायपावकम्मे यावि भवइ, एवं जाव तस-
 काए त्ति भाणियव्वं, से एगइओ छजीवनिकाएहिं किच्चं करेइवि कार-
 वेइवि, तस्स णं एवं भवइ—एवं खलु छजीवनिकाएहिं किच्चं करेमिवि
 कारवेमिवि, णो चेव णं से एवं भवइ—इमेहिं वा इमेहिं वा, से य तेहिं
 छहिं जीवनिकाएहिं जाव कारवेइवि, से य तेहिं छहिं जीवनिकाएहिं
 असंजयअविरयअप्पडिहयपच्चक्खायपावकम्मे तं० पाणातिवाए जाव मिच्छा-
 दंमाणसल्ले, एस खलु भगवया अक्खाए असंजए अविरए अप्पडिहयपच्च-
 क्खायपावकम्मे सुविणमवि अपस्सओ पावे य से कम्मे कज्जइ, से तं सन्नि-
 दिट्ठंते ? ॥ से किं तं असन्निदिट्ठंते ?, जे इमे असन्निणो पाणा तंजहा—

पुढवीकाइया जाव वणारसइकाइया छट्टा वेगइया तसा पाणा, जेसिं णो तका
इ वा सन्ना ति वा पन्ना ति वा मणा(णे)ति वा वई इ वा, सयं वा करणाए
अन्नेहिं वा कारावेत्तए करंतं वा समणुजाणित्तए, तेऽवि णं बाले सव्वेसिं
पाणाणं जाव सव्वेसिं सत्ताणं दिया वा रात्रो वा सुत्ते वा जागरमाणे वा
अमित्तभूता मिच्छासंठिया निच्चं पसदविउवातचित्तदंडा तंजहा—पाणाइवाते
जाव मिच्छादंसणमल्ले, इच्चेव जाव णो चेव मणो णो चेव वई पाणाणं
जाव सत्ताणं दुक्खणयाए सोयणयाए जूरणयाए तिप्पणयाए पिट्ठणयाए परि-
तप्पणयाए ते दुक्खणसोयणजावपरितप्पणवहबंधणपरिकिलेसात्रो अप्पडि-
विरया भवंति २ ॥ इति खलु से असन्निणोऽवि सत्ता अहोनिं पाणातिवाए
उवक्खाइज्जंति जाव अहोनिं परिग्गहे उवक्खाइज्जंति जाव मिच्छादंसण-
सल्ले उवक्खाइज्जंति, [एवं भूतवादी] सव्वजोणियावि खलु सत्ता सन्निणो हुच्चा
असन्निणो होंति असन्निणो हुच्चा सन्निणो होंति, होच्चा सन्नी अदुवा
असन्नी, तत्थ से अविविचित्ता अविधूणित्ता असंमुच्छित्ता अणणुतावित्ता
असन्निकायात्रो वा सन्निकायं संकमंति सन्निकायात्रो वा असन्निकायं
संकमंति, सन्निकायात्रो वा सन्निकायं संकमंति असन्निकायात्रो वा अस-
न्निकायं संकमंति, जे एए सन्नि वा असन्नि वा सव्वे ते मिच्छायारा
निच्चं पसदविउवायचित्तदंडा, तंजहा—पाणातिवाए जाव मिच्छादंसणसल्ले,
एवं खलु भगवया अक्खाए असंजए अविरए अप्पडिहयप्पच्चक्खायपावकम्मे
सकिरिए असंबुडे एगंतदंडे एगंतबाले एगंतसुत्ते से बाले अवियारमाणवयण-
कायवक्के सुविणमवि ण पासइ पावे य से कम्मे कज्जइ ३ ॥सूत्रं ६६॥
चोदकः—से किं कुब्बं किं कारवं कहां संजयविरयप्पडिहयप्पच्चक्खायपावकम्मे
भवइ ?, आचार्य आह—तत्थ खलु भगवया छज्जीवणिकाय हेऊ पराणत्ता,
तंजहा—पुढवीकाइया जाव तसकाइया, से जहाणामए मम अस्सातं डंडेण
वा अट्ठीण वा मुट्ठीण वा लेलूण वा कवालेण वा आतोडिज्जमाणस्स वा

जाव उवहविज्जमाणस्स वा जाव लोमुक्खणणमायमवि हिंसाकारं दुक्खं
 भयं पडिसंवेदेमि, इच्चेवं जाण सव्वे पाणा जाव सव्वे सत्ता दंडेण वा जाव
 कवालेण वा आतोडिज्जमाणा वा हम्ममाणे वा तज्जिज्जमाणे वा तालिज्जमाणे
 वा जाव उवहविज्जमाणे वा जाव लोमुक्खणणमायमवि हिंसाकारं दुक्खं
 भयं पडिसंवेदेंति, एवं णच्चा सव्वे पाणा जाव सव्वे सत्ता न हंतव्वा जाव
 ण उह्वेयव्वा, एस धम्मे धुवे णिइए सासए समिच्च लोगं खेयन्नेहिं पवेदिए,
 एवं से भिक्खु विरते पाणाइवायातो जाव मिच्छादंसणसल्लाओ, से भिक्खु
 णो दंतपक्खालणेणं दंते पक्खालेज्जा, णो अंजणं णो वमणं णो धूवणित्तं
 पिआइते, से भिक्खु अकिरिए अलूमए अकोहे जाव अलोभे उवसंते परि-
 निव्वुडे, एस खलु भगवया अक्खाए संजयविरयपडिहयपच्चक्खायपावकम्मे
 अकिरिए संवुडे एगंतपंडिए भवइ तिवेमि ॥ सूत्रं ६७ ॥

॥ इति चतुर्थमध्ययनम् ॥ २-४ ॥

॥ अथ पञ्चममाचारश्रुताध्ययनम् ॥

आदाय बंभचेरं च, आसुपन्ने इमं वइ । अस्सि धम्मे अणायारं,
 नायरेज्ज क्याइवि ॥१॥ अणादीयं परिन्नाय, अणवदग्गेति वा गुणो ।
 सासयमसासए वा, इति दिट्ठि न धारए ॥२॥ एएहिं दोहिं ठणेहिं,
 ववहारो ण विज्जई । एएहिं दोहिं ठणेहिं, अणायारं तु जाणए ॥३॥
 समुच्छि(ज्ज)हिति सत्थारो, सव्वे पाणा अणोलिसा । गंठिगा वा भवि-
 स्संति, सासयंति व णो वए ॥४॥ एएहिं दोहिं ठणेहिं, ववहारो ण
 विज्जई । एएहिं दोहिं ठणेहिं, अणायारं तु जाणए ॥५॥ जे केइ खुद्दगा
 पाणा, अदुवा संति महालया । सरिसं तेहिं वेरंति, असरिसंती य णो वदे
 ॥६॥ एएहिं दोहिं ठणेहिं, ववहारो ण विज्जई । एएहिं दोहिं ठणेहिं,
 अणायारं तु जाणए ॥७॥ अहाकम्माणि (अहाकडाणि) भुंजंति, अणामः

रणो सकम्पुणा । उवलित्तेति जाणिज्जा, अणुवलित्तेति वा पुणो ॥८॥
 एण्हिं दोहिं ठणोहिं, ववहारो ण विज्जई । एण्हिं दोहिं ठणोहिं, अणा-
 यारं तु जाणए ॥९॥ जमिदं ओरालमाहारं, कम्मगं च तहेव य (तमेव तं) ।
 सव्वत्थ वीरियं अत्थि, णत्थि सव्वत्थ वीरियं ॥१०॥ एण्हिं दोहिं
 ठणोहिं, ववहारो ण विज्जई । एण्हिं दोहिं ठणोहिं, अणायारं तु
 जाणए ॥ ११ ॥ णत्थि लोए आलोए वा, शेवं सन्नं निवेसए । अत्थि लोए
 अलोए वा, एवं सन्नं निवेसए ॥ १२ ॥ णत्थि जीवा अजीवा वा, शेवं
 सन्नं निवेसए । अत्थि जीवा अजीवा वा, एवं सन्नं निवेसए
 ॥१३॥ णत्थि धम्मे अधम्मे वा, शेवं सन्नं निवेसए । अत्थि धम्मे
 अधम्मे वा, एवं सन्नं निवेसए ॥१४॥ णत्थि बंधे व मोक्खे वा, शेवं सन्नं
 निवेसए । अत्थि बंधे व मोक्खे वा, एवं सन्नं निवेसए ॥१५॥ णत्थि पुणणे
 व पावे वा, शेवं सन्नं निवेसए । अत्थि पुणणे व पावे वा, एवं सन्नं
 निवेसए ॥१६॥ णत्थि आसवे संवरे वा, शेवं सन्नं निवेसए । अत्थि
 आसवे संवरे वा, एवं सन्नं निवेसए ॥१७॥ णत्थि वेयणा णिज्जरा वा, शेवं
 सन्नं निवेसए । अत्थि वेयणा णिज्जरा वा, एवं सन्नं निवेसए ॥१८॥
 णत्थि किरिया अकिरिया वा, शेवं सन्नं निवेसए । अत्थि किरिया अकि-
 रिया वा, एवं सन्नं निवेसए ॥१९॥ णत्थि कोहे व माणे वा, शेवं सन्नं
 निवेसए । अत्थि कोहे व माणे वा, एवं सन्नं निवेसए ॥२०॥ णत्थि माया
 व लोभे वा, शेवं सन्नं निवेसए । अत्थि माया व लोभे वा, एवं सन्नं
 निवेसए ॥२१॥ णत्थि पेज्जे व दोसे वा, शेवं सन्नं निवेसए । अत्थि
 पेज्जे व दोसे वा, एवं सन्नं निवेसए ॥२२॥ णत्थि चाउरंते संसारे, शेवं
 सन्नं निवेसए । अत्थि चाउरंते संसारे, एवं सन्नं निवेसए ॥२३॥ णत्थि
 देवो व देवी वा, शेवं सन्नं निवेसए । अत्थि देवो व देवी वा, एवं सन्नं
 निवेसए ॥२४॥ णत्थि सिद्धी असिद्धी वा, शेवं सन्नं निवेसए । अत्थि

सिद्धी असिद्धी वा, एवं सन्नं निवेसए ॥२५॥ एत्थि सिद्धी नियं ठाणं,
 शेवं सन्नं निवेसए । अत्थि सिद्धी नियं ठाणं, एवं सन्नं निवेसए ॥२६॥
 एत्थि साहू असाहू वा, शेवं सन्नं निवेसए । अत्थि साहू असाहू वा, एवं
 सन्नं निवेसए ॥२७॥ एत्थि कल्लाण पावे वा, शेवं सन्नं निवेसए ।
 अत्थि कल्लाण पावे वा, एवं सन्नं निवेसए ॥२८॥ कल्लाणे पावए वावि,
 ववहारो ए विज्जइ । जं वेरं तं न जाणंति, समणा बाल पंडिया ॥२९॥
 असेसं अक्खयं वादि, सव्वदुक्खेति वा पुणो । वज्झा पाणा न वज्झत्ति,
 इति वायं न नीसरे ॥३०॥ दीसंति निभियप्पाणो (समियायारा), भिवखुणो
 साहुजीविणो । एए (तेवि) मिच्छोवजीवंति, इति दिट्ठिं न धारए ॥३१॥
 दक्खिणाए पडिलंभो, अत्थि वा एत्थि (अत्थि एत्थि त्ति) वा पुणो । ए
 वियागरेज्ज मेहावी, संतिमग्गं च वूहए ॥३२॥ इच्चेएहिं ठाणेहिं, जिणादि-
 ठेहिं संजए । धारयंते उ अप्पाणं, आमोक्खाए परिवएज्जासि ॥३३॥
 त्तिवेमि ॥

॥ इति पञ्चममध्ययनम् ॥२-५॥

॥ अथ षष्ठमार्द्रकीयाध्ययनम् ॥

पुराकडं अह ! इमं सुणेह, एगंतयारी समणे पुरासी । से
 भिक्खुणो उवणेत्ता अणेगे, आइक्खतिरिंह पुढो विथरेणं ॥१॥
 साऽऽजीविया पट्टविताऽथिरेणं, सभागयो गणयो भिवखुमज्जे । आइ-
 क्खमाणो बहुजन्नमत्थं, न संधयाती अवरेण पुव्वं ॥२॥ एगंतमेवं अदुवा
 वि इरिंह, दोज्वरणमन्नं न समेति जग्हा । पुट्ठिं च इरिंह च अणागतं
 वा, एगंतमेवं पडिसंधयाति ॥३॥ समिच्च लोगं तसथावराणं, खेमंकरे
 समणे माहणे वा । आइक्खमाणोवि सहस्स मज्जे, एगंतयं सारयती तहऽच्चे
 ॥४॥ धम्मं कहंतस्स उ एत्थि दोसो, खंतस्स दंतस्स जित्तिदियस्स ।

भासाय दोसे य विवज्जगस्स, गुणे य भासाय णिसेवगस्स ॥५॥ महव्वए
 पंच अणुव्वए य, तहेवं पंचासव संवरे य । विरतिं इहस्सामणियंमि
 पुणणे (पन्ने), लवावसक्की समणेत्तिवेमि ॥६॥ सीओदगं सेवउ बीयकायं,
 आहायकम्मं तह इत्थियाओ । एगंतचारिस्सिह अम्ह धम्मे, तवस्सिणो णाभि-
 समेति पावं ॥७॥ सीतोदगं वा तह बीयकायं, आहायकम्मं तह इत्थियाओ ।
 एयाइं जाणं पडिसेवमाणा, अगारिणो अस्समणा भवंति ॥८॥ सिया य
 बीओदग इत्थियाओ, पडिसेवमाणा समणा भवंतु । अगारिणोऽवी समणा
 भवंतु, सेवंति उ तेऽवि तहप्पगारं ॥९॥ जे यावि बीओदगभोति भिक्खू, भिक्खुं
 विहं जायति जीवियट्ठी । ते णातिसंजोगमप्पविहाय, कायोवगा एतंकरा भवंति
 ॥१०॥ इमं वयं तु तुम पाउकुव्वं, पावाइणो गरिहसि सब्ब एव । पावाइणो पुढो
 किट्ठयंता, सयं सयं दिट्ठि करेति पाउ ॥११॥ ते अन्नमन्नस्स उ गरहमाणा,
 अक्खंति भो समणा माहणा य । सतो य अत्थी असतो य एत्थी,
 गरहामो दिट्ठि ए गरहामो किंचि ॥१२॥ ए किंचि रूवेणऽभिधारयामो,
 सदिट्ठिमगं तु करेमु पाउं । मग्गे इमे किट्ठिँ आरिण्हिं, अणुत्तरे सप्पुरि-
 सेहिं अंजू ॥१३॥ उड्ढं अहेयं तिरियं दिसासु, तसा य जे थावर जे य पाणा ।
 भूयाहिसंकाभि दुगुंछमाणा, णो गरहती बुसिमं किंचि लोए ॥१४॥
 आगंतगारे आरामगारे, समणे उ भीते ए उवेति वासं । दक्खा हु सती
 बहवे मणुस्सा, ऊणातिरित्ता य लवालवा य ॥१५॥ मेहाविणो सिबिखय
 बुद्धिमंता, सुत्तेहि अत्थेहि य णिच्छयन्ना (णिच्छियन्नू) । पुच्छिसु मा णो
 अणगार एगे (अन्ने), इति संकमाणो ए उवेति तत्थ ॥१६॥ णो कामकिच्चा
 ए य बालकिच्चा, रायाभिओगेण कुओ भएणं । वियागरेज्ज पसिणं नवावि,
 सकामकिच्चेण्ह आरियाणं ॥१७॥ गंता च तत्था अदुवा अगंता, विया-
 गरेज्जा समियाऽऽसुपन्ने । अणारिया दंसणओ परित्ता, इति संकमाणो ए उवेति
 तत्थ ॥१८॥ पन्नं जहा वणिणं उदयट्ठी, आयस्स हेउं पगरेति संगं । तऊवमे

समणो नायपुत्ते, इच्चेव मे होति मती वियक्का ॥१६॥ नवं न कुज्जा विट्ठुणे
पुराणां, चिच्चाऽमइं ताइ य साह एवं । एतोवया वंभवतित्ति वुत्ता, तस्सो-
दयट्ठी समणोत्तिवेमि ॥२०॥ समारभंते वणििया भूयगामं, परिग्गहं चेव ममा-
यमाणा । ते णानिसंजोगमविप्पहाय, आयस्स हेउं पगरंति संगं ॥२१॥
वित्तेसिणो मेहुणसंपगाढा, ते भोयणट्ठा वणििया वयंति । वयं तु कामेसु
अज्झोववन्ना, अणारिया पेमरसेसु गिद्धा ॥२२॥ आरंभगं चेव परिग्गहं
च, अविउस्सिया णिस्सिय आयदंडा । तेसिं च से उदए जं वयासी, चउरं-
तणंताय दुहाय गेह ॥२३॥ गेगंत णच्चंतिव ओदए सो, वयंति ते दो
विगुणोदयंमि । से उदए सातिमणंतपत्ते, तमुदयं साहयइ ताइ णाई ॥२४॥
अहिंसयं सब्बपयाणुकंपी, धम्मे ठियं कम्मविवेगेहेउं । तमायदंडेहिं समायरंता,
अबोहीए ते पडिख्वमेयं ॥२५॥ पिन्नागपिंडीमवि विद्ध सूले, केइ पएज्जा
पुरिसे इमेत्ति । अलाउयं वावि कुमारएत्ति, स लिप्पती पाणिवहेण अम्हं
॥२६॥ अहवावि विद्धूण मिलक्खु सूले, पिन्नागबुद्धीइ नरं पएज्जा । कुमा-
रगं वावि अलाउयंति, न लिप्पइ पाणिवहेण अम्हं ॥२७॥ पुरिसं च
विद्धूण कुमारगं वा, सूलंमि केइ पए जायतेए । पिन्नाय पिंडं सतिमारुहेत्ता,
बुद्धाण तं कप्पति पारणाए ॥२८॥ सिणायगाणं तु दुवे सहस्से, जे भोयए
णियए भिवखुयाणं । ते पुन्नखंवं सुमहं जिणित्ता, भवंति आरोप्य महंतमत्ता
॥२९॥ अजोगरूवं इह संजयाणं, पावं तु पाणाण पसज्झ काउं । अबोहिए
दोराहवि तं असाहु, वयंति जे यावि पडिस्सुणंति ॥३०॥ उट्ठं अहेयं तिरियं
दिसासु, विन्नाय लिगं तसथावराणं । भूयाभिसंकाइ दुगुंछमाणे, वदे करेज्जा
व कुत्रो विहज्जथी ? ॥३१॥ पुरिसेत्ति विन्नत्ति न एवमत्थि, अणारिए से
पुरिसे तहा हु । को संभवो ? पिन्नगपिंडियाए, वायावि एसा बुइया अमच्चा
॥३२॥ वायाभियोगेण जमावहेज्जा, णो तारिसं वायमुदाहरिज्जा । अट्ठा-
णमयं वयणं गुणाणं, णो दिविस्सए ब्रय सुरालमेयं ॥३३॥ लद्धे अट्ठे अहो

एव तुब्भे, जीवाणुभागे सुविचिंति ए व । पुब्बं समुद्दं अवरं च पुट्ठे, उलो-
 इए पाणितले ठिए वा ॥३४॥ जीवाणुभागं सुविचिंतयंता, आहारिया अन्न-
 विहीय सोहिं । न विद्यागरे छन्नपथोपजीवि, एसोऽणुधम्मो इह संजयाणं
 ॥३५॥ सिणायगाणं तु दुवे सहस्से, जे भोयए नियए भिक्खुयाणं । असं-
 जए लोहियपाणि से ऊ, णियच्छति गरिहमिहेव लोए ॥३६॥ थूलं उरब्भं
 इह मारियाणं, उद्दिट्ठभत्तं च पगप्पएत्ता । तं लोणतेल्लेण उवक्खडेत्ता, सपि-
 प्पलीयं पगरंति मंसं ॥३७॥ तं भुंजमाणा पिसितं पभूतं, णो उवल्लिप्पामो
 वयं रएणं । इच्चेवमाहंसु अणज्जधम्मा, अणारिया बाल रसेसु गिद्धा ॥३८॥
 जे यावि भुंजंति तहप्पगारं, सेवंति ते पावमजाणमाणा । मणं न एयं
 कुसला करेंती, वायावि एसा बुइया उ मिच्छा ॥३९॥ सव्वेसिं जीवाण दय-
 ट्ठयाए, सावज्जदोसं परिवज्जयंता । तस्संकिणो इसिणो नायपुत्ता, उद्दिट्ठभत्तं
 परिवज्जयंति ॥४०॥ भूयाभिसंकाए दुगुंछमाणा, सव्वेसिं पाणाण निहाय
 दंडं । तम्हा ण भुंजंति तहप्पगारं, एसोऽणुधम्मो इह संजयाणं ॥४१॥ निग्गंथ-
 धम्मंमि इमं समाहिं, अस्सिं सुठिच्चा अणिहे चरेज्जा । बुद्धे मुणी सीलगुणो-
 ववेए, अच्चत्थतं (ओ) पाउण्णी सिलोगं ॥४२॥ सिणायगाणं तु दुवे सहस्से,
 जे भोयए णियए माहणाणं । ते पुन्नखंधे सुमहज्जणित्ता, भवंति देवा इति
 वेयवाओ ॥४३॥ सिणायगाणं तु दुवे सहस्से, जे भोयए णियए कुलाल-
 याणं । से गच्छति लोलुवसंपगाढे, विव्वाभितावी णारगाभिसेवी ॥४४॥
 दयावरं धम्म दुगुंछमाणा, वहावहं धम्म पसंसमाणा । एगंपि जे भोययती
 असीलं, णिवो णिसं जाति कुओ सुरेहिं ? ॥४५॥ दुइओवि धम्मंमि
 समुट्ठियामो, अस्सिं सुठिच्चा तह एसकालं । आयारसीले बुइएह नाणी, ण
 संपंरायंमि विसेसमत्थि ॥४६॥ अव्वत्तरुवं पुरिसं महंतं, सणातणं अक्खय-
 मव्वयं च । सव्वेसु भूतेसुवि सव्वतो से, चंदो व ताराहिं समत्तरुवे
 ॥४७॥ एवं ण मिज्जंति ण संसरंती, ण माहणा खत्ति य वेस पेसा ।

कीडा य पक्खी य सरीसिवा य, नरा य सव्वे तह देवलोगा ॥४८॥
 लोयं अयाणित्तिह केवलेणं, कहंति जे धम्ममजाणमाणा । णासंति अप्पाण
 परं च णट्ठा, संसार घोरंमि अणोरपारे ॥४९॥ लोयं विजाणंतिह केवलेणं,
 दुन्नेण नाणेण समाहिजुत्ता । धम्मं समत्तं च कहंति उ, तारंति अप्पाण परं
 च तिन्ना ॥५०॥ जे गरहियं ठाणमिहावसंति, जे यावि लोए चरणोववेया ।
 उदाहडं तं तु समं मईए, अहाउसो विप्परियासमेव ॥५१॥ संवच्छरेणावि
 एगमेगं, बाणेण मारेउ महागयं तु । सेसाण जीवाण दयट्ठयाए, वासं वयं
 वित्ति पक्कयामो ॥५२॥ संवच्छरेणावि य एगमेगं, पाणं हणंता अणियत्त-
 दोसा । सेसाण जीवाण बहेण लग्गा, सिया य थोवं गिहिणोऽवि तम्हा
 ॥५३॥ संवच्छरेणावि य एगमेगं, पाणं हणंता समणंव्वएसु । आयाहिए
 पुरिसे अणज्जे, ण तारिसे केवलिणो भवंति ॥५४॥ बुद्धस्स आणाएँ इमं
 समाहिं, अस्सि सुट्ठिआ तिविहेण ताई । तरिउं समुहं व महाभवोघं, आया-
 णवं धम्ममुदाहरेज्जा ॥५५॥ तिवेमि ॥

॥ इति षष्ठमध्ययनम् ॥ २-६ ॥

॥ अथ सप्तमं नालन्दीयाध्ययनम् ॥

तेणं कालेणं तेणं समएणं रायगिहे नामं नयरे होत्था, रिद्धित्थिमित-
 समिद्धे वराणओ जाव पडिख्वे, तस्स णं रायगिहस्स नयरस्स बहिया उत्तर-
 पुरच्छिमे दिसीभाए, (एत्थ णं) नालंदा नामं बाहिरिया होत्था, अणोगभवण-
 सयसन्निविट्ठा जाव पडिख्वा ॥सू० ६८॥ तत्थ णं नालंदाए बाहिरियाए लेवे
 नामं गाहावई होत्था, अड्ढे दित्ते वित्ते विच्छिराणविपुलभवणसयणासण-
 जाणवाहणाइरणो बहुधणवहुजायरुवरजते आओगपओगसंपउत्ते विच्छड्डियं-
 पउरभत्तपाणे बहुदासी दासगोमहिसगवेलगप्पभूए बहुजणस्स अपरिभूए (जाव)
 यावि होत्था ॥ से णं लेवे नामं गाहावई समणोवासए यावि होत्था, अभि-

गयजीवाजीवे जाव विहरइ, निग्गंथे पावयणे निस्संकिए निक्कंखिए निव्वित्ति-
गिच्छे लद्धट्ठे गहियट्ठे पुच्छियट्ठे विणिच्छियट्ठे अभिगहियट्ठे अट्ठिमिंजा-
पेमाणुरागरत्ते, अयमाउसो ! निग्गंथे पावयणे अयं अट्ठे अयं परमट्ठे सेसे
अणट्ठे, उस्मियफलिहे अप्पावयदुवारे चियत्तंतेउरप्पवेसे चाउदसट्ठमुद्धिट्ठपुराण-
मासिणीसु पडिपुन्नं पोसहं सम्मं अणुपालेमाणो समणे निग्गंथे तहाविहेणं एस-
णिज्जेणं असणपाणखाइमसाइमेणं पडिलाभेमाणो बहूहिं सीलव्वयगुणविरमण-
पच्चक्खाणपोसहोववासेहिं अप्पाणं भावेमाणो एवं च णं विहरइ ॥सू० ६१॥ तस्स
णं लेवस्स गाहावइस्स नालंदाए बाहिरियाए उत्तरपुरच्छिमे दिसिभाए एत्थ
णं सेसदविया नामं उदगसाला होत्था, अणोगखंभसयसन्निविट्ठा पासादीया
जाव पडिख्वा, तीसे णं सेसदवियाए उदगसालाए उत्तरपुरच्छिमे दिसिभाए,
एत्थ णं हत्थिजामे नामं वणसंडे होत्था, किणहे वणणओ वणसंडस्स
॥सू० ७०॥ तेस्सिं च णं गिहपदेसंमि भगवं गोयमे विहरइ, भगवं च णं
अहे आरामंसि । अहे णं उदए पेढालपुत्ते भगवं पासावच्चिज्जे नियंठे
मेयज्जे गोत्तेणं जेणोव भगवं गोयमे तेणोव उवागच्छइ, उवागच्छइत्ता भगवं
गोयमं एवं वयासी-आउसंतो ! गोयमा अत्थि खलु मे केइ पदेसे पुच्छि-
यव्वे, तं च (मे) आउसो ! अहासुयं अहादरिसियं मे वियागरेहि सवायं,
भगवं गोयमे उदयं पेढालपुत्तं एवं वयासी-अवियाइ आउसो ! सोच्चा
निसम्म जाणिस्सामो सवायं, उदए पेढालपुत्ते भगवं गोयमं एवं वयासी
॥सू० ७१॥ आउसो ! गोयमा अत्थि खलु कुमारपुत्तिया नामं समणा
निग्गंथा तुम्हाणं पवयणं पवयमाणा गाहावइं समणोवासगं उव-
संपन्नं एवं पच्चक्खावेत्ति-णाराणत्थं अभिओएणं गाहावइचोरग्गहणविमो-
क्खणयाए तसेहिं पाणोहिं णिहाय दंडं, एवं राहं पच्चक्खंताणं दुप्पच्चक्खायं
भवइ, एवं राहं पच्चक्खावेमाणाणं दुप्पच्चक्खावियव्वं भवइ, एवं ते परं पच्च-
क्खावेमाणा अतियरंति सयं पतिगणं, कस्स णं तं हेउं ?, संसारिया खलु

पाणा थावरावि पाणा तसत्ताए पच्चायंति, तसावि पाणा थावरत्ताए पच्चा-
यंति, थावरकायाओ विप्पमुच्चमाणा तसकायंसि उववज्जंति, तसकायाओ
विप्पमुच्चमाणा थावरकायंसि उववज्जंति, तेसिं च णं थावरकायंसि उवव-
राणाणं ठाणमेयं घत्तं ॥सू० ७२॥ एवं राहं पच्चक्खंताणां सुपच्चक्खायं
भवइ, एवं राहं पच्चक्खावेमाणाणं सुपच्चक्खावियं भवइ, एवं ते परं
पच्चक्खावेमाणा णातियरंति सयं पइराणं, णाराणत्थ अभिओगेणं गाहा-
वइचोरग्गहणाविमोक्खणायाए तसभूणहिं पाणेहिं णिहाय दंडं, एवमेव सइ
भामाए परक्कमे विज्जमाणे जे ते कोहा वा लोहा वा परं पच्चक्खावेति
अयंपि णो उवएसे णो णेआउए भवइ, अवियाइं आउसो ! गोयमा !
तुब्भंपि एवं रोयइ ? ॥सू० ७३॥ सवायं भगवं गोयमे ! उदयं पेढालपुत्तं
एवं वयासी-आउसंतो ! उदगा नो खलु अम्हे एयं रोयइ, जे ते समणा
वा माहणा वा एवमाइक्खंति जाव परूवेति णो खलु ते समणा वा
णिग्गंथा वा भासं भामंति, अणुतावियं खलु ते भासं भासंति, अच्चाइक्खंति
खलु ते समणे समणोवासए वा, जेहिवि अन्नेहिं जीवेहिं पाणेहिं भूएहिं
सत्तेहिं संजमयंति ताणवि ते अच्चाइक्खंति, कस्स णं तं हेउं ?, संमारिया
खलु पाणा, तसावि पाणा थावरत्ताए पच्चायंति थावरावि पाणा तसत्ताए
पच्चायंति तसकायाओ विप्पमुच्चमाणा थावरकायंसि उववज्जंति थावर-
कायाओ विप्पमुच्चमाणा तसकायंसि उववज्जंति, तेसिं च णं तसकायंसि
उववन्नाणं ठाणमेयं अघत्तं ॥सू० ७४॥ सवायं उदए पेढालपुत्ते भगवं गोयमं
एवं वयासी-कयरे खलु ते आउसंतो गोयमा ! तुब्भे वयह तमा पाणा तसा
आउ अन्नहा ? सवायं भगवं गोयमे उदयं पेढालपुत्तं एवं वयासी-आउसंतो
उदगा ! जे तुब्भे वयह तमभूता पाणा, तसा ते वयं वयामो तसा पाणा,
जे वयं वयामो तमा पाणा ते तुब्भे वयह तसभूया पाणा, एए संति दुवे
ठाणा तुल्ला एगट्ठा किमाउमो ! इमे मे सुप्पणीयतराए भवइ तसभूया पाणा

तसा, इमे भे दुप्पणीयतराए भवइ-तसा पाणा तसा, ततो एगमा-
उसो ! पडिकोसह एककं अभिणंदह, अयंपि भेदो से णो गोआउए
भवइ १ ॥ भगवं च णं उदाहु-संतेगइया मणुस्सा भवन्ति, तेसिं च
णं एवं वुत्तपुब्बं भवइ-णो खलु वयं संचाएमो मुंडा भवित्ता अगाराओ
अणगारियं पव्वइत्तए, सांवयं राहं अणुपुब्बेणं गुत्तस्स लिसिस्सामो, ते
एवं संखंतेति ते एवं संखं ठवयन्ति ते एवं संखं ठवयन्ति नन्नत्थ अभि-
ओएणं गाहावइचोरगहणविमोक्खणयाए तसेहिं पाणेहिं निहाय दंडं,
तंपि तेसिं कुसलमेव भवइ २ ॥सू० ७५॥ तसावि वुच्चन्ति तसा तससंभार-
कडेणं कम्मुणा णामं च णं अब्भुवगयं भवइ, तसाउयं च णं पलिक्खीणं
भवइ, तसकायट्ठिइया ते तओ आउयं विप्पजहन्ति, ते तओ आउयं विप्प-
जहित्ता थावरत्ताए पच्चायन्ति १ । थावरावि वुच्चन्ति थावरा थावरसंभार-
कडेणं कम्मुणा णामं च णं अब्भुवगयं भवइ, थावराउयं च णं पलिक्खीणं
भवइ, थावरकायट्ठिइया ते तओ आउयं विप्पजहन्ति तओ आउयं विप्प-
जहित्ता भुज्जो परलोइयत्ताए पच्चायन्ति, ते पाणावि वुच्चन्ति, ते तसावि
वुच्चन्ति ते महाकाया ते चिरट्ठिइया २ ॥सूत्रं ७६॥ सवायं उदए पेढालपुत्ते
भयवं गोयमं एवं वयासी-आउसंतो गोयमा ! णत्थि णं से केइ परियाए
जराणं समणोवासगस्स एगपाणातिवायविरएवि दंडे निक्खित्ते, कस्स णं तं
हेउं ?, संसारिया खलु पाणा, थावरावि पाणा तसत्ताए पच्चायन्ति, तसावि
पाणा थावरत्ताए पच्चायन्ति, थावरकायाओ विप्पमुच्चमाणा सव्वे तमकायंसि
उववज्जन्ति, तसकायाओ विप्पमुच्चमाणा सव्वे थावरकायंसि उववज्जन्ति,
तेसिं च णं थावरकायंसि उववज्जाणं ठाणमेयं घत्तं ॥१॥ सवायं भगवं गोयमे
उदयं पेढालपुत्तं एवं वयासी-णो खलु आउसो ! अस्माकं वत्तव्वएणं तुब्भं
चेव अणुप्पवादेरां अत्थि णं से परियाए जे णं समणोवासगस्स सव्वपाणेहिं
सव्वभूएहि मव्वजीवेहिं सव्वमत्तेहि दंडे निक्खित्ते भवइ, कस्स णं तं हेउं ?,

संसारिया खलु पाणा, तसावि पाणा थावरत्ताए पच्चायंति, थावरावि पाणा
तसत्ताए पच्चायंति, तसकायाओ विप्पमुच्चमाणा सव्वे थावरकायंसि उव-
वज्जंति, थावरकायाओ विप्पमुच्चमाणा सव्वे तसकायंसि उववज्जंति, तेसिं
च गां तसकायंसि उववन्नाणां ठाणमेयं अघत्तं, ते पाणावि बुच्चति, ते
तसावि बुच्चंति, ते महाकाया ते चिरट्ठिइया, ते बहुयरगा पाणा जेहिं सम-
णोवासगस्स सुपच्चक्खायं भवति, ते अप्पयरागा पाणा जेहिं समणोवासगस्स
अपच्चक्खायं भवइ, से महया तसकायाओ उवसंतस्स उवट्ठियस्स पडिविर-
यस्स जन्नं तुब्भे वा अन्नो वा एवं वदह-णात्थि गां से केइ परियाए जंसि
समणोवासगस्स एगपाणाएवि दंडे णिक्खित्ते, अयंपि भेदे से णो गोयाउए
भवइ २॥ सूत्रं ७७॥ भगवं च गां उदाहु नियंठा खलु पुच्छियव्वा-आउ-
संतो ! नियंठा इह खलु संतेगइया मणुस्सा भवंति, तेसिं च एवं बुत्तपुव्वं
भवइ-जे इमे मुंडे भवित्ता आगाराओ अणगारियं पव्वइए, एसिं च गां आम-
राणांताए दंडे णिक्खित्ते, जे इमे अगारमावसंति एएसिं गां आमराणांताए दंडे
णो णिक्खित्ते, केइ च गां समणा जाव वासाइं चउपंचमाइं छट्ठइसमाइं अप्प-
यरो वा भुज्जयरो वा देसं दूईजित्ता अगारमावसेज्जा ?, हंतावसेज्जा, तस्स
गां तं गारत्थं वहमाणस्स से पच्चक्खाणो भंगे भवइ ?, णो तिणट्ठे समट्ठे,
एवमेव समणोवासगस्सवि तसेहिं पाणोहिं दंडे णिक्खित्ते, थावरेहिं पाणोहिं
दंडे णो णिक्खित्ते, तस्स गां तं थावरकायं वहमाणस्म से पच्चक्खाणो णो
भंगे भवइ, से एवमायाणह ? णियंठा !, एवमायाणियव्वं १॥ भगवं च गां
उदाहु नियंठा खलु पुच्छियव्वा-आउसंतो नियंठा ! इह खलु गाहावई वा
गाहावइपुत्तो वा तहप्पगारेहिं कुत्तेहि आगम्म धम्मं सवणावत्तियं उवसंक-
मेज्जा ?, हंता उवसंकमेज्जा, तेसिं च गां तहप्पगाराणं धम्मं आइक्खियव्वे ?,
हंता आइक्खियव्वे, किं ते तहप्पगारं धम्मं सोच्चा णिमम्म एवं वएज्जा-इणा-
मेव निग्गंथं पावयणां सव्वं अणुत्तरं केवलियं पडिपुाणां संसुद्धं गोयाउयं

सल्लकत्तणं सिद्धिमग्गं मुत्तिमग्गं निज्जाणमग्गं निव्वाणमग्गं अवितहमसंदिद्धं
 सब्बदुक्खप्पहीणमग्गं, एत्थं ठिया जीवा सिज्झंति बुज्झंति मुच्चंति परिणि-
 व्वायंति सब्बदुक्खाणमंतं करेंति, तमाणाए तहा गच्छामो तहा चिट्ठामो तहा
 णिसियामो तहा तुयट्ठामो तहा भुंजामो तहा भासामो तहा अब्भुट्ठामो तहा
 उट्ठाए उट्ठेमोत्ति पाणाणं भूयाणं जीवाणं सत्ताणं संजमेणं संजमामोत्ति
 वएज्जा ?, हंता वएज्जा, किं ते तहप्पगारा कप्पंति, पव्वावित्तए ?, हंता
 कप्पंति, किं ते तहप्पगारा कप्पंति मुंडावित्तए ?, हंता कप्पंति, किं ते तहप्प-
 गारा कप्पंति सिक्खावित्तए ? हंता कप्पंति, किं ते तहप्पगारा कप्पंति उव-
 ट्ठावित्तए ?, हंता कप्पंति, तेसिं च णं तहप्पगाराणं सब्बपाणेहि जाव सब्ब-
 सत्तेहिं दंडे णिक्खित्ते ?, हंता निक्खित्ते, से णं एयारूवेणं विहारेणं विह-
 रमाणा जाव वासाइं चउपंचमाइं छट्ठइसमाइं वा अप्पयरो वा भुज्जयरो वा
 देसं दूइज्जेत्ता अगारं वएज्जा ?, हंता वएज्जा, तस्स णं सब्बपाणेहिं जाव
 सब्बसत्तेहिं दंडे णिक्खित्ते ?, णो इणट्ठे समट्ठे, से जे से जीवे जस्स परेणं
 सब्बपाणेहिं जाव सब्बसत्तेहिं दंडे णो णिक्खित्ते, से जे से जीवे जस्स
 आरेणं सब्बपाणेहिं जाव सत्तेहिं दंडे णिक्खित्ते, से जे से जीवे जस्स
 इयाणि सब्बपाणेहिं जाव सत्तेहिं दंडे णो णिक्खित्ते भवइ, परेणं असंजए
 आरेणं संजए, इयाणि असंजए, असंजप्पस्स णं सब्बपाणेहिं जाव सत्तेहिं
 दंडे णो णिक्खित्ते भवइ, से एवमायाणह ? णियंठा !, से एवमायाणियव्वं
 २॥ भगवं च णं उदाहु णियंठा खलु पुच्छियव्वा—आउसंतो ! नियंठा इह
 खलु परिव्वाइया वा परिव्वाइयाथो वा अन्नपरेहिंतो नित्थाययणेहिंतो
 आगम्म धम्मं सवणवत्तियं उवसंकमेज्जा ? हंता उवसंकमेज्जा, किं तेसिं
 तहप्पगारेणं धम्मे आइक्खियव्वे ?, हंता आइक्खियव्वे, तं चेव उवट्ठावित्तए
 जाव कप्पंति ? हंता कप्पंति, किं ने तहप्पगारा कप्पंति संभुंजित्तए ? हंता
 कप्पंति, तेणं एयारूवेणं विहारेणं विहरमाणा तं चेव जाव अगारं वएज्जा ?,

हंता वएज्जा, ते णं तहप्पगारा कप्पंति संभुजित्तए ? , णो इण्णट्ठे समट्ठे, से जे से जीवे जे परेणं नो कप्पंति संभुजित्तए, से जे से जीवे आरेणं कप्पंति संभुजित्तए, से जे से जीवे जे इयाणीं णो कप्पंति संभुजित्तए, परेणं अस्समणे आरेणं समणे, इयाणिं अस्समणे, अस्समणेणं सद्धिं णो कप्पंति समणाणं निग्गंथाणं संभुजित्तए, से एवमायाणह ? णियंठा !, से एवमायाणियव्वं ३॥ सूत्रं ७८ ॥ भगवं च णं उदाहु संतेगइया समणोवासगा भवंति, तेसिं च णं एवं वुत्तपुव्वं भवइ-णो खलु वयं संचाएमो मुंडा भवित्ता अगाराओ अण्णगारियं पव्वइत्तए, वयं णं चाउइसट्ठमुद्धिट्ठपुण्णमासिणीसु पडिपुण्णं पोसहं सम्मं अण्णपालेमाणा विहरिस्सामो, थूलगं पाणाइवायं पच्चक्खाइस्सामो, एवं थूलगं मुसावायं थूलगं अदिन्नादाणं थूलगं मेहुणं थूलगं परिग्गहं पच्चक्खाइस्सामो, इच्छापरिमाणं करिस्सामो, दुविहं तिविहेरां, मा खलु ममट्ठाए किंचि करेह वा करावेह वा तत्थवि पच्चक्खाइस्सामो, ते णं अभोच्चा अपिच्चा असिणाइत्ता आसंदीपेदीयाओ पच्चारुहिता, ते तहा कालगया कि वत्तव्वं सिया-सम्मं कालगतत्ति ? , वत्तव्वं सिया, ते पाणावि वुच्चंति ते तसावि वुच्चंति ते महाकाया ते चिरट्ठिइया, ते बहुतरगा पाणा जेहिं समणोवासगस्स सुपच्चक्खायं भवइ, ते अप्पयरागा पाणा जेहिं समणोवासगस्स अपच्चक्खायं भवइ, इति से महयाओ जराणं लुब्भे वयह तं चेव जाव अयंपि भेदे से णो गोयाउए भवइ १॥ भगवं च णं उदाहु संतेगइया समणोवासगा भवंति, तेसिं च णं एवं वुत्तपुव्वं भवइ, णो खलु वयं संचाएमो मुंडा भवित्ता अगाराओ जाव पव्वइत्तए, णो खलु वयं संचाएमो चाउइसट्ठमुद्धिट्ठपुण्णमासिणीसु जाव अण्णपालेमाणा विहरित्तए, वयं णं अपच्छिममारणंतियं संलेहणाजूसणाजूसिया भत्तपाणं पडियाइक्खिया जाव कालं अण्णवकंखमाणा विहरिस्सामो, सव्वं पाणाइवायं पच्चक्खाइस्सामो जाव सव्वं परिग्गहं पच्चक्खाइस्सामो तिविहं तिविहेरां, मा खलु ममट्ठाए किंचिवि

जाव आसंदीपेद्वियात्रो पञ्चोरुहिता एते तहा कालगया, किं वत्तव्वं सिया-
संमं कालगयत्ति ?, वत्तव्वं मिया, ते पाणावि बुच्चंति जाव अयंपि भेदे
से णो गोयाउए भवइ २॥ भगवं च रां उदाहु संतेगइया मणुस्सा भवंति,
तंजहा-महइच्छा महारंभा महापरिग्गहा अहम्मिया जाव दुप्पडियारांदा
जाव सव्वात्रो परिग्गहात्रो अप्पडिविरया जावजीवाए, जेहिं समणोवा-
सगस्स आयाणसो आमरणांताए दंडे णिविखत्ते, ते ततो आउगं विप्पजहंति,
ततो भुज्जो सगमादाए दुग्गइगामिणो भवंति, ते पाणावि बुच्चंति ते
तसावि बुच्चंति ते महाकाया ते चिरद्विइया ते बहुयरगा आयाणसो, इति से
महयात्रो रां जराणां तुब्भे वदह तं चेव अयंपि भेदे से णो गोयाउए भवइ
३॥ भगवं च रां उदाहु संतेगइया मणुस्सा भवंति, तंजहा-अणारंभा अय-
रिग्गहा धम्मिया धम्माणया जाव सव्वात्रो परिग्गहात्रो पडिविरया जाव-
जीवाए, जेहिं समणोवासगस्स आयाणसो आमरणांताए दंडे णिविखत्ते ते
तत्रो आउगं विप्पजहंति ते तत्रो भुज्जो सगमादाए सोग्गइगामिणो भवंति,
ते पाणावि बुच्चंति जाव णो गोयाउए भवइ ४॥ भगवं च रां उदाहु संतेग-
इया मणुस्सा भवंति, तंजहा-अप्पेच्छा अप्पारंभा अप्पपरिग्गहा धम्मिया
धम्माणया जाव एगच्चात्रो परिग्गहात्रो अप्पडिविरया, जेहिं समणोवासगस्स
आयाणसो आमरणांताए दंडे णिविखत्ते, ते तत्रो आउगं विप्पजहंति, ततो
भुज्जो सगमादाए सोग्गइगामिणो भवंति, ते पाणावि बुच्चंति जाव णो गोयाउए
भवइ ५॥ भगवं च रां उदाहु संतेगइया मणुस्सा भवंति, तंजहा-आरणिणया
आवसहिया गामणियंतिया कराहुई रहस्सिया, जेहिं समणोवासगस्स आया-
णसो आमरणांताए दंडे णिविखत्ते भवइ, णो बहुसंजया णो बहुपडिविरया
पाणभूयजीवसत्तेहिं, अप्पणा सच्चामोसाइं एवं एवं विउंजंति (विप्पडिवेदंति)
अहं ण हंतव्वो अन्ने हंतव्वा, जाव कालमासे कालं किच्चा अन्नयराइं
आसुरियाइं किंविस्सियाइं जाव उववत्तारो भवंति, तत्रो विप्पमुच्चमाणा

भुजो एलमुयत्ताए तमोख्वत्ताए पचायंति, ते पाणावि बुच्चंति जाव णो
 शेयाउए भवइ ६॥ भगवं च णां उदाहु संतेगइया पाणा दीहाउया जेहि
 समणोवासगस्स आयाणसो आमरणांताए जाव दंडे णिक्खित्ते भवइ, ते
 पुव्वामेव कालं करेंति, करित्ता पारलोइयत्ताए पचायंति, ते पाणावि
 बुच्चंति ते तमावि बुच्चंति ते महाकाया ते चिरट्ठिइया ते दीहाउया ते बहु-
 यरगा, जेहिं समणोवासगस्स सुपच्चक्खायं भवइ, जाव णो शेयाउए भवइ ७॥
 भगवं च णां उदाहु संतेगइया पाणा ममाउया जेहिं समणोवासगस्स आया-
 णसो आमरणांताए जाव दंडे णिक्खित्ते भवइ, ते मयमेव कालं करेंति
 करित्ता पारलोइयत्ताए पचायंति, ते पाणावि बुच्चंति तमावि बुच्चंति ते
 महाकाया ते समाउया ते बहुयरगा जेहिं समणोवासगस्स सुपच्चक्खायं
 भवइ, जाव णो शेयाउए भवइ ८॥ भगवं च णां उदाहु संतेगइया पाणा
 अप्पाउया, जेहिं समणोवासगस्स आयाणसो आमरणांताए जाव दंडे
 णिक्खित्ते भवइ, ते पुव्वामेव कालं करेंति करित्ता पारलोइयत्ताए पचायंति,
 ते पाणावि बुच्चंति ते तमावि बुच्चंति ते महाकाया ते अप्पाउया ते बहु-
 यरगा पाणा, जेहिं समणोवासगस्स सुपच्चक्खायं भवइ, जाव णो शेयाउए
 भवइ ९॥ भगवं च णां उदाहु संतेगइया समणोवासगा भवंति, तेसिं च णां
 एवं बुत्तपुव्वं भवइ-णो खलु वयं संचाएमो मुंडे भवित्ता जाव पव्वइत्ताए,
 णो खलु वयं संचाएमो चाउइसट्ठमुद्दिट्ठपुण्णमासिणीसु पडियुराणां पोसहं
 अणुपालित्ताए, णो खलु वयं संचाएमो अपच्छिदमं जाव विहरित्ताए, वयं च
 णां सामाइयं देसावगासियं पुरत्था पाईणां वा पडिणां वा दाहिणां वा उदीणां
 वा एतावता जाव सव्वपाणेहिं जाव सव्वसत्तेहिं दंडे णिक्खित्ते सव्वपाणभू-
 यजीवसत्तेहिं खेमंकरे अहमंसि, तत्थ आरेणां जे तसा पाणा जेहिं समणो-
 वासगस्स आयाणसो आमरणांताए दंडे णिक्खित्ते, तत्रो आउं विप्पजहंति
 विप्पजहित्ता तत्थ आरेणां चैव जे तसा पाणा जेहिं समणोवासगस्स

आयाणसो जाव तेसु पच्चायंति, जेहिं समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ १० । सूत्रं ७१॥
तत्थ आरेणं जे तसा पाणा जेहिं समणोवासगस्स आयाणसो आमरणंताए दंडे णिक्खित्ते ते तत्रो आउं विप्पजहंति विप्पजहिता तत्थ आरेणं चेव जाव थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते तेसु पच्चायंति, तेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते पाणावि वुच्चंति ते तसा ते चिरट्ठिइया जाव अयंपि भेदे से णो गोयाउए भवइ १ ॥ तत्थ जे आरेणं तसा पाणा जेहिं समणोवासगस्स आयाणसो आमरणंताए दंडे निक्खित्ते तत्रो आउं विप्पजहंति विप्पजहिता तत्थ परेणं जे तसा थावरा पाणा जेहिं समणोवासगस्स आयाणसो आमरणंताए दंडे निक्खित्ते ते जाव तेसु पच्चायंति, तेहिं समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ २ ॥ तत्थ जे आरेणं थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए निक्खित्ते ते तत्रो आउं विप्पजहंति विप्पजहिता तत्थ आरेणं चेव जे तसा पाणा जेहिं समणोवासगस्स आयाणसो आमरणंताए जाव तेसु पच्चायंति तेसु समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ ३ ॥ तत्थ जे ते आरेणं जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए णिक्खित्ते, ते तत्रो आउं विप्पजहंति विप्पजहिता ते तत्थ आरेणं चेव जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए णिक्खित्ते तेसु पच्चायंति, तेहिं समणोवासगस्स अट्ठाए अणट्ठाए ते पाणावि जाव अयंपि भेदे से णो गोयाउए भवइ ४॥ तत्थ जे ते आरेणं थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए णिक्खित्ते तत्रो आउं विप्पजहंति विप्पजहिता तत्थ परेणं जे तसथावरा पाणा जेहिं समणोवासगस्स

आयाणसो आमरणांताए जाव तेसु पच्चायंति तेहिं समणोवासगस्स सुपच्च-
 क्खायं भवइ, ते पाणावि जाव अयंपि भेदे से णो गेयाउए भवइ ५॥ तत्थ
 जे ते परेणं तसथावरा पाणा जेहिं समणोवासगस्स आयाणसो आमरणांताए
 जाव ते तथो आउं विप्पजहति विप्पजहत्ता तत्थ आरेणं जे तसा पाणा जेहिं
 समणोवासगस्स आयाणसो आमरणांताए जाव तेसु पच्चायंति, तेहिं समणो-
 वासगस्स सुपच्चक्खायं भवइ, ते पाणावि जाव अयंपि भेदे से णो गेयाउए भवइ
 ६ ॥ तत्थ जे ते परेणं तसथावरा पाणा जेहिं समणोवासगस्स आयाणसो आम-
 रणांताए जाव ते तथो आउं विप्पजहंति विप्पजहत्ता तत्थ आरेणं जे थावरा
 पाणा जेहिं समणोवासगस्स अट्ठाए दंडं अणिविस्सत्ते अणट्ठाए णिविस्सत्ते
 तेसु पच्चायंति, जेहिं समणोवासगस्स अट्ठाए अणिविस्सत्ते अणट्ठाए
 णिविस्सत्ते जाव ते पाणावि जाव अयंपि भेदे से णो गेयाउए भवइ ७ ॥
 तत्थ ते परेणं तसथावरा पाणा जेहिं समणोवासगस्स आयाणसो आमर-
 णांताए जाव ते तथो आउं विप्पजहंति विप्पजहत्ता ते तत्थ परेणं चेव जे
 तसथावरा पाणा जेहिं समणोवासगस्स आयाणसो आमरणांताए जाव तेसु पच्चा-
 यंति, जेहिं समणोवासगस्स सुपच्चक्खायं भवइ, ते पाणावि जाव अयंपि भेदे से
 णो गेयाउए भवइ = ॥ भगवं च णं उदाहु णं एतं भूयं ण एतं भव्वं ण एतं
 भविस्संति जराणं तसा पाणा वोच्छिज्जिहंति थावरा पाणा भविस्संति, थावरा
 पाणावि वोच्छिज्जिहंति तसा पाणा भविस्संति, अवोच्छिज्जन्नेहिं तसथावरेहि
 पाणेहि जराणं तुब्भे वा अन्नो वा एवं वदह-णत्थि णं से केइ
 परियाए जाव णो गेयाउए भवइ ८ ॥ सूत्रं ८० ॥ भगवं च णं उदाहु
 आउसंतो ! उदगा जे खलु समणं वा माहणं वा परिभासेइ मित्ति मन्नंति
 आगमित्ता णाणं आगमित्ता दंसणं आगमित्ता चरित्तं पावाणं कम्माणं
 अकरणायाए से खलु परलोगपलिमंथत्ताए चिट्ठइ, जे खलु समणं वा माहणं
 वा णो परिभासेइ मित्ति मन्नंति आगमित्ता णाणं आगमित्ता दंसणं

आगमिन्ना चरित्तं पावाणं कम्माणं अकरणायाए से खलु परलोगविसुद्धीए विट्ठइ, तए णं से उदए पेढालपुत्ते भगवं गोयमं अणाढायमाणे जामेव दिसिं पाउम्भूते तामेव दिसिं पहारेत्थ गमणाए १ ॥ भगवं च णं उदाहु आउसंतो उदगा ! जे खलु तहामूतस्स समणस्स वा माहणस्स वा अंतिए एगमवि आरियं धम्मियं सुवयणं सोच्चा निसम्म अप्पणो चेव सुहुमाए पडिलेहाए अणुत्तरं जोगखेमपयं लंभिए समाणे सोवि ताव तं आढाइ परिजाणेति वंदति नमंसति सक्कारेइ संमाणेइ जाव कल्लाणं मंगलं देवयं चेइयं पज्जुवासति २ ॥ तए णं से उदए पेढालपुत्ते भगवं गोयमं एवं वयासी-एतेसि णं भंते ! पदाणं पुब्बि अन्नाणयाए असवणयाए अबोहिए अणभिगमेणं अदिट्ठाणं असुयाणं अमुयाणं अविन्नायाणं अव्वोगडाणं अण्णिवूढाणं अविच्छिन्नाणं अणिसिट्ठाणं अणिवूढाणं अणुवहारियाणं एयमट्ठं णो सहहियं णो पत्तियं णो रोइयं, एतेसि णं भंते ! पदाणं एणिह जाणयाए सवणयाए बोहिए जाव उवहारणायाए एयमट्ठं सहहामि पत्तियामि रोएमि एवमेव से जहेयं तुब्भे वदह ३ ॥ तए णं भगवं गोयमे उदयं पेढालपुत्तं एवं वयासी-सह हाहि णं अज्जो ! पत्तियाहि णं अज्जो ! रोएहि णं अज्जो ! एवमेयं जह णं अम्हे वयामो, तए रां से उदए पेढालपुत्ते भगवं गोयमं एवं वयासी-इच्छामि णं भंते ! तुब्भं अंतिए चाउज्जामाओ धम्माओ पंचमहव्वइयं सपडिक्कमा धम्मं उवसंपज्जित्ताणं विहरित्तए ४ ॥ तए णं से भगवं गोयमे उदयं पेढालपु गहाय जेणेव समणे भगवं महावीरे तेणेव उवागच्छइ, उवागच्छइर तए णं से उदए पेढालपुत्ते समणं भगवं महावीरं तिक्खुत्तो आयाहि पयाहिर्गा करेइ, तिक्खुत्तो आयाहिर्गा पयाहिर्गा करित्ता वंदइ नमंसति, वं त्ता नमंसित्ता एवं वयासी- इच्छामि णं भंते ! तुब्भं अंतिए चाउज्जामाओ धम्माओ पंचमहव्वइयं सपडिक्कमा धम्मं उवसंपज्जित्ता णं विहरित्त ५ ॥ तए णं समणे भगवं महावीरे उदयं एवं वयासी- अहासुहं देवा

प्रिया ! मा पडिवंधं करेहि, तए सां से उदए पेदालपुत्ते समणस्स भगवथो
 महावीरस्स अंतिए चाउज्जामाथो धम्माथो पंचमहव्वइयं सपडिक्कमसां धम्मं
 उरसंपज्जित्ता सां विहारइ त्तिवेमि ६ ॥ सूत्रं ८१ ॥ इति नालंदइज्जं सुत्तमं
 अज्झयसां समत्तं । इति सूयगडांगवीरसुयक्खंधो समत्तो ॥ ग्रंथाग्रं ० २१०० ॥

। इति सप्तममध्ययनम् ॥२७॥ इति द्वितीयः श्रुतस्कन्धः ॥२॥

इति द्वितीयं सूत्रकृताङ्गम् ॥२॥



क्रमे देवासुरमणुयाणां तंसि २ समयंसि ॥सू० ४२॥ एगे नाणे, एगे दंसणे, एगे
 चरित्ते ॥सू० ४३॥ एगे समए ॥सू० ४४॥ एगे पएसे एगे परमाणू ॥सू० ४५॥
 एगा सिद्धी । एगे सिद्धे । एगे परिनिव्वाणे । एगे परिनिव्वुए ॥सू० ४६॥
 एगे सद्दे । एगे रूवे । एगे गंधे । एगे रसे । एगे फासे । एगे सुब्भिसद्दे । एगे
 दुब्भिसद्दे । एगे सुरूवे । एगे दुरूवे । एगे दीहे । एगे हस्से (रहस्से) । एगे
 वट्टे । एगे तंसे । एगे चउरंसे । एगे पिहुले । एगे परिमंडले । एगे किराहे ।
 एगे णीले । एगे लोहिए । एगे हलिद्दे । एगे सुक्किले । एगे सुब्भिमंधे । एगे
 दुब्भिमंधे । एगे तित्ते । एगे कडुए । एगे कसाए । एगे अंबिले । एगे महुरे । एगे
 कक्खडे जाव लुक्खे ॥सू० ४७॥ एगे पाणातिवाए जाव एगे परिग्गहे ।
 एगे कोधे जाव लोभे । एगे पेज्जे एगे दोसे जाव एगे परपरिवाए । एगा
 अरतिरती । एगे मायामोसे । एगे मिच्छेदंसणसल्ले ॥सू० ४८॥ एगे
 पाणाइवायवेरमणे जाव परिग्गहवेरमणे । एगे कोहविवेगे जाव मिच्छा-
 दंसणसल्लविवेगे ॥सू० ४९॥ एगा ओसप्पिणी । एगा सुसमसुसमा जाव एगा
 दुसमदुसमा । एगा उस्सप्पिणी एगा दुस्समदुस्समा जाव एगा सुसमसुसमा ।
 ॥सू० ५०॥ एगा नेरइयाणां वग्गणा एगा असुरकुमाराणां वग्गणा चउवीस-
 दंडओ जाव वेमाणियाणां वग्गणा । एगा भवसिद्धीयाणां वग्गणा एगा
 अभवसिद्धीयाणां वग्गणा एगा भवसिद्धिनेरइयाणां वग्गणा एगा अभवसि-
 द्धियाणां शोरतियाणां वग्गणा, एवं जाव एगा भवसिद्धियाणां वेमाणियाणां
 वग्गणा । एगा अभवसिद्धियाणां वेमाणियाणां वग्गणा । एगा सम्म-
 हिट्ठियाणां वग्गणा एगा मिच्छहिट्ठियाणां वग्गणा एगा सम्मामिच्छ-
 हिट्ठियाणां वग्गणा । एगा सम्महिट्ठियाणां शोरइयाणां वग्गणा एगा
 मिच्छहिट्ठियाणां शोरइयाणां वग्गणा एगा सम्ममिच्छहिट्ठियाणां शोरइयाणां
 वग्गणा, एवं जाव थणियकुमाराणां वग्गणा । एगा मिच्छादिट्ठियाणां
 पुदविकाइयाणां वग्गणा एवं जाव वणस्सइकाइयाणां । एगा सम्महिट्ठियाणां

वेइंदियारां वग्गणा एगा मिच्छद्दिट्ठियारां वेइंदियारां वग्गणा, एवं तेइंदि-
यारांपि चउरिंदियाणावि । सेसा जहा नेरइया जाव एगा सम्ममिच्छद्दिट्ठि-
यारां वेमाणियारां वग्गणा ॥ एगा कराहपक्खियारां वग्गणा, एगा सुक्क-
पक्खियारां वग्गणा, एगा कराहपक्खियारां गोरइयाणां वग्गणा, एगा सुक्क-
पक्खियारां गोरइयाणां वग्गणा, एवं चउवीस(मा)दंडयो भाणियव्वो । एगा
कराहलेसाणां वग्गणा एगा नीललेसाणां वग्गणा एवं जाव सुक्कलेसाणां
वग्गणा, एगा कराहलेसाणां नेरइयाणां वग्गणा जाव काउलेसाणां गोरइयाणां
वग्गणा, एवं जस्स जइ लेसाओ, भवणावइवाणमंतरपुढविआउवणस्सइकाइ-
याणां च चत्तारि लेसाओ तेउवाउवेइंदियतिइंदियचउरिंदियाणां तिन्नि
लेसाओ, पंचिंदियतिरिक्खजोणियारां मणुस्साणां हल्लेसाओ, जोतिसियाणां
एगा तेऊलेसा, वेमाणियाणां तिन्नि उवरिस्सलेसाओ । एगा कराहलेसाणां
भवसिद्धियाणां वग्गणा, एगा कराहलेसाणां अभवसिद्धियाणां वग्गणा एवं
छसुवि लेसासु दो दो पयाणि भाणियव्वाणि । एगा कराहलेसाणां
भवसिद्धियाणां गोरइयाणां वग्गणा एगा कराहलेसाणां अभवसिद्धियाणां
गोरइयाणां वग्गणा एवं जस्स जत्ति लेसाओ तस्स ततियाओ भाणि-
यव्वाओ जाव वेमाणियाणां । एगा कराहलेसाणां सम्मद्दिट्ठियाणां वग्गणा,
एगा कराहलेसाणां मिच्छद्दिट्ठियाणां वग्गणा, एगा कराहलेसाणां सम्मा-
मिच्छद्दिट्ठियाणां वग्गणा, एवं छसुवि लेसासु जाव वेमाणियाणां जेसिं
जदि दिट्ठीओ । एगा कराहलेसाणां कराहपक्खियारां वग्गणा, एगा कराह-
लेसाणां सुक्कपक्खियारां वग्गणा, जाव वेमाणियाणां जस्स जत्ति लेसाओ एए
अट्ठ चउवीसदंडया ॥ एगा तित्थसिद्धाणां वग्गणा, एवं जाव एगा एक-
सिद्धाणां वग्गणा एगा अणिकसिद्धाणां वग्गणा एगा पढमसमयसिद्धाणां
(अपढमसमयसिद्धाणां) वग्गणा एवं जाव अणांतसमयसिद्धाणां वग्गणा ॥ एगा
परमाणुपोग्गलाणां वग्गणा एवं जाव एगा अणांतपएसियाणां खंधाणां

वृक्षगणाः । एगाः एगपएसोगाद्वारां पोग्गलारां वग्गणा जावः एगा असंखेज्जं
 पएसोगाद्वारां पोग्गलारां वग्गणा । एगा एगसमयठितियाणां पोग्गलारां
 वग्गणा जावः असंखेज्जसमयठितियाणां पोग्गलारां वग्गणा । एगा एगगुण-
 कालगारां पोग्गलारां वग्गणा, जावः एगा असंखेज्जं । एगा अणंतगुण-
 कालगारां पोग्गलारां वग्गणा, एवं वग्गणा गंधारसा फासा भाणियव्वा
 जावः एगा अणंतगुणलुक्खारां पोग्गलारां वग्गणा । एगा जहन्नपएसियारां
 खंधारां वग्गणा । एगा उक्कस्सपएसियारां खंधारां वग्गणा । एगा अज-
 हन्नुक्कस्सपएसियारां खंधारां वग्गणा । एवं जहन्नोगाद्वाराणां उक्कोसोगा-
 द्वाराणां अजहन्नुक्कोसोगाद्वाराणां जहन्नठितियाणां उक्कस्सठितियाणां अज-
 हन्नुक्कोसठितियाणां जहणगुणकालगारां उक्कस्सगुणकालियाणां अजहन्नु-
 कस्सगुणकालगारां एवं वग्गणा गंधारसफासां वग्गणा भाणियव्वा जावः
 एगा अजहन्नुक्कस्सगुणलुक्खारां पोग्गलारां वग्गणा । सू० ५१॥
 एगे जंहुदीवे २॥ सव्वदीवेसमुदाणां जावः अद्धंगुलगां च किंचिविसेसाहिए
 परिकखेवेणं । सू० ५२॥ एगे समणे भगवं महावीरे इमीसे ओसप्पिणीए
 चउव्वीमांए तित्थेगाराणां चरमंतित्थयरे सिद्धे बुद्धे मुत्ते जावः सव्वद्वक्खप्पहीणे
 । सू० ५३॥ अणुत्तसेव्वाइयाणां देवाणां एगां रयणीं उड्ढंउव्वत्तेणं पन्नत्ता
 । सू० ५४॥ अदाणक्खत्ते एगतारे पन्नत्ते चित्ताणव्वत्ते एगतारे पं० साती-
 णव्वत्ते एगतारे पं० । सू० ५५॥ एगपेदेसोगाद्वारां पोग्गला अणंता पन्नत्ता
 एवमेगसमयठितिया एगगुणकालगा पोग्गला अणंता पन्नत्ता जावः एगगु-
 णलुक्खा पोग्गला अणंता पन्नत्ता । सू० ५६॥

एगद्वारां समत्तं

अथ द्वितीयं द्विस्थानकाख्यमध्ययनम्

जदत्थि (जहित्थं) णं लोणे तं सब्बं दुप्पञ्चोत्थारं (दुपडोत्थारं) तंजहा—
जीवच्चेव, अजीवच्चेव । तसे चैव थावरे चैव १, सजोणियच्चेव अजोणि-
यच्चेव २, सांउयच्चेव अणाउयच्चेव ३, सइंदियच्चेव, अणिदिण चैव ४,
सवेयगा चैव अवेयगा चैव ५, मरुवि चैव अरुवि चैव ६, सपोग्गला
चैव अपोग्गला चैव ७, संसारसमावन्नगा चैव अससारसमावन्नगा चैव
८, सासया चैव असमासया चैव ९, ॥ सू० ५७ ॥ आगासा चैव नोआ-
गासा चैव । धम्मे चैव अधम्मे चैव ॥ सू० ५८ ॥ बुधे चैव मोक्खे चैव
१ पुन्ने चैव पावे चैव २ आसवे चैव संवरे चैव ३ वेयणा चैव निज्जरा
चैव ४ ॥ सू० ५९ ॥ दो किरियाओ पन्नत्ताओ, तंजहा—जीवकिरिया
चैव अजीवकिरिया चैव (चिय) १, जीवकिरिया दुविहा पन्नत्ता, तंजहा—
सम्मत्तकिरिया चैव, मिच्छत्तकिरिया चैव २, अजीवकिरिया दुविहा पन्नत्ता,
तंजहा—इरियावहिया चैव संपराइगा चैव ३, दो किरियाओ पन्नत्ताओ
तंजहा—काइया चैव अहिगरणिया चैव ४, काइया किरिया दुविहा
पन्नत्ता तंजहा—अणुवरयकायकिरिया चैव, दुप्पउत्तकायकिरिया चैव ५,
अहिकरणिया किरिया दुविहा पन्नत्ता, तंजहा—सजोयणाधिकरणिया
चैव णिच्चत्तणाधिकरणिया चैव ६, दो किरियाओ पन्नत्ताओ तंजहा—
पाउसिया चैव पारियावणिया चैव ७, पाउसिया किरिया दुविहा पन्नत्ताओ
तंजहा—जीवपाउसिया चैव अजीवपाउमिया चैव ८, पारियावणिया
किरिया दुविहा पन्नत्ता तंजहा—सहत्थपारियावणिया चैव परहत्थपारिया-
वणिया चैव ९, दो किरियाओ पन्नत्ता तंजहा—पाणातिवायकिरिया चैव
अपन्नक्खाणकिरिया चैव १०, पाणातिवायकिरिया दुविहा पन्नत्ता तंजहा—
सहत्थपाणातिवायकिरिया चैव परहत्थपाणातिवायकिरिया चैव ११, अप-

चक्षुस्वाणकिरिया दुविहा पन्नत्ता तंजहा—जीवअपचक्षुस्वाणकिरिया चेव
 अजीवअपचक्षुस्वाणकिरिया चेव १२, दो किरियाओ पन्नत्ताओ तंजहा—
 आरंभिया चेव परिग्गहिया चेव १३, आरंभिया किरिया दुविहा पन्नत्ता
 तंजहा—जीवआरंभिया चेव अजीवआरंभिया चेव १४, एवं परिग्गहि-
 यावि १५, दो किरियाओ पन्नत्ताओ तंजहा—मायावत्तिया चेव मिच्छा-
 दंसणवत्तिया चेव १६, मायावत्तिया किरिया दुविहा पन्नत्ता तंजहा—आय-
 भाववंकणाता चेव परभाववंकणाता चेव १७, मिच्छादंसणवत्तिया किरिया
 दुविहा पन्नत्ता तंजहा—उणाइरित्तमिच्छादंसणवत्तिया चेव तच्चइरित्तमिच्छा-
 दंसणवत्तिया चेव १८, दो किरियाओ पन्नत्ताओ तंजहा—दिट्ठिया चेव
 पुट्ठिया चेव, १९, दिट्ठिया किरिया दुविहा पन्नत्ता तंजहा—जीवदिट्ठिया
 चेव अजीवदिट्ठिया चेव २०, एवं पुट्ठियावि २१, दो किरियाओ पन्नत्ताओ
 तंजहा—पाडुच्चिया चेव सामंतोवणिवाइया चेव २२, पाडुच्चिया किरिया
 दुविहा पन्नत्ता तंजहा—जीवपाडुच्चिया चेव अजीवपाडुच्चिया चेव २३, एवं
 सामंतोवणिवाइयावि २४, दो किरियाओ पन्नत्ताओ तंजहा—साहत्थिया चेव
 गेसत्थिया चेव २५, साहत्थियाकिरिया दुविहा पन्नत्ता तंजहा—जीवसाहत्थिया
 चेव अजीवसाहत्थिया चेव २६, एवं गेसत्थियावि २७, दो किरियाओ
 पन्नत्ताओ तंजहा—आणवणिया चेव वेयारणिया चेव २८, जहेव गेसत्थि-
 याओ २९—३०, दो किरियाओ पन्नत्ताओ तंजहा—अणाभोगवत्तिया चेव
 अणवकंखवत्तिया चेव ३१, अणाभोगवत्तिया किरिया दुविहा पन्नत्ता
 तंजहा—अणाउत्तआइयणाता चेव अणाउत्तपमज्जणाता चेव ३२, अणवकंख-
 वत्तिया किरिया दुविहा पन्नत्ता तंजहा—आयसरोरअणवकंखवत्तिया चेव
 परसरोरअणवकंखवत्तिया चेव ३३, दो किरियाओ पन्नत्ताओ तंजहा—
 पिज्जवत्तिया चेव दोसवत्तिया चेव ३४, पेज्जवत्तिया किरिया दुविहा पन्नत्ता
 तंजहा—मायावत्तिया चेव लोभवत्तिया चेव ३५, दोसवत्तिया किरिया दुविहा

पन्नत्ता तंजहा-कोहे चैव माणो चैव ३६, ॥सू० ६०॥ दुविहा गरिहा पन्नत्ता
तंजहा-माणसा वेगे (माणसावेगे) गरहति । वयसा वेगे गरहति । अहवा गरहा
दुविहा पन्नत्ता तंजहा-दीहं वेगे अद्धं गरहति, रहस्सं वेगे अद्धं गरहति
॥सू० ६१॥ दुविहे पच्चक्खाणो पन्नत्ते तंजहा-माणसा वेगे पच्चक्खाति वयसा वेगे
पच्चक्खाति, अहवा पच्चक्खाणो दुविहे पन्नत्ते तंजहा-दीहं वेगे अद्धं पच्चक्खाति
रहस्सं वेगे अद्धं पच्चक्खाति ॥सू० ६२॥ दोहिं ठाणोहिं संपन्ने अणगारे
अणादीयं अणवयग्गं दीहमद्धं चाउरंतसंसारकंतरं वीतिवतेज्जा, तंजहा-
विज्जाए चैव चरणोण चैव ॥सू० ६३॥ दो ठाणाइं अपरियाणित्ता आया
णो केवलिपन्नत्तं धम्मं लभेज्ज सवणयाए, तंजहा-आरंभे चैव परिग्गहे चैव
१, दो ठाणाइं अपरियादित्ता आया णो केवलं बोधिं बुज्जेज्जा तंजहा-आरंभे
चैव परिग्गहे चैव २, दो ठाणाइं अपरियाइत्ता आया नो केवलं मुंडे
भवित्ता आगाराओ अणगारियं पव्वइज्जा तंजहा-आरंभे चैव परिग्गहे चैव
३, एवं णो केवलं बंभचेरवासमावसेज्जा ४, णो केवलेणं संजमेणं संजमेज्जा ५,
नो केवलेणं संवरेणं संवरेज्जा ६, नो केवलमाभिणिवाहियणाणं उप्पाडेज्जा
७, एवं सुयनाणं ८ ओहिनाणं ९ मणपज्जवनाणं १० केवलनाणं ११
॥सू० ६४॥ दो ठाणाइं परियादित्ता आया केवलिपन्नत्तं धम्मं लभेज्ज
सवणयाए, तंजहा-आरंभे चैव परिग्गहे चैव, एवं जाव केवलनाणमुप्पाडेज्जा
॥सू० ६५॥ दोहिं ठाणोहिं आया केवलिपन्नत्तं धम्मं लभेज्ज सवणयाए तंजहा-
सोच्च चैव अभिसमेच्च चैव जाव केवलनाणं उप्पाडेज्जा ॥सू० ६६॥ दो समाओ
पन्नत्ताओ, तंजहा-ओसप्पिणी समा चैव उस्सप्पिणी समा चैव ॥सू० ६७॥
दुविहे उम्माए पन्नत्ताए तंजहा-जक्खावेसे चैव मोहणिज्जस्स चैव कम्मस्स
उदएणं, तत्थ णं जे से जक्खावेसे से णं सुहवेयतराए चैव सुहविमोयतराए
चैव, तत्थ णं जे से मोहणिज्जस्स कम्मस्स उदएणं से णं दुहवेयतराए चैव
दुहविमोयतराए चैव ॥सू० ६८॥ दो दंडा पन्नत्ता तंजहा-अट्ठादंडे

चैव, अण्टादंडे चैव, ॥ नेरइयाणं दो दंडा पन्नत्ता तंजहा-अट्टादंडे य,
 अण्टादंडे य, एव चउवीसा दंडयो जाव वेमाणियाणं ॥ सू ६६॥
 दुविहे दंसणो पन्नत्ते तंजहा-सम्मदंसणो चैव मिच्छादंसणो चैव १,
 सम्मदंसणो दुविहे पन्नत्ते तंजहा-णिसंगसम्मदंसणो चैव अभिगमसम्म-
 दंसणो चैव २, णिसंगसम्मदंसणो दुविहे पन्नत्ते तंजहा-पडिवाई चैव
 अपडिवाई चैव ३, अभिगमसम्मदंसणो दुविहे पन्नत्ते तंजहा-पडिवाई चैव
 अपडिवाई चैव ४, मिच्छादंसणो दुविहे पन्नत्ते तंजहा-अभिगमहियमिच्छा-
 दंसणो चैव ५, अभिगमहियमिच्छादंसणो चैव ६, अभिगमहियमिच्छादंसणो
 दुविहे पन्नत्ते तंजहा-सपज्जवसिते चैव अपज्जवसिते चैव ७, एवमणभिग-
 हितमिच्छादंसणोऽपि ७ ॥ सू ६७ ॥ दुविहे नाणो पन्नत्ते तंजहा-पच्चक्खे
 चैव परोक्खे चैव १, पच्चक्खे नाणो दुविहे पन्नत्ते तंजहा-केवलनाणो चैव
 नाकेवलनाणो चैव २, केवलनाणो दुविहे पन्नत्ते तंजहा-भवत्थकेवलनाणो
 चैव ३, सिद्धकेवलनाणो चैव ४, भवत्थकेवलनाणो दुविहे पन्नत्ते तंजहा-सजो-
 गिभवत्थकेवलनाणो चैव ५, अजोगिभवत्थकेवलनाणो चैव ६, सजोगिभव-
 त्थकेवलनाणो दुविहे पन्नत्ते तंजहा-पटमसमयसजोगिभवत्थकेवलनाणो चैव
 अपटमसमयसजोगिभवत्थकेवलनाणो चैव ७, अहवा चरिमसमयसजोगिभ-
 वत्थकेवलनाणो चैव ८, अचरिमसमयसजोगिभवत्थकेवलनाणो चैव ९, एव
 अजोगिभवत्थकेवलनाणोऽपि ७ ॥ सू ६८ ॥ सिद्धकेवलनाणो दुविहे पन्नत्ते तंजहा-
 अणंतरसिद्धकेवलनाणो चैव १०, परंपरसिद्धकेवलनाणो चैव ११, अणंतरसिद्ध-
 केवलनाणो दुविहे पन्नत्ते तंजहा-एकारांतरसिद्धकेवलनाणो चैव अणोकारा-
 न्तरसिद्धकेवलनाणो चैव १२, परंपरसिद्धकेवलनाणो दुविहे पन्नत्ते तंजहा-
 संकपरंपरसिद्धकेवलनाणो चैव अणोकरंपरसिद्धकेवलनाणो चैव १३, अणोक्-
 वलनाणो दुविहे पन्नत्ते तंजहा-ओहिणाणो चैव १४, ओणपज्जवणाणो चैव १५,
 ओहिणाणो दुविहे पन्नत्ते तंजहा-भवपचइए चैव खओवसमिण चैव १६,

दोगहं भवपच्चइए पन्नत्ते तंजहा--देवारां चैव नेरइयाणां चैव १४, दोगहं खओव-
समिए पन्नत्ते तंजहा—मणुस्सारां चैव पंचिंदियतिरिक्खजोणियारां चैव १५,
मणपज्जवणाणे दुविहे पन्नत्ते तंजहा--उज्जुमति चैव विउलमति चैव १६,
परोक्खे णाणे दुविहे पन्नत्ते, तंजहा--आभिणिबोहियणाणे चैव सुयनाणे चैव-
१७, आभिणिबोहियणाणे दुविहे पन्नत्ते तंजहा-सुयनिसिए चैव असुय-
निसिए चैव १८, सुयनिसिए दुविहे पन्नत्ते तंजहा--अत्थोग्गहे चैव
वंजणोग्गहे चैव १९, असुयनिसितेऽपि एमेव २०, सुयनाणे दुविहे पन्नत्ते
तंजहा—अंगपविट्ठे चैव अंगवाहिरे चैव २१, अंगवाहिरे दुविहे पन्नत्ते
तंजहा—आवस्सए चैव आवस्सयवइरित्ते चैव २२, आवस्सयवतिरित्ते दुविहे
पन्नत्ते तंजहा—कालिए चैव उक्कालिए चैव २३ ॥सू० ७१॥ दुविहे धम्मे
पन्नत्ते तंजहा—सुयधम्मे चैव चरित्तधम्मे चैव, सुयधम्मे दुविहे पन्नत्ते तंजहा-
सुत्तसुयधम्मे चैव, अत्थसुयधम्मे चैव, चरित्तधम्मे दुविहे पन्नत्ते तंजहा--अगार-
चरित्तधम्मे चैव अणगारचरित्तधम्मे चैव, दुविहे संजमे पन्नत्ते तंजहा—सराग-
संजमे चैव वीतरागसंजमे चैव, सरागसंजमे दुविहे पन्नत्ते तंजहा—सुहुमसंपराय-
सरागसंजमे चैव बादरसंपरायसरागसंजमे चैव, सुहुमसंपरायसरागसंजमे दुविहे
पन्नत्ते, तंजहा—पढमसमयसुहुमसंपरायसरागसंजमे चैव अपढमसमयसु०,
अथवा चरमसमयसु० अचरिमसमयसु०, अहवा सुहुमसंपरायसरागसंजमे
दुविहे पन्नत्ते तंजहा—संकिलेसमाणाए चैव विसुज्झमाणाए चैव, बादरसंपराय-
सरागसंजमे दुविहे पन्नत्ते तंजहा—पढमसमयबादर० अपढमसमयबादरसं०,
अहवा चरिमसमय० अचरिमसमय०, अहवा बायरसंपरायसरागसंजमे दुविहे
पन्नत्ते तंजहा—पडिवाति चैव अपडिवाति चैव, वीयरगसंजमे दुविहे पन्नत्ते
तंजहा--उवसंतकसायवीयरगसंजमे चैव खीणकसायवीयरगसंजमे चैव, उव-
संतकसायवीयरगसंजमे दुविहे पन्नत्ते तं जहा--पढमसमयउवसंतकसायवीत-
रागसंजमे चैव अपढमसमयउव०, अहवा चरिमसमयउव० अचरिमसमयउव०,

खीणकसायवीतरागसंजमे दुविहे पन्नत्ते तंजहा-छउमत्थखीणकसायवीयरग-
 संजमे चेव केवलखीणकसायवीयरगसंजमे चेव, छउमत्थखीणकसायवीयर-
 रागसंजमे दुविहे पन्नत्ते तंजहा-सयंबुद्धछउमत्थखीणकसाय० बुद्धबोहियछ-
 उमत्थ०, सयंबुद्धछउमत्थ० दुविहे पन्नत्ते तंजहा-पढमसमय० अपढमसमय०
 अहवा चरिमसमय० अचरिमसमय०, बुद्धबोहियछउमत्थखीण० दुविहे
 पन्नत्ते तंजहा-पढमसमय० अपढमसमय०, अहवा चरिमसमय० अचरिम-
 समय०, केवलखीणकसायवीतरागसंजमे दुविहे पन्नत्ते तंजहा-सजोगि-
 केवलखीणकसाय० संजमे अजोगिकेवल खीणकसायवीयरग०, सजोगि-
 केवलखीणकसायसंजमे दुविहे पन्नत्ते तंजहा-पढमसमय० अपढमसमय०, अहवा
 चरिमसमय० अचरिमसमय०, अजोगिकेवलखीणकसाय० संजमे दुविहे
 पन्नत्त तंजहा-पढमसमय० अपढमसमय० अहवा चरिमसमय० अचरिम-
 समय० ॥सू० ७२॥ दुविहा पुढविकाइया पन्नत्ता तंजहा-सुहुमा चेव
 वायरा चेव १, एवं जाव दुविहा वणस्सइकाइया पन्नत्ता तंजहा-सुहुमा चेव
 वायरा चेव ५, दुविहा पुढविकाइया पन्नत्ता तंजहा-पज्जत्तगा चेव अपज्जत्तगा
 चेव ६, एवं जाव वणस्सइकाइया १०, दुविहा पुढविकाइया पन्नत्ता तंजहा-
 परिणया चेव अपरिणया चेव ११, एवं जाव वणस्सइकाइया १५, दुविहा
 दब्बा पन्नत्ता तंजहा-परिणता चेव अपरिणता चेव १६, दुविहा पुढवि-
 काइया पन्नत्ता तंजहा-गतिसमावन्नगा चेव अगइसमावन्नगा चेव १७, एवं
 जाव वणस्सइकाइया २१, दुविहा दब्बा पन्नत्ता तंजहा-गतिसमावन्नगा चेव
 अगतिसमावन्नगा चेव २२, दुविहा पुढविकाइया पन्नत्ता तंजहा-अरांतरो-
 गाढा चेव परंपरोगाढा चेव २३, जाव दुविहा दब्बा पन्नत्ता तंजहा-अरांत-
 रोगाढा चेव परंपरोगाढा चेव २८ ॥सू० ७३॥ दुविहे काले पन्नत्ते
 तंजहा-ओसप्पिणीकाले चेव उम्सप्पिणीकाले चेव, दुविहे आगासे पन्नत्ते
 तंजहा-ओगागासे चेव अलोगागासे चेव, ॥सू० ७४॥ ओरइयारां दो

सरीरगा पन्नत्ता तंजहा-अब्भंतरगे चेव बाहिरगे चेव, अब्भंतरए कम्मए बाहिरए वेउव्विए, एवं देवाणां भाणियव्वं, पुढवीकाइयाणां, दो सरीरगा पन्नत्ता तंजहा-अब्भंतरगे चेव बाहिरगे चेव अब्भंतरगे कम्मए बाहिरगे ओरालियगे, जाव वणस्सइकाइयाणां, बेइंदियाणां दो सरीरा पन्नत्ता तंजहा-अब्भंतरए चेव बाहिरए चेव, अब्भंतरगे कम्मए, अट्ठिमंससोणितवद्धे बाहिरए ओरालिए, जाव अउरिंदियाणां, पंचिंदियतिरिखजोणियाणां दो सरीरगा पन्नत्ता तंजहा-अब्भंतरगे चेव बाहिरगे चेव, अब्भंतरगे कम्मए, अट्ठिमंससोणियराहारुद्धिरावद्धे बाहिरए ओरालिए, मणुस्साणवि एवं-चेव । विग्गहगइसमावन्नगाणां नेरइयाणां दो सरीरगा पन्नत्ता तंजहा-तेए चेव कम्मए चेव, निरन्तरं जाव वेमाणियाणां, नेरइयाणां दोहिं ठाण्हिं सरारूपत्ती सिया, तंजहा-रागेण चेव दोसेण चेव, जाव वेमाणियाणां, नेरइयाणां दुट्ठाण-निव्वतिए सरीरगे पन्नत्ते तंजहा-रागनिव्वत्तिए चेव, दोसनिव्वत्तिए चेव जाव वेमाणियाणां, दो काया पन्नत्ता तंजहा-तसकाए चेव थावरकाए चेव, तसकाए दुवित्ते पन्नत्ते तंजहा-भवसिद्धिए चेव अभवसिद्धिए चेव, एवं थावरकाएऽवि ॥सू० ७५॥ दो दिमाओ अभिगिज्झ कप्पति णिग्गंथाण वा णिग्गंथीण वा पव्वावित्तए-पाईणं चेव उदीणं चेव, एवं मुंडावित्तए सिक्खावित्तए उवट्ठावित्तए संभुजित्तए संवसित्तए सज्झायमुद्दिसित्तए सज्झायं समुद्दिसित्तए सज्झायमणु-जित्तए आलोइत्तए पडिक्कमित्तए निंदित्तए गरहित्तए विउट्ठित्तए विसोदित्तए अकरणायाए अब्भुट्ठित्तए आहारिहं पायच्छित्तं तवोकम्मं पडिवज्जित्तए, दो दिसातो अट्ठिगिज्झ कप्पति णिग्गंथाण वा गिग्गंथीण वा अपच्छिम्ममार-णंतियसंलेहणाजूसणाजूसियाणां भत्तपाणपडियाइम्बिखताणां पाओवगताणां कालं अणवकंखमाणाणां विहरित्तए, तंजहा-पाईणं चेव उदीणं चेव ॥सू० ७६॥

॥ द्विस्थानकाध्ययने-२ :: उद्देशकः २ ॥

जे देवा उड्डोववन्नगा कप्पोववन्नगा विमाणोववन्नगा चारोववन्नगा चार-
द्वितीया गतिरतिया गतिसमावन्नगा, तेसिणं देवाणं सता समितं जे पावे कम्मे
कज्जति तत्थगतावि एगतिया वेयणं वेदेंति अन्नत्थगतावि एगतिया वेयणं
वेदेंति, गोरइयाणं सता समियं जे पावे कम्मे कज्जति तत्थगतावि एगतिया
वेयणं वेदेंति अन्नत्थगतावि एगतिया वेयणं वेदेंति, जाव पंचेंदियतिरिक्ख-
जोणियाणं मणुस्साणं सता समितं जे पावे कम्मे कज्जति इहगतावि एग-
तिता वेयणं वेयंति अन्नत्थगतावि एगतिया वेयणं वेयंति, मणुस्सवज्जा सेसा
एकगमा ॥सू० ७७॥ नेरतिता दुगतिया दुयागतिया पन्नत्ता तंजहा-नेरइए
२ सु उववज्जमाणो मणुस्सेहितो वा पंचेंदियतिरिक्खजोणिएहितो वा
उववज्जेज्जा, से चेव णं से नेरइए गोरइयत्तं विप्पजहमाणो मणुस्सत्ताए वा
पंचेंदियतिरिक्खजोणियत्ताए वा गच्छेज्जा, एवं असुरकुमारावि, णवरं, से
चेव णं से असुरकुमारे असुरकुमारत्तं विप्पजहमाणो मणुस्सत्ताए वा तिरिक्ख-
जोणियत्ताए वा गच्छेज्जा, एवं सन्वदेवा, पुढविकाइया दुगतिया दुयाग-
तिया पन्नत्ता तंजहा-पुढवीकाइए पुढवीकाइएसु उववज्जमाणो पुढवीकाइएहितो
वा णोपुढवीकाइएहितो वा उववज्जेज्जा, से चेव णं से पुढविकाइए पुढवीका-
इयत्तं विप्पजहमाणो पुढवीकाइयत्ताए वा णोपुढवीकाइयत्ताए वा गच्छेज्जा, एवं
जाव मणुस्सा ॥सू० ७८॥ दुविहा नेरइया पन्नत्ता, तंजहा-भवसिद्धिया
चेव अभवसिद्धिया चेव, जाव वेमाणिया १ । दुविहा नेरइया पन्नत्ता
तंजहा-अणंतरोववन्नगा चेव परंपरोववन्नगा चेव जाव वेमाणिया २ ।
दुविहा गोरइया पन्नत्ता, तंजहा-गतिसमावन्नगा चेव अगतिसमावन्नगा चेव,
जाव वेमाणिया ३ । दुविहा नेरइया पन्नत्ता तंजहा-पढमसमओववन्नगा चेव
अपढमसमओववन्नगा चेव जाव वेमाणिया ४ । दुविहा नेरइया पन्नत्ता

तंजहा-आहारगा चेव अणाहारगा चेव, एवं जाव वेमाणिया ५ । दुविहा
 गोरइया पन्नत्ता तंजहा-उस्सासगा चेव णोउस्सासगा चेव, जाव वेमाणिया
 ६ । दुविहा नेरइया पन्नत्ता तंजहा-सइंदिया चेव अण्णिदिया चेव, जाव
 वेमाणिया ७ । दुविहा नेरइया पन्नत्ता तंजहा-पज्जत्तगा चेव अपज्जत्तगा
 चेव, जाव वेमाणिया ८ । दुविहा नेरइया पन्नत्ता तंजहा-सन्नि चेव असन्नि
 चेव, एवं पंचेदिया सव्वे विगल्लिदियवज्जा, जाव वाणमंतरा (वेमाणिया) ९ ।
 दुविहा नेरइया पन्नत्ता तंजहा-भासगा चेव अभासगा चेव, एवमेगिदियवज्जा
 सव्वे १० । दुविहा नेरइया पन्नत्ता तंजहा-सम्महिद्वीया चेव मिच्छहिद्वीया
 चेव, एगिंदियवज्जा सव्वे ११ । दुविहा नेरइया पन्नत्ता तंजहा-परित्तसं-
 सारिता चेव अणंतसंमारिया चेव, जाव वेमाणिया १२ । दुविहा नेरइया
 पन्नत्ता तंजहा-संखेज्जकालसमयट्ठितीया (संखेज्जकालट्ठिइया) चेव असंखेज्जकाल-
 समयट्ठितीया चेव, एवं पंचेदिया एगिंदियविगल्लिदियवज्जा जाव वाणमंतरा
 १३ । दुविहा नेरइया पन्नत्ता तंजहा-सुलभवोधिया चेव दुलभवोधिया चेव,
 जाव वेमाणिया १४ । दुविहा नेरइया पन्नत्ता तंजहा-करहपक्खिया चेव
 सुक्कपक्खिया चेव, जाव वेमाणिया १५ । दुविहा नेरइया पन्नत्ता तंजहा-
 चरिमा चेव अचरिमा चेव, जाव वेमाणिया १६ ॥सू० ७१॥ दोहिं ठण्णेहिं
 आया अधोलोगं जाणइ पासइ तंजहा-समोहतेणं चेव अप्पाणेणं आया
 अहेलोगं जाणइ पासइ, असमोहतेणं चेव अप्पाणेणं आया अहेलोगं
 जाणइ पासइ, आधोहिं समोहतासमोहतेणं चेव अप्पाणेणं आया अहेलोगं
 जाणइ पासइ एवं तिरियलोगं २ उड्डलोगं ३ केवलकण्णं लोगं ४ । दोहिं
 ठण्णेहिं आया अधोलोगं जाणइ पासइ तंजहा-विउव्वितेणं चेव अप्पाणेणं
 आता अधोलोगं जाणइ पासइ, अविउव्वितेणं चेव अप्पाणेणं आता अधो-
 लोगं जाणइ पासइ, आहोधि विउव्वियाविउव्वितेणं चेव अप्पाणेणं आता
 अधोलोगं जाणइ (पासइ) १, एवं तिरियलोगं २ उड्डलोगं ३ केवलकण्णं

लोगं ४ । दोहिं ठगोहिं आया सदाइं सुगोइ, तंजहा-देसेणवि आया सदाइं सुगोइ सव्वेणवि आया सदाइं सुगोति, एवं रुवाइं पासइ, गंधाइं अग्घाति, रसाइं आसादेति, फासाइं पडिसंवेदेति ५ । दोहिं ठगोहिं आया ओभासइ, तंजहा-देसेणवि आया ओभासइ सव्वेणवि आया ओभासति, एवं पभासति विकुब्बति परियारेति भासं भासति आहारेति परिणामेति वेदेति निज्जरेति ६ । दोहिं ठगोहिं देवे सदाइं सुगोइ, तंजहा-देसेणवि देवे सदाइं सुगोति, सव्वेणवि देवे सदाइं सुगोइ, जाव निज्जरेति १४ । मरुया देवा दुविहा पन्नत्ता तंजहा-एगसरीरे चेव विसरीरे चेव, एवं किन्नरा किंपुरिसा गंधव्वा णागकुमारा सुवन्नकुमारा अग्गिक्कुमारा वायुक्कुमारा =, देवा दुविहा पन्नत्ता तंजहा-एगसरीरे चेव विसरीरे चेव । ॥सू० ८०॥

॥ द्विस्थानकस्य द्वितोयोद्देशकः समाप्तः ॥२-२॥

॥ अध्ययन-२ उद्देशकः ३ ॥

दुविहे सद्दे पन्नत्ते तंजहा-भासासद्दे चेव णोभासासद्दे चेव, भासासद्दे दुविहे पन्नत्ते तंजहा-अक्खरसंवद्धे चेव नोअक्खरसंवद्धे चेव, णोभासामद्दे दुविहे पन्नत्ते तंजहा-आउज्जसद्दे चेव णोआउज्जसद्दे चेव, आउज्जसद्दे दुविहे पन्नत्ते तंजहा-तते चेव वितते चेव, तते दुविहे पन्नत्ते तंजहा-घणे चेव भुमिरे चेव, एवं विततेऽवि, णोआउज्जसद्दे दुविहे पन्नत्ते तंजहा-भूमणसद्दे चेव नोभूमणसद्दे चेव, णोभूमणसद्दे दुविहे पन्नत्ते तंजहा-तालसद्दे चेव लत्तिआसद्दे चेव, दोहिं ठगोहिं सद्दुप्पाते सिया, तंजहा-साहन्नं-ताणं चेव पुग्गलाणं सद्दुप्पाए सिया, भिज्जंताणं चेव पोग्गलाणं सद्दुप्पाए सिया ॥सू० ८१॥ दोहिं ठगोहिं पोग्गला साहरणंति, तंजहा-सइं वा पोग्गला साहन्नंति, परेण वा पोग्गला साहन्नंति १ । दोहिं ठगोहिं पोग्गला भिज्जंति तंजहा-सइं वा पोग्गला भिज्जंति परेण वा पोग्गला

भिज्जति २ । दोहिं अणोहिं पोग्गला परिसडंति, तंजहा-सइं वा पोग्गला परिसडंति परेण वा पोग्गला परिसाडिज्जंति ३ एवं परिवडंति ४ विद्धं-संति ५ । दुविहा पोग्गला पन्नत्ता तंजहा-भिन्ना चेव अभिन्ना चेव १, दुविहा पोग्गला पन्नत्ता तंजहा-भेउरधम्मा चेव नोभेउरधम्मा चेव २, दुविहा पोग्गला पन्नत्ता तंजहा-परमाणुपोग्गला चेव नोपरमाणुपोग्गला चेव ३, दुविहा पोग्गला पन्नत्ता तंजहा-सुहुमा चेव बायरा चेव ४, दुविहा पोग्गला पन्नत्ता तंजहा-बद्धपासपुट्टा चेव नोबद्धपासपुट्टा चेव ५, दुविहा पोग्गला पन्नत्ता, तंजहा-परियादितच्चेव अपरियादितच्चेव ६, दुविहा पोग्गला पन्नत्ता तंजहा-अत्ता चेव अणत्ता चेव ७, दुविहा पोग्गला पन्नत्ता तंजहा-इट्ठा चेव अणिट्ठा चेव ८, एवं कंता ९ पिरा १० मणुन्ना ११ मणामा १२, ॥सू० ८२॥ दुविहा सदा पन्नत्ता तंजहा-अत्ता चेव अणत्ता चेव, १ एवमिट्ठा जाव मणामा ६ । दुविहा रुवा पन्नत्ता तंजहा-अत्ता चेव अणत्ता चेव, जाव मणामा, एवं गंधा रसा फासा, एवमिक्किस्के छ आलावगा भाणियच्चा ॥सू० ८३॥ दुविहे आयारे पन्नत्ते तंजहा-णाणायारे चेव नोनाणायारे चेव १, नोनाणायारे दुविहे पन्नत्ते तंजहा-दंसणायारे चेव नोदंसणायारे चेव २, नोदंसणायारे दुविहे पन्नत्ते तंजहा-चरितायारे चेव नोचरितायारे चेव ३, नोचरितायारे दुविहे पन्नत्ते तंजहा-तवायारे चेव वीरियायारे चेव ४ । दो पडिमाओ पन्नत्ताओ तंजहा-समाहिपडिमा चेव उवहाणपडिमा चेव १, दो पडिमाओ पन्नत्ताओ तंजहा-विवेगपडिमा चेव विउसग्गपडिमा चेव २, दो पडिमाओ पन्नत्ताओ तंजहा-भइा चेव सुभइा चेव ३, दो पडिमाओ पन्नत्ताओ तंजहा-महाभइा चेव सव्वतोभइा चेव ४, दो पडिमाओ पन्नत्ताओ तंजहा-खुड्डिया चेव मोयपडिमा, महल्लिया चेव मोयपडिमा ५, दो पडिमाओ पन्नत्ताओ तंजहा-जवमज्झा चेव चंदपडिमा, वइरमज्झा चेव चंदपडिमा ६, दुविहे सामा-इए पन्नत्ते तंजहा-अगारसामाइए चेव अणगारसामाइए चेव ॥सू० ८४॥

दोरहं उववाए पन्नत्ते तंजहा-देवाण चैव नेरइयाण चैव १ दोरहं उव्वट्टणा
 पन्नत्ता तंजहा-गोरइयाण चैव भवणावासीण चैव २ दोरहं चयणो पन्नत्ते
 तंजहा-जोइसियाण चैव वेमाणियाण चैव ३ दोरहं गब्भवक्कती पन्नत्ता
 तंजहा-मणुस्साण चैव पंचेंदियतिरिक्खजोणियाण चैव ४ दोरहं गब्भत्थाणं
 आहारे पन्नत्ते तंजहा-मणुस्साण चैव पंचेंदियतिरिक्खजोणियाण चैव ५
 दोरहं गब्भत्थाणं बुद्धी पन्नत्ता तंजहा-मणुस्साण चैव पंचेंदियतिरिक्खजो-
 णियाण चैव ६ एवं निब्बुद्धी ७ विगुव्वणा ८ गतिपरियाए ९ समुग्घात्ते १०
 कालसंजोगे ११ आयाती १२ मरणो १३ दोरहं छविपव्वा (छवियत्ता) पन्नत्ता
 तंजहा-मणुस्साण चैव पंचेंदियतिरिक्खजोणियाण चैव १४ दो सुक्कसोणि-
 तसंभवा पन्नत्ता तंजहा-मणुस्सा चैव पंचेंदियतिरिक्खजोणिया चैव १५ दुविहा
 ठिनी पन्नत्ता तंजहा-कायट्ठिती चैव भवट्ठिती चैव १६ दोरहं कायट्ठिती पन्नत्ता
 तंजहा-मणुस्साण चैव पंचेंदियतिरिक्खजोणियाण चैव १७ दोरहं भवट्ठिती
 पन्नत्ता तंजहा-देवाण चैव नेरइयाण चैव १८ दुविहे आउए पन्नत्ते तंजहा-
 अच्चाउए चैव भवाउए चैव १९ दोरहं अच्चाउए पन्नत्ते तंजहा-मणुस्साण
 चैव पंचेंदियतिरिक्खजोणियाण चैव २० दोरहं भवाउए पन्नत्ते तंजहा-
 देवाण चैव गोरइयाण चैव २१ दुविहे कम्मे पन्नत्ते तंजहा-पदेसकम्मे चैव
 अणुभावकम्मे चैव २२ दो अहाउयं पालेंति तंजहा-देवच्चेव नेरइयच्चेव
 २३ दोरहं आउयसंवट्टए पन्नत्ते तंजहा-मणुस्साण चैव पंचेंदियतिरिक्खजोणि-
 याण चैव २४ ॥सू० ८५॥ जंबूदीवे दीवे मंदरस्स पव्वयस्स उत्तरदाहिणेणं दो
 वासा पन्नत्ता तंजहा-बहुसमतुल्ला अविसेसमणाणात्ता अन्नमन्नं णातिवट्ठंति
 आयामविक्खंभसंठाणपरिणाहेणं तंजहा-भरहे चैव एरवए चैव, एवमेणाम-
 हिलावेणं हिमवए चैव हेरन्नवत्ते चैव, हरिवासे चैव रम्मयवासे चैव, जंबूदीवे
 दीवे मंदरस्स पव्वयस्स पुरच्छिमपन्नत्थिमेणं दो खित्ता पन्नत्ता तंजहा-बहु-
 समतुल्ला अविसेस जाव पुव्वविदेहे चैव अवरदिदेहे चैव, जंबूमंदरस्स

पव्वयस्स उत्तरदाहिणेणं दो कुराओ पन्नत्ताओ तंजहा-बहुसमतुल्लाओ जाव देवकुरा चेव उत्तरकुरा चेव, तत्थ णं दो महतिमहालया महादुमा पन्नत्ता तंजहा-बहुसमतुल्ला अविसेसमणाणत्ता अन्नमन्नं णाड्वट्ठंति आया-मविक्ष्वंभुच्चतोव्वेहसंठाणपरिणाहेणं तंजहा-कूडसामली चेव जंबू चेव सुदं-सणा । तत्थं णं दो देवा महिड्डिया जाव महासोक्खा महेसक्खा पलिओ वमट्ठितीया परिवसन्ति, तंजहा-गरुले चेव वेणुदेवे अणाट्ठिते चेव जंबूदी-वाहिवती ॥सू० = ६॥ जंबूमंदरस्स पव्वयस्स य उत्तरदाहिणेणं दो वासहर-पव्वया पन्नत्ता तंजहा-बहुसमतुल्ला अविसेसमणाणत्ता अन्नमन्नं णातिवट्ठंति आयामविक्ष्वंभुच्चतोव्वेहसंठाणपरिणाहेणं, तंजहा-चुल्लहिमवंते चेव सिहरि-च्चेव, एवं महाहिमवंते चेव रुप्पिच्चेव, एवं णिसडे चेव णीलवंते चेव, जंबू-मंदरस्स पव्वयस्स उत्तरदाहिणेणं हेमवंतेरणावतेसु वासेसु दो वट्ठवेतड्ड-पव्वता पन्नत्ता तंजहा-बहुसमतुल्ला अविसेसमणाणत्ता जाव सदावाती चेव वियडावाती चेव, तत्थ णं दो देवा महिड्डिया जाव पलिओवमट्ठितीया परिवसन्ति तंजहा-साती चेव पभासे चेव, जंबूमंदरस्स उत्तरदाहिणेणं हरिवा-सरम्मतेसु वासेसु दो वट्ठवेयड्डपव्वया पन्नत्ता तंजहा-बहुसमतुल्ला जाव गंधा-वाती चेव मालवंतपरियाए चेव, तत्थ णं दो देवा महिड्डिया महजुईया चेव जाव पलिओवमट्ठितीया परिवसन्ति, तंजहा-अरुणे चेव पउमे चेव, जंबूमं-दरस्स पव्वयस्स दाहिणेणं देवकुराए पुव्वावरे पासे एत्थ णं आसक्खंधगसरिसा अद्धचंदसंठाणसंठिया (अवद्धचंदसंठाणसंठिया) दो ववखारपव्वया पन्नत्ता तंजहा-बहुसमा जाव सोमणासे चेव विज्जुप्पमे चेव, जंबूमंदरस्स पव्वयस्स उत्तरेण उत्तरकुराए पुव्वावरे पासे एत्थ णं आसक्खंधगसरिसा अद्धचंदसंठाणसंठिया दो ववखारपव्वया पन्नत्ता तंजहा-बहुं जाव गंधमायणे चेव मालवंते चेव, जंबूमंदरस्स पव्वयस्स उत्तरदाहिणेणं दो दीहवेयड्डपव्वया पन्नत्ता तंजहा-बहुसम-तुल्ला जाव भारहे चेव दीहवेयड्डे एरावते चेव दीहवेयड्डे, भारहए णं दीह-

वेंयड्ढे दो गुहायो पन्नत्तायो तंजहा-बहुसमतुल्लाओ अविसेसमणात्ताओ
 अन्नमन्नं गातिवट्टंति आयामविक्खंभुच्चत्तसंठाणपरिणाहेणं, तंजहा-तिमिसगुहां
 चेव खंडगप्पायगुहा चेव, तत्थ गां दो देवा महिड्डिया जाव पलियोवमट्ठितीया
 परिवसंति, तंजहा-कयमालए चेव नट्टमालए चेव, एरावयए गां दीहवेयड्ढे दो
 गुहायो पन्नत्ताओ तंजहा-बहुसमतुल्ला जाव कयमालए चेव नट्टमालए चेव ।
 जंबूमंदरस्स पव्वयस्स दाहिणोणं चुल्लहिमवंते वासहरपव्वए दो कूडा पन्नत्ता
 तंजहा-बहुसमतुल्ला जाव विक्खंभुच्चत्तसंठाणपरिणाहेणं, तंजहा-चुल्लहिमवं-
 तकूडे चेव वेसमणकूडे चेव, जंबूमंदरदाहिणोणं महाहिमवंते वासहरपव्वए दो
 कूडा पन्नत्ता तंजहा-बहुसमतुल्ला जाव महाहिमवन्तकूडे चेव वेसलि-
 यकूडे चेव, एवं निसडे वासहरपव्वए दो कूडा पन्नत्ता तंजहा-बहुसमतुल्ला
 जाव निसट्टकूडे चेव रुयंगप्पमे चेव । जंबूमंदरस्स पव्वयस्स उत्तरेणं नीलवंते
 वासहरपव्वए दो कूडा पन्नत्ता तंजहा-बहुसमतुल्ला जाव तंजहा-नीलवंतकूडे
 चेव उवदंसणकूडे चेव, एवं रुप्पिमि वासहरपव्वए दो कूडा पन्नत्ता तंजहा-
 बहुसमतुल्ला जाव तंजहा-रुप्पिकूडे चेव मणिकंचणकूडे चेव, एवं सिहरिमि
 वासहरपव्वते दो कूडा पन्नत्ता तंजहा-बहुसमतुल्ला जाव तंजहा-सिहरिकूडे
 चेव, तिगिंछिकूडे चेव ॥सू० ८७॥ जंबूमंदरस्स उत्तरदाहिणोणं चुल्लहिमवंत-
 सिहरीसु वासहरपव्वयेसु दो महद्दहा पन्नत्ता तंजहा-बहुसमतुल्ला अविसेस-
 मणात्ता अराणमराणं गातिवट्टंति, आयामविक्खंभउव्वेहसंठाणपरिणाहेणं,
 तंजहा-पउमद्दहे चेव पुंडरीयद्दहे चेव, तत्थ गां दो देवयाओ महिड्डियाओ
 जाव पलियोवमट्ठितीयाओ परिवसंति, तंजहा-सिरी चेव लच्छी चेव, एवं
 महाहिमवंतरुप्पीसु वासहरपव्वएसु दो महद्दहा पन्नत्ता तंजहा-बहुसमतुल्ला
 जाव तंजहा-महापउमद्दहे चेव महापुंडरीयद्दहे चेव, देवताओ हिरिच्चेव
 बुद्धिच्चेव, एवं निसट्टनीलवंतेसु तिगिंछिद्दहे चेव केसरिद्दहे चेव, देवताओ
 धिती चेव कितिच्चेव, जंबूमंदरस्स दाहिणोणं महाहिमवंताओ वासहरपव्व-

यात्रो महापउमइहात्रो (दहात्रो) दो महाणईत्रो पवहंति, तंजहा—
 रोहियच्चेव हरिकंतच्चेव, एवं निसदात्रो वासहरपव्वतात्रो तिगिंछिदहात्रो
 दो महानईत्रो पवहंति तंजहा—हरिच्चेव सीत्रोअच्चेव, जंबूमंदरस्स उत्तरेणं
 नीलवंतात्रो वासहरपव्वतात्रो केसरिदहात्रो दो महानईत्रो पवहंति, तंजहा—
 सीता चेव नारिकंता चेव, एवं रूपीत्रो वासहरपव्वतात्रो महापोंडरीयदहात्रो
 दो महानईत्रो पवहंति, तंजहा—णारकंता चेव रूपकूला चेव, जंबूमंदरदाहि-
 णेणं भरहे वासे दो पवायदहा पन्नत्ता तंजहा—बहुसमतुल्ला जाव तंजहा-गंगप्प-
 वातदहे चेव सिंधुप्पवायदहे चेव । एवं हिमवए वासे दो पवायदहा पन्नता
 तंजहा—बहुसमतुल्ला जाव तंजहा—रोहियप्पवातदहे चेव रोहियंसपवातदहे
 चेव, जंबूमंदरदाहिणेणं हरिवासे वासे दो पवायदहा पन्नता तंजहा—बहुसम-
 तुल्ला तंजहा—हरिपवातदहे चेव हरिकंतपवातदहे चेव, जंबूमंदरउत्तरदाहिणेणं
 महाविदेहवासे दो पवायदहा पन्नता बहुसमतुल्ला जाव सीअप्पवातदहे चेव
 सीतोदप्पवायदहे चेव, जंबूमंदरस्स उत्तरेणं रम्मए वासे दो पवायदहा पन्नता
 तंजहा—बहुसमतुल्ला जाव नरकंतप्पवायदहे चेव णारीकंतप्पवायदहे चेव,
 एवं हेरन्नवते वासे दो पवायदहा पन्नता तंजहा—बहुसमतुल्ला सुवन्नकूलप्प-
 वायदहे चेव रूपकूलप्पवायदहे चेव, जंबूमंदरउत्तरेणं एरवए वासे दो पवाय-
 दहा पन्नत्ता बहुसमतुल्ला जाव रत्तप्पवायदहे चेव रत्तावइप्पवायदहे चेव, जंबू-
 मंदरदाहिणेणं भरहे वासे दो महानईत्रो पन्नत्तात्रो बहुसमतुल्ला जाव गंगा चेव
 सिंधू चेव, एवं जथा पवातदहा एवं णईत्रो भाणियव्वात्रो, जाव एरवए वासे
 दो महानईत्रो पन्नत्तात्रो—बहुसमतुल्लात्रो जाव रत्ता चेव रत्तवती चेव॥सू० ८८॥
 जंबुदीवे २ भरहेरवएसु वासेसु तीताए उस्सप्पिणीए सुसमइसमाए समाए दो
 सागरोवमकोडाकोडीत्रो काले होत्था १। एवमिमीसे अ्रोसप्पिणीए जाव
 पन्नत्ते २। एवं आगमिस्साए उस्सप्पिणीए जाव भविस्सति ३। जंबुदीवे दीवे
 भरहेरवएसु वासेसु तीताए उस्सप्पिणीए सुसमाए समाए मणुया दो गाउयाइं

उद्धं उच्चतेणं होत्था ४। दोन्नि य पलिओवमां परमाउं पालइत्था ५। एवमि-
मीसे ओसप्पिणीए जाव पालयित्था ६। एवमागमेस्साते उस्सप्पिणीए जाव
पालिस्संति ७। जंबूदीवे दीवे भरहेरवएसु वासेसु एगसमये एगजुगे (एगजुगे
एगसमये) दो अरिहंतवंसा उप्पज्जिसु वा उप्पज्जंति वा उप्पज्जिस्संति वा ८।
एवं चक्कवट्ठिवंसा ९। दसारवंसा १०। जंबूभरहेरवएसु एगसमते दो अर-
हंता उप्पज्जिसु वा उप्पज्जंति वा उप्पज्जिस्संति वा ११। एवं चक्कवट्ठिणो १२।
एवं बलदेवा एवं वासुदेवा (दसारवंसा) जाव उप्पज्जिसु वा उप्पज्जंति वा
उप्पज्जिस्संति वा १३। जंबू० दोसु कुरासु मणुआ सया सुसमसुसममुत्तमिद्धिं
पत्ता पच्चणुब्भवमाणा विहरंति, तंजहा-देवकुराए चेव उत्तरकुराए चेव १४।
जंबूदीवे दीवे दोसु वासेसु मणुआ सया सुसमुत्तमं इद्धिं पत्ता पच्चणुब्भवमाणा
विहरंति तंजहा-हरिवासे चेव रम्मगवासे चेव १५। जंबूदीवे दीवे दोसु
वासेसु मणुआ सया सुसमदुममुत्तममिद्धिं पत्ता पच्चणुब्भवमाणा विहरंति तं-
जहा-हेमवए चेव एरन्नवए चेव १६। जंबूदीवे दीवे दोसु खित्तेसु मणुआ
सया दूसमसुसममुत्तममिद्धिं पत्ता पच्चणुब्भवमाणा विहरंति, तंजहा-पुब्बवि-
देहे चेव अवरविदेहे चेव १७। जंबूदीवे दीवे दोसु वासेसु मणुआ छव्विहंपि
कालं पच्चणुब्भवमाणा विहरंति, तंजहा-भरंह चेव एरवते चेव १८।
॥सू० ८१॥ जंबूदीवे दीवे दो चंदा पभासिसु वा पभासंति वा पभासिस्संति
वा, दो सूरिआ तविंसु वा तवंति वा तविस्संति वा, दो कत्तिया, दो रोहि-
णीओ, दो मगसिराओ, दो अद्दाओ, एवं भाणियव्वं । “कत्तियं रोहिणिं”
अमगसिरं अद्दा यं पुणव्वसू अं पूसो य । तत्तोऽवि अस्सलेसां महा य
दो ६-१० फग्गुणीओ य ॥१॥ १ हत्थो १२ चित्ता १३ साई १४ विसाहा तहय
होति १५ अणुराहा । १६ जेट्ठा १७ मूलो १८ पुब्बा य आसादा १९ उत्तरा चेव ॥२॥
२०-२१-२२ अभिईसवणधणिट्ठा २३ सयभिसया दो य होति २४-२५ भइवया । २६ रेवति
२७ अस्सिणि २८ भरणी नेतव्वा आणुपुब्बीए ॥३॥ एवं गाहाणुसारेणं शोयव्वं

जाव दो भरणीथो । दो अग्नी दो पयावती दो सोमा दो रुहा दो अदिती
दो बहस्सती दो सप्पी दो पीती दो भगा दो अज्जमा १० दो सविता
दो तट्टा दो वाऊ दो इंदग्गी दो मिता दो इंदा दो निरती दो आऊ दो
विस्सा दो बम्हा २० दो विराहू दो वसू दो वरुणा दो अया दो विविद्धी
दो पुस्सा दो अस्सा दो यमा २८ । दो इंगालगा दो वियालगा दो लोहि-
तक्खा दो सणिच्चरा दो आहुणिया दो पाहुणिया दो कणा दो कणगा दो
कणकणगा दो कणगविताणगा १० दो कणगमंताणगा दो सोमा दो
सहिया दो आसासणा दो कज्जोवगा दो कच्चडगा दो अयकरगा दो दुंदु-
भगा दो संखा दो संखवन्ना २० दां संखवन्नाभा दो कंसा ४० दो कंस-
वन्ना दो कंसवन्नाभा दो रुपी दो रुपभासा दो णीला दो णीलोभासा
दो भासा दो भासरासी ३० दो तिला दो तिलपुप्फवरणा ३० दो दगा दो
दगपंचवन्ना दो काका दो कक्कंधा दो इंदग्गी (वा) दो धूमकेऊ दो हरी दो
पिंगला ४० दो बुद्धा दो सुका दो बहस्सती दो राहू दो अगत्थी दो माण-
वगा दो कासा दो फासा दो धुरा दां पमुहा ५० दो वियडा दो विसंधी दो
नियल्ला दो पइल्ला दो जडियाइलगा दो अरुणा दो अग्गिल्ला दो काला दो
महाकालगा दो सोत्थिया ६० दो सोवत्थिया दो वद्धमाणगा (दो पूसस-
माणगा दो अंकुसा) दो पलंबा दो निच्चालोगा दो णिच्चुज्जोता दो सयंपभा
दो ओभासा दो सेयंकरा दो खेमंकरा दो आभंकरा ७० दो पभंकरा दो
अपराजिता दो अरया दो असोगा दो विगतसोगा दो विमला दो वितत्ता
दो वितत्था दो विसाला दो साला ८० दो सुव्वता दो अणियट्टा दो एगजडी
दो दुजडी दो करकरिगा दो रायग्गला दो पुप्फकेतू दो भावकेऊ ८८॥सू०
१०॥ जंबुदीवस्स णं दीवस्स वेइया दो गाउयाइं उद्धं उच्चत्तेणं पन्नत्ता । लवणे णं
समुद्दे दो जोयणसयसहस्साइं चक्कवालविक्खंभेणं पन्नत्ते । लवणस्स णं समुद्दस्स
वेतिया दो गाउयाइ उद्धं उच्चत्तेणं पन्नत्ता ॥सूत्रं ११॥ धायइसंडे दीवे पुर-

च्छिद्रमद्धेणं मंदरस्स पव्वयस्स उत्तरदाहिणेणं दो-वासा (पन्नत्ता) बहुसमतुल्ला जाव भरहे चैव एरवए चैव १। एवं जहा जंबुदीवे तहा एत्थवि भाणियव्वं जाव दोसु वासेसु मणुया छव्विहंपि कालं पच्चणुभयमाणा विहरंति, तंजहा-भरहे चैव एरवते चैव, णवरं कूडसामली चैव धायइरुक्खे चैव, देवा गरुले चैव वेणुदेवे सुदंसणे चैव २। धाततीसंडदीव-पच्चच्छिद्रमद्धे णं मंदरस्स पव्वय-स्स उत्तरदाहिणेणं दो वासा पन्नत्ता बहुसमतुल्ला जाव भरहे चैव एरवए चैव जाव छव्विहंपि कालं पच्चणुभयमाणा विहरंति भरहे चैव एरवए चैव, णवरं कूडसामली चैव महाधायतीरुक्खे चैव, देवा थरुले चैव वेणुदेवे पिय-दंसणे चैव ३। धायइसंडे णं दीवे दो भरहाइं दो एरवयाइं दो हेमवयाइं दो हेरन्नवयाइं दो हरिवासाइं दो रम्मगरामाइं दो पुव्वविदेहाइं दो अवरविदेहाइं दो दवकुराओ दो दवकुरुमहदुमा १० दो देवकुरुमहदुमवासी देवा दो उत्तरकुराओ दो उत्तरकुरुमहदुमा दो उत्तरकुरुमहदुमवासी देवा दो चुल्लहिमवंता दो महा-हिमवंता दो निसहा दो नीलवंता दो रुप्पी दो सिहरी (२०) दो सहावाती दो सहावातवासी साती देवा दो वियडावाती दो वियडावातिवासी पभासा देवा दो गंधावाती दो गंधावातिवासी अरुणा देवा दो मालवंतपरियागा दो मालवंतपरियागावासी पउमा देवा दो मालवंता दो चित्तकूडा (३०) दो पम्ह-कूडा दो नल्लिणकूडा दो एगसेला दो तिकूडा दो वेसमणकूडा दो अंजणा दो मातंजणा दो सोमणसा दो विज्जुप्पमा दो अंकावती (४०) दो पम्हावती दो आसीविसा दो सुहावहा दो चंदपव्वता दो सूरपव्वता दो णागपव्वता दो देवपव्वया दो गंधमायणा दो उसुगारपव्वया दो चुल्लहिमवंतकूडा (५०) दो वेसमणकूडा दो महाहिमवंतकूडा दो वेरुलियकूडा दो निसहकूडा दो रुयगकूडा दो नीलवंतकूडा दो उवदंसणकूडा दो रुप्पिकूडा दो मणिकंचण-कूडा दो सिहरिकूडा (६०) दो तिगिच्छिकूडा दो पउमदहा दो पउम-दहवासिणीओ सिरीदेवीओ दो महापउमदहा दो महापउमदहवासिणीओ

हिरीतो देवीयो (६५) एवं जाव दो पुं डरीयइहाँ दो पोंडरीयइहवासिणीयो
लच्छीदेवीयो, दो गंगात्रायदहा जाव दो रत्तवतिपवातइहा दो रोहियायो
(७०) जाव दो रूपकूलातो दो गाहवतीयो दो दहवतीयो दो पंकवतीयो
वेगवतीयो दो तत्तजलायो दो मत्तजलायो दो उम्मत्तजलायो दो खीरो-
यायो खारोदायो दो सीहसीयासोतायो दो अंतोवाहिणीयो (८०) दो
उम्मिमालिणीयो दो फेणगंभीरमालिणीयो दो गंभीरफेणमालिणीयो दो
कच्छा दो सुकच्छा दो महाकच्छा दो कच्छगावती दो आवत्ता दो
मंगलावत्ता दो पुक्खला (१०) दो पुक्खलावई दो वच्छा दो सुवच्छा दो
महावच्छा दो वच्छगावती दो रम्मा दो रम्मगा दो रमणिजा दो मंगलावती
दो पम्हा (१००) दो सुपम्हा दो महपम्हा दो पम्हागावती दो संखा दो
णलिणा दो कुमुया दो स(ण)लिला(णा)वती दो वप्पा दो सुवप्पा दो महा-
वप्पा (११०) दो वप्पागावती दो वग्गू दो सुवग्गू दो गंधिला दो गंधिलावती
३२ दो खेमायो दो खेमपुरीयो दो रिट्ठाओ दो रिट्ठपुरीओ दो खग्गीतो
(१२०) दो मंजुसाओ दो ओसधीओ दो पोंडरिगिणीओ दो सुमीमाओ
दो कुंडलाओ दो अपराजियाओ दो पभंकराओ दो अंकावईओ दो पम्हा-
वईओ दो सुभाओ (१३०) दो रयणसंचयाओ दो आसंपुराओ दो सीह-
पुराओ दो महापुराओ दो विजयपुराओ दो अपराजिताओ दो अवराओ
दो असोयाओ दो विगयसोगाओ दो विजयातो (१४०) दो वेजयंतीओ दो
जयंतीओ दो अपराजियाओ दो चक्रपुराओ दो खग्गपुराओ दो अवज्झाओ
दो अउज्झाओ ३२ दो भइसालवणा दो रांदणवणा दो सोमणसवणा (१५०)
दो पंडगवणाइं दो पंडुकंबलसिलाओ दो अतिपंडुकंबलसिलाओ दो रत्त-
कंबलसिलाओ दो अइरत्तकंबलसिलाओ दो मंदरा दो मंदरचूलिताओ
(१५७) धायतिसंडस्स णं दीवस्स वेदिया दो गाउयाइं उट्टमुच्चत्तेणं पन्नत्ता
५। (सूत्रं १२) कालोदस्स णं समुहरस्स वेइया दो गाउयाइं उट्ठं उच्चत्तेणं

पन्नत्ता १। पुक्खरवरदीवङ्कपुरच्छिमद्धेणं मंदरस्स पव्वयस्स उत्तरदाहिणोणं दो
 वासा पन्नत्ता बहुसमतुल्ला जाव भरहे चैव एरवण चैव तहेव जाव दो कुराओ
 पन्नत्ताओ देवकुरा चैव उत्तरकुरा चैव २। तत्थ णं दो महतिमहालता महद्दुमा
 पन्नत्ता तंजहा-कूडसामली चैव पउमरुक्खे चैव, देवा गरुले चैव वेणुदेवे
 पउमे चैव, जाव छव्विहंपि कालं पच्चणुभवमाणा विहरंति ३। पुक्खरवरदीवङ्क-
 पच्चच्छिमद्धे णं मंदरस्स पव्वयस्स उत्तरदाहिणोणं दो वासा पन्नत्ता तंजहा-
 तहेव णाणत्तं कूडसामली चैव महापउमरुक्खे चैव, देवा गरुले चैव वेणुदेवे
 पुंडरीण चैव ४। पुक्खरवरदीवङ्के णं दीवे दो भरहाइं दो एरवयाइं
 जाव दो मंदरा दो मंदरचूलियाओ ५। पुक्खरवरस्स णं दीवस्स वेइया
 दो गाउयाइं उड्डमुच्चत्तेणं पन्नत्ता ६। सव्वेसिंपि णं दीवसमुद्दाणं वेदि-
 याओ दो गाउयाइं उड्डमुच्चत्तेणं पराणत्ताओ ७ (सू० १३)। दो असुर-
 कुमारिंदा पन्नत्ता, तं जहा-चमरे चैव बली चैव १ दो णागकुमारिंदा
 पराणत्ता, तंजहा-धरणो चैव भूयाणंदे चैव २। दो सुवन्नकुमारिंदा पन्नत्ता
 तंजहा-वेणुंदेवे चैव वेणुदाली चैव ३। दो विज्जुकुमारिंदा पन्नत्ता तंजहा-
 हरिच्चैव हरिस्सहे चैव ४। दो अग्गिकुमारिंदा पन्नत्ता तंजहा-अग्गिसिहे
 चैव अग्गिमाणवे चैव ५। दो दीवकुमारिंदा पन्नत्ता तंजहा-पुन्ने चैव विसिट्ठे
 चैव ६। दो उदहिकुमारिंदा पन्नत्ता तंजहा-जलकंते चैव जलप्पमे चैव ७।
 दो दीसाकुमारिंदा पन्नत्ता तंजहा-अमियगती चैव अमितवाहणे चैव ८ दो
 वातकुमारिंदा पन्नत्ता तंजहा-वेलंबे चैव पभंजणे चैव ९। दो थणियकुमा-
 रिंदा पन्नत्ता तंजहा-घोसे चैव महाघोसे चैव १०। दो पिसाइंदा पन्नत्ता-
 तंजहा-काले चैव महाकाले चैव ११। दो भूइंदा पन्नत्ता तंजहा-सुरूवे
 चैव पडिरूवे चैव १२। दो जक्खिंददा पन्नत्ता, तंजहा-पुन्नभहे चैव माणि-
 भहे चैव १३। दो रक्खसिंददा पन्नत्ता तंजहा-भीमे चैव महाभीमे चैव १४।
 दो किन्नरिंदा पन्नत्ता, तंजहा-किन्नरे चैव किंपुरिसे चैव १५। दो किंपुरि-

सिंदा पन्नत्ता तंजहा-सप्पुरिसे चैव महापुरिसे चैव १६ । दो महोरगिंदा पन्नत्ता तंजहा-अतिकाए चैव महाकाए चैव १७ । दो गंधर्विदा पन्नत्ता तंजहा-गीतरती चैव गीयजसे चैव १८ । दो अणपन्निदा पन्नत्ता तंजहा-संनिहिए चैव सामराणे चैव १९ । दो पणपन्निदा पन्नत्ता तंजहा-धाए चैव विहाए चैव २० । दो इसिवाइंदा पन्नत्ता तंजहा-इसिच्चेव इसिवाले चैव २१ । दो भूतवाइंदा पन्नत्ता, तंजहा-इस्सरे चैव महिस्सरे चैव २२ । दो कंदिंदा पन्नत्ता तंजहा-सुवच्छे चैव विसाले चैव २३ । दो महाकंदिंदा पन्नत्ता तंजहा-हस्से चैव हस्सरती चैव २४ । दो कुभंडिंदा पन्नत्ता तंजहा-सेए चैव महासेए चैव २५ । दो पतइंदा पन्नत्ता तंजहा-पतए चैव पतयवई चैव २६ । जोइसियाणं देवाणं दो इंदा पन्नत्ता तंजहा-चंदे चैव सूरे चैव २७ । सोहम्मीसाणेसु णं कप्पेसु दो इंदा पन्नत्ता तंजहा-सक्के चैव ईसाणे चैव २८ । एवं सणकुमारमाहिंदेसु कप्पेसु दो इंदा पन्नत्ता तंजहा-सणकुमारे चैव माहिंदे चैव २९ । बंभलोगलंतएसु णं कप्पेसु दो इंदा पन्नत्ता तंजहा-बंभे चैव लंतए चैव ३० । महासुकसहस्सारेसु णं कप्पेसु दो इंदा पन्नत्ता तंजहा-महासुकके चैव सहस्सारे चैव ३१ । आणयपाणतारणच्चुतेसु णं कप्पेसु दो इंदा पन्नत्ता तंजहा-पाणते चैव अच्चुते चैव ३२ । महासुकसहस्सारेसु णं कप्पेसु विमाणा दुवराणा पन्नत्ता तंजहा-हालिहा चैव सुकिर्ला चैव ३३ । गोविज्जगाणं देवा णं दो रयणीयो उद्धमुच्चतेणं पन्नत्ता ३४ ॥सू० ६४॥

॥ इति द्वितीयस्थाने तृतीयोद्देशकः समाप्तः ॥ २-३ ॥

॥ अथ द्वितीयस्थाने चतुर्थोद्देशकः ॥

समयाति वा आवलियाति वा जीवाति या अजीवाति या पवुच्चति १,
 आणापाणाति वा थोवेति वा जीवाति या अजीवाति या पवुच्चति २,
 खणाति वा लवाति वा जीवाति या अजीवाति या पवुच्चति ३, एवं मुहु-
 त्ताति वा अहोरत्ताति वा ४, पक्खाति वा मासाति वा ५, उडूति वा अय-
 णाति वा ६, संवच्छराति वा जुगाति वा ७, वाससयाति वा वासमहस्साइ
 वा ८, वाससतमहस्साइ वा वासकोडीइ वा ९, पुव्वंगाति वा पुव्वाति वा
 १०, तुडियंगाति वा तुडियाति वा ११, अडडंगाति वा अडडाति वा
 १२, अव्वंगाति वा अववाति वा १३, हूहूअंगाति वा हूहूयाति वा
 १४, उप्पलंगाति वा उप्पलाति वा १५, पउमंगाइ वा पउमाति वा १६,
 णालिणंगाति वा णालिणाति वा १७, अच्छणिकुरंगाति वा अच्छणिउराति
 वा १८, अउअंगाति वा अउआति वा १९, णउअंगाति वा णउआति वा
 २०, पउतंगाति वा पउताति वा २१, चूलितंगाति वा चूलिताति वा २२,
 सीसपहेलियंगाति वा सीसपहेलियाति वा २३, पलिओवमाति वा सागरो-
 वमाति वा २४, उस्सप्पिणीति वा ओसप्पिणीति वा जीवाति या अजीवाति
 या पवुच्चति २५, १। गामाति वा णगराति वा निगमाति वा रायहाणीति
 वा २। खेडाति वा कच्चडाति वा ३। मडवाति वा दोणमुहाति वा ४। पट्ट-
 णाति वा आगराति वा ५। आसमाति वा संवाहाति वा ६। संनिवेसाइ वा
 घोसाइ वा ७। आरामाइ वा उज्जाणाति वा ८। वणाति वा वणसंडाति वा
 ९। वावीइ वा पुक्खरणीति वा १०। सराति वा सरपंतीति वा ११। अग-
 डाति वा तलागाति वा १२। दहाति वा णदीति वा १३। पुढवीति वा उद-
 हीति वा १४। वातखंधाति वा उवासंतराति वा १५। वलताति वा विग्ग-
 हाति वा १६। दीवाति वा समुद्दाइ वा १७। वेलाति वा वेतीताति वा १८।

दाराति वा तोरणाति वा १६ । शेरतिताति वा शेरतितावासाति वा जाव
वेमाणियाइ वा वेमाणियावासाति वा ४३ । कप्पाति वा कप्पविमाणावासाति
वा ४४ । वासाति वा वासधरपञ्चताति वा ४५ । कूडाति वा कूडगाराति वा
४६ । विजयाति वा रायहाणीइ वा जीवाति या अजीवाति या पबुच्चति
४७, २ । छाताति वा आतवाति वा, दोसिणाति वा अंधगाराति वा, ओमा-
णाति वा उम्माणाति वा, अतिताणगिहाति वा उज्जाणगिहाति वा, अदलिं-
नाति वा सणिप्पवाताति वा जीवाति या अजीवाति या पबुच्चइ ३ । दो रासी
पन्नत्ता तंजहा—जीवरासी चेव अजीवरासी चेव ४ ॥ सूत्रं १५ ॥ दुविहे बंधे
पन्नत्ते तंजहा—पेज्जबंधे चेव दोसबंधे चेव १ । जीवाणं दोहिं ठाणेहिं पावं कम्मं
बंधंति तंजहा—रागेण चेव दोसेण चेव २ । जीवा णं दोहिं ठाणेहिं पावं
कम्मं उदीरेंति, तंजहा—अब्भोवगमिताते चेव वेतणाते, उवक्कमिताते चेव
वेयणाते ३ । एवं वेदेंति एवं णिज्जरेति—अब्भोवगमिताते चेव वेयणाते उवक्क-
मिताते चेव वेयणाते ४ ॥ सूत्रं १६ ॥ दोहिं ठाणेहिं आता सरीरं फुसित्ताणं
णिज्जाति, तंजहा—देसेणवि आता सरीरं फुसित्ताणं णिज्जाति, सव्वेणवि
आया सरीरं फुसित्ताणं णिज्जाति १ । एवं फुरित्ताणं एवं फुडित्ता एवं संव-
ट्टित्ता एवं निव्वट्टित्ता २ ॥ सूत्रं १७ ॥ दोहिं ठाणेहिं आता केवलपन्नत्तं
धम्मं लभेज्जा सवणाताते, तंजहा—खतेण चेव उवसमेण चेव १ । एवं
जाव मणपज्जवनाणं उप्पाडेज्जा तंजहा—खतेण चेव उवसमेण चेव २ ।
॥ सूत्रं १८ ॥ दुविहे अद्धोवमिणं पन्नत्ते तंजहा—पलिओवमे चेव सागरोवमे
चेव, से किं तं पलिओवमे ?, पलिओवमे—जं जोयणाविच्छिन्नं, पल्लं
एगाहियप्परुद्धाणं । होज्ज निरंतरणिचितं भरितं वालग्गकोडीणं ॥ १ ॥
वाससए वामसए एक्केक्के अवहडंमि जो कालो । सो कालो
बोद्धव्वो उवमा एगस्स पल्लस्स ॥ २ ॥ एएसिं पल्लाणं कोडाकोडी हवेज्ज
दसगुणिता । तं सागरोवमस्स उ एगस्स भवे परीमाणं ॥ ३ ॥ सू० १९ ॥

दुविहे कोहे पन्नत्ते तंजहा-आयपइट्टिते चेव परपइट्टिए चेव, एवं नेरइयाणं जाव वेमाणियाणं, एवं जाव मिच्छादंसणसल्ले ॥सू० १००॥ दुविहा संसारसमा-
 वन्नगा जीवा पन्नत्ता तंजहा-तसा चेव थावरा चेव १। दुविहा सब्वजीवा पन्नत्ता
 तंजहा-सिद्धा चेव अमिद्धा चेव २। दुविहा सब्वजीवा पराणत्ता तंजहा-
 सइंदिया चेव अणिंदिया चेव ३। एवं एसा गाहा फासेतन्वा जाव ममरीरी
 चेव असरीरी चेव ४। 'सिद्धसइंदियकाए जोगे वेए कमाय लेसा य । णाणु-
 वओगाहारे भासग चरिमे य समरीरी ॥ १ ॥' ॥सू० १०१॥
 दो मरणाइं समणोणं भगवता महावीरेणं समणाणं णिग्गंथाणं णो णिच्चं
 वन्नियाइं णो णिच्चं कित्तियाइं णो णिच्चं बुइयाइं (पुइयाइं) णो णिच्चं
 पसत्थाइं णो णिच्चं अब्भणुन्नायाइं भवंति, तंजहा-वलायमरणो चेव वसट्ठ-
 मरणो चेव १ एवं णियाणमरणो चेव तव्वमरणो चेव २ गिरिपडणो
 चेव तरुपडणो चेव ३ जलप्पवेसे चेव जलणप्पवेसे चेव ४ विस-
 भक्खणो चेव सत्थोवाडणो चेव ५, १। दो मरणाइं जाव णो णिच्चं
 अब्भणुन्नायाइं भवंति, कारणेण पुण अण्णडिकुट्ठाइं, तंजहा-वेहाणसे चेव
 गिद्धपट्ठे चेव ६, २। दो मरणाइं समणोणं भगवता महावीरेणं समणाणं
 निग्गंथाणं णिच्चं वन्नियाइं जाव अब्भणुन्नायाइं भवंति, तंजहा-पाओवगमणो
 चेव भत्तपच्चक्खणो चेव ७, ३। पाओवगमणो दुविहे पन्नत्ते तंजहा-णीहा-
 रिमे चेव अनीहारिमे चेव णियमं अपडिकमे ८, ४। भत्तपच्चक्खणो दुविहे
 पन्नत्ते तंजहा-णीहारिमे चेव अणीहारिमे चेव, णियमं सपडिकमे ९, ५॥ सू०
 १०२॥ के अयं लोगे ?, जीवच्चेव अजीवच्चेव, के अणंता लोए ?,
 जीवच्चेव अजीवच्चेव, के सासया लोगे ?, जीवच्चेव अजीवच्चेव ॥सू०
 १०३॥ दुविहा बोधी पन्नत्ता तंजहा-णाणवोधी चेव दंसणवोधी चेव,
 दुविहा बुद्धा पन्नत्ता तंजहा-णाणबुद्धा चेव दंसणबुद्धा चेव, एवं मोहे, मूढा
 ॥ सू० १०४॥ गाणावरणिज्जे कम्मे दुविहे पन्नत्ते तंजहा-देसणावर-

णिज्जे चेव सव्वणाणावरणिज्जे चेव १। दरिसणावरणिज्जे कम्मे एवं चेव
 २। वेयणिज्जे कम्मे दुविहे पन्नत्ते तंजहा-मातावेयणिज्जे चेव असातावेय-
 णिज्जे चेव ३। मोहणिज्जे कम्मे दुविहे पन्नत्ते तंजहा-दंसणमोहणिज्जे चेव
 चरित्तमोहणिज्जे चेव ४। आउए कम्मे दुविहे पन्नत्ते तंजहा-अद्धाउए चेव
 भवाउए चेव ५। णामे कम्मे दुविहे पन्नत्ते तंजहा-सुभणामे चेव असुभणामे चेव
 ६। गोत्ते कम्मे दुविहे पन्नत्ते तंजहा-उच्चागोत्ते चेव णीयागोत्ते चेव ७। अंत-
 राइए कम्मे दुविहे पन्नत्ते तंजहा-पडुच्चुपन्नविणासिए चेव पिहितआगामिपहं
 (आगामिपहं, आयसपहं) = ॥ सूत्र १०५ ॥ दुविहा मुच्छा पन्नत्ता
 तंजहा-पेज्जवत्तिता चेव, दोसवत्तिता चेव, पेज्जवत्तिया मुच्छा दुविहा
 पन्नत्ता तंजहा-माए चेव लोभे चेव, दोसवत्तिया मुच्छा दुविहा पन्नत्ता तंजहा-
 कोहे चेव माणे चेव ॥ सू० १०६ ॥ दुविहा आराहणा पन्नत्ता तंजहा-
 धम्मिताराहणा चेव केवलियाराहणा चेव, धम्मियाराहणा दुविहा पन्नत्ता
 तंजहा-सुयधम्माराहणा चेव चरित्तधम्माराहणा चेव, केवलियाराहणा दुविहा
 पन्नत्ता तंजहा-अंतकिरिया चेव कप्पविमाणोववत्तिया चेव ॥ सू० १०७ ॥
 दो तित्थगरा नीलुप्पलसमा वन्नेणं पन्नत्ता तंजहा-मुणिसुव्वए चेव अरिट्ठ-
 नेमी चेव, दो तित्थयरा पियंगुमामा वन्नेणं पन्नत्ता तंजहा-मल्ली चेव पासे
 चेव, दो तित्थयरा पउमगोरा वन्नेणं पन्नत्ता तंजहा-पउमप्पहे चेव वासुपुज्जे
 चेव, दो तित्थगरा चंदगोरा वन्नेणं पन्नत्ता तंजहा-चंदप्पमे चेव पुप्फदत्ते चेव
 ॥ सू० १०८ ॥ सच्चप्पवायपुव्वस्स णं दुवे वत्थू पन्नत्ते, ॥ सू० १०९ ॥
 पुव्वाभद्वया-णव्वत्ते दुतारे पन्नत्ते, उत्तरभद्वया-णव्वत्ते दुतारे पणत्ते, एवं
 पुव्वफग्गुणी उत्तराफग्गुणी ॥ सू० ११० ॥ अंतो णं मणुस्सखेत्तस्स दो
 समुहा पन्नत्ता तंजहा-लवणे चेव कालोदे चेव ॥ सू० १११ ॥ दो चक्कवट्ठी
 अपरिचत्तकामभोगा कालमासे कालं किच्चा अहेसत्तमाए पुट्ठीए अप्पत्ति-
 ट्ठाणे णए नेरइत्ताए उववन्ना तंजहा-सुभूमे चेव बंभदत्ते चेव ॥ सू०

११२॥ असुरिन्दवज्जियाणां भवणवासीणां देवाणां देसूणां दो पलित्थोवमाइं
 ठिती पन्नत्ता, सोहम्मे कप्पे देवाणां उक्कोसेणां दो सागरोवमाइं ठिती पन्नत्ता,
 ईसाणो कप्पं देवाणां उक्कोसेणां सातिरेगाइं दो सागरोवमाइं ठिती पन्नत्ता,
 सणकुमारे कप्पे देवाणां जहन्नेणां दो सागरोवमाइं ठिती पन्नत्ता, माहिंदे कप्पे
 देवाणां जहन्नेणां साइरेगाइं दो सागरोवमाइं ठिती पन्नत्ता ॥सू० ११३॥
 दोसु कप्पेसु कप्पत्थियाओ पन्नत्ताओ, तजहा—सोहम्मे चेव ईसाणो चेव
 ॥सू० ११४॥ दोसु कप्पेसु देवा तेउलेस्सा पन्नत्ता, तंजहा—सोहम्मे चेव
 ईसाणो चेव ॥सू० ११५॥ दोसु कप्पेसु देवा कायपरियारगा पन्नत्ता तंजहा-
 सोहम्मे चेव ईसाणो चेव, दोसु कप्पेसु देवा फासपरियारगा पन्नत्ता तंजहा-
 सणकुमारे चेव माहिंदे चेव, दोसु कप्पेसु देवा रूवपरियारगा पन्नत्ता तंजहा-
 बंभलोगे चेव लंतगे चेव, दोसु कप्पेसु देवा सहपरियारगा पन्नत्ता तंजहा-
 महासुक्के चेव सहस्सारे चेव, दो इंदा मणपरियारगा पन्नत्ता तंजहा-पाणए
 चेव अच्चुर चेव ॥सू० ११६॥ जीवा णं दुट्ठाणणिव्वत्तिए पोग्गले पाव-
 कम्मत्ताए चिणिसु वा चिणांति वा चिणस्संति वा, तंजहा-तसकायनिव्वत्तिए
 चेव थावरकायनिव्वत्तिए चेव, एवं उवचिणिसु वा उवचिणांति वा उवचि-
 णिस्संति वा, बंधिसु वा बंधंति वा बंधिस्संति वा, उदीरिसु वा उदीरंति वा
 उदीरिस्संति वा, वेदंसु वा वेदंति वा वेदिस्संति वा, णिज्जरिसु वा णिज्ज-
 रिति वा णिज्जरिस्संति वा ॥सू० ११७॥ दुपणसिता खंधा अणांता पन्नत्ता,
 दुपदेसोगाढा पोग्गला अणांता पन्नत्ता एवं जाव दुगुणालुक्खा पोग्गला
 अणांता पन्नत्ता ॥सू० ११८॥ दुट्ठाणं समत्तं ॥

॥ इति चतुर्थोद्देशकाः ॥२-४॥ इति द्वितीयं द्विस्थानकाध्ययनम् ॥२॥

॥ अथ तृतीयं त्रिस्थानकायध्यनम् ॥ प्रथमोद्देशकः ।

तत्रो इंदा पण्णत्ता तंजहा—णांमिंदे ठवण्णिंदे दंविंदे, तत्रो इंदा पन्नत्ता तंजहा—णांमिंदे दंसण्णिंदे चरित्तिंदे, तत्रो इंदा पन्नत्ता तंजहा—देविंदे अहुरिंदे मणुस्सिंदे ॥सू० ११६॥ तिविहा विउव्वणा पन्नत्ता तंजहा—बाहिरत्ते पोग्गले परियात्तिता एगा विकुव्वणा, बाहिरए पोग्गले अपरियादित्ता एगा विकुव्वणा, बाहिरए पोग्गले परियादित्तावि अपपरियादित्तावि एगा विकुव्वणा १। तिविहा विगुव्वणा पन्नत्ता तंजहा—अव्भंतरए पोग्गले परियाइत्ता एगा विकुव्वणा, अव्भंतरे पोग्गले अपरियादित्ता एगा विकुव्वणा, अव्भंतरए पोग्गले परियादित्तावि अपरियादित्तावि एगा विकुव्वणा २। तिविहा विकुव्वणा पन्नत्ता तंजहा—बाहिरव्भंतरए पोग्गले परियाइत्ता एगा विकुव्वणा, बाहिरव्भंतरए पोग्गले अपरियाइत्ता एगा विगुव्वणा, बाहिरव्भंतरए पोग्गले परियाइत्तावि अपरियाइत्तावि एगा विउव्वणा ३। ॥सू० १२०॥ तिविहा नेरइया पन्नत्ता तंजहा—कतिसंचिता अकतिसंचिता अवत्तव्वगसंचिता, एवमेगिदियवज्जा जाव वेमाणिया ॥सू० १२१॥ तिविहा परियारणा पन्नत्ता तंजहा—एगे देवे अन्ने देवे अन्नेसि देवाणं देवीओ अ अभिजुंजिय २ परियारेति, अप्पणिज्जियाओ देवीओ अभिजुंजिय २ परियारेति, अप्पाणमेव अप्पणा विउव्विय २ परियारेति १। एगे देवे णो अन्ने देवा णो अराणंसिं देवाणं देवीओ अभिजुंजिय २ परियारेति, अत्तणिज्जियाओ देवीओ अभिजुंजिय २ परियारेइ, अप्पाणमेव अप्पणा विउव्विय २ परियारेति २। एगे देवे णो अन्ने देवा णो अराणंसिं देवाणं देवीओ अभिजुंजिय २ परितारेति, णो अप्पणिज्जिताओ देवीओ अभिजुंजिय २ परितारेति, अप्पाणमेव अप्पाणं विउव्विय २ परितारेति ३। ॥सू० १२२॥ तिविहे मेहुणो पन्नत्ते तंजहा—दिब्बे माणुस्सते तिरिक्ख-

जोणीते, तत्रो मेहुणं गच्छन्ति तंजहा—देवा मणुस्मा तिरिस्वजोणिता,
ततो मेहुणं सेवन्ति तंजहा—इत्थी पुरिसा णपुंसगा ॥सू० १२३॥ तिविहे
जोगे पन्नत्ते तंजहा—मणजोगे वतिजोगे कायजोगे, एवं शेरतिताणं विग-
लिंदियवज्जाणं जाव वेमाणियाणं १। तिविहे पत्रोगे पन्नत्ते तंजहा—मणप-
त्रोगे वतिपत्रोगे कायपत्रोगे, जहा जोगो विगलिंदियवज्जाणं तथा पत्रो-
गोऽपि २। तिविहे करणे पन्नत्ते तंजहा—मणकरणे वतिकरणे कायकरणे
एवं विगलिंदियवज्जं जाव वेमाणियाणं ३। तिविहे करणे पन्नत्ते तंजहा—
आरंभकरणे संरंभकरणे समारंभकरणे, निरंतरं जाव वेमाणियाणं ४ सू०
१२४॥ तिहिं ठाणेहिं जीवा अप्पाउयत्ताते कम्मं पगरंति, तंजहा—पाणे अति-
वात्तिता भवति, मुसं वडत्ता भवइ, तहारूवं समणं वा माहणं वा अफासुएणं अणो-
सणिज्जेणं असणपाणखाइमसाइमेणं पडिलाभित्ता भवइ, इच्चेतेहिं तिहिं
ठाणेहिं जीवा अप्पाउयत्ताते कम्मं पगरंति १। तिहिं ठाणेहिं जीवा दीहा-
उयत्ताते कम्मं पगरंति, तंजहा—णो पाणे अतिवात्तिता भवइ, णो मुसं
वत्तिता भवति, तहारूवं समणं वा माहणं वा फासुएमणिज्जेणं असणपाण-
खाइमसाइमेणं पडिलाभेत्ता भवइ, इच्चेतेहिं तिहिं ठाणेहिं जीवा दीहाउय-
त्ताए कम्मं पगरंति २। तिहिं ठाणेहिं जीवा असुभदीहाउयत्ताए कम्मं पगरंति,
तंजहा—पाणे अतिवात्तिता भवइ, मुसं वडत्ता भवइ, तहारूवं समणं वा
माहणं वा हीलेत्ता णिंदित्ता खिंसेत्ता गरहित्ता, अवमाणित्ता अन्नयरेणं
अमणुन्नेणं अपीतिकारतेणं असणपाणखाइमसाइमेणं पडिलाभेत्ता भवइ,
इच्चेतेहिं तिहिं ठाणेहिं जीवा असुभदीहाउयत्ताए कम्मं पगरंति ३। तिहिं
ठाणेहिं जीवा सुभदीहाउयत्ताते कम्मं पगरंति, तंजहा—णो पाणे अति-
वात्तिता भवइ, णो मुसं वडित्ता भवइ, तहारूवं समणं वा माहणं वा वंदित्ता
नमंसित्ता सकारित्ता समाणेत्ता कल्लाणं मंगलं देवतं चेतितं पज्जुवासेत्ता
मणुन्नेणं पीतिकारणं असणपाणखाइमसाइमेणं पडिलाभेत्ता भवइ, इच्चे-

तेहिं तिहिं अणोहिं जीवाः सुहृदीहाउतत्तावे कम्मं पगरंति ॥सू० १२५॥
ततो गुतीतो पन्नत्ताथो, तंजहा—मणगुत्ती वतिगुत्ती कायगुत्ती १। संजय-
मणुस्साणं ततो गुतीथो पन्नत्ताथो तंजहा—मणगुत्ती वड्गुत्ती कायगुत्ती २।
तथो अगुत्तीथो पन्नत्ताथो तंजहा—मणअगुत्ती वड्अगुत्ती कायअगुत्ती ३।
एवं नेरइताणं जाव थणियकुमाराणं ४। पंचिंदियतिरिक्खजोणियाणं असंजत-
मणुस्साणं वाणमंतराणं जोइमियाणं वेमाणियाणं ५। तत्तो दंडा पन्नत्ता
तंजहा—मणदंडे वयदंडे कायदंडे ६। नेरइयाणं तथो दंडा पणत्ता, तंजहा—
मणदंडे वड्दंडे कायदंडे ७। विगल्लिंदियवज्जं जाव वेमाणियाणं ८ ॥सू०
१२६॥ तिविहा गरहा पन्नत्ता तंजहा—मणसा वेगे गरहति, वयसा वेगे
गरहति, कायसा वेगे गरहति पावाणं कम्माणं अकरणायाए १। अथवा
गरहा तिविहा पन्नत्ता तंजहा—दीहंपेगे अद्धं गरहति, रहस्संपेगे अद्धंगर-
हति, कायंपेगे पडिसाहरति पावाणं कम्माणं अकरणायाए २। तिविहे पच्च-
क्खाणे पन्नत्ते तंजहा—मणसा वेगे पच्चक्खाति वयसा वेगे पच्चक्खाति कायसा
वेगे पच्चक्खाइ, एवं जहा गरहा तहा पच्चक्खाणेवि दो आलावगा भाणि-
यव्वा ३ ॥सू० १२७॥ ततो रुक्खा पन्नत्ता तंजहा—पत्तोवते फलोवते
पुण्णोवते १। एवामेव तथो पुरिसजाता पन्नत्ता तंजहा—पत्तोवारुक्खसा-
माणा पुण्णोवारुक्खसामाणा फलोवारुक्खसामाणा २। ततो पुरिसजाया
पन्नत्ता तंजहा—नामपुरिसे ठ्वणपुरिसे दव्वपुरिसे ३। तथो पुरिसजाया
पन्नत्ता तंजहा—नाणपुरिसे दंसणपुरिसे चरित्तपुरिसे ४। तथो पुरिसजाया
पन्नत्ता तंजहा—वेदपुरिसे चिंधपुरिसे अभिलावपुरिसे ५। तिविहा पुरिसजाया
पन्नत्ता तंजहा—उत्तमपुरिसा मज्झिमपुरिसा जहन्नपुरिसा ६। उत्तमपुरिसा
तिविहा पन्नत्ता तंजहा—धम्मपुरिसा भोगपुरिसा कम्मपुरिसा, धम्मपुरिसा
अरिहंता भोगपुरिसा चक्खट्ठी कम्मपुरिसा वासुदेवा ७। मज्झिमपुरिसा
तिविहा पन्नत्ता तंजहा—उग्गा भोगा रायन्ती ८। जहन्नपुरिसा तिविहा

पन्नत्ता तंजहा-इसा भयगा भातिलगा ६ ॥सू० १२८॥ तिविहा मच्छा
 पन्नत्ता तंजहा-ग्रंढया पोत्रया संमुच्छिमा १। ग्रंढगा मच्छा तिविहा
 पन्नत्ता तंजहा-इत्थी पुरिसा णपुंसगा २। पोतया मच्छा तिविहा पन्नत्ता
 तंजहा-इत्थी पुरिसा णपुंसगा ३। तिविहा पक्खी पन्नत्ता तंजहा-ग्रंढया
 पोत्रया संमुच्छिमा ४। ग्रंढया पक्खी तिविहा पन्नत्ता तंजहा-इत्थी पुरिसा
 णपुंसगा ५। पोतजा पक्खी तिविहा पन्नत्ता तंजहा-इत्थी पुरिसा णपुंसगा
 ६। एवमेतेणं अभिलावेणं उरपरिसप्पावि ७। भाणियव्वा ७। भुजपरिसप्पावि
 ८। भाणियव्वा ८ ॥सू० १२९॥ एवं चेव तिविहा इत्थीओ पन्नत्ताओ तंजहा-
 तिरिक्खजोणित्थीओ जोणियाओ मणुस्सित्थीओ देवित्थीओ १। तिरिक्ख-
 जोणियो इत्थीओ तिविहाओ पन्नत्ताओ तंजहा-जलचरीओ थलचरीओ
 खहचरीओ २। मणुस्सित्थीओ तिविहाओ पन्नत्ताओ तंजहा-कम्मभूमि-
 आओ अकम्मभूमियाओ अंतरदीविगाओ ३। तिविहा पुरिसा पन्नत्ता
 तंजहा-तिरिक्खजोणीपुरिसा मणुस्सपुरिसा देवपुरिसा ४। तिरिक्खजोणि-
 पुरिसा तिविहा पन्नत्ता तंजहा-जलचरा थलचरा खेचरा ५। मणुस्सपुरिसा
 तिविहा पन्नत्ता तंजहा-कम्मभूमिगा अकम्मभूमिगा अंतरदीवगा ६। तिविहा
 नपुंसगा पन्नत्ता तंजहा-गौरतियनपुंसगा तिरिक्खजोणियनपुंसगा मणुस्स-
 जोणियनपुंसगा ७। तिरिक्खजोणियनपुंसगा तिविहा पन्नत्ता तंजहा-
 जलयरा थलयरा खहयरा ८। मणुस्सनपुंसगा तिविहा पन्नत्ता तंजहा-
 कम्मभूमिगा अकम्मभूमिगा अंतरदीवगा ९ ॥सू० १३०॥ तिविहा
 तिरिक्खजोणिया पन्नत्ता तंजहा-इत्थी पुरिसा नपुंसगा ॥सू० १३१॥
 नेरइयाणं तओ लेसाओ पन्नत्ताओ तंजहा-कगहलेसा नीललेसा काउलेसा
 १। असुरकुमाराणं तओ लेसाओ संकिलिट्ठाओ पन्नत्ताओ तंजहा-कगह-
 लेसा नीललेसा काउलेसा २। एवं जाव थणियकुमाराणं ११। एवं पुढवि-
 क्कइयाणं १२। आउवणस्सतिकाइयाणवि १३-१४। तेउकाइयाणं १५। वाउ-

काइयाणं १६। वैदियाणं १७। तैदियाणं १८। चउरिंदियाणवि १९। तत्रो
 लेस्सा जहा नेरइयाणं । पंचिदियतिरिक्खजोणियाणं तत्रो लेसात्रो संकि-
 लिट्ठात्रो पन्नत्तात्रो तंजहा—कगहलेसा नीललेसा काउलेसा २०। पंचिदिय-
 तिरिक्खजोणियाणं तत्रो लेसात्रो असंकिलिट्ठात्रो पन्नत्तात्रो तंजहा—तेउ-
 लेसा पम्हलेसा सुक्कलेसा २१। एवं मणुस्साणवि २२। वाणमंतराणं जहा
 असुरकुमाराणं २३। वेमाणियाणं तत्रो लेस्सात्रो पन्नत्तात्रो तंजहा—तेउ-
 लेसा पम्हलेसा सुक्कलेसा २४ ॥सू० १३२॥ तिहिं ठणोहिं तारारूवे
 चलिज्जा तंजहा—विकुञ्जमाणो वा परियारेमाणो वा ठाणात्रो वा ठाणं संक-
 ममाणो तारारूवे चलेज्जा १। तिहिं ठणोहिं देवे विज्जुतारं करेज्जा तंजहा—
 विकुञ्जमाणो वा परियारेमाणो वा तहारूवस्स समणस्स वा माहणस्स वा
 इड्ढिं जुत्तिं जसं बलं वीरियं पुरिसकाररक्कमं उवदंसेमाणो देवे विज्जुतारं
 करेज्जा २। तिहिं ठणोहिं देवे थणियसद्दं करेज्जा तंजहा—विकुञ्जमाणो, एवं
 जहा विज्जुतारं तहेव थणियसद्दं पि ३॥सू० १३३॥ तिहिं ठणोहिं
 लोगंधयारे सिया तंजहा—अरिहंतेहिं वोच्छिज्जमाणोहिं, अरिहंतपन्नत्ते
 धम्मे वोच्छिज्जमाणो, पुव्वगते वोच्छिज्जमाणो १। तिहिं ठणोहिं लोगु-
 ज्जोते सिया तंजहा—अरहंतेहिं जायमाणोहिं, अरहंतेसु पव्वयमाणेसु,
 अरहंताणं णाणुप्पायमहिमासु २। तिहिं ठणोहिं देवंधकारे सिया तंजहा—
 अरहंतेहिं वोच्छिज्जमाणोहिं, अरहंतपन्नत्ते धम्मे वोच्छिज्जमाणो, पुव्व-
 गते वोच्छिज्जमाणो ३। तिहिं ठणोहिं देवुज्जोते सिया तंजहा—अरहंतेहिं
 जायमाणोहिं, अरहंतेहिं पव्वयमाणोहिं, अरहंताणं णाणुप्पायमहिमासु ४।
 तिहिं ठणोहिं देवसंनिवाए सिया तंजहा—अरिहंतेहिं जायमाणोहिं, अरिहं-
 तेहिं पव्वयमाणोहिं, अरिहंताणं नाणुप्पायमहिमासु ५। एवं देवुकल्लिया द्वा
 देवकहकहए ७। तिहिं ठणोहिं देविंदा माणुसं लोगं हव्वमाणच्छंति तंजहा—
 अरहंतेहिं जायमाणोहिं, अरहंतेहिं पव्वयमाणोहिं, अरहंताणं णाणुप्पायम-

हिमासु ८। एवं सामाणिया १। तायत्तीसगा १०। लोगयाला देवा ११।
 अग्गमहिसीयो देवीयो १३। परिसोववेत्तगा देवा १३। अणियाहिवई देवा
 १४। आयरक्खा देवा १५। माणुसं लोगं हव्वमागच्छंति । तिहिं ठाणेहिं
 देवा अव्वमुट्टिजा, तंजहा—अरहंतेहिं जायमाणोहिं जाव तं चेव १६। एवमा-
 सणाइं चलेज्जा १७। सीहणातं करेज्जा १८। चेलुक्खेवं करेज्जा १९। तिहिं
 ठाणेहिं देवाणं चेइयरुक्खा चलेज्जा तंजहा—अरहंतेहिं तं चेव २०। तिहिं
 ठाणेहिं लोगंतिया देवा माणुसं लोगं हव्वमागच्छिज्जा, तंजहा—अरहंतेहिं
 जायमाणोहिं, अरहंतेहिं पव्वयमाणोहिं, अरहंताणं गाणुप्पायंमहिमासु २१।
 ॥सू० १३४॥ तिगहं दुप्पडियारं समणाउसो ! तंजहा—अम्मापिउणो १
 भट्टिस्स २ धम्मायरिस्स ३, संपातो जवि य णं केइ पुरिसे अम्मापियरं सयपा-
 गसहस्सपागेहिं तिल्लेहिं अम्भंगेत्ता सुरभिणा गंधट्टणं उव्वट्टिता तिहिं
 उदगेहिं मजावित्ता सब्वालंकारंविभूमियं करेत्ता मणुन्नं थालीपागसुद्धं
 अट्टारसवंजणाउलं भोयणं भोयावेत्ता जावजीवं पिट्ठिवडेंसियाए परिवहेज्जा,
 तेणावि तस्स अम्मापिउस्स दुप्पडियारं भवइ, अहे णं से तं अम्मापियरं
 केवलपन्नत्ते धम्मे आघवइत्ता पन्नवित्ता परुवित्ता ठावित्ता भवति, तेणामेवं
 तस्स अम्मापिउस्स सुप्पडितारं भवति समणाउसो ! १। केइ महच्चे दरिहं
 समुक्कसेज्जा, तए णं से दरिहं समुक्किट्ठे समाणो पच्छा पुरं च णं विउलभो-
 गसमितिसमन्नागते यावि विहरेज्जा, तए णं से महच्चे अन्नया कयाइ दरि-
 होहूए समाणो तस्स दरिइस्स अंतिए हव्वमागच्छेज्जा, तए णं से दरिहं
 तस्स भट्टिस्स सब्बस्समवि दलयमाणो तेणावि तस्स दुप्पडियारं भवति, अहे
 णं से तं भट्टिं केवलपन्नत्ते धम्मे आघवइत्ता पन्नवइत्ता परुवइत्ता ठावइत्ता
 भवति, तेणामेव तस्स भट्टिस्स सुप्पडियारं भवति २। केति तहारुवस्स समणास्स
 वा माहणास्स वा अंतिए एगमवि आशरियं धम्मियं सुवयणां सोच्चा निसम्मं
 कालमासे कालं किच्चा अन्नथरेसु देवलोएसु देवत्ताए उववन्ने, तए णं से

देवे तं धम्मायरियं दुब्बिक्खातो वा देसातो सुभिक्षं देसं साहरेज्जा, कंता-
 रात्रो वा शिक्कतारं करेज्जा, दीहकालिएणं वा रोगातंकेणं अभिभूतं
 ममाणं विमोएज्जा, तेणावि तस्स धम्मायरियस्स दुप्पडियारं भवति, अधे णं
 से तं धम्मायरियं केवलपन्नत्ताओ धम्माओ भट्ठं समाणं भुज्जोवि केवल-
 पन्नत्ते धम्मे आववत्तिता जाव ठवत्तिता भवति, तेणामेव तस्स धम्मायरि-
 यस्स सुप्पडियारं भवति ॥ सू० १३५ ॥ तिहिं ठाणेहिं संपरणे अणगारे
 अणादीयं अणवदग्गं दीहमद्धं चाउरंतं संसारकंतारं वीईवएज्जा, तंजहा-
 अणिदाणयाए दिट्ठिसंपन्नयाए जोगवाहियाए ॥ सू० १३६ ॥ तिविहा ओस-
 पिणी पन्नत्ता तंजहा-उक्कोसा मज्झिमा जहन्ना १। एवं छप्पि समाओ
 भाणियव्वाओ, जाव दुममदूसमा ७। तिविहा उस्सपिणी पन्नत्ता तंजहा
 उक्कोसा मज्झिमा जहन्ना ८। एवं छप्पि समाओ भाणियव्वाओ
 जाव सुममसुममा १४ ॥ सू० १३७ ॥ तिहिं ठाणेहिं अच्छिन्ने
 पोग्गले चलेज्जा तंजहा-आहारिज्जमाणे वा पोग्गले चलेज्जा, विकु-
 व्वमाणे वा पोग्गले चलेज्जा, ठाणातो वा ठाणं संकामिज्जमाणे पोग्गले
 चलेज्जा १। तिविहे उवधी पन्नत्ते तंजहा-कम्मोवही सरीरोवही बाहिरभंड-
 मतोवही २। एवं असुरकुमाराणं भाणियव्वं ३। एवं एगिंदियनेरइयवज्जं
 जाव वेमाणियाणं ४। अहवा तिविहे उवधी पन्नत्ते तंजहा-सच्चित्ते अचित्ते
 मीसए, एवं गोरइआणं निरंतरं जाव वेमाणियाणं ५। तिविहे परिग्गहे पन्नत्ते
 तंजहा-कम्मपरिग्गहे सरीरपरिग्गहे बाहिरभंडमत्तपरिग्गहे ६। एवं असुर-
 कुमाराणं ७। एवं एगिंदियनेरतियवज्जं जाव वेमाणियाणं ८। अहवा तिविहे
 परिग्गहे पन्नत्ते तंजहा-सच्चित्ते अचित्ते मीसए, एवं नेरतियाणं ९। निरंतरं
 जाव वेमाणियाणं १० ॥ सू० १३८ ॥ तिविहे पणिहाणे पन्नत्ते तंजहा-मण-
 पणिहाणे वयपणिहाणे कायपणिहाणे, एवं पंचिंदियाणं जाव वेमाणियाणं,
 तिविहे सुप्पणिहाणे पन्नत्ते तंजहा-मणसुप्पणिहाणे, वहसुप्पणिहाणे, काय-

सुप्पणिहारो, संजयमणुस्साणं तिविहे सुप्पणिहारो पन्नत्ते तंजहा-मणसुप्पणि-
 हारो, वइसुप्पणिहारो कायसुप्पणिहारो, तिविहे दुप्पणिहारो पन्नत्ते तंजहा-
 मणदुप्पणिहारो वइदुप्पणिहारो कायदुप्पणिहारो, एवं पंचिंदियाणं जाव वेमा-
 णियारां ॥सू० १३१॥ तिविहा जोणि पन्नत्ता तंजहा-सीता उमिणा सीओ-
 सिणा १। एवं एगिंदियाणं विगलिंदियाणं तेउकाइयवज्जाणं संमुच्छिमपंचिं-
 दियतिरिक्खजोणियारां संमुच्छिममणुस्साण य २। तिविहा जोणी पन्नत्ता
 तंजहा-सचित्ता अचित्ता मीसिया ३। एवं एगिंदियाणं विगलियाणं संमुच्छि-
 मपंचिंदियतिरिक्खजोणियारां संमुच्छिममणुस्साण य ४। तिविधा जोणी
 पन्नत्ता तंजहा-संबुडा वियडा संबुडवियडा ५। तिविहा जोणी पन्नत्ता
 तंजहा-कुमुन्नया संखावत्ता वंसीपत्तिया, कुमुन्नया रां जोणी उत्तमपुरिस-
 माऊरां, कुमुन्नयाते रां जोणीए ६। तिविहा उत्तमपुरिसा गव्वं वक्कमंति,
 तंजहा-अरहंता चक्कवट्टी बलदेववासुदेवा ७। संखावत्ता जोणी इत्थीर-
 यणस्म, संखावत्ताए रां जोणीए बहवे जीवा य पोग्गला य वक्कमंति विउ-
 वक्कमंति चयंति उववज्जंति नो चेव रां निप्फज्जंति, वंसीपत्तिता रां जोणी
 पिहज्जणस्स, वंसीपत्तिताए रां जोणीए बहवे पिहज्जणो गव्वं वक्कमंति ८
 ॥सू० १४०॥ तिविहा तणवणस्सइकाइया पन्नत्ता तंजहा-संखेज्जजीविता अमं-
 खेज्जजीविता अणंतजीविया ॥सू० १४१॥ जंबुद्वीवे दीवे भारहे वासे तओ
 तित्था पन्नत्ता तंजहा-मागहे वरदामे पभासे १। एवं एरवएवि २। जंबुद्वीवे
 दीवे महाविदेहे वासे एगमेगे चक्कवट्टिविजये ततो तित्था पन्नत्ता तंजहा-मागहे
 वरदामे पभासे ३। एवं धायइसंडे दीवे पुरच्छिमद्धेवि ६, पच्चत्थिमद्धेवि ८,
 पुक्खरवरदीवद्धपुरच्छिमद्धेवि १२ पच्चत्थिमद्धेवि १५ ॥सू० १४२॥
 जंपुद्वीवे २ भरहेरवएसु वासेसु तीनाए उस्सप्पिणीते सुसमाए समाए तिन्नि
 सागरोवमकोडाकोडीओ कालो हुत्था १। एवं ओसप्पिणीए नवरं पन्नत्ते २।
 आगमिस्संते उस्सप्पिणीए भविस्सति ३। एवं धायइसंडे पुरच्छिमद्धे पच्च-

त्थिमद्धेवि १। एवं पुक्खरवरदीवद्धपुरच्छिमद्धे पच्चत्थिमद्धेवि कालो भाणि-
यव्वो १५। जंबुदीवे दीवे भरहेरवएसु वासेसु तीताते उस्सप्पिणीते सुसम-
सुसमाते समाए मणुया तिरिणा गाउयाइं उद्धं उच्चत्तेणं तिन्नि पलित्थोवमाइं
परमाउं पालइत्था १। एवं इमीसे ओसप्पिणीते २। आगमिस्साए उस्सप्पि-
णीए ३। जंबुदीवे दीवे देवकुरुत्तरकुरासु मणुया तिरिणा गाउयाइं उद्धं उच्च-
त्तेणं पन्नत्ता तिन्नि पलित्थोवमाइं परमाउं पालयंति ४। एवं जाव पुक्खरवर-
दीवद्धपच्चत्थिमद्धे २०। जंबुदीवे दीवे भरहेरवएसु वासेसु एगमेगाते ओस-
प्पिणिउस्सप्पिणीए तथो वंसाथो उप्पज्जिसु वा उप्पज्जंति वा उप्पज्जिस्संति
वा तंजहा-अरहंतवसे चक्खवट्ठिवसे दसारवंसे २१। एवं जाव पुक्खरवरदी-
वद्धपच्चत्थिमद्धे २५। जंबुदीवे दीवे भरहेरवएसु वासेसु एगमेगाए ओसप्पि-
णीउस्सप्पिणीए तथो उत्तमपुरिसा उप्पज्जिसु वा उप्पज्जंति वा उप्पज्जिस्संति
वा तंजहा-अरहंता चक्खवट्ठी बलदेववासुदेवा २६। एवं जाव पुक्खरवरदी-
वद्धपच्चत्थिमद्धे ३०। तथो अहाउयं पालयंति तंजहा-अरहंता चक्खवट्ठी बल-
देववासुदेवा ३१। तथो मज्झिममाउयं पालयंति तंजहा-अरहंता चक्खवट्ठी
बलदेववासुदेवा ३२ ॥सू० १४३॥ बायरतेउकाइयाणं उकोसेणं तिन्नि
राइंदियाइं त्तिती पन्नत्ता । बायरवाउकाइयाणं उकोसेणं तिन्नि वाससहस्साइं
त्तिती पन्नत्ता ॥सू० १४४॥ अह भंते ! सालीणं वीहीणं गोधूमाणं जवाणं
जवजवाणं एतेसि णं धन्नाणं कोट्टाउत्ताणं पल्लाउत्ताणं मंचाउत्ताणं मालाउ-
त्ताणं ओलित्ताणं लिताणं लंछियाणं मुहियाणं पिहिताणं केवइयं कालं
जोणि संचिट्ठति ? गोयमा ! जहराणोणं अंतोमुहुत्तं उकोसेणं तिरिणा
संवच्छराइं, तेणं परं जोणी पमिलायति, तेणं परं जोणी पविद्धंसति, तेणं
परं जोणी विद्धंसति, तेणं परं बीए अवीए भवति, तेणं परं जोणीवोच्छेदो
पन्नत्तो ॥सू० १४५॥ दोच्चाए णं सक्करप्पभाए पुढवीए गोरइयाणं उकोसेणं
तिरिणा सागरोवमाइं त्तिती पन्नत्ता १, तच्चाए णं वालुयप्पभाए पुढवीए

जहन्नेणं गोरइयाणं तिन्नि सागरोवसाइं ठिती पराणत्ता २ ॥सू० १४६॥
 पंचमाए णं धूमप्पमाए पुढ्वीए तिन्नि निरयात्राससयसहस्सा पन्नत्ता, तिसु णं
 पुढ्वीसु गोरइयाणं उमिणवेयणा पन्नत्ता तंजहा-पढ्माए दोच्चाए तच्चाए,
 तिसुणं पुढ्वीसु गोरइया उमिणवेयणं पन्नणुभवमाणा विहरंति-पढ्माए
 दोच्चाए तच्चाए ॥सू० १४७॥ ततो लोगे समा सपक्खि सपडिदिस्सि-पन्नत्ता
 तंजहा-अप्पइट्ठाणे णारए जंबुइवे दीवे सब्बट्ठसिद्धे महाविमाणे, तथो लोगे
 समा सपक्खि सपडिदिस्सि पन्नत्ता तंजहा-सीर्मतए णं णारए समयक्खेत्ते ईसी-
 पम्भारा पुढ्वी ॥सू० १४८॥ तथो समुद्दा पगईए उदगरसेणं पन्नत्ता
 तंजहा-कालोदे पुक्खरोदे सयंभुरमणे ३, तथो समुद्दा बहुमच्छकच्छभाइराणा
 पन्नत्ता तंजहा-लवणे कालोदे सयंभुरमणे ॥सू० १४९॥ तथो लोगे
 णिस्सीला णिव्वता णिग्गुणा निम्मेरा, णिप्पच्चक्खाणपोसहोववासा काल-
 मासे कालं किच्चा अहे सत्तमाए पुढ्वीए अप्पतिट्ठाणे णारए गोरइयत्ताए उव-
 वज्जंति, तंजहा-रायाणो मंडलीया जे य महारंभा कोडुंभी । तथो लोए
 सुसीला सुव्वया सग्गुणा समेरा मपच्चक्खाणपोसहोववामा कालमासे कालं
 किच्चा सब्बट्ठसिद्धे महाविमाणे देवत्ताए उववत्तारो भवंति, तंजहा-रायाणो
 परिचत्तकामभोगा सेणावती प्रसत्थारो । सू० १५०॥ वंमलोगलंतएसु णं
 कप्पेसु विमाणा तिवराणा पन्नत्ता तंजहा-किराहा नीला लोहिया, आणय-
 पाणायारणच्छुत्तेसु णं कप्पेसु देवाणं भवधारणिज्जसरीरा उक्कोसेणं तिरिण
 रयणीयो उद्धं उच्चत्तेणं पराणत्ता ॥सू० १५१॥ तथो पन्नत्तीयो कालेणं
 अहिज्जंति, तंजहा-चंदपन्नत्ती सूरपन्नत्ती दीवसागरपन्नत्ती ॥सू० १५२॥
 तिट्ठाणस्स पढ्मो उद्देसो समत्तो ॥

इति त्रिस्थानकस्य प्रथमोद्देशकः ॥३-१॥

॥ अथ अध्ययनं ३ उद्देशकः २ ॥

तिविहे लोगे पन्नत्ते तंजहा-णामलोगे ठवणलोगे दव्वलोगे १।
 तिविधे लोगे पन्नत्ते तंजहा-णाणलोगे दंसणलोगे चरित्तलोगे २। तिविहे
 लोगे पन्नत्ते तंजहा-उद्धलोगे अहोलोगे तिरियलोगे ३ ॥सू० १५३॥
 चमरस्स णं असुरिदस्स असुरकुमाररत्तो ततो परिसातो पन्नत्ताओ तंजहा—
 समिता चंडा जाया, अविंभतरिता समिता मज्झिमता चंडा बाहिरता जाया
 १। चमरस्स णं असुरिदस्स असुरकुमाररत्तो सामाणित्ताणं देवाणं ततो परि-
 सातो पन्नत्ताओ तंजहा—समिता जहेव चमरस्स २। एवं तायत्तीसगाणवि,
 लोगपालाणं तुंवा तुडिया पव्वा, एवं अग्गमहिसीणवि, बलिस्सवि एवं
 चेव, जाव अग्गमहिसीणं ३। धरणास्स य सामाणियतायत्तीसगाणं च समिता
 चंडा जाता, लोगपालाणं अग्गमहिसीणं ईसा तुडिया दहरहा, जहा धर-
 णस्म तहा सेसाणं भवणवासीणं ४। कालस्स णं पिसाइंदस्स पिसायरणो
 तओ परिसाओ पन्नत्ताओ तंजहा—ईसा तुडिया दहरहा ५। एवं सामा-
 णियअग्गमहिसीणं, एवं जाव गीयरतिगीयजसाणं ६। चंदस्स णं जोतिसिं-
 दस्स जोतिसरत्तो ततो परिसातो पन्नत्ताओ तंजहा—तुंवा तुडिया पव्वा ७।
 एवं सामाणियअग्गमहिसीणं, एवं सूरस्सवि ८। सक्कस्स णं देविंदस्स देवरत्तो
 ततो परिसाओ पन्नत्ताओ तंजहा—समिता चंडा जाया ९। एवं जहा चमरस्स
 जाव अग्गमहिसीणं, एवं जाव अच्चुतस्स लोगपालाणं १० ॥सू० १५४॥
 ततो जामा पन्नत्ता तंजहा—पढमे जामे मज्झिमे जामे पच्छिमे जामे, तिहिं
 जामेहिं आता केवलिपन्नत्तं धम्मं लभेज्ज सवणाताते—पढमे जामे मज्झिमे
 जामे पच्छिमे जामे, एवं जाव केवलनाणं उपाहेज्जा पढमे जामे मज्झिमे
 जामे पच्छिमे जामे । ततो वया पन्नत्ता तंजहा—पढमे वते मज्झिमे वते
 पच्छिमे वए, तिहिं वतेहि आया केवलिपन्नत्तं धम्मं लभेज्ज सवणायाए,

तंजहा-पढमे वते मज्झिमे वते पच्छिमे वते, एसो चैव गमो शोयव्वो, जाव
 केवलनाणंति ॥सू० १५५॥ तिविधा बोधी पन्नत्ता तंजहा-णाणवोधी
 दंसणावोधी चरित्तवोधी १। तिविहा बुद्धा पन्नत्ता तंजहा-णाणबुद्धा
 दंसणाबुद्धा चरित्तबुद्धा २। एवं मोह ३। सूद्धा ४ ॥सू० १५६॥ तिविहा
 पव्वज्जा पन्नत्ता तंजहा-इहलोगपडिवद्धा परलोगपडिवद्धा दुहतोपडि-
 बद्धा १। तिविहा पव्वज्जा पन्नत्ता तंजहा-पुरतो पडिवद्धा मग्गतो
 पडिवद्धा दुहत्थो पडिवद्धा २। तिविहा पव्वज्जा पन्नत्ता तंजहा-तुयावइत्ता
 पुयावइत्ता बुत्थावइत्ता ३। तिविहा पव्वज्जा पन्नत्ता तंजहा-उवातपव्वज्जा
 अक्खातपव्वज्जा संगारपव्वज्जा ४ ॥सू० १५७॥ तथो शियंठा णोसंगणोवउत्ता
 पन्नत्ता तंजहा-पुलाए शियंठे सिणाए १। ततो शियंठा सन्नणोसगणोव-
 उत्ता पन्नत्ता तंजहा-बउसे पडिसेवणाकुमीले कसायकुसीले २ ॥सू०
 १५८॥ तथो सेहभूमीथो पन्नत्ताथो तंजहा-उक्कोसा मज्झिमा जहन्ना,
 उक्कोसा ऋग्मासा, मज्झिमा चउमासा, जहन्ना सत्तराइंदिया २। ततो थेर-
 भूमीथो पन्नत्ताथो तंजहा-जाइथेरे सुत्तथेरे परियायथेरे, सट्ठिवासजाए समणे
 शिग्गंथे जातिथेरे, ठाणंग(ठाण)समवायधरे णं समणे शिग्गंथे सुयथेरे, वीसं-
 वासपरियाए णं समणे शिग्गंथे परियायथेरे ३ ॥सू० १५९॥ ततो पुरिस-
 जाया पन्नत्ता तंजहा-सुमणो दुम्मणो णोसुमणोणोदुम्मणो १। ततो पुरिस-
 जाया पन्नत्ता तंजहा-गंता णामेगे सुमणो भवति, गंता णामेगे दुम्मणो
 भवति, गंता णामेगे णोसुमणोणोदुम्मणो भवति २। तथो पुरिसजाया पन्नत्ता
 तंजहा-जामीतेगे सुमणो भवति, जामीतेगे दुम्मणो भवति, जामीतेगे णोसु-
 मणोणोदुम्मणो भवति ३। एवं जाइस्सामीतेगे सुमणो भवति ३-४। ततो पुरिसा
 जाया पन्नत्ता तंजहा-अगंता णामेगे सुमणो भवति ३-५। ततो पुरिसजाया
 पन्नत्ता तंजहा-ण जामि एगे सुमणो भवति ३-६। ततो पुरिसजाया पन्नत्ता
 तंजहा-ण जाइस्सामि एगे सुमणो भवति ३-७। एवं आगंता णामेगे सुमणो

भवति ३-८। एमितेगे सुमणे भवति ३। एस्सामिति एगे सुमणे भवति ३
 एवं एएणं अभिजावेणं--'गंता य अगंता(य) १ आगंता खलु तथा अणा
 गंता २। त्रिट्ठित्तमत्रिट्ठित्ता ३, णिसित्तिता चेव नो चेव ४ ॥ १ ॥ हंता य
 अहंता य ५ त्रिंदित्ता खलु तथा अत्रिंदित्ता ६। बूतित्ता अबूतित्ता ७
 भासित्ता चेव णो चेव ८ ॥ २ ॥ दच्चा य अदच्चा य ९ भुंजित्ता खलु तथा
 अंभुंजित्ता १०। लंभित्ता अलंभित्ता ११ पिइत्ता चेव नो चेव १२ ॥
 ॥ ३ ॥ सुत्तिता असुत्तिता १३ जुज्झित्ता खलु तथा अजुज्झित्ता १४ ॥
 जत्तिता अजयित्ता य १५ पराजिणित्ता य नो चेव १६ ॥ ४ ॥ सद्दा १७
 रूवा १८ गंधा १९ रसा य २० फासा २१ (२१×६=१२६+१=१२७) तंहव
 ठाणा य। निस्सीलस्स गरहिता पसत्था पुण्ण सीलवतस्स ॥ ५ ॥ एवमिवकेवके
 तिन्नि उ तिन्नि उ आलावगा भाणियव्वा, सद्दं सुणेत्ता णामेगे सुमणे
 भवति ३ एवं सुणेमीति ३ सुणस्सामीति ३, एवं असुणेत्ता णामेगे सुमणे
 भवति ३ न सुणेमीति ३ ण सुणस्सामीति ३, एव रूवाइं गंधाइं रसाइं
 फासाइं, एक्केक्के छ छ आलावगा भाणियव्वा १२७ आलावगा भवन्ति
 ॥सू० १६०॥ तत्रो ठाणा णिस्सीलस्स निव्वयस्स णिग्गुणस्स णिम्मेरस्स
 णिप्पच्चक्खाणपोसहोववासस्स गरहिता भवन्ति तंजहा--अस्सि लोगे गरहिते
 भवइ उववाते गरहिए भवइ आयाती गरहिता भवति, ततो ठाणा सुसीलस्स
 सुव्वयस्स सगुणस्स सुमेरस्स सपच्चक्खाणपोसहोववासस्स पसत्था भवन्ति,
 तंजहा--अस्सि लोगे पसत्थे भवति उववाए पसत्थे भवति आजाती पसत्था
 भवति ॥सू० १६१॥ तिविधा संसारसमावन्नगा जीवा पन्नत्ता तंजहा--इत्थी
 पुरिसा नपुंसगा १। तिविहा सब्बजीवा पन्नत्ता तंजहा--सम्मदिट्ठी मिच्छा-
 दिट्ठी सम्मामिच्छदिट्ठी य २। अहवा तिविहा सब्बजीवा पन्नत्ता तंजहा--पज्ज-
 त्ता अपज्जत्ता णोपज्जत्ता णोपज्जत्ता ३। एवं--सम्मदिट्ठिपरित्तापज्जत्ता
 सुहुमसन्निभरिया य ४ ॥सू० १६२॥ तिविधा लोगट्ठी पन्नत्ता तंजहा--

आगासपट्टिए वाते वातपतिट्टिए उदही उदहिपतिट्टिया पुढ्वी, तत्रो दिसात्रो
 पन्नत्तात्रो तंजहा-उद्धा अहा तिरिया १, तिहि दिसाहिं जीवाणं गती
 पवत्तति, उद्धाए अहाते तिरियाते २, एवं आगती ३ वक्कंती ४ आहारे
 ५ बुद्धी ६ शिबुद्धी ७ गतिपरियाते = समुग्याते ८ कालसंजोगे ९ दंस-
 णाभिगमे ११, णाणाभिगमे १२, जीवाभिगमे १३, तिहिं दिसाहिं जी-
 वाणं अजीवाभिगमे पन्नते तंजहा-उद्धाते अहाते तिरियाने १४, एवं
 पंचिंदियतिरिक्खजोणियाणं, एवं मणुस्माणवि ॥सू० १६३॥ तिविहा तसा
 पन्नत्ता तंजहा-तेउकाइया वाउकाइया उराला तसा पाणा १। तिविधा थावरा
 पन्नत्ता तंजहा-पुढ्विकाइया आउकाइया वणस्सइकाइया २ ॥सू० १६४॥
 ततो अच्चेज्जा पन्नत्ता तंजहा-समये पंदसे परमाणू १। एवमभेज्जा २।
 अडज्झा ३। अगिज्झा ४। अण्णहा ५। अमज्झा ६। अपएमा ७। ततो
 अविभतिमा पन्नत्ता तंजहा-समते पएसे परमाणू = ॥सू० १६५॥ अज्जोत्ति
 समणे भगवं महावीरे गोतमादी समणे निग्गंथे आमंतेत्ता एवं वयासी-कि-
 भया पाणा ? समणाउमो ? गोयमाती समणा निग्गंथा समणं भगवं
 महावीरं उवसंकमंति उवसंकमित्ता वंदंति नमंसंति वंदित्ता नमंसित्ता एवं
 वयासी-णो खलु वयं देवाणुप्पिया ! एयमट्ठं जाणामो वा पासामो वा, तं
 जादे णं देवाणुप्पिया एयमट्ठं णो गिलायंति परिकहित्तते तमिच्छामो णं
 देवाणुप्पियाणं अंतिए एयमट्ठं जाणित्तए, अज्जोत्ति समणे भगवं महावीरे
 गोयमाती समणे निग्गंथे आमंतेत्ता एवं वयासी-दुवखभया पाणा समणाउमो !
 १। से णं भंते ! दुक्खे केण कडे ? जीवेणं कडे पमादेण २। से णं भंते !
 दुक्खे कंहं वेइज्जति ? अप्पमाएणं ३ ॥सू० १६६॥ अन्नउत्थिता णं भंते !
 एवं आतिकसंति एवं भासंति एवं पन्नवेंति एवं परूवंति कहन्नं समणाणं
 निग्गंथाणं किरिया कज्जति ? तत्थ जा मा कडा कज्जइ नो तं पुच्छंति,
 तत्थ जा सा कडा नो कज्जति, नो तं पुच्छंति, तत्थ जा सा अकडा नो

कज्जति नो तं पुच्छंति, तत्थ जा मा अकडा कज्जति तं पुच्छंति, से एवं वत्तव्वं सिता —अकिच्चं दुक्खं अफुसं दुक्खं अकज्जमाणकडं दुक्खं अकट्ठु अकट्ठु पाणा भूया जीवा सत्ता वेयणां वेयंतित्ति वत्तव्वं, जे ते एवमाहंसु मिच्छा ते एवमाहंसु, अहं पुण एवमाइक्खामि एवं भासामि एवं पन्नवेमि एवं परूवेमि—किच्चं दुक्खं फुसं दुक्खं कज्जमाणकडं दुक्खं कट्ठु २ पाणा भूया जीवा सत्ता वेयणां वेयंतित्ति वत्तव्वं सिया ॥सू० १६७॥ तइयठाणस्स बीओ उद्देसओ समत्तो ॥३-२॥

॥ इति त्रिस्थानकस्य द्वितीयांशे अङ्कः ॥३-२॥

॥ अथ अध्ययनं ३ :: उद्देशकः ३ ॥

तिहिं ठणोहिं मायी मायं कट्ठु णो आलोतेज्जा णो पडिक्कमेज्जा णो णिदिज्जा णो गरहिज्जा णो विउट्टेज्जा णो विसोहेज्जा णो अकरणाते अब्भुट्टेज्जा णो अहारिहं पायच्छित्तं तवोकम्मं पडिवज्जेज्जा, तंजहा—अकरिंसु वाज्जं करेमि वाज्जं करिस्सामि वाज्जं १ । तिहिं ठणोहिं मायी मायं कट्ठु णो आलोतेज्जा णो पडिक्कमिज्जा जाव णो पडिवज्जेज्जा अकित्ती वा मे सिता अवराणे वा मे सिया अविणते वा मे सिता २ । तिहिं ठणोहिं मायी मायं कट्ठु णो आलोएज्जा जाव नो पडिवज्जेज्जा तंजहा—कित्ती वा मे परिहातिस्सति जसो वा मे परिहातिस्सति पूयासक्कारे वा मे परिहातिस्सति ३ । तिहिं ठणोहिं मायी मायं कट्ठु आलोएज्जा पडिक्कमेज्जा जाव पडिवज्जेज्जा तंजहा—मायिस्स णं अस्सि लोणे गरहिते भवति उववाए गरहिए भवति आयाती गरहिया भवति ४ । तिहिं ठणोहिं मायी मायं कट्ठु आलोएज्जा जाव पडिवज्जेज्जा तंजहा—अमायिस्स णं अस्सि लोणे पसत्थे भवति उववाते पसत्थे भवइ आयाई पसत्था भवति ५ । तिहिं ठणोहिं मायी मायं कट्ठु आलोएज्जा जाव पडिवज्जेज्जा,

तंजहा-णाणद्वृताते दंमणद्वृताते चरित्तद्वृताते ६ ॥सू० १६८॥ ततो पुरि-
 सजाया पन्नत्ता तंजहा—सुत्तधरे अत्थधरे तदुभयधरे ॥सू० १६९॥ कप्पति
 णिग्गंथाण वा णिग्गंथीण वा ततो कथाइं धारित्तए वा परिहरित्तते वा,
 तंजहा-जंगिते भंगिते खोमिते १ । कप्पइ णिग्गंथाण वा णिग्गंथीण वा
 ततो पायाइं धारित्तते वा परिहरित्तते वा, तंजहा-लाउयपादे वा दारुपादे
 वा मट्टियापादे वा २ ॥सू० १७०॥ तिहिं ठाणेहिं कथं धरेज्जा, तंजहा-हिरिय-
 त्तितं दुगुं अपत्तियं परीसहवत्तियं ॥सू० १७१॥ तत्रो आदरक्खा पन्नत्ता
 तंजहा-धम्मियाते पडिओ रणाते पडिओएत्ता भवति तुसिणीतो वा सित्ता उट्टित्ता
 वा आताते एगंतमंतमवक्कमेज्जा णिग्गंथस्स णं गिलायणाणस्स कप्पंति ततो विय-
 ड्दत्तोत्रो पडिग्गाहित्तते, तंजहा-उक्कोसा मज्झिमा जहन्ना ॥सू० १७२॥
 तिहिं ठाणेहिं समणे णिग्गंथे साहम्मियं संभोगियं विसंभोगियं करेमाणे
 णातिक्रमति तंजहा-सतं वा दट्ठुं, सट्ठस्स वा निमम्म, तच्चं मोसं आउ-
 ट्ठति चउत्थं नो आउट्ठति ॥सू० १७३॥ तिविधा अणुन्ना पन्नत्ता तंजहा-
 आयरियत्ताए उवज्झायत्ताए गणित्ताते । तिविधा समणुन्ना पन्नत्ता तंजहा-आय-
 रियत्ताए उवज्झायत्ताए गणित्ताते, एवं उवसंपया, एवं विजहणा ॥सू० १७४॥
 तिविहे वयणे पन्नत्ते तंजहा-तव्वयणे तदन्नवयणे णोअवयणे १ । तिविहे
 अवयणे पन्नत्ते तंजहा-णोतव्वयणे णो तदन्नवयणे अवयणे २ । तिविहे
 मणे पन्नत्ते तंजहा-तम्मणे तयन्नमणे णोअमणे ३ । तिविहे अमणे पन्नत्ते
 तंजहा-णोतम्मणे णोतयन्नमणे, अमणे ४ ॥सू० १७५॥ तिहिं ठाणेहिं
 अप्पवुट्ठीकाते सिता, तंजहा-तस्सिं च णं देसंसि वा पदेसंसि वा णो बहवे
 उदगजोणिया जीवा य पांगगला य उदगत्ताते वक्कमंति विउक्कमंति चयंति
 उवज्जंति, देवा णागा जक्खा भूता णो सम्ममाराहिता भवंति, तत्थ समु-
 ट्ठियं उदगपोगगलं परिणतं वासितुकामं अन्नं देसं साहरंति अब्भवद्दलं
 च णं समुट्ठितं परिणतं वासितुकामं वाउकाए विधुणति, इच्छेतेहि तिहिं

ठणोहिं अण्वुट्टिगाते सिता १। तिहिं ठणोहिं महावुट्टीकाते सिता, तंजहा-
तंसि च णं देसंसि वा पतेसंसि वा बहवे उदगजोणिता जीवा य पोग्गला
य उदगताते वक्कमंति विउक्कमंति चयंति उववज्जति, देवा जवखा नागा
भूता सम्ममाराहिता भवंति, अन्नत्थ समुट्टितं उदगपोग्गलं परिणयं वासिउकामं
तं दमं साहरंति अब्भवहलगं च णं समुट्टितं परिणयं वासिउकामं णो वाउ-
आतो विधुणति, इच्चेतेहिं तिहिं ठणोहिं महावुट्टिकाए सिआ २ ॥सू०
१७६॥ तिहिं ठणोहिं अहुणोववन्ने देवे देवलोगेसु इच्छेज्जा माणुस्सं लोगं
हव्वमागच्छित्तते, णो चेव णं संचातेति हव्वमागच्छित्तए, तंजहा-अहुणोव-
वन्ने देवे देवलोगेसु दिव्वेसु कामभोगेसु मुच्छिते गिद्धे गदिते अज्ज्भोववन्ने
से णं माणुस्सते कामभोगे णो आढाति णो परिंयाणाति णो अट्ठं बंधति
णो णियाणं पगरेति णो ठिप्पकं पकरेति, अहुणोववन्ने देवे देवलोगेसु
दिव्वेसु कामभोगेसु मुच्छिते गिद्धे गदिते अज्ज्भोववन्ने तस्स णं माणुस्सए
पेम्मे वोच्छिणो दिव्वे संकंते भवति, अहुणोववन्ने देवे देवलोगेसु दिव्वेसु
कामभोगेसु मुच्छिते जाव अज्ज्भोववन्ने तस्स णं एवं भवति-इयगिह न
गच्छं मुहुत्तं गच्छं, तेणं कालेणमप्पाउया माणुस्सा कालधम्मणा संजुत्ता
भवन्ति, इच्चेतेहिं तिहिं ठणोहिं अहुणोववन्ने देवे देवलोगेसु इच्छेज्जा माणुसं
लोगं हव्वमागच्छित्तए णो चेव णं संचातेति हव्वमागच्छित्तते १। तिहिं
ठणोहिं देवे अहुणोववन्ने देवलोगेसु इच्छेज्जा माणुसं लोगं हव्वमागच्छि-
त्तए, संचातेइ हव्वमागच्छित्तते-अहुणोववन्ने देवे देवलोगेसु दिव्वेसु काम-
भोगेसु अमुच्छिते अगिद्धे अगदिते अणज्ज्भोववन्ने तस्स णमेवं भवति-
अत्थि णं मम माणुस्सते भवे आयासतेति वा उवज्ज्भातेति वा पवत्तीति वा
थेरेति वा गणीति वा गणधरेति वा गणावच्छेदेते वा, जेसिं पमात्तेणं मते
इमा एतास्सु दिव्वा देविद्धी दिव्वा देवजुती दिव्वे देवाणुभावे लद्धे प्रत्ते
अभिसमन्नागते तं गच्छामि णं ते भगवंते वंदामि णमंसामि सक्कारेमे

सम्माणोमि कल्याणं मंगलं देवयं चेइयं पञ्जुवासामि, अहुणोववन्ने देवे देव-
लोगेसु दिव्वेसु कामभोगेसु अमुच्छिए जाव अणज्भोववन्ने तस्स णं एवं
भवति-एस णं माणुस्सते भवे णाणीति वा तवस्सीति वा अतिदुकरदुकर-
कारगे तं गच्छामि णं भगवंतं वंदामि णमंमामि जाव पञ्जुवामामि, अहुणो-
ववन्ने देवे देवलोगेसु जाव अणज्भोववन्ने. तस्स णमेवं भवति-अत्थि णं
मम माणुस्सते भवे माताति वा जाव सुराहाति वा तं गच्छामि णं
तेसिमंतियं पाउब्भयामि पासंतु ता मे इमं एतारूवं दिव्वं देविद्धिं
दिव्वं देवजुत्ति दिव्वं देवाणुभावं लद्धं पत्तं अभिसमन्नागयं, इच्चेतेहिं
तिहिं ठाणेहिं अहुणोववन्ने देवे देवलोगेसु इच्छेज्ज माणूसं लोगं
हव्वमागच्छित्तते संचातेति हव्वमागच्छित्तते २ ॥सू० १७७॥ ततो
ठाणाइं देवे पीहेज्जा तंजहा-माणूसं(सगं) भवं १ आरिते खेत्ते जम्मं २
सुकुलपच्चायाति ३, १। तिहिं ठाणेहिं देवे परितप्पेज्जा, तंजहा-अहो णं मते
संते बले संते वीरिए संते पुरिसक्कारपरक्कमे खेमंसि सुभिक्षंसि आयरियउव-
ब्भातेहिं विज्जनाणेहिं कल्लसरीरेणं णो बहुते सुते अहीते १, अहो णं मते
इहलोगपडिबद्धेणं परलोगपरंमुहेणं विसयतिसितेणं णो दीहे सामन्नपरितात्ते
अणुपालिते २, अहो णं मते इड्डिरससायगरुएणं भोगामिसगिद्धेणं णो
विमुद्धे चरित्ते फासिते ३, इच्चेतेहिं ठाणेहिं देवे पत्तिप्पेज्जा २ ॥सू० १७८॥
तिहिं ठाणेहिं देवे चतिस्सामित्ति जाणाइ, तंजहा-विमाणाभरणाइं णिप्पभाइं
पासित्ता कप्परुक्खगं मिलायमाणं पासित्ता अप्पणो तेयलेस्सं परिहायमाणं
जाणित्ता, ३ इच्चेएहि तिहिं ठाणेहिं चतिस्सामित्ति जाणाइ-१ । तिहिं
ठाणेहिं देवे उव्वेगमागच्छेज्जा, तंजहा-अहो णं मए इमातो एतारूवातो
दिव्वातो देविद्धीयो दिव्वाथो देवजुतीतो दिव्वाथो देवाणुभावाथो पत्तातो
लद्धातो अभिसमराणागतातो चतियव्वं भविस्सति १, अहो णं मते माउ-
थोयं पिउसुक्कं तं तदुभयसंसट्ठं तप्पढमयाते आहारो आहारेयव्वो भवि-

स्सति २, अहो णं मते कलमलजंवालाते असुतीते उब्बेयणित्ताते भीमाते गवभवसहीते वसियब्बं भविस्सइ, इच्चेएहिं तिहिं ठाणेहिं वेदे उब्बे-
 मागच्छेज्जा ३ ॥सू० १७१॥ तिमंठिया विमाणा पन्नत्ता तंजहा-वट्ठा
 तंसा चउरंसा ३, तत्थ णं जे ते वट्ठा विमाणा ते णं पुक्खरकन्निया
 संठाणसंठिता सब्बत्थो समंता पागारपरिक्खत्ता एगदुवारा पन्नत्ता, तत्थ
 णं जे ते तंसा विमाणा ते णं सिंघाडगसंठाणसंठिता दुहतो पागार-
 परिक्खत्ता, एगतो वेतिता परिक्खत्ता तिदुवारा पन्नत्ता, तत्थ णं जे ते
 चउरंसविमाणा ते णं अक्खाडगसंठाणसंठिता, सब्बतो समंता वेतितापरि-
 क्खत्ता, चउदुवारा पन्नत्ता १। तिपतिट्ठिया विमाणा पन्नत्ता तंजहा-घणोदधि-
 पतिट्ठिता घणवातपइट्ठिया ओवासंतरपइट्ठिता २। तिविधा विमाणा पन्नत्ता
 तंजहा-अवट्ठिता वेउब्बिता परिजाणिता ३ ॥सू० १८०॥ तिविधा नेरइया
 पन्नत्ता तंजहा-सम्मादिट्ठी मिच्छादिट्ठी सम्मामिच्छादिट्ठी, एवं विगलिंदिय-
 वंज्जं जाव वेमाणियाणं २७। ततो दुग्गतीतो पन्नत्ताओ तंजहा-गोरइयदुग्गती
 तिरिक्खजोणीयदुग्गती मणुयदुग्गत्ती १। ततो सुगतीतो पन्नत्ताओ तंजहा-
 सिद्धिसोगती देवसोगती मणुस्ससोगती २। ततो दुग्गता पन्नत्ता तंजहा-
 गोरतितदुग्गता तिरिक्खजोणितदुग्गता मणुस्सदुग्गता ३। ततो सुगता पन्नत्ता
 तंजहा-सिद्धसोगता देवसोगता मणुस्ससुग्गता ४ ॥सू० १८१॥ चउत्थ-
 भत्तितस्स णं भिक्खुस्स कप्पंति तत्थो पाणगाइं पडिगाहित्तए, तंजहा-उस्से-
 तिमे संसेतिमं चाउलधोवणे १। णट्ठभत्तितस्स णं भिक्खुस्स कप्पंति तत्थो
 पाणगाइं पडिगाहित्तए तंजहा-तिलोदए तुसोदए जवोदए २। अट्ठमभत्ति-
 यस्स णं भिक्खुस्स कप्पंति ततो पाणगाइं पडिगाहित्तए, तंजहा-आयामते
 सोवीरते सुद्धवियडे ३। तिविहे उवहडे पन्नत्ते तंजहा-फलिओवहडे सुद्धो-
 वहडे संसट्ठोवहडे ४। तिविहे उग्गहिते पन्नत्ते तंजहा-जं च ओगिराहति जं च
 साहरति जं च आसगंसि पक्खिवति ५। तिविधा ओमोयरियां पन्नत्ता तंजहा-

उवगरणोमोयरिया भत्तपाणोमोदरिता भावोमदोरिता ६ । उवगरणोमोदरिता
 तिविहा पन्नत्ता तंजहा—एगे वत्थे एगे पाते चियत्तोवहिसातिज्जणता ७।
 ततो ठाणा णिग्गंथाणा वा णिग्गंथीणा वा अहियाते असुभाते अखमाते
 अणिस्सेयसाए अणाणुगामित्ताए भवंति, तंजहा—कूअणता ककरणता
 अवज्झाणता ८। ततो ठाणा णिग्गंथाणा वा णिग्गंथीणा वा हिताते सुहाते
 खमाते णिस्सेयसाते आणुगामित्ताते भवंति, तंजहा—अकूअणता अक-
 करणता अणवज्झाणया ९। ततो सल्ला पन्नत्ता तंजहा—मायासल्ले णियाण-
 सल्ले मिच्छादंसणसल्ले १०। तिहिं ठाणेहिं समणे णिग्गंथे संखित्तविउल्लते-
 उल्लेस्से भवति, तंजहा—आयावणताते १ खतिखमाते २ अपाणगेणं तत्रो-
 कम्मेणं ३, ११। तिमासिनं णं भिक्खुपडिमं पडिवन्नस्स अणगारस्स कप्पंति
 ततो दत्तीओ भोअणस्स पडिगाहेत्ताए ततो पाणगस्स १२। एगरातियं
 भिक्खुपडिमं सम्मं अणुपालेमाणस्स अणगारस्स इमे ततो ठाणा अहिताते
 असुभाते अखमाते अणिस्सेयसाते अणाणुगामित्ताते भवंति, तंजहा—उम्मायं
 वा लभिज्जा १ दीहकालीयं वा रोगायकं पाउणेज्जा २ केवलिपन्नत्तातो वा
 धम्मातो भंसेज्जा ३, १३। एगरातियं भिक्खुपडिमं सम्मं अणुपालेमाणस्स
 अणगारस्स ततो ठाणा हिताते सुभाते खमाते णिस्सेसाते आणुगामित्ताए
 भवंति, तंजहा—ओहिणाणे वा से समुप्पज्जेज्जा १ मणपज्जवनाणे वा से
 समुप्पज्जेज्जा २ केवलणाणे वा से समुप्पज्जेज्जा ३, १४ ॥सू० १८२॥
 जंबुदीवे २ ततो कम्मभूमीओ पन्नत्ताओ तंजहा—भरहे एरवने महाविदेहे,
 एवं धायइसंडे दीवे पुरच्छिमद्धे जाव पुक्खरवरदीवद्धपच्चत्थिमद्धे ५ ॥सू०
 १८३॥ तिविहे दंसणे पन्नत्ते तंजहा—सम्मदंसणे मिच्छदंसणे सम्मामिच्छ-
 दंसणे १। तिविधा स्ती पन्नत्ता तंजहा—सम्मरुती मिच्छरुती सम्मामिच्छरुई
 २ । तिविधे पयोगे पन्नत्ते तंजहा—सम्मपयोगे मिच्छपयोगे सम्मा-
 मिच्छपयोगे ३ ॥सू० १८४॥ तिविहे ववसाए पन्नत्ते तंजहा—धम्मि

ववसाते अथम्मिए ववमाते धम्मियाधम्मिए ववमाते ४। अथवा तिविधे
ववसाते, पन्नत्ते तंजहा-पच्चक्खे पच्चतिते आणुगामिए ५ । अहवा
तिविधे ववमाते पन्नत्ते तंजहा-इहलोइए परलोइए इहलोगितपरला-
गिते ६। इहलोगिते ववसाते तिविहे पन्नत्ते तंजहा-लोगिते वेतिते
मामत्तेते ७। लोगिते ववमाने तिविधे पन्नत्ते तंजहा-अत्थे धम्मं
कामे ८। वेतिगे ववसाते तिविधे पन्नत्ते तंजहा-रिउव्वेदे जउव्वेदे सामवेदे
९। मामइते ववसाते तिविधे पन्नत्ते तंजहा-आणो दंमणो चरित्ते १०।
तिविधा अत्थजोणी पन्नत्ता तंजहा-सामे दंडं भेदे ११ ॥सू० १८५॥
तिविहा पोगगला पन्नत्ता तंजहा-पय्योगपरिणता मीसापरिणता वीस-
सापरिणता, तिपतिट्ठिया णारगा पन्नत्ता तंजहा-पुढविपतिट्ठिता आगास-
पतिट्ठिता आयपड्ढिया, गोगमसंगहववहाराणं पुढविपड्ढिया उज्जुसु-
तस्स आगामपतिट्ठिया तिराहं सद्वणाताणं आयपतिट्ठिया ॥ सू० १८६ ॥
तिविधे मिच्छत्ते पन्नत्ते तंजहा-अकिरिता अविणत्ते अन्नाणे १ । अकिरिया
तिविधा, पन्नत्ता तंजहा-पय्योगकिरिया समुदाणकिरिया अन्नाणकिरिया
२ । पय्योगकिरिया तिविधा, पन्नत्ता तंजहा-मणपय्योगकिरिया वड्पय्योग-
किरिया कायपय्योगकिरिया ३ । समुदाणकिरिया तिविधा पन्नत्ता तंजहा-
अणंतरसमुदाणकिरिया परंपरसमुदाणकिरिया तदुभयसमुदाणकिरिता ४ ।
अन्नाणकिरिता तिविधा पन्नत्ता तंजहा-मतिअन्नाणकिरिया सुतअन्नाण-
किरिया विभंगअन्नाणकिरिया ५ । अविणत्ते तिविधे पन्नत्ते तंजहा-देसच्चाती
निरालंबणता नाणापेजदोसे ६ । अन्नाणे तिविधे पन्नत्ते तंजहा-देसराणाणे
सच्चराणाणे भावन्नाणे ७ ॥सू. १८७॥ तिविधे धम्मे पन्नत्ते तंजहा-सुयधम्मं
चरित्तधम्मं अत्थिकायधम्मं १ । तिविधे उवकमे पन्नत्ते तंजहा-धम्मिते उवकमे
अधम्मिते उवकमे धम्मिताधम्मिते उवकमे २ । अहवा तिविधे उवकमे पन्नत्ते
तंजहा-आयोवकमे परोवकमे तदुभयोवकमे ३ । एवं वेय्यवच्चे ४ । अणुगगहे ५ ।

अणुमट्टी ६, उवालिंभं ७, एवमेककेके तिन्नि २ आलावगा जहेव उवक्कमे
 ॥सू० १८८॥ तिविहा कहा, पन्नत्ता तंजहा-अत्थकहा धम्मकहा कामकहा
 १। तिविहे विणिच्छते पन्नत्ते तंजहा अत्थविणिच्छते धम्मविणिच्छते काम-
 विणिच्छते २ ॥सू० १८९॥ तहारुवं णं भंते ! समणं वा माहणं वा
 पज्जुवासमाणस्स किंफला पज्जुवासणाता ?, सवणफला, से णं भंते ! सवणो
 किंफले ?, णाणफले, से णं भंते ! णाणो किंफले ?, विराणाणफले, एवमेतेणं
 अभिलावेणं इमा गाथा अणुगंतवा-सवणो णाणो य विन्नाणो पच्चवखाणो
 य संजमे । अणुरहते तवे चेव वोदाणो अकिरिय निव्वाणो ॥१॥ जाव से
 णं भंते ! अकिरिया किंफला ?, निव्वाणफला, से णं भंते ! निव्वाणो
 किंफले ?, सिद्धिगइगमणपज्जवसाणफले पन्नत्ते, समणाउसो ! ॥सू० १९०॥

॥ इति त्रिस्थानकस्य तृतीय उद्देशकः ॥३-३॥

॥ अथ अध्ययनं ३ :: उद्देशकः ४ ॥

पडिमापडिवन्नस्स अणुगारस्स कप्पंति तत्रो उवस्सया पडिलेहित्तए
 तंजहा-अहे आगमणगिहंसि वा अहे वियडगिहंसि वा अहे रुक्खमूल-
 गिहंसि वा, एवमाणन्नवित्तते, उवातिणित्तते १ । पडिमापडिवन्नस्स अणु-
 गारस्स कप्पंति तत्रो संथारगा पडिलेहित्तते, तंजहा-पुढविसिला कट्टसिला
 अहामंथडमेव, एवं अणुराणवित्तए २ ॥सू० १९१॥ तिविहे काले पराणत्ते
 तंजहा-तीए पडुप्परणो अणागए १ । तिविहे समए पन्नत्ते तंजहा-तीते
 पडुप्पन्ने अणागए २ । एवं आवलिया आणापाणू थोवे लवे मुहुत्ते
 अहोरत्ते जाव वामसतमहस्से पुब्बंगे पुब्बे जाव ओसप्पिणी ३। तिविधे पोग्ग-
 लपरियट्ठे पन्नत्ते तंजहा-तीते पडुप्पन्ने अणागते ४ ॥सू० १९२॥
 तिविहे वयणो पन्नत्ते तंजहा-एगवयणो दुवयणो बहुवयणो १ । अहवा
 तिविहे वयणो पन्नत्ते तंजहा-इत्थिवयणो पुं वयणो नपुं मगवयणो २ । अहवा

तिविहे वयणो पन्नत्ते तंजहा-तीतवयणो पडुपन्नवयणो अणायवयणो ३ ॥
सू० १६३॥ तिविहा पन्नवणा पन्नत्ता तंजहा-णाणपन्नवणा दंसणपन्नवणा
चरित्तपन्नवणा । तिविधे सम्मे पन्नत्ते तंजहा-नाणसम्मे दंसणसम्मे चरित्त-
सम्मे २ । तिविधे उवघाते पन्नत्ते तंजहा-उग्गमोवघाते उधायणोवघाते एसणो-
वघाते ३ । एवं विसोही ४ ॥सू० १६४॥ तिविहा आराहणा पन्नत्ता तंजहा-
णाणाराहणा दंसणाराहणा चरित्ताराहणा ५ । णाणाराहणा तिविहा पन्नत्ता
तंजहा-उक्कोसा मज्झिमा जहन्ना ६ । एवं दंसणाराहणावि ७ । चरित्ताराहणावि
८ । तिविधे संकिलेसे पन्नत्ते तंजहा-नाणसंकिलेसे दंसणसंकिलेसे चरित्त-
संकिलेसे ९ । एवं असंकिलेसेवि १० । एवमतिकमेऽवि ११ । वड्कमेऽवि
१२ । अड्यारेऽवि १३ । अणायारेऽवि १४ । तिरहमतिकमाणं आलोएज्जा
पडिकमेज्जा निदिज्जा गरहिज्जा जाव पडिवज्जिज्जा, तंजहा-णाणातिकमस्स
दंसणातिकमस्स चरित्तातिकमस्स १५ । एवं वड्कमाणऽवि १६ । अतिचाराणं
१६ । अणायाराणं १७ ॥सू० १६५॥ तिविधे पायच्छित्ते पन्नत्ते तंजहा-
आलोयणारिहे पडिक्कमणारिहे तदुभयारिहे १८ ॥सू० १६६॥ जंबूद्वीवे २
मंदरस्स पव्वयस्स दाहिणोणं ततो अकम्मभूमिथो पन्नत्ताथो तंजहा-हेम-
वृत्ते हरिवासे देवकुरा १ । जंबूद्वीवे २ मंदरस्स पव्वयस्स उत्तरेणं तथो
अकम्मभूमिथो पन्नत्ताथो तंजहा-उत्तरकुरा रम्मगवासे एरणवए २ । जंबू-
मंदरस्स दाहिणोणं ततो वासा पन्नत्ता तंजहा-भरहे हेमवए हरिवासे ३ ।
जंबूमंदरस्स उत्तरेणं ततो वासा पन्नत्ता तंजहा-रम्मगवासे हेरन्नवते एरवए
४ । जंबूमंदरदाहिणोणं ततो वासहरपव्वता पन्नत्ता तंजहा-चुल्लहिमवंते
महाहिमवंते णिसदे ५ । जंबूमंदरउत्तरेणं तथो वासहरपव्वता पन्नत्ता तंजहा-
गीलवंते रूपी सिहरी ६ । जंबूमंदरदाहिणोणं तथो महादहा पन्नत्ता तंजहा-
पउमदहे महापउमदहे तिगिच्छदहे ७ । तत्थ णं ततो देवताथो महिद्धियातो
जाव पलिथोवमट्ठितीताथो परिवसंति तंजहा-सिरी हिरी धिती ८ । एवं

उत्तरेणावि, ग्वावरं-केसरिदंहे महापोंडरीयदहे पोंडरीयदहे १। देवतानो किनी
 बुद्धी लच्छी १०। जंबूमंदरदाहिणोणं चुल्लहिमवंतानो वामधरपव्वतातो पउ-
 मद्दाहो महादहातो ततो महाणतीथो पव्हंति, तंजहा-गंगा मिधू रोहि-
 तंता ११। जंबूमंदरउत्तरेणं मिहरीथो वामहरपव्वतातो पांडरायद्दाहो
 महादहाथो तथो महानदीथो पव्हंति, तंजहा-मुवन्नकूला रत्ता रत्तदनी
 १२। जंबूमंदरपुरच्छिमेणं सीनाए महाणतीते उत्तरेणं ततो अंतरणतीतो
 पन्नत्ताथो तंजहा-गाहावती दहवती पंकवती १३। जंबूमंदरपुरच्छिमेणं
 सीताते महाणतीते दाहिणोणं ततो अंतरणतीतो पन्नत्ताथो तंजहा-नत्तजला
 मत्तजला उम्मत्तजला १४। जंबूमंदरपच्चत्थिमेणं सीथोदाते महाणदीए दाहि-
 णोणं नतो अंतरणतीतो पन्नत्ताथो तंजहा-खी(खा)रोदा सीतसोता अंतो-
 दाहिणी १५। जंबूमंदरपच्चत्थिमेणं सीतोदाए महाणदीए उत्तरेणं तथो अंत-
 रणदीनो पन्नत्ताथो तंजहा-उम्मिमालिणी फेणमालिणी गंभीरमालिनी १६।
 एवं धायइसंडे दीवे पुरच्छिमद्धेवि अकम्मभूमीतां आढ्वेत्ता जाव अंतरनदी-
 थोत्ति णिरवसेसं भाणियव्वं, जाव पुक्खरवरदीवड्डपच्चत्थिमड्डे तंहव निर-
 वसेसं भाणियव्वं १७ ॥सू० ११७॥ तिहिं ठाणोहिं देसे पुढ्वीए चलेज्जा,
 तंजहा-अथे णमिमीसे रयणप्पभाते पुढ्वीते उराला पोग्गला णिवतेज्जा,
 तंते णं ते उराला पोग्गला णिवतमाणा देमं पुढ्वीए चलेज्जा १। महोरते
 वा महोड्डीए जाव महेसक्खे इमीसे रयणप्पभाते पुढ्वीते अह उम्मज्जणिम-
 ज्जियं करेमाणे देसं पुढ्वीते चलेज्जा २। णागसुवन्ना(देवासुरा)णा वा संग-
 मंमि वड्डमाणंसि देसं पुढ्वीते चलेज्जा ३। इच्चेतेहिं तिहिं ठाणोहिं देसे पुढ-
 वीए चलेज्जा १। तिहिं ठाणोहिं केवलकप्पा पुढ्वी चलेज्जा, तंजहा-अथे णं
 इमीसे रतणप्पभाते पुढ्वीते घणवाते गुप्पेज्जा, तए णं से घणवाते गुविते
 समाणे घणोदहिमेज्जा, तए णं से घणोदही एइए समाणे केवलकप्पं
 पुढ्विं चलेज्जा, देवे वा महिद्धिते जाव महेसक्खे तहारूवस्स समणस्स

माहणस्स वा इड्ढिं जुतिं जसं बलं वीरितं पुरिसकारपरकमं उवदंसेमाणो
 केवलकप्पं पुढवि चालिज्जा, देवासुरमंगमंसि वा वट्टमाणंसि केवलकप्पा
 पुढवी चलेज्जा, इच्चेतेहिं तिहिं ठाणोहि केवलकप्पा पुढवी चलेज्जा २ । सू०
 १६८॥ तिविधा देवकिब्बिसिया पन्नत्ता तंजहा-तिपलित्थोवमट्ठितीता १।
 तिसागरोवमट्ठितीता २। तेरससागरोवमट्ठितीया ३-१। कहि णं भंते !
 तिपलितोवमट्ठितीता देवकिब्बिसिया परिवसंति ? उप्पि जोइसियाणं
 हिड्ढिं सोहम्मीसाणोसु कप्पेसु एत्थ णं तिपलित्थोवमट्ठितीया देवा किब्बि-
 सिया परिवसंति २ । कहि णं भंते ! तिसागरोवमट्ठितीता देवा
 किब्बिसिया परिवसंति ? उप्पि सोहंमीसाणाणं कप्पाणं हेड्ढिं सण-
 कुमारमाहिदे कप्पे एत्थ णं तिसागरोवमट्ठितीया देवकिब्बिसिया परिव-
 संति ३। कहि णं भंते । तेरससागरोवमट्ठितीया देवकिब्बिसिता परिवसंति ?
 उप्पि बंभेलोगस्स कप्पस्स हिड्ढिं लंतगे कप्पे एत्थ णं तेरससागरोवमट्ठितीता
 देवकिब्बिसिया परिवसंति ४ ॥ सू० १६९॥ सकस्स णं देविंदस्स देवरणो
 बाहिरपरिसाते देवाणं तिन्नि पलित्थोवमाइं ठिई पन्नत्ता १। सकस्स णं देविंदस्स
 देवरन्नो अन्भितरपरिसाते देवीणं तिन्नि पलित्थोवमाइं ठिती पन्नत्ता २।
 ईसाणस्स णं देविंदस्स देवरन्नो बाहिरपरिसाते देवीणं तिन्नि पलित्थोवमाइं
 ठिती पन्नत्ता ३ ॥ सू० २००॥ तिविह पायच्छित्ते पन्नत्ते तंजहा-णाणपाय-
 च्छित्ते दंसणपायच्छित्ते चरित्तपायच्छित्ते १। ततो अणुग्घातिमा पन्नत्ता तंजहा-
 हत्थकम्मं करेमाणो मेहुणं (परि)सेवेमाणो राईभोयणं (परि)भुंजमाणो २।
 तथो पारंचिता पन्नत्ता तंजहा-दुट्ठपारंचिते पमत्तपारंचिते अन्नमन्नं करे-
 माणो पारंचिते ३। ततो अणवट्ठप्पा पन्नत्ता तंजहा-साहंमियाणं तेणं करे-
 माणो, अन्नधम्मियाणं तेणं करेमाणो, ४ हत्थातालं दलयमाणो (अत्थायाणं-
 दलमाणो हत्थालंबं दलमाणो) ४ ॥ सू० २०१ ॥ ततो णो कप्पंति
 पव्वावेत्तए, तंजहा-पंडए वातिते (वाहिये) कीवे १। एवं मुंडावित्तए

२ । सिक्खावित्तए ३ । उवट्टावित्तए ४ । संभुंजित्तते ५ । संवा-
 सित्तते ६ ॥सू० २०२॥ ततो अवायणिज्जा पन्नत्ता तंजहा-अविणीए
 विगतीपडिवद्धे अवित्रोसितपाहुडे १ । तत्रो कप्पंति वातित्तते, तंजहा-
 विणीए अविगतीपडिवद्धे विउसियपाहुडे २ । तत्रो दुसन्नप्पा पन्नत्ता
 तंजहा-दुट्ठे मूढे बुग्गाहिते ३ । तत्रो सुसन्नप्पा पन्नत्ता तंजहा-अदुट्ठे
 अमूढे अबुग्गाहिते ४ ॥सू० २०३॥ ततो मडलिया पव्वत्ता पन्नत्ता तंजहा-
 माणुसुत्तरे कुंडलवरे रुअगवरे ॥सू० २०४॥ ततो महतिमहालया पन्नत्ता
 तंजहा-जंबुद्दीवे मंदरे मंदरेसु, सयंभुरमणे समुद्दे समुद्देसु, वंभलोए कप्पे
 कप्पेसु ॥सू० २०५॥ तिविधा कप्पठिती पन्नत्ता तंजहा-सामाइयकप्पठिती
 छेदोवट्टावणियकप्पठिती निव्विसमाणकप्पठिती १ । अहवा तिविहा कप्प-
 ठिती पन्नत्ता तंजहा-णिव्विट्टकप्पठिती जिणकप्पठिती थेरकप्पठिती २
 ॥२०६॥ नेरइयाणं ततो सरीरगा पन्नत्ता तंजहा-वेउव्विते तेयए कम्मए
 १ । असुरकुमाराणं ततो सरीरगा पन्नत्ता तंजहा-एवं चेव २ । एवं
 सव्वेसिं देवाणं ३ । पुढविकाइयाणं ततो सरीरगा पन्नत्ता तंजहा-
 ओरालिते तेयए कम्मते ४ । एवं वाउकाइयवज्जाणं जाव चउरिंदियाणं
 ५ ॥ सू० २०७ ॥ गुरुं पडुच्च ततो पडिणीता पन्नत्ता तंजहा-
 आयरियपडिणीते उवज्झायपडिणीते थेरपडिणीते १ । गतिं पडुच्च ततो-
 पडिणीया पन्नत्ता तंजहा-इहलोगपडिणीए परलोगपडिणीए दुहत्थो(उभत्थो)
 लोगपडिणीए २ । समूहं पडुच्च ततो पडिणीता पन्नत्ता तंजहा-कुलपडि-
 णीए गणपडिणीए संवपडिणीते ३ । अणुकंपं पडुच्च ततो पडिणीया
 पन्नत्ता तंजहा-तवस्सिपडिणीए गिलाणपडिणीए सेहपडिणीए ४ । भावं
 पडुच्च ततो पडिणीता पन्नत्ता तंजहा-णाणपडिणीए दंसणपडिणीए चरि-
 त्तपडिणीए ५ । सुयं पडुच्च ततो पडिणीता पन्नत्ता तंजहा-सुत्तपडिणीते
 अत्थपडिणीते तदुभयपडिणीए ६ ॥सू० २०८॥ ततो पित्तियंगा पन्नत्ता

तंजहा-अट्टी अट्टिमिंजा केमंमंसुरोमनहे (नहरोमे) १ । तत्रो माउयंगा
 पन्नत्ता तंजहा-मंसे सोणिते मत्थुलिंगे २ ॥सू० २०९॥ तिहिं ठाणोहिं
 समणो णिग्गंथे महानिज्जरे महापज्जवसाणे भवति, तंजहा-कया णं अहं
 अप्पं वा बहुयं वा सुयं अहिज्जिस्सामि ? कया णमहमेकल्लविहारपडिमं उव-
 संज्जिता णं विहरिस्सामि ? कया णमहमपच्छिममारणांतिसंलेहणाभूसणा-
 भूमिते भत्तपाणपडियाइक्खिते पाओवगते कालं अणवकंखमाणे विहरिस्सामि ?
 एवं स मणसा स वयसा स कायसा पहारेमाणे (पागडेमाणे) निग्गंथे
 महानिज्जरे महापज्जवसाणे भवति १ । तिहिं ठाणोहिं समणोवासते महा-
 निज्जरे महापज्जवसाणे भवति, तंजहा-कया णमहमप्पं वा बहुयं वा परिग्गहं
 परिचइस्सामि ? १ कया णं अहं मुंडे भवित्ता आगारातो अणगारितं पव्व-
 इस्सामि ? २ कया णं अहं अपच्छिममारणांतिसंलेहणाभूमणाभूमिते
 भत्तपाणपडियातिक्खिते पाओवगते कालं अणवकंखमाणे विहरिस्सामि ? ३,
 एवं स मणसा स वयसा स कायसा पागडेमाणे [जागरमाणे] समणोवासते
 महानिज्जरे महापज्जवसाणे भवति २ ॥सू० २१०॥ तिविहं पोग्गलपडि-
 घाते पन्नत्ते तंजहा-परमाणुपोग्गले परमाणुपोग्गलं पप्प पडिहन्निज्जा
 लुक्खत्ताते वा पडिहरिणज्जा लोगंते वा पडिहन्निज्जा ॥सू० २११॥ तिविहे
 चक्खु पन्नत्ता तंजहा-एगचक्खु विचक्खु तिचक्खु, छउमत्थे णं मणस्से एग-
 चक्खु, देवे विचक्खु तहारूवे समणो वा माहणो वा उप्पन्ननाणदंसणधरे से
 णं तिचक्खुत्त वत्तवं मिता ॥सू० २१२॥ तिविधे अभिसमागमे पन्नत्ते
 तंजहा-उड्ढं अहं तिरियं, जया णं तहारूवस्स समणस्स वा माहणस्स वा अति-
 सेसे नाणदंसणे समुप्पज्जति से णं तप्पदमत्ताते उड्ढमभिमग्गेति ततो तिरितं
 ततो पच्छा अहे, अहोलोगे णं दुरभिगमे पन्नत्ते समणाउमो ॥सू० २१३॥
 तिविधा इट्ठी पन्नत्ता तंजहा-देविट्ठी राइट्ठी गणिट्ठी १। देविट्ठी तिविहा
 पन्नत्ता तंजहा-विमाणिट्ठी विगुव्वणिट्ठी परिदारणिट्ठी २। अहवा देविट्ठी

तिविहा पन्नत्ता तंजहा-सचित्ता अचित्ता मीसिता ३। राइड्डी तिविधा पन्नत्ता
 तंजहा-रन्नो अतियाणिड्डी रन्नो निज्जाणिड्डी रगणो बलवाहणकोसकांटागा-
 रिड्डी ४। अहवा रातिड्डी तिविहा पन्नत्ता तंजहा-सचित्ता अचित्ता मीमिता
 ५। गणिड्डी तिविहा पन्नत्ता तंजहा-गाणिड्डी दंसणिड्डी चरित्तिड्डी ६।
 अहवा गणिड्डी तिविहा पन्नत्ता तंजहा-सचित्ता अचित्ता मीसिया ७ ॥सू०
 २१४॥ ततो गारवा पन्नत्ता तंजहा-इड्डीगारवे रसगारवे सातागारवे ॥सू०
 २१५॥ तिविधे करणे पन्नत्ते तंजहा-धम्मि ते करणे अधम्मि ए करणे धम्मि ना-
 धम्मि ए करणे ॥सू० २१६॥ तिविहे भगवता धम्मे पन्नत्ते तंजहा-सुअ-
 धिज्झिते सुज्झातिते सुतवस्सिते, जया सुअधिज्झितं भवति तदा सुज्झा-
 तियं भवति जया सुज्झातियं भवति तदा सुतवस्सियं भवति, से सुअधिज्झिति-
 सुज्झातिते सुतवस्सिते सुतक्खाते णं भगवता धम्मे पराणत्ते ॥सू० २१७॥
 तिविधा वावत्ती पन्नत्ता तंजहा-जाणू अजाणू वितिगिच्छा, एवमज्झोवव-
 ज्जणा परियावज्जणा ॥सू० २१८॥ तिविधे अंते पन्नत्ते तंजहा-लोगंते वेयंते
 समयंते ॥सू० २१९॥ ततो जिणा पन्नत्ता तंजहा-ओहिणाणजिणे मण-
 पज्जवणाणजिणे केवलणाणजिणे १। ततो केवली पन्नत्ता तंजहा-ओहिनाण-
 केवली मणपज्जवनाणकेवली केवलनाणकेवली २। तथो अरहा पन्नत्ता तंजहा-
 ओहिनाणअरहा मणपज्जवनाणअरहा केवलनाणअरहा ३ ॥सू० २२०॥ ततो
 लेसाओ दुब्भिगंधाओ पन्नत्ताओ तंजहा-करहलेसा णीललेसा काउलेसा १।
 तथो लेसाओ सुब्भिगंधातो पन्नत्ताओ तंजहा-तेउलेसा पम्हलेसा सुकलेसा
 २। एवं दोग्गतिगामिणीओ ३। सोगतिगामिणीओ ४। संकिलिटाओ ५।
 असंकिलिटाओ ६। अमणुन्नाओ ७। मणुन्नाओ ८। अविसुद्धाओ ९।
 विसुद्धाओ १०। अप्पसत्थाओ ११। पसत्थाओ १२। सीतलुक्खाओ १३।
 णिद्धुरहाओ १४ ॥सू० २२१॥ तिविहे मरणे पन्नत्ते तंजहा-बालमरणं
 पंडियमरणे बालपंडियमरणे १। बालमरणे तिविहे पन्नत्ते तंजहा-ठितलेसे

संकिलिट्टलेसे पज्जवजातलेसे २। पंडियमरणो तिविहे पन्नत्ते तंजहा-ठितलेसे
 असंकिलिट्टलेसे पज्जवजातलेसे ३। बालपंडितमरणो तिविधे पन्नत्ते तंजहा-
 ठितलेस्से असंकिलिट्टलेसे अपज्जवजातलेसे ४ ॥सू० २२२॥ ततो ठाणा
 अव्वसितस्स अहिताते असुभाते अखमाते अणिस्सेसाते अणाणुगामियत्ताते
 भवंति, तंजहा-से णं मुंडे भवित्ता अगारातो अणगारियं पव्वतिते णिग्गंथे
 पावयणो संकिते कंखिते वित्तिगिच्छिते भेदसमावन्ने कलुससमावन्ने निग्गंथं
 पावयणं णो सद्वहति णो पत्तियति णो रोएति तं परिस्सहा अभिजुंजिय २
 अभिभवन्ति, णो से परिस्सहे अभिजुंजिय २ अभिभवइ १ । से णं मुंडे
 भवित्ता अगारातो अणगारितं पव्वतिते पंचहिं महव्वएहिं संकिते जाव
 कलुससमावन्ने पंच महव्वताइं नो सद्वहति जाव णो से परिस्सहे अभि-
 जुंजिय २ अभिभवति २ । से णं मुंडे भवित्ता अगारातो अणगारियं पव्व-
 तिते छहिं जीवनिकाएहिं जाव अभिभवइ ३-१। ततो ठाणा ववसियस्स
 हिताते जाव अणागामितत्ताते भवंति, तंजहा-से णं मुंडे भवित्ता अगारातो
 अणगारियं पव्वतिते णिग्गंथे पावयणो णिम्मसंकिते णिवकंखिते जाव नो
 कलुससमावन्ने णिग्गंथं पावयणं सद्वहति पत्तियति रोतेति से परिस्सहे
 अभिजुंजिय २ अभिभवति, नो तं परिस्सहा अभिजुंजिय २ अभिभवन्ति
 १ । से णं मुंडे भवित्ता अगारातो अणगारियं पव्वतिते समाणो पंचहिं
 महव्वएहिं णिस्ससंकिण्णिककंखीए जाव परिस्सहे अभिजुंजिय २ अभि-
 भवइ, नो तं परिस्सहा अभिजुंजिय २ अभिभवन्ति २ । से णं मुंडे भवित्ता
 अगारातो अणगारियं पव्वइए छहिं जीवनिकाएहिं णिस्ससंकिते जाव
 परिस्सहे अभिजुंजिय २ अभिभवति, नो तं परिस्सहा अभिजुंजिय २
 अभिभवन्ति ३-२ ॥सू० २२३॥ एगमेगा णं पुढ्वी तिहिं वलएहिं सव्वओ
 समंता संपरिक्खित्ता, तंजहा-घणोदधिवलएणं घणवातवलएणं तणुवाय-
 वलतेणं ॥सू० २२४॥ गोरइया णं उक्कोसेणं तिसमतितेणं विग्गहेणं उव-

वज्जंति, एगिंदियवज्जं जाव वेमाणियाणं ॥सू० २२५॥ खीणमोहस्स णं
 अरहाओ ततो कम्मसा जुगवं खिज्जंति, तंजहा—नाणावरणिज्जं दंसणावर-
 णिज्जं अंतरातियं ॥सू० २२६॥ अभितीणक्खत्ते तितारे पन्नत्ते १ एवं
 संवणो २ अस्मिणी ३ भरणी ४ मगसिरे ५ पूसे ६ जेट्ठा ७ ॥सू० २२७॥
 धम्ममातो णं अरहाओ संति अरहा तिहिं सागरोवमेहिं तिवउन्मागपलित्यो-
 वमऊणएहिं वीतिक्कत्तेहि समुप्पन्ने ॥सू० २२८॥ समणस्स णं भगवओ
 महावीरस्स जाव तच्चाओ पुरिसजुगाओ जुगंतकरभूमि १। मल्ली णं अरहा
 तिहि पुरिसमएहि सद्धि मुंडे भवित्ता जाव पव्वतिते २। एवं पासंवि ३
 ॥सू० २२९॥ समणस्स णं भगवतो महावीरस्स तिन्नि सया चउद्दमपुव्वीणं
 अजिणाणं जिणसंकासाणं सब्बक्खरसन्निवातीणं जिण इव अवितहवागर-
 माणाणं उक्कोसिया चउद्दमपुव्विसंपया हुत्था ॥सू० २३०॥ तओ तित्थयरा
 चक्कवट्ठी होत्था तंजहा—संती कुंथू अरा ॥सू० २३१॥ ततो गेविज्जविमा-
 णपत्थडा पन्नत्ता तंजहा—हेट्ठिमगेविज्जविमाणपत्थडे मज्झिमगेविज्जविमाण-
 पत्थडे उपरिमगेविज्जविमाणपत्थडे १। हेट्ठिमगेविज्जविमाणपत्थडे तिविहे
 पन्नत्ते तंजहा—हेट्ठिम २ गेविज्जविमाणपत्थडे हेट्ठिममज्झिमगेविज्जविमाण-
 पत्थडे हेट्ठिमउवरिमगेविज्जविमाणपत्थडे २। मज्झिमगेविज्जविमाणपत्थडे
 तिविहे पन्नत्ते तंजहा—मज्झिमहेट्ठिमगेवेज्जविमाणपत्थडे मज्झिम २ गेविज्ज-
 विमाणपत्थडे मज्झिमउवरिमगेविज्जविमाणपत्थडे ३। उवरिमगेविज्जविमाण-
 पत्थडे तिविहे पन्नत्ते तंजहा—उवरिमहेट्ठिमगेविज्जविमाणपत्थडे उवरिममज्झि-
 मगेविज्जविमाणपत्थडे उवरिम २ गेविज्जविमाणपत्थडे ॥सू० २३२॥ जीवाणं
 तिट्ठाणाणव्वत्तिते पोग्गले पावकम्मत्ताते चिणिसु वा चिणिंति वा चिणिस्संति
 वा, तंजहा—इत्थिणिव्वत्तिते पुरिसनिव्वत्तिए णपुंसगनिव्वत्तिते, एवं चिण-
 उवचिणव्वंधउदीरवेद तह णिज्जरा चेव ॥सू० २३३॥ तिपत्तेसिता खंधा

अण्ता पण्ता, एवं जाव तिगुणलुक्खा पोग्गला अण्ता पन्नत्ता ॥सू०
२३४॥ तिद्वाणं समत्तं ततियं अज्झयणं समत्तं ॥

इति त्रिस्थानकस्य चतुर्थे उद्देशकः ३-४॥ इति तृतीयं त्रिस्थानाध्ययनम् ॥३॥

॥ अथ चतुःस्थानकाख्यं चतुर्थमध्ययनम् ॥

चत्तारि अंतकिरियातो पन्नत्ताओ तंजहा-तत्थ खलु पदमा इमा अंत-
किरिया-अप्पकम्मपच्चायाते यावि भवति, से णं मुंडे भवित्ता अगारातो
अण्णगारियं पव्वतित्ते संजमवहुले संवरवहुले समाहिबहुले लूहे तीरट्ठी उव-
हाणवं दुक्खक्खवे तवस्सी तस्म णं णो तहप्पगारे तवे भवति णो तहप्प-
गारा वेयणा भवति तहप्पगारे पुरिसजाते दीहेणं परितातेणं सिज्झति
बुज्झति मुच्चति परिणिज्जाति सब्बदुक्खाणमंतं करेइ, जहा से भरहे राया
चाउरंतवक्खट्ठी, पदमा अंतकिरिया १, अहावरा दोच्चा अंतकिरिया, महा-
कम्मे पच्चाजाते यावि भवति, से णं मुंडे भवित्ता अगाराओ अण्णगारियं
पव्वतित्ते, संजमवहुले संवरवहुले जाव उवहाणवं दुक्खक्खवे तवस्सी, तस्स
णं तहप्पगारे तवे भवति तहप्पगारा वेयणा भवति, तहप्पगारे पुरिसजाते
निरुद्धेणं परितातेणं सिज्झति जाव अंतं करेति जहा से गतसूमाले अण-
गारे, दोच्चा अंतकिरिया २, अहावरा तच्चा अंतकिरिया, महाकम्मे पच्चायाते
यावि भवति, से णं मुंडे भवित्ता अगारातो अण्णगारियं पव्वतित्ते, जहा
दोच्चा, नवरं दीहेणं परितातेणं सिज्झति जाव सब्बदुक्खाणमंतं करेति, जहा
से सण्णकुमारे राया चाउरंतवक्खट्ठी, तच्चा अंतकिरिया ३, अहावरा चउत्था
अंतकिरिया अप्पकम्मपच्चायाने यावि भवति, से णं मुंडे भवित्ता जाव पव्व-
तित्ते संजमवहुले जाव तस्स णं णा तहप्पगारे तवे भवति णो तहप्पगारा
वेयणा भवति, तहप्पगारे पुरिसजाए निरुद्धेणं परितातेणं सिज्झति जाव
सब्बदुक्खाणमंतं करेति, जहा सा मरुदेवा भगवती, चउत्था अंतकिरिया ४

॥सू० २३५॥ चत्वारि रुक्खा पन्नत्ता तंजहा-उन्नए नामेगे उन्नए १ उन्नते नाममेगे पणते २ पणते नाममेगे उन्नते ३ पणते नाममेगे पणते ४, १ । एवामेव चत्वारि पुरिसजाता पन्नत्ता तंजहा-उन्नते नामेगे उन्नते, तहेव जाव पणते नामेगे पणते २ । चत्वारि रुक्खा पन्नत्ता तंजहा-उन्नते नाममेगे उन्नत-परिणए १ उराणए नाममेगे पणतपरिणते २ पणते णाममेगे उन्नतपरिणते ३ पणए नाममेगे पणयपरिणए ४, ३ । एवामेव चत्वारि पुरिसजाया पन्नत्ता तंजहा-उन्नते नाममेगे उन्नयपरिणते चउभंगो (चत्वारि भंगा) ४, ४ । चत्वारि रुक्खा पन्नत्ता तंजहा-उन्नते नामेगे उन्नतरूवे, तहेव चउभंगो ४, ५ । एवामेव चत्वारि पुरिसजायां पन्नत्ता तंजहा-उन्नए नामेगे उन्नतरूवे, तहेव चउभंगो ४, ६ । चत्वारि पुरिसजाया पन्नत्ता तंजहा-उन्नते नाममेगे उन्नतमणे तहेव चउभंगो ४, ७ । एवं संकप्पे ८ पन्ने १ । दिट्ठा १० । सीलायारे (सीले आयारे) ११ । ववहारे १२ । परक्कमे १३ । एगे पुरिसजाए पडिवक्खो नत्थि । चत्वारि रुक्खा पन्नत्ता तंजहा-उज्जूनाममेगे उज्जू, उज्जू नाममेगे वंके, चउभंगो ४, १ । एवामेव चत्वारि पुरिसजाता पन्नत्ता तंजहा-उज्जूनाममेगे ४, २ । एवं जहा उन्नतपणतेहिं गमो तहा उज्जूवंकेहिवि भाणियव्वो, जाव परक्कमे २६ ॥सू० २३६॥ पडिमापडिवन्नस्स णमणगारस्स कप्पंति चत्वारि भासातो भासित्तए, तंजहा-जायणी पुच्छणी अणुन्नवणी पुट्टस्स वागरणी ॥सू० २३७॥ चत्वारि भासाजाता पन्नत्ता तंजहा-सच्चमेगं भासज्जायं, बीयं मोसं, तइयं सच्चमोसं, चउत्थं असच्चमोसं ॥सू० २३८॥ चत्वारि वत्था पन्नत्ता तंजहा-सुद्धे णामं एगे सुद्धे १ सुद्धे णामं एगे असुद्धे २ असुद्धे णामं एगे सुद्धे ३ असुद्धे णामं एगे असुद्धे ४, १ । एवामेव चत्वारि पुरिसजाता पन्नत्ता तंजहा-सुद्धे णामं एगे सुद्धे, चउभंगो ४-२ । एवं परिणतरूवे वत्था सपडिवक्खा, चत्वारि पुरिसजाता पन्नत्ता तंजहा-सुद्धे णामं एगे सुद्धमणे, चउभंगो ४, एवं संकप्पे जाव परक्कमे ॥सू० २३९॥

चत्तारि सुता पन्नत्ता तंजहा-अतिजाते अणुजाते अवजाते कुलिंगाले ॥सू० २४०॥ चत्तारि पुरिसजाता पन्नत्ता तंजहा-सच्चे नामं एगे सच्चे, सच्चे नामं एगे असच्चे ४, १। एवं परिणते जाव परक्कमे २। चत्तारि वत्था पन्नत्ता तंजहा-सुतीनामं एगे सुती, सुईनामं एगे असुई, चउभंगो ४, ३। एवामेव चत्तारि पुरिमजाता पन्नत्ता तंजहा-सुती णामं एगे सुती, चउभंगो, ४। एवं जहेव सुद्धेणं (सुइणा) वत्थेणं भणितं तहेव सुतिणावि जाव परक्कमे ५ ॥सू० २४१॥ चत्तारि कोरवा पन्नत्ता तंजहा-अंबपलंबकोरवे तालपलंबकोरवे वल्लिपलंबकोरवे मेंढविसाणकोरवे १। एवामेव चत्तारि पुरिसजाता पन्नत्ता तंजहा-अंबपलंबकोरवसमाणो तालपलंबकोरवसमाणो वल्लिपलंबकोरवसमाणो मेंढविसाणकोरवसमाणो २ ॥सू० २४२॥ चत्तारि घुणा पन्नत्ता तंजहा-तयक्खाते छल्लिक्खाते कट्टक्खाते सारक्खाते १। एवामेव चत्तारि भिक्खागा पन्नत्ता तंजहा-तयक्खायसमाणो जाव सारक्खायसमाणो, तयक्खातसमाणस्स णं भिक्खागस्स सारक्खातसमाणो तवे पराणत्ते, सारक्खायसमाणस्स णं भिक्खागस्स तयक्खातसमाणो तवे पन्नत्ते, छल्लिक्खायसमाणस्स णं भिक्खागस्स कट्टक्खायसमाणो तवे पराणत्ते, कट्टक्खायसमाणस्स णं भिक्खागस्स छल्लिक्खायसमाणो तवे पराणत्ते २ ॥सू० २४३॥ चउव्विहा तणवणस्सत्ति-कातिता पन्नत्ता तंजहा-अग्गवीया मूलवीया पोरवीया खंधवीया १ ॥सू० २४४॥ चउहिं ठाणेहिं अहुणोववरणो गोरइए गोरइयलोगंसि इच्छेज्जा माणुसं लोगं हव्वमागच्छित्तते, णो चेव णं संचातेइ हव्वमागच्छित्तते, अहुणोववरणो नेरइए गिरयलोगंसि समुब्भूयं (सम्मूहभूयं, समहब्भूयं) वेयणं वेयमाणो इच्छेज्जा माणुसं लोगं हव्वमागच्छित्तते णो चेव णं संचातेति हव्वमागच्छित्तते १, अहुणोववन्ने गोरइए निरतलोगंसि गिरयपालेहि भुज्जो २ अहिट्टिज्जमाणो इच्छेज्जा माणुसं लोगं हव्वमागच्छित्तते, णो चेव णं संचातेति हव्वमागच्छित्तते २, अहुणोववन्ने गोरइए गिरतवेयणिज्जंसि

कम्मंसि अक्खीणंसि अवेतितंसि अणिज्जिन्नंसि इच्छेज्जा माणुसं लोगं
हव्वमागच्छित्तते, नो चेव णं संचाएइ ३, एवं णिरयाउअंसि कम्मंसि अक्खी-
णंसि जाव णो चेव णं संचातेति हव्वमागच्छित्तते ४, इच्छेतेहिं चउहिं
ठाणेहिं अहुणोववन्ने नेरतिते जाव नां चेव णं संचातेति हव्वमागच्छित्तए
॥सू० २४५॥ कप्पंति णिग्गंथीणं चत्तारि संघादीओ धारित्तए वा परिहरि-
त्तते वा, तंजहा-एगं दुहत्थवित्थारं, दो तिहत्थवित्थारा एगं चउहत्थवित्थारं
॥सू० २४६॥ चत्तारि भाणा पन्नत्ता तंजहा-अट्टे भाणे रोद्धे भाणे धम्मे
भाणे सुक्के भाणे १। अट्टे भाणे चउव्विहे पन्नत्ते तंजहा-अ(स)माणुन्न-
संययोगसंपउत्ते तस्स विप्पयोगसतिसमराणागते यावि भवति १, माणुन्नसंप-
योगसंपउत्ते तस्स अविप्पयोगसतिसमराणागते यावि भवति २, आयंकसंप-
योगसंपउत्ते तस्स विप्पयोगसतिसमराणागए यावि भवति ३, परिजुसितका-
मभोगसंपयोगसंपउत्ते तस्स अविप्पयोगसतिसमराणागते यावि भवइ ४, २।
अट्टस्स णं भाणस्स चत्तारि लक्खणा पन्नत्ता तंजहा-कंदणाता सोनणाता
तिप्पणाता परिदेवणाता ३। रोद्धे भाणे चउव्विहे पन्नत्ते तंजहा-हिंसाणु-
बंधि मोसाणुबंधि तेणाणुबंधि मारक्खाणुबंधि ४। रुद्धस्स णं भाणस्स
चत्तारि लक्खणा पन्नत्ता तंजहा-आंसराणादोसे बहुदोसे अन्नाण(नाणाविह)
दोसे आमराणादोसे ५। धम्मे भाणे चउव्विहे चउप्पयावयारे (चउप्पडोयारे)
पन्नत्ता तंजहा-आणाविजते अवायविजते विवागविजते मंठाणविजते
६। धम्मस्स णं भाणस्स चत्तारि लक्खणा पन्नत्ता तंजहा-आणारूद्धे
णिसग्गरूद्धे सुत्तरूद्धे ओगादरुत्ती ७। धम्मस्स णं भाणस्स चत्तारि आलंबणा
पन्नत्ता तंजहा-वायणा पडिपुच्छणा परियट्टणा अणुप्पेहा ८। धम्मस्स णं
भाणस्स चत्तारि अणुप्पेहाओ पन्नत्ताओ तंजहा-एगाणुप्पेहा अणिचाणुप्पेहा
अंसराणुप्पेहा संसाराणुप्पेहा ९। सुक्के भाणे चउव्विहे चउप्पडोयारे
पन्नत्ते तंजहा-पुहुत्तवितक्के सवियारि १, एगत्तवितक्के अवियारि २, सुहु-

मकिरिते अणियट्ठी ३, समुच्छिन्नकिरिए अप्पडिवाती ४, १०। सुकस्स णं
 भाणस्स चत्तारि लक्खणा पन्नत्ता तंजहा—अव्वहे असम्मोहे विवेगे विउस्सग्गे
 ११। सुकस्स णं भाणस्स चत्तारि आलंक्खणा पन्नत्ता तंजहा—खंती मुत्ती
 मद्दवे अज्जवे १२। सुकस्स णं भाणस्स चत्तारि अणुप्पेहाओ पन्नत्ताओ
 तंजहा—अणंतवत्तियाणुप्पेहा विप्परिणामाणुप्पेहा असुभाणुप्पेहा अवायाणु-
 प्पेहा १३ ॥सू० २४७॥ चउव्विहा देवाण ठिती पन्नत्ता तंजहा—देवे णाम-
 मेगे १ देवसिणाते नाममेगे २ देवपुरोहिते नाममेगे ३ देवपज्जलणे नाम-
 मेगे ४, १। चउव्विधे संवासे पन्नत्ते तंजहा—देवे णाममेगे देवीए सद्धिं
 संवासं गच्छेज्जा, देवे णाममेगे छवीते सद्धिं संवासं गच्छेज्जा, छवी णाम-
 मेगे देवीए सद्धिं संवासं गच्छेज्जा, छवी णाममेगे छवीते सद्धिं संवासं
 गच्छेज्जा २ ॥सू० २४८॥ चत्तारि कसाया पन्नत्ता तंजहा—कोहकसाए
 माणकसाए मायाकसाए लोमकसाए, एवं गोरइयाणं जाव वेमाणियाणं २४,
 १। चउपतिट्ठिते कोहे पन्नत्ते तंजहा—आतपइट्ठिते परपतिट्ठिए तदुभयपइट्ठिते
 अपतिट्ठिए, एवं गोरइयाणं जाव वेमाणियाणं २४, २। एवं जाव लोभे,
 वेमाणियाणं २४, ३। चउहिं ठाणेहिं कोधुप्पत्ती सिता, तंजहा—खेत्तं पडुच्चा
 वत्थुं पडुच्चा सरीरं पडुच्चा उवहिं पडुच्चा, एवं गोरइयाणं जाव वेमाणियाणं
 २४, ४। एवं जाव लोभे वेमाणियाणं २४, ५। चउव्विधे कोहं पन्नत्ते
 तंजहा—अणंताणुबंधिकोहे अपच्चक्खाणकोहे पच्चक्खाणावरणे कोहे संजलणे
 कोह, एवं नेरइयाणं जाव वेमाणियाणं २४, ७। एवं जाव लोभे वेमाणि-
 याणं २४, ८। चउव्विधे कोहे पन्नत्ते तंजहा—आभोगणिव्वत्तिए अणा-
 भोगणिव्वत्तिते उव्वसंते अणुवसंते एवं नेरइयाणं जाव वेमाणियाणं २४,
 ९। एवं जाव लोभे जाव वेमाणियाणं २४, १० ॥सू० २४९॥ जीवा
 णं चउहिं ठाणेहिं अट्ठ कम्मपगडीओ चिणिसु, तंजहा—कोहेणं माणेणं मायाए-
 लोभेणं, एवं जाव वेमाणियाणं २४, ११। एवं चिणंति एम दंडओ, एवं

त्रिणिस्संति एस दंडयो, एवमेतेणं तिन्नि दंडगा, २। एवं उवचिणिंसु उव-
चिणंति उवचिणिस्संति ३। वंधिसु ३ उदीरिसु ३ वेदंसु ३ निज्जरेंसु णिज्जरेंति
निज्जरिस्संति जाव वेमाणियाणं, एवमेदकेक्के पदे तिन्नि २ दंडगा भाणि-
यव्वा, जाव निज्जरिस्संति ४ ॥सू० २५०॥ चत्तारि पडिमायो पन्नत्तायो
तंजहा—समाहिपडिमा उवहाणपडिमा विवेगपडिमा विउस्सग्गपडिमा १।
चत्तारि पडिमायो पन्नत्तायो तंजहा - भद्दा सुभद्दा महाभद्दा सव्वतोभद्दा २।
चत्तारि पडिमातो पन्नत्तायो तंजहा—हुड्डिया मोयपडिमा महत्तिया मोय-
पडिमा जवमज्झा वड्ढरमज्झा ३ ॥सू० २५१॥ चत्तारि अत्थिकाया अजी-
वकाया पन्नत्ता तंजहा—धम्मत्थिकाए अधम्मत्थिकाए आगासत्थिकाए पोग्ग-
लत्थिकाए १। चत्तारि अत्थिकाया अरुविकाया पन्नत्ता तंजहा—धम्मत्थिकाए
अधम्मत्थिकाए आगासत्थिकाए जीवत्थिकाए २ ॥सू० २५२॥ चत्तारि
फला पन्नत्ता तंजहा—आमे णामं एगे आममहुरे १ आमे णाममेगे पक्कमहुरे
२ पक्के णाममेगे आममहुरे ३ पक्के णाममेगे पक्कमहुरे ४, १। एवमेव
चत्तारि पुरिसजाता पन्नत्ता तंजहा—आमे णाममेगे आममहुरफलसमाणे ४, २
॥सू० २५३॥ चउव्विहे सच्चं पन्नत्ते तंजहा—काउज्जुयया भासुज्जुयया
भावुज्जुयया अविमंवायणाजोगे १। चउव्विहे मोसे पन्नत्ते तंजहा—कायअणु-
ज्जुयया भामअणुज्जुयया भावअणुज्जुयया विसंवादणाजोगे २। चउव्विहे
पणिहाणे पन्नत्ते तंजहा—मणपणिहाणे वड्ढपणिहाणे कायपणिहाणे उवकर-
णपणिहाणे ३। एवं शेरइयाणं पंचिदियाणं जाव वेमाणियाणं २४, १।
चउव्विहे सुप्पणिहाणे पन्नत्ते तंजहा—मणसुप्पणिहाणे जाव उवगरणसुप्प-
णिहाणे एवं संजयमणुस्साणवि ५। चउव्विहे दुप्पणिहाणे, पन्नत्ते तंजहा—
मणदुप्पणिहाणे जाव उवकरणादुप्पणिहाणे, एवं पंचिदियाणं जाव वेमाणि-
याणं २४, ६। ॥सू० २५४॥ चत्तारि पुरिसजाता पन्नत्ता तंजहा—आवात-
भइते णाममेगे णो संवासभइते १, संवासभइए णाममेगे णो आवातभइए

२, एगे आवातभद्वतेऽवि संवासभद्वतेऽवि ३ एगे णो आवायभद्वते नो वा
संवासभद्वए ४, १। चत्तारि पुरिसजाया पन्नत्ता तंजहा—अप्पणो नाममेगे
वज्जं पासति णो परस्स, परस्स णाममेगे वज्जं पासति ४, २। चत्तारि
पुरिसजाया पन्नत्ता तंजहा—अप्पणो णाममेगे वज्जं उदीरेइ णो परस्स ४,
३। अप्पणो नाममेगे वज्जं उवमामेति णो परस्स ४, ४। चत्तारि पुरिसजाया
पन्नत्ता तंजहा—अब्भुट्ठेइ नाममेगे णो अब्भुट्ठवेति, ४, ५। एवं वंदति
णाममेगे णो वंदावेइ ४, ६। एवं सक्कारेइ ७। सम्माणेति ८। पूएइ ९। वाएइ
१०। पडिपुच्छति (पडिच्छइ) ११। पुच्छइ १२। वागरेति, १३। सुत्तधरे
णाममेगे णो अत्थधरे, अत्थधरे नाममेगे णा सुत्तधरे ४, १४ ॥सू० २५५॥
चमरस्स णं असुरिंदस्स असुरकुमाररत्तो चत्तारि लोगपाला पन्नत्ता तंजहा--
सोमे जमे वरुणो वेसमणो १। एवं बलिस्सवि सोमे जमे वेसमणो वरुणो २।
धरणस्स कालपाले कोलपाले सेलपाले संखपाले ३। एवं भूयाणंदस्स चत्तारि
कालपाले कोलपाले संखपाले सेलपाले ४। वेणुदेवस्स चित्ते विचित्ते चित्त-
पक्खे विचित्तपक्खे ५। वेणुदालिस्स चित्ते विचित्ते विचित्तपक्खे चित्तपक्खे
६। हरिकंतस्स पभे सुप्पभे पभकंते सुप्पभकंते ७। हरिस्सहस्स पभे सुप्पभे
सुप्पभकंते पभकंते ८। अग्गिसिहस्स तेऊ तेउसिहे तेउकंते तेउप्पभे ९। अग्गि-
माणवस्स तेऊ तेऊसिहे तेउपभे तेउकंते १०। पुन्नस्स रुप रूयंसे रूदकंते रूद-
प्पभे ११। एवं त्रिसिद्धस्स स्ते रूतंसे रूतप्पभे रूयकंते १२। जलकंतस्स जले
जलइते जलकंते जलप्पभे १३। जलप्पहस्स जले जलरते जलप्पहे जलकते
१४। अमितगतिस्स तुरियगती खिप्पगती सीहगती सीहविक्रमगती १५।
अमितवाहणस्स तुरियगती खिप्पगती सीहविक्रमगती सीहगती १६। वेलंबस्स
काले महाकाले अंजणे रिट्ठे १७। पभंजणस्स काले महाकाले रिट्ठे अंजणे
१८। घांसस्स आवत्ते वियावत्ते णंदियावत्ते महाणंदियावत्ते १९। महाघोसस्स
आवत्ते वियावत्ते महाणंदियावत्ते णंदियावत्ते २०। सक्कस्स सोमे जमे वरुणो

वेसमणो २१। ईसाणस्स सोमे जमे वेसमणो वरुणो २२। एवं एगंतरिता जाव-
 ज्जुतस्स २३। चउव्विहा वाउकुमारा पन्नत्ता तंजहा—काले महाकाले वेलंवे
 पभंजणो २४ ॥सू० २५६॥ चउव्विहा देवा पन्नत्ता तंजहा—भवणवासी
 ब्राह्ममंतरा जोइसिया विमाणवासी ॥सू० २५७॥ चउव्विहे पमाणो पन्नत्ते
 तंजहा—दव्वप्पमाणो खेत्तप्पमाणो कालप्पमाणो भावप्पमाणो ॥सू० २५८॥
 चत्तारिं दिसाकुमारिमहत्तरियाओ पन्नत्ताओ तंजहा—रूया स्यंसा दुरुवा
 रूयावती १। चत्तारि विज्जुकुमारिमहत्तरियाओ पन्नत्ताओ तंजहा—चित्ता
 चित्तकण्णागा सतेरा सोतामणी २ ॥सू० २५९॥ सक्कस्स गां देविदस्स देव-
 रन्नो मज्झिमपरिसाते देवाणं चत्तारि पलित्थोवमाइं छिती पन्नत्ता १। ईसा-
 णस्स देविदस्स देवरन्नो मज्झिमपरिसाए देवाणं चत्तारि पलित्थोवमाइं ठिई
 पन्नत्ता २ ॥सू० २६०॥ चउव्विहे संसारे पन्नत्ते तंजहा—दव्वसंसारे खेत्त-
 संसारे कालसंसारे भावसंसारे ॥सू० २६१॥ चउव्विहे दिट्ठिवाए पन्नत्ते
 तंजहा—परिकम्मं सुत्ताइं पुव्वगए अणुजोगे ॥सू० २६२॥ च व्विहे
 पायच्छित्ते पन्नत्ते तंजहा—णाणपायच्छित्ते दंसणपायच्छित्ते चरित्तपायच्छित्ते
 वि(चि)त्तकिञ्चपायच्छित्ते १। चउव्विहे पायच्छित्ते पन्नत्ते तंजहा—परिसेवणा-
 पायच्छित्ते संजोयणापायच्छित्ते आरांअणापायच्छित्ते पलिउंचणापायच्छित्ते
 २॥ सू० २६३॥ चउव्विहे काले पन्नत्ते तंजहा—पमाणकाले अहाउयनिव्व-
 त्तिकाले मरणकाले अद्धाकाले ॥सू० २६४॥ चउव्विहे पोग्गलपरिणामे
 पन्नत्ते तंजहा—वन्नपरिणामे गंधपरिणामे रसपरिणामे फासपरिणामे ॥सू०
 २६५॥ भरहेरवणसु गां वासेसु पुरिमपच्छिमवज्जा मज्झिमगा बावीमं अर-
 हंता भगवंता चाउज्जामं धम्मं पण्णावेंति तंजहा—सव्वातो पाणातिवायाओ वेर-
 मणां, एवं मुसावायाओ वेरमणां, सव्वातो अदिन्नादाणाओ वेरमणां सव्वाओ
 बहिद्धादाणाओ वेरमणां ३। सव्वेसु गां महाविदेहेसु अरहंता भगवंतो चाउ-
 ज्जामं धम्मं पण्णावयंति, तंजहा—सव्वातो पाणातिवायाओ वेरमणां, जाव

सञ्जातां वहिष्ठादाणाञ्चो वेरमणां २ ॥सू० २६६॥ चत्तारि दुग्गतीतो पन्न-
 ताञ्चो तंजहा-गोरइयदुग्गती तिरिक्खजोणियदुग्गती मणुस्सदुग्गती देवदुग्गई
 १। चत्तारि सोग्गईञ्चो पन्नताञ्चो तंजहा-सिद्धसोगती देवसोगती मणुय-
 सोगती सुट्टुलपच्चायाति २। चत्तारि दुग्गता पन्नता तंजहा-नेरइयदुग्गया
 तिरिक्खजोणियदुग्गता मणुयदुग्गता देवदुग्गता ३। चत्तारि सुग्गता पन्नता
 तंजहा-सिद्धसुग्गता जाव सुट्टुलपच्चायाया ४ ॥सू० २६७॥ पढमसमयजि-
 णस्स णं चत्तारि कम्मंमा खीणा भवन्ति तंजहा- णाणावरणिज्जं दंसणा-
 वरणिज्जं मोहणिज्जं अंतरातितं १। उप्पन्ननाणदंसणधरे णं अरहा जिणे
 केवली चत्तारि कम्मंसे वेदेति तंजहा-वेदणिज्जं आउयं णामं गोतं २। पढम-
 समयसिद्धस्स णं चत्तारि कम्मंसा जुगवं खिज्जन्ति तंजहा-वेयणिज्जं आउय
 णामं गोतं ३ ॥सू० २६८॥ चउहि ठाणोहिं हासुप्पत्ती सिता तंजहा-पासित्ता
 भासेत्ता सुणोत्ता संभरेत्ता ॥सू० २६९॥ चउव्विहे अंतरे पन्नत्ते तंजहा-कट्ठं-
 तरे पम्हंतरे लोहंतरे पत्थरंतरे, एवामेव इत्थिए वा पुरिसस्स वा चउव्विहे
 अंतरे पन्नत्ते तंजहा-कट्ठंतरसमाणे पम्हंतरसमाणे लोहंतरसमाणे पत्थरंतर-
 समाणे ॥सू० २७०॥ चत्तारि भयगा पन्नत्ता तंजहा-दिवसभयते जत्ताभयते
 उच्चत्तभयते कच्चालभयते ॥सू० २७१॥ चत्तारि पुरिसजाता पन्नत्ता तंजहा-
 संपागडपडिसेवी णामेगे णो पच्छन्नपडिसेवी पच्छन्नपडिसेवी णामेगे णो
 संपागडपडिसेवी एगे संपागडपडिसेवीवि पच्छन्नपडिसेवीवि एगे नो संपागड-
 पडिसेवी णो पच्छन्नपडिसेवी ॥सू० २७२॥ चमरस्स णं असुरिंदस्स असुरं-
 कुमाररन्नो सोमस्स महारन्नो चत्तारि अग्गमहिप्पीञ्चो पन्नताञ्चो तंजहा-कणगा
 कणगज्जता चित्तुत्ता वसुंधरा १। एवं जमस्म वरुणस्स वेसमाणस्स २। बलिस्स
 णं वतिरोयणिंदस्स वतिरोयणारन्नो सोमस्स महारन्नो चत्तारि अग्गमहिप्पीञ्चो
 पन्नताञ्चो तंजहा-मित्तगा सुभदा विज्जुत्ता असणी ३। एवं जमस्म वेसम-
 णस्स वरुणस्स ४। धरणस्स णं नागकुमारिंदस्स णागकुमाररन्नो कालवा-

लस्य महारन्नो चत्तारि अग्गमहिंसीथो पन्नत्ताथो तंजहा—अप्पोमा विमला
 सुप्पभा सुदंसणा ५। एवं जाव संखवालस्स ६। भूताणंदस्स णं णागकुमारि-
 दस्स णागकुमाररन्नो कालवानस्स महारन्नो चत्तारि अग्गमहिंसीथो
 पन्नत्ताथो तंजहा—सुणंदा सुभदा सुजाता सुमणा ७। एवं जाव सेलवालस्स
 जहा धरणास्स ८। एवं सव्वेसि दाहिणिंदलोगपालाणं जाव घोमस्स जहा
 भूताणंदस्स ९। एवं जाव महाघोमस्स लोगपालाणं १०। कालस्स णं पिसा-
 इंदस्स पिमायरन्नो चत्तारि अग्गमहिंसीथो पन्नत्ताथो तंजहा—कमला
 कमलप्पभा उप्पला सुदंसणा ११। एवं महाकालस्सवि १२। सुरूवस्स णं
 भूतिंदस्स भूतरन्नो चत्तारि अग्गमहिंसीथो पन्नत्ताथो तंजहा—खवती
 बहुख्वा सुरूवा सुभगा १३। एवं पडिख्वास्सवि १४। पुराणभइस्स णं जक्खि-
 दस्स जक्खरन्नो चत्तारि अग्गमहिंसीथो पन्नत्ताथो तंजहा—पुत्ता बहुपुत्तिता
 उत्तमा तारणा १५। एवं माणिभइस्सवि १६। भीमस्स णं रक्खसिंदस्स
 रक्खसरन्नो चत्तारि अग्गमहिंसीथो पन्नत्ताथो तंजहा—पउमा वसुमती
 कणागा रतणप्पभा १७। एवं महाभीमस्सवि १८। किंनरस्स णं किंनरिंदस्स
 किन्नररन्नो चत्तारि अग्गमहिंसीथो पन्नत्ताथो तंजहा—वडेंसा केतुमती रति-
 सेणा रतिप्पभा १९। एवं किंपुरिसस्सवि २०। सप्पुरिसस्स णं किंपुरिसि-
 दस्स किंपुरिसरन्नो चत्तारि अग्गमहिंसीथो पन्नत्ताथो तंजहा—रोहिणी णव-
 मित्ता हिरी पुप्फवती २१। एवं महापुरिसस्सवि २२। अतिकायस्स णं महोर-
 गिंदस्स महोरगरन्नो चत्तारि अग्गमहिंसीथो पन्नत्ताथो तंजहा—भुयगा
 भुयगवती महाकच्छा फुडा २३। एवं महाकायस्सवि २४। गीतरतिस्स णं
 गंधविंदस्स गंधवरन्नो चत्तारि अग्गमहिंसीथो पन्नत्ताथो तंजहा—सुघोमा
 विमला सुस्सरा सरस्सती २५। एवं गीयजसस्सवि २६। चंदस्स णं जोति-
 सिंदस्स जातिमरन्नो चत्तारि अग्गमहिंसीथो पन्नत्ताथो तंजहा—चंदप्पभा
 दोमिणाभा अंबिमाली पमंकरा २७। एवं सूरस्सवि णवरं सूरप्पभा दोसिणाभा

अग्निमाली पमंकरा २८। इंगालस्स णं महागहस्स चत्तारि अग्गमहिसीओ पन्न-
त्ताओ तंजहा-विजया वेजयंती जयंती अपराजिया २९। एवं सर्व्वेसिं मह-
ग्गहाणं जाव भावकेउस्स ३०। सकस्स णं देविंदस्स देवरन्नो सोमस्स महा-
रन्नो चत्तारि अग्गमहिसीओ पन्नत्ताओ तंजहा-रोहिणी मयणा चित्ता सोमा
३१। एवं जाव वेसमणस्स ३२। ईसाणस्स णं देविंदस्स देवरन्नो सोमस्स
महारन्नो चत्तारि अग्गमहिसीओ पन्नत्ताओ तंजहा-पुढ्वी राती रयणी
विज्जू ३३। एवं जाव वरुणस्स ३४ ॥सू० २७३॥ चत्तारि गोरसविग-
तीओ पन्नत्ताओ तंजहा-खीरं दहिं सप्पि णवणीतं १। चत्तारि सिण्हविग-
तीओ पन्नत्ताओ तंजहा-तेल्लं घयं वसा णवणीतं २। चत्तारि महाविग-
तीओ पन्नत्ताओ तंजहा-मड्डुं मंसं मज्जं णवणीतं ३ ॥सू० २७४॥ चत्तारि
कूडागारा पन्नत्ता तंजहा-गुत्ते णामं एगे गुत्ते, गुत्ते णामं एगे अगुत्ते, अगुत्ते,
णामं एगे गुत्ते, अगुत्ते णामं एगे अगुत्ते १। एवामेव चत्तारि पुरिसजाता
पन्नत्ता तंजहा-गुत्ते णाममेगे गुत्ते ४ २। चत्तारि कूडागारमालाओ पन्न-
त्ताओ तंजहा-गुत्ता णाममेगा गुत्तदुवारा गुत्ताणाममेगा अगुत्तदुवारा अगुत्ता
णाममेगा गुत्तदुवारा अगुत्ता णाममेगा अगुत्तदुवारा ३। एवामेव चत्तारि-
त्थीओ पन्नत्ताओ तंजहा-गुत्ता नाममेगा गुत्तिदिता गुत्ता णाममेगा अगुत्ति-
दिआ ४ ॥सू० २७५॥ चउविहा ओगाहणा पन्नत्ता तंजहा-द्वोगाहणा
खेतोगाहणा कालोगाहणा भावोगाहणा ॥सू० २७६॥ चत्तरि पन्नत्तीओ
अंगवाहिरियातो पन्नत्ताओ तंजहा-चंदपन्नत्ती सूरपन्नत्ती जंजुहीवपन्नत्ती,
दीवसागरपन्नत्ती ॥सू० २७७॥ चउट्ठाणस्स पढमो उद्देसओ ॥

॥ इति चतुःस्थानकस्य प्रथमोद्देशकः ॥४-१॥

॥ अथ चतुर्थस्थानके द्वितीय उद्देशकः ॥

चत्वारि पडिसंलीणा पन्नत्ता तंजहा—कोहपडिसंलीणो माणपडिसंलीणो
 पायापडिसंलीणो लोभपडिसंलीणो १। चत्वारि अपडिसंलीणा पन्नत्ता तंजहा—
 कोहअपडिसंलीणो जाव लोभअपडिसंलीणो २। चत्वारि पडिसंलीणा पन्नत्ता
 तंजहा—माणपडिसंलीणो वतिपडिसंलीणो कायपडिसंलीणो इंदियपडिसंलीणो
 ३। चत्वारि अपडिसंलीणा पन्नत्ता तंजहा—माणअपडिसंलीणो जाव इंदिय-
 अपडिसंलीणो ४ ॥सू० २७८॥ चत्वारि पुरिसजाता पन्नत्ता तंजहा—दीणो
 णाममेगे दीणो, दीणो णाममेगे अदीणो, अदीणो णाममेगे दीणो, अदीणो णाममेगे
 अदीणो १। चत्वारि पुरिसजाता पन्नत्ता तंजहा—दीणो णाममेगे दीणपरिणते,
 दीणो णामं एगे अदीणपरिणते, अदीणो णामं एगे दीणपरिणते अदीणो
 णाममेगे अदीणपरिणते २। चत्वारि पुरिसजाता पन्नत्ता तंजहा—दीणो णाम-
 मेगे दीणरूवे । ह ४, ३। एवं दीणमणो ४, ४। दीणसंकप्पे ४, ५। दीणपन्ने
 ४, ६। दीणदिट्ठी ४, ७। दीणसीलाचारे ४, ८। दीणववहारे ४, ९। चत्वारि
 पुरिसजाया पन्नत्ता तंजहा—दीणो णाममेगे दीणपरकमे, दीणो णाममेगे अदीण-
 परकमे । ह ४, १० । एवं मब्बेमिं चउमंगो भाणियब्बो, चत्वारि पुरिसजाता
 पन्नत्ता तंजहा—दीणो णाममेगे दीणवित्ती ४-११। एवं दीणजाती ४, १२।
 दीणभासी ४, १३। दीणोभासी ४, १४। चत्वारि पुरिसजाता पन्नत्ता तंजहा—
 दीणो णाममेगे दीणसेवी । ४, ह १५। एवं दीणो णाममेगे दीणपरियाए
 ४, १६ । दीणो णाममेगे दीणपरियाले । ह ४, १७। संवत्थ चउमंगो
 ॥सू० २७९॥ चत्वारि पुरिसजाता पन्नत्ता तंजहा—अज्जे णाममेगे अज्जे
 ४, १। चत्वारि पुरिसजाता पन्नत्ता तंजहा—अज्जे णाममेगे अज्जपरिणए
 ४, २। एवं अजरूवे ३। अजरूणो ४। अजसंकप्पे ५। अजपन्ने ६।
 अजदिट्ठी ७। अजसीलाचारे ८। अजववहारे ९। अजपरकमे १०।

अज्जवित्ती ११ । अज्जजाती १२ । अज्जभासी १३ । अज्जओभासी १४ ।
 अज्जसेवी १५ । एवं अज्जपरियाए १६ । अज्जपरियाले १७ । एवं सत्तर-
 आलावगा, जहा दीणेणं भणिया तहा अज्जेणवि भाणियव्वा । चत्तारि
 पुरिसजाया पन्नत्ता तंजहा-अज्जे णाममेगे अज्जभावे, अज्जे नाममेगे अण-
 जभावे, अणज्जे नाममेगे अज्जभावे, अणज्जे नाममेगे अणज्जभावे १८
 ॥सू० २८०॥ चत्तारि उसभा पन्नत्ता तंजहा-जातिसंपन्ने कुलसंपन्ने बल-
 संपन्ने रूवसंपन्ने १। एवामेव चत्तारि पुरिसजाता पन्नत्ता तंजहा-जाति-
 संपन्ने जाव रूवसंपन्ने २। चत्तारि उसभा पन्नत्ता तंजहा-जातिसंपन्ने णामं-
 एगे नो कुलसंपराणे, कुलसंपराणे नामं एगे नो जाइसंपराणे, एगे जातिसं-
 पराणेऽवि कुलसंपराणेऽवि, एगे नो जातिसंपराणे नो कुलसंपन्ने ३। एवामेव
 चत्तारि पुरिसजाया पन्नत्ता तंजहा-जातिसंपन्ने नाममेगे ४, ४। चत्तारि
 उसभा पन्नत्ता तंजहा-जातिसंपन्ने नामं एगे नो बलसंपन्ने ५। एवामेव
 चत्तारि पुरिसजाया पन्नत्ता तंजहा-जातिसंपन्ने ४, ६। चत्तारि उसभा पन्नत्ता
 तंजहा-जाइसंपन्ने नामं एगे नो रूवसंपन्ने ४, ७। एवामेव चत्तारि पुरिसजाया
 पन्नत्ता तंजहा-जातिसंपन्ने नामं एगे नो रूवसंपन्ने, रूवसंपन्ने णाममेगे
 ह-४। ८। चत्तारि उसभा पन्नत्ता तंजहा-कुलसंपन्ने नामं एगे नो बलसंपन्ने
 ह-४। ९। एवामेव चत्तारि पुरिसजाया पन्नत्ता तंजहा-कुलसंपन्ने नाममेगे
 नो बलसंपन्ने ह-४। १०। चत्तारि उसभा पन्नत्ता तंजहा-कुलसंपन्ने णाममेगे
 णो रूवसंपन्ने, ह-४। ११। एवामेव चत्तारि पुरिसजाता पन्नत्ता तंजहा-कुल-
 संपन्ने नाममेगे णो रूवसंपन्ने ह-४। १२। चत्तारि उसभा पन्नत्ता तंजहा-
 बलसंपन्ने णामं एगे नो रूवसंपराणे ह-४। १३। एवामेव चत्तारि पुरिसजाया
 पराणत्ता तंजहा-बलसंपराणे नाममेगे नो रूवसंपन्ने ४, १४। चत्तारि हत्थी-
 पन्नत्ता तंजहा-भदे मंदे मिते संकिन्ने १५। एवामेव चत्तारि पुरिसजाया
 पन्नत्ता तंजहा-भदे मंदे मिते संकिन्ने १६। चत्तारि हत्थी पन्नत्ता तंजहा-

भद्दे णाममेगे भद्दमणो, भद्दे णाममेगे मंदमणो, भद्दे णाममेगे मियमणो, भद्दे
नाममेगे संकिन्नमणो १७। एवामेव चत्तारि पुरिसजाया पन्नत्ता तंजहा-भद्दे
णाममेगे भद्दमणो, भद्दे णाममेगे मंदमणो, भद्दे णाममेगे मियमणो, भद्दे
णाममेगे संकिन्नमणो १८। चत्तारि हत्थी पन्नत्ता तंजहा-मंदे णाममेगे भद्द-
मणो, मंदे नाममेगे मंदमणो, मंदे णाममेगे मियमणो, मंदे णाममेगे संकिन्नमणो
१९। एवामेव चत्तारि पुरिसजाता पन्नत्ता तंजहा-मंदे णाममेगे भद्दमणो तं
चेव ४, २०। चत्तारि हत्थी पन्नत्ता तंजहा-मिते णाममेगे भद्दमणो, मिते
णाममेगे मंदमणो, मिते णाममेगे मियमणो, मिते णाममेगे संकिन्नमणो २१।
एवामेव चत्तारि पुरिसजाता पन्नत्ता तंजहा-मिते णाममेगे भद्दमणो, तं चेव
२२। चत्तारि हत्थी पन्नत्ता तंजहा-संकिण्णो नाममेगे भद्दमणो, संकिन्ने
नाममेगे मंदमणो, संकिन्ने नाममेगे मियमणो, संकिन्ने णाममेगे संकिन्नमणो
२३। एवामेव चत्तारि पुरिसजाया पन्नत्ता तंजहा-संकिन्ने णाममेगे भद्दमणो,
तं चेव जाव संकिन्ने नाममेगे संकिन्नमणो २४। मधुगुलिय-पिंगलक्खो
अणुपुव्वसुजाय-दीहणंगूलो । पुरयो उदग्गधीरो सव्वंग-समाधितो भद्दो ॥१॥
चलवहल-विसमच्चमो थूलसिरो थूलएण पेएण । थूलएणह-दंतवालो हरिपिंग-
ललोयणो मंदो ॥२॥ तणुओ तणुतग्गीवो तणुयततो तणुयदंत-एहवालो ।
भीरु तत्थुव्विग्गो तासी य भवे मिते णामं ॥३॥ एतेसिं हत्थीणं थोवं तु
जो हरति हत्थी । रूवेण व सीलेण व सो संकिन्नोत्ति नायव्वो ॥४॥ भद्दो
मज्जइ सरए मंदो उण मज्जते वसंतंमि । मिउ मज्जति हेमंते संकिन्नो सव्व-
कालंमि ॥ ५ ॥ सू० २८१॥ चत्तारि विकहातो पन्नत्ताओ तंजहा-इत्थिकहा
भत्तकहा देसकहा रायकहा १। इत्थिकहा चउव्विहा पन्नत्ता तंजहा-इत्थीणं
जाडकहा इत्थीणं कुलकहा इत्थीणं रूवकहा इत्थीणं गोवत्थकहा २। भत्त-
कहा चउव्विहा पन्नत्ता तंजहा-भत्तस्स आवावकहा भत्तस्स णिवावकहा
भत्तस्स आरंभकहा भत्तस्स निट्ठाणकहा ३। देसकहा चउव्विहा पन्नत्ता

तंजहा-देसविहिकहा देसविकप्पकहा देसच्छंदकहा देसनेवत्थकहा ४। राय-
 कहा चउव्विहा पन्नत्ता तंजहा-रन्नो अतिताणकहा रन्नो निज्जाणकहा रन्नो
 बलवाहणकहा रन्नो कोसकोट्टागारकहा ५। चउव्विहा धम्मकहा पन्नत्ता तंजहा-
 अक्खेवणी विक्खेवणी संवेयणी निव्वेगणी ६। अक्खेवणी कहा चउव्विहा
 पन्नत्ता तंजहा-आयारअक्खेवणी ववहारअक्खेवणी पन्नत्तिअक्खेवणी
 दिट्ठिवातअक्खेवणी ७। विक्खेवणी कहा चउव्विहा पन्नत्ता तंजहा-ससमयं
 कहेइ, ससमयं कहित्ता परसमयं कहेइ १, परसमयं कहेत्ता ससमयं ठवत्तिता
 भवति २, सम्मावातं कहेइ सम्मावातं कहेत्ता मिच्छावातं कहेइ ३ मिच्छावातं
 कहेत्ता सम्मावातं ठवत्तिता भवति ४, संवेगणी कथा चउव्विहा पन्नत्ता तंजहा-
 इहलोगसंवेगणी परलोगसंवेगणी आतसरीरसंवेगणी परसरीरसंवेगणी ५।
 णिव्वेगणीकहा चउव्विहा पन्नत्ता तंजहा-इहलोगे दुच्चिन्ना कम्मा इहलोगे
 दुहफलविवागसंजुत्ता भवंति १, इहलोगे दुच्चिन्ना कम्मा परलोगे दुहफल-
 विवागसंजुत्ता भवंति २, परलोगे दुच्चिन्ना कम्मा इहलोगे दुहफलविवाग-
 संजुत्ता भवंति ३, परलोगे दुच्चिन्ना कम्मा परलोये दुहफलविवागसंजुत्ता
 भवंति ४, १०। इहलोगे सुच्चिन्ना कम्मा इहलोगे सुहफलविवागसंजुत्ता
 भवंति १, इहलोगे सुच्चिन्ना कम्मा परलोगे सुहफलविवागसंजुत्ता भवंति
 २ एवं चउभंगो ४, ११॥ सू० २८२॥ तहेव चत्तारि पुरिसजाया पन्नत्ता
 तंजहा-किसे णाममेगे किसे, किसे णाममेगे दढे, दढे णाममेगे किसे, दढे
 णाममेगे दढे १। चत्तारि पुरिसजाया पन्नत्ता तंजहा-किसे णाममेगे किस-
 सरीरे, किसे णाममेगे दढसरीरे, दढे णाममेगे किससरीरे, दढे णाममेगे दढ-
 सरीरे २। चत्तारि पुरिसजाया पन्नत्ता तंजहा-किससरीरस्स नाममेगस्स
 णाणदंसणे समुप्पज्जति णो दढसरीरस्स, दढसरीरस्स णाम एगस्स णाण-
 दंसणे समुप्पज्जति णो किससरीरस्स, एगस्स किससरीरस्सवि णाणदंसणे
 समुप्पज्जति दढसरीरस्सवि, एगस्स नो किससरीरस्स णाणदंसणे समुप्पज्जति.

णो दहसरीरस्स ३ ॥२८३॥ चउहिं ठाणेहिं निग्गंथाण वा निग्गंथीण वा
 अस्सि समयंसि अतिसेसे नाणदंसणे समुप्पज्जिउकामेऽवि न समुप्पज्जेज्जा,
 तंजहा—अभिक्खणां अभिक्खणमित्थकहं भत्तकहं देसकहं रायकहं कहेत्ता
 भवति १, विवेगेण विउस्सग्गेणं णो सम्ममप्पाणं भाविता भवति २, पुव्व-
 रत्तावरत्तकालसमयंसि णो धम्मजागरितं जागरतिता भवति ३, फासुयस्स
 एसणिज्जस्स उंछस्स सामुदाणियस्स णो सम्मं गवेसिता भवति ४, इच्चेतेहिं
 चउहिं ठाणेहिं निग्गंथाण वा निग्गंथीण वा जाव नो समुप्पज्जेज्जा १।
 चउहिं ठाणेहिं निग्गंथाण वा निग्गंथीण वा अतिसेसे णाणदंसणे समुप्प-
 ज्जिउकामे समुप्पज्जेज्जा, तंजहा—इत्थीकहं भत्तकहं देसकहं रायकहं नो कहेत्ता
 भवति १, विवेगेण विउसग्गेणं सम्ममप्पाणं भावेता भवति २, पुव्वरत्ताव-
 रत्तकालसमयंसि धम्मजागरियं जागरतिता भवति ३, फासुयस्स एसणिज्जस्स
 उंछस्स सामुदाणियस्स सम्मं गवेसिया भवति, इच्चेएहिं चउहिं ठाणेहिं
 निग्गंथाण वा निग्गंथीण वा जाव समुप्पज्जेज्जा ४, ॥सू० २८४॥ नो
 कप्पति निग्गंथाण वा निग्गंथीण वा चउहिं महापाडिवएहिं सज्झायं करे-
 त्तए, तंजहा—आसाढपाडिवए इंदमहपाडिवए कत्तियपाडिवए सुगिम्हपाडिवए
 १। णो कप्पइ निग्गंथाण वा निग्गंथीण वा चउहिं संभाहि सज्झायं करे-
 त्तए, तंजहा—पट्टमाते पच्छिमाते मज्झराहे अट्ठरत्ते २। कप्पइ निग्गंथाण वा
 निग्गंथीण वा चाउकालं सज्झायं करेत्तए, तंजहा—पुव्वराहे, अवरराहे पत्थोसे
 पच्चूमे ३ ॥सू० २८५॥ चउव्विहा लोगट्ठिती पन्नत्ता तंजहा—आगास-
 पतिट्ठिए वाते, वातपतिट्ठिए उदधी, उदधिपतिट्ठिया पुढवी, पुढविपइट्ठिया तसा
 थावरा पाणा ॥सू० २८६॥ चत्तारि पुरिसजाता पन्नत्ता तंजहा—तहे नाम-
 मेगे, नोतहे नाममेगे, सोवत्थी नाममेगे, पथाणे नाममेगे १। चत्तारि पुरिस-
 जाया पन्नत्ता तंजहा—आयंतकरे नाममेगे णो परंतकरे १ परंतकरे णाम-
 मेगे णो आतंतकरे २ एगे आतंतकरेवि परंतकरेवि ३ एगे णो आतंतकरे

णो परंतकरे ४, २। चत्तारि पुरिसजाता पन्नत्ता तंजहा—आतंतमे नाममेगे नो परंतमे (ह) ४, ३। चत्तारि पुरिसजाया पन्नत्ता तंजहा—आयंदमे नाममेगे णो परंदमे ४, ४ ॥सू० २८७॥ चउव्विधा गरहा पन्नत्ता तंजहा—उवसंपज्जामित्तेगा गरहा, वित्तिगिच्छामित्तेगा गरहा जंकिंकिमिच्छामीत्तेगा गरहा, एवंपि पन्नत्तेगा गरहा ॥सू० २८८॥ चत्तारि पुरिसजाया पन्नत्ता तंजहा—अप्पणो नाममेगे अलमंथू भवति णो परस्स, परस्स नाममेगे अलमंथू भवति णो अप्पणो, एगे अप्पणोऽवि अलमंथू भवति परस्सवि, एगे नो अप्पणो अलमंथू भवति णो परस्स १। चत्तारि मग्गा पन्नत्ता तंजहा—उज्जू नाममेगे उज्जू (उज्जूमणो), उज्जू नाममेगे वंके, वंके नाममेगे उज्जू, वंके नाममेगे वंके २। एवामेव चत्तारि पुरिसजाया पन्नत्ता तंजहा—उज्जू नाममेगे उज्जू ४, ३। चत्तारि मग्गा पन्नत्ता तंजहा—खेमे नाममेगे खेमे, खेमे णाममेगे अखेमे, ह (४), ४। एवामेव चत्तारि पुरिसजाता पन्नत्ता तंजहा—खेमे णाममेगे खेमे, ह (४), ५। चत्तारि मग्गा पन्नत्ता तंजहा—खेमे णाममेगे खेमरूवे, खेमे णाममेगे अखेमरूवे ४, ६। एवामेव चत्तारि पुरिसजाया पन्नत्ता तंजहा—खेमे नाममेगे खेमरूवे ४, ७। चत्तारि संबुक्का पन्नत्ता तंजहा—वामे नाममेगे वामावत्ते, वामे नाममेगे दाहिणावत्ते, दाहिणो नाममेगे वामावत्ते, दाहिणो नाममेगे दाहिणावत्ते ८। एवामेव चत्तारि पुरिसजाया पन्नत्ता तंजहा—वामे नाममेगे, वामावत्ते ह (४) ९। चत्तारि धूमसिहाओ पन्नत्ताओ तंजहा—वामा नाममेगा वामावत्ता ४, १०। एवामेव चत्तारि तिथीओ पन्नत्ताओ तंजहा—वामा णाममेगा वामावत्ता ४, ११। चत्तारि अग्गिसिहाओ पन्नत्ताओ तंजहा—वामा णाममेगा वामावत्ता, (ह) ४, १२। एवामेव चत्तारि तिथीओ पन्नत्ताओ तंजहा—वामा णाम (ह) ४, १३। चत्तारि वायमंडलिया पन्नत्ता तंजहा—वामा णाममेगा वामावत्ता ४, १४। एवामेव चत्तारि तिथीओ पन्नत्ताओ तंजहा—वामा णाममेगा वामावत्ता

४, १५, । चत्तारि वणसंडा पन्नत्ता तंजहा—वामे नाममेगे वामावत्ते ४, १६। एवामेव चत्तारि पुरिसजाया पन्नत्ता तंजहा—वामे णाममेगे वामावत्ते, ४, १७ ॥सू० २८१॥ चउहिं ठाणेहि णिग्गंथे णिग्गंथि आलवमाणे वा संलवमाणे वा णातिकमति तंजहा—पंथं पुच्छमाणे वा १ पंथं देसमाणे वा २ असणं वा पाणं वा खाइमं वा साइमं वा दलेमाणे वा ३ दलावेमाणे वा ३ ॥सू० २९०॥ तमुक्कायस्स णं चत्तारि नामधेज्जा पन्नत्ता तंजहा—तमिति वा तमुक्कातेति वा अंधकारेति वा महंधकारेति वा १। तमुक्कायस्स णं चत्तारि णामधेज्जा पन्नत्ता तंजहा—लोगंधगारेति वा लोगतमसेति वा देवंधगारेति वा देवतमसेति वा २। तमुक्कायस्स णं चत्तारि नामधेज्जा पन्नत्ता तंजहा—वातफलिहेति वा वातफलिह(वातयारि)खोभेति वा (देवफलिहेति वा देवपरिखोभेति वा) देवरन्नेति वा देववूढे(हे)ति वा ३। तमुक्काते णं चत्तारि कप्पे आवरित्ता चिट्ठति तंजहा—सोधम्मीसाणं सणकुमारमाहिंदं ४ ॥सू० २९१॥ चत्तारि पुरिसजाता पन्नत्ता तंजहा—संपागडपडिसेवी णाममेगे पच्छन्नपडिसेवी णाममेगे पडुप्पन्ननंदी (सेवी) नाममेगे णिस्सरणणंदी णाममेगे १ । चत्तारि सेणाओ पन्नत्ताओ तंजहा—जत्तित्ता णाममेगे णो पराजिणित्ता पराजिणित्ता णाममेगे णो जत्तित्ता एगा जत्तित्तावि पराजिणित्तावि एगा नो जत्तित्ता नो पराजिणित्ता २ । एवामेव चत्तारि पुरिसजाता पन्नत्ता तंजहा—जत्तित्ता नाममेगे नो पराजिणित्ता ४, ३ । चत्तारि सेणाओ पन्नत्ताओ तंजहा—जत्तित्ता णामं एगा जयई, जइत्ता णाममेगा पराजिणति, पराजिणित्ता णाममेगा जयति, पराजिणित्ता नाममेगा पराजिणति ४ । एवामेव चत्तारि पुरिसजाता पन्नत्ता तंजहा—जइत्ता नाममेगे जयति ४, ५॥सू० २९२॥(चत्तारि राइओ पन्नत्ताओ तंजहा—पव्वयराई पुढवीराई रेणुराई जलराई, एवामेव चउव्विहे कोहे ततः मानमायासूत्राणि) चत्तारि केतणा पन्नत्ता तंजहा—वंसी-मूलकेतणते मेढविसाणकेतणते गोमुत्तिकेतणते अवलेहणितकेतणसे १। एवामेव चउविधामाया

पन्नत्ता तंजहा-वंसीमूलकेतणासमाणा जाव अवलेहणितासमाणा, वंसीमूलकेत-
णासमाणां मायं अणुपविट्ठे जीवे कालं करेति गोरइएसु उववज्जति, मेंढविसाण-
केतणासमाणां मायमणुपविट्ठे जीवे कालं करेति तिरिक्खजोणितेसु उव-
वज्जति, गोमुत्तिकेतणासमाणा जाव कालं करेति मणुस्सेसु उववज्जति, अव-
लेहणिता जाव देवेसु उववज्जति २। चत्तारि थंभा पन्नत्ता तंजहा-सेलथंभे
अट्ठिथंभे दारुथंभे तिणिसलताथंभे ३। एवामेव चउव्विधे माणे पन्नत्ते
तंजहा-सेलथंभसमाणे जाव तिणिसलताथंभसमाणे, सेलथंभसमाणां माणां
अणुपविट्ठे जीवे कालं करेति नेरतिएसु उववज्जति, एवं जाव तिणिसलता-
थंभसमाणां माणां अणुपविट्ठे जीवे कालं करेति देवेसु उववज्जति ४। चत्तारि
वत्था पन्नत्ता तंजहा-किमिरागरत्ते कद्दमरागरत्ते खंजणारागरत्ते हलिद्वारागरत्ते
५। एवामेव चउव्विधे लोभे पन्नत्ते तंजहा-किमिरागरत्तवत्थसमाणे कद्दमरा-
गरत्तवत्थसमाणे खंजणारागरत्तवत्थसमाणे हलिद्वारागरत्तवत्थसमाणे, किमि-
रागरत्तवत्थसमाणां लोभमणुपविट्ठे जीवे कालं करेइ नेरइएसु उववज्जइ,
तहेव जाव हलिद्वारागरत्तवत्थसमाणां लोभमणुपविट्ठे जीवे कालं करेइ देवेसु
उववज्जति ३ ॥सू० २६३॥ चउव्विहे संसारे पन्नत्ते तंजहा-गोरतियसंसारे
जाव देवसंसारे १। चउव्विहे आउते पन्नत्ते तंजहा-गोरतिआउते जाव देवा-
उते २। चउव्विहे भवे पन्नत्ते तंजहा-नेरतियभवे जाव देवभवे ३ ॥सू० २६४॥
चउव्विहे आहारे पन्नत्ते तंजहा-असणे पाणे खाइमे साइमे १। चउव्विहे
आहारे पन्नत्ते तंजहा-(नो)उवक्खरसंपन्ने उवक्खडसंपन्ने सभावसंपन्ने परि-
जुसियसंपन्ने २ ॥सू० २६५॥ चउव्विहे बंधे पन्नत्ते तंजहा-पगतिबंधे ठितीबंधे
अणुभावबंधे पदेसबंधे १। चउव्विहे उवक्कमे पन्नत्ते तंजहा-बंधणोवक्कमे
उदीरणोवक्कमे उवसमाणोवक्कमे विप्परिणामणोवक्कमे २। बंधणोवक्कमे चउव्विहे
पन्नत्ते तंजहा-पगतिबंधणोवक्कमे ठितिवंधणोवक्कमे अणुभावबंधणोवक्कमे पदेस-
बंधणोवक्कमे ३। उदीरणोवक्कमे चउव्विहे पन्नत्ते तंजहा-पगतीउदीरणोवक्कमे

ठितीउदीरणोवक्कमे अणुभावउदीरणोवक्कमे पदेसउदीरणोवक्कमे ४। उवस-
 मणोवक्कमे चउव्विहे पन्नत्ते तंजहा-पगतिउवसामणोवक्कमे ठितिउवसामणोवक्कमे
 अणुउवसामणोवक्कमे पतेसुवसामणोवक्कमे ५। विप्परिणामणोवक्कमे चउव्विहे
 पन्नत्ते तंजहा-पगतिविप्परिणामोवक्कमे ठिती विप्परिणामोवक्कमे अणुविप्परि-
 णामोवक्कमे पतेसविप्परिणामोवक्कमे ६। चउव्विहे अप्पावहुए पन्नत्ते तंजहा-
 पगतिअप्पावहुए ठिति अप्पावहुए अणुअप्पावहुए पतेसप्पावहुते ७। चउव्विहे
 संकमे पन्नत्ते तंजहा-पगतिसंकमे ठितीसंकमे अणुसंकमे पएससंकमे ८। चउव्विहे
 णिधत्ते पन्नत्ते तंजहा-पगतिणिधत्ते ठितीणिधत्ते अणुनिधत्ते पएसणिधत्ते ९।
 चउव्विहे णिकायिते पन्नत्ते तंजहा-पगतिणिकायिते ठितिणिकायिते अणुणि-
 कायिते पएसणिकायिते १० ॥सू० २१६॥ चत्तारि एका पन्नत्ता तंजहा-दविए
 दविएकते (दविए एकए) माउपएकते (माउपए एकए) पज्जतेकते (पज्जते एकए)
 संगहेकते (संगहे एकए) ॥सू० २१७॥ चत्तारि कती पन्नत्ता तंजहा-दवितकती
 माउयपयकती पज्जवकती संगहकती ॥सू० २१८॥ चत्तारि सब्बा पन्नत्ते
 तंजहा-नामसव्वए ठवणसव्वए आएससव्वते निरवसेससव्वते ॥सू० २१९॥
 माणुसुत्तरस्स णं पव्वयस्स चउदिसिं चत्तारि कूडा पन्नत्ता तंजहा-रयणो रतणुच्चते
 सव्वरयणो रतणसंचये ॥सू० ३००॥ जंबुद्दीवे २ भरहेरवतेसु वासेसु तीताते उस्स-
 प्पिणीए सुसमसुसमाए ममाए चत्तारि सागरोवमकोडाकोडीओ कालो हुत्था
 जंबुद्दीवे २ भरहेरवते इमीसे ओसप्पिणीए सुसमसुसमाए समाए जहरणपए णं
 चत्तारि सागरोवमकोडाकोडीओ कालो हुत्था, जंबुद्दीवे २ भरहेरवएसु वासेसु
 आगमेस्साते उस्सप्पिणीते सुसमसुममाते समाए चत्तारि सागरोवमकोडाको-
 डीओ कालो भविस्सइ ॥सू० ३०१॥ जंबुद्दीवे २ देवकुरुत्तरकुरुवज्जाओ
 चत्तारि अकम्मभूमीओ पन्नत्ताओ तंजहा-हेमवते हेरन्नवते हरिवस्से रम्मग-
 वासे १। चत्तारि वट्टवेयड्डपव्वता पन्नत्ता तंजहा-सदावई वियडावई गंधावई
 मालवंतपरिताते, तत्थ णं चत्तारि देवा महिद्धितीया जाव पल्लिओवमट्ठितीता

परिवसन्ति, तंजहा-साती पभासे अरुणो पउमे, २। जंबूद्वीवे २ महाविदेहे
वासे चउव्विहे पन्नत्ते तंजहा-पुव्वविदेहे अवरविदेहे देवकुरा उत्तरकुरा, ३।
सव्वेऽवि गां णिसदणीलवंतवासहरपव्वता चत्तारि जोयणासयाइं उड्डं उच्चत्तेणां
चत्तारि गाउयसयाइं उव्वेहेणां पन्नत्ता ४। जंबूद्वीवे २ मंदरस्स पव्वयस्स पुर-
त्थिमेणां सीताए महानदीए उत्तरे कूले चत्तारि वक्खारपव्वया पन्नत्ता तंजहा-
चित्तकूडे पम्हकूडे णालिणकूडे एगसेले ५। जंबूद्वीवे २ मंदरस्स पव्वयस्स पुर-
त्थिमेणां सीताए महानदीए दाहिणकूले चत्तारि वक्खारपव्वया पन्नत्ता तंजहा-
तिकूडे वेसमणकूडे अंजणो मातंजणो ६। जंबूद्वीवे २ मंदरस्स पव्वयस्स पच्चत्थि-
मेणां सीओदाए महानतीए दाहिणकूले चत्तारि वक्खारपव्वता पन्नत्ता तंजहा-
अंकावती पम्हावती आमीविसे सुहावहे ७। जंबूद्वीवे २ मंदरस्स पव्वयस्स
पच्चत्थिमेणां सीओदाए महाणतीते उत्तरकूले चत्तारि वक्खारपव्वया पन्नत्ता
तंजहा-चंदपव्वते सूरपव्वते देवपव्वते णागपव्वते, ८। जंबूद्वीवे २ मंदरस्स पव्व-
यस्स चउसु विदिसासु चत्तारि वक्खारपव्वया पन्नत्ता तंजहा-सोमणासे विज्जुप्पभे
गंधमायणो मालवंते ९। जंबूद्वीवे २ महाविदेहे वासे जहन्नपते चत्तारि अरहंता
चत्तारि चक्कवट्टी चत्तारि बलदेवा चत्तारि वासुदेवा उप्पज्जिस्सु वा उप्पज्जंति
वा उप्पज्जिस्संति वा, १०। जंबूद्वीवे २ मंदरपव्वते चत्तारि वणा पन्नत्ता
तंजहा-भदसालवणो नंदणवणो सोमणसवणो पंडगवणो, ११। जंबूद्वीवे २ मन्दरे
पव्वए पंडगवणो चत्तारि अभिसेगसिलाओ पन्नत्ताओ तंजहा-पंडुकंबल-
सिला अइपंडुकंबलसिला रत्तकंबलसिला अतिरत्तकंबलसिला, १२। मंदर-
चूलिया गां उवरिं चत्तारि जोयणाइं विक्खंभेणां पन्नत्ता, एवं धायइसंडदीव-
पुरच्छिमद्धेवि कालं आदिं करेत्ता जाव मंदरचूलियत्ति, एवं जाव पुक्ख-
रवरदीवपच्चच्छिमद्धे जाव मंदरचूलियत्ति-जंबूद्वीवग(वे जं)आवस्सगं तु
कालाओ चूलिया जाव । धायइसंडे पुक्खरवरे य पुव्वावरे पासे ॥१॥
॥सू० ३०२॥ जंबूद्वीवस्स गां दीवस्स चत्तारि दारा पन्नत्ता तंजहा-विजये

वेजयंते जयंते अपराजिते, ते णं दारा चत्तारि जोयणाइं विक्खंभेणं ताव-
 तितं चेव पवेसेणं पन्नत्ता, तत्थ णं चत्तारि देवा महिद्धीया जाव पलिथो-
 वमट्ठितीना परिवसंति विजते वेजयंते जयंते अपराजिते ॥सू ३०३॥
 जंबूद्धीवे २ मंदरस्स पव्वयस्स दाहिणेणं चुल्लहिमवंतस्म वासहरपव्वयस्स
 चउसु विदिसासु लवणसमुद्दं तिन्नि २ जोयणसयाइं ओगाहिच्चा एत्थ णं
 चत्तारि अंतरदीवा पन्नत्ता तंजहा-एगूरुयदीवे आभासियदीवे वेसाणितदीवे
 णंगोलियदीवे, १। तेसु णं दीवेसु चउव्विहा मणुस्सा परिवसंति, तंजहा-
 एगूरुता आभासिता वेसाणिता णंगोलिया, २। तेसि णं दीवाणं चउसु
 विदिसासु लवणसमुद्दं चत्तारि २ जोयणसयाइं ओगाहेच्चा एत्थ णं चत्तारि
 अंतरदीवा पन्नत्ता तंजहा-हयकन्नदीवे गयकन्नदीवे गोकन्नदीवे संकुलिक-
 न्नदीवे, ३। तेसु णं दीवेसु चउव्विधा मणुस्सा परिवसंति तंजहा-हयकन्ना
 गयकन्ना गोकन्ना संकुलिकन्ना, ४। तेसि णं दीवाणं चउसु विदिसासु लव-
 णसमुद्दं पंच २ जोयणसयाइं ओगाहिच्चा एत्थ णं चत्तारि अंतरदीवा पन्नत्ता
 तंजहा-आयंसमुहदीवे मेंढमुहदीवे अओमुहदीवे गोमुहदीवे, ५। तेसु णं दीवेसु
 चउव्विहा मणुस्सा भाणियव्वा, तेसि णं दीवाणं चउसु विदिसासु लवण-
 समुद्दं छ छ जोयणसयाइं ओगाहेच्चा एत्थ णं चत्तारि अंतरदीवा पन्नत्ता
 तंजहा-आसमुहदीवे हत्थिमुहदीवे सीहमुहदीवे वग्घमुहदीवे, ६। तेसु णं
 दीवेसु मणुस्सा भाणियव्वा, तेसि णं दीवाणं चउसु विदिसासु लवणसमुद्दं
 सत्त सत्त जोयणसयाइं ओगाहेच्चा एत्थ णं चत्तारि अंतरदीवा पन्नत्ता तंजहा-
 आमकन्नदीवे हत्थिकन्नदीवे अकन्नदीवे कन्नपाउरणदीवे, ७। तेसु णं
 दीवेसु मणुया भाणियव्वा, तेसि णं दीवाणं चउसु विदिसासु लवणसमुद्दं
 अट्ठट्ठ जोयणसयाइं ओगाहेच्चा एत्थ णं चत्तारि अंतरदीवा पन्नत्ता तंजहा-
 उक्कामुहदीवे मेहमुहदीवे विज्जुमुहदीवे विज्जुदंतदीवे, ८। तेसु णं दीवेसु
 मणुस्सा भाणियव्वा, तेसि णं दीवाणं चउसु विदिसासु लवणसमुद्दं णव

एव जोयणसयाइं ओगाहेत्ता एत्थ णं चत्तारि अंतरदीवा पन्नत्ता तंजहा-
घणदंतदीवे लट्टदंतदीवे गूढदंतदीवे सुद्धदंतदीवे, १। तेसु णं दीवेसु चउव्विहा
मणुस्सा परिवसंति, तंजहा--घणदंता लट्टदंता गूढदंता सुद्धदंता, १०।
जंबूदीवे २ मंदरस्स पव्वयस्स उत्तरेणं सिहरिस्स वासहरपव्वयस्स चउसु
विदिसासु लवणसमुद्दं तिन्नि २ जोयणसयाइं ओगाहेत्ता एत्थ णं चत्तारि
अंतरदीवा पन्नत्ता तंजहा--एगूरूयदीवे सेसं तदेव निरवसेसं भाणियव्वं जाव
सुद्धदंता ११ ॥सू० ३०४॥ जंबूदीवस्स णं दीवस्स बाहिरिल्लाओ वेतितं-
ताओ चउदिसिं लवणसमुद्दं पंचाणउइं जोयणसहस्साइं ओगाहेत्ता एत्थ णं
महतिमहालता महालंजरसंठाणसंठिता चत्तारि महापायाला पन्नत्ता तंजहा-
वलतामुहं केउते जूवए ईसरे, १। एत्थ (तत्थ) णं चत्तारि देवा महिड्डिया जाव
पलिओवमट्ठितीता परिवसंति, तंजहा--काले महाकाले वेलंबे पभंजणे, २।
जंबूदीवस्स णं दीवस्स बाहिरिल्लाओ वेतितंताओ चउदिसिं लवणसमुद्दं
वायालीसं २ जोयणसहस्साइं ओगाहेत्ता एत्थ णं चउराहं वेलंधरनागराईणं
चत्तारि आवासपव्वता पन्नत्ता तंजहा--गोथूमे उदयभासे संखे दगसीमे, ३।
तत्थ णं चत्तारि देवा महिड्डिया जाव पलिओवमट्ठितीता परिवसंति तंजहा-
गोथूमे सिवए संखे मणोसिलाते, ४। जंबूदीवस्स णं दीवस्स बाहिरिल्लाओ
वेइयंताओ चउसु विदिसासु लवणसमुद्दं वायालीसं २ जोयणसहस्साइं
ओगाहेत्ता एत्थ णं चउराहं अणुवेलंधरणागरातीणं चत्तारि आवासपव्वता
पन्नत्ता तंजहा--ककोडए विज्जुप्पमे केलासे अरुणप्पमे, ५। तत्थ णं चत्तारि
देवा महिड्डिया जाव पलिओवमट्ठितीता परिवसंति, तंजहा--ककोडए कद्दमए
केलासे अरुणप्पमे, ६। लवणे णं समुद्दे णं चत्तारि चंदा पभासिंसु वा
पभासंति वा पभासिस्संति वा, चत्तारि सूरिता तविसु वा तवंति वा तवि-
स्संति वा, चत्तारि कत्तियाओ जाव चत्तारि भरणीओ, चत्तारि अग्गी जाव
चत्तारि जमा, चत्तारि अंगारा जाव चत्तारि भावकेऊ, ७। लवणस्स णं

समुद्रस्स चत्तारि दारा पन्नत्ता तंजहा—विजए विजयंते जयंते अपराजिते, ते
 गां दारा गां चत्तारि जोयणाइं विक्खंभेणां तावतितं चेव पवेसेणां पन्नत्ता, ८।
 तत्थ गां चत्तारि देवा महिद्धिया जाव पलित्थोवमट्ठितिया परिवसंति—विजये
 वेजयंते जयंते अपराजिए ६ ॥सू० ३०५॥ धायइमंडे दीवे चत्तारि जोय-
 णामयसहस्साइं चक्कवालविक्खंभेणां पन्नत्ता, जंबूदीवस्स गां दीवस्स बहिया
 चत्तारि भरहाइं चत्तारि एरवयाइं, एवं जहा सद्दुद्देसते तहेव निरवसेसं
 भाणियव्वं जाव चत्तारि मंदरा चत्तारि मन्दरचूलियाओ ॥सू० ३०६॥

[अथ नन्दीश्वरविचारः] गांदीसरवरस्स गां दीवस्स चक्कवालविक्खंभस्स
 बहुमज्झदेसभागे चउद्दिसिं चत्तारि अंजणागपव्वता पन्नत्ता तंजहा—पुरत्थि-
 मिल्ले अंजणागपव्वते दाहिणिल्ले अंजणागपव्वए पच्चत्थिमिल्ले अंजणाग-
 पव्वते उत्तरिल्ले अंजणागपव्वते ४, १। ते गां अंजणागपव्वता चउरासीति
 जोयणासहस्साइं उड्ढं उच्चत्तेणां एगं जोयणासहस्सं उव्वेहेणां मूले दस जोयणा-
 सहस्साइं विक्खंभेणां तदगांतरं च गां मायाए २ परिहातेमाणा २ उवरिमेगं
 जोयणासहस्सं विक्खंभेणां पराणात्ता मूले इक्कतीसं जोयणासहस्साइं द्वाच्च तेवीसे
 जोयणासते एगं जोयणासहस्सं परिकखेवेणां, उपरिं तिन्नि २ जोयणासहस्साइं
 एगं च छावट्ठं जोयणासतं परिकखेवेणां, मूले विच्छिन्ना मज्जे संखेत्ता, उप्पि-
 तणुया० गोपुच्छसंठाणसंठिता सव्वअंजणमया अच्छा सराहा लराहा घट्ठा
 मट्ठा नीरया निप्पंका निक्कंकडच्छाया सप्पभा समिरीया सउज्जोया पासार्इया
 दरिसणीया अभिरूवा पडिरूवा २। तेसि गां अंजणागपव्वयाणां उवरिं बहु-
 समरमणिज्जभूमिभागा पन्नत्ता, तेसि गां बहुसमरमणिज्जभूमिभागाणां बहुम-
 ज्झदेसभागे चत्तारि सिद्धाययणा पराणात्ता, ते गां सिद्धाययणा एगं जोय-
 णामयं आयामेणां पराणात्ता पराणासं जोयणाइं विक्खंभेणां चावत्तरि जोयणाइं
 उड्ढं उच्चत्तेणां, ३। तेसिं सिद्धाययणाणां चउद्दिसिं चत्तारि दारा पन्नत्ता
 तंजहा—देवदारे असुरदारे गागदारे सुवन्नदारे, ४। तेसु गां दारेसु चउव्विहा

देवा परिवसन्ति, तंजहा--देवा असुरा नागा सुवराणां, ५। तेसि रां दाराणां पुरतो चत्तारि मुहमंडवा पन्नत्ता, तेसि रां मुहमंडवारां पुरथो चत्तारि पेच्छा-घरमंडवा पन्नत्ता, तेसि रां पेच्छाघरमंडवारां बहुमज्झदेसभागे चत्तारि वइरामया अक्खाडगा पन्नत्ता, तेसि रां वइरामयाणं अक्खाडगाणं बहुमज्झ-देसभागे चत्तारि मणिपेढियातो पन्नत्ताथो, तासि रां मणिपेढितारां उवरिं चत्तारि सीहासणा पन्नत्ता, तेसि रां सीहामणाणं उवरिं चत्तारि विजयदूसा पन्नत्ता, तेसि रां विजयदूसगाणं बहुमज्झदेसभागे चत्तारि वइरामता अंकुसा पन्नत्ता, तेसु रां वतिरामतेसु अंकुसेसु चत्तारि कुंभिका मुत्तादामा पन्नत्ता, ते रां कुंभिका मुत्तादामा पत्तेयं २ अन्नेहिं तदद्धउच्चत्तपमाणमित्तेहि चउहिं अद्धकुंभिकेहिं मुत्तादामेहि, सव्वतो समंता संपरिक्खत्ता, तेसि रां पेच्छा-घरमंडवारां पुरथो चत्तारि मणिपेढिताथो पराणत्ताथो, तासि रां मणिपेढि-याणं उवरिं चत्तारि २ चेतितथूभा पराणत्ता, तासि रां चेतितथूभाणं पत्तेयं २ चउदिसिं चत्तारि मणिपेढियातो पन्नत्ताथो, ६ । तासि रां मणिपेढिताणं उवरिं चत्तारि जिणपडिमाथो सव्वरयणामईतो संपलियंकणिसन्नाथो थूभा-भिमुहाथो चिट्ठंति, तंजहा--रिसभा वद्धमाणा चंदाणणा वारिसेणा, ७। तेसि रां चेतितथूभाणं पुरतो चत्तारि मणिपेढिताथो पन्नत्ताथो, तासि रां मणिपेढिताणं उवरिं चत्तारि चेतितरुक्खा पन्नत्ता, तेसि रां चेतितरुक्खाणं पुरथो चत्तारि मणिपेढियाथो पन्नत्ताथो, तासि रां मणिपेढियाणां उवरिं चत्तारि महिंदज्झया पन्नत्ता, तेसि रां महिंदज्झताणां पुरथो चत्तारि रांदातो पुक्खरिणीथो पन्नत्ताथो ८। तासि रां पुक्खरिणीणां पत्तेयं २ चउदिसिं चत्तारि वणसंडा पन्नत्ता तंजहा--पुरच्छिमेणं दाहिणेणं पच्चत्थिमेणं उत्तरेणं--पुव्वेणं असोगवणं दाहिणथो होइ सत्तवराणवणं । अवरेणं चंप-गवणं चूतवणं उत्तरे पासे ॥ १ ॥ ६ । तत्थ रां जे से पुरच्छिमिल्ले अंज-णागपव्वते तस्स रां चउदिसिं चत्तारि रांदाथो पुक्खरिणीतो पन्नत्ताथो

તંજહા-શંદુત્તરા શંદા આશંદા નંદિવદ્ધશા, તાત્રો શંદાત્રો પુસ્કરિણીત્રો
 એગં જોયણસયસહસ્સં આયામેણં પન્નાસં જોયણસહસ્સાઈં વિક્કવંભેણં દસ
 જોયણસતાઈં ઉવ્વેહેણં, તાસિ શં પુસ્કરિણીણં પત્તેયં ૨ ચડહિસિં ચત્તારિ
 તિસોવાણપડિરૂવગા, ૧૦। તેસિ શં તિમોવાણપડિરૂવગાણં પુરતો ચત્તારિ
 તોરણા પન્નત્તા તંજહા-પુરચ્છિમેણં દાહિણેણં પચ્ચત્થિમેણં ઉત્તરેણં, ૧૧।
 તાસિ શં પુસ્કરિણીણં પત્તેયં ૨ ચડહિસિં ચત્તારિ વણસંડા પન્નત્તા તંજહા-
 પુરતો દાહિણેણં પચ્ચત્થિમેણં ઉત્તરેણં, પુવ્વેણં અસોગવણં જાવ ચૂયવણં
 ઉત્તરે પાસે, તાસિ શં પુસ્કરિણીણં વહુમજ્જદેસભાગે ચત્તારિ દધિમુહગપવ્વયા
 પન્નત્તા, તે શં દધિમુહગપવ્વયા ચડસટ્ઠિં જોયણસહસ્સાઈં ઉડ્ઢં ઉચ્ચત્તેણં એગં
 જોયણસહસ્સં ઉવ્વેહેણં સવ્વત્થ સમા પલ્લગસંઠાણસંઠિતા દસજોયણસહસ્સાઈં
 વિક્કવંભેણં એકતીસં જોયણસહસ્સાઈં હ્હચ્ચ તેવીસે જોયણસતે પરિક્કવેવેણં,
 સવ્વરયણામતા અચ્છા જાવ પડિરૂવા, તેસિ શં દધિમુહગપવ્વતાણં ઉવરિં વહુ-
 સમરમણિજ્ઞા ભૂમિભાગા પન્નત્તા, સેસં જહેવ અંજણગપવ્વતાણં તહેવ નિર-
 વસેસં માણિયવ્વં, જાવ ચૂતવણં ઉત્તરે પાસે, ૧૨। તત્થ શં જે સે દાહિણિલ્લે
 અંજણગપવ્વતે તસ્સ શં ચડહિસિં ચત્તારિ શંદાત્રો પુસ્કરિણીત્રો પરાણત્તાત્રો,
 તંજહા-ભદ્દા વિસાલા હુમુદા પોંડરિગિણી, તાતો શંદાતો પુસ્કરિણીતો એગં
 જોયણસયસહસ્સં સેસં તં ચેવ જાવ દધિમુહગપવ્વતા જાવ વણસંડા, ૧૩।
 તત્થ શં જે સે પચ્ચત્થિમિલ્લે અંજણગપવ્વતે તસ્સ શાં ચડહિસિ
 ચત્તારિ શંદાત્રો પુસ્કરિણીત્રો પન્નત્તાત્રો, તંજહા-શંદિસેણા અમોહા ગોથૂભા
 સુદંસણા, સેસં તં ચેવ, તહેવ દધિમુહગપવ્વતા તહેવ સિદ્ધા-
 યયણા જાવ વણસંડા, ૧૪। તત્થ શં જે સે ઉત્તરિલ્લે અંજ-
 ણગપવ્વતે તસ્સ શં ચડહિસિં ચત્તારિ શંદાત્રો પુસ્કરિણીત્રો પન્નત્તાત્રો,
 તંજહા-વિજયા વેજયંતી જયંતી અપરાજિતા, તાતો શં પુસ્કરિણીત્રો એગં
 જોયણસયસહસ્સં તં ચેવ પમાણં તહેવ દધિમુહગપવ્વતા તહેવ સિદ્ધયાયણા

जाव वणासंडा १५। गांदीसरवरस्स गां दीवस्स चक्रवालविक्रवंभस्स बहुमज्झ-
 देसभागे चउसु विदिसासु चत्तारि रतिकरगपव्वता पन्नत्ता तंजहा-उत्तरपुर-
 च्छिमिल्ले रतिकरगपव्वते दाहिणापुरच्छिमिल्ले रइकरगपव्वए दाहिणपच्चत्थि-
 मिल्ले रतिकरगपव्वते उत्तरपच्चत्थिमिल्ले रतिकरगपव्वए, ते गां रतिकरगपव्वता
 दस जोयणासयाइं उड्ढं उच्चत्तेगां दस गाउतमताइं उव्वेहेगां सव्वत्थ समा
 भल्लारिसंठाणसंठिता दस जोयणासहस्साइं विक्रवंभेगां एकतीसं जोयणासहस्साइं
 छच्च तेवीसे जोयणासते परिक्रवेवेगां, सव्वरयणामता, अच्छा जाव पडिरूवा
 १६। तत्थ गां जे से उत्तरपुरच्छिमिल्ले रतिकरगपव्वते तस्स गां चउदिसि
 ईसाणास्स देविदस्स देवरन्नो चउराहमग्गमहिसीणां जंबूद्वीवपमाणाओ चत्तारि
 रायहाणीओ पन्नत्ताओ तंजहा-गांदुत्तरा गांदा उत्तरकुरा देवकुरा, कराहाते
 कराहरातीते रामाए रामरक्खियाते १७। तत्थ गां जे से दाहिणापुरच्छिमिल्ले
 रतिकरगपव्वते, तस्स गां चउदिसि सक्कस्स देविंदस्स देवरन्नो चउराहमग्ग-
 महिसीणां जंबूद्वीवपमाणातो चत्तारि रायहाणीओ पन्नत्ताओ तंजहा-समणा
 सोमणा अच्चिमाली मनोरमा, पउमाते सिवाते सतीते अंजूए १८। तत्थ गां
 जे से दाहिणपच्चत्थिमिल्ले रतिकरगपव्वते तत्थ गां चउदिसिं सक्कस्स देविं-
 दस्स देवरन्नो चउराहमग्गमहिसीणां जंबूद्वीवपमाणमेत्तातो चत्तारि रायहा-
 णीओ पन्नत्ताओ, तंजहा-भूता भूतवडेंसा गोथूभा सुदंसणा, अमलाते
 अच्छराते णवमिताते रोहिणीते १९। तत्थ गां जे से उत्तरपच्चत्थिमिल्ले
 रतिकरगपव्वते तत्थ गां चउदिसिमिसाणास्स देविंदस्स देवरन्नो चउराहमग्ग-
 महिसीणां जंबूद्वीवपमाणात्तातो चत्तारि रायहाणीओ पन्नत्ताओ, तंजहा-
 रयणा रतणुच्चता सव्वरतणा रणातसंचया, वसूते वसुगुत्ताते वसुमिताते वसुं-
 धराए २० ॥सू० ३०७॥ चउव्विहे सच्चे पन्नत्ते तंजहा-णामसच्चे ठवणा-
 सच्चे दव्वसच्चे भावसच्चे ॥सू० ३०८॥ आजीवियाणां चउव्विहे तवे पन्नत्ते
 तंजहा-उग्गतवे (ओरालतवे) धोरतवे रसणिज्जूहणाता जिब्भिदियपडिसंली-

गता ॥सू० ३०१॥ चउव्विहे संजमे पन्नत्ते तंजहा-मणमंजमे वतिसंजमे
 कायसंजमे उवगरणसंजमे । चउव्विहे चिताते पन्नत्ते तंजहा-मणचिताये
 वतिचियाते कायचियाते उवगरणचियाते । चउव्विहा अकिंचणाता पन्नत्ता
 तंजहा-मणअकिंचणाता वतिअकिंचणाता कायअकिंचणाता उवगरणअकिंचणाता
 ॥सू० ३१०॥

॥ इति चतुःस्थानके तृतीय उद्देशकः ॥

॥ अथ चतुर्थस्थानके तृतीय उद्देशकः ॥

चत्तारि रातीओ पन्नत्ताओ तंजहा-पव्वयराती पुढविराती वालुय-
 राती उदगराती, एवामेव चउव्विहे कोहे पन्नत्ते तंजहा-पव्वयरातिसमाणे
 पुढविरातिममाणे वालुयरातिममाणे उदगरातिसमाणे, पव्वयरातीसमाणं
 कोहं अणुपविट्ठे जीवे कालं करेइ गोरइतेसु उववज्जति, पुढविरातिसमाणं
 कोहमणुपविट्ठे जीवे कालं करेइ तिरिक्खजोगितेसु उववज्जति, वालुयराति-
 समाणं कोहं अणुपविट्ठे समाणे जीवे कालं करेइ मणुस्सेसु उववज्जति,
 उदगरातिममाणं कोहमणुपविट्ठे समाणे जीवे कालं करेइ देवेसु उववज्जति
 १। चत्तारि उदगा पन्नत्ता तंजहा-कइमोदए खंजणोदए वालुओदए सेलोदए,
 एवामेव चउव्विहे भावे पन्नत्ते तंजहा-कइमोदगसमाणे खंजणोदगसमाणे वालु-
 ओदगसमाणे, सेलोदगसमाणे, कइमोदगसमाणं भावमणुपविट्ठे जीवे कालं
 करेइ गोरइएसु उववज्जति, एवं जाव सेलोदगसमाणं भावमणुपविट्ठे जीवे
 कालं करेइ देवेसु उववज्जइ २ ॥सू० ३११॥ चत्तारि पक्खी पन्नत्ता तंजहा-
 रुयसंपन्ने नाममेगे णो रुवसंपन्ने, रुवसंपन्ने नाममेगे नो रुतसंपन्ने, एगे रुव-
 संपन्नेऽवि रुतसंपन्नेवि, नो रुतसंपन्ने णो रुवसंपन्ने १। एवामेव चत्तारि पुरिस-
 जाया पन्नत्ता तंजहा-रुयसंपन्ने नाममेगे णो रुवसंपन्ने ४, २। चत्तारि पुरि-
 सजाया पन्नत्ता तंजहा-पत्तियं करेमीतेगे पत्तियं करेइ, पत्तियं करेमीतेगे
 अपत्तितं करेति, अप्पत्तियं करेमितेगे पत्तितं करेइ, अप्पत्तियं करेमीतेगे अप्प-

त्तितं 'करेति, ३। चत्तारि पुरिसजाया पन्नत्ता तंजहा-अप्पणो णाममेगे पत्तितं
करेति णो परस्म, परस्स नाममेगे पत्तियं करेति णो अप्पणो (४) ह, ४।
चत्तारि पुरिसजाया पन्नत्ता तंजहा-पत्तियं पवेसामीतेगे पत्तितं पवेसेइ पत्तियं
पवेसामीतेगे अप्पत्तितं पवेसेति ४, ५। चत्तारि पुरिसजाता पन्नत्ता तंजहा-
अप्पणो नाममेगे पत्तितं पवेसेइ णो परस्म, परस्स ४ ह ६ ॥सू० ३१२॥
चत्तारि रुक्खा पन्नत्ता तंजहा-पत्तोवए पुप्फोवए फलोवए द्वायोवए, एवामेव
चत्तारि पुरिसजाया पन्नत्ता तंजहा-पत्तोवारुक्खसमाणो पुप्फोवारुक्खसमाणो
फलोवारुक्खसमाणो द्वातोवारुक्खसमाणो ॥सू० ३१३॥ भारगणं वहमाणस्स
चत्तारि आसासा पन्नत्ता, तंजहा-जत्थ णं अंसातो अंसं साहरइ तत्थवि य से
एगे आसासे पराणत्ते १, जत्थवि य णं उच्चारं वा पासवणं वा परिट्ठावेति तत्थ-
वि य से एगे आसासे पराणत्ते २, जत्थवि य णं णागकुमारावासंसि वा सुव-
न्नकुमारावासंसि वा वासं उवेति तत्थवि य से एगे आसासे पन्नत्ते ३, जत्थ-
वि य णं आवकधाते चिट्ठति तत्थवि य से एगे आसासे पन्नत्ते ४, १। एवामेव
समणोवासगस्स चत्तारि आसासा पन्नत्ता तंजहा-जत्थ णं सीलव्वतगुणव्वत-
वेरमणपच्चक्खाणपोसहोववासाइं पडिवज्जेति तत्थवि य से एगे आसासे
पराणत्ते १, जत्थवि य णं सामाइयं देसावगासियं सम्ममणुपालेइ तत्थवि य से
एगे आसासे पन्नत्ते २, जत्थवि य णं चाउहसट्ठमुदिट्ठपुन्नमासिणीसु पडिपुन्नं
पोसहं सम्मं अणुपालेइ तत्थवि य से एगे आसासे पराणत्ते ३, जत्थवि य
णं अपच्छिममारणंतितसंलेहणाजूमणाजूसिते भत्तपाणपडितातिविखते
पाओवगते कालमणवकंखमाणो विहरति तत्थवि य से एगे आसासे पन्नत्ते
४, २ ॥सू० ३१४॥ चत्तारि पुरिसजाया पन्नत्ता तंजहा-उदितोदिते णाम-
मेगे उदितत्थमिते णाममेगे अत्थमितोदिते णाममेगे अत्थमियत्थमिते णाम-
मेगे, भरहे राया चाउरंतचक्कवट्ठी णं उदितोदिते, वंभदत्ते णं राया चाउरंत-
चक्कवट्ठी उदिअत्थमिते, हरितेसवले णमणगारे णमत्थमिओदिते, काले णं

सोयरिये अत्थमितत्थमिते ॥सू० ३१५॥ चत्तारि जुम्मा पन्नत्ता तंजहा—
 कडजुम्मे तेयोए दावरजुम्मे कलिओए, नेरतिताणं चत्तारि जुम्मा पन्नत्ता
 तंजहा—कडजुम्मे तेओए दावरजुम्मे कलितोए, एवं असुरकुमाराणं जाव
 थणियकुमाराणं. एवं पुढविकाइयाणं आउकाइयाणं तेउकाइयाणं वाउकाइयाणं
 वणस्सतिकाइयाणं वेदिताणं तेंदियाणं चउरिंदियाणं पंचिंदियतिरिक्खजेणियाणं
 मणुस्साणं वाणमंतरजोइसियाणं वेमाणियाणं सव्वेसिं जहा गोरइयाणं
 ॥सू० ३१६॥ चत्तारि सूरा पन्नत्ता तंजहा—खंतिसूरे तवसूरे दाणसूरे जुद्धसूरे
 खंतिसूरा अरहंता तवसूरा अणगारा दाणसूरे वेस्समणे जुद्धसूरे वासुदेवे
 ॥सू० ३१७॥ चत्तारि पुरिसजाया पन्नत्ता तंजहा—उच्चे णाममेगे उच्चच्छंदे
 उच्चे णाममेगे णीतच्छंदे णीते णाममेगे उच्चच्छंदे नीए णाममेगे णीयच्छंदे
 ॥सू० ३१८॥ असुरकुमाराणं चत्तारि लेसातो पन्नत्ताओ तंजहा—कणह-
 लेसा णीललेसा काउलेसा तेउलेसा, एवं जाव थणियकुमाराणं, एवं पुढवि-
 काइयाणं आउवणस्सइकाइयाणं वाणमंतराणं सव्वेसिं जहा असुरकुमाराणं
 ॥सू० ३१९॥ चत्तारि जाणा पन्नत्ता तंजहा—जुत्ते णाममेगे जुत्ते, जुत्ते णाम-
 मेगे अजुत्ते, अजुत्ते णाममेगे जुत्ते, अजुत्ते णाममेगे अजुत्ते, १ । एवामेव
 चत्तारि पुरिसजाया पन्नत्ता तंजहा—जुत्ते णाममेगे जुत्ते, जुत्ते णाममेगे अजुत्ते,
 ४, २ । चत्तारि जाणा पन्नत्ता तंजहा—जुत्ते णाममेगे जुत्तपरिणते, जुत्ते
 णाममेगे अजुत्तपरिणते ४, ३। एवामेव चत्तारि पुरिसजाया पन्नत्ता, तंजहा
 —जुत्ते णाममेगे जुत्तपरिणते ४, ४। चत्तारि जाणा पन्नत्ता तंजहा—जुत्ते
 णाममेगे जुत्तरूवे, जुत्ते णाममेगे अजुत्तरूवे, अजुत्त णाममेगे जुत्तरूवे ४, ५।
 एवामेव चत्तारि पुरिसजाया पन्नत्ता तंजहा—जुत्ते णाममेगे जुत्तरूवे ४, ६।
 चत्तारि जाणा पन्नत्ता तंजहा—जुत्ते णाममेगे जुत्तसोभे ४, ७। एवामेव चत्तारि
 पुरिसजाया पन्नत्ता तंजहा—जुत्ते णाममेगे जुत्तसोभे ४, ८। चत्तारि जुग्गा
 पन्नत्ता तंजहा—जुत्ते नाममेगे जुत्ते ४, ९। एवामेव चत्तारि पुरिसजाया

पन्नत्ता तंजहा—जुत्ते णाममेगे जुत्ते ४, १०। एवं जथा जाणेण चत्तारि आलावगा तथा जुग्गेणऽवि, पडिक्खो तहेव पुरिसजाता जाव सोभेत्ति ११। चत्तारि सारही पन्नत्ते तंजहा—जोयावइत्ता णामं एगे नो विजोयावइत्ता, विजोयावइत्ता नामं एगे नो जोयावइत्ता एगे जोयावइत्तावि विजोयावइत्तावि, एगे नो जोयावइत्ता नो विजोयावइत्ता १२। एवामेव चत्तारि हया पन्नत्ता तंजहा—जुत्ते णामं एगे जुत्ते जुत्ते णाममेगे अजुत्ते ४, १३। एवामेव चत्तारि पुरिसजाया पन्नत्ता तंजहा—जुत्ते णाममेगे जुत्ते ४, एवं जुत्तपरिणते जुत्तरूवे जुत्तसोभे सव्वेसिं पडिक्खो पुरिसजाता १४। चत्तारि गया पन्नत्ता तंजहा—जुत्ते णाममेगे जुत्ते ४, १५। एवामेव चत्तारि पुरिसजाया पन्नत्ता तंजहा—जुत्ते णाममेगे जुत्ते ४ एवं जहा हयाणं तहा गयाणऽवि भाणियव्वं, पडिक्खो तहेव पुरिसजाया १६। चत्तारि जुग्गारिता (जुग्गायारिता) पन्नत्ता तंजहा—पंथजाती णाममेगे णो उप्पहजाती, उप्पथजाती णाममेगे णो पंथजाती एगे पंथजातीऽवि उप्पहजातीऽवि, एगे णो पंथजाती णो उप्पहजाती, एवामेव चत्तारि पुरिसजाया १७। चत्तारि पुप्फा पन्नत्ता तंजहा—रूवसंपन्ने नाममेगे णो गंधसंपन्ने, गंधसंपन्ने णाममेगे नो रूवसंपन्ने, एगे रूवसंपन्नेऽवि गंधसंपन्नेऽवि एगे णो रूवसंपन्ने णो गंधसंपन्ने, १८। एवामेव चत्तारि पुरिसजाता पन्नत्ता तंजहा—रूवसंपन्ने णाममेगे णो सीलसंपन्ने ४, १९। चत्तारि पुरिसजाया पन्नत्ता तंजहा—जातिसंपन्ने नाममेगे नो कुलसंपन्ने ४, २, १। चत्तारि पुरिसजाया पन्नत्ता तंजहा—जातिसंपराणे नामं एगे णो बलसंपन्ने बलसंपन्ने नामं एगे णो जातिसंपन्ने ४, २। एवं जातीते रूवेण चत्तारि आलावगा एवं जातीते सुएण ४, एवं जातीते सीलेण ४, एवं जातीते चरित्तेण ४, एवं कुलेण बलेण ४, एवं कुलेण रूवेण ४, कुलेण सुतेण ४, कुलेण सीलेण ४, कुलेण चरित्तेण ४, चत्तारि पुरिसजाता पन्नत्ता तंजहा—बलसंपराणे नाममेगे णो रूवसंपन्ने ४, १२, एवं बलेण सुतेण ४, १३,

एवं बलेण सीलेण ४, १४, एवं बलेण चरित्तेण ४, १५, चत्तारि
 पुरिसजाया पन्नत्ता तंजहा-रूवसंपन्ने नाममेगे णो सुयसंपराणे ४, १६,
 एवं रूवेण सीलेण ४, १७, रूवेण चरित्तेण ४, १८, चत्तारि पुरिसजाता
 पन्नत्ता तंजहा-सुयसंपन्ने नाममेगे णो सीलसंपन्ने ४, १९, एवं सुतेण
 चरित्तेण य ४, २०, चत्तारि पुरिसजाता पन्नत्ता तंजहा-सीलसंपन्ने
 नाममेगे नो चरित्तसंपन्ने ४, २१, एते एक्कवीसं भंगा भाणितत्वा, २०।
 चत्तारि फला पन्नत्ता तंजहा-आमलगमहुरे मुहितामहुरे खीरमहुरे खंडमहुरे,
 २१। एवामेव चत्तारि आयरिया पन्नत्ता तंजहा-आमलगमहुरफलसमाणे
 जाव खंडमहुरफलसमाणे, २२। चत्तारि पुरिसजाया पन्नत्ता तंजहा-
 आतवेतावच्चकरे नाममेगे नो परवेतावच्चकरे ४, २३। चत्तारि पुरिसजाता
 पन्नत्ता तंजहा-करेति नाममेगे वेयावच्चं णो पडिच्छइ, पडिच्छइ नाममेगे
 वेयावच्चं नो करेइ ४, २४। चत्तारि पुरिसजाता पन्नत्ता तंजहा-अट्टकरे
 णाममेगे णो माणकरे, माणकरे णाममेगे णो अट्टकरे, एगे अट्टकरेऽवि
 माणकरेऽवि, एगे णो अट्टकरे णो माणकरे, २५। चत्तारि पुरिसजाता
 पन्नत्ता तंजहा-गणट्टकरे णाममेगे णो माणकरे ४, २६। चत्तारि
 पुरिसजाता पन्नत्ता तंजहा-गणसंग्गहकरे णाममेगे णो माणकरे ४, २७।
 चत्तारि पुरिसजाया पन्नत्ता तंजहा-गणसोभकरे णामं एगे णो माणकरे ४,
 २८। चत्तारि पुरिसजाया पन्नत्ता तंजहा-गणसोहिकरे णाममेगे नो माणकरे
 ४, २९। चत्तारि पुरिसजाया पन्नत्ता तंजहा-रूवं नाममेगे जहति नो धम्मं, धम्मं
 नाममेगे जहति नो रूवं, एगे रूवपि जहति धम्मंपि जहति, एगे नो रूवं जहति
 नो धम्मं, ३०। चत्तारि पुरिसजाया पन्नत्ता तंजहा-धम्मं नाममेगे जहति नो
 गणसंठितिं ४, ३१। चत्तारि पुरिसजाया पन्नत्ता तंजहा-पियधम्मे नाममेगे
 नो ददधम्मे, ददधम्मे नाममेगे नो पितधम्मे, एगे पियधम्मेऽवि ददधम्मेऽवि,
 एगे नो पियधम्मे नो ददधम्मे, ३२। चत्तारि आयरिया पन्नत्ता तंजहा-

पव्वायणायरिते नाममेगे णो उवट्ठावणायरिते, उवट्ठावणायरिए णाममेगे
 णो पव्वायणायरिए एगे पव्वायणातरितेऽवि उवट्ठावणातरितेऽवि, एगे नो
 पव्वायणातरिते नो उट्ठावणातरिते धम्मायरिए, ३३। चत्तारि आयरिया
 पन्नत्ता तंजहा--उद्देसणायरिए णाममेगे णो वायणायरिए ४ धम्मायरिए, ३४।
 चत्तारि अंतेवासी पन्नत्ते तंजहा--पव्वायणंतेवासी नामं एगे णो
 उवट्ठावणंतेवासी ४ धम्मंतेवासी, ३५ । चत्तारि अंतेवासी पन्नत्ते
 तंजहा--उद्देसणंतेवासी नामं एगे नो वायणंतेवासी ४ धम्मंतेवासी,
 ३६। चत्तारि निग्गंथा पन्नत्ता तंजहा--रातिणिये समणे निग्गंथे महाकम्मे
 महाकिरिए अणायवी असमिते धम्मस्स अणाराधते भवति १, राइणिते
 समणे निग्गंथे अप्पकम्मे अप्पकिरिते आतावी समिए धम्मस्स आरा-
 हते भवति, २ ओमरातिणिते समणे निग्गंथे महाकम्मे महाकिरिते
 अणातावी असमिते धम्मस्स अणाराहते भवति ३, ओमरातिणिते समणे
 निग्गंथे अप्पकम्मे अप्पकिरिते आतावी समिते धम्मस्स आराहते भवति ४,
 ३७। चत्तारि णिग्गंथीओ पन्नत्ताओ तंजहा--रातिणिया समणी निग्गंथी एवं
 चेव ४, ३८। चत्तारि समणोवासगा पन्नत्ता तंजहा--रायणिते समणोवासए
 महाकम्मे तहेव ४, ३९ । चत्तारि समणोवासियाओ पन्नत्ताओ तंजहा--रायणिता
 समणोवासिता महाकम्मा तहेव चत्तारि गमा ४० ॥सू० ३२०॥ चत्तारि
 समणोवासगा पन्नत्ता तंजहा—अम्मापितिसमाणे भातिसमाणे मित्तसमाणे
 सवत्तिसमाणे, १। चत्तारि समणोवासगा पन्नत्ता तंजहा—अद्दागसमाणे
 पडागसमाणे खाणुसमाणे खरकंटयसमाणे २ ॥सू० ३२१॥ समणस्स णं
 भगवतो महावीरस्स समणोवासगाणं सोधम्मकप्पे अरुणाभे विमाणे चत्तारि
 पलिओवमाइं ठिती पन्नत्ता ॥सू० ३२२॥ चउहि ठाणेहि अहुणोववन्ने
 देवे देवलोगेसु इच्छेज्जा माणुसं लोगं हव्वमागच्छित्ते णो चेव णं
 संचातेति हव्वमागच्छित्ते, तंजहा--अहुणोववन्ने देवे देवलोगेसु दिव्वेसु

कामभोगेषु मुच्छिते गिद्धे गदिते अज्भोववन्ने से शां माणुस्सए कामभोगे
नो आढइ नो परियाणाति शां अट्ठं बंधइ शां शिताणां पगरेति शां
ठितिपगप्पं पगरेति १, अहुणोववन्ने देवे देवलोगेषु दिव्वेषु कामभोगेषु
मुच्छिते ४ तस्स शां माणुस्सते पेमे वोच्छिन्ने दिव्वे संकंते भवति २,
अहुणोववन्ने देवे देवलोएसु दिव्वेषु कामभोगेषु मुच्छिते ४ तस्स शां एवं
भवति-इरिंह गच्छं मुहुत्तेणां गच्छं, तेणां कालेणमप्पाउया मणुस्सा
कालधम्मणा संजुत्ता भवंति ३, अहुणोववन्ने देवे देवलोएसु दिव्वेषु
कामभोगेषु मुच्छिते ४ तस्स शां माणुस्सए गंधे पडिक्खले पडिलोमे तावि
भवति, उड्ढं पिय शां माणुस्सए गंधे जाव चत्तारि पंच जोयणासताइं
हव्वमागच्छति ४, इच्चेतेहिं चउहिं ठाणेहिं अहुणोववणो देवे देवलोएसु
इच्छेज्जा माणुसं लोगं हव्वमागच्छित्तए शां चेव शां संचातेति हव्वमा-
गच्छित्तए १। चउहिं ठाणेहिं अहुणोववन्ने देवे देवलोएसु इच्छेज्जा
माणुसं लोगं हव्वमागच्छित्तते संचाएइ हव्वमागच्छित्तए तंजहा-अहु-
णोववन्ने देवे देवलोगेषु दिव्वेषु कामभोगेषु अमुच्छिते जाव
अणज्भोववन्ने, तस्स शां एवं भवति-अत्थि खलु मम माणुस्सए भवे
आयरितेति वा उवज्झाएति वा पवत्तीति वा थेरेति वा गणीति वा
गणाधरेति वा गणावच्छेएति वा जेसिं पभावेणं मए इमा एतारूवा दिव्वा
देविद्धी दिव्वा देवजुत्ती लद्धा पत्ता अमिसमन्नागया, तं गच्छामि शां ते
भगवंते वंदामि जाव पज्जुवासामि, १, अहुणोववन्ने देवे देवलोएसु जाव
अणज्भोववन्ने तस्स शांमेवं भवति-एस शां माणुस्सए भवे शाणीति वा
तवस्सीति वा अइदुकर२कारते, तं गच्छामि शां ते भगवंते वंदामि जाव
पज्जुवासामि २, अहुणोववन्ने देवे देवलोएसु जाव अणज्भोववन्ने तस्स
शांमेवं भवति-अत्थि शां मम माणुस्सए भवे मात्ताति वा जाव सुरहाति वा,
तं गच्छामि शां तेसिमंतितं पाउब्भयामि पासंतु ता मे (इमे) इममेतारूवं दिव्वं

देविङ्घिं दिव्वं देवजुत्ति लद्धं पत्तं अभिसमन्नागतं ३, अहुणोववन्ने देवे देवलोगेसु जाव अण्णम्मोववन्ने तस्स णमेवं भवति-अत्थि णं मम माणुस्सए भवे मित्तेति वा, सहीति वा सुहीति वा सहाएति वा संग- एति वा, तेसिं च णं अम्हे अन्नमन्नस्स संगारे पडिस्सुते भवति, जो मे पुव्वं चयति से संबोहेतव्वे, इच्चेतेहिं जाव संचातेति हव्वमागच्छित्ते ४, २ ॥सू० ३२३॥ चउहिं ठाणेहिं लोगंधगारे सिया, तंजहा-अर- हंतैहिं वोच्छिज्जमाणेहिं अरहंतपन्नत्ते धम्मे वोच्छिज्जमाणो पुव्वगते वोच्छिज्जमाणो जायतेते वोच्छिज्जमाणो १। चउहिं ठाणेहिं लोउज्जोते सिता, तंजहा- अरेहंतैहिं जायमाणेहिं अरहंतैहिं पव्वतमाणेहिं अरहंताणं णाणुप्प- यमहिमासु अरहंताणं परिनिव्वाणमहिमासु २। एवं देवंधगारे देवुज्जोते देवसन्नि- वाते देवुकलिताते देवकहकहते, ३। चउहिं ठाणेहिं देविंदा माणुस्सं लोगं हव्व- मागच्छंति एवं जहा तिठाणे जाव लोगंतिता देवा माणुस्सं लोगं हव्वमाग- च्छेज्जा, तंजहा-अरहंतैहिं जायमाणेहिं जाव अरिहंताणं परिनिव्वाण- महिमासु ४ ॥सू० ३२४॥ चत्तारि दुहसेज्जाओ पन्नताओ तंजहा-तत्थ खलु इमा पढमा दुहसेज्जा तंजहा-से णं मुंढे भवित्ता अगारातो अण्णगारियं पव्व- तिते निग्गंथे पावयणे संकिते कंखिते वित्तिगिच्छिते भेयसमावन्ने कलुसमावन्ने निग्गंथं पावयणं णो सहहति णो पत्तियति णो रोएइ, निग्गंथं पावयणं असहहमाणो अपत्तितमाणो अरोएमाणो मणं उच्चावतं नियच्छति विणि- घातमावज्जति पढमा दुहसेज्जा १, अहावरा दोच्चा दुहसेज्जा से णं मुंढे भवित्ता अगारातो जाव पव्वतिते सएणं लाभेणं णो तुस्सति परस्स लाभमासाएति पीहेति पत्थेति अभिलसति - परस्स लाभमासाएमाणो जाव अभिलसमाणो मणं उच्चावयं नियच्छइ विणिघातमावज्जति दोच्चा दुहसेज्जा २, अहावरा तच्चा दुहसेज्जा-से णं मुंढे भवित्ता जाव पव्वइए दिव्वे माणुस्सए कामभोगे आसाएइ जाव अभिलसति दिव्वमाणुस्सए कामभोगे आसाएमाणो जाव

अभिलसमाणो मणं उच्चावयं नियच्छति विणिघातमावज्जति तच्चा दुहसेज्जा
 ३, अहावरा चउत्था दुहसेज्जा-से णं मुंढे जाव पव्वइए तस्स णमेवं भवति
 जया णं अहमगारवासमावसामि तदा णमहं संवाहणपरिमहराणातव्भंग-
 गातुच्छोलणाइं लभामि जप्पभिइं च णं अहं मुंढे जाव पव्वतिते तप्पभिइं
 च णं अहं संवाहण जाव गातुच्छोलणाइं णो लभामि, से णं संवाहण
 जाव गातुच्छोलणाइं आसाएति जाव अभिलसति से णं संवाहण जाव
 गातुच्छोलणाइं आसाएमाणो जाव मणं उच्चावतं नियच्छति विणिघाय-
 मावज्जति, चउत्था दुहसेज्जा ४, १। चत्तारि सुहसेज्जाओ पन्नत्ताओ तंजहा-
 तत्थ खलु इमा पढ्मा सुहसेज्जा, से णं मुंढे भवित्ता अगारातो-अणगारियं
 पव्वतिए निग्गंथे पावयणो निस्संकिते णिवकंखिते निद्वितिगिच्छिए नो
 भेदममावन्ने नो कलुससमावन्ने निग्गंथं पावयणं सद्वहइ पत्तीयइ रोतेति
 निग्गंथं पावयणं सद्वहमाणो पत्तितमाणो रोएमाणो नो मणं उच्चावतं
 नियच्छति णो विणिघातमावज्जति पढ्मा सुहसेज्जा १, अहावरा दोच्चा
 सुहसेज्जा, से णं मुंढे जाव पव्वतिते सतेणं लाभेणं तुस्सति परस्स लाभं
 णो आसाएति णो पीहेति णो पत्थेइ णो अभिलसति परस्स लाभमणासा-
 एमाणो जाव अणभिलसमाणो नो मणं उच्चावतं नियच्छति णो
 विणिघातमावज्जति, दोच्चा सुहसेज्जा २, अहावरा तच्चा सुहसेज्जा-से णं
 मुंढे जाव पव्वइए दिव्वमाणुस्सए कामभोगे णो आसाएति जाव नो
 अभिलमति दिव्वमाणुस्सए कामभोगे अणासाएमाणो जाव अणभिलसमाणो
 नो मणं उच्चावतं नियच्छति णो विणिघातमावज्जति तच्चा सुहसेज्जा ३,
 अहावरा चउत्था सुहसेज्जा-से णं मुंढे जाव पव्वतिते तस्स णं एवं भवति-
 जइ ताव अरहंता भगवंतो हट्ठा आरोग्गा वलिया कल्लसरीरा अन्नयराइं
 ओरालाइं कल्लाणाइं विउलाइं पयताइं पग्गहिताइं महाणुभागाइं कम्मक्खय-
 कारणाइं तवोकम्माइं पडिवज्जंति किमंग पुण अहं अव्वोवगमिओवक्कमियं

वेयणं नो सम्मं सहामि खमामि तितिकखेमि अहियासेमि, ममं च णं
 अम्भोवगमिओ जाव सम्ममसहमाणस्स अक्खममाणस्स अतितिकखमाणस्स
 अणहियासेमाणस्स किं मन्ने कज्जति ? एगंतसो मे पावे कम्मे कज्जति,
 ममं च णं अम्भोवगमिओ जाव सम्मं सहमाणस्स जाव अहियासेमाणस्स
 किं मन्ने कज्जति ? एगंतसो मे निज्जरा कज्जति चउत्था सुदसेज्जा ४, २।
 ॥सू० ३२५॥ चत्तारि अवायणिज्जा पन्नत्ता, तंजहा-अविणीए वीगईपडिबद्धे
 अविओसविनपाहुडे माई १। चत्तारि वातणिज्जा पन्नत्ता, तंजहा-विणीते अवि-
 गतीपडिबद्धे वितोसवितपाहुडे अमाती २ ॥३२६॥ चत्तारि पुरिसजाया पन्नत्ता,
 तंजहा-आतंभरे नाममेगे नो परंभरे परंभरे नाममेगे नो आतंभरे एगे आतंभरे-
 ऽवि परंभरेऽवि एगे नो आयंभरे नो परंभरे, १। चत्तारि पुरिसजाया पन्नत्ता
 तंजहा-दुग्गए नाममेगे दुग्गए दुग्गए नाममेगे सुग्गते सुग्गते नाममेगे
 दुग्गए सुग्गए नाममेगे सुग्गए, २। चत्तारि पुरिसजाया पन्नत्ता, तंजहा-
 दुग्गते नाममेगे दुव्वए दुग्गए नाममेगे सुव्वए सुग्गए नाममेगे दुव्वते
 सुग्गए नाममेगे सुव्वए ४, ३। चत्तारि पुरिसजाया पन्नत्ता, तंजहा-दुग्गते
 नाममेगे दुप्पडिताणंदे दुग्गते नाममेगे सुप्पडिताणंदे ४, ४। चत्तारि
 पुरिसजाया पन्नत्ता, तंजहा-दुग्गते नाममेगे दुग्गतिगामी दुग्गए नाममेगे
 सुग्गतिगामी ४, ५। चत्तारि पुरिसजाया पन्नत्ता, तंजहा-दुग्गते नाममेगे
 दुग्गतिंगते दुग्गते नाममेगे सुगतिंगते ४, ६। चत्तारि पुरिसजाता पन्नत्ता,
 तंजहा-तमे नाममेगे तमे तमे नाममेगे जोती जोती णाममेगे तमे जोती णाम-
 मेगे जोती ४, ७। चत्तारि पुरिसजाता पन्नत्ता, तंजहा-तमे नाममेगे तमबले तमे
 नाममेगे जोतिबले जोती नाममेगे तमबले जोती नाममेगे जोतीबले, ८।
 चत्तारि पुरिसजाता पन्नत्ता, तंजहा-तमे नाममेगे तमबलपलज्जणो (पज्जलणो) तमे
 नाममेगे जोतीबलपलज्जणो ४, ९। चत्तारि पुरिसजाता पन्नत्ता, तंजहा-परि-
 न्नायकम्मे नाममेगे नो परिन्नातसन्ने परिन्नातसन्ने णाममेगे णो परिन्नातकम्मे-

एगे परिन्नातकम्मेवि ४, १०। चत्तारि पुरिसजाता पन्नत्ता तंजहा-परिन्नायकम्मे
 णाममेगे नो परिन्नातगिहावासे परिन्नायगिहावासे णामं एगे णो परिन्नात-
 कम्मे ४, ११। चत्तारि पुरिसजाता पन्नत्ता तंजहा-परिणायसन्ने णाममेगे
 नो परिन्नातगिहावासे परिन्नातगिहावासे णामं एगे ४, १२। चत्तारि
 पुरिसजाता पन्नत्ता तंजहा-इहत्ये णाममेगे नो परत्ये परत्ये नाममेगे नो
 इहत्ये ४, १३। चत्तारि पुरिसजाता पन्नत्ता तंजहा-एगेणं णाममेगे वड्ढति
 एगेणं हायति एगेणं णाममेगे वड्ढि दोहिं हायति दोहिं णाममेगे वड्ढति
 एगेणं हातति एगे दोहिं नाममेगे वड्ढति दोहिं हायति, १४। चत्तारि
 (प)कंथका पन्नत्ता तंजहा-आइन्ने नाममेगे आइन्ने आइन्ने नाममेगे खलुंके
 खलुंके नाममेगे आइन्ने खलुंके नाममेगे खलुंके ४, १५। एवामेव चत्तारि
 पुरिसजाता पन्नत्ता तंजहा-आइन्ने नाममेगे आइन्ने चउभंगो, १६। चत्तारि
 कंथगा पन्नत्ता तंजहा-आतिन्ने नाममेगे आतिन्नताते विहरति आइन्ने
 नाममेगे खलुंकत्ताए विहरति ४, १७। एवामेव चत्तारि पुरिसजाता पन्नत्ता
 तंजहा-आइन्ने नाममेगे आइन्नताए विहरइ (वहइ), चउभंगो, १८। चत्तारि
 पकंथगा पन्नत्ता तंजहा-जातिसंपन्ने नाममेगे णो कुलसंपन्ने ४, १९।
 एवामेव चत्तारि पुरिसजाता पन्नत्ता तंजहा-जातिसंपन्ने नाममेगे चउभंगो,
 २०। चत्तारि कंथगा पन्नत्ता तंजहा-जातिसंपन्ने नाममेगे णो बलसंपन्ने ४,
 २१। एवामेव चत्तारि पुरिसजाता पन्नत्ता तंजहा-जातिसंपन्ने नाममेगे णो
 बलसंपराणो ४, २२। चत्तारि कंथगा पन्नत्ता तंजहा-जातिसंपन्ने णाममेगे
 णो रूवसंपन्ने ४, २३। एवामेव चत्तारि पुरिसजाता पन्नत्ता तंजहा-
 जातिसंपन्ने नाममेगे णो रूवसंपराणो ४, २४। चत्तारि कंथगा पन्नत्ता
 तंजहा-जाइसंपन्ने णाममेगे णो जयसंपराणो ४, २५। एवामेव चत्तारि
 पुरिसजाता पन्नत्ता तंजहा-जातिसंपन्ने ४, २६। एवं कुलसंपन्नेण य
 बलसंपराणोण त ४, २७। कुलसंपन्नेण य रूवसंपराणोण त ४, २८।

कुलसंपरागेण त जयसंपन्नेण त ४, २१। एवं बलसंपन्नेण त ख्वसंपन्नेण त ४, ३०। बलसंपन्नेण त जयसंपरागेण त ४, सव्वत्थ पुरिसजाया पडिवक्खो, ३१। चत्तारि कंथगा पन्नत्ता तंजहा—ख्वसंपन्ने णाममेगे णो जयसंपन्ने ४, ३२। एवामेव चत्तारि पुरिसजाया पन्नत्ता तंजहा—ख्वसंपन्ने नाममेगे णो जयसंपन्ने ४, ३३। चत्तारि पुरिसजाया पन्नत्ता तंजहा—सीहत्ताते णाममेगे निक्खंते सीहत्ताते विहरइ सीहत्ताते नाममेगे निक्खंते सियालत्ताए विहरइ सीयालत्ताए नाममेगे निक्खंते सीहत्ताए विहरइ सीयालत्ताए नाममेगे निक्खंते सीयालत्ताए विहरइ ३४ ॥सू० ३२७॥ चत्तारि लोगे समा पन्नत्ता तंजहा—अपइट्ठाणो नरए १ जंबुद्दीवे दीवे २ पालते जाणविमाणो ३ सव्वट्ठसिद्धे महाविमाणो ४, १। चत्तारि लोगे समा सपक्खि सपडिदिसिं पन्नत्ता तंजहा—सीमंतए नरए समयवखेत्ते उडुविमाणो ईसीपब्भारा पुट्ठी, २ ॥सू० ३२८॥ उडुलोगे णं चत्तारि बिसरीरा पन्नत्ता तंजहा—पुट्ठिकाइया आउकाइया वणस्सइकाइया उराला तसा पाणा, १। अहो लोगे णं चत्तारि बिसरीरा पन्नत्ता तंजहा—एवं चेव, एवं तिरियलोएवि ४, २ ॥सू० ३२९॥ चत्तारि पुरिसजाया पन्नत्ता तंजहा—हिरिसत्ते हिरिमणसत्ते चलसत्ते थिरसत्ते ॥सू० ३३०॥ चत्तारि सिज्जपडिमाओ पन्नत्ताओ, चत्तारि वत्थपडिमाओ पन्नत्ताओ, चत्तारि पायपडिमाओ पन्नत्ताओ, चत्तारि ठाणपडिमाओ पन्नत्ताओ ॥सू० ३३१॥ चत्तारि सरीरगा जीवफुडा पन्नत्ता तंजहा—वेउव्विए आहारए तेयए कम्मए, चत्तारि सरीरगा कम्मुम्मीसगा पन्नत्ता तंजहा—ओरालिए वेउव्विए आहारते तेउते ॥सू० ३३२॥ चउहिं अत्थिकाएहि लोगे फुडे पन्नत्ते तंजहा—धम्म-त्थिकाएणां अधम्मत्थिकाएणां जीवत्थिकाएणां पुग्गलत्थिकाएणां, चउहिं बादरकातेहिं उववज्जमाणोहिं लोगे फुडे पन्नत्ते तंजहा—पुट्ठिकाइएहिं आउकाइएहिं वाउकाइएहिं वणस्सइकाइएहिं ॥सू० ३३३॥ चत्तारि पएसग्गे-

णं तुल्ला पन्नत्ता तंजहा—धम्मत्थिकाए अधम्मत्थिकाए लोगागासे एगजीवे
 ॥सू० ३३४॥ चउरहमेगं सरीरं नो सुपस्सं(पस्सं) भवइ, तंजहा—पुढवि-
 काइयाणं आउकाइयाणं तेउकाइयाणं वणस्सइकाइयाणं ॥सू० ३३५॥
 चत्तारि इंदियत्था पुट्टा वेदंति, तंजहा—सोतिंदियत्थे घाणिदियत्थे जिम्भि-
 दियत्थे फासिंदियत्थे ॥सू० ३३६॥ चउहि ठगोहिं जीवा य पोग्गला य
 णो संचातेंति बहिया लोगंता गमणताते, तंजहा—गतिअभावेणं णिरुवग्ग-
 हताते लुक्खताते लोगाणुभावेणं ॥सू० ३३७॥ चउव्विहे णाते पन्नत्ते
 तंजहा—आहरणो आहरणतद्दोसे आहरणतद्दोसे उवन्नासोवणए १। आहरणो
 चउव्विहे पन्नत्ते तंजहा—अवाते उवाते ठवणाकम्मे पडुप्पन्नविणासी २।
 आहरणतद्दोसे चउव्विहे पन्नत्ते तंजहा—अणुसिद्धी उवालंभे पुच्छा
 निस्सावयणो ३। आहरणतद्दोसे चउव्विहे पन्नत्ते तंजहा—अधम्मजुत्ते
 पडिलोमे अंतोवणीते दुरुवणीते ४। उवन्नासोवणए चउव्विहे पन्नत्ते तंजहा-
 तव्वत्थुते तदन्नवत्थुते पडिनिभे हेतू ५। हेऊ चउव्विहे—पन्नत्ते तंजहा—
 जावते थावते वंसते लूसते, अथवा हेऊ चउव्विहे पन्नत्ते तंजहा—पच्चक्खे
 अणुमाणो ओवम्मे आगमे, अथवा हेऊ चउव्विहे पन्नत्ते तंजहा—अत्थित्तं
 अत्थि सो हेऊ अत्थित्तं णत्थि सो हेऊ णत्थित्तं अत्थि सो हेऊ
 णत्थित्तं णत्थि सो हेऊ ६ ॥सू० ३३८॥ चउव्विहे संखाणो पन्नत्ते तंजहा—
 पडिकम्मं ववहारे रज्जू रासी १। अहोलोगे णं चत्तारि अंधगारं करेंति,
 तंजहा—नरगा गोरइया पावाइं कम्माइं असुभा पोग्गला, २। तिरियलोगे
 णं चत्तारि उज्जोतं करेंति, तंजहा—चंदा सूरा मणि जोती ३। उड्डलोगे णं
 चत्तारि उज्जोतं करेंति, तंजहा—देवा देवीओ विमाणा आभरणा ४
 ॥सू० ३३९॥

॥ इति चतुःस्थानकस्य तृतीयोद्देशकः ॥४-३॥

॥ अथ चतुर्थस्थानके चतुर्थ उद्देशकः ॥

चत्वारि पसप्पणा पन्नत्ता तंजहा—अणुप्पन्नाणां भोगाणां उप्पाएत्ता एगे पसप्पए पुब्बुप्पन्नाणां (पच्चुप्पन्नाणां) भोगाणां अविप्पतोगेणां एगे पसप्पते अणुप्पन्नाणां सोक्खाणां उप्पाइत्ता एगे पसप्पए पुब्बुप्पन्नाणां सोक्खाणां अविप्प-
ओगेणां एगे पसप्पए ॥सू० ३४०॥ गोरतिताणां चउव्विहे आहारे पन्नत्ते तंजहा—इंगालोवमे मुम्मुरोवमे सीतले हिमसीतले, १। तिरिक्खजोणियाणां चउव्विहे आहारे पन्नत्ते तंजहा—कंकोवमे विलोवमे पाणमंसोवमे पुत्तमंसोवमे, २। मणुस्साणां चउव्विहे आहारे पन्नत्ते तंजहा—असणे जाव सातिमे, ३। देवाणां चउव्विहे आहारे पन्नत्ते तंजहा—वन्नमंते गंधमंते रसमंते फासमंते ४ ॥सू० ३४१॥ चत्वारि जातिआसीविसा पन्नत्ता तंजहा—विच्छुतजातीया-
सीविसे मंडुकजातीयासीविसे उरगजातीयासीविसे मणुस्सजातिआसीविसे, विच्छुयजातिआसीविसस्स णं भंते ! केवइए विसए पन्नत्ते?, पभू णं विच्छु-
यजातिआसीविसे अद्धभरहप्पमाणमेत्तं बोदि विसेणां विसपरिणयं विसट्टमाणिं करित्तए विसए से विसट्टताए नो चेव णं संपत्तीए करेंसु वा करेंति वा करिस्संति वा, मंडुकजातिआसीविसस्स पुच्छा, पभू णं मंडुकजातिआसीविसे भरहप्पमाणमेत्तं बोदि विसेणां विसपरिणयं विसट्ट-
माणिं, सेसं तं चेव जाव करेस्संति वा, उरगजाति पुच्छा, पभू णं उरगजातिआसीविसे जंबूद्दीवपमाणमेत्तं बोदि विसेणां सेसं तं चेव जाव करेस्संति वा, मणुस्सजातिपुच्छा, पभू णं मणुस्सजातिआसीविसे समतखेत्त-
पमाणमेत्तं बोदि विसेणां विसपरिण(ग)तं विसट्टमाणिं करेत्तए, विसते से विसट्टताते नो चेव णं जाव करिस्संति वा ॥सू० ३४२॥ चउव्विहे वाही पन्नत्ते तंजहा—वातिते पित्तिते सिमिते सन्निवातिते, १। चउव्विहा तिगिच्छा पन्नत्ता तंजहा—विज्जो ओसधाइं आउरे परिचारते २ ॥सू०-

३४३॥ चत्वारि तिगिच्छगा पन्नत्ता तंजहा--आततिगिच्छते नाममेगे णो
 परतिगिच्छते १ परतिगिच्छए नाममेगे ४, १। चत्वारि पुरिसजाया पन्नत्ता
 तंजहा-वणकरे णाममेगे नो वणपरिमासी वणपरिमासी नाममेगे णो वणकरे
 एगे वणकरेऽवि वणपरिमासीऽवि एगे णो वणकरे णो वणपरिमासीऽवि २।
 चत्वारि पुरिसजाया पन्नत्ता तंजहा--वणकरे नाममेगे णो वणसारक्खी ४,
 ३। चत्वारि पुरिसजाया पन्नत्ता तंजहा--वणकरे नामं एगे णो वणसंरोही
 ४, ४। चत्वारि वणा पन्नत्ता तंजहा--अंतोसल्ले नाममेगे णो बाहिसल्ले ४,
 ५। एवामेव चत्वारि पुरिसजाया पन्नत्ता तंजहा--अंतोसल्ले णाममेगे णो
 णो बाहिसल्ले ४, ६। चत्वारि वणा पन्नत्ता तंजहा--अंतो दुट्ठे नामं एगे
 णो बाहिं दुट्ठे बाहिं दुट्ठे नामं एगे नो अंतो दुट्ठे ४, ७। एवामेव चत्वारि
 पुरिसजाया पन्नत्ता तंजहा--अंतो दुट्ठे नाममेगे नो बाहिं दुट्ठे ४, ८।
 चत्वारि पुरिसजाया पन्नत्ता तंजहा--सेतंसे णाममेगे सेयंसे सेयंसे नाममेगे
 पावंसे पावंसे णामं एगे सेयंसे पावंसे णाममेगे पावंसे, ९। चत्वारि
 पुरिसजाया पन्नत्ता तंजहा--सेतंसे णाममेगे सेतंसेत्ति सालिसए सेतंसे
 णाममेगे पावंसेत्ति सालिसते ४, १०। चत्वारि पुरिसा पन्नत्ता तंजहा--
 सेतंसेत्ति णाममेगे सेतंसेत्ति मराणति सेतंसेत्ति णाममेगे पावंसेत्ति मराणति
 ४, ११। चत्वारि पुरिसजाता पन्नत्ता तंजहा--सेयंसे णाममेगे सेयंसेत्ति
 सालिसते मन्नति सेतंसे णाममेगे पावंसेत्ति सालिसते मन्नति ४, १२। चत्वारि
 पुरिसजाता पन्नत्ता तंजहा--आधवत्तिता णाममेगे णो परिभावत्तिता परिभाव-
 इत्ता णाममेगे णो आधवत्तिता ४, १३। चत्वारि पुरिसजाया पन्नत्ता तंजहा-
 आधवत्तिता णाममेगे नो उंछजीविसंपन्ने उंछजीविसंपन्ने णाममेगे णो आध-
 वइत्ता ४, १४। चउव्विहा रुक्खविगुव्वणा पन्नत्ता तंजहा--पवालत्ताए पत्तत्ताए
 पुप्फत्ताए फलत्ताए, १५ ॥सू० ३४४॥ चत्वारि वातिसमोसरणा पन्नत्ता
 तंजहा--किरियावादी अकिरियावादी अन्नाणितावादी वेणतियावादी १।

गोरइयाणां चत्तारि वादिसमोसरणा पन्नत्ता तंजहा—किरियावादी जाव
वेणतितवादी, एवमसुरकुमाराणां वि जाव थणियकुमाराणां एवं विगलिंदिय-
वज्जं जाव वेमाणियाणां २ ॥सू० ३४५॥ चत्तारि मेहा पन्नत्ता तंजहा-
गज्जित्ता ग्राममेगे णो वासित्ता वासित्ता ग्राममेगे णो गज्जित्ता एगे
गज्जित्तावि वासित्तावि एगे णो गज्जित्ता णो वासित्ता १। एवामेव चत्तारि
पुरिसजाया पन्नत्ता तंजहा—गज्जित्ता ग्राममेगे णो वासित्ता ४, २। चत्तारि
मेहा पन्नत्ता तंजहा—गज्जित्ता ग्राममेगे णो विज्जुयाइत्ता विज्जुयाइत्ता
ग्राममेगे ४, ३। एवामेव चत्तारि पुरिसजाया पन्नत्ता तंजहा—गज्जित्ता
ग्राममेगे णो विज्जुयाइत्ता ४, ४। चत्तारि मेहा पन्नत्ता तंजहा—वासित्ता
ग्राममेगे णो विज्जुयाइत्ता ४, ५। एवामेव चत्तारि पुरिसजाया पन्नत्ता
तंजहा—वासित्ता ग्राममेगे णो विज्जुयाइत्ता ४, ६। चत्तारि मेहा पन्नत्ता
तंजहा—कालवासी ग्राममेगे णो अकालवासी ४, ७। एवामेव चत्तारि
पुरिसजाया पन्नत्ता तंजहा—कालवासी ग्राममेगे नो अकालवासी ४, ८।
चत्तारि मेहा पन्नत्ता तंजहा—खेत्तवासी ग्राममेगे णो अखित्तवासी ४, ९।
एवामेव चत्तारि पुरिसजाया पन्नत्ता तंजहा—खेत्तवासी ग्राममेगे णो अखे-
त्तवासी ४, १०। चत्तारि मेहा पन्नत्ता तंजहा—जणत्तित्ता ग्राममेगे णो
णिम्मवइत्ता णिम्मवइत्ता ग्राममेगे णो जणत्तित्ता ४, ११। एवामेव चत्तारि
अम्मापियरो पन्नत्ता तंजहा—जणइत्ता ग्राममेगे णो णिम्मवइत्ता ४, १२।
चत्तारि मेहा पन्नत्ता तंजहा—देसवासी ग्राममेगे णो सब्बवासी ४, १३।
एवामेव चत्तारि रायाणो पन्नत्ता तंजहा—देसाधिवती ग्राममेगे णो सब्बाधि-
वन्ती ४, १४ ॥सू० ३४६॥ चत्तारि मेहा पन्नत्ता तंजहा—पुक्खलसंवट्टते
पज्जुन्ने जीमूते जिम्हे, पुक्खलवट्टए णं महामेहे एगेणं वासेणं दसवाससह-
स्साइं भावेति, पज्जुन्ने णं महामेहे एगेणं वासेणं दस वाससयाइं भावेति,
जीमूते णं महामेहे एगेणं वासेणं दसवासाइं भावेति, जिम्हे णं महामेहे बहूहिं

वासेहिं एगं वामं भावेति वा ण वा भावेइ ॥सू० ३४७॥ चत्तारि करंडगा
 पन्नत्ता तंजहा--सोवागकरंडते वेसिताकरंडते गाहावतिकरंडते रायकरंडते १।
 एवामेव चत्तारि आयरिया पन्नत्ता तंजहा--सोवागकरंडगसमाणे वेसिताकरं-
 डगसमाणे गाहावइकरंडगसमाणे रायकरंडगसमाणे ॥सू० ३४८॥ चत्तारि
 रुक्खा पन्नत्ता तंजहा--साले नाममेगे सालपरियाते साले नाममेगे एरंडप-
 रियाए ४, १। एवामेव चत्तारि आयरिया पन्नत्ता तंजहा--साले णाममेगे
 सालपरिताते साले णाममेगे एरंडपरियाते ४, २। चत्तारि रुक्खा पन्नत्ता
 तंजहा--साले णाममेगे सालपरिवारे ४, ३। एवामेव चत्तारि आयरिया
 पन्नत्ता तंजहा--साले नाममेगे सालपरिवारे ४, ४। सालदुममज्झयारे जह
 साले णाम होइ दुमराया । इय सुंदरआयरिए सुंदरसीसे मुण्येयवे ॥१॥
 एरंडमज्झयारे जह साले णाम होइ दुमराया । इय सुंदरआयरिए मंगुल-
 सीसे मुण्येयवे ॥२॥ सालदुममज्झयारे एरंडे णाम होति दुमराया । इय
 मंगुलआयरिए सुंदरसीसे मुण्येयवे ॥३॥ एरंडमज्झयारे एरंडे णाम होइ
 दुमराया । इय मंगुलआयरिए मंगुलसीसे मुण्येयवे ॥४॥ चत्तारि मच्छा
 पन्नत्ता तंजहा--अणुसोयचारी पडिसोयचारी अंतचारी मज्झचारी ५ ।
 एवामेव चत्तारि भिक्खागा पन्नत्ता तंजहा--अणुसोयचारी पडिसोयचारी
 अंतचारी मज्झचारी, ६। चत्तारि गोला पन्नत्ता तंजहा--मधुसिथगोले
 जउगोले दारुगोले मट्टियागोले, ७। एवामेव चत्तारि पुरिसजाया पन्नत्ता
 तंजहा--मधुसिथगोलसमाणे ४, ८। चत्तारि गोला पन्नत्ता तंजहा--अयगोले
 तउगोले तंवगोले सीसगोले, ९। एवामेव चत्तारि पुरिसजाया पन्नत्ता तंजहा-
 अयगोलसमाणे जाव सीसगोलसमाणे, १०। चत्तारि गोला पन्नत्ता तंजहा-
 हिरणगोले सुवन्नगोले रयणगोले वयरगोले, ११। एवामेव चत्तारि
 पुरिसजाया पन्नत्ता तंजहा--हिरणगोलसमाणे जाव वइरगोलसमाणे, १२।
 चत्तारि पत्ता पन्नत्ता तंजहा--असिपत्ते करपत्ते खुरपत्ते कलम्बचीरितापत्ते,

१३। एवामेव चत्तारि पुरिसजाया पन्नत्ता तंजहा-असिपत्तसमाणो जाव कलंबचीरितापत्तसमाणो, १४। चत्तारि कडा पन्नत्ता तंजहा-सुंबकडे विदलकडे चम्मकडे कंबलकडे, १५। एवामेव चत्तारि पुरिसजाया पन्नत्ता तंजहा-सुंबकडसमाणो, जाव कंबलकडसमाणो १६ ॥सू० ३४१॥ चउव्विहा चउप्पया पन्नत्ता तंजहा-एगखुरो दुखुरा गंडीपदा सणप्फदा, १। चउव्विहा पक्खी पन्नत्ता तंजहा- चम्मपक्खी लोमपक्खी समुग्गपक्खी विततपक्खी २। चउव्विहा खुड्डपाणा पन्नत्ता तंजहा-बेइंदिया तेइंदिया चउरिंदिया संमुच्छिमपंचिंदियतिरिक्खजोगिया ३ ॥ सू० ३५०॥ चत्तारि पक्खी पन्नत्ता तंजहा-णिवत्तिता णाममेगे नो परिवत्तिता परिवइत्ता नामं एगे नो निवइत्ता एगे निवत्तितावि परिवत्तितावि एगे नो निवत्तिता नो परिवत्तिता १। एवामेव चत्तारि भिक्खागा पन्नत्ता तंजहा-णिवत्तिता णाममेगे नो परिवत्तिता ४, २ ॥सू० ३५१॥ चत्तारि पुरिजाया पन्नत्ता तंजहा-णिकट्ठे णाममेगे णिकट्ठे निकट्ठे नाममेगे अणिकट्ठे ४, १। चत्तारि पुरिसजाया पन्नत्ता तंजहा-णिकट्ठे नाममेगे णिकट्ठप्पा णिकट्ठे नाममेगे अणिकट्ठप्पा ४, २। चत्तारि पुरिसजाया पन्नत्ता तंजहा-बुहे नाममेगे बुहे बुहे नाममेगे अबुहे ४, ३। चत्तारि पुरिसजाया पन्नत्ता तंजहा-बुधे नाममेगे बुधहियं ४, ४। चत्तारि पुरिसजाया पन्नत्ता तंजहा-आयाणुकंपते णाममेगे नो पराणुकंपते ४, ५ ॥३५२॥ चउव्विहे संवासे पन्नत्ते तंजहा-दिव्वे आसुरे रक्खसे माणुसे १। चउव्विधे संवासे पन्नत्ते तंजहा-देवे णाममेगे देवीए सद्धिं संवासं गच्छति देवे नाममेगे असुरिए सद्धिं संवासं गच्छति असुरे णाममेगे देवीए सद्धिं संवासं गच्छइ असुरे नाममेगे असुरीए सद्धिं संवासं गच्छति २। चउव्विधे संवासे पन्नत्ते तंजहा-देवे नाममेगे देवीए सद्धिं संवासं गच्छति देवे नाममेगे रक्खसीए सद्धिं संवासं गच्छति रक्खसे णाममेगे देवीए सद्धिं संवासं गच्छति रक्खसे

नायमेगं रक्खसीए सद्धिं संवासं गच्छति ४, ३। चउव्विधे संवासे पन्नत्ते
 तंजहा— देवे नाममेगे देवीए सद्धिं संवासं गच्छति देवे नाममेगे मणुस्सीहिं
 सद्धिं संवासं गच्छति मणुस्से नाममेगे देवीहिं सद्धिं संवासं गच्छति
 मणुस्से नाममेगे मणुस्सीइ सद्धिं संवासं गच्छति ४। चउव्विधे संवासे
 पन्नत्ते तंजहा—असुरे णाममेगे असुरीए सद्धिं संवासं गच्छति असुरे
 नाममेगे रक्खसीए सद्धिं संवासं गच्छति ४, ५। चउव्विधे संवासे
 पन्नत्ते तंजहा—असुरे णाममेगे असुरीए सद्धिं संवासं गच्छति असुरे
 नाममेगे मणुस्सीए सद्धिं संवासं गच्छति ४, ६। चउव्विधे संवासे पन्नत्ते
 तंजहा—रक्खसे नायमेगे रक्खसीए सद्धिं संवासं गच्छति रक्खसे नाममेगे
 मणुसीए सद्धिं संवासं गच्छति ४, ७ ॥सू० ३५३॥ चउविहे अवद्धं से
 पन्नत्ते तंजहा—आसुरे आभिओगे संमोहे देवकिव्विसे १। चउहिं ठाणेहिं
 जीवा आसुरत्ताते कम्मं पगरेति, तंजहा—कोवसीलताते पाहुडसील याते
 संसत्तवोकम्मेणं निवित्ताजीवयाते २। चउहिं ठाणेहिं जीवा आभिओगत्ताते
 कम्मं पगरेति तंजहा—अत्तुकोसेणं परपरिवातेणं भूतिकम्मेणं कोउयकर-
 णेणं ३। चउहिं ठाणेहिं जीवा सम्मोहत्ताते कम्मं पगरेति, तंजहा—उम्मग्ग-
 देसणाए मग्गंतराएणं कामासंसपओगेणं भिज्जानियाएकरणेणं ४। चउहिं
 ठाणेहिं जीवा देवकिव्विसियत्ताते कम्मं पगरेति तंजहा—अरहंताणं अवन्नं
 वयमाणे अरहंतपन्नत्तस्स धम्मस्स अवन्नं वयमाणे आयरियउवज्झाया-
 णामवन्नं वदमाणे चाउवन्नस्स संघस्स अवन्नं वदमाणे ५ ॥ सू० ३५४ ॥
 चउव्विहा पव्वजा पन्नत्ता तंजहा— इहलोगपडिवद्धा परलोगपडिवद्धा
 दुहतो लोगपडिवद्धा अप्पडिवद्धा १। चउव्विहा पव्वजा पन्नत्ता तंजहा—
 पुरओपडिवद्धा मग्गओपडिवद्धा दुहतो पडिवद्धा अपडिवद्धा २। चउव्विहा
 पव्वजा पन्नत्ता तंजहा—ओवायपव्वजा अक्खातपव्वजा संगारपव्वजा
 विहगगइपव्वजा ३। चउव्विहा पव्वजा पन्नत्ता तंजहा—तुउयावइत्ता

पुयावइत्ता मोबुयावइत्ता परिपुयावइत्ता ४। चउव्विहा पव्वज्जा पन्नत्ता
तंजहा-नडखइया भडखइया सीहखइया सियालवखइया ५, चउव्विहा
किसी पन्नत्ता तंजहा-वाविया परिव्वाविया णिदिता परिणिदिता ६।
एवामेव चउव्विहा पव्वज्जा पन्नत्ता तंजहा-वाविता परिव्वाविता णिदिता
परिणिदिता ७। चउव्विहा पव्वज्जा पन्नत्ता तंजहा-धन्नपुंजितसमाणा
धन्नविरल्लितसमाणा धन्नविक्खित्तसमाणा धन्नसङ्कट्टितसमाणा = ॥सू० ३५५॥
चत्तारि सन्नाओ पन्नत्ताओ तंजहा-आहारसन्ना भयसन्ना मेहुणसन्ना परि-
ग्गहसन्ना १। चउहिं ठाणेहिं आहारसन्ना समुप्पज्जति, तंजहा-ओमकोट्टताते
१ हुहावेयणिज्जस्स कम्मस्स उदएणं २ मतीते ३ तदट्ठोवओगेणं ४, २।
चउहिं ठाणेहिं भयसन्ना समुप्पज्जति, तंजहा-हीणसत्तताते भयवेयणिज्जस्स
कम्मस्स उदएणं मतीते तदट्ठोवओगेणं ३। चउहिं ठाणेहिं मेहुणसन्ना समु-
प्पज्जति, तंजहा-चित्तमंसोणिययाए मोहणिज्जस्स कम्मस्स उदएणं मतीते
तदट्ठोवओगेणं ४। चउहिं ठाणेहिं परिग्गहसन्ना समुप्पज्जइ तंजहा-अवि-
मुत्तयाए लोभवेयणिज्जस्स कम्मस्स उदएणं मतीते तदट्ठोवओगेणं ५ ॥सू०
३५६॥ चउव्विहा कामा पन्नत्ता तंजहा-सिगारा कलुणा बीभत्सा रोहा,
सिगारा कामा देवाणं कलुणा कामा मणुयाणं बीभत्सा कामा तिरिक्खजो-
णियाणं रोहा कामा गोरइयाणं ॥ सू० ३५७ ॥ चत्तारि उदगा पन्नत्ता
तंजहा-उत्ताणे णाममेगे उत्ताणोदए उत्ताणे णाममेगे गंभीरोदए गंभीरे
णाममेगे उत्ताणोदए गंभीरे णाममेगे गंभीरोदए १। एवामेव चत्तारि पुरि-
सजाया पन्नत्ता तंजहा-उत्ताणे नाममेगे उत्ताणहिदए उत्ताणे णाममेगे
गंभीरहिदए ४, २। चत्तारि उदगा पन्नत्ता तंजहा-उत्ताणे णाममेगे उत्ताणो-
भासी उत्ताणे णाममेगे गंभीरोभासी ४, ३। एवामेव चत्तारि पुरिसजाया
पन्नत्ता तंजहा-उत्ताणे णाममेगे उत्ताणोभासी उत्ताणे णाममेगे गंभीरोभासी
४, ४। चत्तारि उदही पन्नते तंजहा-उत्ताणे णाममेगे उत्ताणोदही उत्ताणे

ग्राममेगे गंभीरोदही ४, ५। एवामेव चत्तारी पुरिसजाता पन्नत्ता तंजहा—
 उत्ताणो ग्राममेगे उत्ताणहियए ४, ६। चत्तारि उदही पन्नत्ता तंजहा—उत्ताणो
 ग्राममेगे उत्ताणोभासी उत्ताणो ग्राममेगे गंभीरोभासी ४, ७। एवामेव चत्तारि
 पुरिसजाया पन्नत्ता तंजहा—उत्ताणो ग्राममेगे उत्ताणोभासी ४, ८। सू०
 ३५८॥ चत्तारि तरगा पन्नत्ता तंजहा—समुद्दं तरामीतेगे समुद्दं तरइ समुद्दं
 तरामीतेगे गोप्पतं तरति गोप्पतं तरामीतेगे ४, ९। चत्तारि तरगा पन्नत्ता
 तंजहा—समुद्दं तरित्ता नाममेगे समुद्दे विसीतते समुद्दं तरेत्ता ग्राममेगे
 गोप्पते विसीतति ४, १० ॥ सू० ३५९ ॥ चत्तारि कुंभा पन्नत्ता
 तंजहा—पुन्ने नाममेगे पुन्ने पुन्ने नाममेगे तुच्छे तुच्छे ग्राममेगे पुन्ने तुच्छे
 ग्राममेगे तुच्छे १। एवामेव चत्तारि पुरिसजाया पन्नत्ता तंजहा—पुन्ने नाममेगे
 पुन्ने ४, ११। चत्तारि कुंभा पन्नत्ता तंजहा—पुन्ने नाममेगे पुन्नोभासी पुन्ने
 नाममेगे तुच्छोभासी तुच्छे नाममेगे पुन्नोभासी तुच्छे नाममेगे तुच्छोभासी,
 ३। एवं चत्तारि पुरिसजाया पन्नत्ता तंजहा—पुन्ने ग्राममेगे पुन्नोभासी ४, १२।
 चत्तारि कुंभा पन्नत्ता तंजहा—पुन्ने नाममेगे पुन्नरूवे पुन्ने नाममेगे तुच्छरूवे
 ४, १३। एवामेव चत्तारि पुरिसजाया पन्नत्ता तंजहा—पुन्ने नाममेगे पुन्नरूवे
 ४, १४। चत्तारि कुंभा पन्नत्ता तंजहा—पुन्नेवि एगे पितट्ठे पुन्नेवि एगे अवदले
 तुच्छेवि एगे पियट्ठे तुच्छेवि एगे अवदले, ७। एवामेव चत्तारि पुरिसजाया
 पन्नत्ता तंजहा—पुन्नेवि एगे पितट्ठे ४, ८। तहेव चत्तारि कुंभा पन्नत्ता
 तंजहा—पुन्नेवि एगे विस्संदति पुन्नेवि एगे णो विस्संदति तुच्छेवि एगे
 विस्संदति तुच्छेवि एगे न विस्संदइ, ९। एवामेव चत्तारि पुरिसजाया पन्नत्ता
 तंजहा—पुन्नेवि एगे विस्संदति ४, १०। तहेव चत्तारि कुंभा पन्नत्ता तंजहा—
 भिन्ने जजरिए परिस्साइ अपरिस्साइ, ११। एवामेव चउव्विहे चरित्ते पन्नत्ते
 तंजहा—भिन्ने जाव अपरिस्साइ, १२। चत्तारि कुंभा पन्नत्ता तंजहा—
 मद्दु कुंभे नामं एगे मद्दुपिहाणे मद्दुकुंभे ग्रामं एगे विसपिहाणे विसकुंभे

नामं एगे मधुपिहाणे विसकुंभे णाममेगे विसपिहाणे, १३। एवामेव चत्तारि
 पुरिसजाया पन्नत्ता तंजहा—मधुकुंभे नाम एगे मधुपिहाणे ४—‘हिययमपाव-
 मकलुसं जीहाऽविज्ज कडुयभासिणी निच्चं । जंमि पुरिसंमि विज्जति से
 मधुकुंभे मधुपिहाणे ॥१॥ हिययमपावमकलुसं जीहाऽवि य कडुयभासिणी
 निच्चं । जंमि पुंरिसंमि विज्जति से मधुकुंभे विसपिहाणे ॥२॥ जं हिययं
 कलुसमयं जीहाऽवि य मधुरभासिणी निच्चं । जंमि पुरिसंमि विज्जति से
 विसकुंभे मधुपिहाणे ॥३॥ जं हिययं कलुसमयं जीहाऽवि य कडुयभासिणी
 निच्चं । जंमि पुरिसंमि विज्जति से विसकुंभे विसपिहाणे ॥ ४ ॥ सू०
 ३६० ॥ चउव्विहा उवसग्गा पन्नत्ता तंजहा—दिव्वा माणुसा तिरिक्खजोणिया
 आयसंचेयणिजा १। दिव्वा उवसग्गा चउव्विहा पन्नत्ता तंजहा—हासा पाथ्रोसा
 वीमंसा पुट्ठेवेमात्ता २। माणुस्सा उवसग्गा चउव्विधा पन्नत्ता तंजहा—हासा
 पाथ्रोसा वीमंसा कुसीलपडिसेवणाया ३। तिरिक्खजोणिया उवसग्गा
 चउव्विहा पन्नत्ता तंजहा—भता पदोसा आहारहेउं अवच्चलेणसारक्खणाया
 ४। आतसंचेयणिजा उवसग्गा चउव्विहा पन्नत्ता तंजहा—घट्टणाता पवडणाता
 थंभणाता लेसणाता ५ ॥ सू० ३६१ ॥ चउव्विहे कम्मे पन्नत्ते तंजहा—सुभे
 नाममेगे सुभे सुभे नाममेगे असुभे असुभे नाम ४, १ । चउव्विहे कम्मे
 पन्नत्ते तंजहा—सुभे नाममेगे सुभविदागे सुभे णाममेगे असुभविवागे असुभे
 नाममेगे सुभविवागे असुभे नाममेगे असुभविवागे ४, २ । चउव्विहे कम्मे
 पन्नत्ते तंजहा—पगडीकम्मे ठितीकम्मे अणुभावकम्मे पदेसकम्मे ४, ३ ॥ सू०
 ३६२ ॥ चउव्विहे संघे पन्नत्ते तंजहा—समणा समणीओ सावगा सावि-
 याओ ॥ सू० ३६३ ॥ चउव्विहा बुद्धि पन्नत्ता तंजहा—उप्पत्तिता वेणतिता
 कम्मिया पारिणामिया, चउव्विधा मई पन्नत्ता तंजहा—उग्गहमती ईहामती
 अवायमई धारणामती, अथवा चउव्विहा मती पन्नत्ता तंजहा—अरंजरोदग-
 समाणा वियरोदयसमाणा सरोदगसमाणा सागरोदगसमाणा ॥ सू० ३६४ ॥

चउव्विहा संसारसमावन्नगा जीवा पन्नत्ता तंजहा—गोरइत्तां तिरिक्खजोणीया मणुस्सा देवा, चउव्विहा सब्वजीवा पन्नत्ता तंजहा—मणुजोगी वइजोगी काय-जोगी अजोगी अहवा चउव्विहा सब्वजीवा पन्नत्ता तंजहा—इत्थिवेयगा पुरि-सवेदगा णपुंसकवेदगा अवेदगा अथवा चउव्विहा सब्वजीवा पन्नत्ता तंजहा—चक्खुदंसणी अचक्खुदंसणी ओहिदंसणी केवलदंसणी अहवा चउ-व्विहा सब्वजीवा पन्नत्ता तंजहा—संजया असंजया संजयासंजया णोसंजया-णोअसंजया ॥ सू० ३६५ ॥ चत्तारि पुरिसजाया पन्नत्ता तंजहा—मित्ते नाममेगे मित्ते मित्ते नाममेगे अमित्ते अमित्ते नाममेगे मित्ते अमित्ते णाममेगे अमित्ते १ । चत्तारि पुरिसजाया पन्नत्ता तंजहा—मित्ते णाममेगे मित्तरूवे चउभंगो, ४, २ । चत्तारि पुरिसजाया पन्नत्ता तंजहा—मुत्ते णाममेगे मुत्ते मुत्ते णाममेगे अमुत्ते, ४, ३ । चत्तारि पुरिसजाया पन्नत्ता तंजहा—मुत्ते णाम-मेगे मुत्तरूवे ४, ४ ॥ सू० ३६६ ॥ पंचिंदियतिरिक्खजोणिया चउगईया चउआगईया पन्नत्ता तंजहा—पंचिंदियतिरिक्खजोणिया पंचिंदियतिरिक्ख-जोणिएसु उववज्जमाणा गोरइएंहितो वा तिरिक्खजोणिएहितो वा मणु-स्सेहितो वा देवेहितो वा उववज्जेज्जा, से चेव णं से पंचिंदियतिरिक्ख-जोणिए पंचिंदियतिरिक्खजोणियत्तं विप्पज्जेहमाणे गोरइत्तत्ताए वा जाव देवत्ताते वा उवागच्छेज्जा, मणुस्सा चउगईया चउआगतिता, एवं चेव मणुस्सावि ॥ सू० ३६७ ॥ वेइंदिया णं जीवा असमारभमाणस्स चउविहे संजमे कज्जति, तंजहा—जिब्भामयातो सोवखातो अववरोवित्ता भवति, जिब्भामएणं दुक्खेणं असंजोगेत्ता भवति, फासमयातो सोवखातो अववरो-वेत्ता भवइ एवं चेव ४, वेइंदियाणं जीवा समारभमाणस्स चउविधे असंजमे कज्जति, तंजहा—जिब्भमयातो सोवखाओ ववरोवित्ता भवति, जिब्भामतेणं दुक्खेणं संजोगित्ता भवति, फासामयातो सोवखाओ ववरोवेत्ता भवइ ॥ सू० ३६८ ॥ सम्महिट्ठिताण गोरइयाणं चत्तारि किरियाओ पन्नत्ताओ

तंजहा—आरंभिता परिगृहिता मातावत्तिया अपचवखाणकिरिया १।
सम्मदिट्ठिताणमसुरकुमाराणं चत्तारि किरियाओ पन्नत्ताओ तंजहा—एवं चेव,
एवं विगल्लिदियवज्जं जाव वेमाणियाणं २ ॥ सू० ३६१ ॥ चउहिं
ठणोहिं संते गुणे नासेज्जा, तंजहा—कोहेणं पडिनिसेवेणं अकयराणुयाए
मिच्छत्ताभिनिवेसेणं १। चउहिं ठणोहिं संते (असंते) गुणे दीवेज्जा तंजहा—
अब्भासवत्तितं परच्छंदाणुवत्तितं कज्जहेउं कतपडिकतितेति वा १ ॥ सू०
३७० ॥ गोरइयाणं चउहिं ठणोहिं सरीरुपत्ती सिता, तंजहा—कोहेणं
माणेणं मायाए लोभेणं, एवं जाव वेमाणियाणं १। गोरइयाणं चउहिं
ठणोहिं निव्वत्तिते सरीरे पन्नत्ते तंजहा—कोहनिव्वत्तिए जाव लोभनिव्वत्तिए,
एवं जाव वेमाणियाणं २ ॥ सू० ३७१ ॥ चत्तारि धम्मदारा पन्नत्ता, तंजहा—
खंति मुत्ती अज्जवे मद्देवे ॥ सू० ३७२ ॥ चउहिं ठणोहिं जीवा गोरतिय-
त्ताए कम्मं पकरेंति, तंजहा—महारंभताते महापरिगृहयाते पंचिदियःहेणं
कुणिमाहारेणं १। चउहिं ठणोहिं जीवा तिरिक्खजोणियत्ताए कम्मं पगरेंति,
तंजहा—माइल्लताते णियडिल्लताते अलियवयणेणं कूडतुलकूडमाणेणं २ ।
चउहिं ठणोहिं जीवा मणुस्सत्ताते कम्मं पगरेंति, तंजहा—पगतिभद्दताते
पगतिविणीययाए साणुक्कोसयाते अमच्छरिताते ३। चउहिं ठणोहिं जीवा
देवाउयत्ताए कम्मं पगरेंति, तंजहा—सरागसंजमेणं संजमासंजमेणं बाल-
तवोकम्मेणं अकामणिज्जराए ४ ॥ सू० ३७३ ॥ चउव्विहे वज्जे पन्नत्ते
तंजहा—तते वितते घणे भुसिरे १। चउव्विहे नट्टे पन्नत्ते तंजहा—अंचिए
रिभिए आरभडे भि(भ)सोले २। चउव्विहे गेए पन्नत्ते तंजहा—उक्खित्तए
पत्तए मंदए रोविंदए ३। चउव्विहे मल्ले पन्नत्ते तंजहा—गंथिमे वेडिमे पूरिमे
संघातिमे ४। चउव्विहे अलंकारे पन्नत्ते तंजहा—केसालंकारे वत्थालंकारे
मल्लालंकारे आभरणालंकारे ५। चउव्विहे अभिणत्ते पन्नत्ते तंजहा—
दिट्ठितिते पांडुसुते सामंतोवातणिते लोगमब्भावसिते ६ ॥ सू० ३७४ ॥

सणकुमारमाहिंदे सुणं कप्पेसु विमाणा चउवन्ना पन्नत्ता तंजहा—णीसा
 लोहिता हालिदा सुकिला, महासुकसहस्सारेसु णं कप्पेसु देवाणं भवधार-
 णिज्जा सरीरगा उकोसेणं चत्तारि रयणीओ उड्ढं उच्चत्तेणं पन्नत्ता
 ॥ सू० ३७५ ॥ चत्तारि उदकगव्मा पन्नत्ता तंजहा—उस्सा महिया सीता
 उसिणा, चत्तारि उदकगव्मा पन्नत्ता तंजहा—हेमगा अब्भसंथडा सीतोसिणा
 पंचरूविता,—माहे उ हेमगा गव्मा, फग्गुणे अब्भसंथडा । सीतोसिणा उ
 चित्ते, वतिसाहे पंचरूविता १ ॥ सू० ३७६ ॥ चत्तारि माणुस्सीगव्मा
 पन्नत्ता तंजहा—इत्थित्ताए पुरिसत्ताए णपुंसगत्ताते विंवत्ताए,—अण्णं सुक्कं
 वहुं ओयं, इत्थी तत्थ पजातति । अण्णं ओयं वहुं सुक्कं, पुरिसो तत्थ
 पजातति ॥ १ ॥ दोराहंपि रत्तसुक्काणं, तुलभावे णपुंसओ ।
 इत्थीतोतसमाओगे, विंवं तत्थ पजायति ॥ २ ॥ सू० ३७७ ॥
 उप्पायपुव्वस्स णं चत्तारि मूलवत्थू पन्नत्ता ॥ सू० ३७८ ॥ चउव्विहे कव्वे
 पन्नत्ते तंजहा—गज्जे पज्जे कत्थे गेए ॥ सू० ३७९ ॥ गोरतित्ताणं चत्तारि
 समुग्घाता पन्नत्ता तंजहा—वेयणासमुग्घाते कसायसमुग्घाते मारणांतियसमुग्घाए
 वेउव्वियसमुग्घाए, एवं वाउक्काइयाणवि ॥ सू० ३८० ॥ अरिहतो णं
 अरिट्टनेमिस्सं चत्तारि सया चोइसपुव्वीणमज्जिणाणं जिणसंकासाणं संव-
 कखरसन्निवाइणं जिणो इव अविथवागरमाणाणं उकोसिता चउइसपुव्वि-
 संपया हुत्था ॥ सू० ३८१ ॥ समणस्स णं भगवओ महावीरस्स चत्तारि
 सया वादीणं सदेवमणुयासुराते परिसाते अपराजियाणं उकोसिता वाति-
 संपया हुत्था ॥ सू० ३८२ ॥ हेट्ठिल्ला चत्तारि कप्पा अद्धचंदमंठाणसंठिया
 पन्नत्ता, तंजहा—सोहम्मो ईसाणो सणकुमारे माहिंदे, १ । मज्झिल्ला चत्तारि
 कप्पा पडिपुन्नचंदमंठाणसंठिया पन्नत्ता, तंजहा—वंभलोगे लंतते महासुक्के
 सहस्सारे, २ । उवरिल्ला चत्तारि कप्पा अद्धचंदमंठाणसंठिता पन्नत्ता, तंजहा—
 आणते पाणते आरणो अच्चुते ३ ॥ सू० ३८३ ॥ चत्तारि समुदा पत्तेयरसा

पन्नत्ता तंजहा-लवणोदे (लवणो) वरुणोदे खीरोदे घतोदे ॥ सू० ३८४ ॥
 चत्तारि आवत्ता पन्नता तंजहा-खरावत्ते उन्नतावत्ते गूढावत्ते आमिसावत्ते,
 एवामेव चत्तारि कसाया पन्नत्ता तंजहा-खरावत्तसमाणो कोहे उन्नत्तावत्त-
 समाणो माणो गूढावत्तसमाणा माता आमिसावत्तसमाणो लोभे, खरावत्तसमाणां
 कोहं अणुपविट्ठे जीवे कालं करेति गोरइएसु उववज्जति, उन्नत्तावत्तसमाणां
 माणां एवं चेव गूढावत्तसमाणां मातमेवं चेव आमिसावत्तसमाणां लोभमणुपविट्ठे
 जीवे कालं करेति नेरइएसु उववज्जेति ॥ सू० ३८५ ॥ अणुराहानक्खत्ते
 चउत्तारे पन्नत्ते पुव्वासाढे एवं चेव उत्तरासाढे एवं चेव ॥ सू० ३८६ ॥
 जीवाणां चउठाणनिव्वत्तिते पोग्गले पावक्कम्मत्ताते चिणिंसु वा चिणांति वा
 चिणिस्संति वा, तंजहा-नेरतियनिव्वत्तिते तिक्खिजोणितनिव्वत्तिते मणुस्स-
 देवनिव्वत्तिते, एवं उवचिणिंसु वा उवचिणांति वा उवचिणिस्संति वा, एवं
 चिय उवचिय बंध उदीर वेत तह निज्जरे-चेव ॥ सू० ३८७ ॥ चउपदेसिया
 खंधा अणांता पन्नत्ता, चउपदेसोगाढा पोग्गला अणांता, चउसमयट्ठितीया
 पोग्गला अणांता, चउगुणकालगा पोग्गला अणांता जाव चउगुणलुक्खा
 पोग्गला अणांता पराणात्ता ॥ सू० ३८८ ॥

॥ इतिः चतुःस्थानकस्य चतुर्थोद्देशकः ॥४-४॥

॥ इति चतुःस्थानकार्ख्यं चतुर्थाध्ययनम् ॥ ४ ॥

॥ अथ पञ्चमस्थानकार्ख्यं पञ्चममध्ययनम् ॥

पंच महव्वया पन्नत्ता तंजहा-सव्वातो पाणातिवायाओ वेरमाणं जाव
 सव्वातो परिग्गहातो वेरमाणं १ । पंचाणुव्वता पन्नत्ता तंजहा-थूलातो
 पाणाइवायातो वेरमाणं थूलातो मुसावायातो वेरमाणं थूलातो अदिन्नादाणातो
 वेरमाणं सदारसंतोसे इच्छापरिमाणो २ ॥ सू० ३८९ ॥ पंच वन्ना पन्नत्ता

तंजहा-किरहा नीला लोहिता हालिदा सुक्लिहा १ । पंच रसा पन्नत्ता
तंजहा-तित्ता जाव मधुरा २ । पंच कामगुणा पन्नत्ता तंजहा-सदा रूवा
गंधा रसा फासा ३ । पंचहि ठाणेहिं जीवा सज्जंति तंजहा-सद्देहिं जाव
फासेहिं ४ । एवं रज्जंति ५ मुच्छंति ६ गिज्झंति ७ अज्झोववज्जंति ८ ।
पंचहिं ठाणेहिं जीवा विणिघायमावज्जंति, तंजहा-सद्देहिं जाव फासेहिं ९ ।
पंच ठाणा अपरिगणाता जीवाणं अहिताते असुभाते अखमाते अणिस्सेताते-
(यसे) अणाणुगामितत्ताते भवंति, तंजहा-सदा जाव फासा १० । पंच ठाणा
सुपरिन्नाता जीवाणं हिताते सुभाते जाव आणुगामियत्ताए भवंति, तंजहा-
सदा जाव फासा ११ । पंच ठाणा अपरिगणाता जीवाणं दुग्गतिगमणाए
भवंति तंजहा-सदा जाव फासा १२ । पंच ठाणा परिगणाया जीवाणं
सुग्गतिगमणाए भवंति तंजहा-सदा जाव फासा १३ ॥ सू० ३१० ॥
पंचहिं ठाणेहिं जीवा दोग्गति गच्छंति, तंजहा-पाणातिवातेणं जाव परि-
ग्गहेणं, १ । पंचहिं ठाणेहिं जीवा सोगतिं गच्छंति, तंजहा-पाणातिवातवे-
रमणेणं जाव परिग्गहवेरमणेणं २ ॥ सू० ३११ ॥ पंचपडिमातो पन्नत्ताथो
तंजहा-भदा सुभदा महाभदा सव्वतोभदा भद्दुत्तरपडिमा ॥ सू० ३१२ ॥ पंच
थावरकाया पन्नत्ता तंजहा-इंदे थावरकाए वंभे थावरकाए सिप्पे थावरकाए
सं(सु)मती थावरकाए पाजावच्चे थावरकाए पंच थावरकायाधिपती पन्नत्ता
तंजहा-इंदे थावरकाताधिपती जाव पातावच्चे थावरकाताधिपती ॥ सू०
३१३ ॥ पंचहिं ठाणेहिं ओहिदंसणे समुप्यज्जिउकामेऽवि तप्पढमयाते खंभातेज्जा,
तंजहा-अप्पभूतं वा पुढविं पामित्ता तप्पढमयाते खंभातेज्जा, कुंथुरासिभूतं वा
पुढविं पासित्ता तप्पढमयाते खंभातेज्जा, महतिमहालतं वा महोरगसरीरं पासित्ता
तप्पढमयाते खंभातेज्जा, देवं वा महद्धियं जाव महेसक्खं पासित्ता तप्पढमयाते
खंभातेज्जा, पुरेसु वा पोराणाइं (ओराणाइं) महतिमहालतानि महानिहाणाइं
पहीणसामितातिं पहीणसेउयातिं पहीणगुत्तागाराइं उच्छिन्नसामियाइं उच्छि-

नसेउयाइं उच्छिन्नगुत्तागाराइं जाइं इमाइं गामागरणगरखेडकब्बडदोणमुहपट्ट-
णासमसंवाहसन्निवेशेसु सिंघाडगतिगचउकचचरचउम्मुहमहापहपहेसु णगरणि-
द्धमणेसु सुसाणसुन्नागारगिरिकंदरसन्तिसेलोवट्ठावणभवणगिहेसु संनिविस्व-
त्ताइं चिट्ठंति ताइं वा पासित्ता तप्पढमताते खंभातेज्जा, इच्चेहिं पंचहिं ठाणेहिं
ओहिदंसणे समुप्पज्जिउकामेऽवि तप्पढमताते खंभाएज्जा १ । पंचहिं ठाणेहिं
केवलवरणाणदंसणे समुप्पज्जिउकामे तप्पढमताते नो खंभातेज्जा, तंजहा-अप्प-
भूतं वा पुढविं पासित्ता तप्पढमताते णो खंभाएज्जा, सेसं तहेव जाव भवण-
गिहेसु संनिविस्वत्ताइं चिट्ठंति ताइं वा पासित्ता तप्पढमताते णो खंभातेज्जा,
सेसं तहेव, इच्चेतेहिं पंचहिं ठाणेहिं जाव नो खंभातेज्जा २ ॥ सू० ३६४ ॥
गोरइयाणं सरीरगा पंचवन्ना पंचरसा पन्नत्ता तंजहा-किंणहा जाव सुक्खिळा
त्तिता जाव मधुरा, एवं निरंतरं जाव वेमाणियाणं । पंचं सरीरगा पन्नत्ता
तंजहा-ओरालिते वेउव्विते आहारते तेयते कम्मते, ओरालितसरीरे
पंचवन्ने पंचरसे पन्नत्ते तंजहा-किंणह जाव सुक्खिल्ले तित्ते जाव महुरे,
एवं जाव कम्मगसरीरे, सव्वेऽवि णं बादरबोदिधरा कलेवरा पंचवन्ना
पंचरसा दुग्ंधा अट्ठफासा ॥ सू० ३६५ ॥ पंचहिं ठाणेहिं पुरिमपच्छि-
मगाणं जिणाणं दुग्गमं भवति, तंजहा-दुआइक्खं दुविभज्जं (दुविभवं)
दुपस्सं दुतितिक्खं दुरणुचरं १ । पंचहिं ठाणेहिं मज्झिमगाणं जिणाणं
सुगमं भवति, तंजहा-सुआतिक्खं सुविभज्जं सुपस्सं सुतितिक्खं सुरणुचरं
२ । पंच ठाणाइं समणेणं भगवता महावीरेणं समणाणं णिग्गंथाणं णिच्चं
वन्निताइं निच्चं कित्तिताइं णिच्चं बुत्तिताइं णिच्चं पसत्थाइं निच्चमव्वणुन्ना-
ताइं भवंति, तंजहा-खंति मुत्ती अज्जवे मद्दवे लाघवे ३ । पंच ठाणाइं
समणेणं भगवता महावीरेणं जाव अव्वणुन्नायाइं भवंति, तंजहा-सच्चे
संजमे तवे चित्ताते बंभचेरवासे ४ । पंच ठाणाइं समणाणं जाव अव्वणुन्ना-
याइं भवंति, तंजहा-उविस्वत्तचरते निविस्वत्तचरते अंतचरते पंतचरते

लूहचरते, ५। पंच ठाणां जाव अब्भणुसणायां भवन्ति, तंजहा-अन्नात-
 चरते अन्नइलायचरे (अन्नवेलाचरे) मोणचरे संसट्टकप्पिते तज्जातसंसट्ट-
 कप्पिते, ६। पंच ठाणां जाव अब्भणुन्नातां भवन्ति, तंजहा-उवनिहिते
 सुद्धेसणिते संखादत्तिते दिट्टलाभिते पुट्टलाभिते, ७। पंच ठाणां जाव
 अब्भणुसणातां भवन्ति, तंजहा-आयंवलिते निव्वियते पुरमडिद्धते परिमिते
 पिंडवाविते भिन्नपिंडवाविते ८। पंच ठाणां जाव अब्भणुन्नायां भवन्ति,
 तंजहा-अरसाहारे विरसाहारे अंताहारे पंताहारे लूहाहारे, ९। पंच ठाणां
 जाव अब्भणुन्नायां भवन्ति, तंजहा-अरसजीवी विरसजीवी अंतजीवी
 पंतजीवी लूहजीवी १०। पंच ठाणां जाव भवन्ति, तंजहा-ठाणातिते
 उक्कडुआसणिए पडिमट्टाती वीरासणिए णोसज्जिए, ११। पंच ठाणां जाव
 भवन्ति, तंजहा-दंडायतिते लगंडसाती आतावते अवाउडते अकंडूयते १२।
 ॥ सू० ३१६ ॥ पंचहिं ठाणेहिं समणे निग्गंथे महानिज्जरे महापज्जवसाणे
 भवति, तंजहा-अगिलाते आयरियवेयावच्चं करेमाणे १ एवं उवज्झाय-
 वेयावच्चं करेमाणे २ थेरवेयावच्चं ३ तवस्सिवेयावच्चं ४ गिलाणवेया-
 वच्चं करेमाणे ५, १। पंचहिं ठाणेहिं समणे निग्गंथे महानिज्जरे महापज्ज-
 वसाणे भवति, तंजहा-अगिलाते सेहवेयावच्चं करेमाणे १ अगिलाते
 कुलवेयावच्चं करेमाणे २ अगिलाए गणवेयावच्चं करेमाणे ३ अगिलाए
 संघवेयावच्चं करेमाणे ४ अगिलाते साहम्मियवेयावच्चं करेमाणे ५, २
 ॥ सू० ३१७ ॥ पंचहिं ठाणेहिं समणे णिग्गंथे साहम्मितं संभोतितं
 विसंभोतितं करेमाणे णातिकमति, तंजहा-सकिरितट्ठाणं पडिसेवित्ता
 भवति १ पडिसेवित्ता णो आलोएइ २ आलोइत्ता णो पट्टवेति ३ पट्टवेत्ता
 णो णिव्विसति ४ जाइं इमाइं थेराणं ठित्तिपक्कपाइं भवति ताइं अतियं-
 चिय २ पडिसेवेति से हंदं हं पडिसेवामि किं मं थेरा करिस्संति ? ५, १।
 पंचहिं ठाणेहिं समणे निग्गंथे साहम्मितं पारंचितं करेमाणे णातिकमति,

तंजहा-सकुले वसति सकुलस्स भेदाते अब्भुट्ठित्ता भवति १ गणे वसति
गणस्स भेदाते अब्भुट्ठित्ता भवति २ हिंसपेही ३ छिदपेही ४ अभिक्खणं
पसिणाततणाइं पउंजित्ता भवति ५, २ ॥ सू० ३६८ ॥ आयरियउव-
ज्जायस्स गं गणंसि पंच वुग्गहट्ठाणा पन्नत्ता तंजहा-आयरियउवज्जाए
गं गणंसि आणं वा धारणं वा नो सम्मं पउंजेत्ता भवति १ आयरियउव-
ज्जाए गं गणंसि आधारातिणियाते कितिकम्मं नो सम्मं पउंजित्ता
भवति २ आयरियउवज्जाते गणंसि जे सुत्तपज्जवजाते धारेति ते काले २
णो सम्मणणुप्पवात्तिता भवति ३ आयरियउवज्जाए गणंसि गिलाणसेहवे-
यावच्चं नो सम्ममब्भुट्ठित्ता भवति ४ आयरियउवज्जाते गणंसि अणुपु-
च्छित्तचारी यावि हवइ नो आपुच्छियचारी ५, १। आयरियउवज्जायस्स गं
गणंसि पंचावुग्गहट्ठाणा पन्नत्ता तंजहा-आयरियउवज्जाए गणंसि आणं
वा धारणं वा सम्मं पउंजित्ता भवति, एवमधारायणिताते सम्मं किइकम्मं
पउंजित्ता भवइ आयरियउवज्जाए गं गणंसि जे सुत्तपज्जवजाते धारेति ते
काले २ सम्मं अणुपवाइत्ता भवइ आयरियउवज्जाए गणंसि गिलाणसेह-
वेतावच्चं सम्मं अब्भुट्ठित्ता भवति आयरियउवज्जाते गणंसि आपुच्छिय-
चारी यावि भवति णो अणुपुच्छियचारी २ ॥ सू० ३६९ ॥ पंच निसि-
ज्जाओ पन्नत्ताओ तंजहा-उवकुडुती गोदोहिता समपायपुता पलितंका
अद्धपलितंका १। पंच अज्जवट्ठाणा पन्नत्ता तंजहा-साधुअज्जवं
साधुमद्वं साधुलाघवं साधुखंती साधुमुत्ती ॥ सू० ४०० ॥ पंचविहा
जोइसिया पन्नत्ता तंजहा-चंदा सूरा गहा नक्खत्ता ताराओ, १ ।
पंचविहा देवा पन्नत्ता तंजहा-भवितदब्बदेवा णरदेवा धम्मदेवा देवातिदेवा
भावदेवा २ ॥ सू० ४०१ ॥ पंचविहा परितारणा पन्नत्ता तंजहा-कात-
परितारणा फासपरितारणा रूवपरितारणा सइपरितारणा मणपरितारणा
॥ सू० ४०२ ॥ चमरस्स गं असुरिंदस्स असुरकुमाररन्नो पंच अग्गमहि-

सीओ पन्नत्ताओ तंजहा-काले राती रतणी विज्जू मेहा, १ । बलिस्स णं वतिरोत्तणिंदस्स वतिरोत्तणरन्नो पंच अग्गमहिसीओ पन्नत्ताओ तंजहा-सुभा णिसुभा रंभा णिरंभा मतणा २ ॥ सू० ४०३ ॥ चंमरस्स णमसुरिंदस्स असुरकुमाररणो पंच संगामिता अणिता पंच संगामिया अणियाधिवती पन्नत्ता तंजहा-पायत्ताणिते पीढाणिते कुंजराणिते महिसाणिते रहाणिते, दुमे पायत्ताणिताधिवती सोदामी आसराया पीढाणियाधिवती कुंथूं हत्थिराया कुंजराणिताधिवती लोहितक्खे महिसाणिताधिवती किन्नरे रधाणिताधिवती १ । बलिस्स णं वतिरोत्तणिंदस्स वतिरोत्तणरन्नो पंच संगामिताणिता पंच संगामिताणीयाधिवती पन्नत्ता तंजहा-पायत्ताणिते जाव रहाणिते, महदुमे पायत्ताणिताधिवती महामोतामो आसराया पीढाणिताधिवती मालंकारो हत्थिराया कुंजराणिताधिपती महालोहिअक्खो महिसाणिताधिवती किंपुरिसे रधाणिताधिपती २ । धरणस्स णं णागकुमारिंदस्स णागकुमाररन्नो पंच संगामिता अणिता पंच संगामिताणीयाधिपती पन्नत्ता तंजहा-पायत्ताणिते जाव रहाणीए, भद्दसेणे पायत्ताणिताधिपती जसोधरे आसराया पीढाणिताधिपती सुदंसणे हत्थिराया कुंजराणिताधिपती नीलकंठे महिसाणियाधिपती आणंदे रहाणिताहिवई ३ । भूयाणंदस्स नागकुमारिंदस्स नागकुमाररन्नो पंच संगामियाणिया पंच संगामियाणीयाहिवई पन्नत्ता तंजहा-पायत्ताणीए जाव रहाणीए दक्खे पायत्ताणियाहिवई सुग्गीवे आसराया पीढाणियाहिवई सुविक्रमे हत्थिराया कुंजराणिताहिवई सेयकंठे महिसाणियाहिवई नंदुत्तरे रहाणियाहिवई ४ । वेणुदेवस्स णं सुवन्निंदस्स सुवन्नकुमाररन्नो पंच संगामियाणिता पंच संगामिताणिताधिपती पन्नत्ता तंजहा-पायत्ताणीते एवं जथा धरणस्स तथा वेणुदेवस्सवि, वेणुदालियस्स जहा भूताणंदस्स, जथा धरणस्स तहां सव्वेसिं दाहिणिल्लाणं जाव घोसस्स, जथा भूताणंदस्स तथा सव्वेसिं उत्तरिल्लाणं जाव महाघोसस्स ५ । सकस्स णं देविंदस्स देवरन्नो पंच

संगामिता अणिता पंच संगामिताणिताधिवती पन्नत्ता तंजहा-पायत्ताणिते जाव उसभाणिते, हरिणोगमेसी पायत्ताणिताधिवती वाऊ आसराता पीढाणिताधिवई एरावणे हत्थिराया कुंजराणिताधिपई दामढ्डी उसभाणिताधिपती माढरो रधाणिताधिपती, ईसाणस्स गां देविंदस्स देवरन्नो पंच संगामिया अणिता जाव पायत्ताणिते पीढाणिण कुंजराणिण उसभाणिण रधाणिते, लहु-परक्कमे पायत्ताणिताधिवती ६। महावाऊ आसराया पीढाणियाहिवई पुप्फदंते हत्थिराया कुंजराणियाहिवती महादामढ्डी उसभाणियाहिवई महामाढरे रधा-णियाहिवती, जधा सकस्स तहा सव्वेसिं दाहिणिल्लाणं जाव आरणस्स जधा ईसाणस्स तहा सव्वेसिं उत्तरिल्लाणं जाव अच्चुतस्स ७ ॥ सू० ४०४ ॥ सकस्स गां देविंदस्स देवरन्नो अब्भंतरपरिसाए देवाणं पंच पलिओवमाइं ठिती पन्नत्ता । ईसाणस्स गां देविंदस्स देवरन्नो अब्भंतरपरिसाते देवीणं पंच पलिओवमाइं ठिती पन्नत्ता २ ॥ सू० ४०५ ॥ पंचविहा पडिहा पन्नत्ता तंजहा-गतिपडिहा ठितीपडिहा बंधणपडिहा भोगपडिहा बलवीरितपुरिसया-रपरक्कमपडिहा ॥ सू० ४०६ ॥ पंचविधे आजीविते पन्नत्ते तंजहा-जाति-आजीवे कुलाजीवे कम्माजीवे सिप्पाजीवे लिंगाजीवे ॥ सू० ४०७ ॥ पंच रातक्कुहा पन्नत्ता तंजहा-खग्गं छत्तं उप्फेसं उपाणहाओ वालवीअणी ॥ सू० ४०८ ॥ पंचहिं ठाणोहिं छउमत्थे गां उदिन्ने परिस्सहोवसग्गे सम्मं सहेज्जा खमेज्जा तितिक्खेज्जा अहियासेज्जा, तंजहा-उदिन्नक्कमे खलु अयं पुरिसे उन्मत्तगभूते, तेण मे एस पुरिसे अक्कोसति वा अवहसति वा णिच्छोदेति वा णिब्भंछेति वा बंधति वा रुंभति वा छविच्छेतं करेति वा पमारं वा नेति उद्वेइ वा वत्थं वा पडिग्गहं वा कंबलं वा पायपुंछणम-(णं वा आ)च्छिदति वा विच्छिदति वा भिदति वा अवहरति वा १, जक्खा-तिट्ठे खलु अयं पुरिसे, तेण मे एस पुरिसे अक्कोसति वा तहेव जाव अवहरति वा २, ममं च गां तव्भववेयणिज्जे कम्मे उतिन्ने भवति, तेण मे

एस पुरिसे अक्कोसति वा जाव अवहरति वा ३, ममं च णं सम्ममसहमा-
 णस्स अखममाणस्स अतितिक्खमाणस्स अणाधितासमाणस्स किं मन्ने
 कज्जति १, एगंतसो मे पावे कम्मे कज्जति ४, ममं च णं सम्मं सहमाणस्स
 जाव अहियासेमाणस्स किं मन्ने कज्जति १, एगंतसो मे णिज्जरा कज्जति ५,
 इच्चेतेहिं पंचहिं ठाणेहिं छउमत्थे उदिन्ने परीसहोवसग्गे सम्मं सहेज्जा जाव
 अहियासेज्जा १ । पंचहिं ठाणेहिं केवली उदिन्ने परीसहोवसग्गे सम्मं
 सहेज्जा जाव अहियासेज्जा, तंजहा-खित्तचित्ते खलु अतं पुरिसे तेण मे एस
 पुरिसे अक्कोसति वा तहेव जाव अवहरति वा १ दित्तचित्ते खलु अयं पुरि-
 से तेण मे एस पुरिसे जाव अवहरति वा २ जक्खातिट्ठे खलु अयं पुरिसे
 तेण मे एस पुरिसे जाव अवहरति वा ३ ममं च णं तम्भववेयणिज्जे कम्मे
 उदिन्ने भवति तेण मे एस पुरिसे जाव अवहरति वा ४ ममं च णं सम्मं सहमाणं
 खममाणं तितिक्खमाणं अहियासेमाणं पासेत्ता बहवे अन्ने छउमत्था समणा
 णिग्गंथा उदिन्ने २ परीसहोवसग्गे एवं सम्मं सहिस्संति जाव अहियासिस्संति
 ५, इच्चेतेहिं पंचहिं ठाणेहिं केवली उदिन्ने परीसहोवसग्गे सम्मं सहेज्जा जाव
 अहियासेज्जा २॥ सू० ४०६ ॥ पंच हेऊ पन्नत्ता तंजहा-हेउं न जाणति हेउं ण
 पासति हेउं ण बुज्झति हेउं णाभिगच्छति हेउं अन्नाणमरणं मरति १ । पंच
 हेऊ पन्नत्ता तंजहा-हेउणा ण जाणति जाव हेउणा अन्नाणमरणं मरति २, २ ।
 पंच हेऊ पन्नत्ता तंजहा-हेउं जाणइ जाव हेउं छउमत्थमरणं मरइ ३ । पंच हेऊ
 पन्नत्ता तंजहा-हेउणा जाणइ जाव हेउणा छउमत्थमरणं मरइ ४ । पंच अहेऊ
 पन्नत्ता तंजहा-अहेउं ण याणति जाव अहेउं छउमत्थमरणं मरति ५ । पंच
 अहेऊ पन्नत्ता तंजहा-अहेउणा न जाणति जाव अहेउणा छउमत्थमरणं
 मरति ६ । पंच अहेऊ पन्नत्ता तंजहा-अहेउं जाणति जाव अहेउं केवलिमरणं
 मरति ७ । पंच अहेऊ पन्नत्ता तंजहा-अहेउणा ण जाणति जाव अहेउणा केव-
 लिमरणं मरति ८ । केवलिस्स णं पंच अणुत्तरा पन्नत्ता तंजहा-अणुत्तरे

नाणो अणुत्तरे दंसणो अणुत्तरे चरित्ते अणुत्तरे तवे अणुत्तरे वीरिते १ ॥
सू० ४१० ॥ पउमप्पहे णमरहा पंचचित्ते हुत्था, तंजहा-चित्ताहिं चुते
चइत्ता गब्भं वक्कंते चित्ताहिं जाते चित्ताहिं मुंडे भवित्ता अगाराओ
अणुगारितं पव्वइए चित्ताहिं अणुते अणुत्तरे णिव्वाघाए णिरावरणे
कसिणो पडिपुन्ने केवलवरणाणदंसणो समुप्पन्ने चित्ताहिं परिणिव्वुते,
पुप्फदंते णं अरहा पंचमूले हुत्था, मूलेणं चुते चइत्ता गब्भं वक्कंते, एवं
चेव एवमेतेणं अभिलावेणं इमातो गाहातो अणुगंतव्वातो १। पउमप्पभस्स
चित्ता १ मूले पुण होइ पुप्फदंतस्स २। पुव्वाइं आसाढा ३ सीयलस्सुत्तर
विमलस्स भइवता ४ ॥ १ ॥ रेवतिता अणंतजिणो ५ पूसो धम्मस्स ६
संतिणो भरणी ७। कुंथुस्स कत्तियाओ = अरस्स तह रेवतीतो य १ ॥२॥
मुणिसुव्वयस्स सवणो १० आसिणी णमिणो ११ य नेमिणो चित्ता १२।
पासस्स विसाहाओ १३ पंच य हत्थुत्तरो वीरो १४ ॥३॥ समणो भगवं
महावीरे पंचहत्थुत्तरे होत्था तंजहा-हत्थुत्तराहिं चुए चइत्ता गब्भं वक्कंते
हत्थुत्तराहिं गब्भाओ गब्भं साहरिते हत्थुत्तराहिं जाते हत्थुत्तराहिं मुंडे
भवित्ता जाव पव्वइए हत्थुत्तराहिं अणुते अणुत्तरे जाव केवलवरणाणदंसणो
समुप्पन्ने २ ॥ सू० ४११ ॥ इति पंचमट्ठाणस्स पढमो उद्देशओ समत्तो ॥

॥ इति पञ्चमस्थानकस्य प्रथमोद्देशकः ॥ ५-१ ॥

॥ अथ पञ्चमस्थानके द्वितीय उद्देशकः ॥

नो कप्पइ निग्गंथाण वा निग्गंधीण वा इमाओ उद्दिट्ठाओ गणि-
याओ वितंतजितातो पंच महण्णावातो महाणदीओ अंतो मासस्स दुक्खुत्तो
वा तिक्खुत्तो वा उत्तरित्तए वा संतरित्तए वा, तंजहा-गंगा जउणा
सरऊ एरावती मही १। पंचहिं ठणोहिं कप्पति, तंजहा-भतंसि वा १
दुब्भिक्खंसि वा २ पव्वहेज्ज व णं कोई ३ दओघंसि वा एज्जमाणंसि

महता वा ४ अणारितेसु ५, २ ॥ सू० ४१२ ॥ णो कप्पइ णिग्गं-
 थाण वा णिग्गंथीण वा पढमपाउसंसि गामाणुगामं दूइजित्तए, पंचहिं
 ठाणोहिं कप्पइ, तंजहा-भयंसि वा दुव्विक्खंसि वा जाव महता वा अणा-
 रितेहि ५, १ । वासावासं पज्जोमविताणं णो कप्पइ णिग्गंथाण वा २
 गामाणुगामं दूइजित्तए, पंचहिं ठाणोहिं कप्पइ, तंजहा-णाणट्टयाए दंसणाट्ट-
 याए चरित्तट्टयाए आयरियउवज्झाया वा से वीसुंभेज्जा आयरितउज्झा-
 याण वा बहिता वेआवच्चं करणाताते २ ॥ ४१३ ॥ पंच अणुगघातिता
 पन्नत्ता तंजहा-हत्थाकम्मं करेमाणो मेहुणं पडिसेवेमाणो रातीभोयणं
 भुंजेमाणो सागारितपिंडं भुंजेमाणो रायपिंडं भुंजेमाणो ॥ सू० ४१४ ॥
 पंचहिं ठाणोहिं समणो निग्गंथे रायंतेउरमणुपविसमाणो नाइकमत्ति, तंजहा-
 नगरं सिता सव्वतो समंता गुत्ते गुत्तदुदारे, वहवे समणमाहणा णो संचा-
 एंति भत्ताते वा पाणाते वा निक्खमित्तते वा पविसित्तते वा तेसिं विन्न-
 वणाट्टताते रातंतेउरमणुपव्विसेज्जा १ पाडिहारितं वा पीढफलंगसेज्जासंथा-
 रणं पच्चप्पिणमाणो रायंतेउरमणुपवेसेज्जा २ हतस्स वा गयस्स वा दुट्ठस्स
 आगच्छमाणस्स भीते रायंतेउरमणुपवेसिज्जा ३ परो व णं सहसा वा बलसा
 वा वाहांते गहाय अंतेउरमणुपवेसेज्जा ४ बहिता व णं आरामगयं वा उज्जा-
 णगयं वा रायंतेउरजणो सव्वतो समंता संपरिक्खवित्ता णं निवेसिज्जा ५
 इच्चेतेहि पंचहिं ठाणोहिं समणो निग्गंथे जाव णातिकमइ ॥ सू० ४१५ ॥
 पंचहिं ठाणोहिमिथी पुरिसेण सद्धि असंवसमाणीवि गव्वं धरेज्जा, तंजहा-
 इथी दुव्वियडा दुन्निसराणा सुक्कपोग्गले अधिट्ठाज्जा, सुक्कपोग्गलसंसिट्ठे व से
 वत्थे अंतो जोणीते अणुपवेसेज्जा, सइं वा सा सुक्कपोग्गले अणुपवेसेज्जा परो
 व से सुक्कपोग्गले अणुपवेसेज्जा. सीओदगवियडेण वा से आयममाणीते
 सुक्कपोग्गला अणुपवेसेज्जा. इच्चेतेहि पंचहिं ठाणोहि जाव धरेज्जा १ । पंचहि
 ठाणोहि इथी पुरिसेण सद्धि संवसमाणीवि गव्वं नो धरेज्जा, तंजहा-अप्पत्त-

जोवणा अति-कंतजोवणा जातिवंभा गेलन्नपुट्टा दोमणांसिया ५ इच्चेतेहिं
 पंचहिं ठाणोहिं जाव नो धरेज्जा २ । पंचहिं ठाणोहिमित्थी पुरिसेण सद्धिं
 संवसमाणीवि नो गब्भं धरेज्जा, तंजहा-निच्चोउया अणोउया वावन्नसोया
 वाविद्धसोया अणंगपडिसेवणी, इच्चेतेहिं पंचहिं ठाणोहिमित्थी पुरिसेण
 सद्धिं संवसमाणीवि गब्भं णो धरेज्जा ३ । पंचहिं ठाणोहिं इत्थी पुरिसेण
 सद्धिं संवसमाणीवि नो गब्भं धरेज्जा तंजहा-उउंमि णो णिगामपडि-
 सेविणी तावि भवति, समागता वा से सुक्कपोग्गला पडिविद्धसंति
 उदिन्ने वा से पित्तसोणिते पुरा वा देवकम्मणा पुत्तफले वा नो
 निहिट्ठे भवति, इच्चेतेहिं जाव नो धरेज्जा ४ ॥ सू० ४१६ ॥
 पंचहिं ठाणोहिं निग्गंथा निग्गंथीओ य एगतओ ठाणं वा सिज्जं वा निसी-
 हियं वा चेतेमाणे णातिकमंति, तंजहा-अत्थेगइया निग्गंथा निग्गंथीओ
 य एगं महं अगामितं छिन्नावायं दीहमद्धमडविमणुपविट्ठा तत्थेगयतो ठाणं
 वा सेज्जं वा निसीहियं वा चेतेमाणे णातिकमंति १ अत्थेगइया णिग्गंथा
 (२) गामंसि वा णगरंसि वा जाव रायहाणिसि वा वासं उवागता एग-
 तिया यत्थ उवस्सयं लभंति एगतिता णो लभंति तत्थेगतितो ठाणं वा
 जाव नातिकमंति २ अत्थेगतिता निग्गंथा य (२) नागकुमारावासंसि वा
 (सुवराणकुमारावासंसि वा) वासं उवागता तत्थेगयओ जाव णातिकमंति
 ३ आमोसगा दीसंति ते इच्छंति निग्गंथीओ चीवरपडिताते पडिगाहित्ते
 तत्थेगयओ ठाणं वा जाव णातिकमंति ४ जुवाणा दीसंति ते इच्छंति
 निग्गंथीओ मेहुणपडिताते पडिगाहित्ते तत्थेगयओ ठाणं वा जाव
 णातिकमंति ५ इच्चेतेहिं पंचहिं ठाणोहिं जाव नातिकमंति १ । पंचहिं
 ठाणोहिं समणे निग्गंथे अचेलए सचेलियाहिं निग्गंथीहिं सद्धिं संवसमाणे
 नाइकमति, तंजहा-खित्तचित्ते समणे णिग्गंथे निग्गंथेहिमविज्जमाणोहिं
 अचेलए सचेलियाहिं निग्गंथीहिं सद्धिं संवसमाणे णातिकमति २ । एव-

मेतेणं गमणं दित्तचित्ते जक्खातिट्ठे उम्मायपत्ते निग्गंथीपव्वावियते समणे
 णिग्गंथेहिं अविज्जमाणेहिं अचेलए सचेलियाहिं णिग्गंथीहिं सद्धिं संवस-
 माणे णातिक्रमंति ३ ॥ सू० ४१७ ॥ पंच आसवदारा पन्नत्ता तंजहा-
 मिच्छत्तं अविरतो पमादे कसाया जोगा १। पंच संवरदारा पन्नत्ता तंजहा-
 सम्मत्तं विरती अपमादो अकसात्तित्तमजोगित्तं २। पंच दंडा पन्नत्ता तंजहा-
 अट्ठादंडे अणट्ठादंडे हिंसादंडे अकस्मात्तदंडे दिट्ठीविप्परियासितादंडे ३ ॥
 सू० ४१८ ॥ मिच्छदिट्ठियाणं पंच किरिताओ पन्नत्ताओ तंजहा-आरंभिता परि-
 गहिता मातावत्तिता अपच्चक्खाणकिरिया मिच्छादंसणवत्तिता १। मिच्छदिट्ठि-
 याणं नेरइयाणं पंच किरियाओ पन्नत्ताओ तंजहा-जाव मिच्छादंसणवत्तिता
 एवं सव्वेसिं निरन्तरं जाव मिच्छदिट्ठिताणं वेमाणियाणं, नवरं विगलिं-
 दिता मिच्छदिट्ठी ण भन्नंति, सेसं तहेव २। पंच किरियातो पन्नत्ताओ
 तंजहा-कातिता अहिगरिणता पातोसिया पारितावणिया पाणातिवात-
 किरिया ३ गोरइयाणं पंच एवं चेव निरन्तरं जाव वेमाणियाणं १, ४। पंच
 किरिताओ पन्नत्ताओ तंजहा-आरंभिता जाव मिच्छादंसणवत्तिता ४,
 गोरइयाणं पंच किरिता, निरन्तरं जाव वेमाणियाणं २, ५। पंच किरियातो
 पन्नत्ताओ तंजहा-दिट्ठिया पुट्ठिया पाडुच्चि(पाडोचित्ता) सामंतोवणिवाइया
 साहत्थिता एवं गोरइयाणं जाव वेमाणियाणं २४, ३, ६। पंच किरियातो
 पन्नत्ताओ तंजहा-गोसत्थिता आणवणिता वेयारणिया अणाभोगवत्तिता
 अणवकंखवत्तिता एवं जाव वेमाणियाणं २४, ४, ७। पंच किरियाओ
 पन्नत्ताओ, तंजहा-पेज्जवत्तिता दोसवत्तिता पओगकिरिया समुदाणकिरिया
 ईरियावहिया एवं मणुस्साणवि, सेसाणं नत्थि ५, ८ ॥ सू० ४१९ ॥
 पंचविहा परिन्ना पन्नत्ता, तंजहा-उवहिपरिन्ना उवस्सयपरिन्ना कसायपरिन्ना
 जोगपरिन्ना भत्तपाणपरिन्ना ॥ सू० ४२० ॥ पंचविहे ववहारे पन्नत्ते,
 तंजहा-आगमे सुत्ते आणा धारणा जीते, जहा से तत्थ आगमे, सिता

आगमेणं ववहारं पट्टवेज्जा, णो से तत्थ आगमे सिया जहा से तत्थ सुते
सिता सुतेणं ववहारं पट्टवेज्जा, णो से तत्थ सुते सिता एवं जाव जहा से
तत्थ जीए सिया जीतेणं ववहारं पट्टवेज्जा, इच्चेतेहिं पंचहिं ववहारं
पट्टवेज्जा आगमेणं जाव जीतेणं, जधा (२) से तत्थ आगमे जाव जीते तहा
(२) ववहारं पट्टवेज्जा, से किमाहु भंते ! आगमवलिया समणा निग्गंथा ?
इच्चेतं पंचविधं ववहारं जता जता जहिं जहिं तया तता तहिं तहिं अणि-
स्सितोवस्सितं सम्मं ववहरमाणे समणे णिग्गंथे आणाते आराधते भवति ॥
सू० ४२१ ॥ संजतमणुस्साणं सुत्ताणं पंच जागरा पन्नत्ता, तंजहा—सहा
जाव फासा १। संजतमणुस्साणं जागराणं पंच सुत्ता पन्नत्ता, तंजहा—सहा जाव
फासा २। असंजयमणुस्साणं सुत्ताणं वा जागराणं वा पंच जागरा पन्नत्ता,
तंजहा—सहा जाव फासा ३ ॥ सू० ४२२ ॥ पंचहिं ठाणेहिं
जीवा रतं आदिज्जंति, तंजहा—पाणातिवातेणं जाव परिग्गहेणं
१। पंचहिं ठाणेहिं जीवा रतं वमंति, तंजहा—पाणातिवा-
तेरमणेणं जाव परिग्गहवेरमणेणं २ ॥ सू० ४२३ ॥ पंचमा-
सियं णं भिक्खुपडिमं पडिवन्नस्स अणुगारस्स कप्पंति पंच दत्तीओ
भोयणस्स पडिगाहेत्तते पंच पाणागस्म ॥ सू० ४२४ ॥ पंचविधे उवघाते
पन्नत्ते तंजहा—उग्गमोवघाते उप्पायणोवघाते एसणोवघाते परिकम्मोवघाते
परिहरणोवघाते । पंचविहा विसोही पन्नत्ता, तंजहा—उग्गमविसोही उप्पाय-
णविसोधी एसणाविसोही परिकम्मविसोही परिहरणविसोधी ॥ सू०
४२५ ॥ पंचहिं ठाणेहिं जीवा दुल्लभो धियत्ताए कम्मं पकरेंति, तंजहा—
अरहंताणं अवन्नं वदमाणे १ अरहंतपन्नत्तस्स धम्मस्स अवन्नं वदमाणे
२ आयरियउवज्झायाण अवन्नं वदमाणे ३ चाउवन्नस्स संघस्स अवन्नं
वयमाणे ४ विवक्तवबंभचेराणं देवाणं अवन्नं वदमाणे ५, १ । पंचहिं
ठाणेहिं जीवा सुल्लभो धियत्ताए कम्मं पकरेंति, तंजहा—अरहंताणं वन्नं

वदमाणो जाव विवक्तवबंभचेराणं देवाणं वन्नं वदमाणो २ ॥ सू० ४२६ ॥
 पंच पडिसंलीणा पन्नत्ता, तंजहा-सोइंदियपडिसंलीणो जाव फासिंदिय-
 पडिसंलीणो । पंच अप्पडिसंलीणा पन्नत्ता, तंजहा-सोतिंदिहअप्पडि-
 संलीणो जाव फासिंदियअप्पडिसंलीणो । पंचविधे संवरे पन्नत्ते, तंजहा-
 सोतिंदियसंवरे जाव फासिंदियसंवरे, पंचविधे असंवरे पन्नत्ते तंजहा-
 सोइंदियअसंवरे जाव फासिंदियअसंवरे ॥ सू० ४२७ ॥ पंचविधे
 संजमे पन्नत्ते तंजहा-सामातितसंजमे छेदोवट्ठावणियसंजमे परिहारविसुद्धि-
 तसंजमे सुहुमसंपरागसंजमे अहवस्वायचरित्तसंजमे ॥ सू० ४२८ ॥ एगिं-
 दिया णं जीवा असमारभमाणस्स पंचविधे संजमे कज्जति, तंजहा-पुढ-
 विकातियसंजमे जाव वणस्सतिकातितसंजमे १ । एगिंदिया णं जीवा
 समारभमाणस्स पंचविधे असंजमे कज्जति, तंजहा-पुढविकातितअसंजमे जाव
 वणस्सतिकातितअसंजमे २ ॥ सू० ४२९ ॥ पंचिंदिया णं जीवा असमा-
 रभमाणस्स पंचविधे संजमे कज्जति, तंजहा-सोतिंदितसंजमे जाव फासिंदिय-
 संजमे, १ । पंचिंदिया णं जीवा समारंभमाणस्स पंचविधे असंजमे
 कज्जति, तंजहा-सोतिंदियअसंजमे जाव फासिंदियअसंजमे, २ । सव्वपाण-
 भूयजीवसत्ता णं असमारभमाणस्स पंचविधे संजमे कज्जति, तंजहा-एगिं-
 दितसंजमे जाव पंचिंदियसंजमे ३ । सव्वपाणभूतजीवसत्ता णं समारंभ-
 माणस्स पंचविधे असंजमे कज्जति, तंजहा-एगिंदितअसंजमे जाव पंचिं-
 दियअसंजमे ४ ॥ सू० ४३० ॥ पंचविधा तणवणस्सतिकातिता पन्नत्ता
 तंजहा-अग्गवीया मूलवीया पौरवीया खंधवीया बीयरुहा ॥ सू० ४३१ ॥
 पंचविधे आयारे पन्नत्ते तंजहा-णाणायारे दंसणायारे चरित्तायारे तवा-
 यारे वीरियायारे ॥ सू० ४३२ ॥ पंचविधे आयारपकप्पे पन्नत्ते तंजहा-
 मासित्ते उग्घात्तिते मासिए अणुग्घाइए चउमासिए उग्घाइए चाउम्मासिए
 अणुग्घातीते आरोवणा । आरोवणा पंचविधा पन्नत्ता तंजहा-पट्टविया

ठविया कसिणा अकसिणा हाडहडा ॥ सू० ४३३ ॥ जंबुहीवे (२) मंदरस्स पव्वयस्स पुरत्थिमे गां सीयाए महानदीए उत्तरेणां पंच वक्खारपव्वता पन्नत्ता तंजहा—मालवंते चित्तकूडे पम्हकूडे णालिणाकुडे एगसेले १ । जंबूमंदरस्स पुरयो सीताए महानदीए दाहिणेणां पंच वक्खारपव्वता पन्नत्ता तंजहा—तिकूडे वेसमणकूडे अंजणे मायंजणे सोमणसे २ । जंबूमंदरस्स पच्चत्थिमेणां सीयोताते महाणादीए दाहिणेणां पंच वक्खारपव्वता पन्नत्ता तंजहा—विज्जुप्पमे अंकावती पम्हावती आसीविसे सुहावहे ३ । जंबूमंदरपच्चत्थिमेणां सीतोताते महानदीते उत्तरेणां पंच वक्खारपव्वता पन्नत्ता तंजहा—चंदपव्वते सूरपव्वते णागपव्वते देवपव्वते गंधमादणे ४ । जंबूमंदरदाहिणेणां देवकुराए कुराए पंच महदहा पन्नत्ता तंजहा—निसहदहे देवकुरुदहे सूरदहे सुलसदहे विज्जुप्पभदहे ५ । जंबूमंदरउत्तरकुराते कुराए पंच महदहा पन्नत्ता तंजहा—नीलवंतदहे उत्तरकुरुदहे चंददहे एरावणादहे मालवंतदहे ६ । सव्वेऽविणां वक्खारपव्वया(तेणां) सीया सीयोयाओ महाणाईओ मंदरं वा पव्वतंतेणां पंच जोयणासताइं उट्ठं उच्चत्तेणां पंचगाउयसताइं उव्वेहेणां ७ । धायइसंडे दीवे पुरिच्छमद्धेणां मंदरस्स पव्वयस्स पुरच्छिमेणां सीताते महाणातीते उत्तरेणां पंच वक्खारपव्वता पन्नत्ता तंजहा—मालवंते एवं जथा जंबुहीवे तथा जाव पुक्खरवरदीवड्ढपच्चत्थिमद्धे वक्खारा दहा य उच्चत्तं भाणियव्वं ८ । समयक्खेत्ते गां पंच भरहाइं पंच एरवताइं एवं जथा चउट्ठाणे वितीयउद्देसे तथा एत्थवि भाणियव्वं जाव पंच मंदरा पंच मंदरचूलिताओ, णवरं उसुयारा णत्थि ॥ सू० ४३४ ॥ उसभे गां अरहा कोसलिए पंच धणासताइं उट्ठं उच्चत्तेणां होत्था १ । भरहे गां राया चाउरंतक्कवट्ठी पंच धणासयाइं उट्ठं उच्चत्तेणां हुत्था २ । बाहुवली णमणागारे एवं चेव ३ । वंभीणामजा एवं चेव ४ । एवं सुंदरीवि ५ ॥ सू० ४३५ ॥ पंचहिं ठाणोहि सुत्ते विवुज्झजा, तंजहा—सद्देणां फासेणां भोयणापरिणामेणां णिइक्ख-

एणां सुविण्णदंसणेणं ॥ सू० ४३६ ॥ पंचहिं ठाणेहिं समणे शिग्गंथे
 शिग्गंथिं गिरहमाणे वा अवलंबमाणे वा णातिकमति, तंजहा—निग्गंथिं च णं
 अन्नयंरे पसुजातिए वा पक्खिजातिए वा ओहातेज्जा तत्थ शिग्गंथे शिग्गंथिं
 गिरहमाणे वा अवलंबमाणे वा नातिकमति १ शिग्गंथे शिग्गंथिं दुग्गंसि
 वा विसमंसि वा पक्खलमाणिं वा पवडमाणिं वा गिरहमाणे वा अवलंब-
 माणे वा णातिकमति २ शिग्गंथे शिग्गंथिं सेतंसि वा पंकंसि वा पण्णंसि
 वा उदगंसि वा उक्खसमाणीं वा उवुज्झमाणीं वा गिरहमाणे वा अवलंब-
 माणे वा णातिकमति ३ निग्गंथे निग्गंथिं नावं आरुभमाणे वा ओरोह-
 माणे वा णातिकमति ४, खेत्तइत्तं दित्तइत्तं जक्खाइट्ठं उम्मायपत्तं उवसग्गपत्तं
 साहिगरणं सपायच्छित्तं जाव भत्तपाणपडियातिक्खियं अट्टजायं वा निग्गंथे
 निग्गंथिं गेरहमाणे वा अवलंबमाणे वा णातिकमति ५ ॥ सू० ४३७ ॥
 आयरियउवज्झायस्स णं गणंसि पंच अतिसेसा पन्नत्ता तंजहा—आयरिय-
 उवज्झाए अंतो उवस्सगस्स पाए निगिज्झिय (२) पण्फोडेमाणे वा पमज्जे-
 माणे वा णातिकमति १ आयरियउवज्झाए अंतो उवस्सगस्स उच्चारपासवणं
 विगिंचमाणे वा विसोधेमाणे वा णातिकमति २ आयरियउवज्झाए पभू
 इच्छा वेयावडियं करेज्जा इच्छा णो करेज्जा ३ आयरियउवज्झाए अंतो
 उवस्सगस्स एगरायं वा दुरातं वा एगांगी वसमाणे णातिकमति ४ आय-
 रियउवज्झाए बाहिं उवस्सगस्स एगरातं वा दुरातं वा वसमाणे णातिकमति
 ५ ॥ सू० ४३८ ॥ पंचहिं ठाणेहिं आयरियउवज्झायस्स गणावक्कमाणे
 पन्नत्ते तंजहा—आयरियउवज्झाए गणंसि आणं वा धारणं वा नो सम्मं
 पउंजित्ता भवति १ आयरियउवज्झाए गणंसि अधारायणियाते कितिकम्मं
 वेणइयं णो सम्मं पउंजित्ता भवति २ आयरियउवज्झाते गणंसि जे सुयप-
 ज्जवजाते धारिंति ते काले नो सम्ममाणुपवादेत्ता भवति ३ आयरियउव-
 ज्झाए गणंसि सगणित्ताते वा परगणियाते वा निग्गंथीते बहिल्लेसे भवति

४ मित्ते णातीगणो वा से गणातो अवक्कमेज्जा तेसिं संगहोवग्गहट्ठयाते
गणावक्कमणो पन्नत्ते ५ ॥ सू० ४३१ ॥ पंचविहा इट्ठीमंता मणुस्सा पन्नत्ता
तंजहा—अरहंता चक्कवट्ठी बलदेवा वासुदेवा भावियप्पाणो अणगारा ॥
सू० ४४० ॥ पंचमट्ठाणस्स विइत्थो उद्देसो ॥

॥ इति पञ्चमस्थानकस्य द्वितीय उद्देशकः ॥ ५-२ ॥

॥ अथ पञ्चमस्थानके तृतीय उद्देशकः ॥

पंच अत्थिकाया पन्नत्ता तंजहा—धम्मत्थिकाते अधम्मत्थिकाते आगा-
सत्थिकाते जीवत्थिकाते पोग्गलत्थिकाए १। धम्मत्थिकाए अवन्ने अगंधे
अरसे अफासे अरूवी अजीवे सासए अवट्ठिए लोगदब्बे, से समासत्थो
पंचविधे पन्नत्ते तंजहा—दब्बत्थो खित्तत्थो कालत्थो भावत्थो गुणत्थो,
दब्बत्थो णं धम्मत्थिकाए एगं दब्बं, खेत्ततो लोगपमाणमेत्ते, कालत्थो णं
कयाति णासी न कयाइ न भवति ण कयाइ ण भविस्सइत्ति भुविं भवति
य भविस्सति त धुवे णितिते सारुते अक्खए अव्वते अवट्ठिते णिच्चे,
भावतो अवन्ने अगंधे अरसे अफासे, गुणतो गमाणुगो य १, अधम्मत्थि-
काए अवन्ने एवं चेव, णवरं गुणतो ठाणुगो २, आगासत्थिकाए
अवन्ने एवं चेव णवरं खेत्तत्थो लोगालोगपमाणमित्ते गुणतो अवगा-
हणागुणो, सेसं तं चेव ३, जीवत्थिकाए णं अवन्ने एवं चेव, णवरं
दब्बत्थो णं जीवत्थिगाते अणंताइं दब्बाइं, अरूवि जीवे सासते, गुणतो
उवत्थोगगुणो सेसं तं चेव ४, पोग्गलत्थिगाते पंचवन्ने पंचरसे दुग्गंधे
अट्ठफासे रूवी अजीवे सासते अवट्ठिते जाव दब्बत्थो णं पोग्गलत्थि-
काए अणंताइं दब्बाइं खेत्तत्थो लोगपमाणमेत्ते कालतो ण कयाइ णासि
जाव णिच्चे भावतो वन्नमंते गंधमंते रसमंते फासमंते, गुणतो गहणुगो
॥ सू० ४४१ ॥ पंच गतीतो पन्नत्तात्थो तंजहा—निरयगती तिरियगती

मणुयगती देवगती सिद्धिगती ॥ सू० ४४२ ॥ पंच इंदियत्था पन्नत्ता तंजहा—सोतिंदियत्थे जाव फासिंदियत्थे १ । पंच मुंडा पन्नत्ता तंजहा—सोतिंदियमुंडे जाव फासिंदियमुंडे २ । अहवा पंच मुंडा पन्नत्ता तंजहा—कोहमुंडे माणमुंडे मायामुंडे लोभमुंडे सिरमुंडे ३ ॥ सू० ४४३ ॥ अहेलोगे णं पंच वायरा पन्नत्ता तंजहा—पुढविकाइया आउकाइया वाउकाइया वणस्सइकाइया ओराला तसा पाणा १ । उड्डलोगे णं पंच वायरा पन्नत्ता तंजहा—एवं तं चेव २ । तिरियलोगे णं पंच वायरा पन्नत्ता तंजहा—एगिंदिया जाव पंचिंदिता ३ । पंचविधा वायरतेउकाइया पन्नत्ता तंजहा—इंगाले जाला मुम्पुरे अच्ची अलाते ४ । पंचविधा वादरवाउकाइया पन्नत्ता तंजहा—पाईणवाते पडीणवाते दाहिणवाते उदीणवाते विदिसवाते ५ । पंचविधा अचित्ता वाउकाइया पन्नत्ता तंजहा—अक्कंते धंते पीलिए सरीराणुगते संमुच्छिमे ६ ॥ सू० ४४४ ॥ पंच निग्गंथा पन्नत्ता तंजहा—पुलाते वउसे कुसीले णिग्गंथे सिणाते १ । पुलाए पंचविहे पन्नत्ते तंजहा—णाणपुलाते दंसणपुलाते चरित्तपुलाते लिङ्गपुलाते अहासुहुमपुलाते नामं पंचमे २ । वउसे पंचविधे पन्नत्ते तंजहा—आभोगवउसे अणाभोगवउसे संबुडवउसे असंबुडवउसे अहासुहुमवउसे नामं पंचमे ३ । कुसीले पंचविधे पन्नत्ते तंजहा—णाणकुसीले दंसणकुसीले चरित्तकुसीले लिङ्गकुसीले अहासुहुमकुसीले नामं पंचमे ४ । नियंठे पंचविहे पन्नत्ते तंजहा—पढमसमयनियंठे अपढमसमयनियंठे चरिमसमयनियंठे अचरिमसमयनियंठे अहासुहुमनियंठे ५ । सिणाते पंचविधे पन्नत्ते तंजहा—अच्छवी, असबले, अकम्मंसे, संसुद्धणाणदंसणधरे अरहा जिणे केवली, अपरिस्सावी ६ ॥ सू० ४४५ ॥ कप्पंति (कप्पइ) णिग्गंथाण वा णिग्गंथीण वा पंच वत्थाइं धारित्तए वा परिहरित्तते वा, तंजहा—जंगिते भंगिते साणते पोत्तिते तिरीडपट्टते णामं पंचमए । कप्पइ निग्गंथाण वा निग्गंथीण वा पंच रयहरणाइं धारित्तए वा परिहरित्तते वा

तंजहा-उणिणए उट्टिते साणते पच्चापिच्चियते मुंजापिच्चित्ते नामं पंचमए
 ॥ सू० ४४६ ॥ धम्मं चरमाणस्स पंच शिस्साठाणा पन्नत्ता तंजहा-छक्काए
 गणे राया गिहवती सरीरं ॥ सू० ४४७ ॥ पंच णिही पन्नत्ता तंजहा-पुत्त-
 निही मित्तनिही सिप्पनिही धणणिही धन्नणिही ॥ सू० ४४८ ॥ सोए पंचविहे
 पन्नत्ते तंजहा-पुढविसोते आउसोते तेउसोते मंतसोते बंभसोते ॥ सू० ४४९ ॥
 पंच ठाणाइं छउमत्थे सब्बभावेणं ण जाणति ण पासति, तंजहा-धम्मत्थि-
 कातं अधम्मत्थिकातं आगासत्थिकायं जीवं असरीरपडिबद्धं परमाणुपोग्गलं,
 एयाणि चेव उप्पन्ननाणदंसणधरे अरहा जिणे केवली सब्बभावेणं जाणति
 पासति धम्मत्थिकातं जाव परमाणुपोग्गलं ॥ सू० ४५० ॥ अधोलोगे णं
 पंच अणुत्तरा महतिमहालता महानिरया पन्नत्ता तंजहा-काले महाकाले
 रोरुत्ते महारोरुत्ते अप्पतिट्ठाणे १ । उट्ठलोगे णं पंच अणुत्तरा महतिमहा-
 लता महाविमाणा पन्नत्ता तंजहा-विजये विजयंते जयंते अपराजिते सब्बट्ठ-
 सिद्धे २ ॥ सू० ४५१ ॥ पंच पुरिसजाता पन्नत्ता तंजहा-हिरिसत्ते
 हिरिमणसत्ते चलसत्ते चिरसत्ते उदतणसत्ते ॥ सू० ४५२ ॥ पंच मच्छा
 पन्नत्ता तंजहा-अणुसोतचारी पडिसोतचारी अंतचारी मज्झचारी सब्बचारी,
 एवामेव पंच भिक्खागा पन्नत्ता तंजहा-अणुसोयचारी जाव सब्बसोयचारी
 ॥ सू० ४५३ ॥ पंच वणीमगा पन्नत्ता तंजहा-अतिहिवणीमते किविण-
 वणीमते माहणवणीमते साणवणीमते समणवणीमते ॥ सू० ४५४ ॥
 पंचहिं ठाणेहिं अचेलए पसत्थे भवति, तंजहा-अप्पा पडिलेहा, लाघविए
 पसत्थे, रूवे वेसांसिते, तवे अणुन्नाते, विउले इंदियनिग्गहे ॥ सू० ४५५ ॥
 पंच उक्कला पन्नत्ता तंजहा-दंडुकले रज्जुकले तेणुकले देसुकले सब्बुकले
 ॥ सू० ४५६ ॥ पंच समितीतो पन्नत्ताओ तंजहा-ईरियासमिती भास-
 समिती जाव पारिट्ठावणियासमिती ॥ सू० ४५७ ॥ पंचविधा संसारसमा-
 वन्नगा जीवा पन्नत्ता तंजहा-एगिंदिता जाव पंचिंदिता १ । एगिंदिया

पंचगतिइया पंचांगतिता पन्नत्ता, तंजहा-एगिंदिए एगिंदितेसु उववज्जमाणे
 एगिंदितेहिंतो जाव पंचिंदिएहिंतो वा उववज्जेज्जा, से चेव णं से एगिंदिए
 एगिंदितत्तं विप्पजहमाणे एगिंदितत्ताते वा जाव पंचिंदितत्ताते वा गच्छेज्जा
 २ । वैदिया पंचगतिता पंचांगइया एवं चेव ३ । एवं जाव पंचिंदिया
 पंचगतिता पंचांगइया पन्नत्ता तंजहा-पंचिंदिया जाव गच्छेज्जा ४ ५-६ ।
 पंचविधा सव्वजीया पन्नत्ता तंजहा-कोहकसाई जाव लोमकसाई अकसाती
 ७ । अहवा पंचविधा सव्वजीवा पन्नत्ता तंजहा-नेरइया जाव देवा सिद्धा
 ८ ॥ सू० ४५८ ॥ अह भंते ! कमलसूर-तिलमुग्गमास-णिप्पावकुलत्थया-
 (अ)लिसंदगसतीण-पलिमंथगाणं एतेसि णं धन्नाणं कुट्टाउत्ताणं जथा सालीणं
 जाव केवतितं कालं जोणी संचिट्ठति ?, गोयमा ! (मा) जहरणेणं
 अंतोमुहुत्तंउक्कोसेणं पंच संवच्छराइं, तेण परं जोणी पमिलायति जाव
 तेण परं जोणीवोच्छेदे पराणत्ते ॥ सू० ४५९ ॥ पंच संवच्छरा पन्नत्ता,
 तंजहा-णक्खत्तसंवच्छरे जुगसंवच्छरे पमाणसंवच्छरे लक्खणसंवच्छरे
 सणिंवरसंवच्छरे १ । जुगसंवच्छरे पंचविहे पन्नत्ते तंजहा-चंदे चंदे अभिव-
 ड्ढिते चंदे अभिवड्ढिते चेव । पमाणसंवच्छरे पंचविहे पन्नत्ते तंजहा-
 नक्खत्ते चंदे ऊऊ आदिच्चे अभिवड्ढिते ३ । लक्खणसंवच्छरे पंचविहे
 पन्नत्ते तंजहा-समगं नक्खत्ता जोगं जोयंति समगं उडू परिणमंति ।
 णच्चुराहं णातिसीतो बहूदतो होति नक्खत्ते ॥१॥ ससिसगलपुराणमासी
 जोतेती विसमचारणक्खत्ते । कडुतो बहूदतो (या) तमाहु संवच्छरं चंदं
 ॥२॥ विममं पवालिणो परिणमन्ति अणुदुसु देंति पुष्पफलं । वासं ण
 सम्मं वासति तमाहु संवच्छरं कम्मं ॥३॥ पुढविदगाणं तु रसं पुष्पफलाणं
 तु देइ आदिच्चो । अप्पेणवि वासेणं सम्मं निप्फज्जे सस्सं (सासं) ॥४॥
 आदिच्चतेयतविता खणलवदिवसा ऊऊ परिणमंति । प्परिंति रेणुथलताइं
 (पुरेइ य थलयाइं) तमाहु अभिवड्ढितं जाण ॥५॥ ॥सू० ४६०॥ पंचविधे

जीवेस्स णिज्जाणमग्गे पन्नत्ते तंजहा—पातेहिं ऊरुहिं उरेणं सिरेणं सव्वंगेहिं,
 पाएहिं णिज्जाणमाणे निरयंगामी भवति, ऊरुहिं णिज्जाण(य)माणे तिरियगामी
 भवति, उरेणं निज्जायमाणे मणुयगामी भवति, सिरेणं णिज्जायमाणे देवगामी
 भवति, सव्वंगेहिं (सव्वेहिं) निज्जायमाणे सिद्धिगतिपज्जवमाणे पराणत्ते
 ॥ सू० ४६१ ॥ पंचविहे छेयणे पन्नत्ते, तंजहा—उप्पायछेयणे वियच्छेयणे
 बंधच्छेयणे पएस(पंथ)च्छेयणे दोधारच्छेयणे १। पंचविधे अणान्तरिए पन्नत्ते
 तंजहा—उप्पातयणान्तरिते वितणान्तरिते पतेसाणान्तरिते समताणान्तरिए सामराणा-
 णान्तरिते २। पंचविधे अणान्ते पन्नत्ते तंजहा—णामणान्तते ठवणाणान्तते दव्वा-
 णान्तते गणणाणान्तते पदेसाणान्तते, अहवा पंचविहे अणान्तते पन्नत्ते तंजहा—
 एगंतोअणान्तते दुहतोणान्तए देसवित्थाराणान्तए सव्ववित्थाराणान्तते सासया-
 णान्तते ॥ सू० ४६२ ॥ पंचविहे णाणे पन्नत्ते तंजहा—आभिणिबोहियणाणे
 सुयनाणे ओहिणाणे मणपज्जवणाणे केवलणाणे ॥ सू० ४६३ ॥ पंचविहे-
 णाणावरणिज्जे कम्मे पन्नत्ते तंजहा—आभिणिबोहियणाणावरणिज्जे जाव
 केवलनाणावरणिज्जे ॥ सू० ४६४ ॥ पंचविहे सज्भाए पन्नत्ते तंजहा—
 वायणा पुच्छणा परियट्ठणा अणुप्पेहा धम्मकहा ॥ सू० ४६५ ॥ पंच-
 विहे पच्चक्खाणे पन्नत्ते तंजहा—सद्दहणसुद्धे विणयसुद्धे अणुभासणासुद्धे
 अणुपालणासुद्धे भावसुद्धे ॥ सू० ४६६ ॥ पंचविहे पडिकमणे पन्नत्ते
 तंजहा—आसवदारपडिकमणे मिच्छत्तपडिकमणे कसायपडिकमणे जोग-
 पडिकमणे भावपडिकमणे ॥ सू० ४६७ ॥ पंचहिं ठाणेहिं सुत्तं वाएज्जा,
 तंजहा—संगहट्ठयाते उवग्गहणट्ठयाते णिज्जरणट्ठयाते सुत्ते वा मे पज्जवयाते
 भविस्सति सुत्तस्म वा अवोच्छित्तिणयट्ठयाते १ । पंचहिं ठाणेहिं सुत्तं
 सिक्खिज्जा, तंजहा—णाणट्ठयाते दंसणट्ठयाते चरित्तट्ठयाते बुग्गहविमोतण-
 ट्ठयाते अहत्ये वा भावे जाणिस्सामीतिकट्ठ ॥ सू० ४६८ ॥ सोहम्मी-
 साणेसु णं कप्पेसु विमाणा पंचवराणा पन्नत्ता, तंजहा—किराहा जाव सुक्खिहा

१ । सोहम्मीसाणेसु गां कप्पेसु विमाणा पंचजोयणासयाइं उद्धं उच्चत्तेणं पन्नत्ता २ । वंभलोगलंतत्तेसु गां कप्पेसु देवाणं भवधारणिज्जसरीरगा उक्को-
 सेणं पंचरयणी उद्धं उच्चत्तेणं पन्नत्ता ३ । नेरइया गां पंचवन्ने पंचरसे
 पोग्गले वंधेसु वा वंधंति वा, वंधिस्संति वा, तंजहा-किरहे जाव सुक्कित्ते,
 तित्ते जाव मधुरे, एवं जाव वेमाणिता २४, ४ ॥ सू० ४६१ ॥ जंबुदीवं
 (२) मंदरस्स पव्वयस्स दाहिणेणं गंगा महानदी पंच महानदीओ समप्पेति,
 तंजहा-जउणा सरऊ आदी कोसी मही १ । जंबूमंदरस्स दाहिणेणं
 सिंधुमहाणादी पंच महानदीओ समप्पेति, तंजहा-सतद्दू विभासा वितत्था
 एरावती चंदभागा २ । जंबूमंदरस्स उत्तरेणं रत्तामहानई पंच महानईओ
 समप्पेति, तंजहा-किरहा महाकिरहा नीला महानीला महातीरा ३ ।
 जंबूमंदरस्स उत्तरेणं रत्तावतीमहानई पंच महानईओ समप्पेति, तंजहा-इंदा
 इंदसेणा सुसेणा वारिसेणा महाभोया ४ ॥ सू० ४७० ॥ पंच तित्थगरा
 कुमारवासमज्झावसित्ता (मज्जेवसित्ता) मुंडा जाव पव्वेतिता, तंजहा-
 वासुपुज्जे मल्ली अरिट्ठेनी पासे वीरे ॥ सू० ४७१ ॥ चमरचंचाए राय-
 हाणीए पंच सभा पन्नत्ता तंजहा-सभा सुधम्मा उववातसभा अभिसेयसभा
 अलंकारितसभा ववसातसभा १ । एगमेगे गां इंदट्ठाणे गां पंच सभाओ
 पन्नत्ताओ, तंजहा-सभा सुधम्मा जाव ववसातसभा ॥ सू० ४७२ ॥
 पंच गावखत्ता पंचतारा पन्नत्ता तंजहा-धणिंटा रोहिणी पुणव्वसू हत्थो
 विसाहा ॥ सू० ४७३ ॥ जीवाणं पंचट्ठाणणिव्वित्तिते पोग्गले पावकम्म-
 चांते चिणिंसु वा चिणंति वा चिणिस्संति वा, तंजहा-एगिंदितनिव्वत्तिते जाव
 पंचिंदितनिव्वत्तिते १ । एवं-‘चिण उवचिण वंध उदीर वेद तह शिज्जरा चेव’
 २ । पंचपत्तेसिता खंधा अणांता पराणत्ता, पंचपत्तेसोगाढा पोग्गला अणांता
 पराणत्ता जाव पंचगुणलुक्खा पोग्गला अणांता पराणत्ता ३ ॥ सू० ४७४ ॥

पंचमट्ठाणस्स तईओ उद्देसो । पंचमज्झयणं समत्तं ॥

इति पञ्चमस्थानकस्य तृतीयोद्देशकः ॥ ५-३ ॥ इति पञ्चममध्ययनम् ॥ ५ ॥

॥ अथ षष्ठस्थानकार्ख्यं षष्ठमध्ययनम् ॥

छहिं ठाणोहि संपन्ने अण्णगारे अरिहति गणं धारित्ते, तंजहा-
सङ्घी पुरिसजाते, सच्चे पुरिसजाते, मेहावी पुरिसजाते, बहुस्सुते
पुरिसजाते, सत्तिमं, अप्पाधिकरणे ॥ सू० ४७५ ॥ छहिं ठाणोहिं निग्गंथे
निग्गंथिं गिरहमाणे वा अवलंबमाणे वा नाइक्कमइ, तंजहा-खित्तचित्तं
दित्तचित्तं जक्खातिट्ठं उम्मातपत्तं उवसग्गपत्तं साहिकरणं ॥ सू० ४७६ ॥
छहिं ठाणोहिं निग्गंथा निग्गंथीओ य साहम्मितं कालगतं समायरमाणा
णाइक्कमंति, तंजहा-अंतोहितो वा बाहिं णीणेमाणा, बाहीहितो वा
निव्वाहिं णीणेमाणा, उवेहमाणा वा, उवासमाणा वा (भयमाणा वा,
उवसामेमाणा वा) अणुन्नवेमाणा वा, लुसिणीते वा संपव्वयमाणा ॥ सू०
४७७ ॥ छ ठाणाइं छउमत्थे सव्वभावेणं ण जाणति ण पासति, तंजहा-
धम्मत्थिकायमधम्मत्थिकातं आयासं जीवमसरीरपडिबद्धं परमाणुपोग्गलं
सहं १। एताणि चेव उप्पन्ननाणदंसणधरे अरहा जिणे जाव सव्वभावेणं
जाणति पासति, तंजहा-धम्मत्थिकातं जाव सहं २ ॥ सू० ४७८ ॥ छहिं
ठाणोहिं सव्वजीवाणं णत्थि इट्ठीति वा जुत्तीति वा, जसेइ वा बलेति वा
वीरिएइ वा पुरिसक्कारपरक्कमेति वा, तंजहा-जीवं वा अजीवं करणताते,
अजीवं वा जीवं करणताते, एगसमएणं वा दो भासातो भासित्तते, सयं
कडं वा कम्मं वेदेमि वा मा वा वेएमि, परमाणुपोग्गलं वा छिंदित्तए वा
भिंदित्तए वा अगणिकातेण वा समोदहित्तते, बहिता वा लोगंता गमणताते
॥ सू० ४७९ ॥ छजीवनिकाया पन्नत्ता, तंजहा-पुढविकाइया जाव तस-
काइया ॥ सू० ४८० ॥ छ तारग्गहा पन्नत्ता तंजहा-सुक्के बुहे बहस्सति
अंगारते सनिच्चरे केतू ॥ सू० ४८१ ॥ छव्विहा संसारसमावन्नगा जीवा
पन्नत्ता. तंजहा-पुढविकाइया जाव तसकाइया १। पुढविकाइया छगइया
छआगतिता पन्नत्ता, तंजहा-पुढविकातिते पुढविकाइएसु उववज्जमाणे पुढवि-

काइएहितो वा जाव तसकाइएहितो वा उववज्जेजा, मो चेंव गां से पुढ-
विकातिते, पुढविकातितत्तं विप्पजहमारो पुढविकातितत्ताते वा जाव तस-
कातितत्ताते वा गच्छेजा, आउकातिथावि छगतिता छयागतिता, एवं चेंव
जाव तसकातिता ॥ सू० ४=२ ॥ छव्विहा सव्वजीवा पन्नत्ता, तंजहा-
आभिणिवोहियणाणी जाव केवलणाणी अन्नाणी, अहवा छव्विधा सव्व-
जीवा पन्नत्ता तंजहा-एगिंदिया जाव पंचिंदिया अणिंदिया, अहवा छव्विहा
सव्वजीवा पन्नत्ता तंजहा-ओरालियसरीरी वेउव्वियसरीरी आहारग-
सरीरी तेअगसरीरी कम्मगसरीरी असरीरी ॥ सू० ४=३ ॥ छव्विहा
तणवणस्सतिकातिता पन्नत्ता तंजहा-अग्गवीया मूलवीया पोरवीया खंधवीया
वीयरुहा संमुच्छिमा ॥ सू० ४=४ ॥ छट्ठाणां सव्वजीवाणां गो सुलभां
भवन्ति, तंजहा-माणुस्सए भवे, आयरिए (आरिये) खित्ते जम्मं, सुकुरे पच्चा-
याती, केवलिपन्नत्तस्स धम्मस्स सवणता, सुयस्स वा सदहणता, सदहितस्स
वा पत्तितस्स वा रोइतस्स वा सम्मं काएणां फासणया ॥ सू० ४=५ ॥ छ
इंदियत्था पन्नत्ता, तंजहा-सोइंदियत्थे जाव फासिंदियत्थे नोइंदेयत्थे ॥ सू०
४=६ ॥ छव्विहे संवरे पन्नत्ते तंजहा-सोतिंदियसंवरे जाव फासिंदियसंवरे
णोइंदितसंवरे, छव्विहे असंवरे पन्नत्ते, तंजहा-सोइंदियअसंवरे जाव फासि-
दितअसंवरे णोइंदितअसंवरे ॥ सू० ४=७ ॥ छव्विहं साते पन्नत्ते, तंजहा-
सोइंदियासाते जाव नोइंदियसाते, छव्विहे असाते पन्नत्ते, तंजहा-
सोतिंदितअसाते जाव नोइंदितअसाते ॥ सू० ४=८ ॥ छव्विहे
पायच्छित्ते पन्नत्ते, तंजहा-आलोयणारिहे पडिवकमणारिहे तदुभयारिहे
विवेगारिहे विउस्सगारिहे तवारिहे ॥ सू० ४=९ ॥ छव्विहा
माणुस्सगा पन्नत्ता, तंजहा-जंबूदीवगा, धायइसंडदीवपुरच्छिमद्धगा, धात-
तिसंडदीवपच्चत्थिमद्धगा, पुक्खरवरदीवडुपुरत्थिमद्धगा, पुक्खरवरदीवडु-
पच्चत्थिमद्धगा, अंतरदीवगा, अहवा छव्विहा माणुस्सा पन्नत्ता, तंजहा-

संमुच्छिममणुस्सा० ३-कम्मभूमगा १ अकम्मभूमगा २ अंतरदीवगा ३, गन्ध-
वक्कंतिअमणुस्सा० ३-कम्मभूमिगा १ अकम्मभूमिगा २ अंतरदीवगा ३
॥ सू० ४१० ॥ छविहा इट्ठीमंता मणुस्सा पन्नत्ता, तंजहा-अरहंता चक-
वट्ठी बलदेवा वासुदेवा चारणा विज्जाहरा । छविहा अणिट्ठीमंता मणुस्सा
पन्नत्ता, तंजहा-हेमवंतगा हेरन्नवंतगा हरिवंसगा रम्मगवंसगा कुरुवासिणो
अंतरदीवगा ॥ सू० ४११ ॥ छविहा ओसप्पिणी पन्नत्ता तंजहा-सुसम-
सुसमा जाव दूसमदूसमा १ । छविहा ओसप्पिणी पन्नत्ता तंजहा-दुस्स-
मदुस्समा जाव सुसमसुसमा २ ॥ सू० ४१२ ॥ जंबुदीवे (२) भरहेरवएसु
वासेसु तीताए उस्सप्पिणीते सुसमसुसमाते समाए मणुया छच्च धणुसहस्साइं
उड्डमुच्चत्तेणं हुत्था, छच्च अद्रपलित्थोवमाइं परमाउं पालयित्था १ । जंबुदीवे
(२) भरहेरवतेसु वासेसु इमीसे ओसप्पिणीते सुसमसुसमाते समाए एवं
चेव २ । जंबुदीवे (२) भरहेरवते आगमेस्साते उस्सप्पिणीते सुसमसुसमाते
समाए एवं चेव जाव छच्च अद्रपलित्थोवमाइं परमाउं पालतिस्संति ३ । जंबु-
दीवे (२) देवकुरुउत्तरकुरासु मणुया छच्च धणुसहस्साइं उड्डमुच्चत्तेणं पन्नत्ता, छच्च
अद्रपलित्थोवमाइं परमाउं पालेति ४ । एवं धायइसंडदीवपुरच्छिमद्धे चत्तारि
आलावगा जाव पुक्खरवरदीवड्डपच्चच्छिमद्धे चत्तारि आलावगा ५ ॥
सू० ४१३ ॥ छविहे संघयणे पन्नत्ते तंजहा-वतिरोसभणारातसंघयणे उस्स-
भणारायसंघयणे नारायसंघयणे अद्धन्नायसंघयणे खीलितासंघयणे छे(से)व-
ट्टसंघयणे ॥ सू० ४१४ ॥ छविहे संगणे पन्नत्ते तंजहा-समच्चउरंसे
गाग्गोहपरिमंडले साती खुज्जे वामणे हुँडे ॥ सू० ४१५ ॥ छट्ठाणा अण-
त्तवओ अहिताते असुभाते अस्समाते अनीसे(य)साए अणुगामियत्ताते
भवन्ति, तंजहा-परिताते परिताले सुते तवे लाभे पूतासकारे १ । छट्ठाणा
अत्तवता हिताते जाव अणुगामियत्ताते भवन्ति, तंजहा-परिताते परिताले
जाव पूतासकारे २ ॥ सू० ४१६ ॥ छविहा जाइआरिया मणुस्सा पन्नत्ता,

तंजहा—अंबट्टा य कलंदा य, वेदेहा वेदिगातिता । हरिता चुंचुणा चेव,
 छप्पेता इव्वजातियो ॥ १ ॥ छव्विधा कुलारिता मणुस्सा पन्नत्ता, तंजहा—
 उग्गा भोगा राइन्ना इक्खागा णाता कोरव्वा ॥ सू० ४१७ ॥ छव्विधा
 लोगट्टिती पन्नत्ता तंजहा—आगासपतिट्टिते वाए वायपतिट्टिए उदही उदधि-
 पतिट्टिता पुढ्वी पुढविपइट्टिया तसा थावरा पाणा अजीवा जीवपइट्टिया
 जीवा कम्मपतिट्टिया ॥ सू० ४१८ ॥ छहिसाथो पन्नत्ताथो तंजहा—पातीणा
 पडीणा दाहिणा उतीणा उट्टा अथा १। छहिं दिसाहि जीवाणं गती पव-
 त्ति, तंजहा—पाणाते जाव अथाते २ एवमागई ३ वक्कंती ४ आहारे ५
 बुद्धी ६ निबुद्धी ७ विगुव्वणा ८ गतिपरिताते ९ समुग्घाते १० काल-
 संजोगे ११ दंसणाभिगमे १२ णाणाभिगमे १३ जीवाभिगमे १४ अजीवा-
 भिगमे १५, एवं पंचिंदियतिरिक्खजोगियाणवि मणुरसाणवि १६ ॥ सू०
 ४१९ ॥ छहिं ठाणेहिं समणे निग्गंथे आहारमाहारमाणे णातिकमति,
 तंजहा—वेयणवेयावच्चे ईरियट्टाए य संजमट्टाए । तह पाणवत्तियाए छट्ठं
 पुण धम्मचिंताए ॥ १ ॥ छहिं ठाणेहिं समणे निग्गंथे आहारं वोच्चिद-
 माणे णातिकमति, तंजहा—आतंके उवसग्गे तित्तिक्खणे वंभचेरगुत्तीते ।
 पाणिदयातवहेउं सरीरवुच्छेयणट्टाए ॥ १ ॥ सू० ५०० ॥ छहिं ठाणेहिं
 आया उम्मायं(उम्मायपमायं) पाउणेज्जा, तंजहा—अरहंताणमवराणं वदमाणे,
 अरहंतपन्नत्तस्स धम्मस्स अवन्नं वदमाणे, आयरियउवज्ज्जायाणमवन्नं वद-
 माणे, चाउव्वन्नस्स संघस्स अवन्नं वदमाणे, जक्खावेसेण चेव, मोहणिज्जस्स
 चेव कम्मस्स उदण्णं ॥ सू० ५०१ ॥ छव्विहे पमाते पन्नत्ते, तंजहा—मज्ज-
 पमाए णिदपमाते विसयपमाते कसायपमाते जूतपमाते पडिलेहणापमाए
 ॥ सू० ५०२ ॥ छव्विधा पमायपडिलेहणा पन्नत्ता, तंजहा—आरभडा
 संमहा वज्जेयव्वा य मोसली ततिता (अट्टाणव्वणाय) । पफोडणा चउत्थी
 वक्खित्ता वेतिया छट्ठी ॥ १ ॥ छव्विहा अप्पमायपडिलेहणा पन्नत्ता तंजहा—

अण्चावितं अवलितं अण्णुबन्धिं अमोसलिं चैव । छप्पुरिमा नव खोडा
पाणी पाणविसोहणी ॥ २ ॥ सू० ५०३ ॥ छ लेसाओ पन्नत्ताओ,
तंजहा-करहलेसा जाव सुक्कलेसा १। पंचिंदियतिरिक्खजोगियाणं छ
लेसाओ पन्नत्ताओ, तंजहा-करहलेसा जाव सुक्कलेसा, एवं मणुस्सदेवाणवि
२ ॥ सू० ५०४ ॥ सक्कस्स णं देविंदस्स देवरन्नो सोमस्स महारन्नो छ
अग्गमहिंसीतो पन्नत्ताओ, सक्कस्स णं देविंदस्स देवरण्णो जमस्स महारन्नो
छ अग्गमहिंसीओ पन्नत्ताओ ॥ सू० ५०५ ॥ ईसाणस्स णं देविंदस्स
मज्झिमपरिसाए देवाणं छ पलिओवमाइं ठितीं पन्नत्ता ॥ सू० ५०६ ॥
छ दिसिक्कुमारिमहतत्तितातो पन्नत्ताओ, तंजहा-रूता रूतंसा सुरूवा
रूपवती रूपकंता रूतप्पभा १। छ विज्जुक्कुमारिमहत्तत्तितातो पन्नत्ताओ, तंजहा-
आला सक्का (अला मक्का) सत्तेरा सोतामणी इंदा घणविज्जुया २
॥ सू० ५०७ ॥ धरणस्स णं नागकुमारिंदस्स नागकुमाररन्नो छ
अग्गमहिंसीओ पन्नत्ताओ तंजहा-आला सक्का सत्तेरा सोतामणी इंदा
घणविज्जुया १। भूताणंदस्स णं नागकुमारिंदस्स नागकुमाररन्नो छ
अग्गमहिंसीओ, पन्नत्ताओ, तंजहा-रूवा रूवंसा सुरूवा रूपवती रूवकंता
रूवप्पभा २। जथा धरणस्स तथा सव्वेसिं दाहिणिल्लाणं जाव घोसस्स ३।
जथा भूताणंदस्स तथा सव्वेसिं उत्तरिल्लाणं जाव महाघोसस्स ४।
॥ सू० ५०८ ॥ धरणस्स णं नागकुमारिंदस्स नागकुमाररन्नो छस्सा-
माणियसाहस्सीओ पराणत्तातो, एवं भूताणंदस्सवि जाव महाघोसस्स ॥ सू०
५०९ ॥ छव्विहा उग्गहमती पन्नत्ता, तंजहा-खिप्पमोगिरहति बहुमोगिरहति
बहुविधमोगिरहति धुवमोगिरहति अणिसियमोगिरहइ असंदिद्धमोगिरहइ
१। छव्विहा ईहामती पन्नत्ता, तंजहा-खिप्पमीहति बहुमीहति जाव असंदिद्ध-
मीहति २। छव्विधा अवायमती पन्नत्ता, तंजहा-खिप्पमवेति जाव असंदिद्धं
अवेति ३। छव्विधा धारणा पन्नत्ता, तंजहा-बहुं धारेइ बहुविहं धारेइ पोराणं

धारेति दुद्धरं धारेति अणस्सितं धारेति असंदिद्धं धारेति ४ ॥ सू० ५१० ॥
 छविहे बाहिरते तवे पन्नत्ते तंजहा-अणसणं ओमोदरिया भिक्खातरिता
 रसपरिच्चाते कायकिलेसो पडिसंलीनता १। छविधे अब्भंतरिते तवे
 पन्नत्ते, तंजहा-पायच्छित्तं विणायो वेयावच्चं तहेव सज्जायो भाणं
 विउस्सग्गो २। ॥ सू० ५११ ॥ छविहे विवादे पन्नत्ते, तंजहा-
 ओसकत्तित्ता उस्सकइत्ता (ओसल्लवइत्ता उस्सकावइत्ता) अणुलोमइत्ता
 पडिलोमत्तित्ता भइत्ता भेलत्तित्ता (भेयइत्ता) ॥ सू० ५१२ ॥
 छविहा खुड्डा पाणा पन्नत्ता, तंजहा-वेदिता तेइदित्ता चउरिंदित्ता
 संमुच्छिम्पंचिदित्तिरिक्खजोगिता तेउकत्तित्ता वाउकत्तित्ता ॥ सू० ५१३ ॥
 छविधा गोयरचरिता पन्नत्ता, तंजहा-पेडा अद्धपेडा गोमुत्तित्ता
 पंतंगविहित्ता संवुक्कवट्टा गंतुंपच्चागता ॥ सू० ५१४ ॥ जंबुदीवे (२)
 मंदरस्स पव्वयस्स य दाहिणोणमिमीसे रतणप्पभाते पुट्ठीए छ अवक्कं(कं)
 तमहानिरता पन्नत्ता, तंजहा-लोले लोलुए उदड्ढे निदड्ढे जरते पज्जरते १।
 चउत्थीए णं पंकप्पभाए पुट्ठीते छ अवक्कंता महानिरता पन्नत्ता, तंजहा-
 आरे वारे मारे रोरे रोस्ते खाडखडे २ ॥ सू० ५१५ ॥ वंभलोगे णं
 कप्पे छ विमाणपत्थडा पन्नत्ता, तंजहा-अरते विरते णीरते निम्मले
 वित्तिमिरे विसुद्धे ॥ सू० ५१६ ॥ चंदस्स णं जोतिसिंदस्स जोतिसरन्नो
 छ णक्खत्ता पुव्वंभागा समखेत्ता तीसतिमुहुत्ता पन्नत्ता, तंजहा-पुव्वा-
 भइवया कत्तित्ता महा पुव्वाफग्गुणी मूलो पुव्वासाढा १। चंदस्स णं
 जोतिसिंदस्स जोतिसरणो छ णक्खत्ता णत्तंभागा अवड्ढक्खेत्ता पन्नर-
 समुहुत्ता पन्नत्ता, तंजहा-सयमिसता भरणी अहा अस्सेसा साती जेट्ठा २।
 चंदस्स णं जोइसिंदस्स जोतिसरन्नो छ नक्खत्ता उभयंभागा दिवड्ढेत्ता
 पणयालीसमुहुत्ता पन्नत्ता, तंजहा-रोहिणी पूणव्वसू उत्तराफग्गुणी विसाहा
 उत्तरासाढा उत्तराभइवया ३ ॥ सू० ५१७ ॥ अभिचंदे णं कुलकरे छ

धणुसयाइं उड्डं उच्चतेणं हुत्था ॥ सू० ५१८ ॥ भरहे णं राया चाउरंत-
चकवट्टी छ पुव्वसतसहस्साइं महाराया हुत्था ॥ सू० ५१९ ॥ पासस्स
णं अरहत्थो पुरिसादाणियस्स छ सता वादीणं सदेवमणुयासुराते
परिसाते अपराजियाणं जाव संपया होत्था । वासुपुज्जे णं अरहा छहिं
पुरिससतेहिं सद्धि मुंडे जाव पव्वइते । चंदप्पमे णं अरहा छम्मासे
छउमत्थे हुत्था ॥ सू० ५२० ॥ तेतिंदियाणं जीवाणं असमारभमाणस्स
छव्विहे संजमे कज्जति, तंजहा-घाणामातो सोक्खातो अवरोवेत्ता भवति
घाणामएणं दुक्खेणं असंजोएत्ता भवति, जिब्भामातो सोक्खातो अवरोवेत्ता
भवइ, जिब्भामएणं दुक्खेणं असंजोगेत्ता भवति, एवं चेव फासामातोऽवि
१ । तेइंदियाणं जीवाणं समारभमाणस्स छव्विहे असंजमे कज्जति, तंजहा-
घाणामातो सोक्खातो ववरोवेत्ता भवति, घाणामएणं दुक्खेणं संजोगेत्ता
भवति, जाव फासमतेणं दुक्खेणं संजोगेता भवति ॥ सू० ५२१ ॥
जंबुद्दीवे (२) छ अकम्मभूमीत्थो पन्नतात्थो, तंजहा-हेमवते हेरगणवते हरि-
वस्से रम्मगवासे देवकुरा उत्तरकुरा १ । जंबुद्दीवे (२) छव्वासा पन्नत्ता,
तंजहा-भरहे एरवते हेमवते हेरन्नवए हरिवासे रम्मगवासे २ । जंबुद्दीवे
(२) छ वासहरपव्वता पन्नत्ता, तंजहा-चुल्लहिमवंते महाहिमवंते निसडे नील-
वंते रूपि सिहरी ३ । जंबूमंदरदाहिणे णं छ कूडा पन्नत्ता, तंजहा-चुल्लहि-
मवंतकूडे वेसमाणकूडे महाहिमवंतकूडे वेरुलितकूडे निसदकूडे स्यगकूडे ४ ।
जंबूमंदरउत्तरे णं छ कूडा पन्नत्ता, तंजहा-नेलवंतकूडे उवदंसणकूडे रूपिकूडे
मणिकंचणकूडे सिहरिकूडे तिगिच्छकूडे ५ । जंबुद्दीवे (२) छ महइहा पन्नत्ता,
तंजहा-पउमदहे महापउमदहे तिगिच्छदहे केसरिदहे महापोंडरीयदहे पुंडरी-
यदहे ६ । तत्थ णं छ देवयात्थो महड्डियात्थो जाव पलिआवमट्ठितीतातो
परिवसंति, तंजहा-सिरि हिरि धिति कित्ति बुद्धि लच्छी ७ । जंबूमंदर-
दाहिणे णं छ महानईत्थो पन्नत्तात्थो, तंजहा-गंगा सिंधू रोहिया रोहितंसा

हरी हरिकंता ८ । जंबूमंदरउत्तरे गां छ महानतीतो पन्नत्ताओ, तंजहा-
 नरकंता नारिकंता सुवन्नकूला रुपकूला रत्ता रत्तावती ९ । जंबूमंदरपुर-
 च्छिमे गां सीताते महानदीते उभयकूले छ अंतरनईओ पन्नत्ताओ, तंजहा-
 गाहावती दहावती पंकवती तत्तजला मत्तजला उम्मत्तजला १० । जंबूमंदरपच-
 थिमे गां सीतोदाते महानतीते उभयकूले छ अंतरनदीओ पन्नत्ताओ, तंजहा-
 खीरोदा सीहसोता अंतोवाहिणी उम्मिमालिणी फेणमालिणी गंभीरमालिणी
 ११ । धायइसंडदीवपुरच्छिमद्धेगां छ अकम्मभूमीओ पन्नत्ताओ, तंजहा-हेम-
 वण, एवं जहा जंबुहीवे (२) तहा नदी जांव अंतरणादीतो २२ जाव पुवख-
 रवरदीवद्धपच्चत्थिमद्धे भाणितव्वं ५५ ॥ सू० ५२२ ॥ छ उद्द पन्नत्ता,
 तंजहा-पाउसे वरिसारत्ते सरण हेमंते वसंते गिम्हे ॥ सू० ५२३ ॥ छ
 ओमरत्ता पन्नत्ता, तंजहा-ततिते पव्वे सत्तमे पव्वे एकारसमे पव्वे पन्नरसमे
 पव्वे एगूणावीसइमे पव्वे तेयीसइमे पव्वे १ । छ अइरत्ता पन्नत्ता, तंजहा-
 चउत्थे पव्वे अट्टमे पव्वे दुवालसमे पव्वे सौलसमे पव्वे वीसइमे पव्वे चउवी-
 सइमे पव्वे २ ॥ सू० ५२४ ॥ आभिणिबोहियणाणस्स गां छव्विहे
 अत्थोग्गहे पन्नत्ते, तंजहा-सोइंदियत्थोग्गहे जाव नोइंदियत्थोग्गहे ॥ सू०
 ५२५ ॥ छव्विहे ओहिणाणे पन्नत्ते, तंजहा-आणुगामिए अणाणुगामिते
 वड्डमाणते हीयमाणते पडिवाती अपडिवाती ॥ सू० ५२६ ॥ नो कप्पइ
 निग्गंथाण वा २ इमां छ अवताणां वदित्ते, तंजहा-अलियवयणे हीलि-
 अवयणे खिसितवयणे फरुसवयणे गारत्थियवयणे विउसवितं वा पुणो
 उदीरित्ते ॥ सू० ५२७ ॥ छ कप्पस्स पत्थारा पन्नत्ता, तंजहा-पाणाति-
 वायस्स वायं वयमाणे, सुसावायस्स वादं वयमाणे, अदिन्नादाणस्स वादं
 वयमाणे, अविरतिवायं वयमाणे, अपुरिसवातं वयमाणे, दासवायं वयमाणे,
 इच्चेते छ कप्पस्स पत्थारे पत्थरेत्ता सम्ममपरिपूरेमाणो तट्ठाणपत्ते ॥ सू० ५२८ ॥
 छ कप्पस्स पलिमंथू, (परिमंथा) पन्नत्ता, तंजहा-कोकृतिते संजमस्स पलिमंथू,

मोहरिते सच्चयणस्स पलिमंथू, चक्खुलोलुते ईरितावहिताते पलिमंथू,
 तित्तिणिते एसणांगोतरस्स पलिमंथू, इच्छालोभिने मोत्तिमग्गस्स
 पलिमंथू, भिज्जाणिताणकरणे मोक्खमग्गस्स पलिमंथू, सब्बत्थ
 भगवता अणिताणता पसत्था ॥ सू० ५२६ ॥ छव्विहा कप्पठिती
 पन्नत्ता, तंजहा-सामातितकप्पठिती छेतोवट्ठावणितकप्पठिती निव्विस-
 माणकप्पठिती णिव्विट्ठकप्पठिती जिणकप्पठिती थिविर(थेर)कप्पठिती
 ॥ सू० ५३० ॥ समणे भगवं महावीरे छट्ठेणं भत्तेणं अपाणएणं
 मुंडे जाव पव्वइए । समणस्स णं भगवओ महावीरस्स छट्ठेणं भत्तेणं
 अपाणएणं अणत्ते, अणुत्तरे जाव समुप्पन्ने । समणे भगवं महावीरे छट्ठेणं
 भत्तेणं अपाणएणं सिद्धे जाव सब्बदुक्खप्पहीणे ॥ सू० ५३१ ॥
 सणंकुमारमाहिंदेसु णं कप्पेसु विमाणा छ जोयणसयाइं उट्ठं उच्चत्तेणं
 पन्नत्ता, सणंकुमारमाहिंदेसु णं कप्पेसु देवाणं भवधारणिज्जगा सरीरगा
 उक्कोसेणं छ रतणीओ उट्ठं उच्चत्तेणं पन्नत्ता ॥ सू० ५३२ ॥
 छव्विहे भोयणपरिणामे पन्नत्ते, तंजहा-मणुन्ने रसिते पीणणिज्जे
 विहणिज्जे दीवणिज्जे(मयणणिज्जे) इप्पणिज्जे । छव्विहे विसंपरिणामे
 पन्नत्ते, तंजहा-डक्के भुत्ते निवत्तिते मंसाणुसारी सोणिताणुसारी
 अट्ठिमिंजाणुसारी ॥ सू० ५३३ ॥ छव्विहे पट्ठे (अट्ठे) पन्नत्ते,
 तंजहा-संसयपट्ठे बुग्गहपट्ठे अणुजोगी अणुलोमे तहणाणे अतहणाणे
 ॥ सू० ५३४ ॥ चमरचंचा णं रायहाणी उक्कोसेणं छम्मासा विरहिते
 उववातेणं १ । एगमेगे णं इंदट्ठाणे उक्कोसेणं छम्मासा विरहिते उववातेणं
 २ । अधेसत्तमा णं पुढवी उक्कोसेणं छम्मासा विरहिता उववातेणं ३ ।
 सिद्धिगती णं उक्कोसेणं छम्मासा विरहिता उववातेणं ४ ॥ सू० ५३५ ॥
 छव्विधे आउयवंधे पन्नत्ते, तंजहा-जातिणामनिधत्ताउते गतिणामणिधत्ताउए
 ठितिनामनिधत्ताउते ओगाहणाणामनिधत्ताउते पएसणामनिधत्ताउए अणु-

भावणामनिहत्ताउते १। नेरतियाणं छव्विहे आउयधंधे पन्नत्ते, तंजहा—
जातिणामनिहत्ताउते जाव अणुभावनामणिहत्ताउए एवं जाव वेमाणियाणं
२। नेरइया णियमा छम्मासावसेसाउता परभवियाउयं पगरेंति, एवामेव
असुरकुमारावि जाव अणियकुमारा, असंखेज्जवासाउता सन्निपंचिदियतिरि-
क्खजोणिया णियमं छम्मासावसेसाउया परभवियाउयं पगरेंति, असंखेज्ज-
वासाउया सन्निमणुस्सा नियमं जाव पगरिति, वाणमंतरा जोतिसवासिता
वेमाणिता जहा गोरतिता ३ ॥ सू० ५३६ ॥ छव्विधे भावे पन्नत्ते, तंजहा—
ओजतिते उवसमिते स्वतिते स्वतोवसमिते पारिणामिते सन्निवाइए
॥ सू० ५३७ ॥ छव्विहे पडिकमणे पन्नत्ते, तंजहा—उच्चारपडिकमणे पास-
वणपडिकमणे इत्तरिते आवकहिते जंकिंचिमिच्छा सोमणांतिने ॥ सू०
५३८ ॥ कत्तिताणवस्वत्ते छतारे पराणत्ते, असिलेसाणवस्वत्ते छतारे पन्नत्ते
॥ सू० ५३९ ॥ जीवाणं छट्ठाणं निव्वत्तिते पोग्गले प्रावकम्मत्ताते चिणिंसु
वा ३, तंजहा—पुढविकाइयनिवत्तिते जाव तसकायसिंवत्तिते, एवं णिणा
उवचिण बंधउदीरवेय तह निजरा चैव ४। छप्पत्तेसिया णं स्वंधा अणंता
पराणत्ता, छप्पत्तेसोआदा पोग्गला अणंता पराणत्ता, छप्पत्तेसिद्वितीता पोग्गला
अणंता, छप्पत्तेसिअलगा पोग्गला जाव छप्पत्तेसिलुवखा पोग्गला अणंता
पराणत्ता ॥ सू० ५४० ॥ छट्ठाणं छट्ठमज्झयणं समत्तं ॥

॥ इति षट्स्थानकारुयं षष्ठमध्ययनम् ॥ ६ ॥

॥ अथ सप्तस्थानकारुयं सप्तममध्ययनम् ॥

सत्तविहे गणावक्रमणे पन्नत्ते, तंजहा—सव्वधम्मा रोतेमि (सव्व
धम्मं जाणामि एवं पि एगे अवक्रमे) १ एगतिता रोएमि एगइया णो
रोएमि २ सव्वधम्मा वित्तिगिच्छामि ३ एगतिया वित्तिगिच्छामि एगतिया
ओ वित्तिगिच्छामि ४ सव्वधम्मा जुहुणामि ५ एगंतिया जुहुणामि

एगतिया णो जुहुणामि ६ इच्छामि णं भंते ! एगल्लविहारपडिमं उवसंपज्जित्ता
 णं विहरित्तते ७ ॥ सू० ५४१ ॥ सत्तेविहे विभंगणाणे पन्नत्ते, तंजहा-
 एगदिसिलोगाभिगमे १ पंचदिसिलोगाभिगमे २ किरियावरणे जीवे ३
 मुदग्गे जीवे ४ अमुदग्गे जीवे ५ ख्वी जीवे ६ सव्वमिणं जीवा ७ । तत्थ
 खलु इमे पढमे विभंगणाणे-जया णं तहारूवस्स समणस्स वा माहणस्स वा
 विभंगणाणे समुप्पज्जति, से णं तेणं विभंगणाणेण समुप्पन्नेणं पासति
 पातीणं वा पडिणं वा दाहिणं वा उदीणं वा उड्डं वा जाव सोहम्मे कप्पे,
 तस्स णमेवं भवति-अत्थि णं मम अतिसेसे णाणदंसणे समुप्पन्ने
 एगदिसिं लोगाभिगमे, संतेगतिया समणा वा माहणा वा एवमाहंसु
 पंचदिसिं लोगाभिगमे, जे ते एवमाहंसु मिच्छं ते एवमाहंसु पढमे
 विभंगनाणे १। अहावरे दोच्चे विभंगनाणे, जता णं तहारूवस्स समणस्स
 वा माहणस्स वा विभंगणाणे समुप्पज्जति, से णं तेणं विभंगणाणेणं
 समुप्पन्नेणं पासति पातीणं वा पडिणं वा दाहिणं वा उदीणं वा उड्डं जाव
 सोहम्मे कप्पे, तस्स णमेवं भवति-अत्थि णं मम अतिसेसे णाणदंसणे समु-
 प्पन्ने पंचदिसिं लोगाभिगमे, संतेगतिता समणा वा माहणा वा एवमाहंसु-
 एगदिसिं लोयाभिगमे, जे ते एवमाहंसु मिच्छं ते एवमाहंसु, दोच्चे
 विभंगणाणे २। अहावरे तच्चे विभंगणाणे, जया णं तहारूवस्स समणस्स
 वा माहणस्स वा विभंगणाणे समुप्पज्जति, से णं तेणं विभंगणाणेणं
 समुप्पन्नेणं पासति पाणे अतिवातेमाणा मुसं वतेमाणे अदिन्नमादितमाणे
 मेहुणं पडिसेवमाणे परिग्गहं परिगिरहमाणे राइभोयणं भुंजमाणे वा
 पावं च णं कम्मं कीरमाणं णो पासति, तस्स णमेवं भवति-अत्थि णं
 मम अतिसेसे णाणदंसणे समुप्पन्ने किरितावरणे जीवे, संतेगतिता
 समणा वा माहणा वा एवमाहंसु-नो किरितावरणे जीवे, जे ते
 एवमाहंसु मिच्छं ते एवमाहंसु, तच्चे विभंगणाणे ३। अहावरे चउत्थे

विभंगणाणो, जया णं तथारूवस्स समणस्स वा माहणास्स वा जाव समुप्पज्जति, से णं तेणं विभंगणाणोणं समुप्पन्नेणं देवामेव पासति, बाहिरब्भंनरते पोग्गले परितादित्ता पुढेगत्तं णाणत्तं फुसिया फुरेत्ता फुट्ठित्ता (संवट्ठिय निवट्ठिय) विकुब्बित्ता णं विकुब्बित्ता णं चिट्ठित्ताए, तस्स णमेवं भवति—अत्थि णं मम अतिसेसे णाणदंसणसमुप्पन्ने, मुदग्गे जीवे, संतेगतिता समणा वा माहणा वा एवमाहंसु—अमुदग्गे जीवे जे ते एवमाहंसु मिच्छं ते एवमाहंसु, चउत्थे विभंगणाणो ४। अहावरे पंचमे विभंगणाणो ५। जया णं तथारूवस्स समणस्स जाव समुप्पज्जति, से णं तेणं विभंगणाणोणं समुप्पन्नेणं देवामेव पासति, बाहिरब्भंतरए पोग्गलए अपरितादित्ता पुढेगत्तं णाणत्तं जाव विउब्बित्ता णं चिट्ठित्ते तस्स णमेवं भवति—अत्थि जाव समुप्पन्ने अमुदग्गे जीवे, संतेगतिता समणा वा माहणा वा एवमाहंसु—मुदग्गे जीवे, जे ते एवमाहंसु मिच्छं ते एवमाहंसु, पंचमे विभंगणाणो ५। अहावरे छट्ठे विभंगणाणो, जया णं तथारूवस्स समणस्स वा माहणास्स वा जाव समुप्पज्जति, से णं तेणं विभंगणाणोणं समुप्पन्नेणं देवामेव पासति बाहिरब्भंतरते पोग्गले परितादित्ता वा अपरियादित्ता वा पुढेगत्तं णाणत्तं फुसेत्ता जाव विकुब्बित्ता चिट्ठित्ते, तस्स णमेवं भवति—अत्थि णं मम अतिसेसे णाणदंसणो समुप्पन्ने, रूवी जीवे, संते गतिता समणा वा माहणा वा एवमाहंसु—अरूवी जीवे, जे ते एवमाहंसु मिच्छं ते एवमाहंसु, छट्ठे विभंगणाणो ६। अहावरे सत्तमे विभंगणाणो जया णं तथारूवस्स समणस्स वा माहणास्स वा विभंगणाणो समुप्पज्जति, से णं तेणं विभंगणाणोणं समुप्पन्नेणं पासइ सुहुमेणं वायुकातेणं फुडं पोग्गलकायं एतंतं वेतंतं चलंतं खुब्भंतं फंदंतं घट्टंतं उदीरेंतं तं तं भावं परिणमंतं, तस्स णमेवं भवति—अत्थि णं मम अतिसेसे णाणदंसणो समुप्पन्ने, रूवमिणं जीवा, संतेगतिता समणा वा माहणा वा एवमाहंसु—जीवा चैव

अजीवा चेव, जे ते एवमाहंसु मिच्छं ते एवमाहंसु, तस्स णामिमे चत्तारि
जीवनिकाया णो सम्ममुवगता भवन्ति, तंजहा-पुढविकाइया आऊकाइया तेऊ-
काइया वाउकाइया, इच्चेतेहिं चउहिं जीवनिकाएहिं मिच्छादंडं पवत्तेइ
सत्तमे विभंगणाणे ७ ॥ सू० ५४२ ॥ सत्तविधे जोणिसंगधे पन्नत्ते,
तंजहा-अंडजा पोतजा जराउजा रसजा संसेइया (संसत्तगा) संमुच्छिमा
उब्भिगा १। अंडगा सत्तगतिता सत्तागतित्ता पन्नत्ता, तंजहा-अंडगे
अंडगेसु उववज्जमाणो अंडतेहितो वा पोतजेहितो वा जाव उब्भिएहितो
वा उववज्जेज्जा, से चेव णं से अंडते अंडगतं विप्पजहमाणो अंडगत्ताते
वा पोतगताते वा जाव उब्भियत्ताते वा गच्छेज्जा पोत्तगा सत्तगतिता सत्ता-
गतित्ता, एवं चेव सत्तगहवि गतिरागती भाणियव्वा, जाव उब्भियत्ति
२ ॥ सू० ५४३ ॥ आयरियउवज्झायस्स णं गणांसि सत्त संगहठाणा
पन्नत्ता, तंजहा-आयरियउवज्झाए गणांसि आणं वा धारणं वा सम्मं
पउंजित्ता भवति, एवं जधा पंचट्ठाणे जाव आयरियउवज्झाए गणांसि
आपुच्छियचारि यावि भवति नो अणापुच्छियचारि यावि भवति,
आयरियउवज्झाए गणांसि अणुप्पन्नाइं उवगरणाइं सम्मं उप्पाइत्ता भवति,
आयरियउवज्झाए गणांसि पुब्बुप्पन्नाइं उवकरणाइं सम्मं सारक्खेत्ता
संगोवित्ता भवति णो असम्मं सारक्खेत्ता संगोवित्ता भवइ १। आयरिय-
उवज्झायस्स णं गणांसि सत्त असंगहठाणा पन्नत्ता, तंजहा-आयरिय-
उवज्झाए गणांसि आणं वा धारणं वा नो सम्मं पउंजित्ता भवति, एवं जाव
उवगरणाणं नो सम्मं सारक्खेत्ता संगोवेत्ता भवति २ ॥ सू० ५४४ ॥
सत्त पिंडेसणाओ पन्नत्तातो १। सत्त पाणेसणाओ पन्नताओ २। सत्तउग्गेह-
पडिमातो पन्नत्तातो ३। सत्तसत्तिकया पन्नत्ता ४। सत्त महज्झयणा पराणत्ता ५।
सत्तसत्तमिया णं भिक्खुपडिगा एकूणपराणत्ताते रातिदिएहिमेगेण य छराणउएणं
भिक्खासतेणं अहासुत्तं जाव आराहियावि भवति ६ ॥ सू० ५४५ ॥

अहेलोगे गं सत्त पुढ्वीयो पन्नत्तायो, सत्त घणोदधीतो पन्नत्तायो,
 सत्त घणवाता सत्त तणुवाता पन्नत्ता, सत्त उवासंतरा पन्नत्ता, एतेसु गं
 सत्तसु उवासंतरेसु सत्त तणुवाया पइट्ठिया, एतेसु गं सत्तसु तणुवातेसु
 सत्त घणवाता पइट्ठिया, एएसु गं सत्तसु घणवातेसु सत्त घणोदधी पतिट्ठितां,
 एतेसु गं सत्तसु घणोदधीसु छत्तातिच्छत्तसंठाणसंठियायो पिंडलगपिहुण-
 संठाणसंठियायो (पिहुणपिहुणसंठियायो)सत्त पुढ्वीयो पन्नत्तायो, तंजहा-
 पढ्मा जाव सत्तमा, एतासि गं सत्तराहं पुढ्वीणं सत्त णामधेज्जा पन्नत्ता, तंजहा-
 घम्मा वंसा सेला अंजणा रिट्ठा मघा माघवती, एतासि गं सत्तराहं पुढ-
 वीणं सत्त गोत्ता पन्नत्ता, तंजहा-रयणप्पभा सक्करप्पभा वालुअप्पभा पंकप्पभा
 धूमप्पभा तमा तमतमा ॥ सू० ५४६ ॥ सत्तविहा बायरवाउकाइया पन्नत्ता,
 तंजहा-पातीणवाते पढीणवाते दाहिणवाते उदीणवाते उड्ढवाते अहोवाते
 विदिसिवाते ॥ सू० ५४७ ॥ सत्त संठाणा पन्नत्ता, तंजहा-दीहे रहस्से
 वट्ठे तंसे चउरंसे पिहुले परिमंडले ॥ सू० ५४८ ॥ सत्त भयट्ठाणा
 पन्नत्ता, तंजहा-इहलोगभते परलोगभते आदाणभते अकम्हाभते वेयणभते
 मरणभते असिलोगभते ॥ सू० ५४९ ॥ सत्तहिं ठाणेहिं छउमत्थं
 जाणेज्जा, तंजहा-पाणे अइवाएत्ता भवति, मुसं वइत्ता भवति, अदिन्नमादिता
 भवति, सहफरिसरसरूवगंधे आसादेत्ता भवति, पूतासक्कारमणुवूहेत्ता भवति
 इमं सावज्जंति पराणवेत्ता पडिसेवेत्ता भवति, णो जधावादी तधाकारी
 यावि भवति १ । सत्तहिं ठाणेहिं केवली जाणेज्जा, तंजहा-णो पाणे
 अइवाइत्ता भवति जाव जधावाती तधाकारी यावि भवति २ ॥ सू० ५५० ॥
 सत्त मूलगोत्ता पन्नत्ता, तंजहा-कासवा गोतमा वच्छा कोच्छा कोसिता
 मंडवा वासिट्ठा १ । जे कासवा ते सत्तविधा पन्नत्ता, तंजहा-ते कासवा ते
 संडेच्छा ते गोच्छा ते वाला ते मुंजतिणो ते पव्वपेच्छतिणो (पव्वइणो)
 ते वरिसकराहा २ । जे गोयमा ते सत्तविधा पन्नत्ता, तंजहा-ते गोयमा ते

गग्गा ते भारद्वा ते अंगिरसा ते सक्कराभा ते भवखराभा ते उदगत्ताभा
 (उदन्नाभा) ३। जे वच्छा ते सत्तविधा पन्नत्ता, तंजहा-ते वच्छा ते अग्गेया
 ते मित्तिया ते सामि(म)लिणो ते सेलतता ते अट्ठिसेणा ते वीयकम्हा ४।
 जे कोच्छा ते सत्तविधा पन्नत्ता, तंजहा-ते कोच्छा ते मोग्गलायणा ते
 पिंगला(गा)यणा ते कोडीणा ते मंडलिणो ते हारिता ते सोमया (सोमलि)
 ५। जे कोसिच्चा ते सत्तविधा पन्नत्ता, तंजहा-ते कोसिता ते कच्चातणा ते
 सालंकातणा ते गोलिकातणा ते पक्खिकायणा ते अग्गिच्चा ते लोहिया-
 (च्चा) ६। जे मंडवा ते सत्तविधा पन्नत्ता तंजहा-ते मंडवा ते अरिद्धा ते
 समुता ते तेला ते एलावच्चा ते कंडिल्ला(कंडल्ला) ते खारातणा(खातणा) ७।
 जे वासिद्धा ते सत्तविधा पन्नत्ता, तंजहा-ते वासिद्धा ते उंजायणा ते जारे(रु)-
 क्काहा ते वग्घावच्चा ते कोडिन्ना ते सराणी ते पारासरा ८ ॥ सू० ५५१ ॥
 सत्त मूलनया पन्नत्ता, तंजहा-नेगमे संगहे ववहारे उज्जुसुते सद्दे समभि-
 रूढे एवंभूते ॥ सू० ५५२ ॥ सत्त सरा पन्नत्ता, तंजहा-सज्जे रिसभे
 गंधारे, मज्झिमे पंचमे सरे । धेवते (रेवते) चेव णिसाते, सरा सत्त विया-
 हिता ॥ १ ॥ एएसि णं सत्तगहं सराणं सत्त सरट्ठाणा पन्नत्ता, तंजहा-
 सज्जं तु अग्गजिब्भाते, उरेण रिसभं सरं । कंटुग्गतेण गंधारं, मज्झजि-
 ब्भाते मज्झिमं ॥ २ ॥ णासाए पंचमं बूया, दंतोद्वेण य धेवतं । मुद्धाणेण
 य णेसातं, सरठणा वियाहिता ॥ ३ ॥ सत्त सरा जीवनिस्सिता पन्नत्ता,
 तंजहा-सज्जं खति मधूरो, कुक्कुडो रिसहं सरं । हंसो णदति गंधारं,
 मज्झिमं तु गवेलगा ॥ ४ ॥ अह कुसुमसंभवे काले, कोइला पंचमं सरं ।
 छट्ठं च सारसा कोंचा, णिसायं सत्तमं गता ॥ ५ ॥ सत्त सरा अजीव-
 निस्सिता पन्नत्ता, तंजहा-सज्जं खति मुइंगो, गोमुही रिसभं सरं । संखो
 णदति गंधारं, मज्झिमं पुण भल्लरी ॥ ६ ॥ चउचलणपतिट्ठाणा, गोहिया
 पंचमं सरं । आडंबरो रेवति(त)तं, महाभेरी य सत्तमं ॥ ७ ॥ एतेसि णं

सत्तसराणं सत्त सरलक्खणा पन्नत्ता, तंजहा—“सज्जेण लभति वित्तिं, कतं च
 ण विणस्सति । गावो मित्ता य पुत्ता य, णारीणं चेव वल्लभो ॥ ८ ॥
 रिसभेण उ एसज्ज, सेणावच्चं धणाणि य । वत्थगंधमलंकारं, इत्थिओ
 सयणाणि व ॥ ९ ॥ गंधारे गीतजुत्तिरणा, वज्जवित्ती कलाहिता ।
 भवंति कतिणो पन्ना, जे अन्ने सत्थपारगा ॥ १० ॥ मज्झिमसरसंपन्ना,
 भवंति सुहजीविणो । खायती पीयती देती, मज्झिमं सरमस्सितो ॥ ११ ॥
 पंचमसरसंपन्ना, भवंति पुट्टवीपती । सूरा संगहकत्तारो, अणोगगणातगा
 ॥ १२ ॥ रेवतसरसंपन्ना, भवंति कलहप्पिया । साउणिता वग्गुरिया,
 सोयरिया मच्छब्धा य ॥ १३ ॥ चडाला मुट्ठिया से(वे)या, जे अन्ने
 पावकम्मिणो । गोघातगा य जे चोरा, णिसायं सरमस्सिता ॥ १४ ॥
 एतेसिं सत्तरहं सराणं तओ गामा पराणत्ता, तंजहा—सज्जगामे मज्झिमगामे
 गंधारगामे, सज्जगामस्स णं सत्त मुच्छणातो पन्नत्ताओ, तंजहा—मंगी
 कोरव्वीया हरी य रयतणी य सारकंता य । छट्ठी य सारसी णाम
 सुद्धसज्जा य सत्तमा ॥ १५ ॥ मज्झिमगामस्स णं सत्त मुच्छणातो
 पन्नत्ताओ, तंजहा—उत्तरमंदा रयणी, उत्तरा उत्तरासमा । आसोकंता य
 सोवीरा, अभिरु हवति सत्तमा ॥ १६ ॥ गंधारगामस्स णं सत्त मुच्छणातो
 पन्नत्ताओ, तंजहा—णंदि तं खुहिमा पूरिमा य चउत्थी य सुद्धगंधारा ।
 उत्तरगंधारावित, पंचमिता हवति मुच्छा उ ॥ १७ ॥ सुट्ठुतरमायामा सा छट्ठी
 णियमसो उ णायव्वा । अह उत्तरायता कोडीमातसा सत्तमी मुच्छा ॥ १८ ॥
 सत्त सराओ कओ संभवन्ति ? गेयस्स का भवन्ति जोणी ? कतिसमता उस्सासा ?
 कति वा गेयस्स आगारा ? ॥ १९ ॥ सत्त सरा णाभीतो भवन्ति गीतं च
 रुय(रुण)जोणीतं । पादसमा ऊप्पासा तिन्नि य गीयस्स आगारा ॥ २० ॥
 आइमिउ आरभंता समुव्वहंता य मज्झगारंमि । अवसारो तज्जवितो तिन्नि य
 गेयस्स आगारा ॥ २१ ॥ छट्ठोसे अट्ठगुणो तिन्नि य वित्ताइं दो य भणि-

तीओ । जाणाहिति सो गाहिइ सुसिखिओ रंगमज्झमि ॥२२॥ भीतं दुतं
रहस्सं (उप्पिच्छं) गायंतो मा त गाहि उत्तलं । काकस्सरमणुनासं च होंति
गेयस्स छद्दोसा ॥ २३ ॥ पुन्नं १ रत्तं २ च अलंकियं ३ च वत्तं ४ तद्वा
अविघुट्ठं ५ । मधुरं ६ सम ७ सुकुमारं ८ अट्ठ गुणा होंति गेयस्स ॥२४॥
उरकंठमिरपसत्थं च गेज्जंते मउरिभिअपदवद्धं । समतालपडुक्खेवं सत्तसर-
सीहरं गीयं ॥ २५ ॥ निद्दोसं सारवंतं च, हेउजुत्तमलंकियं । उवणीय
सोवयारं च, मियं मधुरमेव य ॥२६॥ सममद्धसमं चेव, सब्बत्थ विसमं च
जं । तिन्नि वित्तप्पयाराइं, चउत्थं नोपलब्भती ॥ २७ ॥ सकता पागता चेव,
दुहा भणितीओ आहिया । सरमंडलंमि गिज्जंते, पसत्था इसिभासिता ॥२८॥
केसी गातति य मधुरं ? केसी गातति खरं च रुक्खं च ? । केसी गायति चउरं ?
केसि विलंबं ? दुतं केसी ? ॥ २९ ॥ विस्सरं पुण केरिसी ? ॥ सामा
गायइ मधुरं काली गायइ खरं च रुक्खं च । गोरी गातति चउरं काण
विलंबं दुतं अंधा ॥ ३० ॥ विस्सरं पुण पिंगला ॥ तंतिसमं तालसमं
पादसमं लयसमं गहसमं च । नीससिऊससियसमं संचारसमा सरा सत्त
॥ ३१ ॥ सत्त सरा य ततो गामा, मुच्छणा एकवीसती । ताणा एगूणा-
पराणासा, समत्तं सरमंडलं ॥ ३२ ॥ सू० ५५३ ॥ इति सरमंडलं समत्तं ॥
सत्तविधे कायक्खिलेसे पराणत्ते, तंजहा-ठाणातिते उक्कुडुयासणिते पडि-
मठाती वीरांसणिते णोसज्जिते दंडातिते लगंडसाती ॥ सू० ५५४ ॥ जंबु-
दीवे (२) सत्त वासा पन्नता, तंजहा-भरहे एरवते हेमवते हेरन्नवते हरि-
वासे रम्मगवासे महाविदेहे १ । जंबुदीवे (२) सत्त वासहरपव्वता पन्नत्ता,
तंजहा-चुल्लहिमवंते महाहिमवंते निसढे नीलवंते रुप्पी सिहरी मंदरे २ ।
जंबुदीवे (२) सत्त महानदीओ पुरत्थाभिमुहीओ लवणसमुद्धं
सम्पेति, तंजहा-गंगा रोहिता हिरी सीता णारकंता सुवराणकूला
रत्ता ३ । जंबुदीवे (२) सत्त महानतीओ पच्चत्थाभिमुहीओ लवणसमुद्धं

समर्पेति, तंजहा-सिंधू रोहितंसा हरिकंता सीतोदा णारीकंता रूपकूला
 रत्तवती, ४। धायइसंडदीवपुरच्छिमद्धे णं सत्त वासा पन्नता, तंजहा-भरहे
 जाव महाविदेहे ५। धायइसंडदीवपुरच्छिमे णं सत्त वासहरपव्वता पन्नत्ता,
 तंजहा-बुल्लहिमवंते जाव मंदरे ६। धायइसंडदीवपुरच्छीमेणं सत्त महान-
 तीओ पुरच्छाभिमुहीतो कालोयसमुद्दं समर्पेति, तंजहा-गंगा जाव रत्ता ७।
 धायइसंडदीवपुरच्छिमज्जेणं सत्त महानतीओ पच्चत्थाभिमुहीओ लवणसमुद्दं
 समर्पेति, तंजहा-सिंधू जाव रत्तवती ८। धायइसंडदीवे पच्चत्थिमद्धे णं सत्त
 वासा एवं चेव, णवरं पुरत्थाभिमुहीओ लवणसमुद्दं समर्पेति पच्चत्थाभिमुहीओ
 कालोदं, सेसं तं चेव ९। पुक्खरवरदीवड्डपुरच्छिमद्धे णं सत्त वासा तेहेव णवरं
 पुरत्थाभिमुहीओ पुक्खरोदं समुद्दं समर्पेति, पच्चत्थाभिमुहीतो कालोदं समुद्दं
 समर्पेति, सेसं तं चेव, एवं पच्चत्थिमद्धेऽपि णवरं पुरत्थाभिमुहीओ कालोदं समुद्दं
 समर्पेति पच्चत्थाभिमुहीओ पुक्खरोदं समर्पेति १०। सब्बत्थ वासा वासहर-
 पव्वता णतीतो य भाणितव्वाणि ११ ॥ सू० ५५५ ॥ जंबुदीवे (२) भारहे
 वासे तीताते उस्स(ओस)प्पिणीते सत्त कुलगरा हुत्था, तंजहा-मित्तदामे सुदामे
 य, सुपासे य सयंपमे । विमलघोसे सुघोसे त, महाघोसे य सत्तमे ॥१॥ जंबुदीवे
 (२) भारहे वासे इमीसे ओसप्पिणीए सत्त कुलगरा हुत्था-पढमित्थ विमल-
 वाहण १ चक्खुम २ जसमं ३ चउत्थमभिचंद ४। तत्तो य पसेणइ ५ पुण
 मरुदेवे चेव ६ नाभि य ७ ॥१॥ एणसि णं सत्तगहं कुलगराणं सत्त भारि-
 याओ हुत्था, तंजहा-चंदजसा १ चंदकंता २ सुरूव ३ पडिरुव ४ चक्खु-
 कंता ५ य । सिरिकंता ६ मरुदेवी ७ कुलकरइत्थीण नामाइं ॥२॥ जंबु-
 दीवे (२) भारहे वासे आगमिस्साए उस्सप्पिणीए सत्त कुलकरा भविस्संति-
 मित्तवाहण सुभोमे य, सुप्पमे य सयंपमे । दत्ते सुहुमे [सुहे सुरूवे य] सुवंधू
 य, आगमेस्सि(मिस्से)ण होवखती ॥१॥ विमलवाहणे णं कुलकरे सत्त-
 विधा स्सक्खा उवभोगत्ताते हव्वमागच्छिसु, तंजहा-मत्तंगता त भिंगा

चित्तंगा चेव होंति चित्तरसा । मणियंगा त अणियणा सत्तमगा कप्परुवखा
य ॥१॥ सू० ५५६ ॥ सत्तविधा दंडनीती पन्नत्ता, तंजहा-हकारे मकारे
धिकारे परिभासे मंडलबंधे चारते छविच्छेदे ॥ सू० ५५७ ॥ एगमेगस्स
णं रन्नो चाउरंतचक्कवट्टिस्स णं सत्त एगिंदियरतणा पन्नत्ता, तंजहा-चकरयणो
छत्तरयणो चम्मरयणो दंडरयणो असिरयणो मणिरयणो काकणिरयणो १। एग-
मेगस्स णं रन्नो चाउरंतचक्कवट्टिस्स सत्त पंचिदियरतणा पन्नत्ता, तंजहा-
सेणावतीरयणो गाहावतिरयणो वट्टतिरयणो पुरोहितरयणो इत्थिरयणो
आसरयणो हत्थिरयणो २ ॥ सू० ५५८ ॥ सत्तहिं ठाणेहिं ओगाढं दुस्समं
जाणेज्जा, तंजहा-अकाले वरिसइ काले ण वरिसइ असाधू पुज्जंति साधू ण
पुज्जंति गुरुहिं जणो मिच्छं पडिवन्नो मणोदुहता वतिदुहता १। सत्तहिं
ठाणेहिं ओगाढं सुसमं जाणेज्जा, तंजहा-अकाले न वरिसइ, काले वरिसइ,
असाधू ण पुज्जंति, साधू पुज्जंति, गुरुहिं जणो सम्मं पडिवन्नो, मणोसुहता
वतिसुहता २ ॥ सू० ५५९ ॥ सत्तविहा संसारसमावन्नगा जीवा पन्नत्ता,
तंजहा-नेरत्तिता तिरिक्खजोणिता तिरिक्खजोणिणितो मणुस्सा मणुस्सीओ
देवा देवीओ ॥ सू० ५६० ॥ सत्तविधे आउभेदे पन्नत्ते, तंजहा-
अज्झवसाणनिमित्ते आहारे वेयणा पराघाते । फासे आणापाणा
सत्तविधं भिज्जे आउं ॥ १ ॥ ॥ सू० ५६१ ॥ सत्तविधा सब्वजीवा
पन्नत्ता, तंजहा-पुढविकाइया आउकाइया तेउकाइया वाउकाइया वणस्सति-
काइया तसकातिता अकातिता, अहवा सत्तविहा सब्वजीवा पन्नत्ता, तंजहा-
कणहलेसा जाव सुकलेसा अलेसा ॥ सू० ५६२ ॥ बंभदत्ते णं राया चाउरं-
तचक्कवट्टी सत्त धण्डं उड्डं उच्चत्तेणं सत्त य वाससयाइं परमाउं पालइत्ता काल-
मासे कालं किच्चा अथे सत्तमाए पुढवीए अप्पत्तिट्ठाणे णए णोरतितत्ताए उव-
वन्ने ॥ सू० ५६३ ॥ मल्ली णं अरहा अप्पसत्तमे मुंडे भवित्ताअगारातो अण-
गारियं पव्वइए, तंजहा-मल्ली विदेहरायवरकन्नगा १. पडिबुद्धी इक्खागराया २

चंदच्छाये अंगराया ३ रूपी कुणालाधिपती ४ संखे कासीराया ५ अदीण-
 सत्तू कुरुराता ६ जितसत्तू पंचालराया ७ ॥ सू० ५६४ ॥ सत्तविहे दंसणे पन्नत्ते,
 तंजहा-सम्मदंसणे मिच्छदंसणे सम्मामिच्छदंसणे चक्खुदंसणे अचक्खुदंसणे
 ओहिदंसणे केवलदंसणे ॥ सू० ५६५ ॥ छउमत्थवीयरणे गां मोहणिज्ज-
 वज्जाओ सत्त कम्मपयडीओ वेयेति, तंजहा-णाणावरणिज्जं दंसणावरणिज्जं
 वेयणियं आउयं नामं गोतमंतरातितं ॥ सू० ५६६ ॥ सत्त ठाणाइं छउमत्थे
 सब्बभावेणं न याणति न पासति, तंजहा-धम्मत्थिकायं अधम्मत्थिकायं
 आगासत्थिकायं जीवं असरीरपडिवद्धं परमाणुपोग्गलं सददं गंधं, एयाणि
 चेव उप्पन्नणाणे जाव जाणति पासति, तंजहा-धम्मत्थिगातं जाव गंधं
 ॥ सू० ५६७ ॥ समणे भगवं महावीरे वयरोसभणारायसंवयणे समचउरंस-
 संठाणसंठिते सत्त रयणीओ उड्ढं उच्चत्तेणं हुत्था ॥ सू० ५६८ ॥ सत्त
 विकहाओ पन्नत्ताओ तंजहा-इत्थिकेहा भत्तकहा देसकहा रायकहा मिउ-
 कालुणिता दंसणभेयणी चरित्तभेयणी ॥ सू० ५६९ ॥ आयरियउव-
 ज्जायस्स गां गणांसि सत्त अइसेसा पन्नत्ता, तंजहा-आयरियउवज्जाए अंतो
 उवस्सगस्स पाते णिगिज्झिय (२) पप्फोडेमाणो वा पमज्जेमाणो वा णाति-
 क्कमति, एवं जथा पंचट्टाणे जाव बाहिं उवस्सगस्स एगरातं वा दुरातं वा
 वसमाणो नात्तिकमति, उवकरणातिसेसे भत्तपाणातिसेसे ॥ सू० ५७० ॥
 सत्तविधे संजमे पन्नत्ते, तंजहा-पुढविकातितसंजमे जाव तसकातितसंजमे
 अजीवकायसंजमे १। सत्तविधे असंजमे पन्नत्ते, तंजहा-पुढविकातितअसंजमे
 जाव तसकातितअसंजमे अजीवकायअसंजमे २। सत्तविहे आरंभे पन्नत्ते,
 तंजहा-पुढविकातितआरंभे जाव अजीवकातआरंभे ३। एवमाणारंभेऽवि, एवं
 सारंभेवि, एवमसारंभेऽवि, एवं समारंभेऽवि, एवं असमारंभेवि, जाव अजीव-
 कायअसमारंभे ४ ॥ सू० ५७१ ॥ अथ भंते ! अदसिक्कुसुंभकोद्वकंगुरा-
 गल[वराकोदूसगा]मणसरिसवमूला(मूलग)वीयाणं एतेसिं गां धन्नाणं

कोट्टाउत्ताणं पल्लाउत्ताणं जाव पिहियाणं केवतितं कालं जोणी संचिट्ठति-
गोयमा ! जहराणेणं अंतोमुहुत्तं उक्कोसेणं सत्त संवच्छराइं, तेण परं जोणी
पमिलायती जाव जोणीवोच्छेदे पराणत्ते ॥सू० ५७२॥ बायरआउकाइयाणं
उक्कोसेणं सत्त वाससहस्साइं, ठिती पन्नता १। तच्चाए णं वालुयप्पभाते पुढ्वीए
उक्कोसेणं नेरइयाणं सत्त सागरोवमाइं ठिती पराणत्ता २। चउत्थीतेणं पंकप्पभाते
पुढ्वीते जहन्नेणं नेरइयाणं सत्त सागरोवमाइं ठिती पन्नता, ४। ॥सू० ५७३॥
सक्कस्स णं देविंदस्स देवरन्नो वरुणस्स महारन्नो सत्त अग्गमहिसीतो पन्नत्ताओ,
ईसाणस्स णं देविंदस्स देवरन्नो सोमस्स महारन्नो सत्त अग्गमहिसीतो पन्नत्ता,
ईसाणस्स णं देविंदस्स देवरन्नो जमस्स महारन्नो सत्त अग्गमहिसीतो पन्नत्ताओ
॥सू० ५७४॥ ईसाणस्स णं देविंदस्स देवरन्नो अविंभतरपरिसाते देवाणं सत्त
पल्लिओवमाइं ठिती पन्नत्ता, सक्कस्स णं देविंदस्स देवरन्नो अग्गमहिसीणं देवीणं
सत्त पल्लिओवमाइं ठिती पन्नत्ता, सोहम्मे कप्पे परिग्गहियाणं देवीणं उक्कोसेणं
सत्त पल्लिओवमाइं ठिती पन्नत्ता ॥सू० ५७५॥ सारस्सयमाइच्चाणं सत्त देवा सत्त
देवसत्ता पन्नत्ता, गहत्तोयत्तुसियाणं देवाणं सत्त देवा सत्त देवसहस्सा पन्नत्ता
॥ सू० ५७६ ॥ सणंकुमारे कप्पे उक्कोसेणं देवाणं सत्त सागरोवमाइं ठिती
पन्नत्ता, माहिंदे कप्पे उक्कोसेणं देवाणं सातिरेगाइं सत्त सारगोवमाइं ठिती
पन्नत्ता, बंभलोगे कप्पे जहराणेणं देवाणं सत्त सागरोवमाइं ठिती पन्नत्ता
॥ सू० ५७७ ॥ बंभलोयलंततेसु णं कप्पेसु विमाणा सत्त जोयणसत्ताइं
उड्डं उच्चत्तेणं पन्नत्ता ॥ सू० ५७८ ॥ भवणावासीणं देवाणं भवधारणिज्जा
सरीरगा उक्कोसेणं सत्त रयणीओ उड्डं उच्चत्तेणं, एवं वाणमंतराणं एवं जोइ-
सियाणं, सोहम्मीसाणेसु णं कप्पेसु देवाणं भवधारणिज्जगा सरीरा सत्त रय-
णीओ उड्डं उच्चत्तेणं पन्नत्ता ॥सू० ५७९॥ णादिस्सरवरस्स णं दीवरस्स अंतो
सत्त दीवा पन्नत्ता तंजहा-जंबुहीवे दीवे, धायइसंडे दीवे पोक्खवररे वरुणवररे
खीरवररे धयवररे जोयवररे १। णांदीसरवरस्स णं दीवस्स अंतो सत्त समुद्धा

पन्नत्ता, तंजहा—लवणो कालोते पुस्त्वरोदे वस्त्रोए खीरोदे घयोदे खोतोदे २
 ॥ सू० ५८० ॥ सत्त सेदीओ पन्नत्ताओ, तंजहा—उज्जुआयता एगतोवंका
 दुहतोवंका एगतोखुहा दुहतोखुहा चक्कवाला अद्धचक्कवाला ॥ सू० ५८१ ॥
 चमरस्स णं असुरिंदस्स असुरकुमाररन्नो सत्त अणिता सत्त अणिताधिपती
 पन्नत्ता, तंजहा—पायत्ताणीए पीढाणिए कुंजराणिए महिसाणिए रहाणिए नट्टा-
 णिए गंधव्वाणिए १। दुमे पायत्ताणिताधिपती एवं जहा पंचट्ठाणे जाव किंनरे
 रधाणिताधिपती रिट्ठे णट्टाणियाहिवती गीतरती गंधव्वाणिताधिपती २ ।
 बलिस्स णं वड्ढोयणिंदस्स वड्ढोयणारणो सत्ताणीया सत्त अणीयाधिपती
 पन्नत्ता, तंजहा—पायत्ताणिते जाव गंधव्वाणिते, महद्दुमे पायत्ताणिताधिपती जाव
 किंपुरिसे रधाणिताधिपती महारिट्ठे णट्टाणिताधिपती गीतजसे गंधव्वाणि-
 ताधिपती ३। धरणास्म णं नागकुमारिंदस्स नागकुमाररणो सत्त अणीता
 सत्त अणिताधिपती पन्नत्ता, तंजहा—पायत्ताणिते जाव गंधव्वाणिए रुद्ध(दुद्धम)
 सेणे पायत्ताणिताधिपती जाव आणंदे रधाणिताधिपती नंदणे णट्टाणि-
 याधिपती तेतली गंधव्वाणियाधिपती ४। भूताणंदस्स सत्त अणिया सत्त
 अणियाहिवई पन्नत्ता, तंजहा—पायत्ताणिते जाव गंधव्वाणीए दक्खे पाय-
 त्ताणीयाहिवती जाव णंदुत्तरे रहाणिताधिपती रती णट्टाणियाहिवती
 माणसे गंधव्वाणियाहिवई, एवं जाव घोममहाघोमाणं नेयव्वं ५ । सक्कस्स
 णं देविंदस्स देवरन्नो सत्त अणिया सत्त अणियाहिवती पन्नत्ता, तंजहा—
 पायत्ताणिए जाव गंधव्वाणिए, हरिणोगमेसी पायत्ताणीयाधिपती जाव मादरे
 रधाणिताधिपती सेते णट्टाणिताहिवती तुंबुरू गंधव्वाणिताधिपती ६ ।
 ईसाणस्स णं देविंदस्स देवरन्नो सत्त अणीया सत्त अणियाहिवईणो पन्नत्ता,
 तंजहा—पायत्ताणिते जाव गंधव्वाणिते लहुपरक्कमे पायत्ताणियाहिवती
 जाव महासेते णट्टाणियाहिवती रते गंधव्वाणिताधिपती सेमं जहा पंचट्ठाणे,
 एवं जाव अञ्चुतस्सवि नेतव्वं ७ ॥ सू० ५८२ ॥ चमरस्स णं असुरिंदस्स

असुरकुमारन्नो दुमस्स पायत्ताणिताहिवतिस्स सत्त कच्छाओ पन्नत्ताओ,
तंजहा—पढमा कच्छा जाव सत्तमा कच्छा, १ । चमरस्स णमसुरिंदस्स असुर-
कुमारन्नो दुमस्स पायत्ताणिताधिपतिस्स पढमाए कच्छाए चउसट्ठिं देवसहस्सा
पन्नत्ता २ । जावतिता पढमा कच्छा तब्बिगुणा दोच्चा कच्छा तब्बिगुणा तच्चा
कच्छा एवं जाव जावतिता छट्ठा कच्छा, तब्बिगुणा सत्तमा कच्छा ३ । एवं
बलिस्सवि, णवरं महद्दुमे सट्ठिदेवसाहस्सितो, सेसं तं चेव, धरणस्स एवं
चेव, णवरमट्ठावीसं देवसहस्सा, सेसं तं चेव, जघा धरणस्स एवं जाव महा-
घोसस्स, नवरं पायत्ताणिताधिपती अन्ने ते पुव्वभणिता ४ । सकस्स णं
देविंदस्स देवरन्नो हरिणोगमेसिस्स सत्त कच्छाओ पन्नत्ताओ,
तंजहा—पढमा कच्छा एवं जहा चमरस्स तहा जाव अच्चुतस्स, णाणत्तं पाय-
त्ताणिताधिपतीणं ते पुव्वभणिता, देवपरीमाणमिमं सकस्स चउरासीतिं देव-
सहस्सा, ईसाणस्स असीती देवसहस्साइं ५ । देवा इमाते गाथाते अणु-
गंतव्वा—चउरासीति असीति बावत्तरि सत्तरी य सट्ठीया । पन्ना चत्तालीसा
तीसा वीसा दससहस्सा ॥ १ ॥ जाव अच्चुतस्स लहुपरक्कमस्स दसदेव-
सहस्सा जाव जावतिता छट्ठा कच्छा तब्बिगुणा सत्तमा कच्छा ६ ॥ सू०
५८३ ॥ सत्तविहे वयणविकप्पे पन्नत्ते, तंजहा—आलावे अणालावे उल्लावे
अणुल्ला(ला)वे संलावे पलावे विप्पलावे ॥ सू० ५८४ ॥ सत्तविहे विणए
पन्नत्ते, तंजहा—णाणविणए दंसणविणए चरित्तविणए मणविणए वतिविणए
कायविणए लोगोवयारविणए १ । पसत्थमणविणए सत्तविधे पन्नत्ते, तंजहा—
अपावते असावज्जे अकिरिते निरुक्केसे अणराहकरे अच्छविकरे अभूता-
भिसंकणो २ । अप्पसत्थमणविणए सत्तविधे पन्नत्ते, तंजहा—पावते सावज्जे
सकिरिते सउक्केसे अणराहकरे छविकरे भूताभिसंकणो ३ । पसत्थवइविणए
सत्तविधे पन्नत्ते, तंजहा—अपावते असावज्जे जाव अभूताभिसंकणो ४ ।
अपसत्थवइविणएते सत्तविधे पन्नत्ते, तंजहा—पावते जाव भूताभिसंकणो ५ ।

पसत्थकातविण्ण सत्तविधे पन्नत्ते, तंजहा—आउत्तं गमणं आउत्तं ठाणं आउत्तं
 निस्सीयणं आउत्तं तुअट्टणं आउत्तं उल्लंघणं आउत्तं पल्लंघणं आउत्तं
 सव्विद्धितजोगजुंजणता, ६ । अपसत्थकातविण्णते सत्तविधे पन्नत्ते, तंजहा—
 अण्णउत्तं गमणं जाव अण्णउत्तं सव्विद्धितजोगजुंजणता, ७ । लोगोवतारविण्णते
 सत्तविधे पन्नत्ते, तंजहा—अब्भासवत्तितं परच्छंदाणुवत्तितं कज्जहेउं कतपडि-
 कित्तिता अत्तगवेसणता देसकालराणता सव्वत्थेसु यापडिलोमता ८ ॥ सू०
 ५८५ । सत्तं समुग्घाता पन्नत्ता, तंजहा—वेयणासमुग्घाए कसायसमुग्घाए मार-
 णंतियसमुग्घाए वेउव्वियसमुग्घाते तेजससमुग्घाए आहारगसमुग्घाते केवलि-
 समुग्घाते १ । मणुस्साणं सत्तं समुग्घाता पन्नत्ता, एवं चेव । सू० ५८६ ॥
 समणस्सं णं भगवओ महावीरस्स तित्थंसि सत्तं पंवतणनिगहगा पन्नत्ता,
 तंजहा—बहुरता जीवपतेसिता अवत्तिता सामुच्छेइता दोकिरिता तेरासिता
 अवद्धिता १ । एएसि णं सत्तगहं पवयणनिगहगाणं सत्तं धम्मातरिता हुत्था,
 तंजहा—जमालि तीसगुत्ते आसाढे आसमित्ते गंगे छलुए गोट्टामाहिले २ ।
 एतेसि णं सत्तगहं पवयणनिगहगाणं सत्तुप्पत्तिनगरा होत्था, तंजहा—सावत्थी
 उसंभपुरं सेतविता मिहिलमुल्लगातीरं । पुरिमंतरंजि दसपुर शिराहगउप्पत्ति-
 नगराइं ॥ १॥ सू० ५८७ ॥ सातावेयणिज्जस्स कम्मस्स सत्तविधे अणुभावे
 पन्नत्ते, तंजहा—मणुन्ना सद्दा मणुगणा रूढा जाव मणुन्ना फासा मणोसुहता
 वतिसुहता १ । असातावेयणिज्जस्स णं कम्मस्स सत्तविधे अणुभावे पन्नत्ते,
 तंजहा—अमणुन्ना सद्दा जाव वतिदुहता ॥ सू० ५८८ ॥ महाणक्खत्ते
 सत्ततारे पन्नत्ते १ । अभितीयापिता सत्तं णक्खत्ता पुव्वदारिता पन्नत्ता,
 तंजहा—अभिती सवणो धणिट्ठा सत्तभिसता पुव्वा भइवता उत्तरा भइवता
 रेवति २ । अस्सणितादिता णं सत्तं णक्खत्ता दाहिणादारिता पन्नत्ता,
 तंजहा—अस्सिणी भरणी कित्तिता रोहिणी मिगमिरे अद्दा पुणव्वसू ३ ।
 पुस्मादिता णं सत्तं णक्खत्ता अवरदारिता पन्नत्ता, तंजहा—पुस्सो असिलेसा

मघा पुष्पा फग्गुणी उत्तरा फग्गुणी हत्थो चित्ता ४। सातितातिया णं सत्त
 णक्खत्ता उत्तरदारिता पन्नत्ता, तंजहा-साति विसाहा अणुराहा जेट्ठा मूलो
 पुष्पासाढा उत्तरासाढा ५ ॥ सू० ५८६ ॥ जंबूदीवे दीवे (२) सोमणसे
 वक्खारपव्वते सत्त कूडा पन्नत्ता, तंजहा-सिद्धे १ सोमणसे २ तह बोद्धव्वे
 मंगलावतीकूडे ३ । देवकुरु ४ विमल ५ कंचण ६ विसिट्ठकूडे ७ त
 बोद्धव्वे ॥१॥ जंबूदीवे (२) गंधमायणो वक्खारपव्वते सत्त कूडा पन्नत्ता,
 तंजहा-सिद्धे त गंधमातण बोद्धव्वे गंधिलावतीकूडे । उत्तरकुरु फलिहे
 लोहितक्ख आणंदणो चेव ॥१॥ सू० ५९० ॥ विट्ठिताणं सत्त जाती-
 कुलकोडिजोणीपमुहसयसहस्सा पन्नत्ता ॥ सू० ५९१ ॥ जीवा णं सत्तट्ठा-
 णनिव्वत्तिते पोग्गले पावक्कम्मत्ताते चिणिसु वा चिणंति वा चिणिसंति
 वा, तंजहा-नेरतियनिव्वत्तिते जाव देवनिव्वत्ति एव चिण जाव णिज्जरा
 चेव ॥ सू० ५९२ ॥ सत्तपत्तेसिता खंधा अणंता पणत्ता सत्तपत्तेसोगाढा
 पोग्गला जाव सत्तगुणलुक्खा पोग्गला अणंता पणत्ता ॥ सू० ५९३ ॥
 ॥ सत्तमट्ठाणं सम्मत्तं ॥ सत्तमं अज्झयणं सम्मत्तं ॥

॥ इति सप्तमस्थानाख्यं सप्तममध्ययनम् ॥७॥

॥ अथाष्टमस्थानकाख्यमष्टममध्ययनं ॥

अट्ठहिं ठाणोहिं संपन्ने अणगारे अरिहति एगल्लविहारपडिमं उव-
 संपज्जित्ताणं विहरित्ते, तंजहा-सट्ठी पुरिसजाते सच्चे पुरिसजाए मेहावी
 पुरिसजाते बहुस्सुते पुरिसजाते सत्तिमं अप्पाहिकरणे धितिमं वीरितसंपन्ने
 ॥ सू० ५९४ ॥ अट्ठविधे जोग्गिसंगहे पन्नत्ते, तंजहा-अंडगा पोतगा
 जाव उव्विगा उव्वातिता १। अंडगा अट्ठगतिता अट्ठगइया पन्नत्ता,
 तंजहा-अंडए अंडएसु उव्वज्जमाणो अंडएहितो वा पोततेहितो वा जाव
 उव्वातितेहितो वा उव्वज्जेज्जा, से चेव णं से अंडते अंडगत्तं विप्पजह-

माणे अंडगत्ताते वा पोतगत्ताते वा जाव उववातितत्ताते वा गच्छेज्जा,
 एवं पोतगावि, जराउजावि, सेसाणं गतीरागती णत्थि, २॥ सू० ५१५ ॥
 जीवा णमट्ठ कम्मपगडीतो चिणिसु वा चिणंति वा चिणिस्संति वा, तंजहा—
 णाणावरणिज्जं दरिसणावरणिज्जं वेयणिज्जं मोहणिज्जं आउयं नामं गोत्तं
 अंतरातितं १ । नेरइया णं अट्ठ कम्मपगडीओ चिणिसु वा ३, एवं चेव,
 एवं निरंतरं जाव वेमाणियाणं २४, २ । जीवा णमट्ठ कम्मपगडीओ उव-
 चिणिसु वा ३ एवं चेव, ३ । ‘एवं चिण १ उवचिण २ बंध ३ उदीर ४
 वेय ५ तह णिज्जरा ६ चेव ।’ एते छ चउवीसा २४ दंडगा भाणियव्वा
 ॥ सू० ५१६ ॥ अट्ठहिं ठाणेहिं माती मायं कट्ठु नो आलोतेज्जा नो पडि-
 कमेज्जा जाव नो पडिवज्जेज्जा, तंजहा—करिसु वाऽहं १ करेमि वाऽहं २
 करिस्सामि वाऽहं ३ अकित्ती वा मे सिया ४ अवरणो वा मे सिया ५ अव-
 (वि)णए वा मे सिया ६ कित्ती वा मे परिहाइस्सइ ७ जसे वा मे परि-
 हाइस्सइ ८, १ । अट्ठहिं ठाणेहिं माई मायं कट्ठु आलोएज्जा जाव पडि-
 वज्जेज्जा, तंजहा—मातिस्स णं अस्सि लोए गरहिते भवति १ उवयवाए
 गरहिते भवति २ आजाती गरहिता भवति ३ एगमवि माती मातं कट्ठु
 नो आलोएज्जा जाव नो पडिवज्जेज्जा णत्थि तस्स आराहणा ४ एगमवि
 मायी मायं कट्ठु आलोएज्जा जाव पडिवज्जेज्जा अत्थि तस्स आराहणा ५
 बहुतोवि माती मायं कट्ठु नो आलोएज्जा जाव नो पडिवज्जेज्जा नत्थि
 तस्स आराधणा ६ बहुओवि माती मायं (मायाओ) कट्ठु आलोएज्जा जाव
 अत्थि तस्स आराहणा ७ आयरियउवज्जभायस्स वा मे अतिसेसे नाण-
 दंसणे समुप्पज्जेज्जा, से तं मममालोएज्जा माती णं एसे ८, २ । माती णं
 मातं कट्ठु से जहा नामए अयागरेति वा तंवागरेति वा तउआगरेति वा
 सीसागरेति वा रुप्पागरेति वा सुवन्नागरेति वा तिलागणीति वा तुसा-
 गणीति वा बुसागणीति वा ण्लागणीति वा दलागणीति वा सोंडितालि-

च्छाणि वा भंडितालिच्छाणि वा गोलियालिच्छाणि वा कुंभारावातेति वा
 क्वेल्लुवावातेति वा इद्रावातेति वा जंतवाडचुल्लीति वा लोहारंबरिसाणि
 वा तत्ताणि समजोतिभूताणि किंसुकफुलसमाणाणि उकासहस्साइं विणिम्मु-
 तमाणाइं (२) जालासहस्साइं पमुंचमाणाइं इंगालसहस्साइं परिकिरमाणाइं
 अंतो (२) भियायंति, ३ । एवामेव माती मायं कट्ठु अंतो (२) भियायइ
 जतिवि त णं अन्ने केति वदति तंपि त णं माती जाणति अहमेसे अभि-
 सङ्गिज्जामि ४ । माती णं मातं कट्ठु (से णं तस्स) अणालोतितपडिक्कंते
 कालमासे कालं किच्चा अराणतरेसु देवलोगेसु देवदत्ताते उववत्तारो भवंति,
 तंजहा—नो महिद्धिएसु जाव नो दूरंगतितेसु नो चिरट्ठितीएसु, से णं तत्थ
 देवे भवति णो महिद्धिए जाव नो चिरट्ठितीते, जावि त से तत्थ बाहिरब्भं-
 तरिया परिसा भवति साऽविय णं नो आदाति नो परियाणाति णो महरि-
 हेणमासणेणं उवनिमंतेति, भासंपि य से भासमाणस्स जाव चत्तारि पंच
 देवा अबुत्ता चेव अब्भुट्ठंति—मा बहूँ देवे ! भासउ ५ । से णं ततो देव-
 लोगाओ आउक्खएणं भवेक्खएणं ठित्तिक्खएणं अणंतरं चयं चइत्ता इहेव
 माणुस्सए भवे जाइं इमाइं कुलाइं भवंति, तंजहा—अंतकुलाणि वा पंतकुलाणि
 वा तुच्छकुलाणि वा दरिद्वकुलाणि वा भिक्खागकुलाणि वा किवएकुलाणि
 वा तहप्पगारेसु कुलेसु पुमत्ताते पचायाति, से णं तत्थ पुमे भवति दुरूवे
 दुवन्ने दुग्गधे दुरसे दुफासे अणिट्ठे अकंते अप्पिते अमणाराणे अमणामे
 हीणस्सरे दीणस्सरे अणिट्ठसरे अकंतसरे अपितस्सरे अमणाराणस्सरे अमणा-
 मस्सरे अणाएज्जवयणपचायाते, जाऽविय से तत्थ बाहिरब्भंतरिता परिसा
 भवति साऽवि त णं णो आदाति णो परिताणाति नो महरिहेणं आसणेणं
 उवणिमंतेति, भासंपि त से भासमाणस्स जाव चत्तारि पंच जणा अबुत्ता चेव
 अब्भुट्ठंति—मा बहूँ अज्जउत्तो ! भासउ (२), ६ । माती णं मातं कट्ठु आलोचि-
 तपडिक्कंते कालमासे कालं किच्चा अराणतरेसु देवलोगेसु देवत्ताए उववत्तारो

भवन्ति, तंजहा—महिद्धिएसु जाव चिरट्टितीएसु, से णं तत्थ देवे भवति महि-
 ङ्गीए जाव चिरट्टितीते हारविरातितवन्छे कडकलुडितथंभितभुते अंगद-
 कुंडलमउडगंडतलकन्नपीढधारी विचित्तहत्थाभरणे विचित्तवत्थाभरणे
 विचित्तमालामउली कल्लाणगपवरवत्थपरिहिते कल्लाणगपवरगंधमल्लाण-
 लेवणधरे भासुरबोंदी पलंववणमालधरे दिव्वेणं वन्नेणं दिव्वेणं गंधेणं
 दिव्वेणं रसेणं दिव्वेणं फासेणं दिव्वेणं संघातेणं दिव्वेणं संठाणेणं
 दिव्वाए इड्डीते दिव्वाते जूतीते दिव्वाते पभाते दिव्वाते छायाते दिव्वाए
 अच्चीए दिव्वेणं तेएणं दिव्वाते लेस्साए दस दिसाओ उज्जोवेमाणा पभा-
 सेमाणा महयाऽहतणट्ट-गीतवातित-तंतीतलताल-लुडितधणमुत्तिग-पडुप्पवाति-
 तरवेणं दिव्वाइं भोगभोगाइं भुंजमाणे विहरइ जाऽवि त से तत्थ वाहिर-
 व्भंतरिता परिमा भवति सावि त णमाढाइ परियाणाति महारिहेण आस-
 णेणं उवनिमंतेति भामंपि त से भासमाणस्स जाव चत्तारि पंच देवां अबुत्ता
 चेव अबुट्टित्ति—बहुं देवे ! भासउ (२), ७। से णं तओ देवलोगातो
 आउक्खएणं ३ जाव चइत्ता इहेव माणुस्सए भवे जाइं इमाइं कुलाइं भवन्ति,
 इ(अ)ट्टाइं जाव बहुजणस्स अपरिभूताइं तहप्पगारेसु कुलेसु पुमत्ताते
 पच्चात्ताति, से णं तत्थ पुमे भवति सुखे सुवन्ने सुगंधे सुरसे सुफासे इट्ठे
 कंते जाव मणामे अहीणस्सरे जाव मणामस्सरे आदेजवतणे पच्चायाते,
 जाऽविय से तत्थ वाहिरव्भंतरिता परिसा भवति साऽवि त णं आत्ताति
 जाव बहुमज्जउत्ते ! भासउ (२), ८ ॥ सू० ५६७ ॥ अट्टविहे संवरे पन्नत्ते,
 तंजहा—सोइंदियसंवरे जाव फासिंदियसंवरे मणसंवरे वतिसंवरे कायसंवरे
 १। अट्टविहं असंवरे पन्नत्ते, तंजहा—सोतिदिअअसंवरे जाव कायअसंवरे
 ॥ सू० ५६८ ॥ अट्ट फासा पन्नत्ता, तंजहा—कक्कडे मउते गरुते लहुते सीते
 उसिणे निद्धे लुक्खे ॥ सू० ५६९ ॥ अट्टविधा लोगठिती पन्नत्ता, तंजहा—
 आगासपतिट्टिते वाते १ वातपतिट्टिते उदही २ एवं जथा छट्ठाणे जाव जीवा

कम्मपतिट्ठिता अजीवा जीवसंगहीता जीवा कम्मसंगहीता ॥ सू० ६०० ॥
 अट्ठविहा गणिसंपता पन्नत्ता, तंजहा—आचारसंपया सुयसंपता सरीरसंपता
 वतणसंपता वातणसंपता मतिसंपता पतोगसंपता संगहपरिणायणाम अट्ठमा
 ॥ सू० ६०१ ॥ एगमेगे णं महानिही अट्ठवक्कवालपतिट्ठाणे अट्ठजोयणाइं
 उड्ढं उच्चतेणं पन्नत्ते ॥ सू० ६०२ ॥ अट्ठ समितीतो पन्नत्ताओ, तंजहा—
 ईरियासमिति भासासमिति एसणासमिति आयाणभंडमत्तनिक्खेवणा-
 समिति उच्चारपासवणखेलजल्लसिघाणपारिट्ठावणियासमिति मणसमिति
 वड्समिति कायसमिति ॥ सू० ६०३ ॥ अट्ठहि ठाणेहिं संपन्ने अणगारे
 अरिहति आलोतणा पडिच्छित्तए, तंजहा—आतारवं आहारवं ववहारवं
 ओवीलए पकुब्बते अपरिस्साती निज्जावते अवातदंसी १। अट्ठहिं ठाणेहिं
 संपन्ने अणगारे अरिहति अत्तदोसमालोइत्तते, तंजहा—जातिसंपन्ने कुल-
 संपन्ने विणायसंपन्ने णाणसंपन्ने दंसणसंपन्ने चरित्तसंपन्ने खंते दंते
 ॥ सू० ६०४ ॥ अट्ठविहे पायच्छित्ते पन्नत्ते तंजहा—आलोयणारिहे पडिक्कमणारिहे
 तदुभयारिहे विवेगारिहे विउस्सग्गारिहे तवारिहे छेयारिहे मूलरिहे
 ॥ सू० ६०५ ॥ अट्ठ मतट्ठाणा पन्नत्ता तंजहा—जातिमते कुलमते बलमते
 रूवमते तवमते सुतमते लाभमते इस्मरितमते ॥ सू० ६०६ ॥ अट्ठ
 अकिरियावाती पन्नत्ता, तंजहा—एगावाती अणोगावाती मितवादी निम्मि-
 वादी सायवाती समुच्छेदवाती णिन्वावादी ण संति परलोगवाती
 ॥ सू० ६०७ ॥ अट्ठविहे महानिमित्ते पन्नत्ते, तंजहा—भोमे उप्पाते सुविणे
 अंतलिक्खे अंगे सरे लक्खणे वंजणे ॥ सू० ६०८ ॥ अट्ठविधा
 वयणविभत्ती पन्नता, तंजहा—निद्देसे पढमा होती, बीतिया उवतेसणे ।
 ततिता करणंमि कता, चउत्थी संपदावणे ॥ १ ॥ पंचमी त अवाताणे,
 छट्ठी सस्सामिवायणे । सत्तमी सन्निहाणत्थे, अट्ठमी आमंतणी भवे ॥ २ ॥
 तत्थ पढमा विभत्ती निद्देसे सो इमो अहं वत्ति । वितीता उण उवतेसे

भण्ण कुण्ण व तिमं व तं वत्ति ॥ ३ ॥ ततिता करणंमि कया णीतं च
 कतं च तेण व मते वा । हंदि णमो साहाते हवति चउत्थी पदाणंमि ॥४॥
 अत्रणे गिरहसु तत्तो इत्तोत्ति व पंचमी अवादणे । छट्ठी तस्स इमस्स व
 गतस्स वा सामिसंबंधे ॥५॥ हवइ पुण सत्तमी तमिमंमि आहारकालभावे
 त आमंतणी भवे अट्ठमी उ जह हे जुवाणत्ती ॥ ६ ॥ सू० ६०१ ॥ अट्ठ
 ठाणाइं छउमत्थेणं सब्बभावेणं ण याणति न पासति, तंजहा—धम्मत्थिगातं
 जाव गंधं वातं, एताणि चेव उप्पन्ननाणदंसणधरे अरहा जिणे केवली
 जाणइ पासइ जाव गंधं वातं ॥ सू० ६१० ॥ अट्ठविधे आउवेदे पन्नत्ते,
 तंजहा—कुमारभिच्चे कायतिगिच्छा सालाती सल्लहत्ता जंगोली भूतवेज्जा
 खारतंते रसातणे ॥ सू० ६११ ॥ सकस्स णं देविंदस्स देवरन्नो अट्ठग्ग-
 महिसीओ पन्नत्ताओ, तंजहा—पउमा सिवा सती (सूती) अंजू अमला
 अच्छरा णवमिया रोहिणी १। ईसाणस्स णं देविंदस्स देवरन्नो अट्ठग्गमहि-
 सीओ पन्नत्ताओ, तंजहा—कण्हा कण्हराती रामा रामरक्खिता वसू वसु-
 गुत्ता वसुमिक्का वसुंधरा २। सकस्स णं देविंदस्स देवरन्नो सोमस्स महारन्नो
 अट्ठग्गमहिसीओ पन्नत्ताओ ३। ईसाणस्स णं देविंदस्स देवरन्नो वेसमणस्स
 महारन्नो अट्ठग्गमहिसीओ पन्नत्ताओ, ४। अट्ठ महग्गहा पन्नत्ता, तंजहा—
 चंदे सूरे सुक्के बुहे बहम्मसी अंगारे सणिचरे केऊ ५ ॥ सू० ६१२ ॥
 अट्ठविधा तणवणस्सतिकातिया पन्नत्ता, तंजहा—मूले कंदे खंधे तथा साले
 पवाले पत्ते पुप्फे ॥ सू० ६१३ ॥ चउरिंदिया णं जीवा असमारभमाणस्स
 अट्ठविधे संजमे कज्जति, तंजहा—चक्खुमातो सोक्खातो अववरोवित्ता भवति,
 चक्खुमतेणं दुक्खेणं असंजोएत्ता भवति, एवं जाव फासामातो सोक्खातो
 अववरोवेत्ता भवति फासामएणं दुक्खेणं असंजोगेत्ता भवति १। चउरिंदिया
 णं जीवा समारभमाणस्स अट्ठविधे असंजमे कज्जति, तंजहा—चक्खुमातो
 सोक्खाओ ववरोवेत्ता भवति, चक्खुमतेणं दुक्खेणं संजोगेत्ता भवति, एवं

जाव फासामातो सोक्खातो ववरोवेत्ता भवति ॥ सू० ६१४ ॥ अट्ट सुहुमा
 पन्नत्ता, तंजहा-पाणसुहुमे पणगसुहुमे बीयसुहुमे हरितसुहुमे पुप्फसुहुमे
 अंडसुहुमे लेणसुहुमे सिणोहसुहुमे ॥ सू० ६१५ ॥ भरहस्स णं रन्नो चाउ-
 रंतचक्कवट्टिस्स अट्ट पुरिसजुगाइं अणुवद्धं सिद्धाइं जाव सव्वदुक्खप्पही-
 णाइं, तंजहा-आदिच्चजसे महाजसे अतिबले महाबले तेतवीरिते कित्तवी-
 रिते दंडवीरिते जलवीरिते ॥ सू० ६१६ ॥ पासस्स णं अरहत्तो पुरिसा-
 दाणितस्स अट्ट गणा अट्ट गणहरा होत्था, तंजहा-सुभे अज्जघोसे वसिट्ठे-
 बंभचारी सोमे सिरिधरिते वीरिते भद्दजसे ॥ सू० ६१७ ॥ अट्टविधे
 दंसणे पन्नत्ते, तंजहा-सम्मददंसणे मिच्छददंसणे सम्मामिच्छदंसणे चक्खुदंसणे
 जाव केवलदंसणे सुविणदंसणे ॥ सू० ६१८ ॥ अट्टविधे अद्धोवमिते पन्नत्ते,
 तंजहा-पलितोवमे सागरोवमे उस्सप्पिणी ओसप्पिणी पोग्गलपरियट्ठे
 तीतद्धा अणागतद्धा सव्वद्धा ॥ सू० ६१९ ॥ अरहतो णं अरिट्ठनेमिस्स
 जाव अट्टमातो पुरिसजुगातो जुगंतकरभूमी दुवासपरियाते अंतमक्कासी
 ॥ सू० ६२० ॥ समणेणं भगवता महावीरेणं अट्ट रायाणो मुंडे भवेत्ता
 अगारातो अणुगारितं पव्वाविता, तंजहा-वीरंगय वीरजसे संजयएणिज्जते
 य रायरिसी । सेयसिवे उदायणे तह संखे कासितवद्धणए ॥ सू० ६२१ ॥
 अट्टविधे आहारे पन्नत्ते, तंजहा-मणुगणे असणे पाणे साइमे साइमे अम-
 णुगणे जाव साइमे ॥ सू० ६२२ ॥ उप्पि सणंकुमारमाहिंदाणं कप्पाणं
 हेट्ठिं बंभलोगे कप्पे रिट्ठविमाणे पत्थडे एत्थ णमक्खाडगसमचउरंससंठाण-
 संठिनातो अट्ट कणहरातीतो पन्नत्ताओ, तंजहा-पुरच्छिमेणं दो कणहरातीतो
 दाहिणेणं दो कणहराइओ पच्चच्छिमेणं दो कणहराइओ उत्तरेणं दो कणह-
 राइओ, पुरच्छिमा अब्भंतरा कणहराती दाहिणं बाहिरं कणहराइं पुट्ठा,
 दाहिणा अब्भंतरा कणहराती पच्चच्छिमगं बाहिरं कणहराइं पुट्ठा, पच्च-
 च्छिमा अब्भंतरा कणहराती उत्तरं बाहिरं कणहराइं पुट्ठा, उत्तरा अब्भंतरा

कणहराती पुरच्छिद्रं बाहिरं कणहरातीं पुट्टा, पुरच्छिद्रमपञ्चच्छिद्रमिल्ल्याओ
 बाहिराओ दो कणहरातीतो छलंसातो, उत्तरदाहिणाओ बाहिराओ दो
 कणहरातीतो तंसाओ, सव्वाओऽवि णं अब्भंतरकणहरातीतो चउरंसाओ १।
 एतासि णं अट्ठगहं कणहरातीणं अट्ठ नामधेज्जा पन्नत्ता, तंजहा—कणहरातीति
 वा मेहरातीति वा मघाति वा माघवतीति वा वातफलिहेति वा वातपलिकखो-
 भेति वा देवपलिहे वा देवपलिकखोभेति वा २। एतासि णं अट्ठगहं कणह-
 रातीणं अट्ठसु उवासंतरेसु अट्ठ लोगंतितविमाणा पन्नत्ता तंजहा—अच्चो
 अच्चिमाली वतिरोअणो पभंकरे चंदाभे सूराम्भे सुपइट्ठाम्भे अग्गिच्चाभे ३।
 एतेसु णं अट्ठसु लोगंतितविमाणेसु अट्ठविधा लोगंतिता देवा पन्नत्ता,
 तंजहा—सारसतमाइच्चा वराही वरुणा य गहतोया य । लुसिता अव्वाबांहा
 अग्गिच्चा चेव वोद्धव्वा ॥१॥ ४। एतेसि णमट्ठगहं लोगंतितदेवाणं अजह-
 राणामणुक्कोसेणं अट्ठ सागरोवमाइं ठिती पणत्ता ५ ॥ सू० ६२३ ॥
 अट्ठ धम्मत्थिगातमज्झपतेसा पन्नत्ता, अट्ठ अधम्मत्थिगातमज्झपतेसा पन्नत्ता,
 एवं चेव अट्ठ आगासत्थिगातमज्झपतेसा पन्नत्ता, एवं चेव अट्ठ जीवमज्झपएसा
 पन्नत्ता ॥ सू० ६२४ ॥ अरहंता णं महापउमे अट्ठ रायाणो मुंडा भवित्ता
 अगारातो अणगारितं पव्वावेस्सति, तंजहा—पउमं पउमगुम्मं नलिणं नलि-
 नगुम्मं पउमद्धतं धणुद्धतं कणगरहं भरहं ॥ सू० ६२५ ॥ कणहस्स णं
 वासुदेवस्स अट्ठ अग्गमहिसीओ अरहतो णं आरट्ठनेमिस्स अंतिते मुंडा
 भवेत्ता अगारातो अणगारितं पव्वतिता सिद्धाओ जाव सव्वदुक्खप्पही-
 णाओ, तंजहा—पउमावती गोरी गंधारी लक्खणा सुसीमा जंबवती सच्च-
 भामा रुपिणी कणहअग्गमहिसीओ ॥ सू० ६२६ ॥ वीरितपुव्वस्स णं
 अट्ठ वत्थू अट्ठ चूलिया(चूल)वत्थू पन्नत्ता ॥ सू० ६२७ ॥ अट्ठ गतितो
 पन्नत्ताओ, तंजहा—णिरंतगती तिरियगई जाव सिद्धिगती गुरुगती पणोल्लणगती
 पव्वारगती ॥ सू० ६२८ ॥ गंगासिंधुरत्तारत्तवतिदेवीणं दीवा अट्ठ (२)

जोयणाइं आयामविक्रखंभेणं पन्नत्ता ॥ सू० ६२१ ॥ उकामुहमेहमुहविज्जु-
 मुहविज्जुदंतदीवाणं दीवा अट्ट (२) जोयणासयाइं आयामविक्रखंभेणं पन्नत्ता
 ॥ सू० ६३० ॥ कालोते णं समुद्दे अट्ट जोयणासयसहस्साइं चक्कवाल-
 विक्रखंभेणं पन्नत्ते ॥ सू० ६३१ ॥ अब्भंतरपुक्खरद्धे णं अट्ट जोयणासय-
 सहस्साइं चक्कवालविक्रखंभेणं पन्नत्ता, एवं बाहिरपुक्खरद्धेवि ॥ सू० ६३२ ॥
 एगमेगस्स णं रत्तो चाउरंतचक्कवट्टिस्स अट्टसोवन्निते काकिणिरयणे छत्तले
 दुवालसंसिते अट्टकरिणत्ते अधिकरणिसंठिते पन्नत्ता ॥ सू० ६३३ ॥
 मागधस्स णं जोयणास्स अट्ट धणुसहस्साइं निहारे (निहत्ते) पन्नत्ते
 ॥ सू० ६३४ ॥ जंबू णं सुदंसणा अट्ट जोयणाइं उद्धं उच्चत्तेणं बहुमज्झ-
 देसभाए अट्ट जोयणाइं विक्रखंभेणं सातिरेगाइं अट्ट जोयणाइं सब्बग्गेणं
 पन्नत्ता १ । कूडसामली णं अट्ट जोयणाइं, एवं चेव २ ॥ सू० ६३५ ॥
 तिमिसगुहा णमट्ट जोयणाइं उद्धं उच्चत्तेणं ३ । खंडप्पवातगुहा णं अट्ट
 जोयणाइं उद्धं उच्चत्तेणं एवं चेव ४ ॥ सू० ६३६ ॥ जंबूमंदरस्स पव्वयस्स
 पुरच्छिमेणं सीताते महानतीते उभतोक्कूले अट्ट वक्खारपव्वया पन्नत्ता,
 तंजहा—चित्तकूडे पम्हकूडे नलिणकूडे एगसेले तिकूडे वेसमणकूडे अंजणे
 मायंजणे १ । जंबूमंदरपच्चच्छिमेणं सीतोताते महानतीते उभतोक्कूले अट्ट
 वक्खारपव्वता पन्नत्ता, तंजहा—अंकावती पम्हावती आसीवीसे सुहावहे
 चंदपव्वते सूरपव्वते णागपव्वते देवपव्वते २ । जंबूमंदरपुरच्छिमेणं
 सीताते महानतीते उत्तरेणं अट्ट चक्कवट्टिविजया पन्नत्ता, तंजहा—कच्छे
 सुकच्छे महाकच्छे कच्छगावती आवत्ते जाव पुक्खलावती ३ । जंबूमंदर-
 पुरच्छिमेणं सीताते महानतीते दाहिणेणमट्ट चक्कवट्टिविजया पन्नत्ता,
 तंजहा—वच्छे सुवच्छे जाव मंगलावती ४ । जंबूमंदरपच्चच्छिमेणं सीतोता-
 महानदीते दाहिणेणं अट्ट चक्कवट्टिविजया पन्नत्ता, तंजहा—पम्हे जाव सलि-
 लावती ५ । जंबूमंदरपच्चत्थिमेणं सीतोताए महानदीए उत्तरेणं अट्ट चक्कव-

द्विविजया पन्नत्ता, तंजहा—वप्पे सुवप्पे जाव गंधिलावती ६ । जंबूमंदर-
पुरच्छिमेणां सीताते महानतीते उत्तरेणमट्ट रायहाणीतो पन्नत्ताओ, तंजहा—
खेमा खेमपुरी चेव जाव पुंडरीगिणी ७ । जंबूमंदरपुरच्छिमेणां सीताए
महाणईएदाहियोणां अट्ट रायहाणीतो पन्नत्ताओ, तंजहा—सुसीमा कुंडला
चेव जाव रयणासंचया ८ । जंबूमंदरपच्चच्छिमेणां सीओदाते महाणदीते
दाहियोणां अट्ट रायहाणीओ पन्नत्ताओ, तंजहा—आसपुरा जाव वीतसोगा ९ ।
जंबूमंदरपच्चच्छिमेणां सीतोताते महानतीते उत्तरेणमट्ट रायहाणीओ पन्न-
त्ताओ, तंजहा—विजया वेजयंती जाव अउज्झा १० ॥ सू० ६३७ ॥
जंबूमंदरपुरपच्चच्छिमेणां सीताते महाणदीए उत्तरेणां उक्कोसपए अट्ट अर-
हंता अट्ट चक्कवट्ठी अट्ट बलदेवा अट्ट वासुदेवा उप्पज्जिसु वा उप्पजंति वा
उप्पज्जिसंति वा ११ । जंबूमंदरपुरच्छिमेणां सीताए दाहियोणां उक्कोसपए
एवं चेव १२ । जंबूमंदरपच्चत्थिमेणां सीओयाते महाणदीए दाहियोणां उक्को-
सपए एवं चेव १३ । एवं उत्तरेणांवि १४ ॥ सू० ६३८ ॥ जंबूमंदरपुर-
च्छिमेणां सीताते महानईए उत्तरेणां अट्ट दीहवेयहा अट्ट तिमिसगुहाओ अट्ट
खंडगप्पवातगुहा अट्ट कयमालगा देवा अट्ट णट्टमालगा देवा अट्ट गंगा कुंडा
अट्ट सिधु कुंडा अट्ट गंगातो अट्ट सिधूओ अट्ट उसभकूडा पव्वता अट्ट उसभ-
कूडा देवा पन्नत्ता १५ । जंबूमंदरपुरच्छिमेणां सीताते महानतीते दाहियोणां अट्ट
दीहवेयहा एवं चेव जाव अट्ट उसभकूडा देवा पन्नत्ता, नवरसेत्थ रत्तारत्ता-
वतीतो तासिं चेव कुंडा १६ । जंबूमंदरपच्चच्छिमेणां सीतोताए महानदीते
दाहियोणां अट्ट दीहवेयहा जाव अट्ट नट्टमालगा देवा अट्ट गंगाकुंडा अट्ट
सिधुकुंडा अट्ट गंगातो अट्ट सिधूओ अट्ट उसभकूडपव्वता अट्ट उसभकूडा
देवा पणत्ता १७ । जंबूमंदरपच्चत्थिमेणां सीओताते महानतीते उत्तरेणां अट्ट
दीहवेयहा जाव अट्ट नट्टमालगा देवा अट्ट रत्तकुंडा अट्ट रत्तावतिकुंडा अट्ट
रत्ताओ जाव अट्ट उसभकूडा देवा पन्नत्ता १८ ॥ सू० ६३९ ॥ मंदरचूलिया

गां बहुमज्ज्मदेसभाते अट्ट जोयणाइं विक्खंभेणां पन्नत्ते ११ ॥ सू० ६४० ॥
 धायइसंडदीवे पुरत्थिमद्धेणां धायतिरुक्खे अट्ट जोयणाइं उट्ठं उच्चत्तेणां पन्नत्ते,
 बहुमज्ज्मदेसभाए अट्ट जोयणाइं विक्खंभेणां साइरेगाइं अट्ट जोयणाइं सव्व-
 ग्गेणां पन्नत्ते, एवं धायइरुक्खातो आढवेत्ता सच्चवेव जंबूदीववत्तव्वता
 भाणियव्वा जाव मंदरचूलियत्ति एवं पच्चच्छिमद्धेवि महाधाततिरुक्खातो
 आढवेत्ता जाव मंदरचूलियत्ति एवं पुक्खरवरदीवट्ठपुरच्छिमद्धेऽवि पउमरु-
 क्खाओ आढवेत्ता जाव मंदरचूलियत्ति एवं पुक्खरवरदीवपच्चत्थिमद्धेवि
 महापउमरुक्खातो जाव मंदरचूलितत्ति ॥ सू० ६४१ ॥ जंबूदीवे (२) मंदरे
 पव्वते भइसालवणे अट्ट दिसाहत्थिकूडा पन्नत्ता, तंजहा-पउमुत्तर-नीलवंते
 सुहत्थि अंजणागिरी कुमुते य । पलासते वडिंसे (अट्टमए) रोयणागिरी ॥ १ ॥
 १। जंबूदीवस्स गां दीवस्स जगती अट्ट जोयणाइं उट्ठं उच्चत्तेणा बहुमज्ज्म देसभाते
 अट्ट जोयणाइं विक्खंभेणां २ ॥ सू० ६४२ ॥ जंबूदीवे (२) मंदरस्स पव्वयस्स
 दाहिणेणां महाहिमवंते वासहरपव्वते अट्ट कूडा पन्नत्ता, तंजहा-सिद्धे
 महाहिमवंते हिमवंते रोहिता हरीकूडे । हरिकंता हरिवासे वेरुलिते चेव कूडा
 उ ॥ १ ॥ १ । जंबूमंदरउत्तरेणां रुप्पिमि वासहरपव्वते अट्ट कूडा पन्नत्ता,
 तंजहा-सिद्धे य रुप्पी रम्मग नरकंता बुद्धि रूपकूडे या । हिरण्णावते
 मणिकंचणे त रुप्पिमि कूडा उ ॥ १ ॥ २ । जंबूमंदरपुरच्छिमहेणां रुयगवरे
 पव्वते अट्ट कूडा पन्नत्ता, तंजहा-रिट्ठे तवण्णिज्ज कंचणा रयत दिसासोत्थिते
 पलंबे य । अंजणा अंजणापुलत्ते रुयगस्म पुरच्छिमहे कूडा ॥ १ ॥ ३ । तत्थ
 गां अट्ट दिसाकुमारिमहत्तरितातो महिद्धियातो जाव पलित्थोवमट्ठितीतातो
 परिवसंति, तंजहा-णंदुत्तरा य गांदा, आगांदा गांदिवद्धणा । विजया य
 वेजयंती, जयंती अपराजिया ॥ १ ॥ ४ । जंबूमंदरदाहिणेणां रुतगवरे पव्वते
 अट्ट कूडा पन्नत्ता, तंजहा-कणाते कंचणे पउमे नलिणे ससि दिवायरे चेव ।
 वेसमणे वेरुलिते रुयगस्स उ दाहिणे कूडा ॥ १ ॥ ५ । तत्थ गां अट्ट

दिसाकुमारिमहत्तरियातो महिष्ठियातो जाव पलित्रोवमट्टितीतातो परिवसंति
तंजहा-समाहारा सुप्पतिगणा, सुप्पबुद्धा जसोहरा । लच्छिवती सेसवती,
चित्तगुत्ता वसुंधरा ॥ १ ॥ ६ । जंबूमंदरपच्चत्थिमेणं रुयगवरे पव्वते अट्ट कूडा
पन्नत्ता, तंजहा-सोत्थिते त अमोहे य, हिमवं मंदरे तथा । रुयगे रुतगुत्तमे
चंदे, अट्टमे त सुदंसणे ॥ १ ॥ ७ । तत्थ णमट्ट दिसाकुमारिमहत्तरियात्रो
महिष्ठियातो जाव पलित्रोवमट्टितीतातो परिवसंति तंजहा-इलादेवी सुरादेवी
पुट्टवी पउमावती । एगनासा णवमिता, सीता भदा त अट्टमा ॥ १ ॥ ८ ।
जंबूमंदरउत्तररुयगवरे पव्वते अट्ट कूडा पन्नत्ता, तंजहा-रयणे रयणुच्चते ता,
सव्वरयणा रयणसंचते चेव । विजये य विजयंते जयंते अपराजिते ॥ १ ॥ ९ ।
तत्थ णं अट्ट दिसाकुमारिमहत्तरियातो महिष्ठियात्रो जाव पलित्रोवमट्टितीतात्रो
परिवसंति तंजहा-अलंबुसा मितकेसी पोंडरि गीतवासणी । आसा य सव्वगा
चेव, सिरी हिरी चेव उत्तरतो ॥ १ ॥ १० । अट्ट अहेलोगवत्थव्वातो
दिसाकुमारिमहत्तरितातो पन्नत्तात्रो, तंजहा-भोगंकरा भोगवती, सुभोगा
भोगमालिणी । सुवच्छा वच्छमिता य, वारिसेणा बलाहगा ॥ १ ॥ ११ ।
अट्ट उट्टलोगवत्थव्वात्रो दिसाकुमारिमहत्तरितातो पन्नत्तात्रो, तंजहा-
मेघंकरा मेघवती, सुमेघा मेघमालिणी । तोयधारा विचित्ता य, पुष्फमाला
अणिदिता ॥ १ ॥ १२ ॥ सू० ६४३ ॥ अट्ट कप्पा तिरितमिस्सोववन्नगा
पन्नत्ता, तंजहा-सोहम्मे जाव सहस्सारे १ । एतेसु णमट्ट कप्पेसु अट्टसु इंदा
पन्नत्ता, तंजहा-सक्के जाव सहस्सारे २ । एतेसि णं अट्टराहमिंदाणं अट्ट
परियाणिया विमाणा पन्नत्ता, तंजहा-पालते पुष्फते सोमणसे सिरिवच्छे
णंदा(दिया)वत्ते कामकमे पीतिमणे विमले ३ ॥ सू० ६४४ ॥ अट्टट्टमियाणं
भिक्षुपडिमाणं चउसट्ठीते राइंदिण्हिं दोहि य अट्टासीतेहिं भिक्खासतेहिं
अहासुत्ता जाव अणुपालितावि भवति ॥ सू० ६४५ ॥ अट्टविधा संसार-
समावन्नगा जीवा पन्नत्ता, तंजहा-पद्मसमयनेरतिता अपद्मसमयनेरतिता एवं

जाव अपढमसमयदेवा १। अट्टविधा सव्वजीवा पन्नत्ता, तंजहा—नेरतिता
तिरिक्खजोणिता तिरिक्खजोणिणीओ मणुस्सा मणुस्सीओ देवा देवीओ
सिद्धा २। अथवा अट्टविधा सव्वजीवा पन्नत्ता, तंजहा—आभिणिबोहित-
नाणी जाव केवलनाणी मतिअन्नाणी सुतअरणाणी विभंगणाणी ३ ॥
सू० ६४६ ॥ अट्टविधे संजमे पन्नत्ते, तंजहा—पढमसमयसुहुमसंपरागसराग-
संजमे अपढमसमयसुहुमसंपरायसरागसंजमे पढमसमयबादरसंजमे अपढमस-
मयबादरसंयमे पढमसमयउवसंतकसायवीतरायसंजमे अपढमसमयउवसंतकसा-
यवीतरागसंजमे पढमसमयखीणकसायवीतरागसंजमे अपढमसमयखीणकसा-
यवीतरागसंजमे ॥ सू० ६४७ ॥ अट्ट पुढ्वीओ पन्नत्ताओ, तंजहा—रय-
णप्पभा जाव अहे सत्तमा ईसिपम्भारा १। ईसीपम्भाराते णं पुढ्वीते बहु-
मज्झदेसभागे अट्टजोयणिण खेत्ते अट्ट जोयणाइं बाहल्लेणं पराणत्ते २।
ईसिपम्भाराते णं पुढ्वीते अट्ट नामधेज्जा पन्नत्ता, तंजहा—ईसित्ति वा इसिप-
म्भाराति वा तणूति वा तणुतणूइ वा सिद्धीति वा सिद्धालतेति वा मुत्तीति
वा मुत्तालतेति वा ३ ॥ सू० ६४८ ॥ अट्टहिं ठाणेहिं सम्मं संघडितव्वं
जतितव्वं परक्कमितव्वं अस्सि च णं अट्ठे णो पमातेतव्वं भवति—असुयाणं
धम्माणं सम्मं सुण्णताते अब्भुट्ठेतव्वं भवति १। सुताणं धम्माणं ओगि-
राहणयाते उवधारणयाते अब्भुट्ठेतव्वं भवति २। पा(ण)वाणं कम्माणं
संजमेणमकरणाताते अब्भुट्ठेतव्वं भवति ३। पोराणाणं कम्माणं तवसा
विगिञ्चणाताते विसोहणाताते अब्भुट्ठेतव्वं भवइ ४। असंगिहीतपरितणस्स
संगिराहणाताते अब्भुट्ठेतव्वं भवति ५। सेहं आथारगोयरगहणाताते अब्भु-
ट्ठेतव्वं भवति ६। गिलाणस्स अगिलाते वेयावच्चकरणाताए अब्भुट्ठेतव्वं
भवति ७। साहम्मिताणमधिकरणांसि उप्पराणांसि तत्थ अनिस्सितोवस्सितो
अपक्खग्गाही मज्झत्थभावभूते कह णु साहम्मिता अप्पसद्दा अप्पमंभा
अप्पतुमंतुमा उवसामणाताते अब्भुट्ठेतव्वं भवति ८ ॥ सू० ६४९ ॥ महा-

सुकसहस्रारेषु गां कप्पेसु विमाणा अट्ट जोयणासताइं उड्ढं उच्चत्तेणं पन्नत्ता
 ॥ सू० ६५० ॥ अरहतो गां अरिट्ठनेमिस्स अट्टसया वादीणां सदेवमणुया-
 सुराते परिसाते वादे अपराजिताणां उक्कोसिया वादिसंपया हुत्था ॥ सू०
 ६५१ ॥ अट्टसमतिण्णं केवलीसमुग्धाते पन्नत्ते, तंजहा-पट्टमे समए दंडं
 करेति, बीए समए कवाडं करेति, ततिण्णं समते मंथानं करेति, चउत्थे समते
 लोगं पूरेति, पंचमे समए लोगं पडिसाहरति, छट्ठे समए मंथं पडिसाहरति,
 सत्तमे समए कवाडं पडिसाहरति, अट्टमे समए दंडं पडिसाहरति ॥ सू०
 ६५२ ॥ समणस्स गां भगवतो महावीरस्स अट्ट सया अणुत्तरोववातियाणां
 गतिकल्लाणाणां जाव आगमेसिभद्दाणां उक्कोसिता अणुत्तरोववातितसंपया
 हुत्था ॥ सू० ६५३ ॥ अट्टविधा वाणमंतरा देवा पन्नत्ता तंजहा-पिसाया
 भूता जक्खा रक्खसा किन्नरा किंपुरिसा महोरगा गंधव्वा । एतेसि गां
 अट्टगहं(विहाणां) वाणमंतरदेवाणां अट्ट चेतितरुक्खा पन्नत्ता, तंजहा-कलंबो
 अ पिसायाणां, वडो जक्खाणां चेतितं । तुलसी भूयाणां भवे, रक्खसाणां च
 कंडयो ॥१॥ असोओ किन्नराणां च, किंपुरिसाणां य चंपतो । नागरुक्खो
 भुयंगाणां, गंधवाणां य तेंदुओ ॥२॥ २ ॥ सू० ६५४ ॥ इमीसे रयणाप्प-
 भाते पुढवीते बहुसमरमणिज्जाओ भूमिभागाओ अट्टजोयणासते उड्ढवाहाते
 सूरविमाणो चारं चरति ॥सू० ६५५॥ अट्ट नक्खत्ता चंदेणं सद्धिपमदं जोगं
 जोतेंति, तंजहा-कत्तिता रोहिणी पुराणव्वसू महा चित्ता विस्साहा अणु-
 राधा जेट्ठा ॥ सू० ६५६ ॥ जंबुद्वीवस्स गां दीवस्स दारा अट्टजोयणाइं
 उड्ढं उच्चत्तेणं पन्नत्ता १ । सव्वेसिंणिं दीवसमुद्दाणां दारा अट्टजोयणाइं उड्ढं
 उच्चत्तेणं पन्नत्ता २ ॥ सू० ६५७ ॥ पुरिसवेयणिज्जरस्स गां कम्मस्स जहन्नेणं
 अट्टसंवच्छराइं बंधठिती पन्नत्ता १ । जसोकित्तीनामएणां कम्मस्स जहराणेणं
 अट्ट मुहुत्ताइं बंधठिती पन्नत्ता २ । उच्चगोयस्स गां कम्मस्स एवं चेव ३ ॥सू०
 ६५८ ॥ तेइंदियाणमट्ट जातीकुलकोडीजोणीपमुहसत सहस्सा पन्नत्ता ॥ सू०

६५६ ॥ जीवा णं अट्ठगणणिव्वत्तिते पोग्गले पावकम्मत्ताते चिणिसु वा चिणंति वा चिणिससंति वा, तंजहा—पढमसमयनेरतितनिव्वत्तिते जाव अपढ-
मसमयदेवनिव्वत्तिते, एवं चिण उवचिण जाव निज्जरा चेव, अट्ठपतेसिता
संधा अणंता पराणत्ता, अट्ठपतेसोगाढा पोग्गला अणंता पराणत्ता जाव
अट्ठगुणलुक्खा पोग्गला अणंता पराणत्ता ॥ सू० ६६० ॥ अट्ठमं ठाणं
सम्मत्तं ॥ अट्ठमं अज्झयणं सम्मत्तं ॥

॥ इति अष्टस्थानाख्यमष्टममध्ययनम् ॥ ८ ॥

॥ अथ नवस्थानकाख्यं नवममध्ययनम् ॥

नवहिं ठाणेहिं समणे णिग्गंथे संभोतितं विसंभोतितं करेमाणे णातिक-
मति, तंजहा—आयरियपडिणीयं उवज्झायपडिणीयं थेरपडिणीयं कूलपडिणीयं
गणपडिणीयं संघपडिणीयं नाणपडिणीयं दंसणपडिणीयं चरित्तपडिणीयं
॥ सू० ६६१ ॥ एव वंभचेरा पन्नत्ता तंजहा—सत्थपरिन्ना लोगविज्जयो
जाव उवहाणसुयं महापरिणणा ॥ सू० ६६२ ॥ नव वंभचेरगुत्तीतो पन्न-
त्तायो, तंजहा—विवत्ताइं सयणासणाइं सेवित्ता भवति णो इत्थिसंसत्ताइं नो
पसुसंसत्ताइं नो पंडगसंसत्ताइं १ नो इत्थिणं क्हं कहेत्ता २ नो इत्थि-
ठाणाइं सेवित्ता भवति ३ णो इत्थीणमिंदिताइं मणोहराइं मणोरमाइं
आलोइत्ता निज्झाइत्ता भवइ ४ णो पणीतरसभोती ५ णो पाणभोयणस्स
अतिमत्तं(मातं) आहारते सता भवति ६ णो पुव्वरतं पुव्वकीलियं सम-
रेत्ता भवति ७ णो सदाणुवाती णो रूवाणुवाती णो सिलोगाणुवाती ८
णो सातसोक्खपडिक्खे यावि भवति ९, १० ॥ एव वंभचेरअगुत्तींओ पन्न-
त्तायो, तंजहा—णो विवत्ताइं सयणासणाइं सेवित्ता भवइ, इत्थीसंसत्ताइं पसु-
संसत्ताइं पंडगसंसत्ताइं इत्थीणं क्हं कहेत्ता भवइ, इत्थीणं ठाणाइं सेवित्ता
भवति, इत्थीणं इंदियाइं जाव निज्झाइत्ता भवति, पणीतरसभोती पाणभोय-

ग्रास्स अइमायमाहारए सया भवइ, पुव्वरयं पुव्वकीलियं संरित्ता भवइ,
 सहाणुवाई रूवाणुवाई सिलोगाणुवाई जाव सायासुखपडिवज्जे यावि भवति
 ॥ सू० ६६३ ॥ अभिणंदणाओ गं अरहओ सुमती अरहा नवहिं
 सागरोवमकोडीसयसहस्सेहिं विइक्कंतेहिं समुप्पन्ने ॥ सू० ६६४ ॥ नव
 मवभावपयत्था पन्नत्ता, तंजहा-जीवा अजीवा पुराणं पावो आसवो संवरो
 निजरा वंओ मोक्खो ॥ सू० ६६५ ॥ एवविहा संसारसमावन्नगा जीवा
 पन्नत्ता, तंजहा-पुढविकाइया जाव वणस्सइकाइया वेइंदिया जाव पंचिंदितत्ति
 १ । पुढविकाइया नवगइया नवआगतिता पन्नत्ता, तंजहा-पुढवीकाइए पुढवि-
 काइएसु उववज्जमाणे पुढविकाइएहिंतो वा जाव पंचिंदियेहिंतो वा उवव-
 ज्जेजा, से चेव गं से पुढविकाइए पुढविकायत्तं विप्पजहमाणे पुढवि-
 काइयत्ताए जाव पंचिंदियत्तांते वा गच्छेज्जा २ एवमाउकाइयावि ३ जावं
 पंचिंदियत्ति २ । एवविधा सब्वजीवा पन्नत्ता, तंजहा-एगिंदिया वेइंदिया
 तेइंदिया चउरिंदिया नेरतिता पंचेंदियतिरिक्खजोणिया मणुस्सा देवा सिद्धा
 ३ । अथवा एवविहा सब्वजीवा पन्नत्ता, तंजहा-पढमसमयनेरतिता
 अपढमसमयनेरतिता जाव अपढमसमयदेवा सिद्धा ४ । नवविहा
 सब्वजीवोगाहणा पन्नत्ता, तंजहा-पुढविकाइओगाहणा आउकाइओ-
 गाहणा जाव वणस्सइकायउगाहणा वेइंदियओगाहणा तेइंदियओगाहणा
 चउरिंदियओगाहणा पंचिंदियओगाहणा ५ । जीवाणं नवहिं ठणेहिं संसारं
 वत्तिंसुं वा वत्तंति वा वत्तिस्संति वा, तंजहा-पुढविकाइयत्ताए जाव पंचिंदिय-
 ताए ६ ॥ सू० ६६६ ॥ एवहिं ठणेहिं रोगुप्पत्ती सिया तंजहा-अचा-
 सणाते अहितासणाते अतिणिहाए अतिजागरितेण उच्चारनिरोहेणं पास-
 वणनिरोहेणं अद्धाणगमणेणं भायणपडिकूलताते इंदियत्थविकोवणायाते
 ॥ सू० ६६७ ॥ एवविधे दरिसणावरणिज्जे कम्मे पन्नत्ते, तंजहा-निहा
 निहानिहा पयला पयलापयला थीणगिद्धी चक्खुदंसणावरणे अचक्खुदंस-

श्रीमत्स्थानाङ्गव्रतम् :: अध्यायनं ६]

गावरणो अवधिदंसणावरणो केवलदंसणावरणो ॥ सू० ६६८ ॥ अभिती
 गां गाक्खत्ते सातिरेगे नव मुहुत्ते चंदेण सद्धिं जोगं जोतेति, अभीतिआतिआ
 गां गावनक्खत्ता गां चंदस्स उत्तरेणं जोगं जोतेति, तंजहा-अभीती सवणो
 धणिट्ठा जाव भरणी ॥ सू० ६६९ ॥ इमीसे गां रयणप्पभाते पुढेवीए बहुसमर-
 मणिज्जाओ भूमिभागाओ गावजोअणसताइं उद्धं अबाहाते उ(अ)वरिल्ले
 तारारूवे चारं चरति ॥ सू० ६७० ॥ जंबूदीवे गां दीवे गावजोयणिआ
 मच्छा पविसिंसु वा पविसंति वा पविसिस्संति वा ॥ सू० ६७१ ॥
 जंबूदीवे दीवे भारहे वासे इमीसे ओसप्पिणीते गाव बलदेववासुदेवपियरो
 हुत्था तंजहा-पयावती त वंमे य, रोहे सोमे सिवेतिता । महासीहे अग्नि-
 सीहे, दसरह नवमे य वसुदेवे ॥ १ ॥ इत्तो आढत्तं जथा समवाये निरव-
 सेसं जाव एगा से गवभवसही सिज्झिस्सति आगमेस्सेणं १ । जंबूदीवे
 दीवे भारहे वासे आगमेस्साए उस्सप्पिणीते नव बलदेववासुदेवपितरो
 भविस्संति २ । नव बलंदेववासुदेवमायरो भविस्संति एवं जथा समवाते
 निरवसेसं जाव महाभीमसेण सुग्गीवे य अपच्छिमे ३ । एए खलु पडिसत्तू
 किन्तीपुरिसाण वासुदेवाणं । सव्वेवि चक्कोही हम्महंती सचक्केहिं
 ॥ १ ॥ सू० ६७२ ॥ एगमेगे गां महानिधी गां गाव गाव जोयणाइं
 विक्खंभेणं पराणत्ते एगमेगस्स गां रन्नो चाउरंतचक्कवट्टिरस नव महानिहओ
 पन्नत्ता तंजहा-“शेसप्पे १ पंडुयए २ पिंगलते ३ सव्वरयणा ४ महापउमे
 ५ । काले य ६ महाकाले ७ माणवग ८ महानिही संखे ९ ॥ १ ॥
 शेपपंमि निवेसा गामागरनगरपट्टणाणं च । दोणमुहमडंवाणं खंधाराणं
 गिहाणं च ॥ २ ॥ गणिथस्स य बीयाण माणुम्माणुस्स जं पमाणं च ।
 धन्नस्स य बीयाणं उप्पत्ती पंडुते भणिया ॥ ३ ॥ सव्वा आभरणविही
 पुरिसाणं जा य होइ महिलाणं । आसाण य हत्थीण य पिंगलगनिहिंमि
 सा भणिया ॥ ४ ॥ रयणाइं सव्वरयणो चोदस पवराइं चक्कवट्टिस्स ।

उप्पज्जंति एगिंदियाइं पंचिंदियाइं च ॥ ५ ॥ वत्थाण य उप्पत्ती निप्पत्ती
 चेव सव्वभत्तीणां । रंगाण य धोयाण य सव्वा एसा महापउमे ॥ ६ ॥
 काले कालराणाणं भव्वपुराणं च तीसु वासेसु । सिप्पसतं कम्माणि य
 तिन्नि पयाए हियकराइं ॥ ७ ॥ लोहस्स य उप्पत्ती होइ महाकालि
 आगराणं च । रूपस्स सुवन्नस्स य मणिमोत्तिसिलप्पवालाणं ॥ ८ ॥
 जोधाण य उप्पत्ती आवरणाणं च पहरणाणं च । सव्वा य जुद्धनीती
 माणावते दंडनीती य ॥ ९ ॥ नट्टविही नाडगविही कव्वस्स चउव्विहस्स
 उप्पत्ती । संखे महानिहिम्मी तुडियंगाणं च सव्वेसिं ॥ १० ॥ चक्कट्टपइट्टाणा
 अट्ठुस्सेहा य नव य विक्खंभे । बारसदीहा मंजूससंठिया जह्वीई मुहे
 ॥ ११ ॥ वेरुलियमणिकवाडा कणगमया विविधरयणपडिपुन्ना । ससिस्सूरचक-
 लक्खणाअणुसमजुगवाहुवतणा त ॥ १२ ॥ पलिआवमट्ठितीया णिहिसरिणामा
 य तेसु खलु देवा । जेसिं ते आवासा अक्किजा आहिवचा वा ॥ १३ ॥ एए
 ते नवनिहयो पभूतधणरयणसंचयसमिद्धा । जे वसमुवगच्छंती सव्वेसिं
 चक्कवट्ठीणं ॥ १४ ॥ ॥सू० ६७३॥ एव विगतीतो पन्नत्ताओ, तंजहा-खीरं
 दधिं एवणीतं सप्पि तेलं गुलो महुँ मज्जं मंसं ॥ सू० ६७४ ॥ एवसोत-
 परिस्सवा बोंदी पराणत्ता, तंजहा-दो सोत्ता दो शेत्ता दो घाणा मुहं पोसे
 पाऊ ॥ सू० ६७५ ॥ एवविधे पुन्ने पन्नत्ते, तंजहा-अन्नपुन्ने पाणपुराणे
 वत्थपुन्ने लेणपुराणे सयणपुन्ने मणपुन्ने वत्तिपुराणे कायपुराणे नमोक्कार-
 पुराणे ॥ सू० ६७६ ॥ एव पावस्सायतणा पन्नत्ता, तंजहा-पाणातिवाते
 मुसावाते जाव परिग्गहे कोहे माणे माया लोभे ॥ सू० ६७७ ॥
 नवविधे पावसुयपसंगे पन्नत्ते, तंजहा-उप्पाते निमित्ते मंते आति-
 विव्रते तिगिच्छते । कला आवरणोऽन्नाणे मिच्छापावतणेति त ॥ १ ॥
 ॥सू० ६७८ ॥ नव शेउणिता वत्थू पन्नत्ता, तंजहा-संखाणे निमित्ते कातिते
 पोराणे पारिहत्थिते परपंडिते वातिते भूतिकम्मे तिगिच्छते ॥ सू० ६७९ ॥

समणस्स णं भगवतो महावीरस्स णव गणा हुत्था, तंजहा—गोदासे गणे
उत्तरबलिस्सहगणे उददेहगणे चारणगणे उदवातितगणे विस्सवातितगणे
कामद्धितगणे माणवगणे कोडितगणे ॥ सू० ६८० ॥ समणेणं भगवता महा-
वीरेणं समणाणं णिग्गंथाणं णवकोडिपरिसुद्धे भिक्खे पन्नत्ते, तंजहा—
ण हणइ ण हणावइ हणंतं णाणुजाणइ ण पतति ण पतावेति पतंतं
णाणुजाणति ण किणति ण कितावेति किणंतं णाणुजाणति
॥ सू० ६८१ ॥ ईसाणस्स णं देविंदस्स देवरणो वरुणस्स महारन्नो
णव अग्गमहिसीओ पन्नताओ ॥ सू० ६८२ ॥ ईसाणस्स णं देविंदस्स
देवरणो अग्गमहिसीणं णव पलिओवमाइं ठिती पन्नत्ता, १ । ईसाणे
कप्पे उक्कोसेणं देवीणं णव पलिओवमाइं ठिती पन्नत्ता, २ । ॥ सू० ६८३ ॥
नव देवनिकाया पन्नत्ता, तंजहा—सारस्सयमाइच्चा वरही वरुणा य गह-
तोया य । तुसिया अव्वावाहा अग्गिच्चा चेव रिट्ठा य ॥ १ ॥
अव्वावाहाणं देवाणं नव देवा नव देवसया पन्नत्ता, एवं अग्गिच्चावि,
एवं रिट्ठावि ॥ सू० ६८४ ॥ णव गेवेज्जविमाणपत्थडा पन्नत्ता, तंजहा—
हेट्ठिमहेट्ठिमगेविज्जविमाणपत्थडे हेट्ठिममज्झिमगेविज्जविमाणपत्थडे हेट्ठि-
मउवरिमगेविज्जविमाणपत्थडे मज्झिमहेट्ठिमगेविज्जविमाणपत्थडे मज्झिम-
मज्झिमगेविज्जविमाणपत्थडे मज्झिमउवरिमगेविज्जविमाणपत्थडे उवरिमहेट्ठि-
मगेविज्जविमाणपत्थडे उवरिममज्झिमगेविज्जविमाणपत्थडे उवरिम२गेवि-
ज्जविमाणपत्थडे १ । एतेसि णं णवगहं गेविज्जविमाणपत्थडाणं णव
नामधिज्जा पन्नत्ता, तंजहा—भद्दे सुभद्दे सुजाते सोमणसे पितदरिसणे ।
सुदंसणे अमोहे य सुप्पबुद्धे जसोधरे ॥ १ ॥ सू० ६८५ ॥ नवविहे
आउपरिणामे पन्नत्ते, तंजहा—गतिपरिणामे गतिबंधणपरिणामे ठिइपरिणामे
ठितिवंधणपरिणामे उट्ठंगारवपरिणामे अहेगारवपरिणामे तिरितंगारवपरिणामे
दीहंगारवपरिणामे रहस्संगारवपरिणामे ॥ सू० ६८६ ॥ णवणवमिता णं

भिक्षुपडिमा एगासीते रातिदिणिं चउहि य पंचुत्तरेहिं भिक्षासतेहि अधा-
 सुत्ता जाव आराहिता तावि भवति ॥ सू० ६८७ ॥ एवविधे पायच्छित्ते
 पन्नत्ते तंजहा-आलोयणारिहे जाव मूलारिहे अणवठप्पारिहे ॥ सू० ६८८ ॥
 जंबूमंदरदाहिणेणं भरहे दीहवेतड्ढे नव कूडा पन्नत्ता, तंजहा-सिद्धे १
 भरहे २ खंडग ३ माणी ४ वेयड्ढ ५ पुन्न ६ तिमिसगुहा ७ । भरहे ८
 वेसमणो ९ या भरहे कूडाण गामाई ॥ १ ॥ जंबूमंदिरदाहिणेणं निसभे
 वासहरपव्वते एव कूडा पन्नत्ता, तंजहा-सिद्धे १ निसहे २ हरिवास ३
 विदेह ४ हरि ५ धिति ६ अ सीतोता ७ । अवरविदेहे ८ रुयगे ९ निसभे
 कूडाण नामाणि ॥ १ ॥ जंबूमंदरपव्वते गंदणवणे एव कूडा पन्नत्ता, तंजहा-
 गंदणे १ मंदरे २ चेव निसहे ३ हेमवते ४ रयय ५ रुयए ६ य । सागर-
 चित्ते ७ वइरे ८ बलकूडे ९ चेव बोद्धव्वे ॥ १ ॥ जंबूमालवंतवक्खारपव्वते
 एव कूडा पन्नत्ता, तंजहा-सिद्धे १ य मालवंते २ उत्तरकुरु ३ कच्छ ४
 सागरे ५ रयते ६ । सीता ७ तह पुण्णणामे ८ हरिस्सहकूडे ९ य बोद्धव्वे
 ॥ १ ॥ जंबूमालवंतवक्खारपव्वते कच्छे दीहवेयड्ढे नव कूडा पन्नत्ता
 तंजहा-सिद्धे १ कच्छे २ खंडग ३ माणी ४ वेयड्ढ ५ पुण्ण ६ तिमिस गुहा
 ७ । कच्छे ८ वेसमणो या ९ कच्छे कूडाण गामाई ॥ १ ॥ जंबूमालवंत-
 वक्खारपव्वते सुकच्छे दीहवेयड्ढे एव कूडा पन्नत्ता, तंजहा-सिद्धे १ सुकच्छे
 २ खंडग ३ माणी ४ वेयड्ढ ५ पुन्न ६ तिमिसगुहा ७ । सुकच्छे ८ वेस-
 मणो ९ ता सुकच्छि कूडाण गामाई ॥ १ ॥ एवं जाव पोक्खलावतिमि
 दीहवेयड्ढे, एवं वच्छे दीहवेयड्ढे एवं जाव मंगलावतिमि दीहवेयड्ढे । जंबू-
 विज्जुप्पभे वक्खारपव्वते नव कूडा पन्नत्ता, तंजहा-सिद्धे १ अ विज्जुणामे
 २ देवकूरा ३ पम्ह ४ कण्णग ५ सोवत्थी ६ । सीतोताते ७ सजले ८ हरि-
 कूडे ९ चेव बोद्धव्वे ॥ १ ॥ जंबूविज्जुप्पभे वक्खारपव्वते पम्हे दीहवेयड्ढे
 एव कूडा पन्नत्ता, तंजहा-सिद्धे १ पम्हे २ खंडग ३ माणी ४ वेयड्ढ ५

एवं चेव जाव सलिलावतिमि दीहवेयङ्गे, एवं वप्पे दीहवेयङ्गे एवं जाव
गंधिलावतिमि दीहवेयङ्गे नव कूडा पन्नत्ता, तंजहा-सिद्धे १ गंधिल २
खंडग ३ माणी ४ वेयङ्ग ५ पुन्न ६ तिमिसगुहा ७ । गंधिलावति ८ वेस-
मण ९ कूडाणं होंति णामाई ॥ १ ॥ एवं सव्वेसु दीहवेयङ्गेसु दो कूडा
सरिसणामगा सेसा ते चेव, जंबूमंदरेणं उत्तरेणं नेलवंते वासहरपव्वते णव
कूडा पन्नत्ता, तंजहा-सिद्धे १ निलवंत २ विदेह ३ सीता ४ किन्ती त ५
नारिकंता ६ य । अवरविदेहे रम्मगकूडे ८ उवदंसणो ९ चेव ॥ १ ॥ जंबू-
मंदरउत्तरेणं एरवते दीहवेयङ्गे नव कूडा पन्नत्ता, तंजहा-सिद्धे १ रयणो २
खंडग ३ माणी ४ वेयङ्ग ५ पुण्ण ६ तिमिसगुहा ७ । एरवते ८ वेसमणो
९ एरवते कूडाणामाई ॥ १ ॥ सू० ६८१ ॥ पासे णं अरहा
पुरिसादाणि ए वज्जरिसहणारातसंघयणो समचउरंससंठाणसंठिते नव
रयणीओ उड्डं उच्चतेणं हुत्था ॥ सू० ६१० ॥ समणस्स णं
भगवतो महावीरस्स तित्थंसि णवहिं जीवेहिं तित्थगरणामगोत्ते
कम्मे णिव्वतित्ते, सेणितेणं सुपासेणं उदातिणा पोट्टिलेणं अणगारेणं
दढाउणा संखेणं सततेणं सुलसाए साविताते रेवतीते १ ॥ सू० ६११ ॥
एस णं अज्जो ! कणहे वासुदेवे १ रामे बलदेवे २ उदये पेढालपुत्ते ३
पुट्टिले ४ सतते गाहावती ५ दासुते नितंठे ६ सच्चती नितठीपुत्ते ७ सावितबुद्धे
अम्बडे परिव्वायते ८ अज्जाविणं सुपासा पासावच्चिज्जा ९ आगमेस्साने
उस्सप्पिणीते चाउज्जामं धम्मं पन्नवत्तिता सिज्झिहन्ति जाव अंतं काहिति
॥ सू० ६१२ ॥ एस णं अज्जो ! सेणिए राया भिभिसारे कालमासे कालं
किच्चा इमीसे रयणप्पभाए पुढवीते सीमंतते नरेण चउरासीतिवाससहस्सट्ठि-
तीयंसि निरयंसि गोरइयत्ताए उववज्जिहिति, से णं तत्थ गोरइए भविस्सति
काले कालोभासे जाव परमकिणहे वन्नेणं, से णं तत्थ वेयणं वेदिहिती
उज्जलं (विज्जलं) जाव दुरहियासं १। से णं ततो नरतातो उवट्टेत्ता आग-

येसाते उस्मपिणीते इहेव जंघुदीवे दीवे भारहे वासे वेयडुगिरिशायमूले पुंडेसु
 जणवतेसु सतदुवारे गगरे संमुइस्स कुल्लकरस्स भदाए भारियाए कुच्छिंमि
 पुमत्ताए पच्चायाहिती, तए शां सा भदा भारिया नवरहं मासाणं बहुपडि-
 पुराणाणं अद्धुमाण य राइंदियाणं वीतिककंताणं सुकुमालपाणिपातं अही-
 णपडिपुन्नपंचिंदियमरीरं लक्खणावंजण जाव सुख्वं दारगं पयाहिती २। जं
 रयणिं च शां से दारए पयाहिती तं रयणिं च शां सतदुवारे गगरे सच्चिंम-
 वाहिरए भारग्गसो य कुंभग्गसो त पउमवासे त रयणावासे त वासे वासि-
 हिती, तए शां तस्स दारयस्स अम्मापियरो एकारसमे दिवसे वड्ढकंते जाव
 वारमाहे दिवसे अयमेयाख्वं गोराणं गुणनिप्फराणं नामधिज्जं काहिति
 जम्हा शां अम्हमिमंसि दारगंसि जातंसि समाणंसि सयदुवारे नगरे सच्चिं-
 तरवाहिरए भारग्गसो य कुंभग्गसो य पउमवासे य रयणावासे य वासे बुट्ठे
 तं होऊ णमम्हमिस्स दारगस्स नामधिज्जं महापउमे २, तए शां तस्स
 दारगस्स अम्मापियरो नामधिज्जं काहिति—महापउमेत्ति ३। तए शां महा-
 पउमं दारगं अम्मापितरो सातिरेगं अट्ठवासजातगं जाणित्ता महता रायाभि-
 सेएणां अभिसिंचिहिति, से शां तत्थ राया भविस्सति महता हिम्वंतमहंतमलय-
 मंदररायवन्नतो जाव रज्जं पसाहेमाणो विहरिस्सति ४। तते शां तस्स महाप-
 उमस्स रत्तो अन्नया कयाइ दो देवा महिड्डिया जाव महेसक्खा सेणाकम्मं
 काहिती, तंजहा—पुन्नभददे माणिभददे, तए शां सतदुवारे नगरे बहवे राती-
 सर-तलवर-माडंवि-कोडुंवि-इब्भसेट्ठिसेणावति-सत्थवाहण्णमितयो अन्नमन्नं
 सदावेहिति एवं वतिस्संति जम्हा शां देवाणुप्पिया ! अम्हं महापउमस्स रत्तो
 दो देवा महिड्डिया जाव महेसक्खा सेनाकम्मं करेति, तंजहा—पुन्नभददे त
 माणिभददे य, तं होऊ णमम्हं देवाणुप्पिया ! महापउमस्स रत्तो दोच्चेऽवि
 नामधेज्जे देवसेणो, तते शां तस्स महापउमस्स दोच्चेऽवि नामधेज्जे भवि-
 स्सइ देवसेणेति २, तए शां तस्स देवसेणास्स रत्तो अन्नता

कताती सेयसंखतलविमलसन्निकासे चउदंते हत्थिरयणो समुप्पज्जिहिति, ५।
तए णं से देवसेणो राया तं सेयं संखतलविमलसन्निकासं चउदंतं हत्थिरयणं
दुरूढे समाणो सतदुवारं नगरं मज्झमंज्जेणं अभिक्खणं (२) अतिज्जाहि
त णिज्जाहि त, तते णं सतदुवारे णगरे-बहवे रातीसरतलवर जाव
अन्नमन्नं सहाविति (२) एवं वइस्संति-जम्हा णं देवाणुप्पिया ! अम्हं
देवसेणस्स रत्तो सेते संखतलविमलसन्निकासे चउदंते हत्थिरयणो समुप्पन्ने
तं होऊ णाम्मं देवाणुप्पिया ! देवसेणस्स रत्तो तच्चेऽवि नामधेज्जे विमल-
वाहणो, तते णं तस्स देवसेणस्स रत्तो तच्चेऽवि णामधेज्जे भविस्सति
विमलवाहणो २, ६ । तए णं से विमलवाहणो राया तीसं वासाइं अगार-
वासमज्जे वसित्ता अम्मापितीहिं देवत्तगतेहिं गुरुमहत्तरतेहिं अब्भणुन्नाते समाणो
उदुंमि सरए संबुद्धे अणुत्तरे मोक्खमग्गे पुणारवि लोगंतितेहिं जीयकप्पितेहिं
देवेहिं ताहिं इट्ठाहि कंताहिं पियाहिं मणुन्नाहिं मणामाहिं उरालाहिं कल्लाणाहिं
धन्नाहिं सिवाहिं मंगल्लाहिं सस्सिरीआहिं वग्गूहिं अभिणंदिज्जमाणो अमिथुव-
माणो य वहिया (संवोहिए) सुभूमिभागे उज्जाणो एगं देवदूसमादाय मुंढे भवित्ता
अगाराओ अणुगारियं पव्वथाहिति, तस्स णं भगवंतस्स साइरेगाइं दुवालस
वासाइं निच्चं वोसट्ठकाए चियत्तेदेहे जे केई उवसग्गा उप्पज्जंति तंजहा-
दिव्वा वा माणुसा वा तिरिक्खजोणिया वा, ते उप्पन्ने सम्मं सहिस्सइ
खमिस्सइ तित्तिक्खिस्सइ अहियामिस्सइ ७। तए णं से भगवं ईरियासमिए
भासासमिए जाव गुत्तबंभयारि अममे अकिचणो छि(कि)न्नगं(ग्गं)थे निस्सुत्तेवे
कंसपाईव सुक्कतोए जहा भावणाए जाव सुहुयहुयासणोविव तेयसा जलंते
८ । कसे संखे जीवे गगणो वाते य सारए सलिले । पुक्खरपत्ते कुंभे
विहगे खग्गे य भारडे ॥ १ ॥ कुंजर वसहे सीहे नगराया चेव सागरमखोमे ।
चंदे सूरु कणणे वसुंधरा चेव सुहुयहुए ॥ २ ॥ नत्थि णं तस्स भगवंतस्स कत्थइ
पडिवंधे भवइ, से य पडिवंधे चउन्विहे पन्नत्ते, तंजहा-अंडए वा पोयएइ वा उग्गहेइ

वा पग्गहिण्णं वा १ । जं णं जं णं दिसं इच्छइ तं णं तं णं दिसं अपडिबद्धे
 सुचिभूए लहुभूए अणुप्पगंथे संजमेणं तवसा अप्पाणं भावेमाणे विहरिस्सइ,
 तस्स णं भगवंतस्स अणुत्तरेणं नाणेणं अणुत्तरेणं दंसणेणं अणुवचरिएणं
 एवं आलएणं विहारेणं अज्जवे मइवे लाघवे खंती मुत्ती गुत्ती सच्च संजम
 तवगुणसुचरिय-सोवचिय-फलपरिनिव्वाणमग्गेणं अप्पाणं भावेमाणस्स
 भाणंतारियाए वट्टमाणस्स अणंते अणुत्तरे निव्वाधाए जाव केवलव-
 रणाणदंसणे समुप्पज्जिहिति, १० । तए णं से भगवं अरहे जिणे
 भविस्सइ, केवली सव्वन्नू सव्वदरिसी सदेवमाणुआसुरस्स लोगस्स
 परियागं जाणइ पासइ, सव्वलोए सव्वजीवाणं आगइ गतिं
 ठियं चयणं उववायं तवकं मणोमाणसियं भुत्तं कडं परिसेवियं
 आवीकम्मं रहोकम्मं अरहा अरहस्स भागी तं तं कालं मणसवयसकाइए
 जोगे वट्टमाणणं सव्वलोए सव्वजीवाणं सव्वभावे जाणमाणे पासमाणे
 विहरइ ११ । तए णं से भगवं तेणं अणुत्तरेणं केवलवरणाणदंसणेणं
 सदेवमाणुआसुरलोगं अभिसमिच्चा समणणं निग्गंथाणं [सेणं भगवं जं
 चेव दिवसं मुंडे भवित्ता जाव पव्वयाहि तं चेव दिवसं सयमेतारुव-
 मभिग्गहं अभिगिणिहहिति जे केइ उवसग्गा उप्पज्जंति, तंजहा—
 दिव्वा वा माणुसा वा तिरिक्खजोगिया वा, ते उप्पन्ने सम्मं सहिस्सइ
 खमिस्सइ तित्तिक्खिस्सइ अहियासिस्सइ, तते णं से भगवं अणुगारे भवि-
 स्सति ईरियासमिते भाससमिते एवं जहा वट्टमाणसामी तं चेव निरवसेसं
 जाव अब्बावारविउसजोगजुत्ते, तस्स णं भगवंतस्स एतेणं विहारेणं
 विहरमाणस्स दुवालसहिं संवच्छरेहिं वीतिककंतेहिं तेरसहि य पक्खेहिं
 तेरसमस्स णं संवच्छरस्स अंतरा वट्टमाणस्स अणुत्तरेणं णाणेणं जहा
 भावणाते केवलवरणाणदंसणे समुप्पज्जिहन्ति जिणे भविस्सति केवली
 सव्वन्नू सव्वदरिसी सणेइए जाव] पंच महव्वयाइं सभावणाइं छच्च

जीवनिकायधम्मं देसेमाणो विहरिस्सति १२ । से जहाणामते अज्जो ! मते समणाणं निग्गंथाणं एगे आरंभठाणे पराणत्ते, एवामेव महापउमेऽवि अरहा समणाणं निग्गंथाणं एगं आरंभट्ठाणं पराणवेहिति, से जहाणामते अज्जो मते समणाणं निग्गंथाणं दुविहे बंधणे पन्नवेहिति, तंजहा—पेज्जबंधणे दोसबंधणे, एवामेव महापउमेऽवि अरहा समणाणं निग्गंथाणं दुविहं बंधणं पन्नवेहिति तंजहा—पेज्जबंधणं च दोसबंधणं च १३ । से जहानामते अज्जो मते समणाणं निग्गंथाणं तथो दंडा पन्नवेहिति तंजहा—मणदंडे (३), एवामेव महापउमेऽवि समणाणं निग्गंथाणं ततो दंडे पराणवेहिति, तंजहा—मणोदंडं (३), से जहा नामए एएणं अभिलावेणं चत्तारि कसाया पन्नवेहिति तंजहा—कोहकसाए (४), पंच कामगुणे पन्नवेहिति, तंजहा—सद्दे (५), छज्जीवनिकाता पन्नवेहिति, तंजहा—पुढविकाइया जाव तसकाइया, एवामेव जाव तसकाइया, से जहाणामते एएण अभिलावेणं सत्त भयट्ठाणा पन्नवेहिति तंजहा—एवामेव महापउमेऽवि अरहा समणाणं निग्गंथाणं सत्त भयट्ठाणा पन्नवेहिति, एवमट्ठ मयट्ठाणे, णव बंभचेरगुत्तीओ दसविधे समणधम्मे एवं जाव तेत्तीसमांसातणाउत्ति १४ । से जहानामते अज्जो ! मते समणाणं निग्गंथाणं नग्गभावे मुंडभावे अराहाणत्ते अदंतवणे अच्छत्तए अणुवाहणत्ते भूमिसेज्जा फलगसेज्जा कट्टसेज्जा केसलोए बंभचेरवासे परधरपवेसे जाव लद्धावलद्धवित्तीउ पन्नत्ताओ एवामेव महापउमेऽवि अरहा समणाणं निग्गंथाणं णग्गभावं जाव लद्धावलद्धवित्ती पराणवेहिती १५ । से जहाणामए अज्जो ! मए समणाणं निग्गंथाणं आधा-कम्मिणत्ति वा उद्देसितेति वा मीसज्जाएति वा अज्जभोयरएति वा पूतिएति वा कीतेति वा पामिच्चेति वा अच्चेज्जेति वा अणिसट्ठेति वा अभिहडेति वा कंतारभत्तेति वा दुब्बिक्खभत्तेति वा गिलाणभत्तेति वा वहलित्ताभत्तेइ वा पाहुणभत्तेइ वा मूलभोयणेति वा कंदभोयणेति फलभोयणेति बीयभोयणेति

हरियभोयणोति वा पडिसिद्धे एवामेव महापउमेऽवि अरहा समणाणं निग्गं-
 थाणं आधाकम्मितं वा जाव हरितभोयणं वा पडिसेहिस्सति १६ । से जहा-
 नामते अज्जो ! मए समणाणं निग्गंथाणं पंचमहव्वतिए सपडिकमणे अचेलते
 धम्मे पराणत्ते एवामेव महापउमेऽवि अरहा समणाणं निग्गंथाणं पंचमहव्व-
 तितं जाव अचेलगं धम्मं पराणवेहिती १७ । से जहानामए अज्जो ! मए
 पंचाणव्वतिते सत्तसिक्खावतिते दुवालसविधे सावगधम्मे पराणत्ते एवामेव
 महापउमेऽवि अरहा पंचाणव्वतितं जाव सावगधम्मं पराणवेस्सति १८ । से
 जहानामते अज्जो ! मए समणाणं निग्गंथाणं सेज्जातरपिंडेति वा रायपिं-
 डेति वा पडिसिद्धे एवामेव महापउमेऽवि अरहा समणाणं निग्गंथाणं सेज्जातर-
 पिंडेति वा पडिसेहिस्सति १९ । से जहाणामते अज्जो ! मम एव गणा इगारस
 गणधरा एवामेव महापउमस्सऽवि अरिहतो एव गणा एगारस गणधरा भवि-
 स्संति २० । से जहानामते अज्जो ! अहं तीसं वासाइं अगारवासमज्जे वसित्ता
 मुंडे भवित्ता जाव पव्वतिते दुवालस संवच्छराइं तेरस पक्खा छउमत्थपरियागं
 पाउणित्ता तेरसहिं पक्खेहिं ऊणगाइं तीसं वासाइं केवलिपरियागं पाउ-
 णित्ता बायालीसं वासाइं सामराणपरियागं पाउणित्ता बावत्तरि वासाइं
 सब्वाउयं पालइत्ता सिज्झिस्सं जाव सब्बदुक्खाणमंतं करेस्सं एवामेव
 महापउमेऽवि अरहा तीसं वासाइं आगारवासमज्जे वसित्ता जाव पव्विहिती
 दुवालस संवच्छराइं जाव बावत्तरिवासाइं सब्वाउयं पालइत्ता सिज्झिहिती
 जाव सब्बदुक्खाणमंतं काहिती—“जंसीलसमायारो अरहा तित्थं करो महावीरो ।
 तस्सीलसमायारो होति उ अरहा महापउमे ॥ १ ॥” ॥ सू० ६६३ ॥ इति
 श्री महापद्मचारित्रं संपूर्णमिति ॥ एव एवस्वत्ता चंदस्स पच्छंभागा पन्नत्ता,
 तंजहा—अभिती समणो धणिट्ठा रेवति अस्सिणि मग्गसिर पूसो । हत्थोचित्ता
 य तहा पच्छंभागा एव हवंति ॥१॥ सू० ६६४॥ आणत्तपाणत्त आरणच्चुत्तेसु
 क्तोम निग्गंथाणं गान ॥ १६ उच्चं उच्चत्तेणं पन्नत्ता ॥ सू० ६६५ ॥

विमलवाहणे गां कुलकरे गाव धगुसताइं उद्धं उच्चतेगां हुत्था ॥ सू० ६१६ ॥
 उसभे गां अरहां कोसलिते गां इमीसे ओसप्पिणीए गावहिं सागरोवमको-
 डाकोडीहिं विईक्कंताहिं तिथे पवत्तिते ॥ सू० ६१७ ॥ घणदंतलट्टदंत-
 गूढदंत-सुद्धदंतदीवाणां दीवा गावगावजोयणासताइं आयामविक्खंभेणां पराणात्ता
 ॥ सू० ६१८ ॥ सुक्कस्स गां महागहस्स गाव वीहीओ पन्नत्ताओ तंजहा-
 हयवीही गतवीही गागवीही वसहवीही गोवीही उरगवीही अयवीही
 मितवीही वेसाणरवीही ॥ सू० ६१९ ॥ नवविधे नोकसायवेयणिज्जे कम्मे
 पन्नत्ते, तंजहा-इत्थिवेते पुरिसवेते गापुंसगवेते हासे रत्ती अरइ भये सोगे
 दुगुंछे ॥ सू० ७०० ॥ चउरिंदियाणां गाव जाइकुलकोडी-जोणिपमुहसय-
 सहस्सा पराणात्ता, भुयगपरिसप्प-थलयरपंचिंदिय-तिरिक्खजोणियाणां नवजाइ-
 कुलकोडि-जोणिपमुह-सयसहस्सा पराणात्ता ॥ सू० ७०१ ॥ जीवा गां गावट्टा-
 णनिवत्तिते पोग्गले पावकम्मत्ताते चिणिंसु वा (३) पुढविकाइयनिवत्तिते
 जाव पंचिंदितनिवत्तिते, एवं चिणउवचिण जाव णिज्जरा चेव ॥ सू०
 ७०२ ॥ गाव पएसिता खंधा अणांता पराणात्ता, नवपएसोगाढा पोग्गला
 अणांता पराणात्ता जाव गावगुणलुक्खा पोग्गला अणांता पराणात्ता ॥ सू०
 ७०३ ॥ नवमं ठाणं नवमज्झयणां समत्तं ॥

॥ इति नवस्थानकाख्यं नवममध्ययनम् ॥ ९ ॥

॥ अथ दशमस्थानकाख्यं दशममध्ययनम् ॥

दसविधा लोगट्ठिती पन्नत्ता, तंजहा-जराणं जीवा उदाइत्ता (२) तत्थेव
 (२) भुज्जो (२) पच्चायंति एवं एगा लोगट्ठिती पराणात्ता १ । जराणं जीवाणां
 सता समियं पावे कम्मे कज्जति एवंप्पेगा लोगट्ठिती पराणात्ता २ । जराणं
 जीवा सया समितं मोहणिज्जे पावे कम्मे कज्जति एवंप्पेगा लोगट्ठिती
 पराणात्ता ३ । गा एवं भूतं वा भव्वं वा भविस्सति वा जं जीवा अजीवा

भविस्सन्ति अजीवा वा जीवा भविस्सन्ती एवंप्पेगा लोगट्ठिती पराणत्ता ४ ।
 ण एवं भूतं (३) जं तसा पाणा वोच्छिज्जिस्सन्ति थावरा पाणा (भविस्सन्ति
 थावरा पाणा) वोच्छिज्जिस्सन्ति तसा पाणा भविस्सन्ति वा एवंप्पेगा लोगट्ठिती
 पराणत्ता ५ । ण एवं भूतं (३) जं लोगे अलोगे भविस्सति अलोगे वा
 लोगे भविस्सति एवंप्पेगा लांगट्ठिती पराणत्ता ६ । ण एवं भूतं वा(३) जं
 लोए अलोए पविस्सति अलोए वा लाए पविस्सति एवंप्पेगा लोगट्ठिती ७ ।
 जाव ताव लोगे ताव ताव जीवा जाव ताव जीवा ताव ताव लोए एवंप्पेगा
 लोगट्ठिती ८ । जाव ताव जीवाण त पोग्गलाण त गतिपरिताते ताव
 ताव लोए जाव ताव लोगे ताव ताव जीवाण य पोग्गलाण त गति-
 परिताते एवंप्पेगा लोगट्ठिती ९ । सव्वेसुवि णं लोगन्तेसु अबद्धपासपुट्ठा
 पोग्गला लुक्खत्ताते कज्जति जेणं जीवा त पोग्गला त नो संचायन्ति बहिता
 लोगन्ता गमणयाते एवंप्पेगा(एवमेगा)लोगट्ठिती पराणत्ता १० ॥सू० ७०४॥
 दसविहे सद्दे पन्नत्ते, तंजहा—नीहारि १ पिंडिमे २ लुक्खे ३, भिन्ने ४
 जज्जरिते ५ इत । दीहे ६ रहस्से ७ पुहुत्ते ८ त, काकणी ९ खिंखिणि
 स्सरे १० ॥ १ ॥ सू० ७०५ ॥ दस इंदियत्थातीता पराणत्ता, तंजहा—
 देसेणवि एगे सद्दाइं सुणिंसु सव्वेणवि एगे सद्दाइं सुणिंसु देसेणवि एगे
 रूवाइं पासिसु सव्वेणवि एगे रूवाइं पासिसु, एवं गंधाइं रसाइं फासाइं जाव
 सव्वेणवि एगे फासाइं पडिसंवेदेंसु, १ । दस इंदियत्था पडुप्पन्ना पन्नत्ता,
 तंजहा—देसेणवि एगे सद्दाइं सुणेंति सव्वेणवि एगे सद्दाइं सुणोति, एवं जाव
 फासाइं, दस २ । इंदियत्था अणागता पन्नत्ता, तंजहा—देसेणवि एगे सद्दाइं
 सुणिस्सन्ति सव्वेणवि एगे सद्दाइं सुणोस्सन्ति एवं जाव सव्वेणवि एगे फासाइं पडि-
 संवेदेस्सति ॥ सू० ७०६ ॥ दसहिं अणोहिमच्छिन्ने पोग्गले चलेज्जा, तंजहा—आहा-
 रिज्जमाणो वा चलेज्जा परिणामेज्जमाणो वा चलेज्जा उस्ससिज्जमाणो वा चलेज्जा
 निस्ससिज्जमाणो वा चलेज्जा वेदेज्जमाणो वा चलेज्जा णिज्जरिज्जमाणो वा चलेज्जा

विउव्विज्जमाणो वा चलेज्जा परियारिज्जमाणो वा चलेज्जा जक्खातिट्ठे वा चलेज्जा
 वातपरिग्गहे (परिगते) वा चलेज्जा ॥ सू० ७०७ ॥ दसहिं ठाणेहिं
 कोधुप्पत्ती सिया तंजहा-मणुन्नाइं मे सहफरिसरसरूवगंधाइमवहरिंसु १
 अमणुन्नाइं मे सहफरिसरसरूवगंधाइं उवहरिंसु २ मणुण्णाइं मे सहफरिसर-
 सरूवगंधाइं अवहरइ ३ अमणुन्नाइं मे सहफरिस जाव गंधाइं उवहरति ४
 मणुण्णाइं मे सह जाव अवहरिस्सति ५ अमणुण्णाइं मे सह जाव उवहरि-
 स्सति ६ मणुण्णाइं मे सह जाव गंधाइं अवहरिंसु वा अवहरइ वा अवहरिस्सति
 ७ अमणुण्णाइं मे सह जाव उवहरिंसु वा उवहरति वा उवहरिस्सति वा ८
 मणुण्णामणुण्णाइं सह जाव अवहरिंसु अवहरति अवहरिस्सइ उवहरिंसु
 उवहरति उवहरिस्सति ९ अहं च णं आयरियउवज्झायाणं सम्मं वट्टामि
 ममं च णं आयरियउवज्झाया मिच्छं पड्विन्ना १० ॥ सू० ७०८ ॥
 दसविधे संजमे पन्नत्ते, तंजहा-पुढविकातितसंजमे जाव वणस्सतिकायसंजमे
 बेइंदितसंजमे तेंदितसंजमे चउरिंदितसंजमे पंचिंदियसंजमे अजीवकायसंजमे
 १ । दसविधे असंजमे पन्नत्ते, तंजहा-पुढविकातितअसंजमे आउकायअसंजमे
 तेउकायअसंजमे वाउकायअसंजमे वणस्सतिकायअसंजमे जाव अजीवकाय-
 असंजमे २ । दसविधे संवरे पन्नत्ते तंजहा-सोतिंदियसंवरे जाव फासिंदितसंवरे
 मणसंवरे वयसंवरे कायसंवरे उवकरणसंवरे सूचीकुसग्गसंवरे । दसविधे असंवरे
 पन्नत्ते तंजहा-सोतिंदितअसंवरे जाव सूचीकुसग्गअसंवरे ॥ सू० ७०९ ॥ दसहिं
 ठाणेहिं अहमंतीति थंभिज्जा, तंजहा-जातिमतेण वा कुलमएण वा जाव इस्स-
 रियमतेण वा ८ णागसुवन्ना वा मे अतितं हव्वमागच्छंति ९ पुरिसधम्मातो
 वा मे उत्तरिते अहोदिते णाणदंसणे समुप्पन्ने १० ॥ सू० ७१० ॥ दसविधा
 समाधी पन्नत्ता, तंजहा-पाणातिवायवेरमणो मुसावायवेरमणो अदिन्नायण-
 वेरमणो मेहुणवेरमणो परिग्गहावेरमणो ईरितासमिती भासासमिती
 एसणासमिती आयाणभंडमत्तनिक्खेतणसमिती उच्चारणासवणखेल-

सिंघाणगपारिद्धावणितासमिती १ । दसविधा असमाधी पन्नत्ता, तंजहा-पाणातिवाते जाव परिग्गहे ईरिताऽसमिती जाव उच्चारपासवणखेलसिंघाणगपारिद्धावणि-याऽसमिती २ ॥ सू० ७११ ॥ दसविधा पव्वजा पन्नत्ता, तंजहा-छंदा रोसा परिजुन्ना सुविणा पडिस्सुता चेव । सारणिता रोगिणीता अणादिता देव-सन्नत्ती ॥ १ ॥ वच्छाणुवंधिता, १ । दसविधे समणधम्मं पन्नत्ते तंजहा-खंती मुत्ती अज्जवे मइवे लाववे सच्चे संजमे तवे चिताते वंभचेरवासे २ । दसविधे वेयावच्चे पन्नत्ते, तंजहा-आयरियवेयावच्चे उवज्झायवेयावच्चे थेस्वेयावच्चे तवस्सिवेयावच्चे गिलाणवेयावच्चे सेहवेयावच्चे कुलवेयावच्चे गणवेयावच्चे संघवेयावच्चे साहम्मियवेयावच्चे ॥ सू० ७१२ ॥ दसविधे जीवपरिणामे पन्नत्ते, तंजहा-गतिपरिणामे इंदितपरिणामे कसायपरिणामे लेसापरिणामे जोगपरिणामे उवओगपरिणामे णाणपरिणामे दंसणपरिणामे चरित्तपरिणामे वेत्तपरिणामे १ । दसविधे अजीवपरिणामे पन्नत्ते, तंजहा-बंधणपरिणामे गतिपरिणामे संठाणपरिणामे भेदपरिणामे वराणपरिणामे रसपरिणामे गंधपरिणामे फासपरिणामे अगुरुलहुपरिणामे सहपरिणामे ॥ सू० ७१३ ॥ दसविधे अंतलिविखते असज्झाए पन्नत्ते, तंजहा-उक्का-वाते दिसिदाधे गज्जिते विज्जुते निग्घाते जूयते जक्खालित्ते धूमिता महिता रतउग्घाते १ । दसविधे ओरालिते असज्झातिते पन्नत्ते तंजहा-अट्ठि मंसं सोणिते असुत्तिसामंते सुसाणसामंते चंदोवराते सूरुवराए पडणो रायवुग्गहे उवसयस्स अंतो ओरालिए सरीरगे २ ॥ सू० ७१४ ॥ पंचिंदियाणं जीवाणं अस-मारभमाणस्स दसविधे संजमे कज्जति, तंजहा-सोयामताओ सुक्खाओ अव-वरोवेत्ता भवति सोतामतेणं दुक्खेणं असंजोगेत्ता भवति एवं जाव फासामतेणं दुक्खेणं असंजोएत्ता भवति, एवं असंयमोऽपि भाणितव्वो ॥ सू० ७१५ ॥ दस सुहुमा पन्नत्ता, तंजहा-पाणसुहुमे पणगसुहुमे जाव सिणोहसुहुमे गणियसुहुमे भंगसुहुमे ॥ सू० ७१६ ॥ जंबूमंदिरदाहिणेणं गंगासिंधुमहा-

नदीत्रो दस महानदीत्रो समर्पेति, तंजहा—जउणा सरऊ आवी कोसी मही
 सिंधू (सतहु) विवच्छा विभासा एरावती चंद्रभागा १ । जंबूमंदरउत्तरेणं
 रत्तारत्तवतीत्रो महानदीत्रो दस महानदीत्रो समर्पेति, तंजहा—किराहा
 महाकिराहा नीला महानीला तीरा महातीरा इंदा जाव महाभोगा २ ।
 ॥ सू० ७१७ ॥ जंबुद्वीवे (२) भरहवासे दस रायहाणीत्रो पन्नत्तात्रो,
 तंजहा—चंपा महुरा वाणारसी य सावत्थी तहत सातेतं । हत्थिणउर कंपिल्लं
 मिहिला कोसंबि रायगिहं ॥ १ ॥ एयासु णं दसरायहाणीसु दस
 रायाणो मुंडा भवेत्ता जाव पव्वतिता, तंजहा—भरहे सगरो मधवं सणं-
 कुमारो संती कुंथू अरे महापउमे हरिसेणो जयणामे ॥ सू० ७१८ ॥
 जंबुद्वीवे (२) मंदरे पव्वणं दस जोयणसयाइं उव्वेहेणं धरणिंतले दस
 जोयणसहस्साइं विक्खंभेणं उवरि दसजोयणसयाइं विक्खंभेणं
 दसदसाइं जोयणसहस्साइं सव्वग्गेणं पन्नत्ते ॥ सू० ७१९ ॥
 जंबुद्वीवे (२) मंदरस्स पव्वयस्स बहुमज्झदेसभागे इमीसे रयणप्पभाते
 पुढ्वीते उवरिमहेट्टिल्लेसु खुड्डगपतरेसु, एत्थ णमट्टपतेसिते रुयगे
 पन्नत्ते, जत्रो णमिमातो दस दिसात्रो पव्वहंति, तंजहा—पुरच्छिमा
 पुरच्छिमदाहिणा दाहिणा दाहिणपच्चत्थिमा पच्चत्थिमा पच्चत्थिमुत्तरा
 उत्तरा उत्तरपुरच्छिमा उद्धा अहो १ । एएसि णं दसराहं दिसाणं
 दस नामधिजा पन्नत्ता, तंजहा—इंदा अग्गीइ जमा गोरती वारुणी
 य वायव्वा । सोमा ईसाणाविय विमला य तमा य बोद्धव्वा ॥ १ ॥ २ ।
 लवणस्स णं समुद्दस्स दस जोयणसहस्साइं गोतित्थिविरहिते खेत्ते पन्नत्ते,
 लवणस्स णं समुद्दस्स दम जोयणसहस्साइं उदगमाले पन्नत्ते, ३ । सव्वेऽवि
 णं महापाताला दसदसाइं जोयणसहस्साइमुव्वेहेणं पराणत्ता, मूले दस
 जोयणसहस्साइं विक्खंभेणं पन्नत्ता, बहुमज्झदेसभागे एगपएसिताते सेट्ठीए
 दसदसाइं जोयणसहस्साइं विक्खंभेणं पन्नत्ता, उवरिं मुहमूले दस जोयण-

सहस्साइं विक्खंभेणं पराणत्ता, तेसि णं महापातालाणं कुट्टा सब्बइरामया
 सब्बत्थसमां दस जोयणासयाइं बाहिल्लेणं पन्नत्ता ४ । सब्बेऽवि णं खुट्ठा
 पाताला दस जोयणासताइं उव्वेहेणं पन्नत्ता, मूले दसदसाइं जोयणाइं
 विक्खंभेणं, बहुमज्झदेसभागे एगपएसिताते सेवीते दस जोयणासताइं
 विक्खंभेणं पन्नत्ता, उवरि मुहमूले दसदसाइं जोयणाइं विक्खंभेणं
 पन्नत्ता, तेसि णं खुट्ठापातालाणं कुट्टा सब्बइरामया सब्बत्थ
 समा दस जोयणाइं बाहिल्लेणं पराणत्ता ५ ॥ सू० ७२० ॥ धायति-
 संडगां णं मंदरा दसजोयणासयाइं उव्वेहेणं धरणितले देसूणाइं दस
 जोयणासहस्साइं विक्खंभेणं उवरिं दस जोयणासयाइं विक्खंभेणं पन्नत्ता ।
 पुक्खरवरदीवद्धगां णं मंदरा दस जोयणा एवं चेव ॥ सू० ७२१ ॥
 सब्बेऽवि णं वट्टवेयद्धपव्वता दस जोयणासयाइं उद्धं उच्चत्तेणं दस गाउय-
 सयाइमुव्वेहेणं सब्बत्थसमा पल्लगसंठाणसंठिता, दस जोयणासयाइं विक्खं-
 भेणं पन्नत्ता ॥ सू० ७२२ ॥ जंबूदीवे (२) दस खेत्ता पन्नत्ता, तंजहा-
 भरहे एरवते हेमवते हेरन्नवते हरिवस्से रम्मगवस्से पुव्वविदेहे अवरविदेहे
 देवकुरा उत्तरकुंरा ॥ सू० ७२३ ॥ माणुसुत्तरे णं पव्वते मूले दस बावीसे
 जोयणासते विक्खंभेणं पन्नत्ते ॥ सू० ७२४ ॥ सब्बेऽवि णमंजणागपव्वता
 दस जोयणासयाइमुव्वेहेणं मूले दस जोयणासहस्साइं विक्खंभेणं उवरिं
 दस जोयणासताइं विक्खंभेणं पन्नत्ता १ । सब्बेऽवि णं दहिमुहपव्वता
 दस जोयणासताइं उव्वेहेणं सब्बत्थसमा पल्लगसंठाणसंठिता दस जोयणा-
 सहस्साइं विक्खंभेणं पन्नत्ता २ । सब्बेऽवि णं रतिकरगपव्वता दस जोय-
 णासताइं उद्धं उच्चत्तेणं दसगाउयसत्ताइं उव्वेहेणं सब्बत्थसमा भल्लरिसंठिता
 दस जोयणासहस्साइं विक्खंभेणं पन्नत्ता ३ । ॥ सू० ७२५ ॥ रुयगवरे
 णं पव्वते दस जोयणासयाइं उव्वेहेणं मूले दस जोयणासहस्साइं विक्खंभेणं
 उवरिं दस जोयणासताइं विक्खंभेणं पन्नत्ते । एवं कुंडलवरेऽवि ॥ सू० ७२६ ।

दसविहे दवियाणुओगे पन्नत्ते, तंजहा-दवियाणुओगे माउयाणुओगे
 एगट्टियाणुओगे करणाणुओगे अप्पितण्णप्पिते भाविताभाविते बाहिरा-
 बाहिरे सासयासासते तहणाणो अतहणाणो ॥ सू० ७२७ ॥
 चमरस्स णं असुरिंदस्स असुरकुमाररन्नो तिगिच्छिक्खे उप्पातपव्वते मूले
 दसबावीसे जोयणासते विक्खंभेणं पन्नत्ते १ । चमरस्स णं असुरिंदस्स
 असुरकुमाररन्नो सोमस्स महारन्नो सोमप्पभे उप्पातपव्वते दस जोयणासयाइं
 उद्धं उच्चत्तेणं दस गाउयसताइं उव्वेहेणं मूले दस जोयणासयाइं विक्खंभेणं
 पन्नत्ते २ । चमरस्स णमसुरिंदस्स असुरकुमाररणाणो जमस्स महारन्नो जमप्पभे
 उप्पातपव्वते एवं चेव, एवं वरुणास्सवि, एवं वेसमणास्सवि ३ । बलिस्स णं
 वइरोयणिंदस्स वतिरोतणारन्नो रुयगिंदे उप्पातपव्वते मूले दसबावीसे जोय-
 णासते विक्खंभेणं पन्नत्ते ४ । बलिस्स णं वइरोयणिंदस्स सोमस्स एवं चेव जधा
 चमरस्स लोगपालाणं तं चेव बलिस्सवि ५ । धरणास्स णं णागकुमारिंदस्स
 णागकुमाररन्नो धरणाप्पभे उप्पातपव्वते दस जोयणासयाइं उद्धं उच्चत्तेणं दस
 गाउयसताइं उव्वेहेणं मूले दस जोयणासताइं विक्खंभेणं ६ । धरणास्स नाग-
 कुमारिंदस्स णं नागकुमाररणाणो कालवालस्स महारणाणो महाकालप्पभे
 उप्पातपव्वते जोयणासयाइं उद्धं एवं चेव, एवं जाव संखवालस्स, एवं भूताणं-
 दस्सवि, एवं लोगपालाणंपि से जहा धरणास्स एवं जाव थणितकुमाराणं
 सलोगपालाणं भाणियव्वं, सव्वेसिं उप्पायपव्वया भाणियव्वा सरिसणामगा
 ७ । सक्कस्स णं देविंदस्स देवरणाणो सक्कप्पभे उप्पातपव्वते दस जोयणासहस्साइं
 उद्धं उच्चत्तेणं दस गाउयसहस्साइं उव्वेहेणं मूले दस जोयणासहस्साइं विक्खंभेणं
 पन्नत्ते ८ । सक्कस्स णं देविंदस्स देवरणाणो सोमस्स महारन्नो सोमप्पभे उप्पा-
 तपव्वते दस जोयणासहस्साइं, उद्धं उच्चत्तेणं दस गाउयसहस्साइं उव्वेहेणं मूले
 दस जोयणासहस्साइं विक्खंभेणं पन्नत्ते ९ । जधा सक्कस्स तथा सव्वेसिं लोगपालाणं
 सव्वेसिं च इंदाणं जाव अच्चुयत्ति, सव्वेसिं पमाणमेगं १० ॥ सू० ७२८ ॥

बायरवणस्सतिकातिताणं उक्कोसेणं दस जोयणसयाइं सरीरोगाहणा पराणत्ता १।
 जलचरपंचेंदियतिरिक्खजोणिताणं उक्कोसेणं दस जोयणसताइं सरीरोगाहणा
 पन्नत्ता, २। उरपरिसप्पथलचरपंचिंदिततिरिक्खजोणिताणं उक्कोसेणं एवं चैव
 ३ ॥ सू० ७३६ ॥ संभवाओ णमरहांतो अभिन्नंदणे अरहा दसहिं साग-
 रोवमकोडिसतसहस्सेहिं वीतिक्खत्तेहिं समुप्पन्ने ॥ सू० ७३० ॥ दसविहे अणं-
 तते पन्नत्ते, तंजहा-आमाणांतते ठ्वणाणंतते दव्वाणंतते गणाणांतते पएसाणंतते
 एगतोऽणंतते दूहतोऽणंतते देसवित्थाराणंतते सब्ववित्थाराणंतते सास-
 याणंतते ॥ सू० ७३१ ॥ उप्पायपुव्वस्स णं दस वत्थू पन्नत्ता, अत्थि-
 णत्थिप्पवातपुव्वस्स णं दस चूलवत्थू पन्नत्ता ॥ सू० ७३२ ॥ दसविहा
 पडिसेवणा पन्नत्ता, तंजहा-दप्प पमाय णाभोगे आउरे आवतीसु त ।
 संकिते सहसकारे भयं पयोसा य वीमंसा ॥ १ ॥ १। दसं आलोयणा-
 दोसा पन्नत्ता, तंजहा-आकंपइत्ता अणुमाणइत्ता जेंदिट्ठं बायरं च सुहुमं
 वा । छराणं सहाउलगं बहुजणं अव्वत्त तस्सेवी ॥ १ ॥ २। दसहिं अणोहिं
 संपन्ने अणगारे अरिहति अत्तदोसमालोएत्तते, तंजहा-जाइसंपन्ने, कुल-
 संपन्ने एवं-जया अट्ठट्ठाणे जाव खंते दंते अमाती अपच्छाणुतावी ३। दसहिं
 अणोहिं संपन्ने अणगारे अरिहति आलोयणं पडिच्छित्तए, तंजहा-आयारवं
 अवहारवं जाव अवातदंसी पितधम्मे ददधम्मे ४ । दसविधे पायिच्छित्ते पन्नत्ते,
 तंजहा-आलोयणारिहे जाव अणवट्ठण्णारिहे पारंचियारिहे ॥ सू० ७३३ ॥
 दसविधे मिच्छित्ते पन्नत्ते, तंजहा-अधम्मे धम्मसराणा धम्मे अधम्मसराणा
 उम्म(अम)ग्गे मग्गसराणा, मग्गे उम्म(अम्म)ग्गसन्ना, अजीवेसु जीवसन्ना,
 जीवेसु अजीवसन्ना, असाहुसु साहुसन्ना, साहुसु असाहुसराणा, अमुत्तेसु
 मुत्तसन्ना, मुत्तेसु अमुत्तसराणा ॥ सू० ७३४ ॥ चंदप्पभे णं अरहां दस
 पुव्वसतसहस्साइं सब्वाउयं पालइत्ता सिद्धे जावप्पहीणे १ । धम्मे णमरहा
 दस वाससयसहस्साइं सब्वाउयं पालइत्ता सिद्धे जावप्पहीणे २ । णमी

एवमरहा दस वाससयसहस्साइं सव्वाउयं पालइत्ता सिद्धे जाव प्पहीणो ३ ।
 पुरिससीहे णं वासुदेवे दस वाससयसहस्साइं सव्वाउयं पालइत्ता छट्ठीते
 तमाए पुढ्वीए नेरतित्ताते उववन्ने ४ । गोमी णं अरहा दस धण्णुइं उद्धं
 उच्चत्तेणं दस य वाससयाइं सव्वाउयं पालइत्ता सिद्धे जावप्पहीणो ५ । कराहे णं
 वासुदेवे दस धण्णुइं उद्धं उच्चत्तेणं दस य वाससयाइं सव्वाउयं पालइत्ता तच्चाते
 बालुयप्पभाते पुढ्वीते नेरतियत्ताते उववन्ने ६ । ॥ सू० ७३५ ॥ दमविहा
 भवणवासी देवा पन्नता, तंजहा-असुरकुमारा जाव धणियकुमारा १ ।
 एएसि णं दसविधाणं भवणवासीणं देवाणं दस चेतितरुम्भवा पन्नत्ता,
 तंजहा-आसत्थ सत्तिवन्ने सामलि उंवर सिरीस दहिवन्ने वंजुल
 पलास वप्पे तते त कणिताररुक्खे य ॥ १ ॥ सू० ७३६ ॥ दसविधे
 सोक्खे पन्नत्ते, तंजहा-आरोग्ग दीहमाउं अद्धेज्जं काम भोग संतोसे ।
 अत्थि सुहभोग निक्खम्ममेव तत्तो अणावाहे ॥ १ ॥ ॥ सू० ७३७ ॥
 दसविधे उवघाते पन्नत्ते, तंजहा-उग्गमोवघाते उप्पायणोवघाते जह पंचठाणे
 जाव परिहरणोवघाते णाणोवघाते दंसणोवघाते चरित्तोवघाते अचियत्तोव-
 घाते सारक्खणोवघाते १ । दसविधा विसोही पन्नत्ता, तंजहा-उग्गमविसोही
 उप्पायणविसोही जाव सारक्खणविसोही २ ॥ सू० ७३८ ॥ दसविधे
 संकिलेसे पन्नत्ते, तंजहा-उव्हिसंकिलेसे उवस्सयसंकिलेसे कसायसंकिलेसे
 भत्तपाणसंकिलेसे मणसंकिलेसे वतिसंकिलेसे कायसंकिलेसे णाणसंकिलेसे
 दंसणसंकिलेसे चरित्तसंकिलेसे १ । दसविधे असंकिलेसे पन्नत्ते, तंजहा-
 उव्हिअसंकिलेसे जाव चरित्तअसंकिलेसे २ ॥ सू० ७३९ ॥ दमविधे
 ब्रले पन्नत्ते, तंजहा-सोतिंदितवले जाव फासिंदितवले णाणवले दंसणवले
 चरित्तवले तववले वीरत्तवले ॥ सू० ७४० ॥ दसविधे सच्चे पराणत्ते
 तंजहा-जणवय सम्मय ठवणा नामे रूवे पडुच्चमच्चे य । ववहार भाव
 जोगे दसमे ओवम्मसच्चे य ॥ १ ॥ १ । दसविधे मोसे पन्नत्ते, तंजहा-

कोधे माणो माया लोभे पिज्जे तहेव दोसे य । हास भये अक्खातित
 उवघातनिसिस्ते दसमे ॥ २ ॥ २ । दसविधे सच्चामोसे पन्नत्ते, तंजहा—
 उप्पन्नमीसते विगतमीसते उप्पणविगतमीसते जीवमीसए अजीवमीसए
 जीवाजीवमीसए अणंतमीसए परित्तमीसए अद्धामीसए अद्धद्धामीसए
 ३ ॥ सू० ७४१ ॥ दिट्ठिवायस्स णं दस नामधेज्जा पन्नत्ता, तंजहा—
 दिट्ठिवातेति वा हेउवातेति वा भूयवातेति वा तन्नावातेति वा सम्मावातेति
 वा धम्मावातेति वा भासाविजतेति वा पुब्बगतेति वा अणुजोगगतेति वा
 सब्बपाणभूतजीवसत्तसुहावहेति वा ॥ सू० ७४२ ॥ दसविधे सत्थे पन्नत्ते,
 तंजहा—‘सत्थमग्गी विसं लोणं, सिणेहो खारमंबिलं । दुप्पउत्तो मणो वाथा,
 काया भावो त अविरती ॥ १ ॥ १ । दसविधे दोसे पन्नत्ते, तंजहा—
 तज्जातदोसे मतिभंगदोसे पसत्थारदोसे परिहरणदोसे । सलक्खणकारण-
 हेउदोसे, संकामणं निग्गह वत्थुदोसे ॥ १ ॥ २ । दसविधे विसेसे
 पन्नत्ते, तंजहा—वत्थु तज्जातदोसे त, दोसे एगट्ठितेति त । कारणे त
 पडुप्पणे दोसे निच्चे हि अट्ठमे ॥ १ ॥ अत्तणा उवणीते त, विसेसेति
 त, ते दस ३ ॥ सू० ७४३ ॥ दसविधे सुद्धावाताणुयोगे पन्नत्ते,
 तंजहा—चंकारे मंकारे पिंकारे सेयंक(का)रे सायंकरे एगत्ते पुधत्ते संजूहे संकामिये
 भिन्ने ॥ सू० ७४४ ॥ दसविधं दाणे पन्नत्ते, तंजहा—अणुकंपा संगहे
 चेव, भये कालुणितेति य । लज्जाते गारवेणं च अहम्मे उण सत्तमे ॥ १ ॥
 धम्मे त अट्ठमे बुते काहीति त कतंति त १ । दसविधा गती पन्नत्ता,
 तंजहा—निरयगती निरयविग्गहगई तिरियगती तिरियविहग्गगई एवं
 जाव सिद्धिगई सिद्धिविग्गहगती २ ॥ सू० ७४५ ॥ दस मुंडा पन्नत्ता,
 तंजहा—सोतिंदितमुंडे जाव फासिंदितमुंडे कोहमुंडे जाव लोभमुंडे
 दसमे सिरमुंडे ॥ सू० ७४६ ॥ दसविधे संखाणे पन्नत्ते, तंजहा—परिकम्मं
 ववहारो रज्जू रासी कलासवन्ने य । जावं(जावति)तावति वग्गो

घणो त तह वग्गवग्गोऽवि ॥ १ ॥ कप्पो त ॥ सू० ७४७ ॥
दसविधे पच्चक्खाणो पन्नत्ते, तंजहा—अणागयमतिक्कंतं कोडीसहियं नियंटितं
चेव । सागारमणागारं परिमाणकडं निरवसेसं ॥ १ ॥ संकेयं चेव अद्धाए,
पच्चक्खाणं दसविहं तु ॥ सू० ७४८ ॥ दसविहा सामायारी पन्नत्ता, तंजहा—
इच्छा मिच्छा तहकारो, आवस्सिता निसीहिता । आपुच्छणा य पडिपुच्छा
छंदणा य निमंतणा ॥ १ ॥ उवसंपया य काले सामायारी भवे दसविहा
उ ॥ सू० ७४९ ॥ समणो भगवं महावीरे छउमत्थकालिताते अंतिमरा-
तितंसी इमे दस महासुमिणो पासित्ता णं पडिबुद्धे, तंजहा—एगं च णं
महाघोररूवदित्तधरं तालपिसायं सुमिणो पराजितं पासित्ता णं पडिबुद्धे १,
एगं च णं महं सुक्किलपक्खगं पुसकोइज्जगं सुमिणो पासित्ता णं पडिबुद्धे
२, एगं च णं महं चित्तविचित्तपक्खगं पुसकोइलं सुविणो पासित्ता णं
पडिबुद्धे ३, एगं च णं महं दामदुगं सव्वरयणामयं सुमिणो पासित्ता णं
पडिबुद्धे ४ एगं च णं महं सेतं गोवग्गं सुमिणो पासित्ता णं पडिबुद्धे ५,
एगं च णं महं पउमसरं सव्वओ समंता कुसुमितं सुमिणो पासित्ता णं
पडिबुद्धे ६, एगं च णं महासागरं उम्मीवीचीसहस्सकलितं भुयाहिं तिराणं
सुमिणो पासित्ता णं पडिबुद्धे ७, एगं च णं महं दिणायरं तेयसा जलंतं
सुमिणो पासित्ता णं पडिबुद्धे ८, एगं च णं (एगेण) महं हरिवेरुलितव-
न्नाभेणं नियतेणमंतेणं माणुसुत्तरं पव्वतं सव्वतो समंता आवेढियं परिवेढियं
सुमिणो पासित्ता णं पडिबुद्धे ९, एगं च णं महं मंदरे पव्वते मंदरचूलियातो
उवरिं सीहासणवरगयमत्ताणं सुमिणो पासित्ता णं पडिबुद्धे १०, १ । जराणं
समणो भगवं महावीरे एगं महं घोररूवदित्तधरं तालपिसातं सुमिणो पराजितं
पासित्ता णं पडिबुद्धे तन्नं समणेणं भगवता महावीरेणं मोहणिज्जे कम्मे
मूलाओ उग्घाइते १, जं णं समणो भगवं महावीरे एगं महं सुक्किलपक्खगं
जाव पडिबुद्धे तं णं समणो भगवं महावीरे सुक्कज्झाणोवगए विहरइ २, जं

णं समणो भगवं महावीरे एगं महं चित्तविचित्तपक्खगं जाव पडिबुद्धे तं णं
 समणो भगवं महावीरे ससमत-परसमयितं चित्तविचित्तं दुवालसंगं गणिपिडगं
 आघवेति पराणवेति परूवेति दंसेति निदंसेति उवदंसेति तंजहा—आयारं
 जाव दिट्ठीवायं ३, जं णं समणो भगवं महावीरे एगं महं दामदुगं सब्बरयणा
 जाव पडिबुद्धे तं णं समणो भगवं महावीरे दुविहं धम्मं पराणवेति, तंजहा—
 अगारधम्मं च अणगारधम्मं च ४, जं णं समणो भगवं महावीरे एगं महं
 सेतं गोवग्गं सुमिणो जाव पडिबुद्धे तं णं समणस्स भगवत्थो महावीरस्स
 चाउब्बरणाइरणो संवे तंजहा—समणा समणीत्थो सावगा सावियात्थो ५,
 जं णं समणो भगवं महावीरे एगं महं पउमसरं जाव पडिबुद्धे तं णं समणो
 भगवं महावीरे चउब्बिहे देवे पराणवेति, तंजहा—भवणवासी वाणमंतरा
 जोइसवासी वेमाणवासी ६, जराणं समणो भगवं महावीरे एगं महं उम्मीवीची
 जाव पडिबुद्धे तं णं समणो भगवता महावीरेणं अणातीते अणवदग्गे
 दीहमद्धे चाउरंतसंसारकंतारे तिन्ने ७, जराणं समणो भगवं महावीरे एगं महं
 दिणकरं जाव पडिबुद्धे तन्नं समणस्स भगवतो महावीरस्स अणंते अणुत्तरे जाव
 समुप्पन्ने ८, जराणं समणो भगवं महावीरे एगं महं हरिवेरुलित जाव पडिबुद्धे
 तराणं समणस्स भगवतो महावीरस्स सदेवमणुयासुरे लोगे उराला कित्तिव-
 न्नसदसिलोगा परिगुञ्चन्ति (परिगुयन्ति, परिभमन्ति) इति खलु समणो भगवं
 महावीरे इति ९, जराणं समणो भगवं महावीरे मंदरे पव्वते मंदरचूलिताए
 उवरि जाव पडिबुद्धे तं णं समणो भगवं महावीरे सदेवमणुयासुराते परिसाते
 मज्झगते केवलिपन्नत्तं धम्मं आघवेति पराणवेति जाव उवदंसेति १०, २
 ॥ सू० ७५० ॥ दसविधे सरागसम्महंसणे पन्नत्ते, तंजहा—निसग्गुवत्तेसरुई
 आणरुत्ती सुत्तवीतरुईमेव । अभिगम वित्थाररुत्ती किरिया संखेव धम्मरुत्ती
 ॥ १ ॥ सू० ७५१ ॥ दस सराणात्थो पन्नत्तात्थो, तंजहा—आहारसराणा
 जाव परिग्गहसराणा ४ कोहसराणा जाव लोभसराणा ८ लोणसराणा ९

ओहसराणां १०, नेरतिताणं दस सराणातो एवं चेव, एवं निरंतरं जाव वेमाणियाणं २४ ॥ सू० ७५२ ॥ नेरइया णं दसविधं वेयणं पच्चणुभवमाणा विहरंति, तंजहा-सीतं उसिणं खुधं पिवासं कंडुं परज्झं भयं सोगं जरं वाहिं ॥ सू० ७५३ ॥ दस ठाणाइं छउमत्थे णं सब्बभावेणं न जाणति ण पासति, तंजहा-धम्मत्थिगातं जाव वातं, अयं जिणे भविस्सति वा ण वा भविस्सति, अयं सब्बदुक्खाणमंतं करेस्सति वा ण वा करेस्सति, एताणि चेव उप्पन्ननाणदंसणधरे अरहा जाव अयं सब्बदुक्खाणमंतं करेस्सति वा ण वा करेस्सति ॥ सू० ७५४ ॥ दस दसाओ पन्नत्ताओ, तंजहा-कम्मविवा-गदसाओ उवासगदसाओ अंतगडदसाओ अणुत्तरोववायदसाओ आयार-दसाओ परहावागरणदसाओ बंधदसाओ दोगिद्धिदसाओ दीहदसाओ संखेवितदसाओ १ । कम्मविवागदसाणं दस अज्झयणा पन्नात्ता, तंजहा-मियापुत्ते त गोत्तासे, अंडे सगडेति यावरे । माहणे णंदिसेणे त, सोरियत्ति उदुंबरे ॥ १ ॥ सहसुहाहे आमलते कुमारे सेच्छती इति ॥ २ ॥ उवासगदसाणं दस अज्झयणा पन्नत्ता, तंजहा-आणंदे कामदेवे अ, गाहावति चूलणीपिता । सुरादेवे चुल्लसतते, गाहावति कुंडकोलिते ॥ १ ॥ सहालपुत्ते महासतते, णंदिणीपिया सालतियापिता ॥ ३ ॥ अंतगडदसाणं दस अज्झयणा पन्नत्ता, तंजहा-णमि मातंगे सोमिले रामगुत्ते सुदंसणे चेव । जमाली त भगाली त किकंमे पल्लतेतिय ॥ १ ॥ फाले अंबडपुत्ते त, एमेते दस आहिता ॥ ४ ॥ अणुत्तरोववातियदसाणं दस अज्झयणा पन्नत्ता, तंजहा-ईसिदासे य धराणे त, सुणक्खत्ते य कातिते तिय । मट्ठाणे सालिभद्दे त, आणंदे तेतली तित ॥ १ ॥ दसन्नभद्दे अतिमुत्ते, एमेते दस आहिया ॥ ५ ॥ आयार-दसाणं दस अज्झयणा पन्नत्ता, तंजहा-वीसंअसमाहिट्ठाणा १ एगवीसं सबला २ तेतीसं आसायणातो ३ अट्ठविहा गणिसंपया ४ दस चित्तसमाहिट्ठाणा ५ एगारस उवासगपडिमातो ६ बारस भिक्खुपडिमातो ७ पज्जोसवणा कप्पो

८ तीसं मोहणिज्जट्टाणां १ आज्ञाद्विष्टाणां १०-६ । पराहंवागरणदसाणां दस
 अज्झयणा पन्नत्ता, तंजहा-उवमा १ संखा २ इसिभासियाइं ३ आयरियभा-
 सिताइं ४ महावीरभासियाइं ५ खोमगपसिणाइं ६ कोमलपसिणाइं ७
 अदागपसिणाइं ८ अंगुट्टपसिणाइं ९ बाहुपसिणाइं १० ७ । बंधदसाणां दस
 अज्झयणा पन्नत्ता, तंजहा-बंधे १ य मोक्खे २ य देवद्धि ३ दसारमंडलेऽवित
 ४ आयरियविप्पडिवत्ती ५ उवज्झातविप्पडिवत्ती ६ भावणा ७ विमुत्ती ८
 सातो (सासते) ९ कम्मे १०-८ । दोगेहिदसाणां दस अज्झयणा पन्नत्ता,
 तंजहा-वाते १ विवाते २ उववाते ३ सुक्खित्ते कसिणे ४ बायालीसं सुमिणे
 ५ तीसं महासुमिणा ६ वावत्तरिं सब्बसुमिणा ७ हारे ८ रामे ९ गुत्ते
 १० एमेते दस आहीता १ । दीह दसाणां दस अज्झयणा पन्नत्ता,
 तंजहा-चदे सूरते सुक्के त सिरिदेवी पभावती दीव-समुद्धो-ववती
 बहूपुत्ती मंदरेति थेरे संभूतविजते थेरे पम्ह ऊसासनीसासे १० ।
 संखेवितदसाणां दस अज्झयणा पन्नत्ता, तंजहा-खुड्डिया विमाणपविभत्ती १
 महल्लिया विमाणपविभत्ती २ अंगचूलिया ३ वग्गचूलिया ४ विवाहचूलिया
 ५ अरुणोववाते ६ वरुणोववाए ७ गरुलोववाते ८ वेलंधरोववाते ९
 वेसमणोववाते १०-११ ॥ सू. ७५५ ॥ दस सागरोवमकोडाकोडीओ कालो
 उस्सप्पिणीते दस सागरोवमकोडाकोडीओ कालो ओसप्पिणीते ॥ सू. ७५६ ॥
 दसविधा नेरइया पन्नत्ता, तंजहा-अणंतरोववन्ना परंपरोववन्ना अणंतरा-
 वगाढा परंपरावगाढा अणंतराहारगा परंपराहारगा अणंतरपज्जत्ता
 परंपरपज्जत्ता चरिमा अचरिमा, एवं निरंतरं जाव वेमाणिया २४, १ ।
 चउत्थीते णं पंकप्पभाते पुट्ठीते दस निरतावाससतसहस्सा पन्नत्ता १ ।
 रयणप्पभाते पुट्ठीते जहन्नेणं नेरतिताणं दसवामसहस्साइं ठिती पन्नत्ता,
 २ । चउत्थीते णं पंकप्पभाते पुट्ठीते उक्कोसेणं नेरतिताणं दस सागरो-
 वमाइं ठिती पणत्ता ३ । पंचमाते णं धूमप्पभाते पुट्ठीते जहन्नेणं

नेरइयाणं दस सागरोवमाइं ठिती पन्नता ४ । असुरकुमाराणं जहन्नेणं
दसवाससहस्साइं ठिती पन्नत्ता, ५ । एवं जाव थणियकुमाराणं १४ वाय-
रवणस्सतिकातिताणं उक्कोसेणं दसवाससहस्साइं ठिती पन्नत्ता १५ ।
व्राणमंतरदेवाणं जहराणेणं दस वाससहस्साइं ठिई पन्नत्ता १६ । वंभलोगे
कप्पे उक्कोसेणं देवाणं दस सागरोवमाइं ठिती पन्नत्ता १७ । लंतते कप्पे देवाणं
जहराणेणं दस सागरोवमाइं ठिती पन्नत्ता १८, २ ॥ सू० ७५७ ॥
दसहिं ठाणेहिं जीवा आगमेसिभट्ठाए कम्मं पगरेति, तंजहा-अणि-
दाणताते १ दिट्ठिसंपन्नयाए २ जोगवाहियत्ताते ३ खंतिखमणताते ४
जित्तिंदियताते ५ अमाइल्लताते ६ अपासत्थताते ७ सुसामराणताते ८
पवयणावच्छल्लयाते ९ पवयणाउब्भावणताए १० ॥ सू० ७५८ ॥
दसविहे आसंसप्पओगे पन्नते, तंजहा-इहलोगासंसप्पओगे १ परलोगा-
संसप्पओगे २ दुहतोलोगासंसप्पतोगे ३ जीवियासंसप्पतोगे ४ मरणा-
संसप्पतोगे ५ कामासंसप्पतोगे ६ भोगासंसप्पतोगे ७ लाभासंसप्पतोगे ८
पूयासंसप्पतोगे ९ सकारासंसप्पतोगे १० ॥ सू० ७५९ ॥ दसविधे धम्मे
पन्नत्ते, तंजहा-गामधम्मे नगरधम्मे रट्ठधम्मे पासंडधम्मे कुलधम्मे
गणधम्मे संघधम्मे सुयधम्मे चरित्तधम्मे अत्थिकायधम्मे ॥ सू० ७६० ॥
दस थेरा पन्नत्ता, तंजहा-गामथेरा नगरथेरा रट्ठथेरा पसत्थारथेरा
कुलथेरा गणथेरा संघथेरा जातिथेरा सुअथेरा परितायथेरा ॥ सू० ७६१ ॥
दस पुत्ता पन्नत्ता, तंजहा-अत्तते खेत्तते दिन्नते विराणते उरसे मोहरे
सोंडीरे संबुद्धे उवयातिते धम्मंतेवासी ॥ सू० ७६२ ॥ केवलस्स
णं दस अणुत्तरा पन्नत्ता, तंजहा-अणुत्तरे णाणे, अणुत्तरे दंसणे, अणुत्तरे चरित्ते,
अणुत्तरे तवे, अणुत्तरे वीरित्ते, अणुत्तरा खंती, अणुत्तरा मुत्ती, अणुत्तरे
अज्जवे, अणुत्तरे महवे, अणुत्तरे लाघवे ॥ सू० ७६३ ॥ समतखेत्ते णं
दस कुरातो पन्नत्ताओ, तंजहा-पंच देवकुरातो, पंच उत्तरकुरातो १ ।

तत्थ णं दस महतिमहालया महादुमा पन्नत्ता, तंजहा—जंबू सुदंसणा १
 धायतिरुक्खे २ महाधायतिरुक्खे ३ पउमरुक्खे ४ महापउमरुक्खे ५ पंच
 कूडसामलीओ १०, २ । तत्थ णं दस देवा महिद्धिया जाव परिवसंति,
 तंजहा—अणादिते, जंबुदीवाधिपती, सुदंसणे, पियदंसणे, पोंडरीते,
 महापोंडरीते, पंच गरुला वेणुदेवा १०, ३ ॥ सू० ७६४ ॥
 दसहिं ठाणेहिं ओगाढं दुस्समं जाणेज्जा, तंजहा—अकाले वरिसइ, काले
 ण वरिसइ, असाहू पइज्जंति साहू ण पइज्जंति, गुरुसु जणो मिच्छं
 पडिवन्नो, अमणुराणा सदा जाव फासा १०, ४ । दसहिं ठाणेहिं ओगाढं
 सुसमं जाणेज्जा तंजहा—अकाले न वरिसति तं चेव विपरीतं जाव
 मणुराणा फासा ५ ॥ सू० ७६५ ॥ सुसमसुसमाए णं समाए दसविहा
 रुक्खा उवभोगत्ताए हव्वमागच्छंति, तंजहा—मत्तंगता १ य भिंगा २
 लुडितंगा ३ दीव ४ जोति ५ चित्तंगा ६ । चित्तरसा ७ मणियंगा
 ८ गेहागारा ९ अणितणा १० त ॥ सू० ७६६ ॥ जंबूदीवे (२)
 भरहे वासे तीताते उस्सप्पिणीते दस कुलगरा हुत्था, तंजहा—
 “सयज्जले सयाऊ य अणंतसेणे त अमि(भि,जि)तसेणे त । तक्कसेणे
 भीमसेणे महाभीमसेणे त सत्तमे ॥ १ ॥ ददरहे दसरहे सयरहे ॥ जंबूदीवे
 (२) भारहे वासे आगमीसाते उस्सप्पिणीए दस कुलगरा भविस्संति,
 तंजहा—सीमंकरे सीमंधरे खेमंकरे खेमंधरे विमलवाहणे संमुती पडिसुते
 ददधणा दसधणा सतधणा ॥ सू० ७६७ ॥ जंबूदीवे (२) मंदरस्स पव्वयस्स
 पुरच्छिमेणं सीताते महानतीते उभतो कूले दस वक्खारपव्वता पन्नत्ता,
 तंजहा—मालवंते चित्तकूडे विचित्तकूडे बंभकूडे जाव सोमणसे १ ।
 जंबुमंदरपच्चत्थिमे णं सीओताते महानतीते उभतो कूले दस वक्खारपव्वता
 पन्नत्ता, तंजहा—विज्जुप्पमे जाव गंधमातणे, २ । एवं धायइसंडपुरच्छिमद्धेऽवि
 वक्खारा भाणिअव्वा जाव पुक्खरवरदीवद्धपच्चत्थिमद्धे ३ ॥ सू० ७६८ ॥

दस कप्पा इंदाहिट्टिया पन्नत्ता, तंजहा—सोहम्मे जाव सहस्सारे पाणते अच्चुए
 १ । एतेसु गां दससु कप्पेसु दस इंदा पन्नत्ता, तंजहा—सक्के ईसाणे जाव
 अच्चुते २ । एतेसु गां दसराहं इंदाणां दस परिजाणितविमाणा पन्नत्ता,
 तंजहा—पालते पुप्फए जाव विमलवरे सव्वतोभद्दे ३ ॥ सू० ७६६ ॥
 दस दसमिता गां भिक्खुपडिमा गां एगेण रातिंदियसतेणां अद्धद्धट्ठेहि य
 भिक्खासतेहिं अहासुत्ता जाव आराधितावि भवति ॥ सू० ७७० ॥ दस-
 विधा संसारसमावन्नगा जीवा पन्नत्ता, तंजहा—पढमसमयएगिंदिता अपढयस-
 मयएगिंदिता एवं जाव अपढमसमयपंचिंदिता १ । दसविधा सव्वजीवा
 पन्नत्ता, तंजहा—पुढविकाइया जाव वणस्सइकातिता वेदिया जाव पंचेदिता
 अणिंदिता २ । अथवा दसविधा सव्वजीवा पन्नत्ता, तंजहा—पढमसमयनेरतिया
 अपढमसमयनेरतिता जाव अपढमसमयदेवा पढमसमयसिद्धा अपढमसमयसिद्धा
 ३ ॥ सू० ७७१ ॥ वाससताउस्स गां पुरिसस्स दस दसाओ पन्नत्ताओ, तंजहा—बाला
 किड्डा य मंदा य, बला पन्ना य हायणी । पवंचा पब्भारा य, मुंमुही सावणी
 तथा १ ॥ सू० ७७२ ॥ दसविधा तणवणस्मतिकातिता पन्नत्ता, तंजहा—
 मूले कंदे जाव पुप्फे फले बीये ॥ सू० ७७३ ॥ सव्वतोऽवि गां विज्जाहरसे-
 दीओ दसदसजोयणाइं विक्खंभेणां पराणत्ता, सव्वतोऽवि गां अभिओगसेदीओ
 दस दम जोयणाइं विक्खंभेणां पन्नत्ताओ ॥ सू० ७७४ ॥ गेविज्जगवि-
 माणाणां दस जोयणसयाइं उद्धं उच्चत्तेणां पराणत्ता ॥ सू० ७७५ ॥ दसहिं
 ठाणेहिं सह तेतसा भासं कुज्जा, तंजहा—केति तहारूवं समणां वा माहणां वा
 अच्चासातेज्जा, से य अच्चासातिते समाणे परिकुविते, तस्स तेतं निसिरेज्जा,
 सेतं परितावेति, सेत्तं परितावेत्ता तामेव सह तेतसा भासं कुज्जा १, केति तहारूवं
 समणां वा माहणां वा अच्चासातेज्जा से य अच्चासातिते समाणे देवे परिकुविए तस्स
 तेयं निसिरेज्जा सेत्तं परितावेति सेत्तं (२) तमेव सह तेतसा भासं कुज्जा २, केति
 तहारूवं समणां वा माहणां वा अच्चासातेज्जा, से य अच्चासातिते समाणे परिकुविए

देवे त परिकुविते, दुहतो पडिगणा तस्स तेयं निसिरेज्जा ते तं परितावितिते तं
 परितावेत्ता तमेव सह तेतसा भासं कुज्जा ३, केति तहारूवं समणं वा माहणं वा
 अच्चासादेज्जा से य अच्चासातिते परिकुविए तस्स तेयं निसिरेज्जा तत्थ फोडा
 संमुच्छंति ते फोडा भिज्जंति ते फोडा भिन्ना समाणा तामेव सह तेतसा भासं
 कुज्जा ४, केति तहारूवं समणं वा माहणं वा अच्चासातेज्जा से य अच्चासादिते
 देवे परिकुविए तस्स तेयं निसिरेज्जा, तत्थ फोडा संमुच्छंति, ते फोडा भिज्जंति,
 ते फोडा भिन्ना समाणा तामेव सह तेतसा भासं कुज्जा ५, केति तहारूवं
 समणं वा माहणं वा अच्चासाएज्जा से त अच्चासातिते परिकुविए देवेऽपि य
 परिकुविए ते दुहतो पडिगणा ते तस्स तेतं निसिरेज्जा, तत्थ फोडा
 संमुच्छंति सेसं तहेव जाव भासं कुज्जा ६, केति तहारूवं समणं वा माहणं
 वा अच्चासातेज्जा से य अच्चासातिते परिकुविए तस्स तेतं निसिरेज्जा, तत्थ
 फोडा संमुच्छंति ते फोडा भिज्जंति तत्थ पुला संमुच्छंति ते पुला भिज्जंति ते
 पुला भिन्ना समाणा तामेव सह तेयसा भासं कुज्जा ७, एते तिन्नि आलावगा
 भाणितच्चा ८, केति तहारूवं समणं वा माहणं वा अच्चासातेमाणे तेतं
 निसिरेज्जा से त तत्थ णो कम्मइ णो पकम्मति, अंचियं (२) करेति करेत्ता
 आताहिणपयाहिणं करेति (२) उड्डं वेहासं उप्पतति (२) से णं ततो
 पडिहते पंडिणियत्तति (२) तमेव सरीरगमणुदहमाणे (२) सह तेतसा भासं
 कुज्जा, जहा वा गोसालस्स मंखलिपुत्तस्स तवेतेते १० ॥ सू० ७७६ ॥
 दस अच्छेरगा पन्नत्ता, तंजहा-उवसग्ग १ गव्वमहरणं २ इत्थीतित्थं ३
 अभाविया परिसा ४ । कणहस्स अवरकंका ५ उत्तरणं चंदसूराणं ६ ॥१॥
 हरिवंसकुलुप्पत्ती ७ चमरुप्पातो त ऽ अट्टसयसिद्धा ८ । अस्संजतेसु पूआ
 १०, दसवि अणंतेण कालेण ॥ २ ॥ ॥ सू० ७७७ ॥ इमीसे णं रयण-
 प्पभाते पुट्ठीए रयणे कंडे दस जोअणसयाइं बाहल्लेणं पन्नत्ते १ । इमीसे
 रयणप्पभाए पुट्ठीए वतरे कंडे दस जोयणसताइं बाहल्लेणं पराणत्ते २ । एवं

वेरुलिते १ लोहितकखे २ मसारगल्ले ३ हंसगब्भे ४ पुलते ५ सोगंधिते ६
जोतिरसे ७ अंजणो = अंजणपुलते १ रन्ते १० जातरूवे ११ अंके १२
फलहे १३ रिद्धे १४, जहा रयणो तहा सोलसविधा भाणितव्वा ३
॥ सू० ७७८ ॥ सव्वेज्जिणं दीवसमुद्दा दसजोयणासताइं उव्वेहेणं पराणत्ता
१ । सव्वेज्जिणं महादहा दस जोयणाइं उव्वेहेणं पराणत्ता २ । सव्वेज्जिणं
सलिलकुंडा दमजोयणाइं उव्वेहेणं पराणत्ता ३ । सियासीओयाणं
महानदीओ मुहमूले दस दस जोयणाइं उव्वेहेणं पराणत्ताओ ४ ॥ सू० ७७९ ॥
कत्तियाणवखत्ते सव्ववाहिरातो मंडलातो दसमे मंडले चारं चरति १ ।
अणुराधानवखत्ते सव्वव्भंतरातो मंडलातो दसमे मंडले चारं चरति २
॥ सू० ७८० ॥ दस गावत्ता गाणस्स विद्धिकरा पराणत्ता, तंजहा-
मिगसिरमद्दा पुस्सो तिन्नि य पुव्वाइं मूलमस्सेसा । हत्थो चित्ता य तहा दस
वुद्धिकराइं गाणस्स ॥ १ ॥ सू० ७८१ ॥ चउप्पयथलयरपंचिंदियतिरि-
वखजोणिताणं दस जातिकुलकोडिजोणिपमुहसतसहस्सा पराणत्ता १ ।
उरपरिसप्पथलयरपंचिंदियतिरिवखजोणिताणं दस जातिकुलकोडिजोणिपमु-
हसतसहस्सा पराणत्ता २ ॥ सू० ७८२ ॥ जीवाणं दसठाणनिव्वत्तिता
पोग्गले पावकम्मत्ताए चिणिंसु वा (३), तंजहा-पढमसमयएणिंदियनिव्वत्तिए
जाव फासिंदियनिव्वत्तिते, एवं चिण उवचिण बंधउदीरवेय तह णिज्जराचेव'
१ । दसपतेसिता खंधा अणांता पराणत्ता, दसपतेसोगाढा पोग्गला अणांता
पराणत्ता, दससमतठितीता पोग्गला अणांता पराणत्ता, दसगुणकालगा
पोग्गला अणांता पराणत्ता, एवं वन्नेहिं गंधेहिं रसेहिं फासेहिं दसगुण-
लुक्खा पोग्गला अणांता पराणत्ता २ ॥ सू० ७८३ ॥ दसमं ठाणं सम्मत्तं
१० ॥ दसमं अज्झयणं सम्मत्तं ॥ १० ॥

॥ इति दशस्थानकारुयं दशममध्ययनम् ॥ १० ॥

॥ इति तृतीयं श्रीमत्स्थानाङ्गसूत्रम् ॥ ३ ॥

(ग्रन्थाग्रं ३७००)

॥ तृतीयं
श्रीमत्स्थानाङ्ग-सूत्रं
समाप्तम् ॥

अहेम् ।

पञ्चमगणधर-श्रीमत्सुधर्मस्वामिप्रणीतं

॥ श्रीमत्समवायांगसूत्रम् ॥

— :: ० :: —

सुयं मे आउसंतेणं भगवया एवमक्खायं—[इह खलु समणेणं भगवया महावीरेणं आइगरेणं तित्थगरेणं सयंसंबुद्धेणं पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थिणा लोगुत्तमेणं लोगनाहेणं लोगहिएणं लोगपईवेणं लोगपज्जोअगरेणं अभयदएणं चक्खुदएणं मग्गदएणं सरणादएणं जीवदएणं धम्मदएणं धम्मदेसएणं धम्मनायगेणं धम्मसारहिणा धम्मवरचाउरंतचक्कवट्ठिणा अण्णडिहयवरनाणदंसणधरेणं वियट्ठच्छउमेणं जिणेणं जाव(ण)एणं तिन्नेणं तारएणं बुद्धेणं बोहएणं मुत्तेणं मोयगेणं सब्वन्नुणा सब्वदरिमिणा सिवमयल-मरुय-माणंत-मक्खय-मव्वावाह-मपुणारावित्ति(त्तयं)सिद्धिगइ-नामधेयं ठाणं संपाविउकामेणं इमे दुवालसंगे गंणिपिडगे पन्नत्ते, तंजहा—आयारे १ सूयगडे २ ठाणे ३ समवाए ४ विवाहपन्नत्ती ५ नाया-धम्मकहाओ ६ उवासगदसाओ ७ अंतगडदसाओ ८ अणुत्तरोववाइदसाओ ९ पराहावागरणं १० विवागसुए ११ दिट्ठिवाए १२, तत्थ ण जे से चउत्थे अगे समवाएत्ति आहिते तस्स णं अयमट्ठे पन्नत्ते, तंजहा—] एगे आया, एगे अणाया, एगे दंडे, एगे अदंडे, एगा किरिआ, एगा अकिरिआ, एगे लोए, एगे अलोए, एगे धम्मे, एगे अधम्मे, एगे पुराणे, एगे पावे, एगे वंधे, एगे मोक्खे, एगे आसवे, एगे संवरे, एगा वेयणा, एगा णिज्जरा १८, १ । जंबुदीवे दीवे एगं जोयणसयसहस्सं आयाम(क्कवाल)विकखंभेणं पराणत्ते, अण्णइट्ठाणे नरेण एगं जोयणसयसहस्सं आयामविकखंभेणं पन्नत्ते, पालए जाणविमाणे एगं जोयणसयसहस्सं आयामविकखंभेणं पन्नत्ते, सब्वट्ठसिद्धे

महाविमाणो एगं जोयणसयसहस्सं आयामविकखंभेणं पन्नत्ते ४, २ । अद्धान-
 कखत्ते एगतारे पन्नत्ते, चित्तानकखत्ते एगतारे पन्नत्ते, सातिनकखत्ते एगतारे
 पन्नत्ते ३, ३ । इमीसे णं रयणप्पभाए पुट्ठीए अत्थेगइयाणं नेरइयाणं एगं
 पलित्थोवमं ठिई पन्नत्ता, इमीसे णं रयणप्पहाए पुट्ठीए नेरइयाणं उक्कोसेणं
 एगं सागरोवमं ठिई पन्नत्ता, दोच्चाए पुट्ठीए नेरइयाणं जहन्नेणं एगं साग-
 रोवमं ठिई पन्नत्ता, असुरकुमाराणं देवाणं अत्थेगइयाणं एगं पलित्थोवमं
 ठिई पन्नत्ता, असुरकुमाराणं देवाणं उक्कोसेणं एगं साहियं सागरोवमं ठिई
 पन्नत्ता, असुरकुमारिदवज्जियाणं भोमिज्जाणं देवाणं अत्थेगइयाणं एगं पलि-
 थोवमं ठिई पन्नत्ता, असंखिज्जवासाउय-सन्निपंचिंदियतिरिक्खजोणियाणं
 अत्थेगइयाणं एगं पलित्थोवमं ठिई पन्नत्ता, असंखिज्जवासाउयगव्भववकंति-
 यसंणिमणुयाणं अत्थेगइयाणं एगं पलित्थोवमं ठिई पन्नत्ता, वाणमंतराणं
 देवाणं उक्कोसेणं एगं पलित्थोवमं ठिई पन्नत्ता, जोइसियाणं देवाणं उक्कोसेणं
 एगं पलित्थोवमं वासमयसहस्समन्महियं ठिई पन्नत्ता, सोहम्मे कप्पे देवाणं
 जहन्नेणं एगं पलित्थोवमं ठिई पन्नत्ता, सोहम्मे कप्पे देवाणं अत्थेगइयाणं
 एगं सागरोवमं ठिई पन्नत्ता, ईमाणो कप्पे देवाणं जहन्नेणं माइरेणं एगं
 पलित्थोवमं ठिई पन्नत्ता, ईसाणो कप्पे देवाणं अत्थेगइयाणं एगं सागरोवमं
 ठिई पन्नत्ता, जे देवा सागरं सुसागरं सागरकंतं भवं मणुं माणुमोत्तरं
 लोगहियं विमाणं देवत्ताए उववन्ना तेसि णं देवाणं उक्कोसे णं एगं सागरो-
 वमं ठिई पन्नत्ता, ते णं देवा एगस्स अद्धमासस्स आणमंति वा पाणमंति
 वा उस्ससंति वा नीससंति वा, तेसि णं देवाणं एगस्स वासमहस्सस्स
 आहारट्ठे समुपज्जइ, संतेगइया भवसिद्धिया जे जीवा ते एगेणं भवग्गहणेणं
 सिज्झिस्संति बुज्झिस्संति मुच्चिस्संति परिनिब्वाइस्संति सव्वदुवखाणमंतं
 करिस्संति १८, ४ ॥ सूत्रं १ ॥ दो दंडा पन्नत्ता, तंजहा—अट्ठादंडे चेव
 अणट्ठादंडे चेव १ । दुवे रासी पणत्ता, तंजहा—जीवरासी चेव अजीवरासी

चेव २ । दुविहे बन्धणे पन्नत्ते, तंजहा-रागबन्धणे चेव दोसबन्धणे चेव,
 ३ । पुव्वाफग्गुणीनक्खत्ते दुतारे पन्नत्ते ४ । उत्तराफग्गुणी नक्खत्ते दुतारे
 पन्नत्ते ५ । पुव्वाभद्वया नक्खत्ते दुतारे पन्नत्ते ६ । उत्तराभद्वया नक्खत्ते
 दुतारे पन्नत्ते ७ । इमीसे णं रयणप्पहाए पुढ्वीए अत्थेगइयाणं नेरइयाणं
 दो पलिओवमाइं ठिई पन्नत्ता ८ । दुच्चाए पुढ्वीए अत्थेगइयाणं नेरइयाणं
 दो सागरोवमाइं ठिई पन्नत्ता ९ । असुरकुमाराणं देवाणं अत्थेगइयाणं दो
 पलिओवमाइं ठिई पन्नत्ता १० । असुरकुमारिंदवज्जियाणं भोमिज्जाणं
 देवाणं उक्कोसेणं देसूणाइं दो पलिओवमाइं ठिई पन्नत्ता ११ । असंखिज्ज-
 वासाउयसन्निपंचेदियतिरिक्खजोणिआणं अत्थेगइयाणं दो पलिओवमाइं ठिई
 पन्नत्ता १२ । असंखिज्जवासाउयसन्निपंचेदियमाणुस्साणं, अत्थेगइयाणं
 देवाणं च दो पलिओवमाइं ठिई पन्नत्ता १३ । सोहम्मे कप्पे अत्थेगइयाणं
 देवाणं दो पलिओवमाइं ठिई पन्नत्ता १४ । ईसारे कप्पे अत्थेगइयाणं
 देवाणं दो पलिओवमाइं ठिई पन्नत्ता १५ । सोहम्मे कप्पे अत्थेगइयाणं
 देवाणं उक्कोसेणं दो सागरोवमाइं ठिई पन्नत्ता १६ । ईसारे कप्पे देवाणं
 उक्कोसेणं साहियाइं दो सागरोवमाइं पन्नत्ता १७ । सणकुमारे कप्पे देवाणं
 जहराणेणं दो सागरोवमाइं ठिई पन्नत्ता १८ । माहिदे कप्पे देवाणं जह-
 राणेणं साहियाइं दो सागरोवमाइं ठिई पन्नत्ता १९ । जे देवा सुभं सुभकंतं
 सुभवरणं सुभगंधं सुभत्तेसं सुभफासं सोहम्मवडिसगं विमाणं देवत्ताए
 उववरणा तेसि णं देवाणं उक्कोसेणं दो सागरोवमाइं ठिई पन्नत्ता, ते णं देवा
 दोराहं अद्धमासाणं आणमंति वा पाणमंति वा ऊयसंति वा नीससंति वा तेसि
 णं देवाणं दोहि वाससहस्सेहि आहारट्ठे समुप्पज्जइ २० । अत्थेगइया भव-
 सिद्धिया जीवा जे दोहिं भवग्गहणेहिं सिज्झिस्संति बुज्झिस्संति मुच्चिस्संति
 परिनिव्वाइस्संति सब्बदुक्खाणमंतं करिस्संति २१ ॥ सूत्रं २ ॥ तथो दंडा
 पन्नत्ता, तंजहा-माणदण्डे वयदंडे कायदंडे, तथो गुत्तीओ पन्नत्ताओ, तंजहा-

मणुगुत्ती वयगुत्ती कायगुत्ती १ । तथो सल्ला पन्नत्ता, तंजहा—मायासल्ले णं
 नियाणसल्ले णं मिच्छादंसणसल्ले णं २ । तथो गारवा पन्नत्ता, तंजहा—
 इद्धीगारवे णं रसगारवे णं सायागारवेणां ३ । तथो विराहणा पन्नत्ता, तंजहा—
 नाणविराहणा दंसणविराहणा चरित्तविराहणा ४ । मिगमिरनक्खत्ते
 तितारे पन्नत्ते ५ । पुस्सनक्खत्ते तितारे पन्नत्ते ६ । जेट्टानक्खत्ते तितारे
 पन्नत्ते ७ । अमीइनक्खत्ते तितारे पन्नत्ते ८ । सवणनक्खत्ते तितारे पन्नत्ते
 ९ । अस्सिणिनक्खत्ते तितारे पन्नत्ते १० । भरणीनक्खत्ते तितारे पन्नत्ते
 ११ । इमीसे णं रयणप्पभाए पुट्ठीए अत्थेगइयाणं नेरइयाणं तिन्नि
 पलित्थोवमाइं ठिई पन्नत्ता १२ । दोच्चाए णं पुट्ठीए नेरइयाणं उक्कोसेणां
 तिरिणा सागरोवमाइं ठिई पन्नत्ता १३ । तच्चाए णं पुट्ठीए नेरइयाणं
 जहराणेणां तिरिणा सागरोवमाइं ठिई पन्नत्ता १४ । असुरकुमाराणां देवाणां
 अत्थेगइयाणं तिरिणा पलित्थोवमाइं ठिई पन्नत्ता १५ । असंखिज्जवासाउय-
 सन्निपंचिदियतिरिक्खजोणियाणां उक्कोसेणां तिरिणा पलित्थोवमाइं ठिई
 पन्नत्ता १६ । असंखिज्जवासाउय-सन्निगम्भववकंतियमणुस्साणां उक्कोसेणां
 तिरिणा पलित्थोवमाइं ठिई पन्नत्ता १७ । सोहम्मीसाणंसु अत्थेगइयाणं तिरिणा
 पलित्थोवमाइं ठिई पन्नत्ता १८ । सणकुमारमाहिदेसु कप्पेसु अत्थेगइयाणं
 देवाणां तिरिणा सागरोवमाइं ठिई पन्नत्ता १९ । जे देवा आभंकरं पभंकरं
 आभंकरपभंकरं चंदं चंदावत्तं चंदप्पभं चंदकंतं चंदवराणां चदलेसं चंदज्भयं
 चंदसिंगं चंदसिट्ठं चंदकूडं चंदुत्तरवडिंसगं विमाणं देवत्ताए उववराणां तेसि
 णं देवाणां उक्कोसेणां तिरिणा सागरोवमाइं ठिई पन्नत्ता, ते णां देवा तिराहं
 अद्धमासाणां आणमंति वा पाणमंति वा ऊससंति वा नीससंति वा तेसि णां
 देवाणां उक्कोसेणां तिहिं वाससहस्मेहिं आहारट्ठे समुपज्जइ, संतेगइया भव-
 सिद्धिया जीवा जे तिहिं भवग्गहणेहिं सिज्जिभस्सं(हिं)ति बुद्धिभरसंति मुच्चि-
 स्संति परिनिव्वाइस्संति सब्बदुक्खाणमंतं करिस्संति २० ॥ सूत्रं ३ ॥

चत्तारि कसाया पन्नत्ता तंजहा—कोहकसाए माणकसाए मायाकसाए लोभकसाए १ । चत्तारि भाणा पन्नत्ता, तंजहा—अट्टज्भाणो रुद्धज्भाणो धम्मज्भाणो सुक्कज्भाणो २ । चत्तारि विगहाओ पन्नत्ताओ, तंजहा—इत्थिकहा भत्तकहा रायकहा देसकहा ३ । चत्तारि सराणा पन्नत्ता, तंजहा—आहारसराणा भयसराणा मेहुणसराणा परिग्गहसराणा ४ । चउव्विहे बन्धे पन्नत्ते, तंजहा—पगइवंधे ठिइवन्धे अणुभावबन्धे पएस-बन्धे ५ । चउगाउए जोयणो पन्नत्ते ६ । अणुराहानक्खत्ते चउतारे पन्नत्ते ७ । पुव्वासादानक्खत्ते चउतारे पन्नत्ते ८ । उत्तरासादानक्खत्ते चउतारे पन्नत्ते ९ । इमीसे णं रयणप्पभाए पुट्ठीए अत्थेगइयाणं नेरइयाणं चत्तारि पलिओवमाइं ठिई पन्नत्ता १० । तच्चाए णं पुट्ठीए अत्थेगइयाणं नेरइयाणं चत्तारि सागरोवमाइं ठिई पन्नत्ता ११ । असुरकुमाराणं देवाणं अत्थेगइयाणं चत्तारि पलिओवमाइं ठिई पन्नत्ता १२ । सोहम्मीसाणोसु कप्पेसु अत्थेगइयाणं देवाणं चत्तारि पलिओवमाइं ठिई पन्नत्ता, सणंकुमारमाहिंदेसु कप्पेसु अत्थेगइयाणं देवाणं चत्तारि सागरोवमाइं ठिई पन्नत्ता १३ । जे देवा किट्ठिं सुकिट्ठिं किट्ठियावत्तं किट्ठिप्पभं किट्ठिजुत्तं किट्ठिवराणं किट्ठिलेसं किट्ठि-ज्झयं किट्ठिसिगं किट्ठिसिट्ठं किट्ठिकूडं किट्ठुत्तरवडिंसगं विमाणं देवत्ताए उव्व-वराणा तेसि णं देवाणं उक्कोसेणं चत्तारि सागरोवमाइं ठिई पन्नत्ता, ते णं देवा चउगहज्झमाणां आणमंति वा पाणमंति वा ऊससंति वा नीससंति वा तेसिं देवाणं चउहिं वासमहस्सेहिं आहारट्ठे समुप्पज्जइ, अत्थेगइया भवसिद्धिया जीवा जे चउहिं भवग्गहणोहिं सिज्झिस्संति जाव सब्बदुक्खाणं अंतं करिस्संति १४ ॥ सूत्रं ४ ॥ पंच किरिया पन्नत्ता, तंजहा—काइया अहिगरणिा पाउ-सिआ पारितावणिआ पाणाइवायकिरिया १ । पंच महव्वया पन्नत्ता, तंजहा—सव्वाओ पाणाइवायाओ वेरमणं सव्वाओ मुसावायाओ वेरमणं सव्वाओ अदत्तादाणाओ वेरमणं सव्वाओ मेहुणाओ वेरमणं सव्वाओ परिग्गहाओ

વેરમણં ૨ । પંચ કામગુણા પન્નત્તા, તંજહા-સદા રૂવા રસા ગંધા ફાસા ૩ ।
 પંચ અસવદારા પન્નત્તા, તંજહા-મિચ્છત્તં અવિરદ્દે પમાયા કસાયા જોગા
 ૪ । પંચ સંવરદારા પન્નત્તા, તંજહા-સમ્મત્તં વિરદ્દે અપ્પમત્તયા(અપમાદી)
 અકમાયયા અજોગયા ૫ । પંચ નિજ્જરટ્ટાણા પન્નત્તા, તંજહા-પાણાઇવાયાઓ
 વેરમણં મુસાવાયાઓ વેરમણં અદિન્નાદાણાઓ વેરમણં મેઢુણાઓ વેરમણં
 પરિગ્ગહાઓ વેરમણં ૬ । પંચ સમિદ્દેઓ પન્નત્તાઓ, તંજહા-દ્દેરિયાસમિદ્દે
 માસાસમિદ્દે એસણાસમિદ્દે આયણમંડમત્તનિવસેવણાસમિદ્દે ઉચ્ચારપાસવણસેલ-
 સિંધાણજલ્લપારિટ્ઠાવણિયાસમિદ્દે ૭ । પંચ અત્થિકાયા પન્નત્તા, તંજહા-
 ધમ્મત્થિકાએ અધમ્મત્થિકાએ આગાસત્થિકાએ જીવત્થિકાએ પોગ્ગલત્થિકાએ ૮ ।
 રોહિણીનક્ષત્તે પંચતારે પન્નત્તે ૯ । પુણ્ણવસુનક્ષત્તે પંચતારે પન્નત્તે ૧૦ ।
 હત્થનક્ષત્તે પંચતારે પન્નત્તે ૧૧ । વિસાહાનક્ષત્તે પંચતારે પન્નત્તે ૧૨ ।
 ધણિટ્ઠાનક્ષત્તે પંચતારે પન્નત્તે ૧૩ । ઇમીસે ણં રથણપ્પમાએ પુઢ્ઢીએ
 અત્થેગઇયાણં નેરઇયાણં પંચ પલિઓવમાદં ઠિદ્દે પન્નત્તા ૧૪ । તચ્ચાએ
 ણં પુઢ્ઢીએ અત્થેગઇયાણં નેરઇયાણં પંચ સાગરોવમાદં ઠિદ્દે પન્નત્તા ૧૫ ।
 અસુરકુમારાણં દેવાણં અત્થેગઇયાણં પંચ પલિઓવમાદં ઠિદ્દે પન્નત્તા ૧૬ ।
 સોહમ્મીસાણેસુ કપ્પેસુ અત્થેગઇયાણં દેવાણં પંચ પલિઓવમાદં ઠિદ્દે
 પન્નત્તા, સણંકુમારમાહિંદેસુ કપ્પેસુ અત્થેગઇયાણં દેવાણં પંચ સાગરોવમાદં
 ઠિદ્દે પન્નત્તા ૧૭ । જે દેવા વાયં સુવાયં વાયાવત્તં વાયપ્પમં વાયકંતં
 વાયવરાણં વાયલેસં વાયજ્ઞમયં વાયસિગં વાયસિટ્ઠં વાયકૂઢં વાઉત્તરવહિંસગં
 સૂરં સુસૂરં સૂરાવત્તં સૂરપ્પમં સૂરકંતં સૂરવરાણં સૂરલેસં સૂરજ્ઞમયં
 સૂરસિગં સૂરસિટ્ઠં સૂરકૂઢં સૂરુત્તરવહિંસગં વિમાણં દેવત્તાએ ઉવવરાણા
 તેસિ ણં દેવાણં ઉક્કોસેણં પંચ સાગરોવમાદં ઠિદ્દે પન્નત્તા, તે ણં દેવા
 પંચગહં અદ્ધમાસાણં આણમંતિ વા પાણમંતિ વા ઊસસંતિ વા નીસસંતિવા,
 તેસિ ણં દેવાણં પંચહિં વાસસહસ્સેહિં આહારટ્ઠે સમુપ્પજ્જઇ, સંતેગઇયા

भवसिद्धिया जीवा जे पंचहिं भवगहणेहिं सिद्धिस्संति जाव अंतं करिस्संति १८ । ॥ सूत्रं ५ ॥

छ लेसाओ पणत्ताओ, तंजहा-कणहलेसा नीललेसा काउलेसा तेउलेसा पम्हलेसा सुकलेसा १ । छ जीवनिकाया पन्नत्ता, तंजहा-पुढवीकाए आऊकाए तेउकाए वाउकाए वणस्सइकाए तमकाए २ । छव्विहे बाहिरे तवोकम्मे पन्नत्ते, तंजहा-अणसणे ऊणोयरिया वित्तीसंखेवो रसपरिच्चाओ कायकिलेसो संलीणया ३ । छव्विहे अविमंतरे तवोकम्मे पन्नत्ते, तंजहा-पायच्छित्तं विणओ वेयावच्चं सज्झाओ भाणं उस्सग्गो ४ । छ छाउमत्थिया समुग्घाया पन्नत्ता, तंजहा-वेयणासमुग्घाए कसायसमुग्घाए मारणांतिअसमुग्घाए वेउव्वियसमुग्घाए तेयसमुग्घाए आहारसमुग्घाए ५ । छव्विहे अत्थुग्गहे पन्नत्ते, तंजहा-सोइंदियअत्थुग्गहे चक्खुइंदियअत्थुग्गहे घाणिंदियअत्थुग्गहे जिर्विभदियअत्थुग्गहे फासिदियअत्थुग्गहे नोइंदियअत्थुग्गहे ६ । कत्तियानक्खत्ते छतारे पन्नत्ते ७ । असिलेसानक्खत्ते छतारे पन्नत्ते ८ । ईमीसे णं रयणप्पभाए पुढवीए अत्थेगइयाणं नेरइयाणं छ पलिओवमाइं ठिई पन्नत्ता ९ । तच्चाए णं पुढवीए अत्थेगइयाणं नेरइयाणं छ सागरोवमाइं ठिई पन्नत्ता १० । असुरकुमाराणं देवाणं अत्थेगइयाणं छ पलिओवमाइं ठिई पन्नत्ता ११ । सोहम्मीसाणेसु कप्पेसु अत्थेगइयाणं देवाणं छ पलिओवमाइं ठिई पन्नत्ता १२ । सणकुमारमाहिंदेसु कप्पेसु अत्थेगइयाणं देवाणं छ सागरोवमाइं ठिई पन्नत्ता १३ । जे देवा सयंभुं सयंभूरमाणं घोसं सुघोसं महाघोसं किट्ठिघोसं वीरं सुवीरं वीरगतं वीरसेणियं वीरावत्तं वीरप्पभं वीरकंतं वीरवराणं वीरलेसं वीरज्झयं वीरसिगं वीरसिट्ठं वीरकूडं वीरुत्तरवडिसगं विमाणं देवत्ताए उव्वराणा तेसि णं देवाणं उक्कोसेणं छ सागरोवमाइं ठिई पन्नत्ता, ते णं देवा छराहं अद्धमासाणं आणमंति वा पाणमंति वा उमसंति वा नीससंति वा, तेसि णं देवाणं छहिं वाससहस्सेहिं आहारट्ठे समुप्पज्जइ,

संतेगइया भवसिद्धिया जीवा जे छहिं भवगहणोहिं सिज्झिस्संति जाव
 सव्वदुक्खाणमंतं करिस्मंति १४ ॥ सूत्रं ६ ॥ सत्त भयट्ठाणा पन्नत्ता, तंजहा—
 इहलोगभए परलोगभए आदाणभए अक्कमहाभए आजीवभए मरणभए
 असिलोगभए १ । सत्त समुग्घाया पन्नत्ता, तंजहा—वेयणासमुग्घाए कसायस-
 मुग्घाए मारणांतियसमुग्घाए वेउव्वियसमुग्घाए तेयसमुग्घाए आहरसमुग्घाए
 केव्वलिसमुग्घाए, २ । समणे भगवं महावीरे सत्त रयणाथो उड्डं उच्चत्तेणं
 होत्था ३ । इहेव जंबुद्वीवे दीवे सत्त वामहरपव्वया पन्नत्ता, तंजहा—बुल्लहिमवंते
 महाहिमवंते निसदे नीलवंते रुप्पी सिहरी मन्दरे ४ । इहेव जंबुद्वीवे दीवे
 सत्त वामा पन्नत्ता, तंजहा—भरहे हेमवते हरिवासे महाविदेहे रम्मए एरणवए
 एरवए ५ । खीणमोहे णं भगवं (भगवया) मोहणिज्जवज्जाथो सत्त कम्मप-
 यडीथो वेए(ज्ज)ई ६ । महानक्खत्ते सत्ततारे पन्नत्ते ७ । अभि(कत्ति)
 आइथा मत्त नक्खत्ता पुव्वदारिथा पन्नत्ता ८ । महाइथा सत्त नक्खत्ता दाहिण-
 दारिथा पन्नत्ता ९ । अणुराहाइथा सत्त नक्खत्ता अवरदारिथा पन्नत्ता
 १० । थणिट्ठाइथा सत्त नक्खत्ता उत्तरदारिथा पन्नत्ता, ११ । इमीसे णं
 रयणप्पभाए पुट्ठीए अत्थेगइयाणं नेरइयाणं सत्त पलित्थोवमाइं ठिई पन्नत्ता
 १२ । तत्राए णं पुट्ठीए नेरइयाणं उक्कोसेणं सत्त सागरोवमाइं ठिई पन्नत्ता,
 १३ । चउत्थीए णं पुट्ठीए नेरइयाणं जहराणेणं सत्त सागरोवमाइं ठिई
 पन्नत्ता १४ । असुरकुमाराणं देवाणं अत्थेगइयाणं सत्त पलित्थोवमाइं ठिई
 पन्नत्ता १५ । सोहम्मीसारोसु कप्पेसु अत्थेगइयाणं देवाणं सत्त पलित्थोव-
 माइं ठिई पन्नत्ता १६ । सणांकुमारे कप्पे अत्थेगइयाणं देवाणं उक्कोसेणं सत्त
 सागरोवमाइं ठिई पन्नत्ता १७ । माहिदे कप्पे देवाणं उक्कोसेणं साइरेगाइं
 सत्त सागरोवमाइं ठिई पन्नत्ता १८ । वंमलोए कप्पे अत्थेगइयाणं देवाणं त्स
 माहिया (माहिय-सत्त) सागरोवमाइं ठिई पन्नत्ता १९ । जे देवा समं समप्पभं
 महापभं पभासं भासुरं विमलं कंचणकूडं सणांकुमारवडिसगं विमारां देवत्ताए

उववराणां तेसि रां देवारां उक्कोसेरां सत्त सागरोवमाइं ठिई पन्नत्ता, ते रां देवा सत्तरहं अद्धमासारां आणमंति वा पाणमंति वा ऊससंति वा नीससंति वा, तेसि रां देवाणां सत्तहिं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे रां सत्तहिं भवग्गहणेहिं सिज्झिस्संति बुज्झिस्संति जाव सव्वदुक्खाणमंतं करिस्संति २० ॥ सूत्रं ७ ॥ अट्ठ मयट्ठाणा पन्नत्ता, तंजहा-जातिमए कुलमए बलमए रूवमए तवमए सुयमए लाभमए इस्सरियमए १ । अट्ठ पवयणमायाओ पन्नत्ताओ, तंजहा-ईरियासमिई भासासमिई एसणासमिई आयाणभंडमत्तनिक्खेवणासमिई उच्चारपासवणखेलजल्लसिंघाणपारिट्ठावणियासमिई मणगुत्ती वयगुत्ती कायगुत्ती २ । वाणमंतराणां देवारां चेइयरूक्खा अट्ठ जोयणाइं उद्धं उच्चत्तेणां पन्नत्ता ३ । जंबू रां सुदंसणा अट्ठ जोयणाइं उद्धं उच्चत्तेणां पन्नत्ता ४ । कूडसामली रां गरुलावासे अट्ठ जोयणाइं उद्धं उच्चत्तेणां पन्नत्ते ५ । जंडुदीवस्स रां जगई अट्ठ जोयणाइं उद्धं उच्चत्तेणां पन्नत्ता ६ । अट्ठसामइए केवलिसमुग्घाए पन्नत्ते, तजहा-पढमे समए दंडं करेइ, बीए समए क्वाडं करेइ, तइए समए मंथं करेइ, चउत्थे समए मंथंतराइं पूरेइ, पंचमे समए मंथंतराइ पडिमाहरइ, छट्ठे समए मंथं पडिसाहरइ, सत्तमे समए क्वाडं पडिसाहरइ, अट्ठमे समए दंडं पडिसाहरइ, ततो पच्छा सरीरत्थे भवइ ७ । पासस्स रां अरहओ पुरिसादाणिअरस अट्ठ गणा अट्ठ गणहरा होत्था, तंजहा-सुभे य सुभघोसे य, वसिट्ठे वंभयारि य । सोमे सिरिधरे चैव, वीरभद्दे जसे इय ॥ १ ॥ ८ । अट्ठ नक्खत्ता चंदेरां सद्धि पमइं जोगं जोएंति, तंजहा-कत्तिया १ रोहिणी २ पुणव्वसू ३ महा ४ चित्ता ५ विसाहा ६ अणुराहा ७ जेट्ठा ८, ९ । इमीसे रां रयणप्पहाए पुढवीए अत्थेगइयाणां नेरइयाणां अट्ठ पल्लिओवमाइं ठिई पन्नत्ता १० । चउत्थीए पुढवीए अत्थेगइयाणां नेरइयाणां अट्ठ सागरोवमाइं ठिई पन्नत्ता ११ । असुरकुमाराणां देवारां अत्थेगइयाणां अट्ठ पल्लिओवमाइं ठिई पन्नत्ता १२ । सोहम्मीसाणेसु कप्पेसु अत्थेगइयाणां देवारां अट्ठ पल्लि-

ओवमाइं ठिई पन्नत्ता १३ । बंभलोए कप्पे अत्थेगइयाणां देवाणां अट्ठ साग-
 रोवमाइं ठिई पन्नत्ता १४ । जे देवा अच्चि १ अच्चिमालिं २ वइरोयणां ३
 पमंकरं ४ चंदाभं ५ सूरामं ६ सुपइट्ठामं ७ अग्निच्चाभं ८ रिट्ठामं ९ अरुरामं १०
 अरुणुत्तरवडिसगं ११ विमारां देवत्ताए उववरणा तेसि रां देवाणां उक्कोसेणां
 अट्ठ सागरोवमाइं ठिई पन्नत्ता, ते रां देवा अट्ठगहं अट्ठमासारां आणमंति
 वा पाणमंति वा ऊससंति वा नीसमंति वा, तेसि रां देवाणां अट्ठहिं वासस-
 हस्सेहिं आहारट्ठे समुप्पज्जइ, संतेगइया भवसिद्धिया जीवा जे अट्ठहिं भवग्गह-
 रोहिं सिज्झिस्संति बुज्झिस्संति जाव अंतं करिस्संति १५ ॥ सूत्रं ८ ॥
 नव बंभवेरगुत्तीओ पन्नत्ताओ, तंजहा—नो इत्थिपसुपंडगसंसत्ताणि सिज्जा-
 सणाणि सेवित्ता भवइ १ नो इत्थीणां कहां कहित्ता भवइ २ नो इत्थीणां
 ठाणाइं सेवित्ता भवइ ३ नो इत्थीणां इंदियाणि मणोहराइं मणोरमाइं आलो-
 इत्ता निज्झाइत्ता भवइ ४ नो पणीयरसभोई ५ नो पाणभोयणास्स अइमायाए
 आहारइत्ता ६ नो इत्थीणां पुव्वरयाइं पुव्वकीलिआइं समरइत्ता भवइ, नो
 सदाणुवाई नो रूवाणुवाई नो गन्धाणुवाई नो रसाणुवाई नो फासाणुवाई
 नो सिलोगाणुवाई ८ नो सायासोक्खपडिक्खे यावि भवइ ९, १ । नव
 बंभवेरगुत्तीओ पन्नत्ताओ, तंजहा—इत्थीपसुपंडगसंसत्ताणां सिज्जासणां
 सेवणाया जाव सायासुक्खपडिक्खे यावि भवइ ९, २ । नव बंभवेरा पन्नत्ता,
 तंजहा—सत्थपरिगणा लोगविजओ सीओसणिज्ज सम्मत्तं । आवंति धुत
 विमोहा उवझाणसुयं महपरिगणा ॥ १ ॥ ३ । पासे रां अरहा पुरिसा-
 दाणीए नव रयणीओ उद्धं उच्चतेरां होत्था ४ । अभीजीनक्खते साइरेगे
 नव मुहुत्ते चन्देरां सद्धिं जोगं जोएइ ५ । अभीजियाइया नव नक्खत्ता
 चंदस्स उत्तरेरां जोगं जोएंति, तंजहा—अभीजि सवणो जाव भरणी ६ ।
 इमीसे रां रयणप्पमाए पुट्ठीए बहुसमरमणिज्जाओ भूमिभागाओ नव
 जोयणासए उद्धं आवाहाए उवरिल्ले तारारूवे चारं चरइ ७ । जंबूदीवे

रां दीवे नवजोयणिआ मच्छा पविसिंसु वा (३) = । विजयस्स रां दारस्स
 एगमेगाए वाहाए नव नव भोमा पन्नत्ता १ । वाणमंतरारां देवारां सभाओ
 सुहम्माओ नव जोयणाइं उद्धं उच्चत्तेरां पन्नत्ताओ १० । दंमणावर-
 णिज्जस्स रां कम्मस्स नव उत्तरपगडीओ पन्नत्ताओ, तंजहा—निहा पयला
 निहानिहा पयलापयला थीणद्धी चक्खुदंसणावरणे अचक्खुदंसणावरणे
 ओहिदंसणावरणे केवलदंसणावरणे ११ । इमीसे रां रयणप्पभाए पुढ्वीए
 अत्थेगइयारां नेरइयारां नव पलिओवमाइं ठिई पन्नत्ता १२ । चउत्थीए
 पुढ्वीए अत्थेगइयारां नेरइयारां नव सागरोवमाइं ठिई पन्नत्ता १३ ।
 असुरकुमारां देवारां अत्थेगइयारां नव पलिओवमाइं ठिई पन्नत्ता १४ ।
 सोहम्मीसाणेसु कप्पेसु अत्थेगइयारां देवारां नव पलिओवमाइं ठिई पन्नत्ता
 १५ । वंभलोए कप्पे अत्थेगइयारां देवारां नव सागरोवमाइं ठिई पन्नत्ता
 १६ । जे देवा पम्हं सुपम्हं पम्हावत्तं पम्हप्पभं पम्हकंतं पम्हवरां पम्हलेसं
 पम्हज्झयं पम्हसिंगं पम्हसिट्ठं पम्हकूडं पम्हुत्तरवडिसंगं, सुज्जं सुसुज्जं
 सुज्जवित्तं सुज्जपभं सुज्जकंतं सुज्जवरां सुज्जलेसं सुज्जज्झयं सुज्झसिंगं
 सुज्झसिट्ठं सुज्झकूडं सुज्जुत्तरवडिसंगं, रुडल्लं रुडल्लावत्तं रुडल्लप्पभं रुडल्लकंतं
 रुडल्लवरां रुडल्लेसं रुडल्लज्झयं रुडल्लसिंगं रुडल्लसिट्ठं रुडल्लकूडं रुडल्लुत्तर-
 वडिसंगं विमारां देवत्ताए उववराणा, तेसि रां देवारां नव सागरोवमाइं
 ठिई पन्नत्ता, ते रां देवा नवराहं अद्धमासारां आणमंति वा पाणमंति वा
 ऊससंति वा नीससंति वा, तेसि रां देवारां नवहिं वाससहस्सेहिं आहारट्ठे
 समुप्पज्जइ, संतेगइया भवसिद्धिया जीवा जे नवहिं भवग्गहणेहिं सिज्झिस्संति
 जाव सव्वदुक्खाणमंतं करिस्संति १७ ॥ सूत्रं १ ॥ दसविहे समणधम्मे
 पन्नत्ते, तंजहा—खंती १ मुत्ती २ अज्जवे ३ मद्दवे ४ लाघवे ५ सञ्चे
 ६ संजमे ७ तवे = चियाए ८ वंभवेरवासे १०, १ । दस चित्तसमाहिट्ठाणा
 पन्नत्ता, तंजहा—धम्मचिंता वा से असमुप्पराणापुव्वा समुप्पज्जिजा सव्वं धम्मं

जाणित्तए १ सुमिण(सुजाण)दंसणे वा से असमुप्पराणापुव्वे समुप्पज्जिजा
अहातच्चं सुमिणं पासित्तए २ सरिणानाणे वा से असमुप्पराणापुव्वे समुप्पज्जिजा
पुव्वभवे सुमरित्तए ३ देवदंसणे वा से असमुप्पन्नपुव्वे समुप्पज्जिजा दिव्वं
देविद्धिं दिव्वं तेवजुइं दिव्वं देवाणुभावं पासित्तए ४ ओहिनाणे वा से
असमुप्पराणापुव्वे समुप्पज्जिजा ओहिणा लोगं जाणित्तए ५ ओहिदंसणे वा से
असमुप्पराणापुव्वे समुप्पज्जिजा ओहिणा लोगं पासित्तए ६ मणपज्जवनाणे वा से
असमुप्पराणापुव्वे समुप्पज्जिजा जाव मणोगए भावे जाणित्तए ७ केवलनाणे वा से
असमुप्पराणापुव्वे समुप्पज्जिजा केवलं लोगं जाणित्तए ८ केवलदंसणे वा से
असमुप्पराणापुव्वे समुप्पज्जिजा केवलं लोगं पासित्तए ९ केवलिमरणां वा
मरिजा सव्वदुक्खप्पहीणाए १०, २। मंदरे णं पव्वए मूले दस जोयणा-
सहस्साइं विक्खंभेणां पन्नत्ते ३। अरिहा णं अरिट्टेनेमी दस धणूइं
उद्धं उच्चत्तेणां होत्था ४। कगहे णं वासुदेवे दस धणूइं उद्धं उच्चत्तेणां
होत्था ५। रामे णं बलदेवे दस धणूइं उद्धं उच्चत्तेणां होत्था ६। दस नवखत्ता
नाणवुद्धिकरा पन्नत्ता, तंजहा—मिगसिर अहा पुस्सो तिगिणा अ पुव्वा य
मूलमस्सेसा । हत्थो चित्तो य तहा दस बुद्धिकराइं नाणस्स ॥ १ ॥ ७ ।
अकम्मभूमियाणां मणुआणां दसविहा रुक्खा उवभोगत्ताए उवत्थिया पन्नत्ता,
तंजहा—मत्तंगया य भिंगा तुडिअंगा दीवजोइं चित्तंगा । चित्तरसा मणिअंगा
गेहागारा अनिगिणा य ॥ १॥ ८। इमीसे णं रयणप्पभाए पुढ्वीए अत्थेगइयाणां
नेरइयाणां जहराणेणां दस वाससहस्साइं ठिई पन्नत्ता ९ । इमीसे णं रयणप्प-
भाए पुढ्वीए अत्थेगइयाणां नेरइयाणां दस पलिओवमाइं ठिई पन्नत्ता १० ।
चउत्थीए पुढ्वीए दस निरयावाससयसहस्साइ पन्नत्ताणि ११ । चउत्थीए पुढ्वीए
अत्थेगइयाणां नेरइयाणां उक्कोसेणां दस सागरोवमाइं ठिई पन्नत्ता १२ । पंचमीए
पुढ्वीए अत्थेगइयाणां नेरइयाणां जहराणेणां दस सागरोवमाइं ठिई पन्नत्ता
१३ । असुरकुमाराणां देवाणां अत्थेगइयाणां जहराणेणां दस वाससहस्साइं

ठिई पन्नत्ता १४ । असुरिंदवज्जाणं भोमिज्जाणं देवाणं अत्थेगइयाणं जहराणेणं दस वाससहस्साइं ठिई पन्नत्ता १५ । असुरकुमाराणं देवाणं अत्थेगइयाणं दस पल्लिओवमाइं ठिई पन्नत्ता १६ । बायरवणस्सइकाइए रां उक्कोसेरां दस वाससहस्साइं ठिई पन्नत्ता १७ । वाणमंतराणं देवाणं अत्थेगइयाणं जहराणेणं दस वाससहस्साइं ठिई पन्नत्ता १८ । सोहम्मी-साणेसु कप्पेसु अत्थेगइयाणं देवाणं दस पल्लिओवमाइं ठिई पन्नत्ता १९ । बंभलोए कप्पे देवाणं उक्कोसेरां दस सागरोवमाइं ठिई पन्नत्ता २० । लांतए कप्पे देवाणं अत्थेगइयाणं जहराणेणं दस सागरोवमाइं ठिई पन्नत्ता २१ । जे देवा घोसं सुघोसं महाघोसं नंदिघोसं सुसरं मणोरमं रम्मं रम्मणं रमणिज्जं मंगलावत्तं बंभलोगवड्डिसणं विमाराणं देवत्ताए उववराणा तेसि रां देवाणं उक्कोसेरां दस सागरोवमाइं ठिई पन्नत्ता, ते रां देवा दसराहं अद्धमासाराणं आणमंति वा पाणमंति वा ऊससंति वा नीससंति वा तेसि रां देवाणं दसहिं वाससहस्सेहिं आहारट्ठे समुप्पज्जइ, संतेगइआ भवसिद्धिया जीवा जे दसहिं भवग्गहणेहि सिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति २२ ॥ सूत्रं १०॥

एकारस उवासगपड्डिमाओ पन्नत्ताओ, तंजहा-दंसणसावए १ कयव्वयकंमे २ सामाइअकडे ३ पोसहोववासनिरए ४ दिया बंभयारी रत्ति परिमाणकडे ५ दिआऽवि राओऽवि बंभयारी असिणाई (अनिसाई) विअड-भोई मोलिकडे ६ सच्चित्तपरिगणाए ७ (राइभत्त परिगणाए ४ सच्चित्त परिगणाए ५ दिया बंभयारी राओ परिमाणकडे ६ दियावि राओवि बंभयारी असिणाणए वोसट्ठ-केसररोमनहे ७) आरंभपरिगणाए ८ पेसपरिगणाए ९ उहिट्ठभत्तपरिगणाए १० समणभूए ११ आवि भवइ समणाउसो !-१ । लोगं-ताओ इकारसएहिं एकारेहिं जोयणसएहिं अवाहाए जोइसंते पराणत्ते २ । जंबू-दीवे दीवे मंदरस्स पव्वयस्स एकारसहिं एकवीसेहिं जोयणसएहिं जोइसे चारं

चरइ ३ । समणस्स णं भगवओ महावीरस्स एकारस गणहरा होत्था, तंजहा—
 इंदभूई अग्निभूई वायुभूई विअत्ते सोहम्मे मंडिए मोरियपुत्ते अकंपिए
 अयलभाए मेअज्जे पभासे ८ । मूले नक्खत्ते एकारसतारे पन्नत्ते ९ ।
 हेट्ठिमगेविज्जयाणं देवाणं एकारसमु(गु)त्तरं गेविज्जविमाणसतं भवइत्तिमवखायं,
 मंदरे णं पव्वए धरणितलाओ सिहरतले एकारसभागपरिहीणे उच्चत्तेणं
 पन्नत्ते १० । इमीसे णं रयणप्पभाए पुढ्वीए अत्थेगइयाणं नेरइयाणं एकारस
 पलिओवमाइं ठिई पन्नत्ता ११ । पंचमीए पुढ्वीए अत्थेगइयाणं नेरइयाणं
 एकारस सागरोवमाइं ठिई पन्नत्ता १२ । असुरकुमाराणं देवाणं अत्थेगइयाणं
 एकारस पलिओवमाइं ठिई पन्नत्ता १३ । सोहम्मीसारोसु कप्पेसु अत्थेगइयाणं
 देवाणं एकारस पलिओवमाइं ठिई पन्नत्ता १४ । लंतए कप्पे अत्थेगइयाणं
 देवाणं एकारस सागरोवमाइं ठिई पन्नत्ता १५ । जे देवा वंभं सुवंभं वंभावत्तं
 वंभप्पभं वंभकंतं वंभवराणं वंभलेसं वंभज्झयं वंभसिंगं वंभसिट्ठं वंभकूडं
 वंभुत्तरवडिसंगं विमाणं देवत्ताए उववराणा तेसि णं देवाणं एकारस सागरो-
 वमाइं ठिई पन्नत्ता, ते णं देवा एकारसराहं अद्धमासाणं आणमंति वा
 पाणमंति वा ऊससंति वा नीससंति वा तेसि णं देवाणं एकारसराहं
 वाससहस्साणं आहारट्ठे समुप्पज्जइ, संतेगइया भवसिद्धिया जीवा जे
 एकारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सब्बदुक्खाणमंतं करिस्संति १६ ॥सूत्रं ११॥ बारस भिक्खुपडिमाओ पराण-
 ताओ, तंजहा—मासिया भिक्खुपडिमा दोमासिया भिक्खुपडिमा तिमासिया
 भिक्खुपडिमा चउमासिया भिक्खुपडिमा पंचमासिया भिक्खुपडिमा ढमासिया
 भिक्खुपडिमा सत्तमासिया भिक्खुपडिमा पढमा सत्तराइंदिया भिक्खुपडिमा
 दोच्चा सत्तराइंदिया भिक्खुपडिमा तच्चा सत्तराइंदिया भिक्खुपडिमा अहोरा-
 इया भिक्खुपडिमा एगराइया भिक्खुपडिमा १ । दुवालसविहे सम्भोगे
 पन्नत्ते, तंजहा—उवहीसुअभत्तपाणे, अंजलीपग्गहेत्ति य । दायणे य निकाए

अ, अबुद्धाणेति आवरे ॥ १ ॥ किञ्चिकम्मस्स य करणे, वेयावच्चकरणे
इत्थ । समोसरणं संनिसिज्जा य, कहाए अ पबन्धणे ॥ २ ॥ २ । दुवाल-
सावत्ते कितिकम्मे पन्नत्ते, तंजहा-दुओणयं जहाजायं, कितिकम्मं बारसावयं ।
चउसिरं तिगुत्तं (सिद्धं) च, दुपवेसं एगनिकखमणं ॥ २ ॥ ३ । विजया णं
रायहाणी दुवालस जोयणासयसहस्साइं आयामविक्खंभेणं पराणत्ता ४ ।
रामे णं बलदेवे दुवालस वाससयाइं सव्वाउयं पालित्ता देवत्तं गए ५ ।
मंदरस्स णं पव्वयस्स चूलिआ मूले दुवालस जोयणाइं विक्खंभेणं पराणत्ता,
६ । जंबूदीवस्स णं दीवस्स वेइआ मूले दुवालस जोयणाइं विक्खंभेणं
पराणत्ता, ७ । सब्बजहरिणआ राई दुवालसमुहुत्तिआ पराणत्ता, एवं दिवसो-
प्पि नायव्वो ८ । सब्बट्टसिद्धस्स णं महाविमाणस्स उवरिल्लाओ थुभि-
अग्गाओ दुवालस जोयणाइं उद्धं उप्पइआ ईसिपव्वभारनामपुढवी पराणत्ता
९ । इसिपव्वभाराए णं पुढवीए दुवालस नामधेज्जा पराणत्ता, तंजहा-ईसित्ति
वा इसिपव्वभाराति वा तण्णइ वा तण्णयतरित्ति वा सिद्धित्ति वा सिद्धालएत्ति
वा मुत्तीति वा मुत्तालएत्ति वा वंभेत्ति वा वंभवड्डिसएत्ति वा लोकपडिप्परणेत्ति
वा लोगगचूलिआइ वा १० । इमीसे णं रयणप्पभाए पुढवीए अत्थेगइआणं
नेरइयाणं बारस पलित्थोवमाइं ठिई पन्नत्ता ११ । पंचमीए पुढवीए अत्थेगइ-
याणं नेरइयाणं बारस सागरोवमाइं ठिई पन्नत्ता १२ । असुरकुमाराणं
देवाणां अत्थेगइयाणां बारस पलित्थोवमाइं ठिई पन्नत्ता १३ । सोहम्मीसाणोसु
कप्पेसु अत्थेगइयाणां देवाणां बारस पलित्थोवमाइं ठिई पन्नत्ता १४ । लंतए
कप्पे अत्थेगइयाणां देवाणां बारस सागरोवमाइं ठिई पन्नत्ता १५ । जे देवा
महिंदं महिंदज्जमयं कंबुं कंबुग्गीवं पुंखं सुपुंखं महापुंखं पुंढं सुपुंढं
महापुंढं नरिंदं नरिंदकंतं नरिंदुत्तरवड्डिसगं विमाराणं देवत्ताए उववराणा तेसि
णं देवाणं उक्कोसेणं बारस सागरोवमाइं ठिई पन्नत्ता, ते णं देवा बारसराहं
अद्धमासाणं आणमंति वा पाणमंति वा उस्तसंति वा नीससंति वा तेसि

रां देवारां बारसहिं वाससहस्सेहिं आहारद्वे समुपज्जइ, संतेगइया भवसिद्धिआ
 जीवा जे बारसहिं भवगहणेहिं सिज्जिस्संति बुज्जिस्संति मुच्चिस्संति
 परिनिव्वाइस्संति सब्बदुक्खाणमंतं करिस्संति १६ ॥ सूत्रं १२ ॥ तेरस किरि-
 याठाणा पन्नत्ता, तंजहा-अट्ठादंडे अणट्ठादंडे हिंसादंडे अकम्हादंडे दिट्ठिविपरि-
 आसिआदंडे मुसावायवत्तिए अदिन्नादाणवत्तिए अज्झत्थिए मानवत्तिए
 मित्तदोसवत्तिए माथावत्तिए लोभवत्तिए इरिआवहिए नामं तेरसमे १। सोह-
 म्मीसाणेसु कप्पेसु तेरसविमाणपत्थडा पन्नत्ता २। सोहम्मवडिंसगे रां विमाणे
 रां अद्धतेरसजोयणसयसहस्साइं आयामविकखंभेरां पन्नत्ते ३। एवं ईसाणवडि-
 सगेज्जि ४। जलयरपंचिंदियतिरिक्खजोणिआरां अद्धतेरसजाइकुलकोडीजो-
 णीपमुहसयसहस्साइं पन्नत्ते ५। पाणाउस्स रां पुव्वस्स तेरसवत्थू पन्नत्ता ६। गम्भ-
 वक्कं तिअपंचेदियतिरिक्खजोणिआरां तेरसविहे पत्रोगे पन्नत्ते, तंजहा-सच्चमाणप-
 त्रोगे मोसमाणपत्रोगे सच्चामोसमाणपत्रोगे असच्चामोसमाणपत्रोगे सच्चवइपत्रोगे
 मोसवइपत्रोगे सच्चामोसवइपत्रोगे असच्चामोसवइपत्रोगे ओरालिअसरीरका-
 यपत्रोगे ओरालिअमीससरीरकायपत्रोगे वेउव्विअसरीरकायपत्रोगे वेउव्वि-
 अमीससरीरकायपत्रोगे कम्मसरीरकायपत्रोगे ७। सूरमंडलं जोयणोरां तेरसेहिं
 एगसट्ठिभागेहिं जोयणस्स ऊरां पन्नत्ते ८। इमीसे रां रयणप्पभाए पुट्ठीए अत्थे-
 गइयारां नेरइयारां तेरस पलिअोवमाइं ठिई पन्नत्ता ९। पंचमीए पुट्ठीए
 अत्थेगइयारां नेरइयारां तेरस सागरोवमाइं ठिई पन्नत्ता १०। असुरकुमारारां
 देवारां अत्थेगइयारां तेरस पलिअोवमाइं ठिई पन्नत्ता ११। सोहम्मीसाणेसु
 कप्पेसु अत्थेगइयारां देवारां तेरस पलिअोवमाइं ठिई पन्नत्ता १२। लंतए
 कप्पे अत्थेगइयारां देवारां तेरस सागरोवमाइं ठिई पन्नत्ता १३। जे देवा
 वज्जं सुवज्जं वज्जावत्तं वज्जप्पभं वज्जकंतं वज्जवराणां वज्जलेसं वज्जरूवं वज्ज-
 सिगं वज्जसिट्ठं वज्जकूडं वज्जुत्तरवडिंसगं वइरं वइरावत्तं वइरण्णभं वइरकंतं
 वइरवराणां वइरलेसं वइररूवं वइरसिगं वइरसिट्ठं वइरकूडं वइरुत्तरवडिंसगं

लोगं लोगावत्तं लोगप्पभं लोगकंतं लोगवराणां लोगलेसं लोगरूवं लोगसिंणं
लोगसिट्ठं लोगकूडं लोगुत्तरवड्डिसं विमाणं देवत्ताए उववराणा तेसि रां
देवारां उक्कोसेरां तेरस सागरोवमाइं ठिई पन्नत्ता, ते रां देवा तेरसहिं
अद्धमासेहिं आणमंति वा पाणमंति वा उस्ससंति वा नीस्ससंति वा तेसि रां
देवारां तेरसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ
जीवा जे तेरसहिं भवग्गहणेहिं सिज्झिस्संति बुज्झिस्संति मुच्चिस्संति परिनिब्बा-
इस्संति सब्बदुक्खाणमंतं करिस्संति १४ ॥ सूत्रं १३ ॥ चउदस भूअग्गामा
पन्नत्ता, तंजहा-सुहुमा अपज्जत्तया सुहुमा पज्जत्तया बादरा अपज्जत्तया
बादरा पज्जत्तया वेइंदिया अपज्जत्तया वेइंदिया पज्जत्तया तेंदिया अपज्जत्तया
तेंदिया पज्जत्तया चउरिंदिया अपज्जत्तया चउरिंदिया पज्जत्तया पंचिंदिया
असन्निअपज्जत्तया पंचिंदिया असन्निपज्जत्तया पंचिंदिया सन्निअपज्जत्तया
पंचिंदिया सन्निपज्जत्तया १ । चउदस पुव्वा पन्नत्ता, तंजहा-उप्पायपुव्वमग्गे-
(ग्गा)णियं च तइयं च वीरियं पुव्वं । अत्थीनत्थिपवायं तत्तो नाणप्पवायं च
॥ १ ॥ सच्चप्पवायपुव्वं तत्तो आयप्पवायपुव्वं च । कम्मप्पवायपुव्वं पच्चक्खाणं
भवे नवमं ॥ २ ॥ विज्जाअणुप्पवायं अवंभपाणाउ बारसं पुव्वं । तत्तो
किरियविसालं पुव्वं तह बिदुसारं च ॥ ३ ॥ २ । अग्गे(ग्गा)णीअस्स रां
पुव्वस्स चउदस वत्थू पन्नत्ता ३ । समणस्स रां भगवओ महावीरस्स चउदस
समणसाहम्मीओ उक्कोसिआ समणसंपया होत्था ४ । कम्मविसोहिमग्गणं पडुच्च
चउदस जीवट्ठाणा पन्नत्ता, तंजहा-मिच्छदिट्ठी सासायणम्मदिट्ठी सम्मामिच्छ-
दिट्ठी अविरयसम्मदिट्ठी विरयाविरए पमत्तसंजए अप्पमत्तसंजए निअट्ठीबायरे
अनिअट्ठीबायरे सुहुमसंपराए उवसामए वा खवए वा उवसंतमोहे खीणमोहे
सजोगी केवली अयोगी केवली ५ । भरहेरवयाओ रां जीवाओ चउदस
चउदस जोयणसहस्साइं चत्तारि अ एगुत्तरे जोयणसए छच्च एगूणवीसे भागे
जोयणस्स आयामेणं पन्नत्ताओ, ६ । एगमेगस्स रां रत्तो चाउरंतचक्कवट्ठिस्स चउ-

द्वसरयणा पन्नत्ता, तंजहा-इत्थीरयणे सेणावइरयणे गाहावइरयणे पुरोहियरयणे
 वड्डइरयणे आसरयणे हत्थिरयणे असिरयणे दंडरयणे चक्ररयणे छत्तरयणे
 चम्मरयणे मणिरयणे कागिणिरयणे ७ । जंबुद्वीवे णं दीवे चउदस महानईओ
 पुव्वावरेण लवणसमुद्धं समप्पंति, तंजहा-गंगा सिंधू रोहित्रा रोहित्रंसा
 हरी हरिकंता सीत्रा सीओदा नरकन्ता नारिकांता सुवराणकूला रूपकूला
 रत्ता रत्तवई ८ । इमीसे णं रयणप्पभाए पुढ्वीए अत्थेगइयाणं नेरइयाणं
 चउदस पलिओवमाइं ठिई पन्नत्ता ९ । पंचमीए णं पुढ्वीए अत्थेगइयाणं
 नेरइयाणं चउदस सागरोवमाइं ठिई पन्नत्ता १० । असुरकुमाराणं देवाणं
 अत्थेगइयाणं चउदस पलिओवमाइं ठिई पन्नत्ता ११ । सोहम्मीसाणेसु
 कप्पेसु अत्थेगइयाणं देवाणं चउदस पलिओवमाइं ठिई पन्नत्ता १२ ।
 लंतए कप्पे देवाणं अत्थेगइयाणं चउदस सागरोवमाइं ठिई पन्नत्ता १३ ।
 महासुक्के कप्पे देवाणं अत्थेगइयाणं जहराणेणं चउदस सागरोवमाइं ठिई
 पन्नत्ता १४ । जे देवा सिरिकंतं सिरिमहित्रं सिरिसोमनसं लंतयं काविट्ठं
 महिंदकंतं महिंदुत्तरवडिंसगं विमाणं देवत्ताए उववराणा तेसि णं देवाणं
 उक्कोसेणं चउदस सागरोवमाइं ठिई पन्नत्ता, ते णं देवा चउदसहिं अद्धमासेहिं
 आणमंति वा पाणमंति वा उस्ससंति वा नीससंति वा तेसिणं देवाणं चउद-
 सहिं वाससहस्सेहिं आहारट्ठे समुप्पज्जइ, संतेगइया भवसिद्धिआ जीवा जे
 चउदसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सब्बदुक्खाणमंतं करिस्संति १५ ॥ सूत्रं १४ ॥ पन्नरस परमाहम्मिआ
 पन्नत्ता, तंजहा-अवे अंबरिमी चेव, सामे सबलेत्ति आवरे । रुहोवरुहकाले
 अ, महाकालेत्ति आवरे ॥ १ ॥ असिपत्ते धणु कुम्भे, बालुए वेअरणीति
 अ । खरस्सरे महाघोसे, एते पन्नरसाहिआ ॥ २ ॥ १ । णमी णं अरहा
 पन्नरस धणुइं उद्धं उच्चत्तेणं होत्था धुव(निच्च)राहू णं बहुलपक्खस्स पडिवए
 पन्नरसभागं पन्नरसभागेणं चंदस्स लेसं आवरेत्ताणं चिट्ठति, तंजहा-

पट्माए पट्मं भागं वीआए दुभागं तइआए तिभागं चउत्थीए चउभागं पञ्च-
मीए पञ्चभागं छट्ठीए छभागं सत्तमीए सत्तभागं अट्ठमीए अट्ठभागं नवमीए
नवभागं दसमीए दसभागं एकारंसीए एकारसभागं बारसीए बारसभागं
तेरसीए तेरसभागं चउहसीए चउहसभागं पन्नरसेसु पन्नरसभागं २ । तं चेव
सुक्कपक्खस्स य उवदंसेमाणे उवदंसेमाणे चिट्ठति, तंजहा—पट्माए पट्मं भागं जाव
पन्नरसेसु पन्नरसभागं ३ । छ णक्खत्ता पन्नरसमुहुत्तसंजुत्ता पन्नत्ता, तंजहा—
सतभिसय भरणि अद्दा असलेसा साई तहा जेट्ठा । (साइ तहय जेट्ठा य) एते
छरणक्खत्ता पन्नरसमुहुत्तसंजुत्ता ॥ १ ॥ ४ । चेत्तासोएसु णं मासेसु पन्नरसमुहुत्तो
दिवसो भवति ५ । एवं चेत्त(त्तासो)मासेसु पराणरसमुहुत्ता राई भवति ६ ।
विजाअणुप्पवायस्स णं पुव्वस्स पन्नरस वत्थू पराणत्ता ७ । मणूसाणं पराणरसविहे
पअयोगे पन्नत्ते, तंजहा—सच्चमणपअयोगे मोसमणपअयोगे सच्चमोसमणपअयोगे
असच्चामोसमणपअयोगे सच्चवइपअयोगे मोसवइपअयोगे सच्चामोसवइपअयोगे
असच्चामोसवइपअयोगे ओरालिअसरीरकायपअयोगे ओरालिअमीससरीर-
कायपअयोगे वेउव्वियसरीरकायपअयोगे वेउव्विअमीससरीरकायपअयोगे
आहारयसरीरकायपअयोगे आहारयमीससरीरकायपअयोगे कम्मयसरीरका-
यपअयोगे ८ । इमीसे णं रयणप्पभाए पुट्ठीए अत्थेगइयाणं नेरइआणं
पराणरस पल्लिअवमाइं ठिई पन्नत्ता, ९ । पंचमीए पुट्ठीए अत्थेगइयाणं
नेरइआणं पराणरस सागरोवमाइं ठिई पन्नत्ता, १० । असुरकु-
माराणं देवाणं अत्थेगइयाणं पराणरस पल्लिअवमाइं ठिई पन्नत्ता,
११ । सोहम्मीसाणोसु कप्पेसु अत्थेगइयाणं देवाणं पराणरस पल्लिअवमाइं
ठिई पन्नत्ता, १२ । महासुवके कप्पे अत्थेगइयाणं देवाणं पराणरस सागरो-
वमाइं ठिई पन्नत्ता, १३ । जे देवा णंदं सुणंदं णंदावत्तं णंदप्पभं णंदकंतं
णंदवराणं णंदलेसं णंदज्झयं णंदसिगं णंदसिट्ठं णंदकूडं णंदुत्तरवडिसगं
विमाणं देवत्ताए उववराणा तेसि णं देवाणं उक्कोसेणं पराणरस सागरोवमाइं

ठिई पन्नत्ता, ते शां देवा पराणरसराहं अद्धमासाणं आणमंति वा पाणमंति वा उस्ससंति वा नीससंति वा तेसि शां देवाणं पराणरसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ जीवा जे पन्नरसहिं भवग्ग-हणेहिं सिज्झिस्संति बुज्झिस्संति मुच्चिस्संति परिनिव्वाइसंति सव्वदुक्खाणमंतं करिस्संति १४ ॥ सूत्रं १५ ॥

सोलस य गाहासोलसगा पन्नत्ता, तंजहा-समए वेयालिए उवस-ग्गपरिन्ना इत्थीपरिगणा निरयविभत्ती महावीरथुई कुसीलपरिभासिए वीरिए धम्मे समाही मग्गे समोसरणे आहातहिए गंथे जमईए गाहासोलसमे सोल-सगे १ । सोलस कसाया पन्नत्ता, तंजहा-अणंताणुबंधी कोहे अणंताणुबंधी माणे अणंताणुबंधी माया अणंताणुबंधी लोभे अपच्चक्खाणकसाए कोहे अपच्चक्खाणकसाए माणे अपच्चक्खाणकसाए माया अपच्चक्खाणकसाए लोभे पच्चक्खाणावरणे कोहे पच्चक्खाणावरणे माणे पच्चाक्खाणावरणा माया पच्चक्खाणावरणे लोभे संजलणे कोहे संजलणे माणे संजलणे माया संजलणे लोभे २ । मंदरस्स शां पव्वयस्स सोलस नामधेया पन्नत्ता, तंजहा-मंदरमेरु-मणोरम सुदंसण सयंपभे य गिरिराया । रयणुच्चय पियदंसण मज्जे लोगस्स नाभी य ॥ १ ॥ अत्थे अ सूरिआवत्ते सूरिआवरणेत्ति अ । उत्तरे अ दिसाई अ, वडिसे इअ सोलसमे ॥२॥ ३ । पासस्स शां अरहतो पुरिसादाणीयस्स सोलस समणसाहस्सीओ उक्कोसिआ समण संपदा होत्था ४ । आयप्पवायस्स शां पुव्वस्स शां सोलस वत्थू पन्नत्ता ५ । चमरबलीणां उवारियालेणे सोलस जोयण-सहस्साइं आयामविवखंभेणां पन्नत्ता ६ । लवणे शां समुद्दे सोलस जोयण-सहस्साइं उस्सेहपरिवुड्डीए पन्नत्ता ७ । इमीसे शां रयणप्पभाए पुढवीए अत्थेगइयाणां नेरइयाणां सोलस पलिओवमाइं ठिई पन्नत्ता ८ । पंचमाए पुढविए अत्थेगइयाणां देवाणां सोलस सागरोवमाठिती पन्नत्ता ९ । असुर-कुमाराणां देवाणां अत्थेगइयाणां सोलस पलिओवमाइं ठिई पन्नत्ता १० ।

सोहम्मीसारोसु कण्पेसु अत्येगइयाणां देवाणां सोलस पलिओवमाइं ठिई
 पन्नत्ता ११ । महासुक्के कण्पे देवाणां अत्येगइयाणां सोलस सागरोवमाइं
 ठिई पन्नत्ता १२ । जे देवा आवत्तं विआवत्तं नंदिआवत्तं महारांदिआवत्तं
 अंकुसं अंकुसपलंबं भद्दं सुभद्दं महाभद्दं सव्वओभद्दं भदुत्तरवडिसगं
 विमाणं देवत्ताए उववराणां तेसि गां देवाणां उक्कोसे गां सोलस सागरोवमाइं
 ठिई पन्नत्ता, ते गां देवा सोलसहिं अद्धमासाणां आणमंति वा पाणमंति वा
 उस्ससंति वा नीससंति वा, तेसि गां देवाणां सोलसवाससहस्सेहिं आहारट्ठे
 समुप्पज्जइ, संतेगइआ भवसिद्धिआ जीवा जे सोलसहिं भवग्गहणोहिं
 सिज्जिभस्संति बुज्जिभस्संति मुच्चिस्संति परिनिव्वाइस्संति सव्वदुक्खाणमंतं
 करिस्संति १३ ॥ सूत्रं १६ ॥ सत्तरसविहे असंजमे पन्नत्ते तंजहा—
 पुढविकायअसंजमे आउकायअसंजमे तेउकायअसंजमे बाउकायअसंजमे
 वणस्सइकायअसंजमे बेइंदिअअसंजमे तेइंदियअसंजमे चउरिंदियअसंजमे
 पंचिदिअअसंजमे अजीवकायअसंजमे पेहाअसंजमे उवेहाअसंजमे अवहट्ठ-
 असंजमे अण्णमज्जणाअसंजमे मण्णअसंजमे वइअसंजमे कायअसंजमे १ ।
 सत्तरसविहे संजमे पन्नत्ते, तंजहा—पुढवीकायमंजमे आउकायसंजमे तेउकाय-
 संजमे बाउकायसंजमे वणस्सइकायसंजमे बेइंदिअसंजमे तेइंदियसंजमे
 चउरिंदियसंजमे पंचिदिअसंजमे अजीवकायसंजमे पेहासंजमे उवेहासंजमे
 अवहट्ठसंजमे पमज्जणासंजमे मण्णसंजमे वइसंजमे कायसंजमे २ । माणु-
 सत्तरे गां पव्वए सत्तरसएक्कवीसे जोयणासए उड्डं उच्चत्तेणां पन्नत्ते ३ ।
 सव्वेसिंपि गां वेलंधरअणुवेलंधरणागराईणां आवासपव्वथा सत्तरसएक्कवीसाइं
 जोयणासयाइं उड्डं उच्चत्तेणां पन्नत्ता ४ । लवणे गां समुद्दे सत्तरस जोयणा-
 सहस्साइं सव्वग्गेणां पन्नत्ते ५ । इमीसे गां रयणाप्पभाए पुढवीए बहुसमरमणि-
 जाओ भूमिभागाओ सातिरेगाइं सत्तरस जोयणासहस्साइं उड्डं उप्पत्तिता ततो
 पच्छा चारणाणां तिरिआ गती पवत्तति ६ । चमरस्स गां असुरिंदस्स असुर-

रराणो तिगिंछिकूडे उप्पायपव्वए सत्तरस एकवीसाइं जोयणसयाइं उट्ठं उच्चत्तेरां पन्नत्ते ७ । वलिस्स रां असुरिंदस्स रुअग्गिदे उप्पायपव्वए सत्तरस एकवीसाइं जोयणसयाइं उट्ठं उच्चत्तेरां पन्नत्ते ८ । सत्तरसविहे मरणो पन्नत्ते, तंजहा—आवीईमरणो ओहिमरणो आयंतियमरणो वलायमरणो वसट्टमरणो अंतोसल्लमरणो तब्भवमरणो बालमरणो पंडितमरणो बालपंडितमरणो छउमत्थमरणो केवलिमरणो वेहाणसमरणो गिद्धपिट्टमरणो भत्तपच्चक्खाणमरणो इंगिणिमरणो पाओवगमणमरणो ९ । सुहुमसंपराए रां भगवं सुहुमसंपरायभावे वट्टमाणे सत्तरस कम्मपगडीओ गिवंधति, तंजहा—आभिणिबोहियणाणावरणे सुयणाणावरणे ओहिणाणावरणे मणपज्जवणाणावरणे केवलणाणावरणे चक्खुदंसणावरणे अचक्खुदंसणावरणे ओहीदंसणावरणे केवलदंसणावरणे साथवेयणिज्जं जसोकित्तिनामं उच्चागोयं दाणंतरायं लाभंतरायं भोगंतरायं उवभोगंतरायं वीरिअंतरायं १० । इमीसे रां रयणप्पभाए पुट्ठीए अत्थेगइआणं नेरइयाणं सत्तरस पलिओवमाइं ठिई पन्नत्ता ११ । पंचमीए पुट्ठीए अत्थेगइआणं नेरइयाणं उकोसेरां सत्तरस सागरोवमाइं ठिई पन्नत्ता १२ । छट्ठीए पुट्ठीए अत्थेगइआणं नेरइयाणं जहराणेणं सत्तरस सागरोवमाइं ठिई पन्नत्ता १३ । असुरकुमाराणं देवाणं अत्थेगइआणं सत्तरस पलिओवमाइं ठिई पन्नत्ता १४ । सोहम्मीसाणेसु कप्पेसु अत्थेगइआणं देवाणं सत्तरस पलिओवमाइं ठिई पन्नत्ता १५ । महासुक्के कप्पे देवाणं उकोसेरां सत्तरस सागरोवमाइं ठिई पन्नत्ता १६ । सहस्सारे कप्पे देवाणं जहराणेणं सत्तरस सागरोवमाइं ठिई पन्नत्ता १७ । जे देवा सामाणं सुसामाणं महासामाणं पउमं महापउमं कुमुदं महाकुमुदं नलिणं महानलिणं पोंडरीअं महापोंडरीअं सुक्कं महासुक्कं सीहं सीहकंतं सीहवीअं भाविअं विमाणं देवत्ताए उववराणा तेसि रां देवाणं उकोसेरां सत्तरस सागरोवमाइं ठिई पन्नत्ता, ते रां देवा सत्तरसहिं अद्धमासेहिं आणमंति वा पाणमंति वा उस्स-

सन्ति वा नीससन्ति वा, तेसिं णं देवाणं सत्तरसहिं वाससहस्सेहिं आहारट्ठे
समुप्पज्जइ, संतेगइया भवसिद्धिआ जीवा जे सत्तरसहिं भवग्गहणेहिं सिज्झि-
स्सन्ति बुज्झिस्सन्ति मुच्चिस्सन्ति परिनिव्वाइस्सन्ति सब्बदुक्खाणमंतं करिस्सन्ति
१८ । ॥ सूत्रं १७ ॥ अट्टारसविहे बंभे पन्नत्ते, तंजहा-ओरालिए कामभोगे
णोव सयं मणोणं सेवइ, नोऽवि अराणां मणोणां सेवावेइ, मणोणां सेवंतं पि
अराणां न समणुजाणाइ, ओरालिए कामभोगे णोव सयं वायाए सेवइ,
नोऽवि अराणां वायाए सेवावेइ, वायाए सेवंतं पि अराणां न समणुजाणाइ,
ओरालिए कामभोगे णोव सयं कायेणां सेवइ णोऽवि यऽराणां काएणां सेवावेइ,
काएणां सेवंतं पि अराणां न समणुजाणाइ, दिव्वे कामभोगे णोव सयं मणोणां
सेवइ णोवि अराणां मणोणां सेवावेइ, मणोणां सेवंतं पि अराणां न समणुजाणाइ,
दिव्वे कामभोगे णोव सयं वायाए सेवइ, णोवि अराणां वायाए सेवावेइ,
वायाए सेवंतं पि अराणां न समणुजाणाइ, दिव्वे कामभोगे णोव सयं काएणां सेवइ,
णोवि अराणां काएणां सेवावेइ, काएणां सेवंतं पि अराणां न समणुजाणाइ १ ।
अरहतो णं अरिट्ठनेमिस्स अट्टारस समणसाहस्सीओ उक्कोसिया समणसंपया
होत्था २ । समणोणं भगवया महावीरेणं समणाणं शिग्गंथाणं सखुड्डय-
विअत्ताणं अट्टारस ठाणा पन्नत्ता, तंजहा-वयङ्ककं ६ कायङ्ककं १२,
अकप्पो १३ गिहिभायणं १४ । पल्लिकं १५ निसिज्जा १६ य, सिणाणं
१७ सोभवज्जणं १८ ॥ १ ॥ ३ । आयारस्स णं भगवतो मच्चूलियागस्स
अट्टारस पयसहस्साइं पयग्गेणां पन्नत्ताइं ४ । बंभीए णं लिवीए अट्टारसविहे
लेखविहाणे पन्नत्ते, तंजहा-बंभी जवणी(णा) लियादोसा ऊरिआ खरोट्ठिआ
खरसाविआ पहाराइया उच्चत्तरिआ अक्खरपुट्ठिया भोगवयता वेणतिया
णिगहइया अंकलिवि गणिअलिवी गंधव्वलिवी भूयलिवि-आदंसलिवी-
माहेसरीलिवी दामि(ली)लिवी-बोलिंदिलिवी ७ । अत्थिनत्थिप्पवायस्स
णं पुव्वस्स अट्टारस वत्थू पन्नत्तं, ८ । धूमप्पभाए णं पुट्ठीए अट्टारसुत्तरं

जोयणसयसहस्सं बाहल्लेणां पन्नत्तं १ । पोसासाढेसु णां मासेसु सइ उक्को-
 सेणां अट्टारसमुहुत्ते दिवसे भवइ सइ उक्कोसेणां अट्टारसमुहुत्ता राती भवइ,
 इमीसे णां रयणप्पभाए पुढवीए अत्थेगइयाणां नेरइयाणां अट्टारस पलित्थो-
 वमाइं ठिई पन्नत्ता १० । छट्ठिए पुढवीए अत्थेगइयाणां नेरइयाणां अट्टारस-
 सागरोवमाइं ठिई पन्नत्ता ११ । असुरकुमारणां देवाणां अत्थेगइयाणां
 अट्टारस पलित्थोवमाइं ठिई पन्नत्ता १२ । सोहम्मीसाणेसु कप्पेसु अत्थेगइ-
 याणां देवाणां अट्टारस पलित्थोवमाइं ठिई पन्नत्ता १३ । सहस्सारे कप्पे
 देवाणां उक्कोसेणां अट्टारस सागरोवमाइं ठिई पन्नत्ता १४ । आणए कप्पे
 देवाणां अत्थेगइयाणां जहराणेणां अट्टारस सागरोवमाइं ठिई पन्नत्ता १५ ।
 जे देवा कालं सुकालं महाकालं अंजणां रिट्ठं सालं समाणां दुमं महादुमं
 विसालं सुसालं पउमं पउमगुम्मं कुमुदं कुमुदगुम्मं नलिणां नलिणगुम्मं
 पुंढरीअं पुंढरीयगुम्मं सहस्सारवड्डिसगं विमाणं देवत्ताए उववराणां तेसि
 णां देवाणां अट्टारस सागरोवमाइं ठिई पन्नत्ता, ते णां देवा णां अट्टारसेहिं
 अद्धमासेहिं आणमंति वा पाणमंति वा ऊससंति वा नीससंति वा, तेसि णां
 देवाणां अट्टारसवाससहस्सेहिं आहारट्ठे समुप्पजइ, संतेगइया भवसिद्धिया जे
 अट्टारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सव्वदुक्खाणमंतं करिस्संति १६ ॥ सूत्रं १८ ॥ एगूणावीसं णायज्झयणा
 पन्नत्ता, तंजहा-उक्खित्तणाए संघाडे, अंडे कुम्मे अ सेलए । तुंवे अ
 रोहिणी मल्ली, मागंदी चंदिमाति अ ॥ १ ॥ दावद्वे उदगणाए, मंडुवके
 तेत्तली इअ । नंदिफले अवरकंका, आइराणे सुंसमा इअ ॥ २ ॥ अवरं अ
 पोराडरीए, णाए एगूणावीसमे १ । जंबूदीवे णां दीवे सूरिआ उक्कोसेणां एगू-
 णवीस जोयणसयाइं उट्ठमहो तवयंति, सुक्केणां महग्गहे अवरं उदिए समाणे
 एगूणावीसं णाक्खत्ताइं समं चारं चरित्ता अवरं अत्थमणां उवागच्छइ २ । जंबुदी-
 वस्स णां दीवस्स कलाओ एगूणावीसं छेअणाओ पन्नत्ताओ ३ । एगूणावीसं

तिथयरा अगारवासमज्जे वसित्ता मुण्डे भवित्ता णं अगाराओ
 अण्णगारिअं पव्वइआ ४ । इमीसे णं रयणप्पभाए पुढवीए अत्थेगइआणं
 नेरइआणं एगूणवीस पलिओवमाइं ठिई पन्नत्ता ५ । छट्ठीए पुढवीए
 अत्थेगइआणं नेरइयाणं एगूणवीससागरोवमाइं ठिई पन्नत्ता ६ । असुरकु-
 माराणं देवाणं अत्थेगइआणं एगूणवीसपलिओवमाइं ठिई पन्नत्ता ७ ।
 सोहम्मीसारोसु कप्पेसु अत्थेगइयाणं देवाणं एगूणवीसं पलिओवमाइं ठिई
 पन्नत्ता ८ । आणयकप्पे अत्थेगइआणं देवाणं उक्कोसेणं एगूणवीससागरोवमाइं
 ठिई पन्नत्ता ९ । पाणए कप्पे अत्थेगइआणं देवाणं जहराणेणं एगूणवीस-
 सागरोवमाइं ठिई पन्नत्ता १० । जे देवा आणतं पाणतं णतं विणतं घणं
 सुसिरं इंदं इंदोकेतं इंदुत्तरवडिसगं विमाणं देवत्ताए उववराणा नेसि णं
 देवाणं उक्कोसेणं एगूणवीससागरोवमाइं ठिई पन्नत्ता, ते णं देवा एगूणवी-
 साए अद्धमासाणं आणमंति वा पाणमंति वा उस्ससंति वा नीससंति वा,
 तेसि णं देवाणं एगूणवीसाए वासमहस्सेहिं आहारट्ठे समुप्पज्जइ, संतेगइआ
 भवसिद्धिया जीवा जे एगूणवीसाए भवग्गहणेहिं सिज्झिस्संति बुज्झिस्संति
 सुचिस्संति परिनिव्वाइस्संति सत्त्वदुवखाणं अंतं करिस्संति ११
 ॥ सूत्रं १६ ॥ वीसं असमाहिठाणा पन्नत्ता, तंजहा—द्वद्वचारि यावि भवइ
 अपमज्जियचारि यावि भवइ दुप्पमज्जियचारि यावि भवइ अतिरित्तसज्जास-
 णिए रातिणिअपरिभासी थेरोवघाइए भूओवघाइए संजलगो कोहणे पिट्ठि-
 मंसिए अभिक्खणं (२) ओहारइत्ता भवइ णवाणं अधिकरणाणं अणुप्पराणाणं
 उप्पाएत्ता भवइ पोराणाणं अधिकरणाणं खामिअविउसविआणं पुणोदीरेत्ता
 भवइ ससरक्खपाणिपाए अकालसंज्झायकारए यावि भवइ कलहकरे सइकरे
 भंभकरे सूरप्पमाणभोई एसणाऽसमिते यावि भवइ १ । मुणिसुव्वए णं
 अरहा वीसं धण्णइं उड्डं उच्चत्तेणं होत्था २ । सव्वेऽवि अ णं घणोदही वीसं
 जोयणसहस्साइं बाहल्लेणं पन्नत्तो ३ । पाणयस्स णं देविंदस्स देवरगणो

वीसं सामाणिअसाहस्सीओ पन्नत्ताओ ४ । णपुंसयवेयणिज्जस्स णं कम्मस्स
 वीसं सागरोवमकोडाकोडीओ बंधओ बंधठिई पन्नत्ता ५ । पच्चक्खाणस्स णं
 पुच्चस्स वीसं वत्थू पन्नत्ता ६ । उस्सप्पिणिओसप्पिणिमंडले वीसं सागरोव-
 मकोडाकोडीओ कालो पन्नत्तो ७ । इमीसे णं रयणप्पभाए पुढवीए
 अत्थेगइयाणं नेरइयाणं वीसं पलिओवमाइं ठिई पन्नत्ता ८ । छट्ठीए पुढवीए
 अत्थेगइयाणं नेरइयाणं वीसं सागरोवमाइं ठिई पन्नत्ता ९ । असुरकुमाराणं
 देवाणं अत्थेगइयाणं वीसं पलिओवमाइं ठिई पन्नत्ता १० । सोहम्मीसाणेसु
 कप्पेसु अत्थेगइयाणं देवाणं वीसं पलिओवमाइं ठिई पन्नत्ता ११ । पाणते
 कप्पे देवाणं उक्कोसेणं वीसं सागरोवमाइं ठिई पन्नत्ता १२ । आरणे कप्पे
 देवाणं जहराणेणं वीसं सागरोवमाइं ठिई पन्नत्ता १३ । जे देवा सायं
 विसायं सुविसायं सिद्धत्थं उप्पलं भित्तिलं तिगिच्छं दिसासोवत्थियं वद्ध-
 माणयं पलंबं रुद्धं पुष्पं सुपुष्पं पुष्पावत्तं पुष्पपभं पुष्पकंतं पुष्पवराणं
 पुष्पलेसं पुष्पज्झयं पुष्पसिगं पुष्पसिद्धं(ट्ठं)पुष्फुत्तरवडिसगं विमाणां देव-
 ताए उववराणा तेसि णं देवाणं उक्कोसेणं वीसं सागरोवमाइं ठिई पन्नत्ता, ते णं
 देवा वीसाए अद्धमासाणं आणमंति वा पाणमंति वा उस्ससति वा नीससति
 वा, तेसि णं देवाणं वीसाए वाससहस्सेहि आहारट्ठे समुप्पज्जइ, संतेगइआ
 भवसिद्धिआ जीवा जे वीसाए भवग्गहणेहिं सिज्झिस्संति बुज्झिस्संति
 मुच्चिस्संति परिणिव्वाइस्संति सब्बदुवखाणमंतं करिस्संति १४ ॥सूत्रं २०॥

एकवीसं सवत्ता पराणत्ता, तंजहा—हत्थकम्मं करेमाणो सवले मेहुणं
 पडिसेवमाणो सवले, राइभोअणं भुंजमाणो सवले, आहाकम्मं भुंजमाणो
 सवले, सागारियं पिडं भुंजमाणो सवले, उद्देसियं कीयं आहट्ठु दिज्जमाणं
 भुंजमाणो सवले, अभिक्खणं पडियाइवखेत्ताणं भुंजमाणो सेवले, अंतो
 छराहं मासाणं गणाओ गणं संकममाणो सवले, अंतो मासस्स तथो दगलेवे
 करेमाणो सवले, अंतो मासस्स तथो माईठरणे सेवमाणो सवले, रायपिडं

भुंजमाणे सबले, आउट्टिआए पाणाइवायं करेमाणे सबले, आउट्टिआए मुसायायं वदमाणे सबले, आउट्टिआए अदिराणादाणं गिराहमाणे सबले, आउट्टिआए अणंतरहिआए पुढवीए ठाणं वा निसीहियं वा चेतेमाणे सबले, एवं आउट्टिआ चित्तमंताए पुढवीए एवं आउट्टिआ चित्तमंताए सिलाए कोलावासंसि वा दारुए ठाणं वा सिज्जं वा निसीहियं वा चेतेमाणे सबले, जीवपइट्टिए सपाणे सबीए सहरिए सउत्तिङ्गे पणगदगमट्टीमकडासंताणए तहप्पगारे ठाणं वा सिज्जं वा निसीहियं वा चेतेमाणे सबले, आउट्टिआए मूलभोअरां वा कंदभोअरां वा तयाभोअरां वा पवालभोअरां वा पुप्फभोअरां वा फलभोअरां वा हरियभोअरां वा भुंजमाणे सबले, अंतो संवच्छरस्स दस दगलेवे करेमाणे सबले, अंतो संवच्छरस्स दस माइठाणाइ सेवमाणे सबले, अभिक्खणं (२) सीतोदयवियडवग्घारियपाणिणा असरां वा पारां वा खाइमं वा साइमं वा पडिगाहिता भुंजमाणे सबले १ । णिअट्टिवादरस्स रां खवितसत्तयस्स मोहणिज्जस्स कम्मस्स एकवीस कम्मंसा संतकम्मा पन्नत्ता, तंजहा—अपच्चक्खाणकसाए कोहे, अपच्चक्खाणकसाए माणे, अपच्चक्खाणकसाया माया, अपच्चक्खाणकसाए लोभे, पच्चक्खाणावरणा-कसाए कोहे, पच्चक्खाणावरणकसाए माणे, पच्चक्खाणावरणकसाया माया, पच्चक्खाणावरणकसाए लोभे, संजलणे कोहे, संजलणे माणे, संजलणा माया, संजलणे लोहे, इत्थिवेदे, पुंवेदे, णपुंवेदे, हासे, अरति, रति भय, सोग, डुंगुद्धा २ । एकमेक्काए रां ओसप्पिणीए पंचमउट्टाओ समाओ एकवीसं एकवीसं वाससहस्साइं कालेरां पन्नत्ताओ, तंजहा—दूसमा दूसमदूसमा ३ । एगमेगाए रां उस्सप्पिणीए पढमवित्तिआओ समाओ एकवीसं एकवीसं वाससहस्साइं कालेरां पन्नत्ताओ, तंजहा—दूसमदूसमाए दूसमाए य ४ । इमीसे रां रयणप्पभाए पुढवीए अत्थेगइयारां नेरइयारां एकवीसपलित्थो-वमाइं ठिई पन्नत्ता ५ । उट्टीए पुढवीए अत्थेगइयारां नेरइयारां एकवीस

सागरोवमाइं ठिई पन्नत्ता ६ । असुरकुमाराणां देवाणां अत्येगइयाणां एगवी-
 सपलिओवमाइं ठिई पन्नत्ता ७ । सोहम्मीसांरोसु कप्पेसु अत्येगइयाणां
 देवाणां एकवीसं पलिओवमाइं ठिई पन्नत्ता ८ । आरणो कप्पे देवाणां
 उक्कोसेणां एकवीसं सागरोवमाइं ठिई पन्नत्ता ९ । अचुते कप्पे देवाणां
 जहराणेणां एकवीसं सागरोवमाइं ठिई पन्नत्ता १० । जे देवा सिरिवच्छं
 सिरिदामकंडं मल्लं किट्टं चावोराणांतं अरणा(आरण)वडिंसगं विमाणं
 देवत्ताए उववराणा तेसि णं देवाणां एकवीसं सागरोवमाइं ठिई पन्नत्ता, ते
 णं देवा एकवीसाए अद्धमासाणां आणमंति वा पाणमंति वा उस्ससंति वा
 नीससंति वा, तेसि णं देवा एकवीसाए वाससहस्सेहिं आहारट्टे समुप्पज्जइ,
 मंतेगइया भवसिद्धिआ जीवा जे एकवीसाए भवग्गहणेहिं सिज्झिस्संति
 बुज्झिस्संति मुच्चिस्मंति परिनिव्वाइस्संति सब्बदुक्खाणमंतं करिस्संति ११ ।
 ॥ सूत्रं २१ ॥ वावीस परीसहा पन्नत्ता, तंजहा—दिग्गिगळापरीसहे पिवासा-
 परीसहे सीतपरीसहे उस्सिणापरीसहे दंसमसगपरीसहे अचेलपरीसहे अरइ-
 परीसहे इत्थीपरीसहे अरिआपरीसहे निसीहियापरीसहे सिज्जापरीसहे
 अक्कोसपरीसहे वहपरीसहे जायणापरीसहे अलाभपरीसहे रोगपरीसहे तण-
 फासपरीसहे जल्लपरीसहे सक्कारपुरक्कारपरीसहे पराणापरीसहे अराणाणापरीसहे
 दंसणापरीसहे १ । दिट्ठिवायस्स णां वावीसं सुत्ताइं छिन्नछेयणाइयाइं ससमय-
 सुत्तपरिवाडीए, वावीसं सुत्ताइं अछिन्नछेयणाइयाइं आजीवियसुत्तपरिवाडीए,
 वावीसं सुत्ताइं तिकणाइयाइं तेरासिअसुत्तपरिवाडीए, वावीसं सुत्ताइं चउक्क-
 णाइयाइं समयसुत्तपरिवाडीए २ । वावीसविहे पोग्गलपरिणामे पन्नत्ते,
 तंजहा—कालवराणपरिणामे, नीलवराणपरिणामे, लोहियवराणपरिणामे,
 हालिइवराणपरिणामे, सुक्खिवराणपरिणामे, सुब्धिगंधपरिणामे, दुब्धिगंध-
 परिणामे, तित्तरसपरिणामे, कडुयरसपरिणामे, कसायरसपरिणामे, अंबिल-
 रसपरिणामे, महुररसपरिणामे, कवखडफासपरिणामे, मउयफासपरिणामे,

गुरुफासपरिणामे, लहुफासपरिणामे, सीतफासपरिणामे, उसिणफासपरिणामे, णिद्धफासपरिणामे, लुक्खफासपरिणामे, अगुरुलहुफासपरिणामे, गुरुल-
हुफासपरिणामे ३ । इमीसे णं रयणप्पभाए पुढवीए अत्थेगइयाणां नेरइयाणां
बावीसं पलिओवमाइं ठिई पन्नत्ता ४ । छट्ठीए पुढवीए उक्कोसेणं बावीसं
सागरोवमाइं ठिई पन्नत्ता ५ । अहेसत्तमाए पुढवीए अत्थेगइयाणां नेरइयाणां
जहराणेणं बावीसं सागरोवमाइं ठिई पन्नत्ता ६ । असुरकुमाराणां देवाणां
अत्थेगइयाणां बावीसं पलिओवमाइं ठिई पन्नत्ता ७ । सोहम्मीसाणेसु कप्पेसु
अत्थेगइयाणां देवाणां बावीसं पलिओवमाइं ठिई पन्नत्ता ८ । अच्चुते कप्पे
उक्कोसेणं देवाणां बावीसं सागरोवमाइं ठिई पन्नत्ता ९ । हेट्ठिमहेट्ठिमगेवे-
ज्जगाणां देवाणां जहराणेणं बावीसं सागरोवमाइं ठिई पन्नत्ता १० ।
जे देवा महियं विसूहियं विमलं पभासं वणमालं अच्चुतवडिंसगं विमाणां
देवत्ताए उववराणा तेसि णं देवाणां उक्कोसेणं बावीसं सागरोवमाइं ठिई
पन्नत्ता, ते णं देवाणां बावीसाए अद्धमासएणं आणमंति वा पाणमंति
वा उस्ससंति वा नीससंति वा, तेसि णं देवाणां बावीसं वाससहस्सेहिं
आहारट्ठे समुप्पज्जइ, संतेगइया भवसिद्धिया जीवा जे बावीसं भवग्गहणोहिं
सिज्झिस्संति बुज्झिस्संति मुच्चिस्संति परिनिब्बाइस्संति सब्बदुक्खाणमंतं
करिस्संति ११ ॥ सूत्रं २२ ॥ तेवीसं सुयगडब्भयणा पन्नत्ता, तंजहा-
समए वेतालिए उवसग्गपरिणणा थीपरिणणा नरयविभत्ती महावीरथुई
कुसीलपरिभासिए विरिए धम्मे समाही मग्गे समोसरणे आहत्तहिए गंथे जमईए
गाथा पुंडरीए किरियाठाणा आहारपरिणणा अपच्चक्खाणकिरिआ अणगा-
रसुयं अद्दइज्जं णालंदइज्जं १ । जंबुदीवे णं दीवे भारहे वासे इमीसे णं
ओसप्पिणीए तेवीसाए जिणाणां सूरुग्गमणमुहुत्तंसि केवलवरणाणदंसणे
समुप्पराणे २ । जंबुदीवे णं दीवे इमीसे णं ओसप्पिणीए तेवीसं तित्थकरा
पुव्वभवे एकारसंगिणो होत्था, तंजहा-अजित संभव अभिणंदण सुमई जाव

पासो वद्धमाणो य, उसमे णं अरहा कोसलिए चोदसपुव्वी होत्था ३ । जंबुद्दीवे णं दीवे इमीसे ओसप्पिणीए तेवीसं तित्थंकरा पुव्वभवे मंडलियरा-
याणो होत्था, तंजहा—अजित संभव अभिणंदण जाव पासो वद्धमाणो य,
उसमे णं अरहा कोसलिए पुव्वभवे चक्कवट्टी होत्था ४ । इमीसे णं रयण-
प्पभाए पुढ्वीए अत्थेगइयाणां नेरइयाणां तेवीसं पलिओवमाइं ठिई पन्नत्ता
५ । अहेसत्तमाए णं पुढ्वीए अत्थेगइयाणां नेरइयाणां तेवीसं सागरोवमाइं
ठिई पन्नत्ता ६ । असुरकुमाराणां देवारां अत्थेगइयाणां तेवीसं पलिओवमाइं
ठिई पन्नत्ता ७ । सोहम्मीसाणाणां देवारां अत्थेगइयाणां तेवीसं पलिओवमाइं
ठिई पन्नत्ता ८ । हेट्ठिममज्झिमगेविज्जाणां देवारां जहराणेणां तेवीसं सागरो-
वमाइं ठिई पन्नत्ता ९ । जे देवा हेट्ठिम(२)गेवेज्जयविमाणेसु देवत्ताए उव-
वराणा तेसि णं देवाणं उक्कोसेणं तेवीसं सागरोवमाइं ठिई पन्नत्ता, ते णं देवा
तेवीसाए अद्धमासाणं आणमंति वा पाणमंति वा ऊससंति वा नीससंति वा,
तेसि णं देवाणं तेवीसाए वामसहस्सेहिं आहारट्ठे ममुप्पज्जइ, संतेगइआ
भवसिद्धिया जीवा जे तेवीसाए भवग्गहणेहिं सिज्झिस्संति बुज्झिस्संति मुच्चि-
स्संति परिनिव्वाइस्संति सब्बदुक्खाणमंतं करिस्संति १० ॥ सूत्रं २३ ॥
चउव्वीसं देवाहिदेवा पन्नत्ता, तंजहा—उसभअजितसंभवअभिणंदण-सुमइपउम-
प्पह-सुपासचंदप्पह-सुविधिसीअलसिज्जंसवासुपुज्ज-विमलअणंतधम्मसंति कुंथु-
अरमल्लीमुणिसुव्वय-नमिनेमीपासवद्धमाणा १ । चुल्लहिमवंतसिहरीणां वास-
हरपव्वयाणां जीवाओ चउव्वीसं चउव्वीसं जोयणसहस्साइं णववत्तीसे
जोयणसए एणं अट्ठत्तीसइभागं जोयणस्स किंचिविसेसाहिआओ आयामेणं
पन्नत्ताओ २ । चउवीसं देवठाणा सइंदया पन्नत्ता, सेसा अहमिंदा अनिंदा
अपुरोहिआ ३ । उत्तरायणगते णं सूरिए चउवीसंगुलिए पोरिसीअयं
णिव्वत्तइत्ता णं णिअट्ठति ४ । गंगासिंधूओ णं महाणदीओ पवांह साति-
रेगेणं चउवीसं कोसे वित्थारेणं पन्नत्ताओ ५ । रत्तारत्तवतीओ णं महाणदीओ

पवाहे सातिरेगे चउवीसं कोसे वित्थारेणं पन्नत्ताओ ६ । इमीसे णं रयणप्पभाए
 पुढवीए अत्थेगइयाणं नेरइयाणं चउवीसं पलिओवमाइं ठिई पन्नत्ता ७ ।
 अहेसत्तमाए पुढवीए अत्थेगइयाणं नेरइयाणं चउवीसं सागरोवमाइं ठिई
 पन्नत्ता ८ । असुरकुमाराणं देवाणं अत्थेगइयाणं चउवीसं पलिओवमाइं ठिई
 पन्नत्ता ९ । सोहम्मीसाणे णं देवाणं अत्थेगइयाणं चउवीसं पलिओवमाइं
 ठिई पन्नत्ता १० । हेट्ठिमउवरिमगेवेज्जाणं देवाणं जहराणेणं चउवीसं सागरो-
 वमाइं ठिई पन्नत्ता ११ । जे देवा हेट्ठिममज्झिमगेवेज्जयविमाणेसु देवत्ताए
 उव्वराणा तेसि णं देवाणं उकोसेणं चउवीसं सागरोवमाइं ठिई पन्नत्ता, ते
 णं देवा चउवीसाए अद्धमासाणं आणमंति वा पाणमंति वा ऊससंति वा
 णीससंति वा, तेसि णं देवाणं चउवीसाए वाससहस्सेहिं आहारट्ठे समुप्पज्जइ,
 संतेगइया भवसिद्धिया जीवा जे चउवीसाए भवग्गहणेहिं सिज्झिस्संति बुज्झि-
 स्संति मुच्चिस्संति परिनिव्वाइस्संति सव्वदुक्खाणमंतं करिस्संति १२ ॥सूत्रं २४॥
 पुरिमपच्छिमगाणं तित्थगराणं पंचजामस्स पणवीसं भावणाओ पणत्ताओ,
 तंजहा—ईरियासमिई मणगुत्ती वयगुत्ती आलोयभायणभोयणं आदाणभंडम-
 त्तनिक्खेवणासमिई ५ अणुवीतिभासणाया कोहविवेगे लोभविवेगे भयविवेगे
 हामविवेगे ५ उग्गहअणुराणवणाया उग्गहसीमजाणणाया सयमेव उग्गहं
 अणुगिरहणाया साहम्मियउग्गहं अणुराणविय परिभुंजणाया साहारणभत्तपाणं
 अणुराणविय पडिभुंजणाया ५ इत्थीपसुपंडगसंसत्तगसयणासणवज्जणाया
 इत्थीकहविवज्जणाया इत्थीणं इंदियाणमालोयणवज्जणाया पुव्वरयपुव्वकीलि-
 आणं अणुसुरणाया पणीताहारविवज्जणाया ५ सोइंदियरागोवरई चक्खि-
 दियरागोवरई घाणिंदियरागोवरई जिप्पिंदियरागोवरई फासिंदियरागोवरई
 ५, १ । मल्ली णं अरहा पणवीसं वणु उट्ठं उच्चतेणं होत्था २ । सव्वेऽवि
 दीहवेयड्ढपव्वया पणवीसं जोयणाणि उट्ठं उच्चतेणं पन्नत्ता, पणवीसं पणवीसं
 गाऊआणि उव्विद्धेणं पन्नत्ता ३ । दोच्चाए णं पुढवीए पणवीसं गिरयावा-

ससयसहस्सा पन्नत्ता ४ । आथारस्स णं भगवओ सचूलिआयस्स पणवीसं
 अज्झयणा पन्नत्ता, तंजहा—सत्थपरिगणा लोगविजओ सीओसणीअ सम्मत्तं ।
 आवंति धुयविमोह उवहाणसुयं महपरिगणा ॥ १ ॥ पिंडेसण सिज्जिरिआ
 भासज्झयणा य वत्थ पाएसा । उग्गहपडिमा सत्तिकसत्तया भावण विमुत्ती
 ॥ २ ॥ निसीहज्झयणं पणवीसइमं ५ । मिच्छादिट्ठिविगलिंदिए णं अपज्ज-
 तए णं संकिलिट्ठपरिणामे णामस्स कम्मस्स पणवीसं उत्तरपयडीओ णिवंधति,
 तंजहा—तिरियगतिनामं, विगलिंदियजातिनामं, ओरालिअसरीरणामं, तेअग-
 सरीरणामं, कम्मणसरीरनामं, हुंडगसंठाणनामं, ओरालिअसरीरंगोवंगणामं,
 छेवट्ठसंघयणनामं, वराणनामं, गंधणामं, रसणामं, फासणामं, तिरिआणुपुव्वि-
 नामं, अगुरुलहुनामं, उवघायनामं, तसनामं, बादरणामं, अपज्जत्तयणामं,
 पत्तेयसरीरणामं, अथिरणामं, असुभणामं, दुभगणामं, अणादेज्जनामं,
 अजसोकित्तिनामं, निम्माणनामं २५, ६ । गंगासिंधूओ णं महाणदीओ
 पणवीसं गाऊयाणि पुहुत्तेणं दुहओ घडमुहपवित्तिएणं मुत्तावलिहारसंठिएण
 पवातेणं पडंति ७ । रत्तारत्तवईओ णं महाणदीओ पणवीसं गाऊयाणि
 पुहुत्तेणं मकरमुहपवित्तिएणं मुत्तावलिहारसंठिएणं पवातेणं पडंति ८ ।
 लोगविंदुसारस्स णं पुव्वस्स पणवीसं वत्थू पन्नत्ता ९ । इमीसे णं रयणप्प-
 भाए पुढवीए अत्थेगइयाणं नेरइयाणं पणवीसं पलिओवमाइं ठिई पन्नत्ता
 १० । अहेसत्तमाए पुढवीए अत्थेगइयाणं नेरइयाणं पणवीसं सागरोवमाइं
 ठिई पन्नत्ता ११ । असुरकुमाराणं देवाणं अत्थेगइयाणं पणवीसं पलिओव-
 माइं ठिई पन्नत्ता १२ । सोहम्मीसारो णं देवाणं अत्थेगइयाणं पणवीसं
 पलिओवमाइं ठिई पन्नत्ता १३ । मज्झिमहेट्ठिमगेवेज्जाणं देवाणं जहराणेणं
 पणवीसं सागरोवमाइं ठिई पन्नत्ता १४ । जे देवा हेट्ठिमउवरिमगेवेज्जगविमा-
 गोसु देवत्ताए उववरणा तेसि णं देवाणं उकोसेणं पणवीसं सागरोवमाइं
 ठिई पन्नत्ता, ते णं देवा पणवीसाए अद्धमासेहिं आणमंति वा पाणमंति वा

उत्ससंति वा नीत्ससंति वा, तेसि णं देवाणं पणवीसं वाससहस्सेहिं आहारट्ठे
समुप्पज्जइ, संतेगइया भवसिद्धिया जीवा जे पणवीसाए भवग्गहणेहिं सिज्झि-
स्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति
१५ ॥ सूत्रं २५ ॥

छव्वीसं दसकप्पववहाराणं उद्देसणकाला पन्नत्ता, तंजहा—दस दसाणं
छ कप्पस्स दस ववहारस्स १ । अभवसिद्धियाणं जीवाणं मोहणिज्जस्स
कम्मस्स छव्वीसं कम्मंसा संतकम्मा पन्नत्ता, तंजहा—मिच्छत्तमोह-
णिज्जं सोलस कसाया, इत्थीवेदे पुरिसवेदे नपुंसकवेदे, हासं अरति रति
भयं सोगं दुगुंछा २ । इमीसे णं रयणप्पभाए पुढवीए अत्थेगइयाणं नेरइ-
याणं छव्वीसं पलिओवमाइं ठिई पन्नत्ता ३ । अहेसत्तमाए पुढवीए अत्थेग-
इयाणं नेरइयाणं छव्वीसं सागरोवमाइं ठिई पन्नत्ता ४ । असुरकुमाराणं
देवाणं अत्थेगइयाणं छव्वीसं पलिओवमाइं ठिई पन्नत्ता ५ । सोहम्मीसाणे
णं देवाणं अत्थेगइयाणं छव्वीसं पलिओवमाइं ठिई पन्नत्ता ६ । मज्झिमम-
ज्झिमगेवेज्जयाणं देवाणं जहराणेणं छव्वीसं सागरोवमाइं ठिई पन्नत्ता ७ ।
जे देवा मज्झिमहेट्ठिमगेवेज्जयविमाणोसु देवत्ताए उववराणा तेसि णं देवाणं
उक्कोसेणं छव्वीसं सागरोवमाइं ठिई पन्नत्ता, ते णं देवा छव्वीसाए अद्धमा-
सेहिं आणमंति वा पाणमंति वा ऊससंति वा नीससंति वा, तेसि णं देवाणं
छव्वीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे
छव्वीसेहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइ-
स्संति सव्वदुक्खाणमंतं करिस्संति ८ ॥ सूत्रं २६ ॥ सत्तावीसं अणगार-
गुणा पन्नत्ता, तंजहा—पाणाइवायाओ वेरमाणं, मुसावायाओ वेरमाणं, अदि-
न्नादाणाओ वेरमाणं, मेहुणाओ वेरमाणं, परिग्गहाओ वेरमाणं, सोइंदियनि-
ग्गहे, चक्खिंदियनिग्गहे, घाणिंदियनिग्गहे, जिच्चिंदियनिग्गहे, फासिंदिय-
निग्गहे, कोहविवेगे माणविवेगे मायाविवेगे लोभविवेगे, भावसच्चे करणसच्चे

जोगसच्चे, खमा, विरागया, मणसमा(समन्ना)हरणया वयसमाहरणया -
 कायसमाहरणया, गाणसंपराणया दंसणसंपराणया चरित्तसंपराणया, वेयण-
 अहियासणया मारणांतियअहियासणया १ । जंबुद्वीवे दीवे अभिइवज्जेहि
 सत्तावीसाए णक्खत्तेहि संववहारे वट्ठति २ । एगमेगे णं णक्खत्तमासे
 सत्तावीसाहिं राइंदियाहिं राइंदियग्गेणं पन्नत्ते ३ । सोहम्मीसाणेसु कप्पेसु
 विमाणपुट्ठी सत्तावीसं जोयणमयाइं बाहल्लेणं पन्नत्ता ४ । वेयगसम्मत्तवन्धो-
 वरयस्म णं मोहणिज्जस्स कम्मस्स सत्तावीसं उत्तरपगडोओ संतकम्मंसा
 पन्नत्ता ५ । सावणसुद्धसत्तमीसु णं सूरिए सत्तावीसंगुलियं पोरिसिच्छायं
 णिव्वत्तइत्ता णं दिवसखेत्तं नियट्ठेमाणे रयणिखेत्तं अभिणिवट्ठमाणे चारं
 चरइ ६ । इसीसे णं रयणप्पभाए पुट्ठीए अत्थेगइयाणं नेरइयाणं सत्तावीसं
 पलिओवमाइं ठिई पन्नत्ता ७ । अहेसत्तमाए पुट्ठीए अत्थेगइयाणं नेरइयाणं
 सत्तावीसं सागरोवमाइं ठिई पन्नत्ता ८ । असुरकुमाराणं देवाणं अत्थेगइयाणं
 सत्तावीसं पलिओवमाइं ठिई पन्नत्ता ९ । सोहम्मीसाणेसु कप्पेसु अत्थेगइ-
 याणं देवाणं सत्तावीसं पलिओवमाइं ठिई पन्नत्ता १० । मज्झिमउव्वरिमगे-
 वेज्जयाणं देवाणं जहणणेणं सत्तावीसं सागरोवमाइं ठिई पन्नत्ता ११ । जे
 देवा मज्झिमगेवेज्जयविमाणेसु देवत्ताए उव्वराणा तेमि णं देवाणं उक्कोसेणं
 सत्तावीसं सागरोवमाइं ठिई पन्नत्ता, ते णं देवा सत्तावीसाए अद्धमासेहिं
 आणमंति वा पाणमंति वा उस्ससंति वा नीससंति वा, तेसि णं देवाणं
 सत्तावीस-वाससहस्सेहिं आहारट्ठे समुप्पज्जइ, संतेगइया भवसिद्धिया जीवा
 जे सत्तावीसाए भवग्गहणेहिं सिज्झिस्संति डुज्झिस्संति मुच्चिस्संति परिनि-
 व्वाइस्संति सव्वदुक्खाणमंतं करिस्संति १२ ॥ सूत्रं २७ ॥ अट्ठावीसविहे
 आचारपक्पे पन्नत्ते, तंजहा-मासिआ आरोवणा, संपंचराइमासिया आरोवणा,
 सदंसराइमासिया आरोवणा, सपंचदसराइमासिया आरोवणा, सवीसराइमासिया
 आरोवणा, सपंचवीसराइमासिया आरोवणा ६, एवं चेव दोमासिआ आरो-

वणा, सपंचराईदोमासिया आरोवणा ६, एवं तिमासिआ आरोवणा ६,
चउमासिया आरोवणा ६, २४, उवघा(ग्घा)इया आरोवणा, अणुवघा(ग्घा)-
इया आरोवणा, कसिणा आरोवणा, अकसिणा आरोवणा २८, एतावता
आयारपकप्पे एतावता व आयारियव्वे १ । भवसिद्धियारां जीवारां अत्थेग-
इयारां मोहणिज्जस्स कम्मस्स अट्ठावीसं कम्मसा संतकम्मा पन्नत्ता, तंजहा-
सम्मत्तवेअणिज्जं मिच्छत्तवेयणिज्जं सम्ममिच्छत्तवेयणिज्जं सोलस कसाया
णव णोकसाया २ । आभिणिबोहियणाणे अट्ठावीसइविहे पन्नत्ते, तंजहा-
सोइंदियअत्थावग्गहे चक्खिंदियअत्थावग्गहे घाणिंदियअत्थावग्गहे जिब्भि-
दियअत्थावग्गहे फासिंदियअत्थावग्गहे णोइंदियअत्थावग्गहे, सोइंदियवंज-
णोग्गहे घाणिंदियवंजणोग्गहे जिब्भिदियवंजणोग्गहे फासिंदियवंजणोग्गहे,
सोतिंदियईहा चक्खिंदियईहा घाणिंदियईहा जिब्भिदियईहा फासिंदियईहा
णोइंदियईहा, सोतिंदियावाए चक्खिंदियावाए घाणिंदियावाए जिब्भिदियावाए
फासिंदियावाए णोइंदियावाए, सोइंदिअधारणा चक्खिंदियधारणा घाणिंदिय-
धारणा जिब्भिदियधारणा फासिंदियधारणा णोइंदियधारणा ३ । ईसाणे णं कप्पे
अट्ठावीसं त्रिमाणावामसयसहस्सा पन्नत्ता ४ । जीवे णं देवगइम्मि बंधमाणे नामस्स
कम्मस्स अट्ठावीसं उत्तरपगडीओ णिबंधति, तंजहा-देवगतिनामं पंचिंदिय-
जातिनामं वेउव्वियसरीरनामं तेयगसरीरनामं कम्मणसरीरनामं समचउरंसं
ठाणाणामं वेउव्वियसरीरंगोवंगणामं वराणाणामं गंधणां रसणां फासनां
देवाणुपुव्विणां अगुरुत्तहुनां उवघायनां पराघायनां उस्सासनां
पसत्थविहायोगइणां तसनां बायरणां पज्जत्तनां पत्तेयसरीरनां थिरा-
थिराणं सुभासुभाणं आएज्जाणाएज्जाणं दोरहं अराणयरं एगं नामं णिबंधइ
जसोकित्तिनामं निम्माणनामं, एवं चेव नेरइआवि, णाणत्तं अप्पसत्थविहायो-
गइणां हुंडगसंठाणाणामं अथिरणां दुब्भगणां असुभनां दुस्सरनां
अणादिज्जणां अजसोकित्तीणां निम्माणनां ५ । इमीसे णं रयणप्पभाए

पुढवीए अत्थेगइयाणं नेरइयाणं अट्ठावीसं पलिओवमाइं ठिई पन्नत्ता ६ ।
 अहे सत्तमाए पुढवीए अत्थेगइयाणं नेरइयाणं अट्ठावीसं सागरोवमाइं ठिई
 पन्नत्ता ७ । असुरकुमाराणं देवाणं अत्थेगइयाणं अट्ठावीसं पलिओवमाइं
 ठिई पन्नत्ता ८ । सोहम्मीसागोसु कप्पेसु देवाणं अत्थेगइयाणं अट्ठावीसं
 पलिओवमाइं ठिई पन्नत्ता ९ । उवरिमहेट्ठिमगेवेज्जयाणं देवाणं जहराणोणं
 अट्ठावीसं सागरोवमाइं ठिई पन्नत्ता १० । जे देवा मज्झिमउवरिमगेवेज्जएसु
 विमाणेसु देवत्ताए उववराणा तेषि णं देवाणं उक्कोसेणं अट्ठावीसं सागरोव-
 माइं ठिई पन्नत्ता, ते णं देवा अट्ठावीसाए अद्धमासेहिं आणमंति वा पाणमंति
 वा ऊससंति वा नीससंति वा, तेषि णं देवाणं अट्ठावीसाए वाससहस्सेहिं
 आहारट्ठे समुप्पज्जइ, संतेगइया भवसिद्धिया जीवा जे अट्ठावीसाए भवग्ग-
 हणेहिं सिज्झिस्संति बुज्झिस्संति मुच्चिस्संति परिनिव्वाइरसंति सव्वदुक्खाण-
 मंत करिस्संति ११ ॥ २८ ॥ एगूणतीसइविहे पावसुयपसंगे णं पन्नत्ते,
 तंजहा-भोमे उप्पाए सुमिणे अंतरिक्खे अंगे सरे वंजणे लक्खणे, भोमे
 तिविहे पन्नत्ते, तंजहा-सुत्ते वित्ती वत्तिए, एवं एक्केवकं तिविहं, २४,
 विकहाणुजोगे विज्जाणुजोगे मंताणुजोगे जोगाणुजोगे अराणतिथियपवत्ता-
 णुजोगे २५, १ । आसाढे णं मासे एगूणतीसराइंदिंआइ राइंदियग्गेणं पन्नत्ते
 २ । एवं चेव भइवए णं मासे कत्तिए णं मासे पोसे णं मासे फग्गुणे णं मासे
 वइसाहे णं मासे ३ । चंददिणे णं एगूणतीसं मुहुत्ते सातिरेगे मुहुत्तग्गेणं
 पन्नत्ते ४ । जीवे णं पसत्थज्भवसाणजुत्ते भविए सम्मदिट्ठी तित्थकरनामस-
 हिआओ णामस्स णियमा एगूणतीसं उत्तरपगडीओ निबंघित्ता वेमाणिएसु
 देवेसु देवत्ताए उववज्जइ ५ । इमीसे णं रयणप्पभाए पुढवीए अत्थेगइयाणं
 नेरइयाणं एगूणतीसं पलिओवमाइं ठिई पन्नत्ता ६ । अहे सत्तमाए पुढवीए
 अत्थेगइयाणं नेरइयाणं एगूणतीसं सागरोवमाइं ठिई पन्नत्ता ७ । असुर-
 कुमाराणं देवाणं अत्थेगइयाणं एगूणतीसं पलिओवमाइं ठिई पन्नत्ता ८ ।

सोहम्मीसाणोसु कप्पेसु देवारां अत्थेगइयाणां एगूणतीसं पलिओवमाइं ठिई पन्नत्ता ९ । उवरिममज्झिमगेवेज्जयाणां देवारां जहराणोरां एगूणतीसं सागरो-
वमाइं ठिई पन्नत्ता १० । जे देवा उवरिमहेट्ठिमगेवेज्जयविमाणोसु देवत्ताए
उववराणा तेसि णं देवाणं उक्कोसेणं एगूणतीसं सागरोवमाइं ठिई पन्नत्ता,
ते णं देवा एगूणतीसाए अद्धमासेहिं आणमंति वा पाणमंति वा ऊससंति
वा नीससंति वा, तेसि णं देवाणं एगूणतीसं वाससहस्सेहि आहारट्ठे समु-
प्पज्जइ, संतेगइया भवसिद्धिया जीवा जे एगूणतीस-भवग्गहणोहिं सिज्झिस्संति
बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति ११
॥ सूत्रं २६ ॥

तीसं मोहणीयठाणा पन्नत्ता, तंजहा—जे यावि तसे पाणे, वारिमज्झे
विगाहिआ । उदएण कम्मा मारेई, महामोहं पकुव्वइ १ ॥ १ ॥ सीसावेडेण
जे केई, आवेडेइ अभिक्खणां । तिब्वासुभसमायारे, महामोहं पकुव्वइ २ ॥ २ ॥
पाणिणा संपिहित्ताणां, सोयमावरिय पाणिणां । अंतोनदंतं मारेई, महामोहं
पकुव्वइ ३ ॥ ३ ॥ जायतेयं समारब्भ, वहुं ओरुंभिया जरां । अंतोधूमेण
मारेई(जा), महामोहं पकुव्वइ ४ ॥ ४ ॥ सिस्सम्मि जे पहणइ, उत्तमंगम्मि
चेयसा । विभज्ज मत्थयं फाले, महामोहं पकुव्वइ ५ ॥ ५ ॥ पुणो पुणो
पणिधिए, हरित्ता उवहसे जणां । फलेणां अदुवा दण्डेणां, महामोहं पकुव्वइ
६ ॥ ६ ॥ गूढायारी निगूहिज्जा, भायं मायाए ङायए । असच्चवाई गिराहाई,
महामोहं पकुव्वइ ७ ॥ ७ ॥ धंसेइ जो अभूएणां, अकम्मं अत्तकम्मुणा ।
अदुवा तुम कासित्ति, महामोहं पकुव्वइ ८ ॥ ८ ॥ जाणमाणा परिसओ,
सच्चामोसाणि भासइ । अक्खीणभंके पुरिसे, महामोहं पकुव्वइ ९ ॥ ९ ॥
अणायगस्स नयवं, दारे तस्सेव धंसिया । विउलं विक्खोमइत्ताणां, किच्चा णं
पडिवाहिरं ॥ १० ॥ उवगसंतं पि भंपित्ता, पडिलोमाहिं वग्गुहिं । भोगभोगे
वियारेई, महामोहं पकुव्वइ १० ॥ ११ ॥ अकुमारभूए जे केई, कुमारभूए-

त्तिऽहं वए । इत्थीहिं गिद्धे वसए, महामोहं पकुब्बइ ११ ॥ १२ ॥ अवंभ-
 यारी जे केई, बंभयारीत्तिऽहं वए । गदहेव्व गवां मज्जे, विस्सरं नयई नदं
 ॥ १३ ॥ अप्पणो अहिए बाले, मायामोसं बहुं भसे । इत्थीविसयगेहीए,
 महामोहं पकुब्बइ १२ ॥ १४ ॥ जं निस्सिए उव्वहइ, जससाहिगमेण वा ।
 तस्स लुब्भइ वित्तम्मि, महामोहं पकुब्बइ १३ ॥ १५ ॥ ईसरेणं अदुवा
 गामेणं, अणिसरे ईसरीकए । तस्स संपयहीणस्स, सिरी अलुलमागया
 ॥ १६ ॥ ईसादोसेण आविट्ठे, कलुसाऽऽविलचेयसे । जे अंतराअं चेएइ,
 महामोहं पकुब्बइ १४ ॥ १७ ॥ सप्पी जहा अंडउडं, भत्तारं जो विहिंसइ ।
 सेणावइं पसत्थारं, महामोहं पकुब्बइ १५ ॥ १८ ॥ जे नायगं च रट्टस्स,
 नेयारं निगमस्स वा । सेट्ठिं बहुखं हंता, महामोहं पकुब्बइ १६ ॥ १९ ॥
 बहुजणस्स गोयारं, दीवं ताणं च पाणिणं । एयारिसं नरं हंता, महामोहं
 पकुब्बइ १७ ॥ २० ॥ उवट्ठियं पडिविरयं, संजयं सुतवस्सियं (जे भिक्खु-
 जगजीवणं) । बुक्कम्म धम्माओ भंसेइ, महामोहं पकुब्बइ १८ ॥ २१ ॥
 तहेवाणंतणाणीणं, जिणाणं वरदंसिणं । तेसि अवरणावं बाले, महामोहं
 पकुब्बइ १९ ॥ २२ ॥ नेयाइअस्स मग्गस्स, दुट्ठे अवय(ह)ई बहुं । तं
 तिप्पयंतो भावेइ, महामोहं पकुब्बइ २० ॥ २३ ॥ आयरियउवज्झाएहिं, सुयं
 विणयं च गाहिए । ते चेव खिंसई बाले, महामोहं पकुब्बइ २१ ॥ २४ ॥
 आयरियउवज्झायाणां, सम्मं नो पडितप्पइ । अप्पडिप्पयए थळ्ळे, महामोहं
 पकुब्बइ २२ ॥ २५ ॥ अबहुस्सुए य जे केई, सुएणां पविकत्थई । सज्झा-
 यवायं वयइ, महामोहं पकुब्बइ २३ ॥ २६ ॥ अतवस्सीए य जे केई, तवेण
 पविकत्थइ । सब्वलोयपरे तेणे, महामोहं पकुब्बइ २४ ॥ २७ ॥ साहारणाट्ठा
 जे केई, गिलाणम्मि उवट्ठिए । पभू ण कुणई किच्चं, मज्झंमपि से न कुब्बइ
 ॥ २८ ॥ सट्ठे नियडीपराणाणे, कलुसाउलचेयसे । अप्पणो य अबोहीय,
 महामोहं पकुब्बइ २५ ॥ २९ ॥ जे कहाहिगरणाइं, संपउंजे पुणो पुणो ।

सर्वतित्थाण भेयाणां, महामोहं पकुब्बइ २६ ॥ ३० ॥ जे अ आहम्मिए
जोए, संपच्योजे पुणो पुणो । सहाहेउं सहीहेउं, महामोहं पकुब्बइ २७
॥ ३१ ॥ जे अ माणुस्सए भोए, अडुवा पारलोइए । तेऽतिप्पयंतो आसयइ,
महामोहं पकुब्बइ २८ ॥ ३२ ॥ इही जुई जसो वराणो, देवाणां बलवीरियं ।
तेसिं अवरणावं बाले, महामोहं पकुब्बइ २९ ॥ ३३ ॥ अपस्समाणो
पस्सामि, देवे जक्खे य गुज्झगे । अराणाणी जिणपूयट्ठी, महामोहं पकुब्बइ
३० ॥ ३४ ॥ १ । थेरे णं मंडियपुत्ते तीसं वासाइं सामराणपरियाइं
पाउणित्ता सिद्धे बुद्धे जाव सर्वदुक्खप्पहीणो २ । एगमेगे णं अहोरत्ते
तीसमुद्धत्ते मुहुत्तगेणं पन्नत्ता ३ । एएसि णं तीसाए मुहुत्ताणं तीसं नामधेज्जा
पन्नत्ता, तंजहा-रोद्धे सत्ते मित्ते वाऊ सुपीए ५ अभिचंदे माहिंदे पलंबे बंभे
सच्चे १० आणांदे विजए विस्ससेणो पायावच्चे उवसमे १५ ईसाणो तट्ठे
भाविअप्पा वेसमणो वरुणो २० सतरिसभे गंधव्वे अग्गिवेसायणो आतवे
आवत्ते २५ तट्ठवे भूमहे रिसभे सर्वदुसिद्धे रक्खसे ३०, ४ । अरे णं
अरहा तीसं धणुइं उट्ठं उच्चत्तेणं होत्था ५ । सहस्सारस्स णं देविंदस्स देव-
राणो तीसं सामाणियसाहस्सीओ पन्नत्ताओ ६ । पासे णं अरहा तीसं
वामाइं अगारवासमज्जे वसित्ता अगाराओ अणगारियं पव्वइए ७ । समणो
भगवं महावीरे तीसं वासाइं अगारवासमज्जे वसित्ता अगाराओ अणगारियं
पव्वइए ८ । रयणप्पभाए णं पुट्ठीए तीसं निरयावाससयसहस्सा पन्नत्ता ९ ।
इमीसे णं रयणप्पभाए पुट्ठीए अत्थेगइयाणं नेरइयाणं तीसं पलित्थोवमाइं
ठिई पन्नत्ता १० । अहेसत्तमाए पुट्ठीए अत्थेगइयाणं नेरइयाणं तीसं सागरो-
वमाइं ठिई पन्नत्ता ११ । असुरकुमाराणं देवाणं अत्थेगइयाणं तीसं पलित्थो-
वमाइं ठिई पन्नत्ता १२ । उवरिमउवरिमगेवेज्जयाणं देवाणं जहराणोणं तीसं
सागरोवमाइं ठिई पन्नत्ता १३ । जे देवा उवरिममज्झिमगेवेज्जएसु विमाणेसु
देवत्ताए उववराणा तेसि णं देवाणं उक्कोसेणं तीसं सागरोवमाइं ठिई पन्नत्ता,

ते णं देवा तीसाए अद्धमासेहिं आणमंति वा पाणमंति वा उस्ससंति वा
नीससंति वा, तेसि णं देवाणं तीसाए वाससहस्सेहिं आहारट्ठे समुप्पज्जइ,
संतेगइया भवसिद्धिया जीवा जे तीसाए भवग्गहणेहिं सिज्झिस्संति वुज्झि-
स्संति मुच्चिस्संति परिनिव्वाइस्संति सब्बदुक्खाणमंतं करिस्संति १४
॥ सूत्रं ३० ॥

एकतीसं सिद्धाङ्गुणा पन्नत्ता, तंजहा-खीणे आभिणिबोहियणाणा-
वरणे, खीणे सुयणाणावरणे, खीणे ओहिणाणावरणे, खीणे मणपज्जवणा-
णावरणे, खीणे केवलणाणावरणे ५ खीणे चक्खुदंसणावरणे, खीणे
अचक्खुदंसणावरणे, खीणे ओहिदंसणावरणे, खीणे केवलदंसणावरणे
खीणा(णे) निहा, खीणे णिहाणिहा, खीणे पयला, खीणे पयलापयला,
खीणे थीणद्धी १४ खीणे सायावेयणिज्जे, खीणे असायावेयणिज्जे
१६ खीणे दंसणमोहणिज्जे, खीणे चरित्तमोहणिज्जे १८ खीणे नेरइ-
आउए, खीणे तिरिआउए २० खीणे मणुस्साउए, खीणे देवाउए २२
खीणे उच्चागोए, खीणे निच्चागोए २४ खीणे सुभणामे, खीणे असुभणामे
२६ खीणे दाणंतराए, खीणे, लाभंतराए, खीणे भोगांतराए, खीणे उव-
भगंतराए, खीणे वीरिअंतराए ३१, १ । मंदरे णं पव्वए धरणितले एकतीसं
जोयणसहस्साइं छच्चेव तेवीसं जोयणसए किचिदेसूणा परिवखेवेणं पन्नत्ते,
२ । जया णं सूरिए सब्बवाहिरियं मंडलं उवसंकमिता चारं चरइ तथा णं
इहगयस्स मणुस्सस्स एकतीसाए जोयणसहस्सेहिं अट्ठहि अ एकतीसेहिं
जोयणसएहिं तीसाए सट्ठिभागे जोयणस्स-सूरिए चक्खुप्फासं हव्वमागच्छइ
३ । अभिवड्ढिए णं मासे एकतीसं सातिरेगाइं राइंदियाइं राइंदियग्गेणं
पन्नत्ते ४ । आइच्चे णं मासे एकतीसं राइंदियाइं किंचि विसेसूणाइं राइं-
दियग्गेणं पन्नत्ते ५ । इमीसे णं रयणप्पमाए पुढवीए अत्थेगइयाणं नेरइयाणं
एकतीसं पलिओवमाइं ठिई पन्नत्ता ६ । अहेसत्तमाए पुढवीए अत्थेगइयाणं

नेरइयाणं एकतीसं सागरोवमाइं ठिई पन्नत्ता ७ । असुरकुमाराणां देवाणां
 अत्थेइयाणं एकतीसं पलिओवमाइं ठिई पन्नत्ता ८ । सोहम्मीसाणेसु कप्पेसु
 अत्थेगइयाणं देवाणां एकतीसं पलिओमाइं ठिई पन्नत्ता ९ । विजयवेजयंत-
 जयंतअपराजिआणां देवाणां जहराणेणं एकतीसं पलिओवमाइं ठिई पन्नत्ता १० ।
 जे देवा उवरिमउवरिमगेवेज्जयविमारासु देवत्ताए उववराणा तेसि णं
 देवाणां उकोसेणं एकतीसं सागरोवमाइं ठिई पन्नत्ता, ते णं देवा एकतीसाए
 अद्धमासेहिं आणमंति वा पाणमंति वा उस्ससंति वा निस्ससंति वा, तेसि
 णं देवाणां एकतीसं वाससहस्सेहिं आहारट्ठे समुप्पज्जइ, संतेगइयाणं
 भवसिद्धिया जीवा जे एकतीसेहिं भवग्गहणेहिं सिज्झिस्संति बुज्झिस्संति
 मुच्चिस्संति परिनिव्वाइस्संति सब्बदुक्खाणमंतं करिस्संति ११ । सूत्रं ३१ ॥
 वत्तीसं जोगसंगहा पन्नत्ता, तंजहा—आलोयण १ निरवलावे २, आवईसु
 दढधम्मया ३ । अणिसिअओवहाणे ४ य, सिवखा ५ निप्पडिकम्मया ६
 ॥ १ ॥ अराणायया ७ अलोभे ८ य, तितिवखा ९ अज्जवे १० सुई ११ ।
 सम्मदिट्ठी १२ समाही १३ य, आयारे १४ विणओवए १५ ॥ २ ॥
 धिईमई १६ य संवेगे १७, पणिही १८ सुविहि १९ संवरे २० । अत्तदो-
 सोवसंहारे २१, सब्बकामविरत्तया २२ ॥ ३ ॥ पच्चवखाणे २३—२४
 विउरसग्गे २५, अप्पमादे २६ लवालवे २७ । भाणासंवरजोगे २८ य,
 उदए माराणंतिए २९ ॥ ४ ॥ संगणं च परिणायया ३०, पायच्छित्तकर-
 णोऽवि य ३१ । आराहणा य मरणंते ३२, वत्तीसं जोगसंगहा ॥ ५ ॥
 १ । वत्तीसं देविंदा पन्नत्ता, तंजहा—चमरे बली धरणे भूआणंदे जाव घोसे
 महाघोसे चंदे सूरे सक्के ईसाणे सणकुमारे जाव पाणए अच्चुए २ ।
 कुंथुस्स णं अरहयो वत्तीसहिया वत्तीसं जिणसया होत्था ३ । सोहम्मे
 कप्पे वत्तीसं विमाणावाससयसहस्सा णं पन्नत्ता ४ । रेवइणवखत्ते वत्तीसइतारे
 पन्नत्ते ५ । वत्तीसतिविहे णट्ठे पन्नत्ते ६ । इमीसे णं रयणप्पभाए पुढवीए

अथेगइयाणं नेरइयाणं बत्तीसं पलिओवमाइं ठिई पन्नत्ता ७ । अहेसत्तमाए
 पुढवीए अथेगइयाणं नेरइयाणं बत्तीसं सागरोवमाइं ठिई पन्नत्ता ८ ।
 असुरकुमाराणं देवाणं अथेगइयाणं बत्तीसं पलिओवमाइं ठिई पन्नत्ता ९ ।
 सोहम्मीसारोसु कप्पेसु देवाणं अथेगइयाणं बत्तीसं पलिओवमाइं ठिई
 पन्नत्ता १० । जे देवा विजयवेजयंतजयंतअपराजियविमाणोसु देवत्ताए
 उववराणा तेसि णं देवाणं अथेगइयाणं बत्तीसं सागरोवमाइं ठिई पन्नत्ता, ते
 णं देवा बत्तीसाए अद्धमासेहिं आणमंति वा पाणमंति वा उस्ससंति वा
 नीससंति वा, तेसि णं देवाणं बत्तीसवाससहस्सेहिं आहारट्ठे समुप्पज्जइ,
 संतेगइया भवसिद्धिया जीवा जे बत्तीसाए भवग्गहणेहिं सिज्झिस्संति
 बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति ११
 ॥ सूत्रं ३२ ॥ तेत्तीसं आसायणाओ पन्नत्ताओ, तंजहा—सेहे राइणियस्स
 आसन्नं गंता भवइ आसायणा सेहस्स १ सेहे राइणियस्स पुरओ गंता
 भवइ आसायणा सेहस्स २ सेहे राइणियस्स सपक्खं गंता भवइ आसायणा
 सेहस्स ३ सेहे राइणियस्स आसन्नं ठिच्चा भवइ आसायणा सेहस्स ४ जाव
 सेहे राइणियस्स आलवमाणस्स तत्थगए चेव पडिसुणित्ता भवइ आसायणा
 सेहस्स ३३, १ । चमरस्स णं असुरिंदस्स असुरकुमाररणो चमरचंचाए
 रायहाणीए एकमेक्कवाराए तेत्तीसं तेत्तीसं भोमा पन्नत्ता २ । महाविदेहे णं
 वासे तेत्तीसं जोयणसहस्साइं सागरेगाइं विवखंभेणं पन्नत्ता ३ । जया णं
 सूरिए बाहिराणंतंरं तच्चं मंडलं उवसकमित्ता णं चारं चरइ तथा णं इहग-
 यस्स पुरिसस्स तेत्तीसाए जोयणसहस्सेहिं किंचिविसेसूणेहिं चवखुप्फासं
 हव्वमागच्छइ ४ । इमीसे णं रयणप्पभाए पुढवीए अथेगइयाणं नेरयाणं
 तेत्तीसं पलिओवमाइं ठिई पन्नत्ता ५ । अहेसत्तमाए पुढवीए कालमहाकाल-
 रोरुयमहारोरुएसु नेरइयाणं उक्कोसेणं तेत्तीसं सागरोवमाइं ठिई पन्नत्ता ६ ।
 अण्णइट्ठाणनरए नेरइयाणं अजहराणमण्णकोसेणं तेत्तीसं सागरोवमाइं ठिई

पन्नत्ता ७ । असुरकुमाराणां अत्येगइयाणां देवाणां तेत्तीसं पलिओवमाइं ठिई
 पन्नत्ता ८ । सोहम्मीसाणेसु अत्येगइयाणां देवाणां तेत्तीसं पलिओवमाइं ठिई
 पन्नत्ता ९ । विजयवेजयंतजयंतअपराजिएसु विमाणेसु उकोसेणां तेत्तीसं
 सागरोवमाइं ठिई पन्नत्ता १० । जे देवा सब्वट्टसिद्धे महाविमाणो देवत्ताए
 उववराणां तेसि णं देवाणां अजहराणमणुकोसेणां तेत्तीसं सागरोवमाइं ठिई
 पन्नत्ता, ते णं देवा तेत्तीसाए अद्धमासेहिं आणमंति वा पाणमंति वा उस्स-
 संति वा निस्ससंति वा, तेसि णं देवाणां तेत्तीसाए वाससहस्सेहिं आहारट्ठे
 समुप्पज्जइ, संतेगइया भवसिद्धिया जीवा जे तेत्तीसं भवग्गहणेहिं सिज्झि-
 स्संति बुज्झिस्संति मुच्चिस्संति सब्वदुक्खाणमंतं करिस्संति ११ ॥ सूत्रं ३३ ॥
 चोत्तीसं बुद्धाइसेसा पन्नत्ता, तंजहा—अवट्टिए केसमंसुरोमनहे १ निरामया
 निरुवलेवा गायलट्ठी १ गोकखीरपंडुरे मंससोणिए ३ पउमुप्पलगंधिए
 उस्सासनिस्सासे ४ पच्छन्ने आहारनीहारे अदिस्से मंसचक्खुणा ५ आगा-
 सगयं चक्कं ६ आगासगयं छत्तं ७ आगासगयाओ सेयवरचामराओ ८
 आगासफालिआमयं सपायपीढं सीहासणां ९ आगासगओ कुडभीसहस्स-
 परिमंडिआभिरामो इंदज्झओ पुरओ गच्छइ १० जत्थ जत्थवि य णं
 अरहंता भगवंतो चिट्ठंति वा निसियंति या तत्थ तत्थवि य णं जक्खा
 देवा तक्खणादेव संछन्नपत्तपुप्फपल्लवसमाउलो सच्छत्तो सज्झओ सघंटो
 सपढागो असोगवरपायवो अभिसंजायइ ११ ईसिं पिट्ठओ मउडठाणांमि
 तेयमंडलं अभिसंजायइ अंधकारेऽवि य णं दस दिसाओ पभासेइ १२ बहु-
 समरमणिज्जे भूमिभागे १३ अहोसिरा कंटया जायंति १४ उऊविवरीया
 सुहफासा भवंति १५ सीयलेणां सुहफासेणां सुरभिणा मारुणां जोयणापरि-
 मंडलं सब्वओ समंता संपमज्जिज्जइ १६ जुत्तफुसिएणां मेहेणा य निहयरय-
 रेणूयं किज्जइ १७ जलथलयभासुरपभूतेणां विट्ठ्ठाइणा दसद्धवराणेणां
 कुसुमेणां जाणुस्सेहप्पमाणमित्ते पुप्फोवयारे किज्जइ १८ अमणुराणां

सहफरिसरसरुवगंधाणं अवंकरिसो भवइ १९ मणुराणाणं सहफरिसरसरु-
वगंधाणं पाउवभावो भवइ २० पचाहरओवि य णं हिययगमणीओ
जोयणीहारी सरो २१ भगवं च णं अद्धमागहीए भासाए धम्ममाइ-
क्खइ २२ सावि य णं अद्धमागही भासा भासिज्जमाणी तेसि सव्वेसि
आरियमणारियाणं दुप्पयचउप्पयमियपसुपक्खिसरीसिवाणं अप्पणो हिय-
सिवसुहयभासत्ताए परिणमइ २३ पुव्वबद्धवेरावि य णं देवासुरनागसुव-
राण-जक्खरक्खम-किंनरकिपुरिस-गरुत्तगंधव्व-महोरगा अरहओ पायमूले
पसंतचित्तमाणसा धम्मं निसामंति २४ अण्णउत्थियपावयणियावि य
णमागया वंदंति २५ आगथा समाणा अरहओ पायमूले निप्पलिवयणा
हवंति २६ जओ जओवि य णं अरहंतो भगवंतो विहरंति तओ
तओवि य णं जोयणपणवीसाएणं ईती न भवइ २७ मारी न भवइ
२८ सचक्कं न भवइ २९ परचक्कं न भवइ ३० अइवुट्ठी न भवइ ३१
अणावुट्ठी न भवइ ३२ दुब्भिकखं न भवइ ३३ पुव्वुप्पराणावि य णं
उप्पाइया वाही खिप्पामेव उवसमंति ३४, १ । जंबुदीवे णं दीवे चउ-
त्तीसं चक्रवट्टिविजया पन्नत्ता, तंजहा-बत्तीसं महाविदेहे दो भरहे एरवए
२ । जंबुदीवे णं दीवे चोत्तीसं दीहवेयट्ठा पन्नत्ता ३ । जंबुदीवे णं दीवे
उक्कोसपए चोत्तीसं तिथंकरा समुप्पज्जंति ४ । चमरस्स णं असुरिंदस्स
असुरकुमारराणो चोत्तीसं भवणावाससयसहस्सा पन्नत्ता, पटमपंचमळट्ठीसत्त-
मासु चउसु पुढवीसु चोत्तीसं निरयावाससयसहस्सा पन्नत्ता ५ ॥ सूत्रं ३४ ॥
पणातीसं सचवयणाइसेसा पन्नत्ता १ । कुंथु णं अरहा पणातीसं धण्णइं उट्ठं
उच्चतेणं होत्था, दत्ते णं वासुदेवे पणातीसं धण्णइं उट्ठं उच्चतेणं होत्था २ ।
नंदणे णं बलदेवे पणातीसं धण्णइं उट्ठं उच्चतेणं होत्था ३ । सोहम्मे कप्पे
सुहम्माए सभाए माणावए चेइयवखंभे हेट्ठा उवरिं च अद्धतेरस अद्धतेरस
जोयणाणि वज्जेत्ता मज्जे पणातीस जोयणेसु वइरामएसु गोलवट्टसमुग्गएसु

जिणसकहाओ पन्नत्ताओ ४ । वित्तिचउत्थीसु दोसु पुढवीसु पण्णीसं
निरयावाससयसहस्सा पन्नत्ता ५ ॥ सूत्रं ३५ ॥ छत्तीसं उत्तरज्झयणा
पन्नत्ता, तंजहा-विणयसुयं १ परीसहो २ चाउरंगिज्जं ३ असंखयं ४
अकाममरणिज्जं ५ पुरिसविज्जा ६ उरब्भिज्जं ७ काविलियं ८ नमि-
पव्वज्जा ९ दुमपत्तयं १० बहुसूयपूजा ११ हरिएसिज्जं १२ चित्तसंभूयं
१३ उसुयारिज्जं १४ सभिक्षुगं १५ समाहिठाणाइं १६ पावसमणिज्जं
१७ संजइज्जं १८ मियचारिया १९ अणाहपव्वज्जा २० समुद्दपालिज्जं
२१ रहनेमिज्जं २२ गोयमकेसिज्जं २३ समितीओ २४ जन्नतिज्जं
२५ सामायारी २६ खलुंकिज्जं २७ मोवखमग्गगई २८ अप्पमाओ
२९ तवोमग्गो ३० चरणविही ३१ पमायठाणाइं ३२ कम्मपयडी ३३
लेसज्झयणां ३४ अणगारमग्गे ३५ जीवाजीवविभत्ती य ३६, १ । चमरस्स
णं असुरिंदस्स असुरकुमाररगणो सभा सुहम्मा छत्तीसं जोयणाइं उट्ठं
उच्चत्तेणं होत्था २ । समणस्स णं भगवओ महावीरस्स छत्तीसं अज्जाणं
साहस्सीओ होत्था ३ । चेत्तासोएसु णं मासेसु सइ छत्तीसंगुलियं सूरिए
पोरिसीछायं निव्वत्तइ ४ ॥ सूत्रं ३६ ॥ कुंथुस्स णं अरहओ सत्ततीसं
गणा सत्ततीसं गणहरा होत्था १ । हेमवयहेरणवयाओ णं जीवाओ
सत्ततीसं जोयणसहस्साइं छच्च चउसत्तरे जोयणसए सोलसयएगूणवीसइभाए
जोयणस्स किंचिविसेसूणाओ आयामेणं पन्नत्ताओ २ । सव्वासु णं विजय-
वेजयंतजयंतअपराजियासु रायहाणीसु पागारा सत्तीतसं सत्ततीसं जोयणाइं उट्ठं
उच्चत्तेणं पन्नत्ता ३ । खुड्डियाए णं विमाणपविभत्तीए पढमे वग्गे सत्ततीसं
उद्देसणकाला पन्नत्ता ४ । कत्तियबहुलसत्तमीए णं सूरिए सत्ततीसंगुलियं
पोरिसीछायं निव्वत्तइत्ता णं चारं चरइ ५ ॥ सूत्रं ३७ ॥ पासस्स णं
अरहओ पुरिसादाणीयस्स अट्ठतीसं अज्जिआसाहस्सीओ उक्कोसिया
अज्जियासंपया होत्था १ । हेमवयएरणवईयाणं जीवाणं धणूपिट्ठे अट्ठतीसं

जोयणासहस्साइं सत्त य चत्ताले जोयणासए दस एगूणावीसइभागे जोयणास्स किंचिविसेसूणे परिक्खेवेणं पन्नत्ते २ । अत्थस्स णं पव्वयरगणो वित्तिए कंडे अट्ठतीसं तेवट्ठिं जोयणासहस्साइं उट्ठं उच्चत्तेणं होत्था ३ । खुड्डियाए णं विमाणपविभत्तीए वित्तिए वग्गे अट्ठतीसं उद्देसणाकाला पन्नत्ता ४ ॥ सूत्रं ३८ ॥ नमिस्स णं अरहत्थो एगूणाचत्तालीसं आहोहियसया होत्था १ । समयखेत्ते एगूणाचत्तालीसं कुलपव्वया पन्नत्ता, तंजहा—तीसं वासहरा पंच मदरा चत्तारि उसुकारा, दोच्चउत्थपंचमछट्ठसत्तमासु णं पंचसु पुढ्वीसु एगूणाचत्तालीसं निरयावाससयसहस्सा पन्नत्ता २ । नाणावरणिज्जस्स मोहणिज्जस्स गोत्तस्स आउयस्स एयासि णं चउराहं कम्मपगडीणं एगूणाचत्तालीसं उत्तरपगडीत्थो पन्नत्तात्थो ३ ॥ सूत्रं ३९ ॥ अरहत्थो णं अरिट्ठनेमिस्स चत्तालीसं अज्जियासाहस्सीत्थो होत्था १ । मंदरचूलियाणं चत्तालीसं जोयणाइं उट्ठं उच्चत्तेणं पन्नत्तं २ । संती अरहा चत्तालीसं धणाइं उट्ठं उच्चत्तेणं होत्था ३ । भूयाणांदस्स णं नागकुमारस्स नागरन्नो चत्तालीसं भवणावाससयसहस्सा पन्नत्ता ४ । खुड्डियाए णं विमाणपविभत्तीए तइए वग्गे चत्तालीसं उद्देसणाकाला पन्नत्ता ५ । फग्गुणपुराणमासिणीए णं सूरिए चत्तालीसंगुलियं पोरिसीद्धायं निव्वट्ठइत्ता णं चारं चरइ, एवं कत्तियाएऽवि पुणिणमाए ६ । महासुक्के कप्पे चत्तालीसं विमाणावाससहस्सा पन्नत्ता ७ ॥ सूत्रं ४० ॥

नमिस्स णं अरहत्थो एकचत्तालीसं अज्जियासाहस्सीत्थो होत्था १ । चउसु पुढ्वीसु एकचत्तालीसं निरयावाससयसहस्सा पन्नत्ता, तंजहा—रयणाप्पभाए पंकप्पभाए तमाए तमतमाए २ । महालियाए णं विमाणपविभत्तीए पढ्मे वग्गे एकचत्तालीसं उद्देसणाकाला पन्नत्ता ३ ॥ सूत्रं ४१ ॥ समणे भगवं महावीरे वायालीसं वासाइं साहियाइं सामराणपरियागं पाउणित्ता सिद्धे जाव सब्बदुक्खप्पहीणे १ । जंबुद्वीवस्स णं दीवस्स

पुरच्छिमिल्लोचो चरमंताओ गोथूभस्स णं आवासपव्वयस्स पच्चच्छिमिल्ले
चरमंते एस णं बायालीसं जोयणसहस्साइं अवाहाते अंतरे पन्नत्ते एवं
चउद्दिसिंपि दओभासे संखे दयसीमे य २ । कालोए णं समुद्दे बायालीसं
चंदा जोइंसु वा जोइंति वा जोइस्संति वा ३ । बायालीसं सूरिया पभा-
सिंसु वा (३), ४ । संमुच्छिमभुयपरिसप्पाणं उक्कोसेणं बायालीसं वाससह-
व्वास्साइं ठिई पन्नत्ता ५ । नामकम्मे बायालीसविहे पन्नत्ते, तंजहा-गइनामे
जाइनामे सरीरनामे सरीरंगोवंगनामे सरीरबंधणनामे सरीरसंधायणनामे
संधयणनामे संठाणनामे वराणनामे गंधनामे रसनामे फासनामे अगुरुलहु-
यनामे उवघायनामे पराघायनामे आणुपुब्बीनामे उस्सासनामे आयव-
नामे उज्जोयनामे विहगगइनामे तसनामे थावरनामे सुहुमनामे बायरनामे
पज्जत्तनामे अपज्जत्तनामे साहारणसरीरनामे पत्तेयसरीरनामे थिरनामे
अथिरनामे सुभनामे असुभनामे सुभगनामे दुब्भगनामे सुसरनामे दुस्सरनामे
आएज्जनामे अणाएज्जनामे जसोकित्तिनामे अजसोकित्तिनामे निग्माणनामे
तित्थकरनामे ५ । लवणे णं समुद्दे बायालीसं नागसाहस्सीओ अविंभतरियं
वेलं धारंति ६ । महालियाए णं विमाणपविभत्तीए वित्तिए वग्गे बायालीसं
उद्देसणकाला पन्नत्ता ७ । एगमेगाए ओसप्पिणीए पंचमच्छट्ठीओ समाओ
बायालीसं वाससहस्साइं कालेणं पन्नत्ताओ ८ । एगमेगाए उस्सप्पिणीए पढमबी-
याओ समाओ बायालीसं वाससहस्साइं कालेणं पन्नत्ताओ ९ ॥ सूत्रं ४२ ॥
तेयालीसं कम्मविवागज्झयणा पन्नत्ता १ । पढमचउत्थपंचमासु पुढवीसु
तेयालीसं निरयावाससयसहस्सा पन्नत्ता २ । जंबुद्दीवस्स णं दीवस्स पुरच्छि-
मिल्लोचो चरमंताओ गोथूभस्स णं आवासपव्वयस्स पुरच्छिमिल्ले चरमंते
एस णं तेयालीसं जोयणसहस्साइं अवाहाए अंतरे पन्नत्ते ३ । एवं चउद्दि-
सिंपि दगभागे(से) संखे दयसीमे ४ । महालियाए णं विमाणपविभत्तीए तइये
वग्गे तेयालीसं उद्देसणकाला पन्नत्ता ५ ॥ सूत्रं ४३ ॥ तेयालीसं अज्झ-

यणा इसिभासिया दियलोगचुयाभासिया (देवलोयचुयाणं इसीणं चोयालीसं इसिभासियज्जसयणा) पन्नत्ता १ विमलस्स णं अरहओ णं चउआलीसं पुरिस-
जुगाइं अणुपिट्ठिं (अणुबंधेण) सिद्धाइं जावप्पहीणाइं २ । धरणास्स णं
नागिंदस्स नागरणाओ चोयालीसं भवणावाससयसहस्सा पन्नत्ता ३ । महा-
लियाए णं विमाणपविभत्तीए चउत्थे वग्गे चोयालीसं उद्देसणकाला पन्नत्ता
४ ॥ सूत्रं ४४ ॥ समयखेत्ते णं पणयालीसं जोयणसयसहस्साइं आयाम-
विकखंभेणं पन्नत्ते १ । सीमंतए णं नरए पणयालीसं जोयणसयसहस्साइं
आयामविकखंभेणं पन्नत्ते २ । एवं उडुविमाणोऽवि ३ । ईसिपवभारा णं पुट्ठी
एवं चेव ४ । धम्मए णं अरहा पणयालीसं धणूइं उड्डं उच्चत्तेणं होत्था ५ ।
मंदरस्स णं पव्वयस्स चउदिसिंपि पणयालीसं (२) जोयणसहस्साइं अवाहाए
अंतरे पन्नत्ते ६ । सव्वेऽवि णं दिवड्डखेत्तिया नक्खत्ता पणयालीसं मुहुत्ते
चंदेण सद्धिं जोगं जोइंसु वा जोइंति वा जोइस्संति वा—तिन्नेव उत्तराइं
पुणव्वसू रोहिणी विसाहा य । एए छ नक्खत्ता पणयालमुहुत्तसंजोगा ॥१॥
७ । महालियाए णं विमाणपविभत्तीए पंचमे वग्गे पणयालीसं उद्देसण-
काला पन्नत्ता ८ ॥ सूत्रं ४५ ॥

दिट्ठिवायस्स णं छायालीसं माउयापया पन्नत्ता १ । बंभीए णं लिवीए
छायालीसं माउयक्खरा पन्नत्ता २ । पभंजणास्स णं वाउकुमारिंदस्स छाया-
लीसं भवणावाससयसहस्सा पन्नत्ता ३ ॥ सूत्रं ४६ ॥ जया णं सूरिए सव्व-
ब्भितरमंडलं उवसङ्कमित्ता णं चारं चरइ तया णं इहगयस्स मणूसस्स सत्त-
चत्तालीसं जोयणसहस्सेहिं दोहि य तेवट्ठेहि जोयणसएहिं एकवीसाए य
सट्ठिभागेहिं जोयणस्स सूरिए चक्खुफासं हव्वमागच्छइ १ । थेरे णं
अग्गिभूई सत्तचालीसं वासाइं अगारमज्जे वसित्ता मुंडे भवित्ता अगाराओ
अणुगारियं पव्वइए २ ॥ सूत्रं ४७ ॥ एगमेगस्स णं रत्तो चाउरंतक्कव-
ट्ठिस्स अडयालीसं पट्टणसहस्सा पन्नत्ता १ । धम्मस्स णं अरहओ अडया-

लीसं गणा अडयालीसं गणाहरा होत्था २ । सूरमंडले गां अडयालीसं
 एकसट्टिभागे जोयणास्स विक्खंभेणां पन्नत्ते ३ ॥ सूत्रं ४८ ॥ सत्त सत्तमि-
 याए गां भिक्खुपडिमाए एगूणापन्नाए राइंदिएहिं छन्नउइभिक्षासएणां अहा-
 सुत्तं जाव आराहिया यावि भवइ १ । देवकुरुउत्तरकुरुएसु गां मणुया
 एगूणापन्ना राइंदिएहिं संपन्नजोव्वणा भवंति २ । तेइंदियाणां उक्कोसेणां
 एगूणापन्ना राइंदिया ठिई पन्नत्ता ३ ॥ सूत्रं ४९ ॥ मुणिसुव्वयस्स गां अर-
 हत्थो पंचासं अज्जियासाहस्सीत्थो होत्था १ । अणांते गां अरहा पन्नासं धणूइं
 उट्ठं उच्चत्तेणां होत्था २ । पुरिसुत्तमे गां वासुदेवे पन्नासं धणूइं उट्ठं उच्चत्तेणां
 होत्था ३ । सव्वेऽवि गां दीहवेदट्ठा मूले पन्नासं (२) जोयणाणि विक्खंभेणां
 पन्नत्ता ४ । लंतए कप्पे पन्नासं विमाणावाससहरसा पन्नत्ता ५ । सव्वात्थो गां
 तिमिस्सगुहाखंडगप्पवायगुहात्थो पन्नासं (२) जोयणाइं आयामेणां पन्नत्तात्थो
 ६ । सव्वेवि गां कंचणागपव्वया सिहरतले पन्नासं (२) जोयणाइं विक्खंभेणां
 पन्नत्ता ७ ॥ सूत्रं ५० ॥

नवरहं वंभचेराणां एकावन्नं उद्देसणाकाला पन्नत्ता १ । चमरस्स गां
 असुरिंदस्स असुरकुमाररत्तो सभा सुधग्मा एकावन्नखंभसयसंनिविट्ठा
 पन्नत्ता २ । एवं चेव बलिस्सवि ३ । सुप्पमे गां बलदेवे एकावन्नं वाससय-
 सहस्साइं परमाउं पालइत्ता सिद्धे बुद्धे जाव सव्वदुवखप्पहीणो ४ । दंसणा-
 वरणनामाणां दोरहं कम्माणां एकावन्नं उत्तरकम्मपगडीत्थो पन्नत्ता ५
 ॥ सूत्रं ५१ ॥ मोहणिज्जरस गां कम्मस्स वावन्नं नामधेज्जा पन्नत्ता, तंजहा-
 कोहे कोवे रोसे दोसे अखमा संजलगो कलहे चंडिकके भंडगो विवाए १०
 माणो मदे दप्पे थंभे अत्तुक्कोसे गव्वे परपरिवाए अक्कोसे अवक्कोसे
 (परिभवे) उन्नए २० उन्नमे माया उवही नियडी वलए गहणो गामे
 कक्के कुरुए दंभे ३० कूडे जिम्हे किब्बिसे अणायरणया गूहणया वंचणया
 पलिकुंचणया सातिजोगे लोभे इच्छा ४० मुच्छा कंखा गेही तिराहा

भिजा अभिजा कामासा भोगासा जीवियासा मरणासा ५० नन्दी
 रागे ५२, १ । गोथूमस्स णं आवासपव्वयस्स पुरच्छिमिल्लाओ चरमंताओ
 वलयामुहस्स महापायालस्स पच्चच्छिमिल्ले चरमंते एस णं बावन्नं जोयणसह-
 स्साइं अवाहाए अंतरे पन्नत्ते २ । एवं दग्गमासस्स णं केउगस्स संखस्स
 जूयगस्स दग्गसीमस्स ईसरस्स ३ । नाणावरणिज्जस्स नामस्स अंतरायस्स
 एतेसि णं तिग्गहं कम्मपगडीणं बावन्नं उत्तगपयडीओ पन्नत्ताओ ४ । सोहम्म-
 सणंकुमारमाहिंदेसु तिसु कप्पेसु बावन्नं विमाणवाससयसहस्सा पन्नत्ता ५
 ॥सूत्रं ५२॥ देवकुरुउत्तरकुर्याओ णं जीवाओ तेवन्नं (२) जोयणसहस्साइं
 साइरेगाइं आयामेणं पन्नत्ताओ १ । महाहिमवंतरुणीणं वासहरपव्वयाणं
 जीवाओ तेवन्नं तेवन्नं जोयणसहस्साइ नव य एगतीसे जोयणसए
 छच्च एगूणवीसइमाए जोयणस्स आयामेणं पन्नत्ताओ २ । समणस्स णं
 भगवओ महावीस्स तेवन्नं अणगारा संवच्छरपरियाया पंचसु अणुत्तरेसु
 महइमहालएसु महाविमाणेसु देवत्ताए उववन्ना ३ । संमुच्छिमउरपरिसप्पाणं
 उक्कोसेणं तेवन्नं वाससहस्सा ठिई पन्नत्ता ४ ॥ सूत्रं ५३ ॥ भरहेस्वएसु णं
 वासेसु एगमेगाए उस्सप्पिणीए ओसप्पिणीए चउवन्नं (२) उत्तमपुरिसा
 उप्पज्जिसु वा (३), तंजहा-चउवीसं तित्थकरा बारस चक्कवट्ठी नव बलदेवा
 नव वासुदेवा १ । अरहा णं अरिट्ठिनेमी चउवन्नं राइंदियाइं छउमत्थ-
 परियायं पाउणित्ता जिणे जाए केवली सव्वन्नू सव्वभावदरिसी २ ।
 समणे भगवं महावीरे एगद्विसेणं एगनिसिज्जाए चउप्पन्नाइं वागरणाइं वाग-
 रित्था ३ । अणंतस्स णं अरहओ चउपन्नं गणहरा होत्था ४ ॥ सूत्रं ५४ ॥
 मल्लिस्स णं अरहओ पणपन्नं वाससहस्साइं परमाउं पालइत्ता सिद्धे बुद्धे
 जावप्पहीणे १ । मंदरस्स णं पव्वयस्स पच्चच्छिमिल्लाओ चरमंताओ विजयदारस्स
 पच्चच्छिमिल्ले चरमंते एस णं पणपन्नं जोयणसहस्साइं अवाहाए अंतरे पन्नत्ते
 २ । एवं चउद्विसिंपि वेजयंतजयंतअपराजियंति ३ । समणे भगवं महावीरे

अंतिमराइयंसि पणपन्नं अज्भयणां कल्लाणफलविवागां पणपन्नं अज्भ-
यणां पावफलविवागां वागरित्ता सिद्धे बुद्धे जावप्पहीणे ४ । पढमविइयासु
दोसु पुढवीसु पणपन्नं निरयावाससयसहस्सा पन्नत्ता ५ । दंसणावरणिज्ज-
नामाउयाणं तिरहं कम्मपगडीणं पणपन्नं उत्तरपगडीओ पन्नत्ताओ ६
॥ सूत्रं ५५ ॥

जंबुदीवे णं दीवे छप्पन्नं नक्खत्ता चंदेण सद्धिं जोगं जोइंसु वा (३),
१ । विमलस्स णं अरहओ छप्पन्नं गणा छप्पन्नं गणहरा होत्था २
॥ सूत्रं ५६ ॥ तिरहं गणिपिडगाणं आयारचूलियावज्जाण सत्तावन्नं
अज्भयणा पन्नत्ता, तंजहा-आयारे सूयगडे ठाणे १ । गोथुभस्स णं
आवासपव्वयस्स पुरच्छिमिल्लाओ चरमंताओ वलयामुहस्स महापायालस्स
बहुमज्भदेसभाए एस णं सत्तावन्नं जोयणसहस्सां अवाहाए अंतरे पन्नत्ते २ ।
एवं दगभासस्स केउयस्स य संखस्स य जूयस्स य दयसीमस्स ईसरस्स य ३ ।
मल्लिस्स णं अरहओ सत्तावन्नं मणपज्जवनाणिसया होत्था ४ । महाहिमवंत-
रूपीणं वासहरपव्वयाणं जीवाणं धणुपिट्ठं सत्तावन्नं (२) जोयणसहस्सां दोन्नि
य तेणउए जोयणसए दस य एगूणवीसइभाए जोयणस्स परिवेवेणं पन्नत्तं
५ ॥ सूत्रं ५७ ॥ पढमदोच्चपंचमासु तिसु पुढवीसु अट्ठावन्नं निरयावाससय-
सहस्सा पन्नत्ता १ । नाणावरणिज्जस्स वेयणियआउयनामअंतराइयस्स एएसि
णं पंचराहं कम्मपगडीणं अट्ठावन्नं उत्तरपगडीओ पन्नत्ताओ २ । गोथुभस्स
णं आवासपव्वयस्स पच्चच्छिमिल्लाओ चरमंताओ वलयामुहस्स महापायालस्स
बहुमज्भदेसभाए एस णं अट्ठावन्नं जोयणसहस्सां अवाहाए अंतरे पन्नत्ते
३ । एवं चउदिसिं पि नेयव्वं ४ ॥ सूत्रं ५८ ॥ चंदस्स णं संवच्छरस्स
एगमेगे उऊ एगूणसट्ठिं राइंदियाइं राइंदियग्गेणं पन्नत्ता १ । संभवे णं
अरहा एगूणसट्ठिं पुव्वसयसहस्सां आगारमज्जे वसित्ता मुंडे जाव
पव्वइए २ । मल्लिस्स णं अरहओ एगूणसट्ठिं ओहिनाणिसया

होत्था ३ ॥ सूत्रं ५१ ॥ एगमेगे गां मंडले सूरिए सट्टिए सट्टिए मुहुत्तेहिं
 संघाइए १ । लवणस्स गां समुहस्स सट्टिं नागसाहस्सीओ अग्गोदयं
 धारंति २ । विमले गां अरहा सट्टिं धण्डं उड्डं उच्चतेगां होत्था ३ ।
 बलिस्स गां वड्ढोयणिंदस्स सट्टिं सामाणियसाहस्सीओ पन्नत्ताओ ४ ।
 बंभस्स गां देविंदस्स देवरत्तो सट्टिं सामाणियेसाहस्सीओ पन्नत्ताओ ५ ।
 सोहम्मीसाणेसु दोसु कप्पेसु सट्टिं विमाणावाससयसहस्सा पन्नत्ता ६
 ॥ सूत्रं ६० ॥

पंचसंवच्छरियस्स गां जुगस्स रिउमासेगां मिज्जमाणस्स इगसट्टि
 उऊमासा पन्नत्ता १ । मंदरस्स गां पव्वयस्स पढमे कंडे एगसट्टिजोयणा-
 सहस्साइं उड्डं उच्चतेगां पन्नत्ते २ । चंदमंडलेगां एगसट्टिविभागविभाइए समंसे
 पन्नत्ते ३ । एवं सूरस्सवि ४ ॥ सूत्रं ६१ ॥ पंचसंवच्छरिए गां जुगे
 बासट्टिं पुन्निमाओ वावट्टिं अमावसाओ पन्नत्ताओ २ । वासुपुज्जस्स गां
 अरहओ बासट्टिं गणा वासट्टिं गणाहरा होत्था २ । सुक्कपवखस्स गां चंदे
 बासट्टिं भागे दिवसे दिवसे परिवड्डइ ३ । ते चेव बहुलपक्खे दिवसे दिवसे
 परिहायइ ४ । सोहम्मीसाणेसु कप्पेसु पढमे पत्थडे पढमावलियाए
 (पढमावलिया) एगमेगाए दिसाए बासट्टिं विमाणा पन्नत्ता ५ । सव्वे
 वेमाणियाणां बासट्टिं विमाणपत्थडा पत्थडग्गेगां पन्नत्ता ६ ॥ सूत्रं ६२ ॥
 उसभे गां अरहा कोसलिए तेसट्टिं पुव्वसयसहस्साइं महारायमज्जे वसित्ता
 मुंडे भवित्ता आगाराओ अणगारियं पव्वइए १ । हरिवासरम्मयवासेसु
 मणुस्सा तेवट्टिए राइंदिएहिं संपत्तजोव्वणा भवंति २ । निसडे गां पव्वए
 तेवट्टिं सूरुदया पन्नत्ता ३ । एवं नीलवंतेति ४ ॥ सूत्रं ६३ ॥ अट्टट्टमिया
 भिक्खुपडिमा चउसट्टीए राइंदिएहिं दोहि य अट्टासीएहिं भिक्खासएहिं
 अहासुत्तं जाव भवइ १ । चउसट्टिं असुरकुमारावाससयसहस्सा पन्नत्ता २ ।
 चमरस्स गां रत्तो चउसट्टिं सामाणियसाहस्सीओ पन्नत्ताओ ३ । सव्वेऽपि गां

दधिमुहा पव्या (पल्लग)(पल्ला)संठाणसंठिया सवत्थ समा विक्खंभे णं
(विक्खंभुस्सेहेणां) चउसट्ठिं जोयणसहस्साइं पन्नत्ता ४ । सोहम्मीसाणेसु बंभ-
लोए य तिसु कप्पेसु चउसट्ठिं विमाणावाससयसहस्सा पन्नत्ता ५ । सव्वस्सवि
य णं रन्नो चाउरन्तवक्कवट्ठिस्स चउसट्ठिलट्ठीए महग्घे मुत्तामणिहारे पन्नत्ते ६
॥ सूत्रं ६४ ॥ जंबुदीवे णं दीवे पणसट्ठिं सूरमंडला पन्नत्ता १ । थेरे णं
मोरियपुत्ते पणसट्ठिवासाइं अगारमज्जे वसित्ता मुंडे भवित्ता अगाराओ
अणगारियं पव्वइए २ । सोहम्मवडिसयस्स णं विमाणास्स एगमेगाए बाहाए
पणसट्ठिं पणसट्ठिं भोमा पन्नत्ता ३ ॥ सूत्रं ६५ ॥

दाहिणड्ढमाणस्सखेत्ताणं छावट्ठिं चंदा पभासिंसु वा(३) छावट्ठिं
सूरिया तविंसु वा (३) १ । उत्तरड्ढमाणस्सखेत्ताणं छावट्ठिं चंदा पभासिंसु
वा (३) छावट्ठिं सूरिया तविंसु वा (३) २ । सेज्जंसस्स णं अरहओ
छावट्ठिं गणा छावट्ठिं गणहरा होत्था ३ । आभिणिबोहियणास्स णं
उकोसेणं छावट्ठिं सागरोवमाइं ठिई पन्नत्ता ४ ॥ सूत्रं ६६ ॥ पञ्चसंवच्छ-
रियस्स णं जुगस्स नक्खत्तमासेणं मिज्जमाणस्स सत्तसट्ठिं नक्खत्तमासा पन्नत्ता
१ । हेमवयएरन्नवयाओ णं बाहाओ सत्तट्ठिं सत्तट्ठिं जोयणसयाइं पणपन्नाइं
तिणिण य भागा जोयणस्स आयामेणं पन्नत्ताओ २ । मंदरस्स णं पव्वयस्स
पुरच्छिमिल्लाओ चरमंताओ गोयमदीवस्स पुरच्छिमिल्ले चरमंते एस णं
सत्तसट्ठिं जोयणसहस्साइं अबाहाए अंतरे पन्नत्ते ३ । सव्वेसिंपि णं नक्खत्ताणं
सीमाविक्खंभेणं सत्तट्ठिं भागं भइए समंसे पन्नत्ते ४ ॥ सूत्रं ६७ ॥ धायइ-
संडे णं दीवे अडसट्ठिं चक्कवट्ठिविजया अडसट्ठिं रायहाणीओ पन्नत्ताओ १ ।
उकोसपए अडसट्ठिं अरहंता समुप्पजिंसु वा (३) एवं चक्कवट्ठी बलदेवा
वासुदेवा २ । पुक्खरवरदीवट्ठे णं अडसट्ठिं विजया एवं चेव जाव वासुदेवा
३ । विमलस्स णं अरहओ अडसट्ठिं समणसाहस्सीओ उकोसिया समण-
संपया होत्था ४ ॥ सूत्रं ६८ ॥ समयखित्ते णं मंदरवज्जा एगूणसत्तरिं वासा

वासधरपव्वया पन्नत्ता, तंजहा-पणातीसं वासा तीसं वासहरा चत्तारि उसुयारा
 १ । मंदरस्स पव्वयस्स पच्चच्छिमिल्लाओ चरमंताओ गोयमहीवस्स पच्चच्छि-
 मिल्ले चरमंते एस गां एगूणासत्तरिं जोयणासहस्साइं अवाहाए अंतरे पन्नत्ते
 २ । मोहणिज्जवजाणां सत्तरहं कम्मपगडीणां एगूणासत्तरिं उत्तरपगडीओ
 पन्नत्ताओ ३ ॥ सूत्रं ६६ ॥ समणो भगवं महावीरे वांसाणां सवीसइराए
 मासे वड्ढकंते सत्तरिएहिं राइंदिएहिं सेसेहिं वासावासं पज्जोसवेइ १ । पासे
 गां अरहा पुरिसादाणीए सत्तरिं वासाइं बहुपडिपुन्नाइं सामन्नपरियागं पाउ-
 णित्ता सिद्धे बुद्धे जावप्पहीणो २ । वासुपुज्जे गां अरहा सत्तरिं धणाइं उट्ठं
 उच्चत्तेणां होत्था ३ । मोहणिज्जस्स गां कम्मस्स सत्तरिं सागरोवमकोडाकोडीओ
 अवाहूणिया कम्मट्ठिइं कम्मनिसेगे पन्नत्ते ४ । माहिंदस्स गां देविंदस्स
 देवरत्तो सत्तरिं सामाणियसाहस्सीओ पन्नत्ताओ ५ ॥ सूत्रं ७० ॥

चउत्थस्स गां चंदसंवच्छरस्स हेमंताणां एकसत्तरीए राइंदिएहिं वीड्ढकं-
 तेहिं सव्ववाहिराओ मंडलाओ सूरिए आउट्ठिं करेइ १ । वीरियप्पवायस्स
 गां पुव्वस्स एकसत्तरिं पाहुडा पन्नत्ता २ । अजिते गां अरहा एकसत्तरिं
 पुव्वसयसहस्साइं अगारमज्जे वसित्ता मुंडे भवित्ता जाव पव्वइए ३ । एवं
 सगरोऽपि राया चाउरंतचक्कवट्ठी एकसत्तरि पुव्व जाव पव्वइएत्ति ४
 ॥ सूत्रं ७१ ॥ वावत्तरिं सुवन्नकुमारावाससयसहस्सा पन्नत्ता १ । लवणास्स
 समुइस्स वावत्तरि नागसाहस्सीओ बाहिरियं वेत्तं धारंति २ । समणो भगवं
 महावीरे वावत्तरि वासाइं सव्वाउयं पालइत्ता सिद्धे बुद्धे जावप्पहीणो ३ ।
 थेरे गां अचलभाया वावत्तरिं वासाइं सव्वाउयं पालइत्ता सिद्धे जावप्पहीणो
 ४ । अन्निमतरपुक्खरद्धे गां वावत्तरि चंदा पभासिंसु (३) वावत्तरिं सूरिया
 तविंसु वा (३) ५ । एगमेगस्स गां रत्तो चाउरंतचक्कवट्ठिस्स वावत्तरिपुरवर-
 साहस्सीओ पन्नत्ताओ ६ । वावत्तरि कलाओ पन्नत्ताओ, तंजहा-लेहं १
 गणियं २ रुवं ३ नट्टं ४ गीयं ५ वाइयं ६ सरगयं ७ पुक्खरगयं ८ सम-

तालं १ जूयं १० जणवायं ११ पोक्ख(रेव)च्चं १२ अट्ठावयं १३ दगमट्टियं
 १४ अन्नविहीं १५ पाणविहीं १६ वत्थविहीं १७ सयणविहीं १८ अज्जं १९
 पहेलियं २० मागहियं २१ गाहं २२ सिलोगं २३ गंधजुत्तिं २४ मधु-
 सित्थं २५ आभरणविहीं २६ तरुणीपडिकम्मं २७ इत्थीलवखरां २८
 पुरिसलवखरां २९ हयलवखरां ३० गयलवखरां ३१ गोणलवखरां ३२
 कुवकुडलवखरां ३३ मिट्टयलवखरां ३४ चकलवखरां ३५ छत्तलवखरां ३६
 दंडलवखरां ३७ असिलवखरां ३८ मणिलवखरां ३९ कागणिलवखरां
 ४० चम्मलवखरां ४१ चंदलवखरां ४२ सूरचरियं ४३ राहुचरियं ४४
 गहचरियं ४५ सोभागकरं ४६ दोभागकरं ४७ विज्जागयं ४८ मंतगयं ४९
 रहस्सगयं ५० सभासं ५१ चारं ५२ पडिचारं ५३ बूहं ५४ पडिबूहं ५५
 खंधावारमाणां ५६ नगरमाणां ५७ वत्थुमाणां ५८ खंधावारनिवेसं ५९ वत्थुनि-
 वेसं ६० नगरनिवेसं ६१ ईसत्थं ६२ छरुप्पवायं ६३ आससिक्खं ६४
 हत्थिसिक्खं ६५ धणुव्वेयं ६६ हिरण्णपागं सुवन्नपागं मणिपागं धातुपागं
 ६७ बाहुजुद्धं दंडजुद्धं मुट्टिजुद्धं अट्टिजुद्धं जुद्धं निजुद्धं जुद्धाईं जुद्धं सुत्तखेडं
 ६८ नालियाखेडं वट्टखेडं धम्मखेडं चम्मखेडं ६९ पत्तच्छेज्जं कडगच्छेज्जं ७०
 सजीवं निज्जीवं ७१ सउण्णस्यं ७२, ७ । संमुच्छिदमखहयरपंचिंदियतिरिक्खजो-
 णियाणां उक्कोसेणां बावत्तरिं वाससहस्साइं ठिई पन्नत्ता ८ ॥ सूत्रं ७२ ॥
 हरिवासरम्मयवासयाओ णं जीवाओ तेवत्तरिं (२) जोयणसहस्साइं नव य
 एगुत्तरे जोयणसए सत्तरस य एगूणवीसइभागे जोयणस्स अद्धभागं च आया-
 मेणं पन्नत्ताओ १ । विजए णं बलदेवे तेवत्तरिं वाससयसहस्साइं सव्वाउयं
 पालइत्ता सिद्धे जावप्पहीणो २ ॥ सूत्रं ७३ ॥ थेरे णं अग्गिभूई गणहरे
 चोवत्तरिं वासाइं सव्वाउयं पालइत्ता सिद्धे जावप्पहीणो १ । निसहाओ णं
 वासहरपव्वयाओ तिगिच्छिओ णं दहाओ सीतोयामहानंदीओ चोवत्तरिं
 जोयणसयाइं साहियाइं उत्तराहिमुही पव्हित्ता वइरामयाए जिब्भियाए चउ-

जोयणायामाए पन्नासजोयणाविवस्वभाए वइरतले कुंडे महया घडमुहपवत्ति-
 एणं मुत्तावलिहारसंठाणसंठिएणं पवाएणं महया सदेणं पवडइ २ । एवं
 सीतावि दक्खिणाहिमुही भाणियव्वा ३ । चउत्थवज्जासु छसु पुट्ठीसु
 चोवत्तरिं नरयावाससयसहस्सा पन्नत्ता ४ ॥ सूत्रं ७४ ॥ सुविहिस्स णं
 पुप्फदंतस्स अरहत्तो पन्नत्तरि जिणसया होत्था १ । सीतले णं अरहा
 पन्नत्तरि पुव्वसहस्साइं अगारवासमज्जे वसित्ता मुंडे भवित्ता जाव पव्वइए
 २ । संती णं अरहा पन्नत्तरिवाससहस्साइं अगारवासमज्जे वसित्ता मुंडे
 भवित्ता अगारात्तो अणगारियं पव्वइए ३ ॥ सूत्रं ७५ ॥

छावत्तरिं विज्जुकुमारावाससयसहस्सा पन्नत्ता, एवं दीवदिसाउदहीणं
 विज्जुकुमारिंदयणियमग्गीणं । छराहंपि जुगलयाणं छावत्तरि सय-
 सहस्साइं ॥ १ ॥ सूत्रं ७६ ॥ भरहे राया चाउरंतचक्कवट्ठी सत्तहत्तरिं पुव्व-
 सयसहस्साइं कुमारवासमज्जे वसित्ता महारायाभिसेयं संपत्ते १ । अङ्गवंसात्तो
 णं सत्तहत्तरि रायाणो मुंडे जाव पव्वइया २ । गहतोयतुसियाणं देवाणं
 सत्तहत्तरिं देवसहस्सपरिवारा पन्नत्ता ३ । एगमेगे णं मुहुत्ते सत्तहत्तरिं
 लवे लवग्गेणं पन्नत्ते ४ ॥ सूत्रं ७७ ॥ सकस्स णं देविंदस्स देवरत्तो
 वेसमणे महाराया अट्टहत्तरीए सुवन्नकुमारदीवकुमारावाससयसहस्साणं आहे-
 वच्चं पोरेवच्चं सामित्तं भट्टित्तं महारायत्तं(महयरत्तं) आणाईसरसेणावच्चं
 कारेमाणे पालेमाणे विहरइ १ । थेरे णं अकंपिए अट्टहत्तरिं वासाइं सव्वा-
 उयं पालइत्ता सिद्धे जावप्पहीणे २ । उत्तरायणनियट्ठे णं सूरिए पढमात्तो
 मंडलात्तो एगूणचत्तालीसइमे मंडले अट्टहत्तरिं एगसट्ठिभाए दिवसखेत्तस्स
 निवुट्ठेत्ता रयणिखेत्तस्स अभिनिवुट्ठेत्ता णं चारं चरइ ३ । एवं दक्खिणा-
 यणनियट्ठे ऽवि ४ ॥ सूत्रं ७८ ॥ वलयामुहस्स णं पायालस्स हिट्ठिलात्तो
 चरमंतात्तो इमीसे णं रयणाप्पमाए पुट्ठीए हेट्ठिल्ले चरमंते एस णं एगूणासिं
 जोयणासहस्साइं अवाहाए अंतरे पन्नत्ते १ । एवं केउस्सवि जूयस्सवि ईसर-

स्सवि, छट्टीए पुढवीए बहुमज्झदेसभायाओ छट्टस्स घणोदहिस्स हेट्टिल्ले चर-
मंते एस गां एगुणासीति जोयणसहस्साइं अवाहाए अन्तरे पन्नत्ते २ । जम्बु-
दीवस्स गां दीवस्स बारस्स य बारस्स य एस गां एगुणासीइं जोयणसहस्साइं
सागरेगाइं अवाहाए अन्तरे पन्नत्ते ३ ॥ सूत्रं ७१ ॥ सेज्जंसे गां अरहा असीइं
धणूइं उट्ठं उच्चत्तेगां होत्था १ । तिविट्ठे गां वासुदेवे असीइं धणूइं उट्ठं उच्च-
त्तेगां होत्था २ । अयले गां बलदेवे असीइं धणूइं उट्ठं उच्चत्तेगां होत्था ३ ।
तिविट्ठे गां वासुदेवे असीइंवाससयसहस्साइं महाराया होत्था ४ । आउबडुले
गां कराढे असीइजोयणसहस्साइं बाहल्लेगां पन्नत्ते ५ । ईसाणस्स देविंदस्स
देवरन्नो असीइं सामाणियसाहस्सीओ पन्नत्ताओ ६ । जम्बुदीवे गां दीवे
असीउत्तरं जोयणसयं ओगाहेत्ता सूरिए उत्तरकट्टोवगए पढमं उदयं
करेइ ७ ॥ सूत्रं ८० ॥

नवनवमिया गां भिक्खुपडिमा एकासीइ राइंदिएहिं चउहि य पंचु-
त्तरेहिं अहासुत्तं जाव आराहिया १ । कुंथुस्स गां अरहओ एकासीति मणपज्ज-
वनाणिसया होत्था २ । विवाहपन्नत्तीए एकासीति महाजुम्मसया पन्नत्ता ३
॥ सूत्रं ८१ ॥ जम्बुदीवे दीवे बासीयं मंडलसयं जं सूरिए दुक्खुत्तो
संकमित्ता गां चारं चरइ तंजहा—निक्खममाणो य पविसमाणो य १ । समणो
भगवं महावीरे बासीए राइंदिएहिं वीइवकंतेहिं गव्भाओ गव्वं साहरिए २ ।
महाहिमवतस्स गां वासहरपव्वयस्स उवरिल्लाओ चरमंताओ सोगंधियस्स
कंडस्स हेट्टिल्ले चरमंते एस गां बासीइं जोयणसयाइं अवाहाए अन्तरे
पन्नत्ते ३ । एवं रुप्पिस्सवि ४ ॥ सूत्रं ८२ ॥ समणो भगवं महावीरे बासीइ-
राइंदिएहिं वीइवकंतेहिं तेयासीइमं राइंदिए वट्टमाणो गव्भाओ गव्वं
साहरिए १ । सीयलस्स गां अरहओ तेसीइं गणा तेसीइं गणहरा
होत्था २ । थेरे गां मंडियपुत्ते तेसीइं वासाइं सव्वाउयं पालेइत्ता सिद्धे
जावप्पहीणो ३ । उसभे गां अरहा कोसलिए तेसीइं पुव्वसयसहस्साइं

अगारमज्जे वसित्ता मुंडे भवित्ता णं जाव पव्वइए ४ । भरहे णं राया
 चाउरंतचक्कवट्ठी तेसीइं पुव्वसयमहस्साइं अगारमज्जे वसित्ता जिणे जाए
 केवली सव्वन्नू सर्वभावदरिसी ५ ॥ सूत्रं ८३ ॥ चउरासीइं निरयावास-
 सयसहस्सा पन्नत्ता १ । उसभे णं अरहा कोसलिए चउरासीइं पुव्वसय-
 सहस्साइं सव्वाउयं पालइत्ता सिद्धे बुद्धे जावप्पहीणे २ । एवं भरहो
 बाहुवली बंभी सुन्दरी ३ । सिज्जंसे णं अरहा चउरासीइं वाससयसहस्साइं
 सव्वाउयं पालइत्ता सिद्धे जावप्पहीणे ४ । तिविट्ठे णं वासुदेवे चउरासीइं
 वाससयसहस्साइं सव्वाउयं पालइत्ता अप्पइट्ठाणे नरे नेरइयत्ताए उववन्ने ५ ।
 सकस्स णं देविंदस्स देवरन्नो चउरासीइं सामाणियसाहस्सीओ पन्नत्ताओ ६ ।
 सव्वेऽवि णं वाहिरया मंदरा चाउरासीइं (२) जोयणसहस्साइं उट्ठं उच्चत्तेण
 पन्नत्ता ७ । सव्वेऽवि णं अंजणपव्वया चउरासीइं (२) जोयणसहस्साइं उट्ठं
 उच्चत्तेण पन्नत्ता ८ । हरिवासरम्मयवासियाणं जीवाणं धणुपिट्ठा चउरासीं
 जोयणसहस्साइं सोलस जोयणाइं चत्तारि य भागा जोयणस्स परिवस्सेवेणं
 पन्नत्ता ९ । पंकवहुलस्स णं कण्डस्स उवरिल्लाओ चरमंताओ हेट्ठिल्ले
 चरमंते एस णं चोरासीइं जोयणसयसहस्साइं अबाहाए अंतरे पन्नत्ते १० ।
 विवाहपन्नत्तीए णं भगवतीए चउरासीइं पयसहस्सा पद्मगेणं पन्नत्ता ११ ।
 चोरासीइं नागकुमारावाससयसहस्सा पन्नत्ता १२ । चोरासीइं पइन्नगसहस्साइं
 पन्नत्ताइं १३ । चोरासीइं जोणिप्पमुहसयसहस्सा पन्नत्ता १४ पुव्वाइयाणं
 सीमपहेलियापंजवसाणाणं सट्ठाणट्ठाणंतराणं चोरासीए गुणकारे पन्नत्ते १५ ।
 उसभस्स णं अरहओ चउरासीइं समणसाहस्सीओ होत्था १६ । सव्वेऽवि
 चउरासीइं विमाणावाससयसहस्सा सत्ताणउइं च सहरसा तेवीसं च विमाणा
 भवंतीति मक्खायं १७ ॥ सूत्रं ८४ ॥ आयास्स णं भगवओ सच्चलिया-
 गस्स पंचासीइं उद्देसणकाला पन्नत्ता १ । धायइसगडस्स णं मंदरा पंचासीइं
 जोयणसहस्साइं सव्वग्गेणं पन्नत्ता २ । रुयए णं मंडलियपव्वए पंचासीइं

जोयणसहस्साइं सव्वग्गेणं पन्नत्ते ३ । नंदणवणस्स णं हेट्ठिल्लाओ चरमंताओ सोगंधियस्स कंडस्स हेट्ठिल्ले चरमंते एस णं पंचासीइ जोयणसयाइं अवाहाए अंतरे पन्नत्ते ४ ॥ सूत्रं ८५ ॥

सुविहिस्स णं पुप्फदन्तस्स अरहओ छलसीइ गणा छलसीइ गणहरा होत्था १ । सुपासस्स णं अरहओ छलसीई वाइसया होत्था २ । दोचाए णं पुढवीए बहुमज्झदेसभागाओ दोचस्स घणोदहिस्स हेट्ठिल्ले चरमंते एस णं छलसीइ जोयणसहस्साइं अवाहाए अंतरे पन्नत्ते ३ ॥ सूत्रं ८६ ॥ मंदरस्स णं पव्वयस्स पुरच्छिमिल्लाओ चरमंताओ गोथुभस्स आवासपव्वयस्स पच्चच्छिमिल्ले चरमंते एस णं सत्तासीइं जोयणसहस्साइं अवाहाए अंतरे पन्नत्ते १ । मंदरस्स णं पव्वयस्स दक्खिणिल्लाओ चरमंताओ दग्गभासस्स आवासपव्वयस्स उत्तरिल्ले चरमंते एस णं सत्तासीई जोयणसहस्साइं अवाहाए अंतरे पन्नत्ते २ । एवं मंदरस्स पच्चच्छिमिल्लाओ चरमंताओ संखस्सावासपव्वयस्स पुरच्छिमिल्ले चरमंते ३ । एवं चेव मंदरस्स उत्तरिल्लाओ चरमंताओ दग्गसीमस्स आवासपव्वयस्स दाहिणिल्ले चरमंते एस णं सत्तासीई जोयणसहस्साइं अवाहाए अंतरे पन्नत्ते ४ । छराहं कम्मपगडीणं आइमउवरिल्लवज्जाणं सत्तासीई उत्तरपगडीओ पन्नत्ताओ ५ । महाहिमवंतकूडस्स णं उवरिमंताओ सोगन्धियस्स कंडस्स हेट्ठिल्ले चरमंते एस णं सत्तासीइ जोयणसयाइं अवाहाए अंतरे पन्नत्ते ६ । एवं रुप्पिकूडस्सवि ७ ॥ सूत्रं ८७ ॥ एगमेगस्स णं चंदिमसूरियस्स अट्ठासीइ अट्ठासीइ महंग्गहा परिवारो पन्नत्तो १ । दिट्ठिवायस्स णं अट्ठासीइ सुत्ताइं पन्नत्ताइं तंजहा—उज्जुसुयं परिणयापरिणयं एवं अट्ठासीइ सुत्ताणि भाणियव्वाणि जहा नंदीए २ । मंदरस्स णं पव्वयस्स पुरच्छिमिल्लाओ चरमंताओ गोथुभस्स आवासपव्वयस्स पुरच्छिमिल्ले चरमंते एस णं अट्ठासीइं जोयणसहस्साइं अवाहाए अंतरे पन्नत्ते ३ । एवं चउसुवि दिसासु नेयव्वं ४ । बाहिराओ उत्तराओ णं

कट्टाओ सूरिए पढमं छम्मासं अयमाणे चोयालीसइमे मंडलगते अट्टासीति
 इगसट्टिभागे मुहुत्तस्स दिवसखेत्तस्स निबुड्ढेत्ता रयणिखेत्तस्स अभिनिबुड्ढेत्ता
 सूरिए चारं चरइ ५ । दक्खिणकट्टाओ णं सूरिए दोच्चं छम्मासं अयमाणे
 चोयालीसतिमे मंडलगते अट्टासीई इगसट्टिभागे मुहुत्तस्स रयणिखेत्तस्स
 निबुड्ढेत्ता दिवसखेत्तस्स अभिनिबुड्ढित्ता णं सूरिए चारं चरइ ६ ॥ सूत्रं ८८ ॥
 उसभे णं अरहा कोसलिए इमीसे ओसप्पिणीए ततियाए सुसमदूसमाए
 पच्छिमे भागे एगूणणउए अद्धमासेहिं सेसेहिं कालगए जाव सब्बदुक्खप्प-
 हीणे १ । समणे भगवं महावीरे इमीसे ओसप्पिणीए चउत्थाए दूसमसुसमाए
 समाए पच्छिमे भागे एगूणणउए अद्धमासेहिं सेसेहिं कालगए जाव सब्ब-
 दुक्खप्पहीणे २ । हरिसेणे णं राया चाउरंतक्वट्ठी एगूणणउइं वाससयाइं
 महाराया होत्था ३ । संतिस्स णं अरहओ एगूणणउई अज्जासाहस्सीओ
 उकोसिया अज्जियासंपया होत्था ४ ॥ सूत्रं ८९ ॥ सीयले णं अरहा नउई
 धणूइं उट्ठं उच्चत्तेणं होत्था १ । अजियस्स णं अरहओ नउई गणा नउई
 गणहरा होत्था २ । एवं संतिस्सवि ३ । सयंभुस्स णं वासुदेवस्स णउइ-
 वासाइं विजए होत्था ४ । सव्वेसि णं वट्ठवेयड्ढपव्वथाणं उवरिल्लाओ
 सिहरतलाओ खोगंधियकराडस्स हेट्ठिले चरमंते एस णं नउइजोयणसयाइं
 अवाहाए अंतरे पन्नत्ते ५ ॥ सूत्रं ९० ॥

एकाणउई परवेयावच्चकम्मपडिमाओ पन्नत्ताओ १ । कालोए णं
 समुदो एकाणउई जोयणसयसहस्साइं सहियाइं परिवखेवेणं पन्नत्ते २ ।
 कुंधुस्स णं अरहओ एकाणउई आहोहियसया होत्था ३ । आउयगोय-
 वज्जाणं छराहं कम्मपगडीणं एकाणउई उत्तरपगडीओ पन्नत्ताओ ४ ।
 ॥ सूत्रं ९१ ॥ बाणउई पडिमाओ पन्नत्ताओ १ । थेरे णं इंदभूति बाणउइ
 वासाइं सव्वाउयं पालइत्ता सिद्धे बुद्धे जावप्पहीणे २ । मंदरस्स णं पव्वयस्स
 बहुमज्झदेसभागाओ गोथुभस्स आवासपव्वयस पच्चच्छिमिल्ले चरमंते

एस गां बाणउइं जोयणसहस्साइं अवाहाए अंतरे पन्नत्ते ३ । एवं चउगहंपि
 आवासपव्वयाणां ४ ॥ सूत्रं ६२ ॥ चंदप्पहस्स गां अरहत्थो तेणउईं गणा
 तेणउईं गणहरा होत्था १ । संतिस्स गां अरहत्थो तेणउईं चउदसप्पुव्विसया
 होत्था २ । तेणउईंमंडलगते गां सूरिए अतिवट्टमाणे निवट्टमाणे वा समं अहोरत्तं
 विसमं करेइ ३ ॥ सूत्रं ६३ ॥ निसहनीलवंतियात्थो गां जीवात्थो चउण-
 उइं जोयणसहस्साइं एककं छप्पन्नं जोयणसयं दोन्नि य एगूणावीसइभागे
 जोयणस्स आयामेणां पन्नत्तात्थो १ । अजियस्स गां अरहत्थो चउणउइं
 अहिनाणिसया होत्था २ ॥ सूत्रं ६४ ॥ सुपासस्स गां अरहत्थो पंचाणउइं
 गणा पंचाणउइं गणहरा होत्था १ । जम्बुदीवस्स गां दीवस्स चरमंतात्थो
 चउदिसिं लवणसमुद्धं पंचाणउइं पंचाणउइं जोयणसहस्साइं ओगाहिता
 चत्तारि महापायालकलसा पन्नत्ता, तंजहा-वलयामुहे केऊए जूयए ईसरे २ ।
 लवणसमुद्धस्स उभत्थोपासंपि पंचाणउयं पंचाणउयं पदेसात्थो उव्वेहुस्सेहपरि-
 हाणीए पन्नत्तात्थो ३ । कुंथू गां अरहा पंचाणउइं वाससहस्साइं परमाउयं
 पालइत्ता सिद्धे बुद्धे जावं पहीणे ४ । थेरे गां मोरियपुत्ते पंचाणउइंवासाइं
 सव्वाउयं पालइत्ता सिद्धे बुद्धे जावप्पहीणे ५ ॥ सूत्रं ६५ ॥

एगमेगस्स गां रत्तो चाउरंतचक्कवट्टिस्स छगणउईं छगणउईं गामको-
 ढीत्थो होत्था १ । वायुकुमाराणां छगणउइं भवणावाससयसहस्सा पन्नत्ता २ ।
 ववहारिए गां दंडे छगणउइं अंगुलाइं अंगुलमाणेणां ३ । एवं धणा नालिया
 जुगे अक्खे मुसलेऽवि हु ४ । अब्भितरत्थो आइमुहुत्ते छगणउइंअंगुलछाए
 पन्नत्ते ५ ॥ सूत्रं ६६ ॥ मंदरस्स गां पव्वयस्स पच्चच्छिमिल्लात्थो चरमंतात्थो
 गोथुभस्स गां आवासपव्वयस्स पच्चच्छिमिल्ले चरमंते एस गां सत्ताणउइं
 जोयणसहस्साइं अवाहाए अंतरे पन्नत्ते १ । एवं चउदिसिंपि २ । अट्ठराहं
 कम्मपगडीणां सत्ताणउइं उत्तरपगडीत्थो पन्नत्तात्थो ३ । हरिसेणे गां राया
 चाउरंतचक्कवट्टी देसूणाइं सत्ताणउइं वाससयाइं अगारमज्जे वसित्ता मुंढे

भविता गां जाव पव्वइए ४ ॥ सूत्रं १७ ॥ नंदणवणस्स गां उवरिल्लाओ
चरमंताओ पंडुयवणस्स हेट्टिले चरमंते एस गां अट्ठाणउइ जोयणसहस्साइं
अवाहाए अंतरे पन्नत्ते १ । मंदरस्स गां पव्वयस्स पच्चच्छिमिल्लाओ चरमं-
ताओ गोथुभस्स आवासपव्वयस्स पुरच्छिमिल्ले चरमंते एस गां अट्ठाणउइ
जोयणसहस्साइं अवाहाए अंतरे पन्नत्ते २ । एवं चउदिसिंपि ३ । दाहिण-
भरहस्स गां धणुप्पिट्ठे अट्ठाणउइ जोयणसयाइं किंचूणाइं आयामेणां
पन्नत्ते ४ । उत्तराओ कट्ठाओ सूरिए पढमं छम्मासं अयमाणे एगूणपन्ना-
सतिमे मण्डलगते अट्ठाणउइ एकसट्ठिभागे मुहुत्तस्स दिवसखेत्तस्स निबुद्धेत्ता
रयणखेत्तस्स अभिनिबुद्धित्ता गां सूरिए चारं चरइ ५ । दक्खिण्णाओ गां
कट्ठाओ सूरिए दोच्चे छम्मासं अयमाणे एगूणपन्नासइमे मंडलगते अट्ठाण-
उइ एकसट्ठिभाए मुहुत्तस्स रयणखित्तस्स निबुद्धेत्ता दिवसखेत्तस्स अभिनिबु-
द्धित्ता गां सूरिए चारं चरइ ६ । रेवईपढमजेट्ठापज्जवसाणाणं एगूणवीसाए
नक्खत्ताणं अट्ठाणउइ ताराओ तारग्गेणं पन्नत्ताओ ७ ॥ सूत्रं १८ ॥
मंदरे गां पव्वए गावणउइ जोयणसहस्साइं उट्ठं उच्चत्तेणं पन्नत्ते १ ।
नंदणवणस्स गां पुरच्छिमिल्लाओ चरमंताओ पच्चच्छिमिल्ले चरमंते एस
गां नवनउइ जोयणसयाइं अवाहाए अंतरे पन्नत्ते २ । एवं दक्खिणिल्लाओ
चरमंताओ उत्तरिल्ले चरमंते एस गां गावणउइ जोयणसयाइं अवाहाए
अंतरे पन्नत्ते ३ । उत्तरे पढमे सूरियमंडले नवनउइजोयणसहस्साइं साइरेगाइं
आयामविवखंभेणं पन्नत्ते ४ । दोच्चे सूरियमंडले नवनउइ जोयणसहससइं
साहियाइं आयामविवखंभेणं पन्नत्ते ५ । तइए सूरियमंडले नवनउइ
जोयणसहस्साइं साहियाइं आयामविवखंभेणं पन्नत्ते ६ । इमीसे गां
रयणप्पभाए पुट्ठीए अंजणस्स कंडस्स हेट्ठिल्लाओ चरमंताओ वाणमंतर-
भोमेज्जविहाराणं उवरिमंते एस गां नवनउइ जोयणसयाइं अवाहाए अंतरे
पन्नत्ते ७ ॥ सूत्रं १९ ॥ दसदसमिया गां भिक्खुपडिमा एगेणं राइंदियसत्तेणं

अद्धद्वेहिं भिक्खासतेहिं अहासुत्तं जाव आराहियावि भवइ १ । सय-
भिसया नक्खत्ते एकसयतारे पन्नत्ते २ । सुविही पुण्णदंते णं अरहा एगं
धणुसयं उट्ठं उच्चत्तेणं होत्था ३ । पासे णं अरहा पुरिसादाणीए एकं
वाससयं सव्वाउयं पालइत्ता सिद्धे जावप्पहीणे ४ । एवं थेरेवि अज्ज-
सुहम्मे ५ । सव्वेऽवि णं दीहवेयद्वपव्वया एगमेगं गाउयसयं उट्ठं उच्चत्तेणं
पन्नत्ता ६ । सव्वेऽवि णं चुल्लहिमवंतसिहरीवासहरपव्वया एगमेगं जोय-
णसयं उट्ठं उच्चत्तेणं पन्नत्ता, एगमेगं गाउयसयं उव्वेहेणं पन्नत्ता ७ ।
सव्वेऽवि णं कंचणपव्वया एगमेगं जोयणसयं उट्ठं उच्चत्तेणं पन्नत्ता,
एगमेगं गाउयसयं उव्वेहेणं पन्नत्ता, एगमेगं जोयणसयं मूले विक्खंभेणं
पन्नत्ता ८ ॥ सूत्रं १०० ॥

चंदप्पभे णं अरहा दिवड्ढं धणुसयं उच्चत्तेणं होत्था १ । आरणे कप्पे
दिवड्ढं विमाणावाससयं पन्नत्तं २ । एवं अच्चुएऽवि ३ । (१५०) ॥ सूत्रं १०१ ॥
सुपासे णं अरहा दो धणुसया उट्ठं उच्चत्तेणं होत्था १ । सव्वेऽवि णं महा-
हिमवंतरुप्पीवासहरपव्वया दो दो जोयणसयाइं उट्ठं उच्चत्तेणं पन्नत्ता, दो दो
गाउयसयाइं उव्वेहेणं पन्नत्ता २ । जम्बुदीवे णं दीवे दो कंचणपव्वयसया
पन्नत्ता ३ (२००) ॥ सूत्रं १०२ ॥ पउमप्पभे णं अरहा अट्ठाइज्जाइं धणुस-
याइं उट्ठं उच्चत्तेणं होत्था १ । असुरकुमाराणं देवाणं पासायवड्डिसगा
अट्ठाइज्जाइं जोयणसयाइं उट्ठं उच्चत्तेणं पन्नत्ता २ (२५०) ॥ सूत्रं १०३ ॥
सुमई णं अरहा तिरिण धणुसयाइं उट्ठं उच्चत्तेणं होत्था १ । अरिट्ठनेमी णं
अरहा तिरिण वाससयाइं कुमारवासमज्जे वसित्ता मुंडे भवित्ता जाव
पव्वइए २ । वेमाणियाणं देवाणं विमाणपागारा तिरिण तिरिण जोयण-
सयाइं उट्ठं उच्चत्तेणं पन्नत्ता ३ । समणस्स भगवओ महावीरस्स तिन्नि सयाणि
चोदसपुव्वीणं होत्था, पंचधणुसइयस्स णं अंतिमसारीरियस्स सिद्धिगयस्स
सातिरेगाणि तिरिण धणुसयाणि जीवप्पदेसोगाइणा पन्नत्ता ४ (३००)

॥ सूत्रं १०४ ॥ पासस्स रां अरहओ पुरिसादाणीयस्स अद्दुट्टसयाइं चोदस-
पुब्बीणां संपया होत्था १ । अभिनंदणे रां अरहा अधुट्टाइं धणुसयाइं उट्ठं
उच्चत्तेणां होत्था २ (३५०) ॥ सूत्रं १०५ ॥

संभवे रां अरहा चत्तारि धणुसयाइं उट्ठं उच्चत्तेणां होत्था १ । सव्वे-
ऽवि रां णिसदनीलवंता वासहरपव्वया चत्तारि चत्तारि जोयणसयाइं उट्ठं
उच्चत्तेणां चत्तारि चत्तारि गाउयसयाइं उव्वेहेरां पन्नत्ता २ । सव्वेऽवि रां
वक्खारपव्वया णिसदनीलवंतवासहरपव्वयए रां चत्तारि चत्तारि जोयणसयाइं
उट्ठं उच्चत्तेणां चत्तारि चत्तारि गाउयसयाइं उव्वेहेरां पन्नत्ते ३ । आणयपाणा-
णएसु दोसु कप्पेसु चत्तारि विमाणसया पन्नत्ता ४ । समणस्स रां भगवओ
महावीरस्स चत्तारि सया वाईरां सदेवमणुयासुरंमि लोगंमि वाए अपराजियाणां
उकोसिया वाइसंपया होत्था (४००) ॥ सूत्रं १०६ ॥ अजिते रां अरहा
अद्धपंचमाइं धणुसयाइं उट्ठं उच्चत्तेणां होत्था १ । सगरे रां राया चाउरंतच-
क्वट्ठी अद्धपंचमाइं धणुसयाइं उट्ठं उच्चत्तेणां होत्था २ (४५०) ॥ सूत्रं १०७ ॥
सव्वेऽवि रां वक्खारपव्वय सीआ सीओआओ महानईओ मंदरपव्वयंतैरां
पंच पंच जोयणसयाइं उट्ठं उच्चत्तेणां पंच पंच गाउयसयाइं उव्वेहेरां पन्नत्ताओ
१ । सव्वेऽवि रां वासहरकूडा पंच पंच जोयणसयाइं उट्ठं उच्चत्तेणां होत्था, मूले
पंच पंच जोयणसयाइं विक्खंभेरां पन्नत्ता २ । उसभे रां अरहा कोसलिए पंच
धणुसयाइं उट्ठं उच्चत्तेणां होत्था ३ । भरहे रां राया चाउरंतचक्वट्ठी पंचधणु-
सयाइं उट्ठं उच्चत्तेणां होत्था ४ । सोमणसगंधमादणविज्जुप्पभ मालवंताणं
वक्खारपव्वयाणं मंदरपव्वयंतैरां पंच (२) जोयणसयाइं उट्ठं उच्चत्तेणां पंच पंच
गाउयसयाइं उव्वेहेरां पन्नत्ता ५ । सव्वेऽवि रां वक्खारपव्वयकूडा हरिहरिस्स-
हकूडवज्जा पंच पंच जोयणसयाइं उट्ठं उच्चत्तेणां मूले पंच पंच जोयणसयाइं
आयामविक्खंभेरां पन्नत्ता ६ । सव्वेऽवि रां नंदणकूडा बलकूडवज्जा पंच पंच
जोयणसयाइं उट्ठं उच्चत्तेणां मूले पंच पंच जोयणसयाइं आयाममविक्खंभेरां

पन्नत्ता ७ । सोहम्मीसारोणु कप्पेसु विमाणा पंच (२) जोयणसयाइं उट्ठं उच्चत्तेणं पन्नत्ता ८ (५००) ॥ सूत्रं १०८ ॥ सराङ्कुमारमाहिंदेसु कप्पेसु विमाणा छजोयणसयाइं उट्ठं उच्चत्तेणं पन्नत्ता १ । चुल्लहिमवंतकूडस्स उव-
रिल्लाओ चरमंताओ चुल्लहिमवंतस्स वासहरपव्वयस्स समधरणितले एस णं
छ जोयणसयाइं अवाहाए अंतरे पन्नत्ते २ । एवं सिहरीकूडस्सवि ३ । पासस्स
णं अरहओ छ सया वाईणं सदेवमणुयासुरे लोय वाए अपराजियाणं उक्को-
सिया वाईसंपया होत्था ४ । अभिचंदे णं कुलगरे छ धणुसयाइं उट्ठं
उच्चत्तेणं होत्था ५ । वासुपुज्जे णं अरहा छहिं पुरिससएहिं सद्धिं मुंडे
भवित्ता अगाराओ अणगारियं पव्वइए ६ । (६००) ॥ सूत्रं १०९ ॥
बंभलंतएसु कप्पेसु विमाणा सत्त सत्त जोयणसयाइं उट्ठं उच्चत्तेणं
पन्नत्ता १ । समणस्स णं भगवओ महावीरस्स सत्त जिणसया होत्था
२ । समणस्सणं भगवओ महावीरस्स सत्त वेउव्वियसया णं होत्था ३ ।
अरिट्ठिनेमी णं अरहा सत्त वाससयाइं देसूणाइं केवलपरियागं पाउणित्ता
सिद्धे बुद्धे जावप्पहीणे ४ । महाहिमवंतकूडस्स णं उवरिल्लाओ चरमंताओ
महाहिमवंतस्स वासहरपव्वयस्स समधरणितले एस णं सत्त जोयणसयाइं
अवाहाए अंतरे पन्नत्ते ५ । एवं रुप्पिकूडस्सवि ६ (७००) सूत्रं ११० ॥

महासुक्कसहस्सारेसु दोसु कप्पेसु विमाणा अट्ठ जोयणसयाइं उट्ठं
उच्चत्तेणं पन्नत्ता १ । इमीसे णं रयणप्पभाए पुट्ठीए पट्ठमे कंडे अट्ठसु जोयण-
सएसु वाणमंतरभोमेज्जविहारा पन्नत्ता २ । समणस्स णं भगवओ महावीरस्स
अट्ठसया अणुत्तरोववाइयाणं देवाणं गइक्कलाणाणं ठिक्कलाणाणं आगमेसि-
भद्दाणं उक्कोसिया अणुत्तरोववाइयसंपया होत्था ३ । इमीसे णं रयणप्पभाए
पुट्ठीए बहुसमरमणिज्जाओ भूमिभागाओ अट्ठहिं जोयणसएहिं सूरिए चारं
चरति ४ । अरहओ णं अरिट्ठिनेमिस्स अट्ठ सयाइं वाईणं सदेवमणुयासुरंमि-
लोगंमि वाए अपराजियाणं उक्कोसिया वाईसंपया होत्था ५ (८००)

एस णं पंच जोयणसयसहस्साइं अबाहाए अंतरे पन्नत्ते (५०००००)
 ॥ सूत्रं १२८ ॥ भरहे णं राया चाउरंतचक्कवट्ठी छ पुव्वसयसहस्साइं
 रायमज्जे वसित्ता मुंडे भवित्ता अगाराओ अणगारिणं पव्वइए
 (६०००००) ॥ सूत्रं १२९ ॥ जम्बूदीवस्स णं दीवस्स
 पुरच्छिमिल्लोओ वेइयंतोओ धायइखंडचक्कवालस्स पच्चच्छिमिल्ले चरमंते
 सत्त जोयणसयसहस्साइं अबाहाए अंतरे पन्नत्ते, (७०००००)
 ॥ सूत्रं १३० ॥ माहिदे णं कप्पे अट्ठ विमाणावाससयसहस्साइं पन्नत्ते,
 (८०००००) ॥ सूत्रं १३१ ॥ अजियस्स णं अरहओ साइरेगाइं नव
 ओहिनाणिसहस्साइं होत्था (९०००००) ॥ सूत्रं १३२ ॥ पुरिससीहे णं
 वासुदेवे दस वाससयसहस्साइं सव्वाउयं पालइत्ता पञ्चमाए पुढ्वीए नेरइएसु
 नेरइयत्ताए उववन्ने (१००००००) ॥ सूत्रं १३३ ॥ समणे भगवं
 महावीरे तित्थगरभवग्गहणाओ छट्ठे पोट्टिलभवग्गहणे एणं वासकोडिं
 सामन्नपरियागं पाउणित्ता सहस्सारे कप्पे सव्वट्ठविमाणे देवत्ताए उववन्ने
 (१०००००००) ॥ सूत्रं १३४ ॥ उसभसिरिस्स भगवओ चरिमस्स य
 महावीरवद्धमाणस्स एणा सागरोवमकोडाकोडी अबाहाए अंतरे पन्नत्ते
 (१०००००००००००००००) ॥ सूत्रं १३५ ॥

दुवालसंगे गणिपिडगे पन्नत्ते, तंजहा-आयारे सूयगडे ठाणे समवाए
 विवाहपन्नत्ती णायाधम्मकहाओ उवासगदसाओ अंतगडदसाओ अणुत्तरो-
 ववाइयदसाओ पणहावागरणाइं विवागसुए दिट्ठिवाए १ । से किं तं आयारे ?
 आयारे णं समणाणं निग्गंथाणं आयारगोयर-विणयवेणइयट्ठाण-गमणचंकम
 णपमाणजोगजुंजण-भासासमितिगुत्ती-सेज्जोवहि-भत्तपाण-उग्गमउप्पायणा-एस-
 णाविसोहि-सुद्धासुद्धग्गहण-वयणियम-तवोवहाण-सुप्पसत्थमाहिज्जइ २ ।
 से समासओ पञ्चविहे पन्नत्ते, तंजहा-णाणायारे दंसणायारे चरित्तायारे
 तवायारे विरियायारे ३ । आयारस्स णं परित्ता वायणा संखेज्जा अणु-

ओगदारा संखेजाओ पडिवत्तीओ संखेजा वेढा संखेजा सिलोगा संखेजाओ
 निज्जुत्तीओ ४ । से णं अंगट्टयाए पढमे अंगे दो सुयक्खंधा पणवीसं अज्झ-
 यणा पंचासीइं उद्देसणकाला पंचासीइं समुद्देसणकाला अट्टारस पदसह-
 स्साइं पदग्गेणं संखेजा अक्खरा अणंता गमा अणंता पज्जवा परित्ता तसा
 अणंता थावरा सासया कडा निबद्धा णिकाइया जिणपराणत्ता भावा आघवि-
 ज्जंति पराणविज्जंति परूविज्जंति दंसिज्जंति निदंसिज्जंति उवदंसिज्जंति
 ५ । से एवं णाया एवं विराणाया एवं चरणकरणपरूवणाया आघविज्जंति
 पराणविज्जंति परूविज्जंति दंसिज्जंति निदंसिज्जंति उवदंसिज्जंति ६ ।
 से त्तं आयारे ७ ॥ सूत्रं १३६ ॥ से किं तं सूअगडे ? सूअगडे णं सस-
 मया सूइज्जंति परसमया सूइज्जंति ससमयपरसमया सूइज्जंति जीवा
 सूइज्जंति अजीवा सूइज्जंति जीवाजीवा सूइज्जंति लोगो सूइज्जति अलोगो
 सूइज्जति लोगालोगो सुइज्जति १ । सूअगडे णं जीवाजीव-पुराणपावासवे-
 संवरनिज्जरण-बंधमोक्खावसाणा पयत्था सुइज्जंति २ । समणाणं अचिरका-
 लपव्वइयाणं कुसमयमोह-मोहमइमोहियाणं संदेहजाय-सहजबुद्धिपरिणाम-
 संसइयाणं पावकरमलिन-मइगुणविसोहणत्थं असीअस्स किरियावाइयसयस्स
 चउरासीए अकिरियवाईणं सत्तट्ठीए अराणाणियवाईणं बत्तीसाए वेणइयवा-
 ईणं तिगहं तेवट्ठीणं अराणादिट्ठियसयाणं बूहं किच्चा ससमए ठविज्जति
 णाणादिट्ठं तवयणाणिस्सारं सुट्ठु दरिसयंता विविहवित्थराणुगमपरमसव्भाव-
 गुणविसिद्धा मोक्खपहोयारगा उदारा अराणाणतमंधकारदुग्गेसु दीवभूआ
 सोवाणा चेव सिद्धिसुगइगिहुत्तमस्स णिक्खोभनिप्पकंपा सुत्तत्था २ । सुयगे-
 डस्स णं परित्ता वायणा संखेजा अणुओगदारा संखेजाओ पडिवत्तीओ
 संखेजा वेढा संखेजा सिलोगा संखेजाओ निज्जुत्तीओ ३ । से णं अङ्गट्ट-
 याए दोच्चे अंगे दो सुयक्खंधा तेवीसं अज्झयणा तेत्तीसं उद्देसणकाला
 तेत्तीसं समुद्देसणकाला वत्तीसं पदसहस्साइं पयग्गेणं पन्नत्ताइं ४ । संखेजा

॥ सूत्रं १११ ॥ आणयपाणयआरण्यच्युएसु कप्पेसु विमाणा नव नव जोयणसयाइं उड्डं उच्चत्तेणं पन्नत्ता १ । निसदकूडस्स णं उवरिल्लाओ सिहरतलाओ णिसदस्स वासहरपव्वयस्स समे धरणितले एस णं नव जोयणसयाइं अवाहाए अंतरे पन्नत्ते २ । एवं नीलवंतकूडस्सवि ३ । विमलवाहणे णं कुलगरे णं नव धणुसयाइं उड्डं उच्चत्तेणं होत्था ४ । इमीसे णं रयणप्पभाए बहुसमरमणिजाओ भूमिभागाओ नवहिं जोयणसएहिं सच्चुवरिमे तारारूवे चारं चरइ ५ । निसदस्स णं वासहरपव्वयस्स उवरिल्लाओ सिहरतलाओ इमीसे णं रयणप्पभाए पुट्ठीए पट्टमस्स कंडस्स बहुमज्झदेसभाए एस णं नव जोयणसयाइं अवाहाए अंतरे पन्नत्ते ६ । एवं नीलवंतस्सवि ७ (१००) ॥ सूत्रं ११२ ॥ सव्वेऽवि णं गेवेज्जविमाणे दस दस जोयणसयाइं उड्डं उच्चत्तेणं पन्नत्ते १ । सव्वेऽवि णं जमगपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं आयामविवखंभेणं पन्नत्ता २ । एवं चित्तविचित्तकूडावि भाणियव्वा ३ । सव्वेऽवि णं वट्टवेयड्डपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं विवखंभेणं पन्नत्ता ४ । सव्वत्थ समा पल्लगसंठाणसंठिया पन्नत्ता ५ । सव्वेऽवि णं हरिहरिस्सहकूडा ववखारकूडवज्जा दस दस जोयणसयाइं उड्डं उच्चत्तेणं पन्नत्ता, मूले दस जोयणसयाइं विवखंभेणं ६ । एवं वलकूडावि नंदणकूडवज्जा ७ । अरहावि(णं) अरिड्ढनेमी दस वाससयाइं सव्वाउयं पालइत्ता सिद्धे बुद्धे जाव सव्वदुक्खप्पहीणे ८ । पासस्स णं अरहओ पुरिसादानीयस्स दस सयाइं जिणाणं होत्था ९ । पासस्स णं अरहओ दस अन्तेवासीसयाइं कालागयाइं जाव सव्वदुक्खप्पहीणाइं १० । पउमदहपुंढरीयदहा य दस दस जोयणसयाइं आयामेणं पन्नत्ता ११ (१०००) ॥ सूत्रं ११३ ॥ अणुत्तरोववाइयाणं देवाणं विमाणा एकारस जोयणसयाइं उड्डं उच्चत्तेणं पन्नत्ता १ । पासस्स णं

अरह्यो पुरिसादानीयस्स इकारस सयाइं वेउव्वियाणं होत्था २ (११००)
 ॥ सूत्रं ११४ ॥ महापउममहापुंडरीयदहा णं दो दो जोयणसहस्साइं
 आयामेणं पन्नत्ता (२०००) ॥ सूत्रं ११५ ॥ इमीसे णं रयणप्पभाए
 पुढ्वीए वइरकंडस्स उवरिल्लाओ चरमंताओ लोहियक्खकंडस्स हेट्ठिल्ले
 चरमंते एस णं तिन्नि जोयणसहस्साइं अवाहाए अंतरे पन्नत्ते (३०००)
 ॥ सूत्रं ११६ ॥ तिगिच्छिकेसरिदहाणं चत्तारि चत्तारि जोयणसहस्साइं
 आयामेणं पन्नत्ता (४०००) ॥ सूत्रं ११७ ॥ धरणितले मंदरस्स णं
 पव्वयस्स बहुमज्झदेसभाए रुयगनाभीओ चउदिसिं पञ्च (२) जोयणसहस्साइं
 अवाहाए अंतरे मंदरपव्वए पन्नत्ते (५०००) ॥ सूत्रं ११८ ॥ सहस्सारे
 णं कप्पे छ विमाणावाससहस्सा पन्नत्ते (६०००) ॥ सूत्रं ११९ ॥ इमीसे
 णं रयणप्पभाए पुढ्वीए रयणस्स कंडस्स उवरिल्लाओ चरमंताओ पुलगस्स
 कंडस्स हेट्ठिल्ले चरमंते एस णं सत्त जोयणसहस्साइं अवाहाए अंतरे
 पन्नत्ते (७०००) ॥ सूत्रं १२० ॥ हरिवासरम्मयाणं वासा अट्ठ जोयण-
 सहस्साइं सागरेगाइं वित्थरेणं पन्नत्ता (८०००) ॥ सूत्रं १२१ ॥
 दाहिणद्धभरहस्स णं जीवा पाईणपडीणायया दुहओ समुद्धं पुट्ठा नव
 जोयणसहस्साइं आयामेणं पन्नत्ता (९०००) ॥ सूत्रं १२२ ॥ मंदरे णं
 पव्वए धरणितले दस जोयणसहस्साइं विक्खंभेणं पन्नत्ते (१००००)
 ॥ सूत्रं १२३ ॥ जम्बूदीवेणं दीवे एगं जोयणसयसहस्सं आयामविक्खंभेणं पन्नत्ते
 (१०००००) ॥ सूत्रं १२४ ॥ लवणे णं समुद्धे दो जोयणसयसहस्साइं
 चक्कवालविक्खंभेणं पन्नत्ते (२०००००) ॥ सूत्रं १२५ ॥ पासस्स णं
 अरह्यो तिन्नि सयसाहस्सीओ सत्तावीसं च सहरसाइं उक्कोसिया साविया-
 संपया होत्था (३०००००) ॥ सूत्रं १२६ ॥ धायइक्खंडे णं दीवे चत्तारि
 जोयणसयसहस्साइं चक्कवालविक्खंभेणं पन्नत्ते (४०००००) ॥ सूत्रं १२७ ॥
 लवणस्स णं समुद्धस्स पुरच्छिमिल्लाओ चरमंताओ पच्चच्छिमिल्ले चरमंते

अक्षरा अण्ता गमा अण्ता पञ्चवा परित्ता तसा अण्ता थावरा सासया
 कडा शिवद्धा शिकाइया जिणपराणात्ता भावा आघविज्जंति पराणविज्जंति
 परुविज्जंति निदंसिज्जंति उवदंसिज्जंति ५ । से एवं आया एवं णाया एवं
 विराणाया एवं चरणकरणापरुवणाया आघविज्जंति पराणविज्जंति परुविज्जंति
 निदंसिज्जंति उवदंसिज्जंति ६ । से तं सूत्रगडे (२) ७ ॥ सूत्रं १३७ ॥
 से किं तं ठाणे ? ठाणेणं ससमया ठाविज्जंति परसमया ठाविज्जंति ससमय-
 परसमया ठाविज्जंति जीवा ठाविज्जंति अजीवा ठाविज्जंति जीवाजीवा ठावि-
 ज्जंति लोगा ठाविज्जंति अलोगा ठाविज्जंति लोगालोगा ठाविज्जंति १ ।
 ठाणेणं दब्बगुणखेत्तकालपञ्चव-पयत्थाणं-सेला सलिला य समुद्धा सूरभव-
 णविमाण आगर णदीओ । णिहिओ पुरिसजाया (पस्सजोया) सरा य
 गोत्ता य जोइमंचाला ॥ १ ॥ एकविहवत्तव्वयं दुविह जाव दसविहवत्तव्वयं
 जीवाण पोग्गलाण य लोगट्ठाइं च णं परुवणाया आघविज्जंति जाव उवदं-
 सिज्जंति २ । ठाणस्स णं परित्ता वायणा संखेज्जा अणुओगदारा संखेज्जाओ
 पडिवत्तीओ संखेज्जा वेढा संखेज्जा सिलोगा संखेज्जाओ संगहणीओ ३ । से
 णं अंगट्ठयाए तइए अंगे एगे सुयक्खंधे दस अज्झयणा एकवीसं उद्देसण-
 काला वावत्तरिं पयसहस्साइं पयग्गेणं पन्नत्ताइं ४ । संखेज्जा अक्षरा
 अण्ता पञ्चवा परित्ता तसा अण्ता थावरा सासया कडा शिवद्धा शिकाइया
 जिणपराणात्ता भावा आघविज्जंति पराणविज्जंति परुविज्जंति निदंसिज्जंति
 उवदंसिज्जंति ५ । से एवं आया एवं णाया एवं विराणाया एवं चरणकरणापरु-
 वणाया आघविज्जंति जाव उवदंसिज्जंति ६ । सेत्तं ठाणे (३) ७ ॥ सूत्रं १३८ ॥
 से किं तं समवाए ? समवाएणं ससमया सूइज्जंति परसमया सूइज्जंति
 ससमयपरसमया सूइज्जंति जाव लोगालोगा सूइज्जंति १ । समवाएणं
 एकाइयाणं एगट्ठाणं एगुत्तरियपरिवुट्ठीए दुवालसंगस्स य गणिपिडगस्स
 पल्लवग्गे समणुगाइज्जइ ठाणगसयस्स वारसविहवित्थरस्स सुयणाणस्स

जगजीवहियस्स भगवओ समासेणं समोयारे आहिज्जति २ । तत्थ य
 णाणाविहप्पगारा जीवाजीवा य वणिणया वित्थरेण अवरेऽवि अ बहुविहा
 विसेसा नरगतिरियमणुअसुरगणाणं आहारुस्सासलेसा-आवाससंखआययप्प-
 माण-उववायचवणउग्गहणोवहि-वेयणविहाण-उवओगजोगइंदियकसाय विविहा
 य जीवजोणी विक्खंभुस्सेहपरिरयप्पमाणं विहिविसेसा य मंदरादीणं मही-
 धराणं कुलगरतित्थगरगणहराणं सम्मत्तभरहाहिवाण चक्कीणं चेव चक्कर-
 हलहराण य वासाण य निगमा य समाए एए अरणो य एवमाइ एत्थ
 वित्थरेणं अत्था समाहि(मवा)ज्जंति ३ । समवायस्स णं परित्ता वायणा
 जाव से णं अङ्गट्टयाए चउत्थे अंगे एगे अज्झयणो एगे सुयक्खंधे एगे
 उद्देसणकाले एगे चउयाले पदसहस्से पदगणेणं पन्नत्ते ४ । संखेज्जाणि
 अक्खराणि जाव चरणकरणपरूवणया आघविज्जंति जाव उवदंसिज्जंति
 ५ । से त्तं समवाए ६ ॥ सूत्रं १३६ ॥ से किं तं वियाहे ? वियाहेणं
 ससमया विआहिज्जंति परसमया विआहिज्जंति ससमयपरसमया विआ-
 हिज्जंति जीवा विआहिज्जंति अजीवा विआहिज्जंति जीवाजीवा विआ-
 हिज्जंति लोगे विआहिज्जइ अलोए वियाहिज्जइ लोगालोगे विआहिज्जइ १ ।
 वियाहेणं नाणाविहसुरनरिंद-रायरिसि-विविहसंसइअपुच्छियाणं जिणोणं
 वित्थरेण भासियाणं दव्वगुणखेत्तकाल-पज्जवपदेसपरिणाम-जहच्छिट्ठियभाव-
 अणुगमनिक्खेव-णयप्पमाण-सुनिउणोवक्कम-विविहप्पकार-पगडपयासियाणं
 लोगालोगपयासियाणं संसारसमुद्द-रुंदउत्तरणसमत्थाणं सुरवइसंपूजियाणं
 भवियजणपयहिययाभिनंदियाणं तमरयविद्धंसणाणं सुदिट्ठदीवभूय ईहामतिबु-
 द्धिवद्धणाणं छत्तीससहस्समणूयाणं वागरणाणं दंसणाओ सुयत्थवहुविह-
 प्पगारा सीसहियत्था य गुण(म)हत्था २ । वियाहस्स णं परित्ता
 वायणा संखेज्जा अणुओगदारा संखेज्जाओ पडिवत्तीओ संखेज्जा वेदा संखेज्जा
 सिलोगा संखेज्जाओ निज्जुत्ती(सज्जहणी)ओ ३ । से णं अंगट्टयाए पञ्चमे

अंगे एगे सुयक्खंधे एगे साइरेगे अज्झयणासते दस उद्देसगसहस्साइं दस
समुद्देसगसहस्साइं छत्तीसं वागरणासहस्साइं चउरासीई पथसहस्साइं पयग्गेणं
पराणात्ता ४ । संखेज्जाइं अक्खराइं अणांता गमा अणांता पज्जवा परिता
तसा अणांता थावरा सासया कडा णिवद्धा णिकाइया जिणपराणात्ता भावा
आघविज्जंति पराणविज्जंति परूविज्जंति निदंसिज्जंति उवदंसिज्जंति ५ ।
से एवं आया से एवं गाया एवं विराणाया एवं चरणाकरणापरूवणाया आघ-
विज्जंति जाव उवदंसिज्जंति ६ । सेत्तं वियाहे (५) ७ ॥ सूत्रं १४० ॥

से किं तं गायाधम्मकहाओ ? गायाधम्मकहासु णं गायाणां गागराइं उज्जा-
णाइं चेइआइं वणाखंडा रायाणो ५ अम्मापियरो समोसरणाइं धम्मायरिया
धम्मकहाओ इहलोइयपरलोइअइद्धीविसेसा १० भोगपरिचाया पव्वज्जाओ
सुयपरिग्गहातवोवहाणाइं परियागा १५ संलेहणाओ भत्तपच्चक्खाणाइं
पाओवगमणाइं देवलोगगमणाइं सुकुलपचायायाइं २० पुणावोहिलाभा
अंतकिरियाओ २२ य आघविज्जंति जाव नायाधम्मकहासु णं पव्वइयाणां
(समणाणां) विणायकरणाजिणसामिसासणा(प)वरे संजमपईराणा(पालणा)धिइमइ-
ववसायदुव्वलाणां १ तवनियमतवोवहाणाणादुद्धरभरभरगयणिस्सहय-
णिसिद्धाणां २ घोरपरीसहपराजियाणां सहपरुद्धरुद्ध(पराजियासहपारद्ध)
सिद्धालयमग्गनिग्गयाणां ३ विसयसुह(महेच्छा)तुच्छआसावसदोसमु-
च्छियाणां ४ विराहियचरित्तनाणादंसणाजइगुणाविविहप्पयारनिस्सारसुन्नयाणां
५ संसारअपारदुक्खदुग्गइभवविविहपरंपरापवंचा ६ धीराणा य जियपरिसह-
कसायसेराणाधिइधणियसंजमउच्छाहनिच्छियाणां ७ आराहियनाणादंसणाचरित्त-
जोगनिस्सल्लसुद्धसिद्धालयमग्गमभिमुहाणां सुरभवणाविमाणसुक्खाइं अणो-
वमाइं भुत्तूणा चिरं च भोगभोगाणि ताणि दिव्वाणि महरिहाणि ततो य
कालकमचुयाणां जह य पुणो लद्धसिद्धिमग्गाणां अंतकिरिया चलियाणा य
सदेवमाणस्सधीरकरणाकारणाणि बोधणाअणुसासणाणि गुणदोसदरिसणाणि

दिष्टं ते पञ्चये य सौज्ण्यं लोचनमुणिणो जहद्वियसासणम्मि जरमरणानासणकरे
 आराहिअसंजमा य सुरलोगपडिनियत्ता ओवेन्ति जह सासयं सिवं सब्व-
 दुक्खमोक्खं १ । एए अरणो य एवमाइअत्था वित्थरेण य, णायाधम्म-
 कहासु णं परित्ता वायणा संखेज्जा अणुओगदारा जाव संखेज्जाओ संगह-
 णीओ २ । से णं अंगट्ठयाए णट्ठे अंगे दो सुअक्खंधा एगूणावीसं अज्झ-
 यणा, ते समासओ दुविहा पराणत्ता, तंजहा-चरिता य कप्पिया य ३ ।
 दस धम्मकहाणं वग्गा, तत्थ णं एगमेगाए धम्मकहाए पंच पंच अक्खाइया-
 सयाइं एगमेगाए अक्खाइयाए पंच पंच उवक्खाइयासयाइं एगमेगाए उव-
 क्खाइयाए पंच पंच अक्खाइयउवक्खाइयासयाइं एवमेव सपुब्बावरेणं
 अद्दुट्ठाओ अक्खाइयाकोडीओ भवंतीति मक्खायाओ ४ । एएगूणातीसं
 उद्देसणकाला एगूणातीसं समुद्देसणकाला संखेज्जाइं पयसहस्साइं पयग्गेणं
 पराणत्ता संखेज्जा अक्खरा जाव चरणकरणपरुवणया आघविज्जंति
 जाव उवदंसिज्जंति ५ । सेत्तं णायाधम्मकहाओ (६) ६ ॥ सूत्रं १४१ ॥
 से किं तं उवासगदसाओ ? उवासगदसासु णं उवासयाणं णगराइं उज्जा-
 णाइं चेइयाइं वणखंडा रायाणो अम्मापियरो समोसरणाइं धम्मायरिया
 धम्मकहाओ इहलोइयपरलोइयइड्ढिविसेसा उवासयाणं सीलव्वयवेरमणगु-
 णपच्चक्खाणपोसहोववासपडिवज्जणयाओ सुयपरिग्गहा तवोवहाणा पडिमाओ
 उवसग्गा संलेहणाओ भत्तपच्चक्खाणाइं पाओवगमणाइं देवलोगगमणाइं
 सुकुलपच्चायाया पुणो बोहिलाभा अंतकिरियाओ आघविज्जंति, उवासगद-
 सासु णं उवासयाणं रिद्धिविसेसा परिसा वित्थरधम्मसवणाणि बोहिलाभ-
 अभिगमसम्मत्तविसुद्धया थिरत्तं मूलगुणउत्तरगुणाइयारा ठिईविसेसा य
 बहुविसेसा पडिमाभिग्गहग्गहणपालणा उवसग्गाहियासणा णिरुवसग्गा य
 तवा य विचित्ता सीलव्वयगुणवेरमणपच्चक्खाणपोसहोववासा अपच्छिम्ममार-
 णंतियसंलेहणाभोसणाहिं अप्पाणं जह य भावइत्ता बहुणि भत्ताणि अणस-

णाए य छेअइत्ता उववराणा कप्पवरविमाणुत्तमेसु जह अणुभवन्ति सुरवरवि-
 माणवरपोंडरीएसु सोवखाइं अणोवमाइं कमेण भुत्तूण उत्तमाइं तथो आउ-
 कखएणं चुया समाणा जह जिणमयम्मि बोहिं लद्धूण य संजमुत्तमं तमरयोघ-
 विप्पमुक्का उव्वेति जह अक्खयं सव्वदुक्खमोक्खं १ । एते अन्ने य एवमाइ-
 अत्था वित्थरेण य २ । उवासयदसासु णं परित्ता वायणा संखेज्जा अणु-
 ओगदारा जाव संखेज्जाओ संगहणीओ ३ । से णं अंगट्टयाए सत्तमे अंगे
 एगे सुयक्खंधे दस अज्झयणा दस उद्देसणकाला दस समुद्देसणकाला
 संखेज्जाइं पयसयसहस्साइं पयग्गेणं पन्नत्ताइं ४ । संखेज्जाइं अक्खराइं जाव
 एवं चरणकरणपरूवणाया आघविज्जन्ति जाव उवदंसिज्जन्ति ५ । सेत्तं
 उवासगदसाओ (७) ६ ॥ सूत्रं १४२ ॥ से किं तं अंतगडदसाओ ?
 अंतगडदसासु णं अंतगडाणं णगराइं उज्जाणाइं चेइयाइं वणाइं राया
 अम्मापियरो समोसरणा धम्मायरिया धम्मकहा इहलोइयपरलोइअइड्ढिविसेसा
 भोगपरिच्चाया पव्वजाओ सुयपरिग्गहा तवोवहाणाइं पडिमाओ बहु-
 विहाओ खमा अज्जवं महवं च सोअं च सच्चसहियं सत्तरसविहो य संजमो
 उत्तमं च वंभं आकिंचणाया तवो चियाओ समिइगुत्तीओ चेव तह अप्पमा-
 यजोगो सज्झायज्झाणेण य उत्तमाणं दोरहंपि लक्खणाइं पत्ताण य
 संजमुत्तमं जियगरीसहाणं चउव्विहकम्मक्खयम्मि जह कैवलस्स लंभो
 परियाओ जत्तिओ य जह पालिओ मुणिहिं पाथोवगओ य जो जहिं
 जत्तियाणि भत्ताणि छेअइत्ता अंतगडो मुनिवरो तमरयोघविप्पमुक्को मोक्ख-
 सुहमणंतरं च पत्ता एए अन्ने य एवमाइअत्था वित्थारेणं परूवेई(विज्जन्ति),
 अंतगडदसासु णं परित्ता वायणा संखेज्जा अणुओगदारा जाव संखेज्जाओ
 संगहणीओ २ । जाव से णं अंगट्टयाए अट्टमे अंगे एगे सुयक्खंधे दस अज्झ-
 यणा सत्तवग्गा दस उद्देसणकाला दस समुद्देसणकाला संखेज्जाइं पयसयसह-
 स्साइं पयग्गेणं पणत्ता संखेज्जा अक्खरा जाव एवं चरणकरणपरूवणाया

आधविज्जंति जाव उवदंसिज्जंति ३ । सेत्तं अंतगडदसाओ (८) ४ ॥ सूत्रं १४३ ॥
 से किं तं अणुत्तरोववाइयदसाओ ? अणुत्तरोववाइयदसाओ णं अणुत्तरोववाइ-
 याणं नगराणं उज्जाणाणं चेइयाणं वणाखंडा रायाणो अम्मापियरो समोसरणाणं
 धम्मायरिया धम्मकहाओ इहलोगपरलोगइड्डिविसेसा भोगपरिचाया पव्व-
 जाओ सुयपरिग्गहा तवोवहाणाणं परियागो पडिमाओ संलेहणाओ भत्तपाणा-
 पच्चक्खाणाणं पाओवगमणाणं अणुत्तरोववाओ सुकुलपच्चायाया पुणो बोहिलाभो
 अंतकिरियाओ य आधविज्जंति १ । अणुत्तरोववाइयदसाओ णं तित्थकरस-
 मोसरणाणं परमंगल्लजगहियाणि जिणातिसेसा य बहुविसेसा जिणासीसाणं चेव
 समणगणपवरगंधहत्थीणं थिरजसाणं परिसहसेराणरिउबलपमदणाणं तव(दव)-
 दित्तचरित्ताणासम्मत्तसारविविहप्पगारवित्थरपसत्थगुणसंजुयाणं(गुणज्झयाणं)
 अणुगारमहरिसीणं अणुगारगुणाण वराणओ उत्तमवरतवविसिट्ठणाणजांग-
 जुत्ताणं जह य जगहियं भगवओ जारिसा इड्डिविसेसा देवासुरमाणुसाणं
 परिसाणं पाउब्भावा य जिणसमीवं जह य उवासंति जिणवरं जह य
 परिकहंति धम्मं लोगगुरू अमरनरसुरगणाणं सोऊणा य तस्स भासियं अव-
 सेसकम्मविसयविरत्ता नरा जहा अब्भुवेति धम्ममुरालं संजमं तवं चावि
 बहुविहप्पगारं जह बहुणि वासाणि अणुचरित्ता आराहियनाणदंसणचरित्त-
 जोगा जिणवयणमणुगयमहियं(वयणाणुगइसु)भासित्ता जिणवराण हिययेण-
 मणुगणेत्ता जे य जहिं जत्तियाणि भत्ताणि छेअइत्ता लद्धा य समाहिमुत्तम-
 ज्झाणजोगजुत्ता उववन्ना मुणिवरोत्तमा जह अणुत्तरेसु पावंति जह अणुत्तरं
 तत्थ विसयसोक्खं तओ य चुआ कमेण काहिति संजया जहा य अंतकिरियं
 एए अन्ने य एवमाइअत्था वित्थरेण २ । अणुत्तरोववाइयदसाओ णं परित्ता
 वायणा संखेज्जा अणुओगदारा संखेज्जाओ संगहणीओ ३ । से णं अंगट्टयाए
 नवमे अंगे एगे सुयक्खंधे दस अज्झयाणा तिन्नि वग्गा दस उद्देसणाकाला
 दस समुद्देसणाकाला संखेज्जाणं पयसयसहस्साणं पयग्गेणं पन्नत्ताइ ४ ।

संखेज्जाणि अक्खराणि जाव एवं चरणकरणपरूवणाया आघविज्जंति जाव उवदंसिज्जंति ५ । सेत्तं अणुत्तरोववाइयदसाओ (९) ६ ॥ सूत्रं १४४ ॥
 से किं तं पराहावागरणाणि ? पराहावागरणोसु अट्ठुत्तरं पसिणसयं अट्ठुत्तरं
 अपसिणसयं अट्ठुत्तरं पसिणापसिणसयं विज्जाइसया नागसुवन्नेहिं सद्धिं
 दिव्वा संवाया आघविज्जंति, पराहावागरणदसासु णं ससमयपरसमयपराण-
 वयपत्तेअंबुद्धविविहत्थभासाभासियाणं अइसयगुणउवसमणाणप्पगारआय-
 रियभासियाणं वित्थरेणं थिर(वीर)महेसीहिं विविहवित्थरभासियाणं च
 जगहियाणं अद्दागंगुट्ठवाहुअसिमणिखोमआइच्चभासियाणं विविहमहापसिण-
 विज्जामणपसिण-विज्जादेवयपयोगपहाण-गुणप्पगासियाणं सव्वभूयदु(विविह)गु-
 णप्पभावनरगणमइविमहयकराणं अईसयमईयकालसमय-दमसमतित्थकरुत्तमस्स
 ठिइकरणकारणाणं दुरहिगमदुरवगाहस्स सव्वसव्वन्नुसम्मअस्स अंबुहजण-
 विवोहणकरस्स पच्चक्खयपच्चयकराणं पराहाणं विविहगुणमहत्था जिणवर-
 प्पणीया आघविज्जंति जाव उवदंसिज्जंति १ । पराहावागरणोसु णं परित्ता
 वायणा संखेज्जा अणुओगदारा जाव संखेज्जाओ संगहणीओ २ । से णं
 अंगट्ठयाए दसमे अंगे एगे सुयक्खंधे पणयालीसं उद्देसणाकाला पणयालीसं
 समुद्देसणाकाला संखेज्जाणि पयसयसहस्साणि पयग्गेणं पन्नत्ताइणि ३ । संखेज्जा
 अक्खरा अणांता गमा जाव चरणकरणपरूवणाया आघविज्जंति जाव उवदंसि-
 ज्जंति ४ । सेत्तं पराहावागरणाइ (१०) ५ ॥ सूत्रं १४५ ॥

से किं तं विवागसुयं ? विवागसुए णं सुक्कडुक्कडाणं कम्माणं फल-
 विवागे आघविज्जंति १ । से सणासओ दुविहे पराणत्ते, तंजहा-दुहविवागे
 चेव सुहविवागे चेव २ । तत्थ णं दस दुहविवागाणि दस सुहविवागाणि ३ ।
 से किं तं दुहविवागाणि ? दुहविवागेसु णं दुहविवागाणं नगराइं उज्जाणाइं
 चेइयाइं वणाखंडा रायाणो अम्मापियरो समोसरणाइं धम्मायरिया धम्मकहाओ
 नगरगमणाइं संसारपवंधे दुहपरंपराओ य आघविज्जंति, सेत्तं दुहविवागाणि

४ । से किं तं सुहविवागाणि ? सुहविवागेषु सुहविवागाणां रागराई
उज्जाराई चेइयाई वराखंडा रायाणो अम्मापियरो समोसरणाई धम्मायरिया
धम्मकहाओ इहलोइयपरलोइयइड्डिविसेसा भोगपरिचाया पव्वजाओ सुयपरि-
ग्गहा तवोवहाणाई परियागा पडिमाओ संलेहणाओ भत्तपच्चखाणाई
पाओवगमणाई देवलोगगमणाई सुकुलपचायाया पुणवोहिलाहा अंतकिरि-
याओ य आघविज्जंति ५ । दुहविवागेषु रां पाणाइवाय अलियवयण-चोरि-
ककरणा-परदारमेहुणाससंगयाए महतिव्वकसाय इंदियप्पमाय-पावप्पओयअ-
सुहज्भवसाणसंचियाणं कम्माणं पावगाणं पावअणुभागफलविवागा णिरय-
गति-तिरिक्खजोणि-बहुविहवसणसयपरंपरापबद्धाणं मणायत्तेऽवि आगयाणं
जहा पावकम्मसेसेण पावगा होन्ति फलविवागा वहवसणविणास-नासाक-
न्तुट्ठं गुट्ठ-करचरण-नहच्छेयण-जिम्भेअण-अंजणकडगिदाह-गयचलणमलण-
फालणउल्लंबणसूललया-लउडलट्ठिभंजण-तउसीसगतत्तेल-कलकलअहिसिं-
चण-कुंभिपाग-कंपण-थिरबंधण-वेहवज्भकत्तण-पतिभयंकर-करपल्लीवणादिदा-
रुणाणि दुक्खाणि अणोवमाणि बहुविविहपरंपराणुबद्धा रा मुच्चंति पाव-
कम्मवल्लीए ६ । अवेयइत्ता हु रात्थि मोक्खो तवेण धिइर्धाणियवद्धकच्छेण
सोहणं तस्स वावि हुज्जा ७ । एत्तो य सुहविवागेषु रां सीलसंजमणियमगुण-
तवोवहाणेषु साहूसु सुविहिएसु अणुकंपासयप्पओगतिकालमइविसुद्धभत्त-
पाणाई पययमणासा हियसुहनीसेसतिव्वपरिणामनिच्छियमई पयच्छिऊणं
पयोगसुद्धाई जह य निव्वर्तेति उ वोहिलाभं जह य परिक्कीरेति नरनरय-
तिरियसुरगमण-विपुलपरियट्ठ-अरतिभयविसायसोग-मिच्छत्तसेलसंकडं अन्ना-
णतमंधकारचिक्खिलसुदुत्तारं जरमाणजोणि-संखुभियचक्कवालं सोलसकसाय-
सावयपयंडचंडं अणाइअं अणवदग्गं संसारसागरमिणं जह य णिवंधंति
आउगं सुरगणेषु जह य अणुभवन्ति सुरगणविमाणसोक्खाणि अणोवमाणि
ततो य कालंतरे बुआणं इहेव नरलोगमागयाणं आउवपुपुराण-रूवजाति-

कुल-जन्मआरोग्यबुद्धि-मेहाविसेसा मित्तजणसयण-धणधराणविभव-समिद्धसार-
समुद्दयविसेसा बहुविहकामभोगुन्भवाण सोवखाण सुहविवागोत्तमेसु ८ ।
अणुवरयपरंपराणुवद्धा असुभाणं सुभाणं चेव कम्माणं भासिआ बहुविहा
विवागा विवागसुयम्मि भगवथा जिणवरेण संवेगकारणत्था अन्नेऽवि य
एवमाइया बहुविहा वित्थरेणं अत्थपरुवणाया आवविज्जंति जाव उवदंसि-
ज्जंति ९ । विवागसुअस्स णं परित्ता वायणा संखेज्जा अणुओगदारा जाव
संखेज्जाओ संगहणीओ १० । से णं अंगट्ठयाए एकारसमे अंगे वीसं अज्झ-
यणा वीसं उद्देसणकाला वीसं समुद्देसणकाला ११ । संखेज्जाइं पयस-
यसहस्साइं पयग्गेणं पन्नत्ताइं १२ । संखेज्जाणि अक्खराणि अणंता गमा
अणंता पज्जवा जाव एवं चरणकरणापरुवणाया आवविज्जंति जाव उवदंसि-
ज्जंति १३ । सेत्तं विवागसुए (११) १४ ॥ सूत्रं १४६ ॥ से किं तं दिट्ठिवाए ?
दिट्ठिवाए णं सब्बभावपरुवणाया आवविज्जंति १ । से समासओ पंचविहे पन्नत्ते,
तंजहा-परिकम्भं सुत्ताइं पुव्वगयं अणुओगो चूलिया २ । से किं तं परिकम्मे ?
परिकम्मे सत्तविहे पन्नत्ते, तंजहा-सिद्धसेणियापरिकम्मे मणुस्ससेणियापरिकम्मे
पुट्ठसेणियापरिकम्मे ओगाहणसेणियापरिकम्मे उवसंपज्जसेणियापरिकम्मे
विप्पजहसेणियापरिकम्मे चुआचुअसेणियापरिकम्मे ३ । से किं तं सिद्धसे-
णियापरिकम्मे ? सिद्धसेणियापरिकम्मे चोद्दसविहे पन्नत्ते, तंजहा-माउयाप-
याणि एगट्ठियपयाणि पादोट्ठपयाणि आगासपयाणि केउभूयंरासिबद्धं एग-
गुणं दुगुणं तिगुणं केउभूयं पडिग्गहो संसारपडिग्गहो नंदावत्तं सिद्धवद्धं,
सेत्तं सिद्धसेणियापरिकम्मे ४ । से किं तं मणुस्ससेणियापरिकम्मे ? मणुस्स-
सेणियापरिकम्मे चोद्दसविहे पराणत्ते, तंजहा-ताइं चेव माउआपयाणि जाव
नंदावत्तं मणुरसवद्धं, सेत्तं मणुस्ससेणियापरिकम्मे ५ । अवसेसा परिकम्माइं
पुट्ठाइयाइं एकारसविहाइं पन्नत्ताइं ६ । इच्चेयाइं सत्त परिकम्माइं ससमइ-
याइं सत्त आजीवियाइं छ चउक्कणइयाइं सत्त तेरासियाइं ७ । एवामेव

सपुष्पावरेणं सत्त परिकम्माइं तेसीति भवन्तीतिमक्खायाइं सेत्तं परिकम्माइं
 = । से किं तं सुत्ताइं ? सुत्ताइं अट्ठासीति भवन्तीतिमक्खायाइं, तंजहा—उज्जुगं
 परिणयापरिणयं बहुभंगियं विप्पच्चइयं [विन(ज)यचरियं] अण्णंतरं परंपरं
 समाणं संजूहं [मासाणं] संभिन्नं अहाच्चयं (अहव्वायं) सोवत्थि(वत्तं)यं
 गंदावत्तं बहुलं पुट्ठापुट्ठं वियावत्तं एवंभूयं दुआवत्तं वत्तमाणप्पयं समभिरूढं
 संवओभइं पणामं(पस्सासं) दुपडिग्गहं, इच्चेयाइं बावीसं सुत्ताइं छिगण-
 छेअण्णइआइं ससमयसुत्तपरिवाडीए, इच्चेआइं बावीसं सुत्ताइं अछिन्नछेयनइ-
 याइं आजीवियसुत्तपरिवाडीए, इच्चेआइं बावीसं सुत्ताइं तिकण्णइयाइं
 तेरासियसुत्तपरिवाडीए, इच्चेआइं बावीसं सुत्ताइं चउक्काण्णइयाइं ससमयसुत्त-
 परिवाडीए, एवामेव सपुष्पावरेणं अट्ठासीति सुत्ताइं भवन्तीतिमक्खायाइं, सेत्तं
 सुत्ताइं १ । से किं तं पुब्बगयं ? पुब्बगयं चउइसविहं पन्नत्तं, तंजहा—उप्पायपुब्बं
 अग्गेणीयं वीरियं अत्थिण्णत्थिप्पवायं नाण्णप्पवायं सच्चप्पवायं आयप्पवायं
 कम्मप्पवायं पच्चक्खाण्णप्पवायं विज्जाण्णप्पवायं अवंभप्पवायं पाणाऊप्पवायं
 किरियाविसालं लोगविंदुसारं १४, १० । उप्पायपुब्बस्स णं दस वत्थू
 पन्नत्ता, चत्तारि चूलियावत्थू पन्नत्ता ११ । अग्गेणियस्स णं पुब्बस्स चोइस
 वत्थू बारस चूलियावत्थू १२ । वीरियपवायस्स णं पुब्बस्स अट्ठ वत्थू अट्ठ
 चूलियावत्थू पन्नत्ता १३ । अत्थिण्णत्थिप्पवायस्स णं पुब्बस्स अट्ठारस वत्थू
 दस चूलियावत्थू पन्नत्ता १४ । नाण्णप्पवायस्स णं पुब्बस्स बारस वत्थू पन्नत्ता
 १५ । सच्चप्पवायस्स णं पुब्बस्स दो वत्थू पन्नत्ता १६ । आयप्पवायस्स णं
 पुब्बस्स सोलस वत्थू पन्नत्ता १७ । कम्मप्पवायपुब्बस्स तीसं वत्थू पन्नत्ता १८ ।
 पच्चक्खाण्णस्स णं पुब्बस्स वीसं वत्थू पन्नत्ता १९ । विज्जाण्णप्पवायस्स णं
 पुब्बस्स पनरस वत्थू पन्नत्ता २० । अवंभस्स णं पुब्बस्स बारस वत्थू पन्नत्ता
 २१ । पाणाउस्स णं पुब्बस्स तेरस वत्थू पन्नत्ता २२ । किरियाविसालस्स
 णं पुब्बस्स तीसं वत्थू पन्नत्ता २३ । लोगविंदुसारस्स णं पुब्बस्स पणवीसं

वत्थू पन्नत्ता २४ । दस चोदस अष्टद्वारसे व बारस दुवे य वत्थूणि ।
 सोलस तीसा वीसा पन्नरस अणुप्पवायमि ॥ १ ॥ बारस एकारसमे बारसमे
 तेरसेव वत्थूणि । तीसा पुण तेरसमे चउदसमे पन्नवीसाओ ॥ २ ॥ चत्तारि
 दुवालस अट्ट चेव दस चेव चूलवत्थूणि । आतिल्लाण चउराहं सेसाणं
 चूलिया णत्थि ॥ ३ ॥ सेत्तं पुव्वगयं २५ । से किं तं अणुओगे ? अणुओगे
 दुविहे पन्नत्ते, तंजहा—मूलपढमाणुओगे य गंडियाणुओगे य २६ । से किं तं
 मूलपढमाणुओगे ? एत्थ णं अरहंताणं भगवंताणं पुव्वभवा देवलोगगमणाणि
 आउं चवणाणि जम्मणाणि अ अभिसेया रायवरसिरीओ सीयाओ पव्व-
 ज्जाओ तवा य भत्ता केवलणाणुप्पाया अ तित्थपवत्तणाणि अ संघयणं
 संठाणं उच्चत्तं आउं वन्नविभागो सीसा गणा गणहरा य अज्जा पवत्तणीओ
 संघस्स चउव्विहस्स जं वावि परिमाणं जिणमणपज्जवओहिनाणसम्मत्तसुय-
 नाणिणो य वाई अणुत्तरगई य जत्तिया सिद्धा पाओवगआ य जे जहिं
 जत्तियाइं भत्ताइं छेअइत्ता अंतगडा मुणिवरुत्तमा तमरओघविप्पमुक्का सिद्धि-
 पहमाणुत्तरं च पत्ता, एए अन्ने य एवमाइया भावा मूलपढमाणुओगे कहिआ
 आघविज्जंति पराणविज्जंति परूविज्जंति, सेत्तं मूलपढमाणुओगे २७ । से
 किं तं गंडियाणुओगे ? (२) अणोगविहे पराणत्ते, तंजहा—कुलगरगंडियाओ
 तित्थगरगंडियाओ गणहरगंडियाओ चक्करगंडियाओ दसारगंडियाओ
 बलदेवगंडियाओ वासुदेवगंडियाओ हरिवंसगंडियाओ भद्वाहुगंडियाओ
 तवोकम्मगंडियाओ चित्तंतरगंडियाओ उस्सप्पिणीगंडियाओ ओसप्पिणीगं-
 डियाओ अमरनरतिरियनिरयगइगमणविविहपरियट्टणाणुओगे, एवमाइयाओ
 गंडियाओ आघविज्जंति पराणविज्जंति परूविज्जंति, सेत्तं गंडियाणुओगे
 २८ । से किं तं चूलियाओ ? (२) जराणं आइल्लाणं चउराहं पुव्वाणं
 चूलियाओ, सेसाइं पुव्वाइं अचूलियाइं, सेत्तं चूलियाओ २९ । दिट्ठिवायस्स
 णं परित्ता वायणा संखेज्जा अणुओगदारा संखेज्जाओ पडिवत्तीओ संखे-

जात्रो निज्जुत्तीत्रो संखेज्जा सिलोगा संखेज्जात्रो संगहणीत्रो ३० । से
 णं अंगट्टयाए बारसमे अंगे एगे सुयखंधे चउदस पुब्बाइं संखेज्जा वत्थू
 संखेज्जा चूलवत्थू संखेज्जा पाहुडा संखेज्जा पाहुडपाहुडा संखेज्जात्रो पाहुडि-
 यात्रो संखेज्जात्रो पाहुडपाहुडियात्रो संखेज्जाणि पयसयसहस्साणि पयग्गेणं
 पन्नत्ता ३१ । संखेज्जा अक्खरा अणंता गमा अणंता पज्जवा परित्ता तसा
 अणंता थावरा सासया कडा णिवद्धा णिकाइया जिणपराणत्ता भावा
 आघविज्जति पराणविज्जंति परूविज्जंति दंसिज्जंति निदंसि-
 ज्जंति उवदंसिज्जंति ३२ । एवं णाया एवं विराणाया एवं
 चरणकरणपरूवणाया आघविज्जंति जाव उवदंसिज्जंति सेत्तं दिट्ठिवाए
 ३३ । सेत्तं दुवालसंगे गणिपिडगे (१२) ३४ ॥ सूत्रं १४७ ॥
 इच्चेइयं दुवालसंगं गणिपिडगं अतीतकाले अणंता जीवा आणाए विरा-
 हित्ता चाउरंतसंसारकंतरं अणुपरियट्ठिसु इच्चेइयं दुवालसंगं गणिपिडगं
 पडुप्पराणे काले परित्ता जीवा आणाए विराहित्ता चाउरंतसंसारकंतरं
 अणुपरियट्ठंति इच्चेइयं दुवालसंगं गणिपिडगं अणागए काले अणंता
 जीवा आणाए विराहित्ता चाउरंतसंसारकंतरं अणुपरियट्ठिस्संति १ ।
 इच्चेइयं दुवालसंगं गणिपिडगं अतीतकाले अणंता जीवा आणाए विरा-
 हित्ता चाउरंतसंसारकंतरं वीईवइंसु एवं पडुप्पराणेऽवि एवं अणागएऽवि २ ।
 दुवालसंगे णं गणिपिडगे ण कयावि णत्थि ण कयाइ णासी ण कयाइ
 ण भविस्सइ भुवि च भवति य भविस्सति य धुवे णित्थिए सासए अक्खए
 अव्वए अवट्ठिए णिच्चे, से जहा णामए पंच अत्थिकाया ण कयाइ ण
 आसि ण कयाइ णत्थि ण भविस्सति भुवि च भवति य भविस्सति य धुवा
 णित्थिया सासया अक्खया अव्वया अवट्ठिया णिच्चा एवामेव दुवालसंगे
 गणिपिडगे ण कयाइ ण आसि ण कयाइ णत्थि ण कयाइ ण भविस्सइ
 भुवि च भवति य भविस्सइ य धुवे जाव अवट्ठिए णिच्चे ३ । एत्थ

णं दुवालसंगे गणपिडगे अणंता भावा अणंता अभावा अणंता हेऊ
अणंता अहेऊ अणंता कारणा अणंता अकारणा अणंता जीवा अणंता
अजीवा अणंता भवसिद्धिया अणंता अभवसिद्धिया अणंता सिद्धा अणंता
असिद्धा आग्रविज्जंति पराणविज्जंति परूविज्जंति दंसिज्जंति निदंसिज्जंति
उवदंसिज्जंति ४ । एवं दुवालसंगं गणपिडगं इति ॥ सूत्रं १४८ ॥

दुवे रासी पन्नत्ता, तंजहा-जीवरासी अजीवरासी य १ । अजीवरासी
दुविहा पन्नत्ता, तंजहा-रूवीअजीवरासी अरूवीअजीवरासी य २ । से किं
तं अरूवी अजीवरासी ? अरूविअजीवरासी दसविहा पन्नत्ता, तंजहा-धम्म-
त्थिकाए जाव अद्धासमए ३ । रूवीअजीवरासीअणोगाविहा पन्नत्ता, जाव से
किं तं अणुत्तरोववाइया ? अणुत्तरोववाइया पंचविहा पन्नत्ता, तंजहा-विजय-
वेजयंतजयंतअपराजितसब्बट्टसिद्धिया, सेत्तं अणुत्तरोववाइया, सेत्तं पंचिदिय-
संसारसमावराणजीवरासी ४ । दुविहा गोरइया पन्नत्ता, तंजहा-पज्जत्ता य
अपज्जत्ता य, एवं दंडयो भाणियव्वो जाव वेमाणियत्ति ५ । इमीसे णं
रयणप्पभाए पुढवीए केवइयं खेत्तं ओगाहेत्ता केवइया गिरयावाआ पराणत्ता ?
गोयमा ! इमीसे णं रयणप्पभाए पुढवीए असीउत्तरजोयणसयसहस्मवाह-
ल्लाए उवरि एगं जोयणसहस्सं ओगाहेत्ता हेंढा चेगं जोयणसहस्सं वज्जेत्ता
मज्जे अट्टसत्तरि जोयणसयसहस्से एत्थ णं रयणप्पभाए पुढवीए गोरइयाणं
तीसं गिरयावाससयसहस्सा भवंतीतिमवखाया, ते णं गिरयावासा अंतो
वट्टा वाहिं चउरंसा जाव असुभा गिरया असुभाओ गिरएसु वेयणाओ ६ ।
एवं सत्तवि भाणियव्वाओ जं जासु जुज्जइ-‘आसीयं वत्तीसं अट्टावीसं तहेव
वीसं च । अट्टारस सोलसगं अट्टुत्तरमेव वाहल्लं ॥ १ ॥ तीसा य पराण-
वीसा पन्नरस दसेव सयसहस्साइं । तिराणोगं पंचूणं पंचेव अणुत्तरा नरणा
॥२॥ चउसट्ठी असुराणं चउरासीइं च होइ नागाणं । वावत्तरि सुवन्नाण
वाउकुमाराण छराणउइ ॥३॥ दीवदिसाउदहीणं विज्जकुमारिदथणियमग्गीणं ।

छग्रहंपि जुवल्याणं बा(छा)वत्तरिमो य सयसहसा ॥४॥ बत्तीसष्टावीसा बारस
अड चउरो य सयसहस्सा । पराणा चत्तालीसा छच्च सहस्सा सहस्सारे ॥५॥
आण्यपाण्यकप्पे चत्तारि सयाऽऽरण्णुए तिन्नि । सत्त विमाणसयाइं चउसुवि
एणसु कप्पेसु ॥ ६ ॥ एकारसुत्तरं हेट्ठिमेसु सत्तुत्तरं च मज्झिमए । सयमेगं
उवरिमए पंचेव अणुत्तरविमाणा ॥ ७ ॥ ७ । दोच्चाए णं पुढवीए तच्चाए णं
पुढवीए चउत्थीए पुढवीए पंचमीए पुढवीए छट्ठीए पुढवीए सत्तमीए पुढवीए
गाहाहिं भाणियव्वा ८ । सत्तमाए पुढवी पुच्छा, गोयमा ! सत्तमाए पुढवीए
अट्ठुत्तरजोयणसयसहस्साइं बाहल्लाए उवरि अद्धतेवन्नं जोयणसहस्साइं
ओगाहेत्ता हेट्ठावि अद्धतेवन्नं जोयणसहस्साइं वज्जित्ता मज्जे तिसु जोयण-
सहस्सेसु एत्थ णं सत्तमाए पुढवीए नेरइयाणं पंच अणुत्तरा महइमहालया
महानिरया पराणत्ता, तंजहा-काले महाकाले रोरुए महारोरुए अप्पइट्ठाणे
नामं पंचमे ९ । ते णं निरया वट्ठे य तंसा य अहे खुरप्पसंठाणसंठिया
जाव असुभा नरगा असुभाओ नरएसु वेयणाओ १० ॥ सूत्रं १४६ ॥

केवइया णं भंते ! असुरकुमारावासा पन्नत्ता ? गोयमा ! इमीसे णं रयण-
प्पभाए पुढवीए असीउत्तरजोयणसयसहस्सबाहल्लाए उवरि एगं जोयणसहस्सं
ओगाहेत्ता हेट्ठा चेगं जोयणसहस्सं वज्जित्ता मज्जे अट्ठहत्तरिजोयणसयस-
हस्से एत्थ णं रयणप्पभाए पुढवीए चउसट्ठिं असुरकुमारावाससयसहस्सा
पन्नत्ता १ । ते णं भवणा बाहिं वट्ठा अंतो चउरंसा अहे पोक्खरकरिणा-
आसंठाणसंठिया उक्किराणंतर-विउलगंभीर-खायफलिहा अट्ठालयचरिय(चतु-
र्य)दारगोउरकवाड-तोरणपडिदुवार-देसमागा जंतमुसलसंदिसयग्घपरिवा-
रिया अउज्झा अडयालकोट्टरइया अडयालकयवणमाला लाउल्लोइयमहिया
गोसीससरसरत्तचंदणादहरदिगाणपंचंगुलितला कालागुरुपवरकुंदुरुक-तुरुकड-
ज्झंतधूवमघमघेतंगंधुद्धयाभिरामा सुगंधिया गंधवट्ठिभूया अच्छा सराहा
लराहा घट्ठा मट्ठा नीरया णिम्मला वितिमिरा विसुद्धा सप्पभा समरीया

सउज्जोत्रा पासाईया दरिसणिज्जा अभिरूवा पडिरूवा, एवं जं जस्स कमती-
तं तस्स जं जं गाहाहिं भणियं तह चेव वराणओ २ । केवइया णं भंते !
पुढविकाइयावासा पन्नत्ता ? गोयमा ! असंखेज्जा पुढवीकाइयावासा पन्नत्ता,
एवं जाव मणुस्सत्ति ३ । केवइया णं भंते ! वाणमंतरावासा पन्नत्ता ?
गोयमा ! इमीसे णं रयणप्पभाए पुढवीए रयणामयस्स कंडस्स जोयण-
सहस्सवाहल्लस्स उवरिं एगं जोयणसयं ओगाहेत्ता हेट्ठा चेगं जोयणसयं
वज्जेता मज्जे अट्ठसु जोयणसएसु एत्थ णं वाणमंतराणं देवाणं तिरियम-
संखेज्जा भोमेज्जा नगरावाससयसहस्सा पन्नत्ता, ते णं भोमेज्जा नगरा बाहिं
वट्ठा अंतो चउरंसा, एवं जहा भवणवासीणं तहेव गोयव्वा, एवरं पंडाग-
मालाउला सुरम्मा पासाईया दरिसणिज्जा अभिरूवा पडिरूवा ४ । केवइया णं
भंते ! जोइसियाणं विमाणावासा पन्नत्ता ? गोयमा ! इमीसे णं रयणप्पभाए
पुढवीए बहुममरमणिज्जाओ भूमिभागाओ सत्तनउयाइं जोयणसयाइं उट्ठं
उप्पइत्ता एत्थ णं दसुत्तरजोयणसयवाहल्ले तिरियं जोइसविसए जोइसियाणं
देवाणं असंखेज्जा जोइसियविमाणावासा पन्नत्ता, ते णं जोइसियविमाणावासा
अब्भुग्गयमूसियपहसिया विविहरमणिरयणभत्तिचित्ता वाउद्धुयविजयवेजयंती-
पडागळत्ताइळत्तकलिया तुंगा गगणतलमणुलिहंतसिहरा जालंतररयणपङ्क-
रुम्मिलियव्व मणिकणगथूभियागा वियसियसयपत्तपुराडरीयतिलयरयणद्ध-
चंदचित्ता अंतो बाहि च सराहा तवणिज्जवालुआपत्थडा सुहफासा सस्सिरीय-
रूवा पासाईया दरिसणिज्जा ५ । केवइया णं भंते ! वेमाणियावासा पन्नत्ता ?
गोयमा ! इमीसे णं रयणप्पभाए पुढवीए बहुममरमणिज्जाओ भूमिभागाओ
उट्ठं चंदिमसूरियगहगणनक्खत्ततारारूवाणं वीइवइत्ता वट्ठणि जोयणाणि
वट्ठणि जोयणसयाणि वट्ठणि जोयणसहस्साणि (वट्ठणि जोयणसयसहस्साणि)
वहुइओ जोयणकोडीओ वहुइओ जोयणकोडाकोडीओ असंखेज्जाओ जोयण-
कोडाकोडीओ उट्ठं दूरं वीइवइत्ता एत्थ णं विमाणियाणं देवाणं सोहम्मीसाण-

सणकुमारमाहिंद-वंभलंतग-सुकसहस्सार-आणयपाणय-आरण्यचुण्डसुगेवेज-
गमणुत्तरेसु य चउरासीइं विमाणावाससयसहस्सा सत्ताणउइं च सहस्सा
तेवीसं च विमाणा भवंतीतिमक्खाया, ते णं विमाणा अचिमालिप्पभा भासरा-
सिवराणाभा अरया नीरया णिम्मला वितिमिरा विसुद्धा सब्बरयणामया
अच्छा सगहा घट्टा मट्टा णिप्पंका णिवकंकडच्छाया सप्पभा समरिया सउ-
ज्जोया पासाईया दरिसणिज्जा अभिरूवा परिरूवा ६ । सोहम्मे णं भंते !
कप्पे केवइया विमाणावासा पराणत्ता ? गोयमा ! बत्तीसं विमाणावाससय-
सहस्सा पराणत्ता ७ । एवं ईसाणाइसु अट्ठवीस बारस अट्ठ चत्तारि एयाइ
सयसहस्साइं पराणासं चत्तालीसं छ एयाइं सहस्साइं आणए पाणए चत्तारि
आरण्यचुण्ण तिन्नि एयाणि सयाणि, एवं गाहाहि भाणियव्वं = ॥सूत्रं १५०॥
नेरइयाणं भंते ! केवइयं कालं ठिई पन्नत्ता ? गोयमा ! जहन्नेणं दस वासस-
हस्साइं उक्कोसेणं तेत्तीसं सागरोवमाइं ठिई पन्नत्ता ? अपज्जत्तगाणं नेरइयाणं
भंते ! केवइयं कालं ठिई पन्नत्ता ? जहन्नेणं अंतोमुहुत्तं, उक्कोसेणवि अंतो-
मुहुत्तं, पज्जत्तगाणं जहन्नेणं दस वाससहस्साइं अंतोमुहुत्तूणाइं उक्कोसेणं तेत्तीसं
सागरोवमाइं अंतोमुहुत्तूणाइं २ । इमीसे णं रयणप्पभाए पुढवीए एवं जाव
विजयवेजयंतजयंतअपराजियाणं देवाणं केवइयं कालं ठिई पन्नत्ता ? गोयमा !
जहन्नेणं बत्तीसं सागरोवमाइं उक्कोसेणं तेत्तीसं सागरोवमाइं ३ । सब्बट्ठे
अजहरणमणुक्कोसेणं तेत्तीसं सागरोवमाइं ठिई पन्नत्ता ४ ॥ सूत्रं १५१ ॥
कति णं भंते ! सरीरा पन्नत्ता ? गोयमा ! पंच सरीरा पन्नत्ता, तंजहा—
ओरलिए वेउठ्ठिए आहारए तेयए कम्मए १ । ओरालियसरीरे णं भंते ।
कइविहे पन्नत्ते ? गोयमा ! पंचविहे पन्नत्ते, तंजहा—एगिंदियओरालियसरीरे
जाव गम्भक्कंतियमणुस्संपचिंदियओरालियसरीरे य २ । ओरालियसरीरस्स
णं भंते ! केमहालिया सरीरोगाहणा पन्नत्ता ? गोयमा ! जहन्नेणं अंगुल-
असंखेज्जतिभागं उक्कोसेणं साइरेगं जोयणसहस्सं ३ । एवं जहा ओगाहणा-

संठाणो ओरालियपमाणं तद्वा निरवसेसं एवं जाव मणुस्सेति उक्कोसेणं
तिरण गाउयाइं ४ । कइविहे णं भते ! वेउव्वियसरीरे पन्नत्ते ? गोयमा
दुविहे पन्नत्ते, तंजहा-एगिदियवेउव्वियसरीरे य पंचिंदियवेउव्वियसरीरे
अ ५ । एवं जाव सणंकुमारे आदत्तं जाव अणुत्तराणं भवधारणिज्जा जाव
तेमिं रयणी रयणी परिहायइ ६ । आहारयसरीरे णं भते ! कइविहे पन्नत्ते ?
गोयमा ! एगाकारे पन्नत्ते, जइ एगाकारे पन्नत्ते किं मणुस्सआहारयसरीरे
अमणुस्सआहारयसरीरे ? गोयमा ! मणुस्सआहारगसरीरे णो अमणुस्स-
आहारगसरीरे ७ । एवं जइ मणुस्सआहारगसरीरे किं गव्वभवक्कं-
तियमणुस्सआहारगसरीरे संमुच्छिममणुस्सआहारगसरीरे ? गोयमा ! गव्वभं-
वक्कंतियमणुस्सआहारयसरीरे नो संमुच्छिममणुस्सआहारयसरीरे ८ । जइ
गव्वभवक्कंतिय०हारयसरीरे किं कम्मभूमिग०हारयसरीरे अकम्मभूमिग०-
हारयसरीरे ? गोयमा ! कम्मभूमिग०हारसरीरे नो अकम्मभूमिग०हारसरीरे
९ । जइ कम्मभूमिग०आहारसरीरे किं संखेज्जवासाउय०सरीरे असंखेज्जवा-
साउय०सरीरे ? गोयमा ! संखेज्जवासाउय०सरीरे नो असंखेज्जवासाउय-
०सरीरे १० । जइ संखेज्जवासाउय०सरीरे किं पज्जत्तय०सरीरे अपज्जत्तय
०सरीरे ? गोयमा ! पज्जत्तय०सरीरे नो अपज्जत्तय०सरीरे ११ । जइ
पज्जत्तय०सरीरे किं सम्मदिट्ठी०सरीरे मिच्छदिट्ठी०सरीरे सम्मामिच्छदिट्ठी
०सरीरे ? गोयमा ! सम्मदिट्ठी०सरीरे नो मिच्छदिट्ठी०सरीरे नो सम्मामिच्छ-
दिट्ठी०सरीरे १२ । जइ सम्मदिट्ठी०सरीरे किं संजय०सरीरे असंजय०सरीरे
संजयासंजय० सरीरे ? गोयमा ! संजय०सरीरे नो असंजय०सरीरे नो संजया-
संजय०सरीरे १३ । जइ संजय०सरीरे किं पम्मत्तसंजय०सरीरे अपम्मत्तसंजय-
०सरीरे ? गोयमा ! पम्मत्तसंजय०सरीरे नो अपम्मत्तसंजय०सरीरे १४ । जइ
पम्मत्तसंजय०सरीरे किं इड्ढिपत्त०सरीरे अणिड्ढित्त०सरीरे ? गोयमा ! इड्ढिपत्त-
०सरीरे नो अणिड्ढित्त०सरीरे १५ । वयणा विभाणियव्वा आहारयसरीरे

समचउरंससंठाणसंठिए, आहारयसरीरस्स केमहालिया सरीरोगाहणा पन्नत्ता ? गोयमा ! जहन्नेणं देसूणा रयणी उक्कोसेणं पडिपुणा रयणी १६ । तेआसरीरे णं भंते ! कतिविहे पन्नत्ते ? गोयमा ! पंचविहे पन्नत्ते, एगिंदिय-तेयसरीरे बितिजउपंचेदियसरीरे १७ । एवं जाव गेवेजस्स णं भंते ! देवस्स णं मारणंतियसमुग्घाएणं समोहयस्स समाणस्स केमहालिया सरीरोगाहणा पन्नत्ता ? गोयमा ! सरीरप्यमाणमेत्ता विक्खंभवाहल्लेणं आयामेणं जहन्नेणं अहे जाव विज्जाहरसेदीअो उक्कोसेणं जाव अहोलोइयग्गामाअो १८ । उड्डं जाव सयाइं विमाणाइं, तिरियं जाव मणुस्सखेत्तं १९ । एवं जाव अणुत्तरोववाइया एवं कम्मयसरीरं भाणियव्वं २० ॥ सूत्रं १५२ ॥ कइविहे णं भंते ! ओही पन्नत्ता ? गोयमा ! दुविहा पन्नत्ता, भवपच्चइए य खओवसमिए य, एवं सव्वं ओहिपदं भाणियव्वं १ । सीया य दव्व सारीर साया तह वेयणा भव्वे दुक्खा । अब्भुवगमुवक्कमिया णीयाए चेव अणि-याए ॥ १ ॥ २ । नेरइया णं भंते ! किं सीतं वेयणं वेयंति उसिणं वेयणं वेयंति सीतोसिणं वेयणं वेयंति ? गोयमा ! नेरइया णं सीतं वेयणं वेयंति उसिणं वेयणं वेयंति सीतोसिणं वेयणं वेयंति, एवं चेव वेयणापदं भाणि-यव्वं ३ । कइ णं भन्ते ! लेसाअो पन्नत्ताअो ? गोयमा ! छ लेसाअो पन्नत्ताअो, तंजहा-किरहा नीला काऊ तेऊ पम्हा सुक्का, एवं लेसापयं भाणियव्वं ४ । अणंतरा य आहारे आहाराभोगणा इय । पोग्गला नेव जाणंति, अज्झवसाणे य सम्मते ॥ १ ॥ ५ । नेरइया णं भंते ! अणंत-राहारा तअो निव्वत्तणया तअो परियाइयणया तअो परिणामणया तअो परियारणया तअो पच्छा विकुव्वणया ? हंता गोयमा ! एवं आहारपदं भाणियव्वं ६ ॥ सूत्रं १५३ ॥ कइविहे णं भंते ! आउगबन्धे पन्नत्ते ? गोयमा ! छव्विहे आउगबन्धे पन्नत्ते, तंजहा-जाइनामनिहत्ताउए गतिनाम-निहत्ताउए ठिइनामनिहत्ताउए पएसनामनिहत्ताउए अणुभागनामनिहत्ताउए

योगाहणानामनिहत्ताए १ । नेरइयाणं भंते ! कइविहे आउगवन्धे पन्नत्ते ? गोयमा ! छव्विहे पन्नत्ते, तंजहा-जातिनामआउगवन्धे, गइनामआउगवन्धे, ठिइनामआउगवन्धे, पएसनामआउगवन्धे, अणुभागनामआउगवन्धे, योगा-
 णानामआउगवन्धे, एवं जाव वेमाणियाणं २ । निरयगई णं भंते ! केवइयं
 कालं विरहिया उववाएणं पन्नत्ता ? गोयमा ! जहन्नेणं एककं समयं उक्कोसेणं
 वारस मुहुत्ते, एवं तिरियगई मणुस्सगई देवगई ३ । सिद्धिगई णं भंते !
 केवइयं कालं विरहिया सिज्झणयाए पन्नत्ता ? गोयमा ! जहन्नेणं एककं
 समयं उक्कोसेणं छम्मासे, एवं सिद्धिवज्जा उव्वट्टणा ४ । इमीसे णं भंते !
 रयणप्पभाए पुट्ठीए नेरइया केवइयं कालं विरहिया उववाएणं ? एवं
 उववायदंडयो भाणियज्जो उवट्टणादंडयो य ५ । नेरइया णं भंते ! जाति-
 नामनिहत्ताउगं कति आगरिसेहि पगरंति ? गोयमा ! सिय १ मिय २ ।
 ३।४।५।६।७। सिय अट्ठहिं, नो चेव णं नवहिं, एवं सेसाणवि आउगाणि
 जाव वेमाणियत्ति ६ ॥ सूत्रं १५४ ॥ कइविहे णं भंते ! संघयणे पन्नत्ते ?
 गोयमा ! छव्विहे संघयणे पन्नत्ते, तंजहा वइरोसभनारायसंघयणे रिसभ-
 नारायसंघयणे नारायसंघयणे अद्धनारायसंघयणे कीलियासंघयणे छेवट्ठ-
 संघयणे १ । नेरइया णं भंते ! किंसंघयणी ? गोयमा ! छराहं संघय-
 णाणं असंघयणी गोव अट्ठि गोव छिरा गोव राहारू, जे पोग्गला अणिट्ठा
 अकंता अप्पिया अणाएजा असुभा अमणुराणा अमणामा अमणाभिरामा ते
 तेसिं असंघयणात्ताए परिणमंति २ । असुरकुमारा णं भंते ! किंसंघयणा
 पन्नत्ता ? गोयमा ! छराहं संघयणाणं असंघयणी गोवट्ठी गोव छिरा गोव
 राहारू, जे पोग्गला इट्ठा कंता पिया मणुराणा मणामा मणाभिरामा ते तेसिं
 असंघयणात्ताए परिणमंति, एवं जाव थणियकुमाराणं ३ । पुट्ठीकाइया णं
 भंते ! किंसंघयणी पन्नत्ता ? गोयमा ! छेवट्ठसंघयणी पन्नत्ता, एवं जाव
 संमुच्छिमपच्चिन्दियतिरिक्खजोणियत्ति, गव्भववकंतिया छव्विहसंघयणी, संमु-

च्छिद्रमणुस्सा छेवट्टसंघयणी गम्भवकंतियमणुस्सा छव्विहे संघयणो पन्नत्ते,
जहा असुरकुमारा तहा वाणमंतरजोइसियवेमाणिया य ४ । कइविहे गां
भंते ! संठाणो पन्नत्ते ? गोयमा ! छव्विहे संठाणो पन्नत्ते, तंजहा—समचउरंसे
१ गिग्गोहपरिमण्डले २ साइए ३ वामणो ४ खुज्जे ५ हुँडे ६ ५ । गोर-
इया गां भंते ! किंसंठाणी पन्नत्ता ? गोयमा ! हुँडसंठाणी पन्नत्ता ६ ।
असुरकुमारा किंसंठाणी पन्नत्ता ? गोयमा ! समचउरंसंठाणसंठिया पन्नत्ता,
एवं जाव थणियकुमारा ७ । पुढवी मसूरसंठाणा पन्नत्ता, आऊ थिडुयसंठाणा
पन्नत्ता, तेऊ सूइकलावसंठाणा पन्नत्ता, वाऊ पडागासंठाणा पन्नत्ता, वणस्सई
नाणासंठाणसंठिया पन्नत्ता, बेइंदियतेइंदियचउरिंदिय-संमुच्छिद्रमपंचिंदियतिरिक्खा
हुँडसंठाणा पन्नत्ता = । गम्भवकंतिया छव्विहसंठाणा संमुच्छिद्रमणुस्सा हुँड-
संठाणसठिया पन्नत्ता, गम्भवकंतियाणां मणुस्साणां छव्विहा संठाणा पन्नत्ता,
जहा असुरकुमारा तहा वाणमंतरजोइसियवेमाणियावि १ ॥ सूत्रं १५५ ॥

कइविहे गां भंते ! वेए पन्नत्ते ? गोयमा ! तिविहे वेए पन्नत्ते, तंजहा—
इत्थीवेए पुरिसवेए नपुंसवेए १ । नेरइया गां भंते ! किं इत्थीवेया पुरिसवेया
णपुंसगवेया पन्नत्ता ? गोयमा ! णो इत्थीवेया णो पुंवेए णपुंसगवेया
पन्नत्ता २ । असुरकुमारा गां भंते ! किं इत्थीवेया पुरिसवेया नपुंसगवेया ?
गोयमा ! इत्थीवेया पुरिसवेया णो णपुंसगवेया जाव थणियकुमारा ३ ।
पुढवी आऊ तेऊ वाऊ वणस्सई बितिचउरिंदिय-संमुच्छिद्रमपंचिंदियतिरिक्ख-सं-
मुच्छिद्रमणुस्सा णपुंसगवेया, गम्भवकंतियमणुस्सा पंचिंदियतिरिया य
तिवेशा, जहा असुरकुमारा तहा वाणमंतरा जोइसियवेमाणियावि ४
॥ सूत्रं १५६ ॥ तेषां कालेणां तेषां समएणां कप्पस्स समोसरणां गोयव्वं
जाव गणहरा सावच्चा निरवच्चा वोच्छिणा जंबुदीवे गां दीवे भारहे वासे
तीयाए उस्सप्पिणीए सत्त कुलगरा होत्था तं—मित्तदामे सुदामे य, सुपासे य
सयंपभे । विमलघोसे सुघोसे य, महाघोसे य सत्तमे ॥ १ ॥ १ । जंबुदीवे

णं दीवे भारहे वासे तीयाए ओसप्पिणीए दस कुलगरा होत्था, तंजहा-
 सयंजले सयाऊ य, अजियसेणो अणंतसेणो य । कज्जसेणो भीमसेणो महाभी-
 मसेणो य सत्तमे ॥ २ ॥ दढरहे दसरहे सयरहे २ । जंबुद्दीवे णं दीवे भारहे
 वासे इमीसे ओसप्पिणीए समाए सत्त कुलगरा होत्था, तंजहा-पढमेत्थ
 विमलवाहण चक्खुम जसमं चउत्थमभिचंदे । तत्तो पसेणईए मरुदेवे चैव
 नाभि य ॥ ३ ॥ ३ । एतेसिं णं सत्तरहं कुलगराण सत्त भारिआ होत्था,
 तंजहा-चंदजसा चंदकंता सुरूवपडिख्व चक्खुकंता य । सिरिकंता मरुदेवी
 कुलगरपत्तीण णामाई ॥ ४ ॥ ४ । जंबुद्दीवे णं दीवे भारहे वासे इमीसे णं
 ओसप्पिणीए चउवीसं तित्थगराणं पियरो होत्था, तंजहा-णाभी य जिय-
 सत्तु य जियारी संवरे इय, मेहे धरे पड्डे य महसेणो य खत्तिए ॥ ५ ॥
 सुग्गीवे दढरहे विराहू वसुपूज्जे य खत्तिए । कयवम्मा सीहसेणो भाण
 विस्ससेणो इय ॥ ६ ॥ सूरु सुदंसणो कुंभे सुमित्तविजए समुद्विजये य ।
 राया य आमसेणो य सिद्धत्थेच्चिय खत्तिए ॥ ७ ॥ उदितोदियकुलवंसा
 विसुद्धवंसा गुणेहि उववेया । तित्थप्पवत्तयाणं एए पियरो जिणवराणं
 ॥ ८ ॥ ५ । जंबुद्दीवे णं दीवे भारहे वासे इमीसे ओसप्पिणीए चउवीसं
 तित्थगराणं मायरो होत्था, तंजहा-मरुदेवी विजया सेणा सिद्धत्था मंगला
 सुसीमा य । पुहवी लखणा रामा नंदा विराहू जया सामा ॥ ९ ॥ सुजसा
 सुव्वय अइरा सिरिया देवी पभावई उपमा । वप्पा सिवा य वामा तिसला
 देवी य जिणमाया ॥ १० ॥ ६ । जंबुद्दीवे णं दीवे भारहे वासे इमीसे
 ओसप्पिणीए चउवीसं तित्थगरा होत्था, तंजहा-उसभ १ अजिय २ संभव
 ३ अभिणंदण ४ सुमइ ५ पउमप्पह ६ सुपास ७ चंदप्पभ ८ सुविहिपुप्फ-
 दंत ९ सीयल १० सिज्जंस ११ वासुपुज्ज १२ विमल १३ अणंत १४
 धम्म १५ संति १६ कुंथु १७ अर १८ मल्लि १९ मुणिसुव्वय २० णामि
 २१ गोमि २२ पास २३ बह्ममाणो २४ य ७ । एएसिं चउवीसाए तित्थ-

गराणं चउव्वीसं पुव्वभवया णामधेया होत्था, तंजहा—पढमेत्थ वइरणाभे
 विमले तह विमलवाहरो चेव । तत्तो य धम्मसीहे सुमित्त तह धम्ममित्ते य
 ॥ ११ ॥ सुंदरवाहु तह दीहवाहु जुगवाहु लट्ठवाहु य । दिराणो य इंददत्ते
 सुंदर माहिंदरे चेव ॥ १२ ॥ सीहरहे मेहरहे रूपी अ सुंदसणो य बोद्धवे ।
 तत्तो य नंदणो खलु सीहगिरी चेव वीसइमे ॥ १३ ॥ अदीणमत्तु संखे
 सुंदसणो नंदणो य बोद्धवे ओसप्पिणीए एए, तित्थकराणं तु पुव्वभवा
 ॥ १४ ॥ ८ । एएसिं चउव्वीसाए तित्थकराणं चउव्वीसं सीयाओ होत्था,
 तंजहा—सीया सुंदसणा सुप्पभा य सिद्धत्थ सुप्पसिद्धा य । विजया य
 वेजयंती जयंती अपराजिया चेव ॥ १५ ॥ अरुणाप्पभ चंदप्पभ सूरप्पह अग्गि
 सप्पभा चेव । विमला य पंचवराणा सागरदत्ता य णागदत्ता य ॥ १६ ॥ अभय-
 कर निव्वुइकरा मणोरमा तह मणोहरा चेव । देवकुरुत्तरकुरा विसाल चंदप्पभा
 सीया ॥ १७ ॥ एआओ सीअओ सव्वेसिं चेव जिणवरींदाणं । सव्वजगवच्छ-
 लाणं सव्वोउगउभाए छायाए ॥ १८ ॥ पुव्वि ओक्खित्ता माणुसेहि
 साहट्ठु(ट्ठ) रोमकूवेहिं । पच्छा वहंति सीअं असुरिंदसुरिंदनागिंदा ॥ १९ ॥
 चलचवलकुंडलधरा सव्वद्विउव्वियाभरणधारी । सुरअसुरवंदिआणं वहंति
 सीअं जिणंदाणं ॥ २० ॥ पुरओ वहंति देवा नागा पुण दाहिणम्मि
 पासम्मि । पच्चच्छिमेण असुरा गरुत्ता पुण उत्तरे पासे ॥ २१ ॥ उसभो अ
 विणीयाए बारवईए अरिट्ठवरणेमी । अवसेसा तित्थयरा निक्खंता जम्म-
 भूमीसु ॥ २२ ॥ सव्वेऽवि एगदूसेण णिग्गया जिणवरा चउव्वीसं । ण य
 णाम अराणलिंगे ण य गिहिलिंगे कुलिंगे य ॥ २३ ॥ एको भगवं वीरो
 पासो मल्ली य तिहि तिहि सएहिं । भगवंपि वासुपुज्जो छहिं पुरिससएहि
 निक्खंतो ॥ २४ ॥ उग्गाणं भोगाणं राइराणाणं च खत्तियाणं च । चउहि
 सहस्सेहिं उसभो सेसा उ सहस्सपरिवारा ॥ २५ ॥ सुमइत्थ णिच्च भत्तेण
 णिग्गओ वासुपुज्ज चोत्थेणं । पासो मल्ली य अट्ठमेण सेसा उ

छट्टेणं ॥ २६ ॥ एएसिं णं चउव्वीसाए तित्थगराणं चउव्वीसं पढगभिक्षा-
 दायारो होत्था, तंजहा—‘सिज्जंस बंभदत्ते सुरिंददत्ते य इंददत्ते य । पउमे य
 सोमदेवे माहिदे तह सोमदत्ते य ॥ २७ ॥ पुस्से पुण्णव्वस्सू पुण्णण्णंद सुण्णंदे
 जये य विजये य । ततो य धम्मसीहे सुमित्त तह वग्गसीहे अ ॥ २८ ॥
 अपराजिय विस्ससेणो वीसइमे होइ उसभसेणो य । दिराणो वरदत्ते धणो बहुले
 य आणुपुव्वीए ॥ २९ ॥ एए विसुद्धलेसा जिणवरभत्तीइ पंजलिउडा उ ।
 तं कालं तं समयं पडिल्लामेई जिणवरिदे ॥ ३० ॥ संवच्छरेण भिक्षा
 लद्धा उसभेण लोयणाहेण । सेसेहि वीयदिवसे लद्धाओ पढम-
 भिक्षाओ ॥ ३१ ॥ उसभस्स पढमभिक्षा खोयरसो आसि लोगणाहस्स ।
 सेसाणं परमराणं अभियरसरसोवमं आसि ॥ ३२ ॥ सव्वेसिंपि जिण्णणं
 जहियं लद्धाउ पढमभिक्षाउ । तहियं वसुवाराओ सरीरमेत्तीओ बुद्धाओ
 ॥ ३३ ॥ ६ । एएमि चउव्वीसाए तित्थगराणं चउव्वीसं चेइयरुक्खा होत्था,
 तंजहा—णग्गोहमत्तिगराणो सले पियए पियंगु छत्ताहे । सिरिसे य णाग-
 रुक्खे माली य पिलंक्खुरुक्खे य ॥ ३४ ॥ तिदुग पाडल जंबू आसत्थे
 खलु तहेव दहिवराणो । णांदिरुक्खे तिलए अंवयरुक्खे असोगे य ॥ ३५ ॥
 चंपय वउले य तहा वेडसरुक्खे य धायईरुक्खे । साले य वड्डमाणस्स चेइय-
 रुक्खा जिणवरणं ॥ ३६ ॥ बत्तीसं धणुयाइं चेइयरुक्खो य वड्डमाणस्स ।
 णिच्चोउगो असोगो ओच्छराणो सालरुक्खेणं ॥ ३७ ॥ तिराणो व गाउ-
 थाइं चेइयरुक्खो जिणस्स उसभस्स । सेसाणं पुण्ण रुक्खा सरीराओ वारस-
 गुणा उ ॥ ३८ ॥ सच्छत्ता सपडागा सवेइया तोरणोहि उव्वेगा । सुरअसु-
 रगरुलमहिया चेइयरुक्खा जिणवरणं ॥ ३९ ॥ १० । एएसिं चउव्वीसाए
 तित्थगराणं चउव्वीसं पढमसीसा होत्था, तंजहा—पढमेत्थ उसभसेणो वीइए
 पुण्ण होइ सीहसेणो य । चारू य वज्जणाभे चमरे तह सुव्वय विदम्भे ॥ ४० ॥
 दिराणोय वराहे पुण्ण आण्णंदे गोथुमे सुहम्मे य । मंदर जसे अरिट्ठे चक्काइ

सयंभु कुंभे य ॥ ४१ ॥ इंदे कुंभे य सुभे वरदत्ते दिराण इंदभूर्दे य ।
उदितोदितकुलवंसा विसुद्धवंसा गुणोहि उववेया । तित्थप्पवत्तयाणां पढमा
सिस्सा जिणवराणां ॥ ४२ ॥ ११ । एणसि णं चउवीसाए तित्थगराणां
चउवीसं पढमसिस्सिणी होत्था, तंजहा-बंभी य फग्गु सामा अजिया कास-
वीरई सोमा । सुमणा वारुणि सुल(ज)सा धारणि धरणी य धरणिधरा
॥ ४३ ॥ पउम सिवासुयी(हा) तह अंजुया(दामणी) भावियप्पा य रक्खी य ।
बंधुवती पुप्फवती अज्जा अमि(ति)ला य आहिया ॥ ४४ ॥ जक्खीणी
पुप्फचूला य चंदणाज्जा य आहियाउ ॥ उदितोदियकुलवंसा विसुद्धवंसा
गुणोहि उववेया । तित्थप्पवत्तयाणां पढमा सिस्सी जिणवराणां ॥ ४५ ॥
गाहा १२ ॥ सूत्रं १५७ ॥ जंबूदीवे णं भारहे वासे इमीसे ओसप्पिणीए
वारस चक्कवट्टिपियरो होत्था, तंजहा-उसमे सुमित्ते विजए समुदविजए य
आससेणो य । विस्ससेणो य सूरु सुदंसणो कत्तवीरिए चेव ॥ ४६ ॥
पउमुत्तरे महाहरी, विजए राया तहेव य । बंभे वारसमे उत्ते, पिउनामा
चक्कवट्टिणं ॥ ४७ ॥ १३ । जंबूदीवे णं भारहे वासे इमीसे ओसप्पिणीए
वारस चक्कवट्टिमायरो होत्था, तंजहा-सुमंगला जसवती भद्दा सहदेवी
अइरा सिरिदेवी तारा जाला मेरा वप्पा चुल्लणि अपच्छिमा १४ ।
जंबूदीवे णं भारहे वासे इमीसे ओसप्पिणीए वारस चक्कवट्टी होत्था, तंजहा-
भरहो सगरो मधवं सणांकुमारो य रायसद्दूलो । संती कुंथू य अरो हवइ
सुभूमो य कोरव्वो ॥ ४८ ॥ नवमो य महापउमो हरिसेणो चेव रायसद्दूलो ।
जयनामो य नरवई, वारसमो बंदभत्तो य ॥ ४९ ॥ १५ । एणसि वारसराहं
चक्कवट्टीणं वारस इत्थिरयणा होत्था, तंजहा-पढमा होइ सुभद्दा भद्द सुणंदा
जया य विजया य । किण्हसिरी सूरसिरी पउमसिरी वसुंधरा देवी ॥ ५० ॥
लच्छिमई कुरुमई इत्थीरयणाणां नामां १६ । जंबूदीवे णं भारहे वासे
इमीसे ओसप्पिणीए नववलदेवनववासुदेवपितरो होत्था, तंजहा-पयावई

य वंभो सोमो रुद्रो सिवो महसिवो य । अग्निासिहो य दसरहो नवमो
 भणिचो य वसुदेवो ॥ ५१ ॥ १७ । जंबूद्वीवेणं भारहे वासे इमीसे ओस-
 पिणीए णव वासुदेवमायरो होत्था, तंजहा—मियावई उमा चेव पुहवी सीया
 य अम्मया । लच्छिमई सेसमई, केकई देवई तहा ॥ ५२ ॥ १८ । जंबूद्वीवेणं
 भारहे वासे इमीसे ओसपिणीए णवबलदेवमायरो होत्था, तंजहा—भदा तह
 सुभदा य, सुप्पभा य सुदंसणा । विजया वेजयंती य, जयंती अपराजिया
 ॥ ५३ ॥ णवमीया रोहिणी य, बलदेवाण मायरो १९ । जंबूद्वीवेणं भारहे
 वासे इमीसे ओसपिणीए नव दसारमंडला होत्था, तंजहा—उत्तमपुरिसा मज्झ-
 मपुरिसा, पहाणपुरिसा, ओयंसी तेयंसी वच्चंसी, जसंसी छांयंसी कंता, सोमा
 सुभगा पियदंसणा सुरुआ सुहसीला सुहाभिगमा सब्वजणाणयणाकंता
 ओहवला अतिवला महावला अनिहता अपराइया सत्तुमइणा रिपुसहस्स
 माणमहणा साणुकोसा अमच्छरा अचवला अचंडा मियमंजुलपलावहसिया
 गंभीरमधुरपडिपुराणसच्चवयणा अब्भुवगयवच्छला सराणा लवखणवज्जण-
 गुणोववेआ माणुम्माणपमाणपडिपुराणसुजायसव्वंगसुंदरंगा ससिसोमागा-
 रकंतपियदंसणा अमरिसणा पयंडदंडप्पभा(व्भा)रा गंभीरदरसणिजा तालछ-
 ओव्विच्छगरुल्लकेऊ महाअणुविकइया महासत्त साअरा दुद्धरा धणुद्धरा
 धीरपुरिसा जुद्धकित्तिपुरिसा विउलकुलसमुब्भवा महारयणविहाडगा
 अद्धभरहसामी सोमा रायकुलवंसतिलया अजिया अजियरहा हलमुस-
 लकणकपाणी संखचक्कगयसत्तिनंदगधरा पवरुज्जलसुक्कंतविमलगोत्थुभतिरी-
 डधारी कुंडलउज्जोइयाणाणा पुंडरीयणायणा एकावलिकगठलइयवच्छा सिरिव-
 च्छसुलंछणा वरजसा सब्बोउयसुरभिकुसुमरचितपलंबसोभंतकंतविकसंतविचि-
 त्तरमालरइयवच्छा अट्टसयविभत्तलक्खणपसत्थसुंदरविरइयंगमंगा मत्तगयव-
 रिंदललियविक्रमविलसियगई सारयनवथणियमहुरगंभीरकुंचनिग्घोसदुंदुभि-
 सरा कडिसुत्तगनीलपीयकोसेज्जवाससा पवरदित्तेया नरसीहा नरवई नरिंदा

नरवसहा मरुयवसभकप्पा अम्भहियरायतेयलच्छीए दिप्पमाणा नीलगपीयग-
वसणा दुवे दुवे रामकेसवा भायरो होत्था, तंजहा—तिविट्ठू जाव कराहे अयले
जाव रामे यावि अपच्छिमे ॥ ५४ ॥ २० । एएसि णं नवरहं बलदेववासु देवाणं
पुव्वभविया नव नामधेज्जा होत्था, तंजहा—विस्सभूर्इ पव्वयए धणादत्त समुह-
दत्त इसिवाले । पियमित्त ललियमित्ते पुण्णव्वसू गंगदत्ते य ॥ ५५ ॥ एयाइं
नामाइं पुव्वभवे आसि वासुदेवाणं । एत्तो बलदेवाणं जहकमं कित्तइस्सामि
॥ ५६ ॥ विसनंदी य सुवन्धू सागरदत्ते असोगललिए य । वाराह धम्मसेणे
अपराइय रायललिए य ॥ ५७ ॥ २१ । एएसिं नवरहं बलदेववासुदेवाणं
पुव्वभविया नव धम्मायरिया होत्था, तंजहा—संभूय सुभद सुदंसणे य सेयंस
कराह गंगदत्ते अ । सागरसमुहनामे दुभसेणे य णवमए ॥ ५८ ॥ एए धम्माय-
रिया किच्चीपुरिसाण वासुदेवाणं । पुव्वभवे एआसिं जत्थ नियाणाइं कासीय
॥ ५९ ॥ २२ । एएसिं नवरहं वासुदेवाणं पुव्वभवे नव नियाणभूमिओ
होत्था, तंजहा—महुरा य कणागवत्थू सावत्थी पोयणं च रायगिहं । कायंदी
कोसम्बी मिहिलपुरी हत्थिणाउरं च ॥ ६० ॥ २३ । एतेसिं णं नवरहं
वासुदेवाणं नव नियाणकारणा होत्था, तजहा—गावी जुवे (जाव माउआ)
संगामे तह इत्थी पराइओ रङ्गे । भज्जाणुराग गोट्टी परइट्ठी माउया इय ॥ ६१ ॥
२४ । एएसिं नवरहं वासुदेवाणं नव पडिसत्तू होत्था, तंजहा—अस्सग्गीवे
जाव (नारए भेरए महुकेढवे निसुंभे य । बलिपहराए तह रावणे य नवमे)
जरासंधे ॥ ६२ ॥ एए खलु पडिसत्तू जाव सचक्केहि ॥ ६३ ॥ एको य
सत्तमीए पंच य छट्ठीए पंचमी एको । एको य चउत्थीए कराहो पुण तच्च-
पुढवीए ॥ ६४ ॥ अणिदाणकडा रामा सव्वेऽवि य केसवा नियाणकडा ।
उड्डंगामी रामा केसव सव्वे अहोगामी ॥ ६५ ॥ अट्ठंतकडा रामा एगो
पुण वभलोयकप्पंमि । एकस्स गम्भवसही सिज्झिस्सइ आगमिस्सेणं ॥ ६६ ॥
२५ ॥ सूत्रं १५८ ॥ जंबूद्वीवे णं भारहे वासे इमीसे ओसप्पिणीए एरवए

वासे इमीसे ओसप्पिणीए चउव्वीसं तित्थयरा होत्था, तंजहा—चंदाणाणं
 सुचंदं अग्गीसेणं च नंदिसेणं अत्तसेणं च । इसिदिगाणं ववहारिं वंदिमो सोमचंदं
 च ॥ ६७ ॥ वंदामि जुत्तिसेणं (दाहवाहु, दीहसेणं) अजियसेणं (सयाउयं)
 तहेव सिवसेणं (सच्चसेणं सच्चइंच) । बुद्धं च देवसम्मं सययं निवस्वत्त(सेयंस)
 सत्थं च ॥ ६८ ॥ असंजलं जिणवसहं (सयंजलं) वंदे य अणंतयं अमिय-
 णाणि (संहसेणं) । उवसंतं च धुरयं वंदे खलु गुत्तिसेणं च ॥ ६९ ॥ अति-
 पासं च सुपासं देवसरवंदियं च मरुदेवं । निव्वाणगयं च वरं खीणदुहं सामकोट्टं
 च ॥ ७० ॥ जियरागमग्गिसेणं वंदे खीणारायमग्गिउत्तं च । वोक्कसियपिज्ज-
 दोसं वारिसेणं गयं सिद्धिं ॥ ७१ ॥ २६ । जंबूदीवे णं भारहे वासे
 आगमिस्साए उस्सप्पिणीए भारहे वासे सत्त कुलगरा भविस्संति, तंजहा—
 मियवाहणे सुभूमे य, सुपभे य सयंपभे । दत्ते सुहुमे सुबन्धू य, आगमिस्साए
 होक्खति ॥ ७२ ॥ जंबूदीवे णं दीवे आगमिस्साए उस्सप्पिणीए एरवए वासे
 दस कुलगरा भविस्संति, तंजहा—विमलवाहणे सीमंकरे सीमंधरे खेमंकरे
 खेमंधरे दढधणू दसधणू सयधणू पडिस्सूई सुमइत्ति २७ । जंबूदीवे णं दीवे भारहे
 वासे आगमिस्साए उस्सप्पिणीए चउवीसं तित्थगरा भविस्संति तंजहा-महापउमे
 सूरदेवे, सुपासे य सयंपभे । सव्वाणुभूई अरहा, देवस्सुए य होक्खई
 ॥ ७३ ॥ उदए पेढालपुत्ते य, पोट्टिले मत्तक्कित्ति य । मुणिसुव्वए य
 अरहा, सव्वभावविऊ जिणे ॥ ७४ ॥ अममे णिक्कसाए य, निप्पुलाए
 य निम्ममे । चित्तउत्ते समाही य, आगमिस्सेण होक्खई ॥ ७५ ॥
 संवरे अणियट्ठी य, विजए विमलेती य । देवोववाए अरहा, अणंतविजए
 इय ॥ ७६ ॥ एए बुत्ता चउव्वीसं भरहे वासम्मि केवली । आगमिस्सेण
 होक्खंति, धम्मतित्थस्स, देसगा ॥ ७७ ॥ २८ । एएसि णं चउव्वीसाए
 तित्थकराणं पुव्वभविया चउव्वीसं नामधेज्जा भविस्संति, तंजहा—सेणिय
 सुपास उदए पोट्टिल्ल अणुगार तह दढाऊ य । कत्तिय संखे य तहा नंद

सुनंदे य सतई(ए)य ॥ ७८ ॥ बोद्धवा देवई य सच्चइ तह वासुदेव बलदेवे ।
 रोहिणि सुलसा चेव तत्तो खलु रेवई चेव ॥ ७९ ॥ ततो हवइ सयाली
 बोद्धवे । खलु तहा भयाली य । दीवायणे य कणहे तत्तो खलु नारए
 चेव ॥ ८० ॥ अंबड दारूमडे य साई बुद्धे य होइ बोद्धवे । भावी तिथ-
 गराणं णामाई पुव्वभवियाई ॥ ८१ ॥ २१ । एएसि णं चउव्वीसाए
 तिथगराणं चउव्वीसं पियरो भविस्संति चउव्वीसं मायरो भविस्संति चउव्वीसं
 पढमसीसा भविस्संति चउव्वीसं पढमसिस्सणीओ भविस्संति चउव्वीसं
 पढमभिवखादायगा भविस्संति चउव्वीसं चेइयरुवखा भविस्संति ३० ।
 जंबुद्दीवे णं दीवे भारहे वासे आगमिस्साए उस्सप्पिणीए बारस चक्खट्टिणी
 भविस्संति, तंजहा-भारहे य दीहदंते गूढदंते य सुद्धदंते य । सिरिउत्ते
 सिरिभूई सिरिसोमे य सत्तमे ॥ ८२ ॥ पउमे य महापउमे विमलवाहणे
 (ले तह) विपुलवाहणे चेव । वरिट्ठे बारसमे वुत्ते आगमिसा भरहा-
 हिवा ॥ ८३ ॥ ३१ । एएसि णं बारसराहं चक्खट्टीणं बारस पियरो
 भविस्संति, बारस मायरो भविस्संति, बारस इत्थीरयणा भविस्संति ३२ ।
 जंबुद्दीवे णं दीवे भारहे वासे आगमिस्साए उस्सप्पिणीए नव बलदेववासु-
 देवपियरो भविस्संति, नववासुदेवमायरो भविस्संति, नव बलदेवमायरो
 भविस्संति ३३ । नव दसारमंडला भविस्संति, तंजहा-उत्तमपुरिसा मज्झिम-
 पुरिसा पहाणपुरिसा ओयंसी तेयंसी एवं सो चेव वराणओ भाणियव्वो
 जाव नीलगपीतगवसणा दुवे दुवे रामकेसवा भायरो भविस्संति, तंजहा-
 नंदे य नंदमित्ते दीहवाहू तहा महावाहू । अइवले महाबले बलभद्दे य
 सत्तमे ॥ ८४ ॥ दुविट्ठू य तिविट्ठू य आगमिस्साए वरिहणो । जयंते
 विजए भद्दे सुप्पमे य सुदंसणो । आणंदे नंदणो पउमे, संकरिसणो य
 अपच्छिमे ॥ ८५ ॥ ३४ । एएसि णं नवराहं बलदेववासुदेवाणं पुव्वभविया
 णव नामधेज्जा भविस्संति, नव धम्मायरिया भविस्संति, नव नियाणभूमीओ

भविस्सन्ति, नव नियाणकारणा भविस्सन्ति, नव पडिसत्तू भवस्सन्ति, तंजहा-
तिलए य लोहजंघे, वडरजंघे य केसरी पहराए । अपराइए य भीमे,
महाभीमे य सुग्गीवे ॥ ८६ ॥ एए खलु पडिसत्तू किक्कीपुरिसाण वासु-
देवाणं । सव्वेवि चक्कजोही हम्मिहिंति सचक्केहिं ॥ ८७ ॥ ३५ ।
जंबुदीवे एरवए वासे आगमिस्साए उस्सपिणीए चउव्वीसं तित्थकरा
भविस्सन्ति, तंजहा-सुमंगले अ सिद्धत्थे, णिव्वाणे य महाजसे । धम्मज्झए
य अरहा, आगमिस्साण होक्खई ॥ ८८ ॥ सिरिचंदे पुप्फकेऊ, महाचंदे य
केवली । सुयसागरे य अरहा, आगमिस्साण होक्खई ॥ ८९ ॥ सिद्धत्थे
पुराणघोसे य, महाघोसे य केवली । सच्चसेणे य अरहा, आगमिस्साण
होक्खई ॥ ९० ॥ सूरसेणे य अरहा, महासेणे य केवली । सव्वाणंदे य
अरहा, देवउत्ते य होक्खई ॥ ९१ ॥ सुपासे सुव्वए अरहा, अरहे य
सुकोसले । अरहा अणंतविजए, आगमिस्सेण होक्खई ॥ ९२ ॥ विमले
उत्तरे अरहा, अरहा य महाबले । देवाणंदे य अरहा, आगमिस्सेण
होक्खई ॥ ९३ ॥ एए बुत्ता चउव्वीसं, एरवयम्मि केवली । आगमिस्साण
होक्खन्ति, धम्मतित्थस्स देसगा ॥ ९४ ॥ ३६ । बारस चक्कवट्ठिणो भवि-
स्सन्ति, बारस चक्कवट्ठिपियरो भविस्सन्ति, बारस मायरो भविस्सन्ति, बारस
इत्थीरयणा भविस्सन्ति ३७ । नव बलदेवावासुदेवपियरो भविस्सन्ति, णव
वासुदेवमायरो भविस्सन्ति णव बलदेवमायरो भविस्सन्ति, णव
दसारमंडला भविस्सन्ति उत्तमपुरिसा मज्झिमपुरिसा पहाणपुरिसा
जाव दुवे दुवे रामकेसवा भायरो भविस्सन्ति, णव पडिसत्तू भविस्सन्ति,
नव पुव्वभवणामधेज्जा णव धम्मायरिया णव णियाणभूमीओ णव णियाण-
कारणा, आयाए एरवए आगमिस्साए भाणियव्वा, एवं दोसुवि आगमि-
रसाए भाणियव्वा ३८ ॥ सूत्रं १५८ ॥ इच्चेयं एवमाहिज्जन्ति, तंजहा-
क्कलगरवंसेइ य एवं तित्थगरवंसेइ य चक्कवट्ठिवंसेइ य गणधरवंसेइ य इसि-

श्रीमत्समवायाङ्गसूत्रम् :: अध्ययनं १]

[५५७]

वंसेइ य जइवंसेइ य मुणिवंसेइ य सुएइ वा सुअंगेइ वा सुयसमासेइ वा सुयखं-
धइ वा समवाएइ वा संखेइ वा सम्मत्तमंगमक्खायं अज्झयणान्तिवेमि ३६
॥ सूत्रं १५६ ॥ इति समवायं चउत्थमंगं समत्तम् ॥४॥

॥ इति समवायाङ्ग-सूत्रम् ॥४॥

(ग्रन्थाग्रं १६६७)

॥ चतुर्थं
श्रीमत्समवायाङ्ग-सूत्रं
समाप्तम् ॥

इति श्रीमदागमसुधासिन्धौ
प्रथमो विभागः समाप्तः ॥

